





Early European Books. Copyright © 2012 ProQuest LLC.
Images reproduced by courtesy of The Wellcome Trust, London.
5491/A





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5491/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5491/A





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5491/A


5491/A


3
Staley
001

16. a. 11315









ARTIS
BENE MEDENDI
METHODVS GENERALIS.

*Per IO ANNE M RIOLANVM
Patrem, Parisiensem Medicum.*

Hac postrema editione aucta, pluri-
misque mendis vindicata.



PARISIIS,
Apud LVDOVICVM BOVLLENGER,
viâ Iacobæâ, infra S. Yuonem.

M. DC. XXXVIII.

Cum gratia & priuilegio Regis.





SENATVI

PARISIENSI

IO. RIOLANVS

SANITATEM.

NON est mirum (Patres equissi-
mi) si maiores nostri in publicis
conuiujs decantarent: O Sani-
tas, tu maximum hominibus bonum!
detracta enim sanitate, quid potest in hac vita
esse gratum & iucundum?

Viuere non est, sed valere vita.
Fingite, si placet, Cræso, non Cyri, sed morbi
tyrannide oppresso, Deum sanitatis aut opu-
lentiæ liberam dedisse optionem: cui dubium
est eum bona fortunæ cum summo corporis be-
no facile permutaturum? At medicina est ars

ā ij

EPISTOLA.

*seruanda & restituenda sanitatis, praesentem
 quippe seruat, & absentem reducit : Itaque
 certum est quantum erat olim studium sanita-
 tis, tãto in honore fuisse medicinam. Sed enim,
 si quis hostem ciuitatis interfecisset, commen-
 dabatur encomio publico, erantque Romano-
 rum, vt Atheniensium, legibus, tyrannicidis
 statuta præmia: Atqui morbus est summus &
 capitalis hostis ciuitatis, isque non externus,
 sed civilis, necciivilis modò, sed domesticus,
 quem omnes cuiuscumque sint sexus, sortis
 & ætatis, natura duce refugiunt: non est
 monstrum immanius, non crudelior tyran-
 nus, nullus denique nostræ vitæ capitalior ini-
 micus. Ergo si quis Hercules inuictum hoc
 genus monstri doceat arte superare, si Apollo
 aut Æsculapius aliquis sese vobis offerat, qui
 iuratum hostem humanæ naturæ & vestræ
 ciuitatis crudelissimum tyrannum recipiat iu-
 gulandum, nonne vobis erit ἀλεξίκακος & tu-
 relaris Deus? At medicus ipso etiam nomine
 est morbicida, non fumiendulus Chymista,*

EPISTOLA.

qui suo stibio morbos deploratos suscipit sanandos: non circunforaneus circulator, qui vanis pollicitationibus plebeculam miserè ludificat, & imposturis muliercularum loculos exhaurit: non ambitiosus chirurgus, qui sola operatione animosus, medici titulo insolefcit, ac si interiores affectus sensu cognoscantur, & manus opera curentur: non futilis seplasiarius, qui nulla temperamenti, ætatis, sexus, nulla consuetudinis & habitus corporis, nulla temporis habita ratione, remedium quod vni & alteri profuit, quasi omnium hominum vna & eadem sit natura, ad quosuis promiscuè accommodat, vnòque calapodio, vt est in prouerbio, omnes calceat. Quibusdā odore solo, quinimò sola apprehensione cathartici aluus commouetur, alijs cassia, etiam mediocri quantitate sumpta mortem attulit: quæ in dolore capitis, propterea quòd fumos excitat & ad caput mittit, nec non in imbecillitate intestinorum, quia lubrica, plurimum nocet. Agaricus est medicina domestica, atque, si credimus Auicennæ,

E P I S T O L A.

cardiaca : ventriculo tamen infirmo , nausea-
bundo, colicis doloribus obnoxio, & in princi-
pio morborum phlegmaticorum tutò & sine
periculo non datur. Rhabarbarum, benignum
& pueris innoxium medicamentum, quia fu-
mosum, in doloribus capitis vitandum, nisi
aqua endiuiae aut violarum temperetur; eiús-
que astringens substantia plurimis morbis est
incommoda, cùmque perhibeatur vita hepatis,
eius tamen calidioris mors est. Senna facit tor-
mina nisi corrigatur, nectantùm flatulentis,
sed etiam valde siccis natura noxia. Tantùm
refert ad bene medendum ἰατροῦς ἔργα, id est
propriam aegrorum, morborum & medicamen-
torum naturas cognouisse: quas cùm ex animi
sententia ingeniosissimus Auërròis non asse-
queretur, medicinam, cuius erat peritissimus,
non est ausus exercere : Ægyptij, vt est a-
pud Herodotum, cum intelligerent esse tam
difficile ex arte mederi, quàm pulchrum &
humanae vitæ necessarium, singularum par-
tium morbis proprios medicos deuouerunt, ne

EPISTOLA.

pluribus intentus, in vna minùs excelleret: &
 impunè nugiuenduli sophistæ in luce mundi, in
 emporio bonarum artium, vobis conuiuenti-
 bus, exigua pyxide se conclusa tenere morbo-
 rum omnium remedia per compita iactabunt?
 Duo sunt lumina faciendæ medicinæ tam ne-
 cessaria, vt eorum altero citra manifestam iac-
 turam sanitatis medicus carere non possit, ra-
 tio & experientia. Vtrumque per se indigens,
 alterum alterius auxilio viget: per se naturâ-
 que suâ fallacem experientiam regit ratio, ra-
 tionem vicissim experientia confirmat: quæ ni-
 hil est aliud, quam operatio inartificiosa vsu
 solo comprobata: At Philosophi quod fit sine
 arte temerarium appellant, idque solum bene
 fieri, quod fit consilio & ratione totius populi,
 hoc est Dei, voce iactatur: Quousque ergo
 ἀλόγως & inertes Empiricos feretis? Nun-
 quamne bonarum artium ignaros sufflones
 extra pomæria vestræ ciuitatis amandabitis? vt
 is solus pro medico habeatur, qui Philologiæ,
 & Philosophiæ, præsertim naturalis, peritus,

EPISTOLA.


causas & signa morborum cognoscat, qui humani corporis principia & elementa, humores, spiritus, singularum partium usum & temperamentum, animæ facultates & functiones non ignoret: qui aëris, cibi, potus, exercitationis, perturbationum somni, vigiliae: excretionis, retentionis mediocritatem sanis & aëris ex arte præscribat, quique remediorum tam simplicium quàm compositorum vires & utendi modum habeat in numero. Credite mihi, Patres, Andabatarum more, clausis oculis cum hoste naturæ pugnat, quicumque istorum ignarus facit medicinam, nullusque medicus dici meruit, qui minimum istorum ignorat. Quod nemini obscurum erit, qui summa medendi capita à nobis breuiter & perspicuè quatuor libris comprehensa attentè legerit. Quorum primo, tria medico esse præcognoscenda demonstro, antequam de remedio cogitet, partem affectam, causam, & speciem morbi, eorumque cognoscendorum artem breuiter expono: deinde ut inueniendum sit medicamen-

EPISTOLA.

tum & inuentio prudenter utendum, maxima, ni fallor, facilitate explico. Secundus liber generum morborum, Similaris, organici, communis, generalia & indefinita remedia indefinitè explicabit. Tertius, interiorum partium particulares morbos & propria remedia demonstrabit. Quartus externos morbos, externaque remedia declarabit. Quos sub vestri nominis auspicijs in vulgus emitto, ut vestrum nomen sit terrori impostoribus, qui in vestrorum ciuium vitam impunè grassantur, faciuntque per mortes experimenta.



INDEX
CAPITVM,
GENERALIS
METHODI
MEDENDI.

 Vrandorum morborū prima capita, partem affectam qua produnt : modi & causa compassionis.	pag. 1
Partis affecta primum argumentum ab actione laesa.	5
Partis affecta secundum argumentum à dolore.	8
Partis affecta tertium argumentum ab excretis.	10
Partis affecta quartum & postremum argumentum à retentis.	12
De causa morbi.	13
De specie morbi.	28
Predictionum in morbis summa capita.	23
Qua methodo inveniendum sit proprium & conueniens morbo remedium.	26
De usu inuenti remedij.	31
Tempus remedij, ut arte & prudentia sit deligendum.	32
De quantitate remediorum.	34

INDEX.

<i>Dosis cholagogon simplicium & compositorum quæ sunt in frequentiore usu.</i>	37
<i>Dosis phlegmagogon.</i>	38
<i>Dosis melanagogon.</i>	38
<i>De utendi modo.</i>	41
<i>De remedijs quæ sumuntur forma liquida, apozemate, syrupo, julapio, potu, infusione.</i>	43
<i>De remedijs quæ sumuntur forma sicca: pulvere, trochiscis, tabellis, catapotijs.</i>	48
<i>De his quæ forma media & consistente assumuntur.</i>	50
<i>De clystere.</i>	51
<i>De remedijs delectu.</i>	55
<i>Therapeuticen totam in duobus capitibus consistere, Indicationibus, & Remedijs: remediorum generalis diuisio.</i>	59
<i>Pro exemplo morbi similis seu intemperiei, febris proponitur, ex Galeno libro de differentiis morborum.</i>	63
<i>De febre Ephemera.</i>	66
<i>Morborum à sanguine generalia remedia, sub synochi exemplo declarantur.</i>	68
<i>Morborum à bile generalia remedia, sub exemplo febris biliosa intermittentis.</i>	71
<i>Morborum à pituita generalia remedia, sub exemplo febris pituitosa.</i>	77
<i>De hemitritao, seu semitertiana.</i>	81
<i>Morborum à melancholia, communia remedia, sub exemplo febris quartana.</i>	83
<i>Morborum ab inanitione generalia remedia sub exemplo febris hectica.</i>	80
<i>Morborum malignorum, venenatorum, contagiosorum, pestilentium communia remedia.</i>	91

INDEX.

De morbis conformationis.	94
De soluenda obstructione.	99
De sistendo fluore.	105
De morbis in numero.	110
De morbis aucta & imminuta magnitudinis.	110
De solutione continui quadam prasciend.	115
De ulcere.	117
De tumoribus præter naturam, ac primum de phlegmone.	122
De abscessu.	127
De erysipellate.	128
De œdemate.	130
De emphysemate seu pneumatosi.	133
De tumore aqueo.	136
De scirrho.	137
De tumore atrabilario, ut cancro apostemoso.	139
De elephantiasi.	140
De lue venerea.	147
De vulneribus, quorum differentia, causa, & eventus paucis explicantur.	152
Vulneris simplicis communis & ordinaria curatio.	154
Curatio vulneris compositi, inflammati, contusi, im- emperati, dolorosi, aut quod adiunctam habeat conuul- sionem, febrem, syncopen.	157

FINIS.



GENERALIS METHODI

MEDENDI,

LIBER PRIMVS.

CVRANDORVM MORBORVM
prima capita.

Partem affectam quæ produnt.
Modi & causæ compassionis.

SECTIONIS PRIMÆ

CAP. I.



EDICVS vocatus ad ægrum, im-
primis obseruet partem affectam, *Morbidi-*
vbi est sedes morbi; deinde cau- *gnosis.*
sam, postea speciem morbi, quo-
rum per propria signa dignotio.
temporis nuncupatur; prima & præcipua pars

A

Generalis methodus

Medicinæ, quia facilius est curare morbum, quàm dignoscere. Medicus qui potest dignoscere, inquit Hippocrates *libro de arte*, potest sanare; qui potest difficilius, facilius poterit. His cognitis, quærat remedium morbo & ægri naturæ accommodatum. Inuentum prudenter utatur. His capitibus, veluti finibus, primus liber *Synopsis Therapeutica* concludetur.

Partis affectæ signa.

Pathognomonica.

Partem affectam, si sit interior, neque pateat sensibus, hæc indicabunt; Situs partis, in dissecto cadauere diligenter obseruandus: Actio læsa (ea enim pars per se, aut per consensum laborat, cuius functio læsa est:) Dolor, ibi enim morbus ubi dolor: Excreta, retenta; sunt enim naturalis œconomie fideles internuntij; dejectiones v. g. loturæ carniū recens mactatarum similes, hepar malè affectum, certò denuntiant: Adde propria accidentia, seu signa Pathognomonica: quorum alia solitaria concludunt, ut genæ rubræ pulmonis: alia coniuncta, ut febris acuta, dolor pungens in latere, & difficultas spirandi cum tussi, pleuræ inflammationem. Non est negligendus ægri decubitus: Nam si exterior sit affectus, grauius in partem affectam decumbit: si interior, melius, quia pendulum viscus dolorem ingeminat.

Quot modis pars vna alteri cõpatitur.

Imprimis verò cõtèmpletur si pars affecta per se primò, an per consensum laboret. nam parti primò laboranti primùm succurrendum est, quia quæ condolebunt, illà percuratâ conualescent. Tribus autem modis vna pars alteri compatitur. Viciniâ, operis vel generis societate, & communione vaforum.

bene medendi.

Propter viciniam vterus compatitur vesicæ & recto intestino, vicissimque hæc vtero, vnde tenesmi, stranguriæ & suppressiones urinæ per consensum. Ab inflammato recto intestino & vtero stranguria, inquit Hippocrates, compatiente vesica. Læditur etiam respiratio, ventriculo, liene aut hepate malè affectis, quia hæ partes sunt connexæ diaphragmati. Ventriculus compatitur intestinis & gulæ propter continuitatem. Itaque ad viciniam pertinent contiguitas, continuitas, cohesio, & quæ medio aliquo copulantur: Hoc modo cerebrum consentit vtero per spinam cui alligatur, inde dolor occipitis mulieribus tam frequens vt nil magis. Eadem causa inguina compatiuntur vtero: alligatur enim lumbis & ossi sacro.

Operis vero societate condolent mamma vtero, pulmo auribus. pulmo enim loquitur, sermo ex auditu, hinc rursus qui durius aures scalpunt, compariante pulmone; & peripneumonia, parotide salutariter terminatur. Generis phisici, seu materiæ similitudine, condolet nervosum nervoso.

Propter communionem vasorum ventriculus cōsentit cordi per aortam & venam cavam, inde syncope stomachica. Cerebro per nervos sextæ coniugationis, vnde dolor capitis per consensum ventriculi, & vomitus læso cerebro aut meningibus: Iecori per portam: Lieniper venam, quæ melancholicum humorem eò transmittit ad appetentiam excitandam.

Ceterum positiuè aut priuatiuè fit omnis compassio: Positiuè, re aliqua ex vna parte ad

Vicinia.

Aph. 58 5.

Operis, vel

Generis societate.

Communione vasorum.

Vas breue.

Sympathia directæ.

ad positiuam.

Priuationa.

*Hip lib. de
alim.*

*Affectus
primarij
& secundarij
signa.*

alteram delata, vt spiritu, vapore, qualitate, facultate: sic cerebrum compatitur ventriculo fumanti: Priuatione, non affluente eo quod affluere debet, quæ sympathia incompleta dicitur ab Auicenna. Cur apoplectici difficillimè spirant? quia impeditur influxus animalis facultatis ab insigni obstructione cerebri. Cur luxata spinæ parte superiore, brachia: inferiore, crura resoluuntur? priuatione facultatis motricis. *Conspiratio & confluxio vna, compatiens omnia.* Conspirant partes per intermedios spiritus & confluxum humorum, vtroque modo compatiuntur inuicem, vnâque alterius condolet calamitati.

Duobus signis deprehendetur affectus per consensum: si alteri superuenerit, vt febris inflammationi, cephalæa cardiogmo: aut si cum altero intendatur & remittatur, sic dignoscitur suffusio per consensum. Faciamus nauseam, acidum aut nidorulentum ructum, dolorémque stomachi consequutam cephalalgiam: non erit dubium eam per consensum ventriculi accidisse. Augebitur coniectura, si cum dolore ventriculi augeatur & minuatur: Affectus enim primarius cōtinenter affligit: Secundarius per interualla, neque præcessit affectus, cuius comes putetur.

PARTIS AFFECTAE
primum argumentum, ab
actione lesa.

C A P. II.

AD morbos arte & methodo curandos, non satis est nouisse tres esse differentias actionum, sed earum sedes & instrumenta tam prima quàm secunda præscienda sunt, vt animalis principium esse cerebrum, cor vitalis, hepar naturalis. Ad animale pertinere, sensum, motum, imaginationem, discursum, memoriam: adde si vis respirationem. Ad vitalem, arteriarum & cordis pulsationem. Ad naturalem, nutritionem, accretionem, & procreationem. Ad nutritionem referri attractionem, retentionem, coctionem, & reliquiarum alimenti excretionem. Non est etiam ignorandum sensum fieri emissio animali spiritu ab anteriore parte cerebri ad sensoria per sensificos & molles nervos. Motum, eodem à parte postica ad musculos influente per duros & motorios, qui originem habent à spinæ medulla: Animam imaginari in anterioribus ventriculis cerebri, in medio cogitare, in postremo recordari, temperaturæ cerebri & spiritus animalis auxilio. Cor simul & arterias dilatari, vt aër per os & nares inspiretur, atque per cutem transpiret, vndique autem trahi vt temperet ardorem cordis: comprimì verò, vt fuligo per eosdem du-

*Facultatis
animalis
actiones.*

Vitalis.

Naturalis.

*Sensus
quomodo
fiat.*

Motus

*Principes
actiones.*

*Pulsatio &
eius finis.*

*Respiratio-
nis usus &
finis.*

*Instru-
menta.*

At ut excludatur: respirationem lenem fieri à solo diaphragmate, vehementem qualis efflatio, (quæ fit denso & multo spiritu confertim erumpente) musculorum thoracis ministerio, affluente de cerebro animali facultate. Internis enim dilatatis, inspiramus: externis compressis, expiramus: Internos appello, qui replent interstitia costarum; externos, qui illis incumbunt. Cum thorace dilatatus pulmo, per asperam arteriam haurit spiritum, cuius qualitate potius quam substantia cor fruatur. Sunt ergo quatuor instrumenta respirationis, Aspera arteria, Pulmo, Diaphragma, & costarum muscoli.

Nutritio fit sanguine ad singulas partes veluti per tubos ab hepate deriuato: est enim opifex sanguinis, venæ eiusdem distribuendi media & instrumenta. Partes, quarum publicum est officium, neque sibi tantum, sed etiam aliis natae sunt, trahunt rectis fibris, retinent obliquis, expellunt transuersis.

*Origine mali
parsque
affecta ut
investiganda
motus
laxo.*

Quibus positis & constitutis, si sensus vni duntaxat particulæ eripitur, nervum malè affectum esse, aut sensorium laborare coniectura est: si totum corpus stupidum reddatur, in principium ipsum, nempe cerebrum (quod est primum & commune sensorium) causa referenda est. Si pars aliqua priuatur motu, musculus aut nervus motorius, huius mali autor perhibetur; forte tamen non in ipso nervo, sed in origine nervi vitium est: ea enim vertebra luxata ex qua ducit originem, vis motrix non infuit: qua methodo gloriatur Galenus se mul-

eos paralyticos sanitati restituisse, ad motis ad
 originē nerui, nō ad partem resolutā remediis,
 cū audiisset illos ex alto in dorsum cecidisse.
 Si quis artus mouere nequeat, solūmque caput
 inflectat, ceruicis vertebrae laborare certum
 est: si ne caput ipsum moueat, cerebrum malè
 affectum est: Tota manus resoluitur affectā
 quintā vertebrā. At sextā & septimā, brachij
 primæ partes manēt illæ sæ; manifestius si octa-
 ua laborer. Sola memoriā læsā, occiput laborat,
 illique admoueri debent remedia: corrupta
 imaginatione, incipit: vitiata ratione, in
 vertice fons est mali. Si eger conqueratur de
 spirandi difficultate, enumeratione partium
 quibus respiramus querenda est pars affecta,
 estque illa definienda remotione aliarum. Si
 pulsus à mediocritate recessit, cor per se, aut per
 consensum laborat, consentit autem omnibus
 ferè partibus per arterias. Si corpus non nutri-
 tur omnino, aut malè nutritur, (hoc cachexiā,
 illud atrophiam vocamus) hepar malè habere
 suspicamur. Si verò pars aliqua non nutritur,
 aut obstructæ sunt venæ per quas excipit ali-
 mentum, aut quod illa sit imbecillior, non tra-
 hit, non retinet, non coquit, non expellit. Cæ-
 citas visum; surditas auditum; cruditas ven-
 triculum malè affectum; cibi fastidium, stoma-
 chum laborare certò demonstrant: Quid mul-
 ta? qui ex Physiologia didicerit singularum
 partium vsum & actionem, neque ignoret qui-
 bus medijs & instrumentis vnaquæque perfici-
 atur, ad hanc artem facilem habebit aditum.
 Qui verò ea ignorant empirici, curant ex

*Hæc Arabum do-
 ctinā re-
 dolēt, Ga-
 leno con-
 trariam.*

*Physiologia
 quid iuuat
 in curando.*

eventu, non arte & consilio.

*PARTIS AFFECTAE
secundum argumentum, à dolore.*

C A P. III.

*Dolor
quid.*

Dolor est tristis sensus & naturę molestus. Molestia accidit soluta continuitate partium, aut eadem affatim alterata: dolorificū enim dicitur, quod subito naturam partis immutat, aut eius continuitatem soluit.

*Alterationis
causa.*

Alteratur intemperie, præsertim calida aut frigida: humor enim & siccitas sunt qualitates partibiles, habentque lentam & ignauam operationem. Dolor autem fit membro confertim, non sensim alterato: nam si partes valde refrigeratas confertim calefacias, insignem dolorem excitabis: Intemperies verò hectica, quia fit sensim, est indolens. Quod si cui videatur humor tendēdo, siccitas conuellendo, & rumpendo, dolorem facere: Respondendum, hoc inanitioni, illud plenitudini tribuendum: Atque etiam si quando humor pungit, hoc facit quia talis, calidus, putris, acer, mordax, non per se & natura sua: neque enim datur humidum aut siccum ad tertium gradum, quod non sit calidum aut frigidum. Itaque quo iure Aristotel. ex quatuor primis qualitatibus duas efficaces constituit, calorem & frigus; totidem partibiles, humorem & siccitatem, eodem Galenus dolorificam alterationem in calidam & frigidam intemperiem

reiecit, quarum cōparatione humida & sicca, ut sunt inefficaces, sic indolentes.

Soluitur continuum quinque modis, vulnerrando, rodendo, tendendo, comprimendo, conuellendo.

Dolor autem quidam pungit, alius sensum infert grauitatis: alius tensiuus, alius pulsatorius, alius acutus. Punctorius est proprius membranae, non tamen conuenit omni: nam quæ ossibus non alligantur, ut quæ pulmonem, cor, iecur & vesicam inuoluunt graui dolore vexantur, non pungente. Hoc signo peripneumonia & hepatitis discernuntur à pleuritide dextrilateris: nam in pleuritide sentitur dolor pungens, propter inflammata membranam quæ cohæret ossibus; in pulmonis verò & hepatis inflammationibus, dolor grauis. Dolor pulsans ostendit arteriam premi. Si pars acuto & vehementi dolore cruciatur, exquisiti est sensus, non obtusi. Acuti sensus sunt oculi, cerebrū, membrana, stomachus, uterus, & partes nervosæ. Obtusum habent sensum, cor, hepar, pulmo. Renes ambigunt, nam in venis, arteriis, tunica succingente, & in exortu oueterum, acutus: in carne, obtusus dolor percipitur. Cervix vesicæ exquisitè sentit, non vesica, fortè propter meatus angustiam & transitus difficultatem; doloris ergo magnitudo collum, non vesicam affici declarabit.

*Solutionis
continui.*

*Doloris
species &
differen-
tia.*

*Puncto-
rius.*

*Pulsato-
rius.*

Acutus.

Obtusus.

PARTIS AFFECTÆ

tertium argumentum, ab excretis.

CAP. II. III.

Excreta
diuersi ge-
neris.

Quod excernitur, aut est toto genere præter naturam, vt calculi, vermes: Aut de substantia partis affectæ: vt si in dysenteria, vlcerati intestini ramenta secedunt: Aut parti adnatum, vt pinguedo crassioribus intestinis, illa enim natura pinguedine illeuit, vt facilis & lubrica via fæcibus pateret: Aut coctionis excrementum, stercus primæ, lotium secundæ, sudor tertiæ. Semen, & menstruus sanguis. quantitatis tantum ratione sunt excrementa. Excernuntur etiam flatus & humores, critiche vel symptomaticæ; humores inquam tam naturales, vt sanguis & pituita dulcis, quam qui sunt præter naturam, pituita vitrea & gypsea, bilis vitellina, æruginosa, glastea.

Sanguis è
faucibus
procedit
screando;
è cerebro
fluendo; è
thorace
tussiendo;
è ventricu-
lo & hepa-
te vomen-
do.

Considerandum autem imprimis, quod excernitur, si quale, quantum, quâ viâ, quomodo & quando decet excernatur, obseruata consistencia. Vt si sanguis per os reddatur, procedatne è faucibus, cerebro, thorace, an ex ventriculo. Si per muliebria, ex vtero, an à vesica: si enim vomitu redderetur, affectum esse ventriculum constaret: si tussiendo, thoracem vel pulmonem. Vter verò affectus sit, sic distinguas. Pulmo, quia neruus illius tantum superficiem attingit, substantiam haud peruadit, non

habet sensum nisi grauius. Thorax verò, quia totus osseus & nervosus, exactè sentit. Itaque si indolenter reddatur, de pulmone: si cum dolore, de thorace procedit. Ad hæc pulmonis vasa sunt maiora, sanguis biliosus & spirituosus. Ergo si multus, tenuis, ruber, spumans eiicitur: quis dubitet vas aliquod in pulmone? Si verò paucus, crassus, & liuidus, in thorace, apertum, ruptum, vel exesum? Age verò, faciamus per aluum pinguedinem secessisse, suspicio est incipientis vlceris in crassis intestinis, quæ tum vlcerata esse constabit, quando secedent abrasiones tunicarum. Cùmque crassioris intestini crassior, tenuioris tenuior sit substantia, ab ex-
Excretorè dignotio quantum conferat.
 ceteris quodnam vlceratum sit quis non facile coniecerit? quod ad medendi rationem & ad prædictionem, non parum conducit: crassiorum enim intestinorum vlcus, per sedem iniectis: tenuiorum verò, sumptis per os remediis commodiùs curatur: & crassiorum intestinorum vlcera faciliùs sanantur quàm tenuium, ieiuni autem vlcus lethale. Vlceratum autem aliquod è tenuibus intestinis certius erit, si pus
An vlcerata tenuia, an crassa intestina.
 aut sanies permisceantur fecibus; vt aliquod è crassis, si separatim deiciantur. Sed caue ne puris & pituitæ similitudine decipiaris. Quod vt
Pus, & pituita in excretis vt discerneda.
 auertas, iube ægrum deicere, aut in morbis renum vel vesicæ, mingere in matula aqua tepida semiplena. Si quod eiicitur petat fundum, pus est. Nam phlegma, quia flatulentum & viscidum, innatat: pus, adustione graue, deprimi-
 tur. Aut in prunas proiciatur pituita enim vt pus, non foeret. Item puris color est cinericius,

Excreta
variarum
partium.

pituitæ albus. Præterea pituita, quia lenta & viscida, non patitur se diuidi: puris autem diuisæ partes à se inuicem abscedunt, quod in alijs morbis, ut pulmonis & vteri, diligenter obseruandum (ut sit hoc semel & obiter dictum.) Pergamus. Si caro cum lotio reddatur, vlcus est in renibus: si arenæ in matula subsident, suspicio est calculi renalis: si per vulnus chylus exit, aut cibus, venter perforatus est: si fæces, aliquod ex intestinis: si vrina, vesica aut oureter. Huc referre possis coniecturam ab adnato, ut si fungus exoriat vulnere capite, meningem affectam esse certum est.

PARTIS AFFECTAE
quartum & postremum argumen-
tum, à retentis.

CAP. V.

Vesica af-
fecta sedes
ut dignos-
cenda.

CONqueritur aliquis de suppressa vrina? Iube illum sedere, contra pubem: si ex circumscripto tumore vesicam plenam sentias, obstructio est non in renibus aut oureteribus. neque enim conflueret lotium in vesicam; sed in vesica ipsa, collo, aut ouretra. Vtrum horum obstruatur Chirurgus deinde cathetere explorabit, cuius ingressum si sentiat impediri, malum est in ouretra. Ad hæc Platonis, & Arist. diuino præcepto, quærendæ sunt imprimis rerum differentium similitudines, similium differentiarum; mentitur autem sæpè colicus dolor nephri-

ticum, qui à retentis discernuntur, nam in nephritide vrina cum difficultate redditur, aluus fluit; in coli dolore aluus sistitur, vrina fluente: sic pars affecta simul & species morbi dignoscuntur. Quod dictum sit gratia exempli: hinc enim generalem duntaxat & indefinitam methodum curandorum morborum docere, & primos signorum fontes explicare proposui: plura suppeditabit, quæ in aliis libris tradetur specialior doctrina.

Doloris colici & nephritici differentia.

DE CAUSA MORBI.

Sectio secunda.

DOCTÈ, si quid aliud, scripsit Herophilus, oportere medicum, quæ, qualis, & quantitas sit causa morbi prius agnoscere, quam de remedio cogitet, quia non potest curari morbus, nisi remota causa; non potest remoueri, nisi cognoscatur. Illa autem aut est externa seu procatactica, aut interior, eaque antecedens, quæ primùm fecit & fouet morbum: Aut coniuncta, quæ immediatè morbum facit; ea si posita ponat, sublata tollat morbum, continens distinctius & magis propriè nominatur. De externa primùm medicus sit sollicitus, licet enim remedio non oppugnetur, ad interioris tamen cognitionem maximi est momenti.

Eiusdem est artis nosse causas & remedia morborum. Hippo. lib. de arte.

Si constet de præcedente diata, (quæ quidem sex rebus quas vulgus non naturales appellat, continetur) medicus magno labore leuabitur, habebitque iam dimidiū facti. Cum enim sint

*his & effe-
ctus rerum
non nati-
valium.*

*Earū me-
diocritas
unde esti-
manda.*

neuræ & adiaphoræ, bene videnti, salubres & sanitatis conseruatrices causæ; malè videnti, insalubres & morbi effectiuæ, de singulis ægrum percontemur. Aër iusto calidior inspiratus, alimenti, medicamenti aut veneni calidioris vsus, motus vehementior, ira, vigilia, excernendorum retentio, vt lotij, stercoreis, sudoris, aut consueta & solennis alicuius vacuationis, vt menstrui & hæmorrhoidum: contactus calidorum, vt aeris, aquæ, balnei, admoti medicamenti, vt confectionis ex anacardis: calidos gignunt morbos. Aër verò & alimenta iusto frigidiora (memineris autem definendam esse mediocritatem ægri natura, non absolute & perse) longior somnus, otium, metus, retinendorum, vt seminis & sanguinis, quin etiam excrementorum omnium immoderata profusio, propter inanitionem spirituum: contactus frigidorum: frigidos gignunt morbos. Morbi sicci, calidos, humidi frigidos vt plurimum comitantur: calor enim diuturnitate vel subito incremento accersit sibi sociam siccitatem, frigus verò, quia parens cruditatum, humiditatem. Sunt qui causas morborum, & modos remediorum his quatuor capitibus concludunt: Assumptis, admotis, agendis, educendis.

Internæ causæ sunt duæ, humores & spiritus: quantitate peccantes, aut qualitate; totidem modi, congestio & fluxio. Peccant quantitate, si excedant aut deficient: natura enim temperie, temperies mediocritate definitur. Plenitudinem præcedunt otium & crapula, eandem

sequuntur torpor & dolor grauians : Inanitionem, inedia, & vehementior tam animi quam corporis motus antecedunt, eandem macies *Interna causa mouetur ab externis.* comitatur : Cacochymiam parit aeris & alimenti praua qualitas, adiunant raritas cutis vel densitas, rara enim externis, densa internis patet iniuriis : nam si corpus liberè non perspiret, & sanguis non diffletur, si fuligine non expurgetur, nascitur putredo, obstructionis soboles.

Cum ergo, vt dixi, interiori morbi causam exterior prodat, hanc primùm medicus diligenter sciscitetur, considerato imprimis habitu patientis: si pinguis an macilentus, carnosus an gracilis. Deinde affectus simplices, presertim colorem contempletur: refert enim cutis colorem humoris toto corpore dominantis, flauus color bilem, niger melancholiam, albus pituitam, ruber sanguinem exuperare ostendit, cuius varietate tumorum differentie discernuntur. Idem in excretis diligenter obseruandus; nam sputum rubrum pleuritidem esse a sanguine, flauum, a bile, album, a pituita, nigrum a melancholia indicat, pallidum pituitam bili aut sanguini permixtam. Urinae rubrae redduntur sanguinis permixtione, nigrae, melancholiae, flauae, bilis; albae, pituitae, & cruditatis: quorum varia permixtione variè colorantur. Non aliter deiectiones colore produnt humorem peccantem. Nec est negligendus deiciendi modus: sonorae enim deiectiones sunt a flatu, flatus ex pituita ab imbecillo calore.

A retētis tam certa ducitur coniectura, quàm *A retentis.*

ab excretis: nam si consueta & solennis aliqua vacuatio supprimatur, vt menstrui aut hamorrhoidum, habemus causam & originem morbi: si alicuius coctionis excrementum præter consuetudinem retinetur, lotium, stercus, sudor, causa morbi, si non coniuncta, saltem antecedens intelligitur: retentæ enim faeces, fumos ad caput mittunt, vnde dolor capitis, vertigo: si iuuenis vidua suffocetur ab utero, accusanda retentio seminis insueta, præsertim si menses pro more fluxerint.

*A dolore.
Pungente.*

Tensiuo.

Phlegmonoso.

Pulsatorio.

*Dignotio
cause à spe-
cie doloris.*

Dolor quoque detegit causam morbi, nam si pungat, est analogus lassitudini vlcerosæ, indicatque copiam humoris acris & mordacis. Tensiuus plenitudinem arguit, si cum grâuitate, humoris; cum leuitate, flatus. Phlegmonosus, cum æger membra veluti contundi & ossa sibi frangi putat, ὀσσεόπον propterea vocat Galenus, plethoram simul & cacochymiam multam. Dolor pulsans indicat à copia sanguinis arteriam premi. Faciamus ergo quempiam de lassitudine conqueri, considerandum erit, si sit spontanea, & à causa interna, non externa, vt exercitatione vehementiore: tuncque per singulas species tacita mente discurrendum. Si cutem dicat sibi veluti acu pungi, vlcerosa est; ab humore vt plurimum bilioso, rariùs à pituita salsa & putri: si sentiat in membris tētionem, subest plenitudo humoris flatulenti: si contundi membra existimet, multus humor subest, usque crassus & frigidus, qualis pituitosus aut melancholicus. Pituita enim & melancholia non valdè acutos dolores inferunt, partim quòd

quod crassitie sua obstruunt & sensum partis impediunt (impedito enim sensus & caloris cōmeatu pars obtusè sentit) partim quod illam frigore stupefaciunt: Itaque acutissimi, vt arthritici dolores, neque fiunt à pituita, neque à melancholia, nisi bili aut flatibus permixta: argumentum est quod his discussis reliquus totus sit indolens. Morbus ipse est index suæ causæ, vt febris tertiana, bilis exuperantis, Quotidiana pituitæ, Quartana melancholiæ, Inflammatio sanguinis, Erysipelas bilis, Oedema pituitæ, Scirrhus melancholici, cancer atrabiliarij succi.

Morbi species, causam indicat.

A iuuantibus, quoque & lædentibus certa & causæ morbificæ, & speciei morbi sumitur coniectura. Intemperies enim omnis similibus læditur, gaudet contrariis: calidus morbus refrigerantia postulat, frigidus calfacientia: propterea Hippocrates iubebat foris causam simul & speciem morbi explorare in doloribus lateris.

Non est ignoranda consequutio morborum: nam sæpe vnus alterius est causa. Si cui brachiū resoluitur, interrogandus est an apoplexia prius laborarit, sæpe enim desinit in paraplegiam: si sit Empyicus, num prius angina, pleuritide, aut peripneumonia vexatus sit; his enim morbis succedit empyema: si tabescat, an sanguinem expuerit, nam ad sputum sanguinistabes: si hydropis incipientis aut cachexiæ iam appareant signa, querendum si insignialiqua & longa fluxione laborarit, vt hemorrhagia, dys-

Morbi secundario succedentes.

enteriæ aliqua specie, gonorrhœa, diarrhœa; nam diarrhœam biliosam dysenteria comitatur, humoris acrimonia abrasis intestinis; dysenteriam tenesmus, quinetiam intestinorum vi & temperie tandem exoluta, lienteria: Pruritus scabies sequitur, vertiginem epilepsia, epilepsiam melancholia, febres erraticas quartanæ, nephritim arthritis, & contra, materia hinc illuc translata.

DE SPECIE MORBI.

Sectio tertia.

Methodus
deorum
donum.

Species morbi arte & methodo diuina deprehenderetur, quam Plato, in *Phylabo*, scribit esse donum Deorum, vnâ cum Promethei lucidissimo igne in terras demissum. Quærendum imprimis coniunctum genus morbi: nam sumptum cum parte affecta definiet morbum. sic Aristot. docuit accidentia πρώτοις δευτεροίς, id est subiectis quibus primò per se insunt, definire. Quoties igitur actionem partis manifeste læsam videris, eandem morbo tentari affirmabis: ecce primum & summum genus. Considerandum deinde si actionem partis, vt similis est, lædat; an eiusdem vsum, quatenus alicuius functionis est instrumentum, peruertat: an vtrûque simul, hoc est sitne morbus similis, organicus, an communis. Similis morbus, intemperies vocetur: simplex, vel composita. Simplex, calida, frigida, humida, sicca. Composita,

Morborum
differētia.

calida humida, frigida sicca. Nuda, vel cum materia; sanguine, pituita, aqua, flatu, alterutra bile.

Instrumentum, partisve usus, laeditur, vitio conformationis, magnitudinis, numeri, situs. Conformationis vitia sunt, in figura, meatu, laxitate, & asperitate quæ sunt species subalterna morbi organici, vt dictæ intemperies morbi similis. Vt enim pars similis sana est & actiones integras edit: trahit, retinet, coquit, & excernit, quæ temperata, & usu suo probe defungitur; instrumentum quod est iuxta magnitudinis, partibus constat nec pluribus, nec paucioribus quam cohueat, eisque bene sitis & connexis, item quod à natura fuerit bene conformatum: ita pars similis laborat si intemperata, instrumentum male affectum est, si male conformatum partes similes, ex quibus constat, bene sitas & cohærentes non habet, easque in magnitudine aut numero peccantes.

Instrumentum quot modis laeditur.

Solutionem continui diuidunt, tumores præter naturam, vlcera, vulnera, luxationes, fracturæ, quæ singula minutius subdiuiduntur: Tumorum enim multæ sunt species. phlegmone, œdema, erysipelas, scirrhus, emphysema quibus definite cognitis proximum genus morbi innoscit: quod si coniunxeris partis affectæ, habebis morbi, quamuis innominati perfectam definitionem. Faciamus, exempli gratia, inflammari membranam cerebri per se primò, cerebrum per consensum: hæc species morbi, à symptomate, phrenitis vocabitur. Querentique

Diuisio solutionis continui.

Cuiuslibet morbi definitio unde constanda.

*Angina
4. species
à parte
affecta.*

quid phrenitis, si responderis, esse inflammatio-
nem membranarum cerebri: veram definitio-
nem, nempe genus proximum, cum parte pri-
mò affecta, responderis. Esto inflammatus ocu-
lus per consensum adnatæ, ophthalmia erit, vt
angina, inflammatio muscutorum laryngis
interno rum cynanche, externorum synanche,
partium quæ antestant internis, paracynanche:
earum vero quæ externis, parasynanche. (Hic
velim lectorem obiter notare, quantus fuerit
veterum labor in distinguendis & definiendis
morbis. Species autem & definitiones vique
adeo differētes natas esse ex dissimilitudine par-
tium affectarum.) Perge: Inflammatio pulmo-
nis, peripneumonia: hepatitis, hepatitis, pleuræ,
pleuritis dicitur, à partibus affectis deducta ap-
pellatione: Inflammatio glandularum bubo,
(sic enim Hippocrates vocat glandulas) earum
quæ sunt pone aures (quæ sunt emissaria cere-
bri) parotis: earum quæ sunt sub alis, (vbi
sunt emunctoria cordis!) bubo, vt plurimum
pestilens: earum quæ ad inguina (quæ sunt
emissaria hepatis) veneris, nisi benignus, criti-
cus, & salutaris fuerit.

Reliquæ partes corporis auris, ventriculus,
diaphragma, vesica, inflammari etiam possunt,
non sunt tamen illis imposta propria nomina,
forte ne infinitate morborum lectoris animus
obrueretur: adde quòd omnes iisdem fere re-
mediis curantur, quantitate & forma remedij,
pro natura & situ partis, prout suo loco docebi-
tur, immutata. Vsurpamus autem in illis defi-

gnādis definitionem loco nominis seu definiti. Nam quoties dico phlegmonem vesicæ hac definitione, speciem exprimo morbi nondum nominati quod erit definiendis singularū partium morbis breuissimum compendium. Nam cerebri, exempli gratia, quiuis morbus necessario similis est, instrumentarius, vel communis: Esto similis, discurrendum per omnes intemperiei differentias, ut illa sumpta cum cerebro constituat & definiat quæ sitam speciem morbi.

Viden' quanti sit hæc doctrina momenti ad bene medendum: Principium medendi, inquit Galenus, est cognitio morbi, minimusque error commissus illius ignorance, ut si quis phrenitim pro mania curaret, maximus est in fine. Morbus cognoscitur ex parte affecta & genere coniuncto: nulla enim rerum notio certior est, quam definitio. Atqui docuimus ut pars affecta deprehendi possit, exposuimus quoque methodum inueniendi verum & proximum genus morbi, ergo iam habemus plusquam dimidium facti: Ad hæc effectus est signum suæ causæ, ex sensibilibus enim cognoscuntur intellectilia. Atqui symptoma est primus effectus morbi: itaque discurrendum per symptomatum genera, actionem læsam, excretorum, retentorumque ametriam, & affectus simplices. Morbi species, inquit Gal. *lib. 3. de crifib.* ex symptomatibus dignoscitur, eiusdem magnitudo ex eorum magnitudine: veteris v. g. intemperiem frigidam humidam cerebri ostendit, vigilia calidam siccam; dolor detegit causam simul & speciem morbi; si tussiendo ex-

*Definitio-
nis necessi-
tas.*

*Ab effectus
causa nos-
citur.*

cretus sit multus sanguis, phthisis coniecitur; si loturæ carniū similis per sedem redditur, hepatis imbecillitas arguitur; genæ rubræ peripneumoniam indicant quid multa? symptomata morbi genus demonstrabunt.

*Cur primis
subiectis nō
semper de-
finimus.*

Dicer aliquis. Si vnaquæque species morbi primo subiecto finire debeat, cur phlegmone ex materia, tumor a sanguine; œdema, tumor a pituita definitur? Respondet Arist. 6. metaph. cap. 1. quod si singulorum accidentium cognitum haberemus proprium & primum subiectum, quomodo species est subiectum suæ proprietatis, haud dubie, eo commodissime finirentur, quia idem est principium essentiæ quod existentia: sed quia plurimorum prima subiecta ignorantur, cogimur ea suis causis, physica, materia & efficiente; ethica, suo fine, definire. Atqui tumorum præter naturam non est definitum subiectum: omnes enim partes illi sunt obnoxia.

*Canon ad
definiendū.*

Itaque hoc generale sit præceptum, morbos omnes, si fieri possit, definiendos esse primis subiectis, alioquin pro illis substituendam esse materiam, aut efficientem. Quod postea notum erit, dum lib. secundo, genera; lib. tertio, species morborum definientur.

PRAEDIATIONVM IN
morbis summa capita.

VT intelligatur communes fere esse fontes prognoseos atque diagnoseos, operæ pretium existimaui contrahere in pauca, & veluti ob oculos ponere medicæ diuinationis summa capita. Hippoc. vocat πρὸρροαυ, præuisionem futuri euentus morbi. Vt in aëre numquam tēpestas oritur, inquebat Diocles, quam non signa quædam præmonstrent: ita hominem non inuadit morbus, qui non possit aliquo signo præuideri. Monendus autem medicus, vt nihil est gloriosius quàm futura præuidere, & euentum morbi prædicere, ægri enim pluris faciunt medicum qui præuiderit exitum morbi: eoque modo à vulgi calumnia liberatur, ita nil esse fallacius, nilque periculosius: ob id quamdiu humor est in motu, suspendendum esse iudicium, quia dubium est quam in partem sit fluxurus, nobilem vel ignobilem: forasne an intro, per conuenientes ductus, an naturæ & humori contrarios. Quinimò etiam si parti sit infixus, & appareant signa coctionis, conualiturum ægrum non affirmabit, nisi simul adiiciat, dum nihil superuenerit, vt triste nuntium, (propter quod insomnis eger redditur) egerque bene monenti paruerit, & ex præscripta formula vixerit.

vt gloriosum rectè prædicere, ita turpe & periculosum inprognosi falli.

Ad prædicendum vero contempletur impri-

Observanda

B iiii

Pars affecta.

mis partem affectam, si sit princeps, an ignobilis: publica an priuata: quia principum, quin etiam publicarum partium, vt ventriculi & pulmonis, morbi sunt periculosi. Etiam si per se sint exigui, tamen ratione partis affectæ, cuius vsus toti est necessarius, sunt magni. Deinde speciem, magnitudinem & cacoëthiam morbi. Alii enim sunt longi, alii breues; alii benigni, alii maligni; multi sunt insanabiles, vt elephantiasis, cancer, apoplexia fortis, marasmus, scirrhus confirmatus. Alii raro & difficillime persanantur, vt vlcus pulmonis. Alii sunt periculosi, vt febris continua. Alii securi, vt tertiana.

Causa.

Observanda etiam atque etiam causa: nam morbi ab atra aut æruginosa bile, lethales: à pituita & melancholia longi: à bile acuti & difficilis iudicii, propter humoris inconstantiam.

Excreta, retenta.

Consideranda etiam excreta & retenta, tam communia, vt lotium, faeces & sudores; quam particularia, vt sputū in pleuritide & peripneumonia: apparentibus enim signis coctionis vtriusque materiæ, morbificæ & antecedentis, nemo vnquam mortuus est: fieri tamen potest vt coniuncta materia cocta, æger moriatur, antecedente incocta: nam apud Hip. in ancilla

Concocta materia quandoque mori potest æger.

pastoris, & Cratistona cta parotidibus suppuratis, nihilominus interierunt. Maximè omnium iuuat explorare vires ægri naturales, vitales animales, easque cum morbo comparare: nam si paulatim concidant, malum: si recuperentur, bonum: Actiones primum animales obseruabis: Si constet mente (delirare enim

bene medendi.

25

malum:) Si liberè spiret morbo ingrauescente.
Si sensus habeat integros morbo decresciente.
Deinde vitales, expulsi: qui vitæ ac mortis fi-
delis est nuntius. Naturales verò, vt appetere &
se bene habere ad ea quæ offeruntur, bene co-
quere: quod vrinæ & deiectiones indicabunt.





DE REMEDIO,

SECTIO QVARTA.

*QVA METHODO INVE-
niendum sit proprium & conueniens
morbo remedium.*

C A P. I.



INVENIENDVM remedium quod
profligando morbo conueniat, in-
uento prudenter vtendum. Inue-
niri autem poterit spectata causa
& qualitate morbi: quia enim re-
mediis contrariis oppugnandus est, calidus fri-
gidis, frigidus calidis, ei qui genus morbi noue-
rit, non erit difficile proprium & accommoda-
tum morbo remedium inuenire, si modò gene-
ra & vires medicamentorum non ignoret: quã-
doquidem, vt dicitur, dignotio morbi est in-
uentio remedii: Contraria voco, quæ distent à
medio pari gradu, vt morbus ad tertium gra-
dum calidus, eodem gradu frigidis expugnetur:
nam si infra modum ea exhibeas, periculum est

*Morbus re-
medium
indicas.*

ne supersint morbi reliquæ quæ recidiuam faciant: si vltra, ne nouum morbi genus priori contrarium importunè inducas. Simplicium itaque remediorum qualitates veluti in tabella tibi ipse describe (nolo enim actum agere) vt habeas communes locos, ad quos cùm vsus postulabit confugas. Illæ autem vel sunt manifestæ, vel occultæ. Manifestæ sunt quatuor primæ, calor, frigus, humor, siccitas, & quæ ex primis, mediâtè, vel immediâtè oriuntur: actiones enim habent satis perspicuas, nec de earum causa dubitatur: At occulta qualitate Agaricus trahit pituitam, Rheum bilem. Asplenium lienî, Agrimonia jecori, peculiariter profunt. Vngula Alces, Epilepsiæ; Saxifraga calculo, Arthritica arthritidi: Occultiore medentur physica amuleta, vt pæonia appensa; ineffabili, verba & characteres, quibus, cùm sint quantitates, etsi nullam vim inesse Peripaterici existiment: quia tamen plures sanat, in quem plures fidunt, dici que vix potest quantum possit ad sanitatem recuperandam de medico & remedio anticipata opinio, si quidem phantasia habet imperium in spiritus & humores, morborum parentes; ego non puto illorum vsu esse interdiciendum, nocere enim non possunt, sæpe per accidens & ex euentu profunt. Theologi tamen eorum vsu interdiciunt, quia dæmonum occulta virtute fieri existimant. Beato Augustino o videtur tacitum pactum cum dæmone.

Porro maiores nostri, quorum vigiliis excultam habemus artem medendi, non contenti fuerunt scripsisse, hoc esse calidum, illud

Remedia morbo a-quanda.

Qualitates medicamentorum duplices.

Verbis & characteribus an vlla vis insit.

& an licita.

*Non tantū
qualitati
sed etiam,
magnitu-
dini morbi
debet esse
analogum
remedium.*

*Varij scopi
pro condi-
tione ma-
teria.*

frigidum, sed calidorum & frigidorum qua-
tuor gradus constituerunt, vt morbus à suo
contrario facilius vinceretur: quinimò cuius-
que gradustres ordines, principium, medium,
& finem descripserunt. Ne quis autem existi-
met solam intemperiem curari contrario, pla-
cet primum faciendæ medicinæ principium
scriptum ab Hipp. *lib. de statibus*, & à Galeno
lib. de constitutione artis, demonstratum, genera-
lium morborū inductione breuiter declarare.

Morbus est similis, organicus aut commu-
nis. Hic, solutio continui vulgo nominatur: cu-
ius curandi vnicus est, isque contrarius scopus,
nempe vnio. Intemperies vel est nuda, vel cum
materia. Illa suo contrario alteranda, calida fri-
gido; humida sicco. Si materia corrupta fuerit,
illicò vacuetur; si cruda, coquatur; si crassa, in-
cidatur & tenuetur; si tenuis, incrassetur; si len-
ta, detergatur: denique, nisi quid instet, ad va-
cuationem præparetur: si pestilens, venenata,
& deleteria, alexiteriis malitia retundatur.

Morbus organicus, aut est in numero, ma-
gnitudine, situ, conformatione. Morbus confor-
mationis in figura, meatu, asperitate, læuitate.
Atqui morbi numeri & magnitudinis eodem
ferè modo curatur. Vt enim aucta magnitudo,
exempli gratia, caro supercrescēs exedentibus,
cauterio aut scalpello minuenda; imminuta ve-
rò, vt vulneris aut vlceris magni cavitās, sarco-
ticis & alimentis boni succi augenda: ita pars
superflua, vt sextus digitus, aut tertius testis,
si manifestè incommodet actioni (alioquin si-
natur) remoueri debet; quæ ad vsum necessa-

ria desideratur, si fieri possit, arte resarciatur, saltem aliquid simile, ut callus pro deperdito osse, cicatrix pro cute, substituatur: pro vero dente ad vocis dearticulationem, quidam utuntur eburneo, alij ad decorem, oculo caprillo vacuum replent orbitam. Non desunt qui truncas nares (vulnus inhonestum) ut reparent, *Paraus, Taliaco-* brachium cauant parte musculosa, & in vulnus *tius.* illico reliquam nasi portionem immittunt: appulsu enim & concretionem sanguinis ad partem, regeneratur quidem nasus, sed valde deformis, qualis elephantici, quia imbecillus calor non potuit illum cute contegere, tolerabiliorem amen cautate.

Morbi situs & connexionis, veluti luxationes & hernie, etiam contrario curantur: nam si intestinum aut omentum in scrotum exciderit, dilatato aut rupto peritonæo, reponendum *Contrarie-* est; deinde aliquo astringente, ut emplastro *tas ut* contra rupturam, & subligaculo continendum: *adhibenda* si forte fluxione aut cōgestionem membrum ali- *in morbis* quod luxetur, ut femur ischiadico dolore, ab- *situs &* sumendus humor digerentibus, atque vacuan- *connexio-* dus: si violenta impulsione loco motum fuerit, *nis.* intendendo atque in contrarium impellendo, reponatur.

Morbi in meatu sunt, angustia & obstructio, *In angu-* hæc detergentibus & aperientibus tollatur, *stia & ob-* aut transponatur: lapis urinæ meatus ob- *structione.* struens, si elatis crutibus ægrum succutiendo, aut cathetere, dimoveatur, præsens erit remedium: sed ad integram sanitatem, incisione & extractione est opus. Angustiores meatus

dilantentur, latiores astringantur.

*In asperi-
tate.*

In lassitate.

Morbus asperitatis læuigetur, læuitatis exasperetur. Quæ enim partes naturæ instituto sunt læues, vt lingua & arteria, si exasperentur, lenientibus humidis, iisque lentis non mordacibus; syrupis, eclegmatis, naturæ suæ restituantur; Quæ verò debent esse asperæ, vt ventriculus & vterus ad retinendum, si iusto læuiores reddantur, vt fit in lienteria, humor lentus detergendus iis quæ parum astringant. Cuti duræ emollitio, tensæ relaxatio. Nónne vides labori quietem, vigiliis somnum, tristitiæ eam animi iucunditatem, quæ ex sermonibus, actionibus, spectaculis percipitur, remedio esse? Ergo morbi omnes contrario curantur.

*Paracelsus
ref. lli-
sur.*

*Ordo indi-
cationum.*

Sit hoc primum inueniendi remedii principium, quod in genere breuiter declaratum, sequentibus libris singulorum morborum & remediorum comparatione fiet notius. Velim interea lectorem obseruare, quam absurdè Paracelsus suæ medicinæ contrarium iecerit fundamentum: morbos omnes sanari similibus. Quòd si contrariorum contraria sint consequentia, sanitas autem seruetur similibus, quis non videt morbos abigendos esse contrariis? Nónne morbus, cum sit hostis naturæ, se depellendum indicat? At simile non agit in simile, contrario igitur profligandus. Indicatio prima sumitur à morbo, secunda à viribus; seruandæ vires, tollendus morbus: Vires seruantur alimento, morbus tollitur medicamento, alimentum oportet esse simile, medicamentum dissimile.

DE VSV INVENTI
remedij.

CAP. II.

PArum prodest inuenisse remedium, nisi inuento prudenter vti possimus: Medicos enim videas solertes & ingeniosos, quibus sylua remediorum suppetit, quę tamen sine delictu & inconsulto dispensant: alios quibus maturum est iudicium, sed habent pauca, quamuis selecta remedia: perpauci sunt ingeniosi simul & prudentes: nescio enim quo modo fit, vt in his ferę desideretur iudicium, qui valent ingenij promptitudine. Arte igitur supplendus est naturę defectus, inuentionis celeritas iuanda est artificioso commentario remediorum; consilij verò maturitas, tribus circumstantiis veluti finibus circumscribenda: quanto, quando, & quomodo. Tale enim remedium, puta calidum vel frigidum; phlegmagogon, melanagogon, vel cholagogon vsurpare, est opus inuentionis, considerata (vt dixi) causa & genere morbi. At illud iusta quantitate dispensare, conueniente formula prescribere, & quando decet offerre: iudici, atque prudentiæ; quod esse difficile non sine causa monuit Hippocrates. Imò Aristoteles 6. ethic. cap. 9. cum ait. Mel, Vinum, Veratrum, adustionem, incisionem scire per facile est. Sed quonam modo ad sanitatem efficiendam, cui & quando sint tribuenda, tanta est

Ingenij
promptitu-
do & pru-
dentiā raro
simul iun-
ta.

difficultas scire, quanta est medicum esse. Nobis itaque de singulis ordine differendum est, initio ducto à tempore.

TEMPVS REMEDII,
vt arte & prudentia sit deli-
gendum.

CAP. III.

Hipp. ait
opportuni-
tatem esse
animam
curationis.

Sapienter Plato, si quid aliud, in humanis id solum bene fieri scribit, quod sit opportune: est enim occasio domina rerum agenda-
tum.

— Data tempore profunt,

Et data non apto tempore queque nocent.

Prissanâ nil est ægris conuenientius, si tamen detur intempestiue, est exitialis: vt primo acutorum scripsit Hippocrates: Medici qui Eudemo exhibuerunt Theriacam paulò ante paroxysmum, ex simplici quartana duplicem fecerunt; vt est lib. ad Posthumum. Ecce, ne longius exempla petantur, quis non videt quantum hodie peccetur in ægrorum diæta atque therapia? In paroxysmo non est nutriendus, minus purgandus æger. Obseruandum tempus quo morbus remittit, si non intermittit. Quiescendum die critico, quia periculum est ne natura occupata in materia morbi conficienda, medicamento, aut copiosiore alimento ab officio distrahatur, nève ad medicamentum aut alimentum con-
uersa

uerſa ab hoſte interim proſternatur: Obſer-
uanda inquam non tantum morbi, ſed etiam
paroxyſmi quatuor tempora, principium, incre-
mentum, ſtatus, declinatio: tutius enim in de-
clinatione quam aliis temporibus præſcribun-
tur alimentum atque medicamentum. Verum
quotuſque eſt empiricorum, qui iſtas tem-
poris circumſtantias obſeruet? tantum abeſt ut
ſolis & lune motus contemplantur: Sub cane &
ante canem, quinetiam media æſtate, quia eſtu
viſes languent: & hyeme, quia frigore humores
denſi torpent, ineptique ſunt ad motum, mi-
nus tunc venę ſectio & pharmacum imperan-
tur, quàm vere & autumno. Niſi placet exter-
norum morborum, ut vlcerum, curationi com-
modiorem eſſe æſtatem, quia vlceris curatio eſt
exſiccatio: Auenrois verat ante pluuię deſcen-
ſum ne purgationem autumno moliamur, ut
humores æſtu ſiccari per laxiores meatus libe-
rius fluant. Iſdem cauſis præſtat plena aut creſ-
cente luna ſanguinem mittere, quando quidem
tum pleniores ſunt venę: noua aut decreſcen-
te purgare, quia tum humor excrementitius
vergit ad imum. Hora ſecunda vel tertia poſt
exortum ſolem ſalubrius ſanguis mittitur, quia
tum viget & dominatur, ipſoque diei lumine
fit tenuis & fluxilis, & aër quia vacuati locum
ſubit, efficit ſpiritus tenuiores atque lucidio-
res.

Tempora
morbi ſpe-
ctanda.

Memineriſtamen hæc intelligenda, ſi per *vbiper*
morbum, liceat opportunum tempus eligere: *morbum*
eſt enim quoddam tempus electionis, alterum *licet.*
neceſſitatis: in valde acutis, ut in angina, aut

*Quando
sumpto me-
dicamento
dormire li-
ceat.*

apoplexia suffocante, procrastinare, & nouam lunę quadram, aut benigniorem constellationem expectare ridiculum sit, quia prius æger vitam, quam cœlum malignam coniunctionem finierit: præstaretque tum lotium aspicere, vel pulsum explorare, quam astrorum motus contemplari. Adhæc leuia medicamenta, vt pilulę stomachicę, de hiera, elephanginæ, assajeret, manna, cassia, dari possunt vna hora ante cibum, neque illis superdormiendum est, ne per somnum auctus calor illa conuertat in alimentum: At fortioribus, præsertim siccis & solidis, vt pilulis cocciis, licet superdormire, quia somno a circumferentia ad centrum receptus calor, alimentum coquit, humores fundit, facitque vt vis medicamenti simul cum alimenti vapore longius feratur. Deinde naturam roborat & malitiam medicamenti retundit. Tamen vigilandum est cum inceperit purgare, quia somnus omnes fluxiones sistit excepto sudore.

Habenda igitur non tantum morbi & paroxysmi, sed etiam anni, mensis, & diei ratio, in præscribendis morborum primis magnisque remediis, pharmaco, & phlebotomia.

DE QUANTITATE remediorum.

C A P. IIII.

Quantum. **N**ihil est perinde arduum & obscurum, nil tam fallax, quam iusta dosis remedij,

vnumquodque enim eò fallacius & obscurius,
 quò pluribus obnoxium est circumstantiis: non
 potest autem definiri quantitas remedij, nisi *Remedij*
 sumpta indicatione a rebus naturalibus vt egri *quantitas*
 viribus, natura & temperamento, habitu cor- *unde defi-*
 poris, pingui, macilento, gracili, carnosio; æta- *nitur.*
 te, sexu, consuetudine, est enim altera natura:
 Item non naturalibus, vt tempore, aëre, regio-
 ne excretis, retentis: & quæ sunt præter na-
 turam, causa, morbo, symptomate. Quis
 enim prudens pharmacum eadem quantita-
 te dederit infirmo ac robusto, mulieri & vi-
 ro, puero & adolescenti, Parisiæ & Scythæ?
 Eunuchis, & balbis, quia sunt aluo humidiores,
 minor dosis conuenit: assuetis medicamentis
 aut abstinendum est, quia consuetudine etiam
 venena fiunt alimenta: aut eorum quantitas
 augenda. Spectandum esse tempus anni, men-
 sis, morbi, paroxysmi: considerandam causam,
 & speciem morbi necnon vehementiam sym-
 ptomatum, eorumque ratione augendam vel
 minuendam dosim remedij, notius est quam vt
 doceri debeat. magnus enim morbus & magna
 & maiore dosi remedia deposcit. Est autem ma- *Forti node*
 gnus per se, vt vlcus malignum; aut ratione par- *fortis cu-*
 tis affectæ, vt vlcus in corde; vel ratione causæ, *neus.*
 dysenteria enim ab atra, aut quouis alius mor-
 bus ab eruginosa bile lethalis: aut vehementiâ
 symptomatum: colicus enim morbus non est
 magnus, nisi ratione doloris. Item quibus sen-
 sus sunt sopiti, vt apoplecticis; aut mens labo-
 rat, vt phreniticis; aut si vehemens virget dolor,
 maior quantitas conuenit, quæ non potest arte

*Prudentia
ut moder-
ratur &
flectit re-
media.*

*Idem calo-
padium
non omni
pedi conue-
nit.*

definiri. Verum quemadmodum lex non est Polycleti immutabilis regula, sed Lesbia norma, quam magistratus æquitas pro factorum, personarum, & temporum circumstantiis non abrogat, sed immutat: præmium quod virtuti, pœnam quam illa vitio decernit, augens vel minuens: sic medicus quam ars indefinitè præscribit quantitatem remedij, pro circumstantiis ætatis, sexus, temperamenti, regionis, consuetudinis, virium, morbi, symptomaticum: limitat & definit. In quo non tantum ægri, sed etiam medicamento habet rationem: nam fœtida, vt Castoreum & Galbanum; tum rara & pretiosa, quia cara: quæ nascuntur in oriente, quia maiores habent vires; recentia, quia rerum omnium vires vetustate exolescunt, parciori manu dispensat. Ego qui scribo Gallis, exponam quæ dosi illis conueniat, vi cathartici ad hominem, non ad hunc aut illum relata, curatur enim Socrates, de homine tamen sanando præcipitur. Prudentiæ medici fuerit, spectatis indiuidui tam externis, quàm internis circumstantiis, eam augere vel minuere: vt infanti cassiæ ʒ ij. mænæ ʒ ii. rhei infusi ʒ ij. satis sunt. Adultis cassiæ ʒ j. mænæ ʒ jβ. rhei ʒ ij. vix sufficiunt. Hæc inquam non possunt arte exactè definiri, multa reliquenda sunt prudentiæ artificis, quæ confirmatur experientia, & longorū vfu propterea malim artificem prudentem, quàm scientem: etiam si vtrumque necessarium existimarim.

*DOSIS CHOLAGOGON SIM-
plicium & compositorum, quæ sunt in
frequentiori usu.*

Rhabarbarum in substantia ad summum datur ad ℥ ij. infusum ad ℥ iij. non coquitur, ne vis purgandi coctione vanescat, est enim tenuium partium. *Rheum non coquendum.*

Cassia ad ℥ jss. si tamen recens fuerit, quia magis laxat, satis erit ℥ j.

Manna (ut pruna acida & tamarindi seu oxyphœnici) ad ℥ ij. diluitur in sculo.

Myrobalani citrinæ in substantia, sed raro, dantur ad ℥ iij. infusæ ad ℥ x. in decoctione ad ℥ jss.

Aloe non lota, in substantia datur ad ℥ ij. infusa ad ℥ iij. lotæ augetur dosi, quia lotionis vis purgandi minuitur, nisi lauaretur aqua aut decocto purgante. Præstat eam cogere in pilulas propter amarorem, cum syrupo aliquo, melle aut terebinthina. Aëtius iubet ut superbibatur mulsa.

Dacrydium seu scammonium præparatum à ḡ. iij. ad ḡ. xij.

Diaprunum simplex datur ad ℥ jss. solutivum, & electuarius de succo rosarum, ut Hierapicra Galeni, ad ℥ vj. In quo Galenus sibi non constat, nam aliquando ad ℥ iij. aliquando ad ℥ v. ascendit.

DOSIS P H L E G M A G O G Ō N.

A Garici substantia datur ad \mathfrak{D} iij. infunditur ad \mathfrak{z} i. coquitur ad \mathfrak{z} β .

Turbith in substantia datur ad \mathfrak{z} β . infusum ad \mathfrak{z} i. coquitur ad \mathfrak{z} j.

Colocynthis datur ad \mathfrak{D} β . raro tamen propter amarorem & virulentiam datur sola: tutior erit vsus trochiscorum alandal, dosis ad summum \mathfrak{D} i.

Cataputria pulvis sumptus cum modico cinamomo ex ovo sorbili, vel cum iusculo, a \mathfrak{D} ii. ad \mathfrak{z} . crassam pituitam purgat. Styrax pinguis flauus \mathfrak{z} ij. pondere cum aequali portione terebinthinæ in pilulas coactus, ducit pituitam multam citra molestiam, Aëtius: idem præstat Bdellium pari quantitate sumptum. Semen carthami nundatum includitur caricis duabus; datur ante cibum, aut teruntur simul, detur magnitudine trium ficuum.

Diaphœnicum, Diacarthami, Benedicta laxatiua, & Indum maius, dispensantur ferè ad \mathfrak{z} β .

Mechoacanna recentioribus datur a \mathfrak{z} j. ad \mathfrak{z} . ij. in substantia. in infusione a \mathfrak{z} ij. ad \mathfrak{z} β .

Gialapa in substant. a \mathfrak{z} β ad \mathfrak{z} j.

DOSIS M E L A N A G O G Ō N.

Sennæ orientalis substantia datur ad \mathfrak{z} j. aut ad summum \mathfrak{z} β decoquitur a \mathfrak{z} ii. vsque ad \mathfrak{z} vj. sæpe infunditur ad \mathfrak{z} β . pro mediocribus: ad \mathfrak{z} vj. pro robustioribus: pro alijs mi-

nus robustis à ʒ j. ad ʒ ij. vel ʒ iij. prout se habent vires ægri, & pro natura atq. copia materie morbigicę, & pro ratione eorum quę admiscantur. Optimum est medicamentum, medicis omnibus vñtatissimum, ægris fere omnibus familiare, domesticum, facillè parabile, admodum salutare, cæterorum purgantium dignitatem facillè superans. Vide Fernesium in Methodo medendi, *lib. v. cap. 10.* & Matthiolum, *lib. 3. cap. 70.* qui omnium eruditissimè tantiremedij vires nobis aperuerunt.

Epithymus Cretenſis decoquitur ad ʒ j. substantia datur ad ʒ ʒ.

Ellebori nigri substantia non est tuta, multò minus albi quare coquatur aut infundatur in mulsa vel iusculo pingui, in quo Hippocratis consilio, anisi, dauci, seseleos, cumini ʒ ij. bullierint, vt odoratorum accessione graueolentia ellebori corrigatur, quę alioquin ventriculum offendit; quę fuit sententia Galeni, *libro 2. de ratione victus in acutis.* Rondeletius præfert decoctum amaranti & nymphetæ, quibus putat malitiam ellebori corrigi. Olim *Antiqua* cauato raphano includebantur corticis rad'cis *ellebori* ʒ ij. plus minus pro viribus ægri, expressus succus ad ʒ j. ex lacte bibebatur, corpore preparato *preparatio.* & septem dierum inediâ macerato, vt inani stomacho exciperetur. Quidam per taleolas sectum insigunt malo curtupendulo, pondere ʒ iij. lento igne coquunt, coctum pomum comedunt, detracto elleboro: sic enim vim, non substantiam, sumunt innoxie. Aëtius hoc modo exhibet. ℞. fibras rad'cis ellebori, mace-

C iiij

rentur in aqua, deinde auferatur cortex & siccetur in umbra, tundatur, cribretur, pulvis datur cum passo aut aceto mulso. Condimenti gratiâ, adde aliquid petroselini & dauci: si efficacius vis purgare, adde aliquot grana dacrydij. Pilulæ Indæ constant elleboro correcto. Pilulæ delapide armeno earundem sunt virium. Extremis morbis a melancholia summum & extremum remedium.

Diasenna datur ad ʒvj.

Confectio Hamech ad ʒß.

Elect. de citro solut. huic præcipuè humori dicatum, præscribitur à ʒij. ad ʒß.

Catholicon est polychreston, tum utile cum vel multi humores peccant, vel quis peccet non est satis definitum: cumque per se sit indifferens, ei se accommodat cui permiscetur: ut si ad ʒij. electuarij de succo rosarum ʒj. catholici addideris, purgabit bilem: si tantundem ʒij. diacarthami permisceas, pituitam: si confectioni Hamech, melancholiam.

Alij breuius & facilius dosim medicamentorum ita explicant, fortiorum dosis ʒj. leuium ʒx. mediocrium mediocris.

Alij hoc modo: Cathartica seu purgent trahendo, ut scammonium; seu comprimendo, ut myrobalani; seu leniendo, ut cassia; seu lubricando, ut mucago psyllij, in quatuor gradus distingui possunt.

Primi gradus sunt succus & syrupus rosarum & violarum, serum lactis, decoctum tamarindorum & prunorum acidorum: quæ ad sex uncias possunt exhiberi.

Secundi gradus sunt manna, cassia, aloe, catholicon, polypodij, fumiterræ, & epithymi decoctum, quæ ad sesquunciam tutò dari possunt.

Terti ordinis sunt Rheum, Agaricus, Senna, Turbith, quorum dosis varia est, prout coquantur infunduntur aut solida sumuntur.

Quarti ordinis sunt dacrydium, colocynthis, elleborus, quorum substantia ultra ʒj. sine periculo sumi non potest. Securius datur decoctum, aut infusum, malimque illa permixta, quam sola exhibere. Ad vim aliorum acueendam & purgationem accelerandam cholagogis dacrydij, phlegmagogis, trochiscorum alandal, melanagogis ellebori correcti aliquot grana non temere addideris. Dacrydium enim, trochisci alandal & elleborus sunt veluti calcar catharticonum debiliū sui generis.

Hic non ad censentur antimonium aut Mercurius, cum & *Ἀπορῖσ* & sine delectu purgent, & magis sint venena quam medicamenta.

*DE VTENDI MODO.**CAP. V.*

VTendi modus duobus capitibus continetur, forma & delectu remedij. Appello formam miscendorum proportionem: non enim aqua, vinum aut acetum cum melle quouis modo permixta, hydromel, oinomel, aut oxymel dixeris: sed ratio mixtionis, formam & nomen dedit medicamento. Nemo igitur hic expectet materiam remediorum, puta, quæ calfaciant, aut refrigerent, quæ bilem & pituitam

præparèt, aut purgent. Illa enim ex locis inuentionis repetenda est. Sed qua forma commodius parari possint, docere proposui.

Forma & modi medicamentorum parandorum & administrandorum.

Omnia autē tam ἀλλοιωτὰ ἢ, quā cathartica sumuntur, admoventur, iniiciuntur, instillantur, insufflantur, induntur: consistentiā liquidā, siccā, mediā. Assumuntur formā liquidā, Syrupi, Apozemata Iulapia, potus emulsiones, gargarismi: Siccā, pulueres, pilulæ trochisci, tabellæ conseruæ, condita, apophlegmatismi: Mediā, opiata linctus. Iniiciuntur clysteres in aluum, vesicam, vterum, aures: in quas liquida multa, vt olea, instillantur puluis, in nares insufflatur: Induntur pessi in vterum, balani in anum: Admoventur, olea, vnguenta, cerata, linimenta, emplastra, cataplasmata, fottus, sacculi anacollemata, epithemata, balnea.

Forma remedium à partibus mutuata.

Horum nonnulla a parte cui destinantur nomen magis proprium & definitum habuerunt, Quæ naribus medentur, Errhina vocantur, Græci enim nares ῥίνας appellant; quæ iniiciuntur in vterū, metrenchytræ, ἀπὸ τῆς χύτρης μήτρας; quæ in aures, ἀπὸ τῆς χίτρας; quæ in oculos, collyria: quæ sub lingua tenentur, hypoglottia. Sic multa remedia cephalica, ocularia, hepatica, cardiaca, splenica dicuntur: eo tamen discrimine, quòd hæc nomina, propter symbolum materiæ cum parte, primū imposita sint: illa verò, habita ratione formæ, quam situs & figura partis indicarunt.

Remedia generalia sēper par-

Analyticum est præceptum, non tantum in docenda, sed in facienda etiam medicina diligenter obseruandum, præmittenda esse gene-

ralia remedia particularibus, cum hæc ex illis *cularibus*
ut conclusiones ex principiis dependeant: ne- *premitten-*
que enim potest omnia docere simul & semel, *da.*
vitiumque tautologias & inanis repetitionis
evitare: nec potest methodo & sine confusione
docere, quicumque particularia simul cum ge-
neralibus docuerit: De particularibus ergo re-
mediis tum dicendum erit, cum ad morbos par-
tium ventum fuerit; nunc generalia exponamus,
sive preparandis, sive purgandis humoribus
conueniant. Doctrinæ autem & facilitatis gra-
tia, quæ inter se maiorem habent affinitatem,
simul explicemus.

DE REMEDIIS QUÆ

sumuntur forma liquida, apozemate,

syrupo, iulapio, potu,

infusione.

CAP. VI.

Syrupos & apozemata videntur Arabes ex-
scogitasse, ad apparandos potius quàm pur-
gandos humores, hoc Hippocratis consilio in-
stituti: Corpora cum quis purgare velit, opor-
tet fluida reddere: & si morbus det inducias,
ut si non turgeat humor, cocta medicari, non
cruda. Fluida redduntur corpora meatus ape-
riendo, per quos humores noxij attrahendi
sunt, ut clystere primùm subducta aluo. Appa-
rantur humores, crassos incidendo, tenuando:
viscidos detergendo; tenues enim, ut serum &
bilis, quæ longè à temperie recessit, sine appa-

*Prepara-
tionis hu-
morum
necessitas.*

ratu quàm mox vacuãdi sunt, quemadmodum
& maligni. Crudorum verò deiectio tormina
& rosiones parit, animique deliquia, nec quid-
quam notatu dignum educit catharticum,
quandoquidem crudi omnes succi pigri sunt,
& ad motum inepti, ob crassitudinẽ & frigidi-
tatem: quo fit vt omnes angustas vias quas per-
meant priusquã ad aluum descẽdant obstruant:
itaque ipsi non vacuantur, & aliis sunt impedi-
mento. Veteres Græci populariùs & minore
sumptu domi paratis iusculis utebantur. Ec-
quid enim aliud sunt apozemata, quàm saccha-
rata aut mellita iuscula? Non is sum qui inanẽ
luxum approbem. Sed quod æquẽ commodẽ,
minore sumptu, & maiori facilitate parari po-
test, frustrã pluribus tentari existimo. Vulgo
persuasum est ad essentiã & nomẽ apozematis,
nec non syrupi, congerendas esse radices, her-
bas, semina, fructus, flores. Ego verò ex vno
istorum vtrumque fieri posse existimo, quin ex
aqua sola cum melle cocta: mulsam enim ad
apozema, oxymel Gal. ad syrupum reuoco.
Coquatur lento igne Guaiaci lb. ß. in sex libris
aquæ, ad tertias, colaturæ adde si vis parum
sacchari, ad gratiam, hidroticum apozema fe-
ceris. Ad internum dolorem, de cuius causa nõ
satis liquet: Accipe florum chamæmeli p. ij. plus
minus, coquantur, colaturæ ℥ iij. adde si pla-
cet sacchari ℥ j. anodynum erit apozema. Dif-
fert à syrupo, non materia (ex iisdem enim pa-
rari possunt) sed consistentia, quòd syrupus sit
crassior, apozema liquidius & clarius: nam vt
fiat syrupus plus mellis aut sacchari decocto

*Mulsa a-
pozematis,
oxymel sy-
rupi loco
Galeno
fuit.*

*Hidroti-
cum.*

*Apozema
anodynũ.*

*Apozema-
tis & sy-
rupi diffe-
rentia.*

permiscetur, deinde simul bulliunt dum filum
 faciat, aut in corpus læue, vt marmor vel vn-
 guem, effusa guttula hæreat. Apozema fit addi-
 to pauciore saccharo, melle vel syrupo ad de-
 coctum: nec simul debent bullire, sed quò aspe-
 ctu sit gratius & clarius, cum oui candido à
 sordibus repurgatur: additur dum feruet de-
 coctum, & scopis agitur: sic enim sordes de-
 trahuntur & decoctum clarificatur. Æstate
 dum plantę virent vtimur apozematis, hyeme
 syrupis. Nam vt nihil desit pharmacopœis ad
 humores preparandos, estate parant syropos in
 hyemem, addendo plus sacchari ad custodię
 diuturnitatem. Modus sacchari non potest cer-
 tō definiri: nam syropi qui fiunt ex plantis ama- *Syrupi*
 ris, qui diutius sunt seruandi, vt compositi (vul- *magistra-*
 go magistrales nominantur) aut qui ex succis *les.*
 fiunt (citius enim succi corrumpuntur) plus
 mellis aut sacchari desiderant: Vt plurimū
 pro vna dosi seu ℥ iij. decocti, additur syropi
 ℥ β. vt fiat apozema. Ad syrupum, præsertim
 ex succis, tantum sacchari additur, quantum su-
 mitur liquoris. Est igitur apozema, decoctum
 dimidio syrupo aut saccharo dulcoratum: Sy- *Apozema*
 ropus vero liquor, ferè cum pari saccharo co- *quid?*
 ctus *Syrupus*
quid?

Iulepus idem ferè videtur cum apozemate,
 nam si ℥ i. alicuius syropi in tripla aut dupla
 aqua, distillata aut decoctionis non refert, dis-
 soluatur: fiet iulep. Atqui non fuit alia syropi
 cum aqua proportio ad cōpositionem & for-
 mā Apozematis. Ergo videntur nomina diuer-
 sa, res eadē. Exempli gratia, ad bilis feruorem.

*Quid Iu-
lepus.*

*Apozema
bilem alte-
rans.*

*Iulep Ale-
xandrinum
quid, qui
rosatus, &
a quibus-
dam potus
diuinus
vocatur.*

*Potionum
varia ge-
nera.*

*Decoctio
cathartici.*

Infusio.

℞. rad. graminis & acetosæ, añ. ʒ ij cichoriꝝ
totius, scariolæ, endiuia, lactuca, añ. M ʒ. qua-
tuor seminum frigidorum maiorum, añ. ʒ ij flo-
rum violarum & nymphae an. P. j fiat deco-
ctio in colaturæ ʒ iii. dissolue syrupi de cicho-
rio simplicis ʒ jʒ. nonne fiet apozema vel iu-
lep, nec materia nec forma immutata? Item si
ad aquæ rosarum distillatæ vel decoctionis ʒ iij.
addideris ʒ j. sacchari, fiet iulep, quod vulgo
dicitur Alexandrinum; hoc autem quid vetat
apozema nominare?

Potus non videtur ab illis differre materia,
neque forma, sed sine, quòd purgandis humo-
ribus conueniat, illa præparadis. Nam si in præ-
scripto ad bilem decocto pro ʒ ʒ. syrupi de ci-
chorio, semunciam diapruni solutiui, aut ele-
ctuarij de succo rosarum dissolueris potionem
effeceris, quam si quis apozema purgans velit
appellare, non habebit me repugnantem. Vt
enim potiones non omnes sunt cathartice, sed
quædam *ἁλυστικαί*, vt cardiacæ, hypnoticæ,
& vulnerariæ: ita nō est necesse omnia apoze-
mata humores præparare sed quædā ad eisdē
vacuandos parari possunt tribus modis. Primo:
si aliquod catharticum, vt senna, vel agaricum
bulliat simul cum decocto, herbis permixtum,
vel separatim nodulo inclusum. Secundo: si in
decocto infundatur, dicitur autem infundi,
dum in liquore aliquandiu maceratur, in quem
paulatim vim suam & qualitatem deponat. Pu-
ta si in aqua vel decocto cichori, si mauis,
in sero lactis, tota nocte macerentur ʒ i, ʒ.
Rhabarbari, mane colaturæ dentur ʒ iii. ad

gratiam, si placet, cōdiatur pauco saccharo aut syrupo violato, erit potio purgandæ bili idonea. Tertiò: si in liquore aliquo, vt aqua hordei. iusculo, decocto prunorum, aqua distillata, hydromelite: aliquod catharticum dissolueris, potum effeceris, vt ℞. Catholici ʒ x dissolue in ptisana, fiat potus. Aut.

Dissolutio.

℞. Diaphœnici ʒ β. dissolue in hydromelite vel quouis alio ex herbis tuo proposito convenientibus, vt ex cephalicis aut spleniticis, decocto: fiat potus.

Possis istos modos coniungere, vt ad purgandam melancholiam.

℞. confectiois hamech ʒ ij. dissolue in decocto polypodij, in quo ʒ ij. fol. sennæ bullierint, cum drageta communi; addendo syrupi de epithymo vel de fumaria ʒ j. fiat potus.

Videsne vt quatuor nominibus res prope modum vna significetur, nec difficile esse ei qui vnum norit, eadem arte reliqua describere? Vt enim species in rebus naturæ à forma specifica & essentiali constituitur: ita in rebus artis à structura & compositione; atqui omnium synthesis ferè vna, sola differens ratione. Ergo videtur eadem remedi, formula quatuor nominibus expressa.

Rerum species unde sumitur.

DE REMEDIIS QVÆ

sumuntur forma sicca: puluere, tro-
chiscis, tabellis, catapotijs.

CAP. VII.

PVLuis est communis materia medicamen-
torum siccorum & consistentiæ mediæ:
ex eo enim fiunt electuaria tam solida, quam
mollia, trochisci, pilulæ. Cumque in ea tan-
dem vnumquodque soluatur, ex quibus pri-
mum ortum est, ex iisdem resiccatis & cōmi-
nutis reformabitur puluis: non aliter quàm ex
plantis siccis & mineralibus, omnibus denique
quæ possunt puluerari. Exempli gratia, ad pro-
hibendum ascensum vaporum, statim à cibo
puluis astringens ex coriandro, corallo, & cor-
nu cerui vsto paratur, in gratiam palati admix-
ta saltē pro singulis drachmis sacchari rosati
semuncia.

*Præstaret
tamen
haustus
aqua fon-
tana, ex
Celfo.*

Sed monendi sunt pharmacopœi, suo pri-
mum, tum agrorum manifesto dispendio; pul-
ueres in officina reservari cum enim vis dis-
persa minus resistat externis aeris iniuriis quàm
coacta, nil autem sit facilius quàm electua-
riorum aut trochiscorum tritura puluerem
quem velint conficere: Quorsum species dia-
margariti frigidi, Diatriodon abbatis, Trium
santalorum, Aromatici rosati, cum sint ad ma-
num electuaria ex quibus puluis eo momento
quo præscribitur possit regenerari? Aliquo igi-
tur

*Varij modi
pulueres in
formam re-
digendi.*

tur succo aut liquore puluis cogendus est in trochiscos, ne illius vis tam facile exhalet. Ex eodem cum saccharo in quodam liquore, ut aqua distillata, ea proportionem soluto, ut pro ℥j. pulueris accipiatur ℥j. sacchari, fieri solet Pandaeon, electuarij solidi corpus integrum: quod si in portiones quadratas diuidatur, fient tabellæ: si in rotundas, orbiculi, vulgo rotulæ: si in triangulas, lozengæ: si in oblongas, manus Christi appellantur. Quæ quidem non sunt diuersæ formæ remediorum, sed eiusdem electuarij partes, non synthesi, sed figurâ sola differentes: ne quis terreatur tanta nominum varietate, qua Arabes non illustrarunt, sed obscurarunt potius medicinam. Porro electuaria solida, tam cathartica, ut diacarthami, ad pituitâ; de succo rosarum, ad bilem: quam *Μολιστριν*, ut triasantali, ad hepar calidius; diarrhodon, ad ventriculum roborandum, præscribuntur hac formula. ℥. electuarij diacarthami tabellam unam pondere ℥ β. plus minus, pro medici consilio; capiat manè si vis dissoluatur in præsana, ut fiat potus. Aut ℥ pulueris diamargariti frigidi ℥ ij. trochiscorum de caphura ℥ j. confusæ violarum ℥ j. cum saccharo in aqua buglossi dissoluto fiat electuarium per lozengas pondere ℥ j.

*Arabes no-
minum ut
remediorum
varietatem
inuenerunt.*

Si puluis exceptus succo, syrupo, aut liquore aliquo, ut aqua distillata, formetur in globulos, fient catapotia, quæ à figura, vulgo pilulæ nominantur: quarum dosis ad summum ℥ iij. Ut si Rhei puluerati aut Agarici ℥ j. excipiatur syrupo violato fient pil. sex. Si cum mas-

*Pilula ad
roborandum
ventricu-
lum.*

ſæ pil. de aloë ℥j. ad robur ventriculi, dacry-
dii aut trochifcorum alhandal ℥ß. misceas,
vtrumque aqua menthæ vnias atq; remollias,
fient pilulæ tres. Solemus vti pilulis iam para-
tis & correctis, quæ ad vſum ſeruantur in offi-
cinis, hoc modo. ℥. maſſæ pil. de Agarico vel
de Rhabar. ℥iiij. malaxentur cum ſyrupo vio-
lato, fiant pil. molles. Rondeletius aquam
præfert ſuccis & ſyrupis, quia his augetur mo-
les, egris moleſta. Quod verum eſt in remolliē-
da maſſa iam compoſita, non componenda.

DE HIS QVÆ FORMA
media & conſiſtente aſſu-
muntur.

CAP. VIII.

*Opiata ca-
thartica.*

*Alteran-
tes.*

*Materia &
modus pa-*

Flectuarium molle, generalius Opiata no-
minatur, non quòd conſtet opio, ſed quòd
habeat opi conſiſtentiam. Partim autem pur-
gandis, partim alterandis humoribus prepara-
tur. Purgant Diaprunum ſimplex & ſolutium
ſeu dacrydiatum, Diaphœnicum, conſectio
Hamech, Lenitium. Humores planè putres
& tota ſubſtantia à venenata qualitate corru-
ptos immutant magnæ opiata, vt Theriaca &
Mithridatium, quæ non tantum à conſiſtentia
opij ſed etiam ab opio quo conſtant opiata no-
minantur.

Parari autem poterit in rem præſentem, ex
pulvere excepto aliquo ſyrupo; vt ex conſeruis

& tabellis, trochiscis & aliis quæ puluerari possunt. Puta, si conseruæ anthos \mathfrak{z} j. corticis citri conditi \mathfrak{z} ss. aromatici rolati & diagalangæ, añ. \mathfrak{z} i. excipias syrupo conseruationis citri, fiet opiata ad frigidam intemperiem ventriculi.

Huc pertinent medicamenta mollia, quæ forma boli assumuntur, vt cassia & catholicum. \mathcal{L} . cassiæ \mathfrak{z} j. adde si vis Rhabarb. \mathfrak{z} j. cum saccharo fiat bolus, quem delicati capiant ex cochleari cum aliquo syrupo. Exemplorum varias formulas proximus liber suppeditabit: docebit enim singulis morborum generibus quæ remedia, & qua forma conueniat.

DE CLYSTERE.

CAP. IX.

Quamuis liquor in cauitatem iniectus generalius clysteris nomine vocetur: tamen qui in aluum iniicitur, sine adiuncto clyster appellatur; si in aurem, auricularius; si in vterum vterinus. Hi, cum sint particulares, ad librum de morbis partium reseruandi sunt; quando enim de morborum auris, vesicæ & vteri remediis differetur, opportuniùs de iniectionibus in aurem, vesicam, & vterum dicetur. At Clyster non est particulare, sed commune remedium. Non enim tantum ad intestinorum morbos imperatur, sed ad primam regionem expurgandam & sentinam exhaurien-

Clyster non est solis intestinis dicatus.

*Varij clyst.
usus*

dam: nam de cauis hepatis trahit per venam portam, in quam cum lien melancholiam exoneret per ramum splenicum, quis dubitet etiam de liene trahere? Item reuellit & diuertit à partibus superioribus. Ab intestinis etiam eradicando vacuat. Tum præmittitur medicamento, vt patentiores habeat meatus, & minore molestia purget. Quæ ideò dicuntur, ne quis miretur quòd inter generales & indefinitas remediorum formas à nobis explicetur. Olim minùs artificiosè parabatur ex vna libra liquoris, vt hydromelitis ad detergendum; lactis, aut decocti chamæmeli, ad dolorem placandum: Hodie, ex radicibus, herbis, seminibus, paratur decoctum. In cuius colaturæ libra vna, ℥ j. mellis, ad detergendum; sacchari rubri, ad irritandam excrettricem, tantundem dissoluitur: aut eius loco ℥ j. talis: adduntur ad lubricandum olei ℥ iij. quinetiam catharticum aliquod adiicitur ad purgandum. Exempli gratia ad remolliendam aluum.

Emollient.

*Dosis pur-
gant. ma-
ior in cly-
steribus.*

℥. decoctionis clysteris communis, seu remollientis lb. j. dissolue mellis & sacchari rubri, añ. ℥ j. catholici ℥ j. ss. (maiore enim dosi iniiciuntur cathartica quam assumuntur, quia longus est intestinorum anfractus, vis obtusa) olei communis ℥ iij. fiat clyster; quod sit dictum gratia exempli, hîc enim formam, non materiam meditamur.

*Adstrin-
gens.*

Quòd si pro remollientibus & purgantibus substituas adstringentia, vt centinodia, thapsi barbati, añ M. j. accipias, & fiat decoctio, in colat. lb. j. dissoluas olei alicuius, succi, aut pro

diuitibus, syrupi adstringentis, puta myrtini, vel cydoniorum, ℥ ij. fiet clyster superiori effectu contrarius.

Memineris autem non esse tam exquisitae definitam quantitatem liquoris, ut augeri vel minui non possit; quando enim intestina premuntur, ut in hydrope & in grauidis; quando flatu distenduntur, ut in colico dolore, nec non in enterocele: quando clysterem diutius retineri volumus, minuenda est quantitas; At quando clysterem altius peruenire cupimus, ut in ulceribus tenuium intestinorum, & renum dolore; aut cum virtus est sopita, ut in apoplexia, caro & lethargo, augenda & acuenda: clysteres tum oportet esse acriores. Est etiam cum oleum nocet, ut in dysenteria, quia vlcus reddit sordidum; nisi forte placeat astringentia, ut rosarum vel cydoniorum admiscere ad robur.

Liquoris
quantitas
ubi mi-
nuenda,

ubi augen-
da.

Oleum
quando
noxium.

Quaeritur, sintne clysteres alimentarii, ut qui ex iusculis, ex lacte cum vitellis ouorum, ex vino diluto parantur, cum eger praeter imbecillitatem aut alia causa, ut ob resolutam gulam, non potest deglutire. Hoc enim videtur non probari Galeno, quia negat substantiam clysteris ferri ultra ieiunum intestinum. Vnde quidam solo vapore alimenti egrum refici contenderunt. Verum animale appetitum vapor alimenti faciat, non naturalem: quia in locum solidae substantiae quae continenter deperit, alia similis substituenda est. An ergo bene affecto ventriculo, clysteris substantia ieiunum non transcendit: eodem inani & famelico fuga vacui

An clyst.
alimenta-
rij prod esse
queant.

D. iij.

trahitur? alimentarii enim inopiâ, excrementitium humorem attrahit venter quo se expleat: An potius clysteres alimentarii qui nature grati, attrahuntur; medicamentosi minimè, quia ingrati? Veruntamen cum in illo morbo clysteres medicamentosi sæpè vomitu reddantur, quis neget ad ventriculum peruenire? Matthæus Gradi interpretæ Auiçennæ, affirmat se vidisse puellam, quæ subdita glands illico tantâ violentiâ traheret & per os redderet, vt vix manu retineri possent; iusculorum autem pinguium frequenti vsu, obtusa facultate attractrice, sanitatem recuperasse.

Instabit aliquis, nos nutriri sanguine. Hunc autem fieri in hepate, preparari in ventriculo, quod de substantia clysteris nemo dixerit. Respondet Oribasius, vt venis sic intestinis inesse vim sanguificam, saltem eandem cum ventriculo vt substantiam, ita præparandi vim obtinere, inde per venas mesenterij à iecore exugî, & in sanguinem transmutari. Hinc patet famelicis purgantes clysteres minimè conuenire. Ægros igitur prius nutries. Neq; tamen statim à pastu dari debent præsertim purgantes, ne cibum adhuc crudum attrahant. Cæterum Colici proni contineant clysterem, Nephritici supini: Colicis iniiciatur calidus (quia tepida flatus

*Famelicis
clysteres
purgantes
non conueniunt.*

DE REMEDII DE-
lectu.

CAP. X.

DVo sunt primi scopi faciendę medicinę, *Dietę & therapia finis.*
sanitatem præsentem seruire, & absentem
reducere. Seruatur diætā, restituitur thera-
pia. Diætā vacuatum replet usu similium. Cu-
ratrix verò medicina, quę functionibus incom-
modant, remediis contrariis amouet.

Tria autem sunt quę actionem lædunt,
causa, morbus, symptoma. Causa præcedit
morbum; eundem, vt umbra corpus, sym-
ptoma consequitur. Itaque in causa morbi re-
mouenda primùm medicus laborat, qua per-
manente frustra speraret morbi depulsionem.
Nisi fortè symptoma, vt dolor, tam crudeli-
ter sæuiat, vt eū ab ordinaria curatione auocet, *Sympto-
mati quā-
do succur-
rendum.*
illique, quod magis vrgeat & grauius quiddam
minetur, prius succurrendum sit, quam de re-
mouenda causa cogitetur; mox redeundum ad
expugnationem causę, cum qua morbus, cum
morbo symptomata disparebunt sensim & eua-
nescent.

Causam verò externam ad interioris quidem
cognitionem plurimum prodesse, iam mo- *Causa con-
iuncta
quid.*
nuimus, huic tamen soli destinata esse reme-
dia: quę aut est coniuncta, aut remota; hæc an-
tecedēs, illa consequens appellatur. Coniunctā

D iiii

Antecedens.

Plethora.

Ad vasa.

Ad vires.

Cacochymia quid.

appello, quæ proximè & immediatè morbum facit, vt humorem fluxione aut congestione præter naturam parti affixum: Remotam verò & antecedentem, à qua illa nata est & fouetur, plethoram scilicet, aut cacochymiam: Appello plethoram, sanguinis immoderatam copiam; siue quatuor simul humores exuperent, siue propriè dictus sanguis, colore ruber, sapore dulcis, consistentia mediocris. Quæ non semper adeò distendit vasa, vt periculum rupturæ minetur, vt in habitu athletico; sed cum tanta fuerit, vt à natura regi non possit, morbi causa est, & actionem lædit: Illa venarum capacitate, hæc virium imbecillitate definitur: proinde vulgo, *ad vasa* & *ad vires* nominantur. Vtrique remedio est venæ sectio: natura enim plenitudine qua grauabatur leuata, vires resumit fitque vegetior. At imbecillitatis causa diligenter exploretur, nec putemus omnem imbecillitatem dissuadere venæ sectionem. Magna laus est oppressas vires à languidis posse distinguere.

Cacochymia, est omnium humorum, aut vnius vitiosa qualitas: siue enim sanguis à sua temperie longè recesserit, siue bilis, pituita aut melancholia, cacochymum est corpus; cui succurrendum est purgatione. Si, vt ferè semper accidit, quantitate simul & qualitate peccet, plethora est cacochymica, quæ à dominatu humoris sanguinea, biliosa, pituitosa vel melancholica nominatur: quæ quidem vt coniuncta est, ita vtrumque remedium deposcit. Vt enim duæ sunt primæ & cōmunes causæ morborum, plethora & cacochymia, sic totidem

sunt prima & communissima remedia, missio sanguinis & purgatio. Nullum quippe nouimus medicamentū ἀσπασγών, nisi fortè quod mouet menses. Qui enim, aliud agens, ea virtute plantam repererat, (si credere dignum est) iusto iudicio cum inuento sublatus est, ne ad posterios tam miserabilis inuenti memoria perueniret, eadèmq; terra inuentum & inuentorem sepeliuit.

Ex Gal.
lib. de me-
dic. purg.
cap. 6.

Habes igitur deligendi remedij primum præceptum. Succurrendum prius causæ quam morbo aut symptomati; antecedenti, prius quam coniunctæ. Antecedentes & morborum ferè omnium primas & communissimas causas esse duas, plethoram & cacochymiam; illam missione sanguinis deplendam; hanc si levis sit, alterandam; si capiat incrementum, cathartico vacuandam. Alterum est vt aperiatur vena cum delectu. Cephalica enim de capite, Basilica de naturalibus partibus, media de partibus interiectis, necnon vtrinque simul vacuat. Caco-chymia autem sedes diligenter spectanda, quia eccoprocticon, vt aloë & cassia, quin clyster communis, ad vacuandum de prima regione (ventriculo, intestinis, cauis hepatis, mesenterio, liene, vesicula fellis) sepè sufficiunt; Rheum, Senna, & Agaricus de media (quæ conuexis hepatis, magnis venis & arteriis circumscribitur) vacuant; Ex habitu corporis scammoniata, & quæ colocynthidem recipiunt. Plurimum verò refert hoc an illud præscripseris.

Falsum
hoc; omnes
enim venæ
ab eodem
trunco pro-
deunt, qui
est in hepa-
te.

Triplex
corporis
nostri re-
gio.

Faciamus pituitam quantitate vel qualitate peccare, vacuanda erit phlegmagogo, hoc in-

uentionis; sed phlegmagogon, blandum, vehemens, aut mediocriter deligere, iudicij: quod spectata potissimum sede cacochymiae regendum est.

*Epicrasi
ubi locus*

*Galenus
liberatissimus
in
mittendo
sang.*

*Clyster cur
phlebotomia & cathartico
præmittendus.*

Magnitudo morbi alterutrum, sæpè vtrumque remedium deposcit, dum vires consentiunt & cætera coindicant: leuiiores enim morbi leuioribus remediis, vt inedia sola & frictione curantur. Quod si magnus morbus, sed vires deiectæ contraindicent, per epicrasim causa minuat. Quo maior erit plethora, eò audentius & liberalius mittatur sanguis. Galenus misit ad sex libras, sæpè ad animæ deliquium. Quò maior cacochymia, eo catharticum vehementius eligatur, vt sit remedium morbo potentius; prius iniecto clystere, si per morbum liceat: debet enim præcedere venæ sectionem, ne crudus humor qui vt plurimum prima regione continetur feratur in locum vacuati sanguinis: vehemens verò catharticum, vt per vias iam patentes vndique tractus humor liberius & minore molestia exeat: obstructis enim viis solet magna tormina & intolerabiles cruciatus excitare.

Finis Libri primi.



GENERALIS METHODI

MEDENDI,

LIBER SECVNDVS.

IN QVO GENERALIA

GENERV M MORBORVM

remedia explicantur.

THERAPEVTICEN TOTAM

*in duobus capitibus consistere, Indica-
tionibus & Remediis.*

Remediorum generalis diuifio.

CAP. I.



IPPOCRATES artem medendi primus descripsit & salutaribus præceptis illustrauit, quæ bona ex parte in Æsculapij templo inuenit: illic enim quo quisque remedio conualuisset describebat; vir prudens ex multorum collectione præceptum; ex multis præceptis, methodo dispositis, artem efformauit: sicque

*Hippocra-
tes unde
Medicina
præcepta
expiscatus.*

Per varios usus artem experientia fecit;

sed *ἑρμηνεύειν* τὰ obscura & ænigmatώδη, ut à paucis sine docto & fideli interprete intelligatur, qualis Galenus omnium voce (merito quidem) celebratur. Iacuisset enim in tenebris Hippocrates, neque in nostras unquam manus peruenisset, nisi Galeni commentariis illustratus legeretur; qui profectò, quamvis Asiana prolixitate sepe lectoribus molesti, pleni sunt solidæ scientiæ, ab illisque Lector quantumvis doctus, semper recedit doctior. Adiecit præterea indicationes, quæ in Hippocratis medicina requiri videbantur, eaque parte mancā perfecit & exornauit: Duobus enim capitibus continetur, Indicationibus & Remediis; hæc Hippocrates pro natura eorum quibus scribebat abundè exposuit: quibus tamen nobis, utpotè mollioribus, magna cautione utendum sit; Galenus eorum usum certis circumstantiis limitauit, quas ἐνδείξεις, officij regulas, appellauit: indicant enim quid, quantum, quando, & quomodo agendum sit. Ut ergo Traianus vias publicas restaurando non minorem gloriam meruit, quàm qui primus earum extruendarum autor extiterat: ita Galenus, Hippocratis interpretatione, & artificiosa indicationum additione, medicinam locupletando, potest pro suo iure parem cum primis inuentoribus gratiam à posteris reposcere: Quemadmodum enim cerdo mihi frustra calceum confecerit qui meo pedi sit inæqualis: sic ægri viribus & morbi magnitudini nisi conueniat remedium, salubre dici non debet.

*Galeno
quantum
res medica
debeat.*

*Indicatio-
num utili-
tas.*

Hęc sunt indicationum prima capita, in quæ *Dua sum-*
 animum semper defigere oportet eum qui citò, *ma indica-*
 tutò, & iucundè sanare velit. Egri vires seruan- *ti mes.*
 dæ, depellendus morbus: illæ seruantur diætæ,
 hic depellitur therapia.

Thessalus omnes medendi scopos duobus
 capitibus concludebat. Vno, vt fluor præter
 naturam prudenter sisteretur. Altero, vt quod
 præter naturā in corpore retinetur, actionū
 que integritatem peruerit, vacuaretur. Quibus
 si adieceris alterantia remedia (ad quæ referri
 possunt alexiteria) me iudice magnam partem
 faciendæ medicinæ paucis comprehenderis.
 Vt autem fluxiones præter naturam sunt ge- *Remedio-*
 nerales, velut hæmorrhagia insignis & diar- *rum gene-*
 rhœa; vel particulares, vt fluor vteri: ita fluxio- *ralium ra-*
 num omnium remedia, vel sunt communia, *tio.*
 qualia forma solida, liquida, consistente assu-
 muntur. Vel particularia, qualia in oculos, na- *Particula-*
 res, aures, vterum iniiciuntur, induntur, insuf- *rium.*
 flantur: omnia verò astringentia: Similiter va-
 cuatio noxi, fit generali vel particulari reme-
 dio. Vacuant à toto, phlebotomia & purgatio.
 A parte verò, particularia remedia, non tantum
 quæ parti admota materiam peccantem illic
 digerunt & resolunt, sed etiam quæ eandem
 per proprios ductus expurgant, vt errhina, be-
 chica.

Hęc tria faciendæ medicinæ principia qui
 non tantum in genere: sed in parte & defi-
 nitè nouerit, si iam scientia medendi institutus
 ad praxim accesserit, non video præterea quid
 desiderare possit ad bene medendum. Omnia

*Morborum
similariū
curatio.*

*Organico-
rum.*

*Commu-
nium.*

*Methodi-
sis fauet.*

*Compendij
methodici
utilitas.*

enim tam generalia quam particularia remedia non est difficile ad horum alterum reuocare: Enimuero quid aliud innuit Hippocrates, cum vniuersam medicinam in duo capita coëgit, *addendo necessaria, & remouendo superflua*? Qui intemperiem cum materia purgatione curat, qui supra modum auctam totius vel partis magnitudinem minuit: Qui excessum in numero, vt carnosam excrescentiam catharteticis absumit, qui obstructionis causam tollit, pituitam, grumum, calculum, quid aliud quam inutilia remouet? Qui vero nudam intemperiem alterantibus immutat, qui imminutam totius aut partis magnitudinem augere & amplificare conatur, qui partem iusto asperiores læuam, qui læuiorem asperam efficit, qui figuræ vitia emendat, aut luxatum membrum reponit. Qui solutam continuitatem reūnit, & in locum substantiæ vlcere aut vulnere deperditæ aliam arte substituit, quid facit, si non reddit parti quod deest & actioni obeundæ necessarium est? Ergo Hippocratem accusat, quisquis Thessali κοινότηας criminatur. Ego ad illorū imitationem faciendę medicinę methodum in compendium cogere proposui: quæ omnia semel ea arte doceat, vt antecedentia consequentium sint principia, pendeantque ex prioribus posteriora, non aliter quam effectus à suis causis. Antecefferunt libro superiore quædam præcognoscenda.

PRO EXEMPLO MORBI
similaris, seu intemperiei Fe-
bris proponitur, ex Gale-
no libro de differentijs
morborum.

CAP. II.

TRes sunt affectus præter naturam quibus
 Therapeutes succurrit, Causa, Morbus,
 Symptoma Communi causæ communibus re-
 mediis medetur, plethoram missione sangui-
 nis deplendo, cacochymiam purgando Hinc
 curatio ordianda, nec generalibus intentatis
 usurpanda sunt particularia remedia: nisi tam
 lenis sit affectus ut solo topico discuti possit.
 Morbus omnium communissimus & frequen-
 tissimus, citra controuersiam, est febris; non
 est enim acutus aut magnus morbus, qui non
 habeat comitem febrem: si tres acutissimos
 exceperit, Apoplexiam, Tetanum, & Cho-
 leram morbum. Vulgatum est neminem mo-
 ri sine febre. Quinetiam per se primò leuissi-
 ma sæpe occasione inuadit. Proinde nemo
 mitteretur nos ad commune totius corporis in-
 cendium extinguendum omnem imprimis
 operam & studium conferre. Nemo enim
 medetur oculis, nisi capiti prius prospexerit:
 nec capiti prospicitur, nisi primùm toti con-
 sultum fuerit.

*Topicis
 primis &
 solis quan-
 do locus.*

*Cur à fe-
 bre Autor
 incipit.*

Definiri autem potest, calor auctus præter naturam; aut, calida intemperies totius si non per se primò, saltem per consensum: cordis quia quantumvis luculento foco sit auctus calor, non est tamen febris, donec incendium ad cor peruaserit, à quo per arterias, æqualiter an inæqualiter nō refert, in totum corpus effundatur. Si maius haud absurdè finietur: Calida intemperies, actionem cordis, (vitalem & pulificam intelligo, non irascibilem) primò lædens. Cuius differentias, singularum differentiarum causas, signa, & remedia primùm meditamur, ut inde facilis pateat aditus ad aliorum morborum curationem.

Febris definitio.

Febris differentia à partibus affectis.

Febris symptomatica.

Primaria species & subiecta. Ephemera.

Nam febris est primaria seu essentialis, aut symptomatica. Hæc morbos acutos, ut nobilium partium inflammationē, comitatur. Quæ peripneumoniæ succedit, *Crymώδης* dicitur à Tralliano & Aëtio; quæ hepatitidi, *Typhώδης*; quæ ventriculo inflammato, *Lipyria*. A Galeno febris *ἐλεώδης*, in qua eger primo die sudat, symptomaticè, *τυφώδης* appellatur: *Lipyria* verò, maligna febris qua vruntur interiora, algent exteriora.

Primaria verò aut est in spiritibus, in humoribus aut in solida substantia. Quæ in spiritibus consistit, *Ephemera* nominatur quia viginti quatuor horarum spatium nō excedit. Ut enim in stipula non est diuturnum incendium: sic in spiritu non perdurat igneus calor, quia incensus, citò facileque absumitur. Si perseveret, in humores grassatur, & de subiecto in subiectū, vicinius aut paratius, immigrat: Hæc febrem tū
à sub-

à subiecto, si placet, humoralem nuncupemus, *Humoralis.*
 ut eam quę partes solidas occupat, hecticam.
 Humoralis aut est à plethora, ut Synochus tam
 simplex quam putris; aut à Cacochymia, eaque *Causa & differētia.*
 vel pituitosa, quę quotidianam facit; aut bilio-
 sa, quę tertianam; aut melancholica, quę
 quartanam, in magnis vasis putrescens conti-
 nuam, in parvis aut extra vasa, intermitten-
 tem.

Atqui cæterorum morborum (materiales
 intelligo) non aliæ sunt causæ antecedentes,
 nullusque est qui ad aliquam prædictarum re-
 duci non possit.

Ergo generalia remedia, quę tradentur pro-
 ximè ad febres sanguineas, deinceps ad omnes
 morbos à sanguine, ut inflammationes tam in-
 ternas quàm externas, accommodentur: Quę
 febribus pituitosis conueniunt, morbis omni-
 bus à pituita communia sunt, atque imprimis
 ad vacuationem causę antecedentis vsurpen-
 tur. Idem de morbis ab alterutra bile dictum *Remedia morborum à sang. eadē qua synochi.*
 volo, ne cogar idem millies inculcare. Exem-
 pli gratia, quę ad Synochum præscribuntur
 remedia, morbis à sanguine, phrenitidi, an-
 ginæ, peripneumonix, pleuritidi & hepatitidi
 conueniunt. Synochus, quia morbus à sangui-
 ne, potissimum phlebotomia curatur: Ergo
 phrenitis, angina, peripneumonia, hepatitis,
 pleuritis, & ophthalmia, eodē remedio curen-
 tur. Si quod habent singuli morbi proprium
 & peculiare remedium, proprio capite expone-
 tur, prætermisso generali tanquam cognito.

DE FEBRE EPHEMERA.

CAP. III.

Galenus
lib. 1. ad
Glauc. c. 2.

Causa
ephemera,
externa.

Modus in-
uasionis.

Diariam curare quàm dignoscere facilius est, raróque ægri primo die mitioris morbi medicum accersunt; Vocatus, pulsum imprimis obseruet: quem si frequentem, attamen equalem & ordinatum deprehenderit, mox urinam aspiciat: quam si sanorum similem esse viderit, illico causam externam sciscitetur, (omnes enim Diarias ortum habere à causa aliqua externa scribit Galenus 1. *de different. febrium*,) cibone an potu calidiori, ut mero copiosiore, usus sit: Num in aprico insolatus incaluerit, vigilarit, aut sese plus iusto exercuerit, excanduerit: num consueta & ordinaria excretio suppressa sit; denique singula interroget, quæ calidam intemperiem gignunt, libro superiore commemorata. Nec prætermittendus inuasionis modus. Cum enim Quotidiana à refrigeratione, Tertianà à rigore, Quartana ab horrore incipiat, illasque præcurrant, lassitudo spontanea, oscitationes, pandiculationes. Si nihil horum præcessit, sed repente à causa aliqua externa prehenderit, febrem esse ephemeram certò affirmabit, quæ ut plurimum madore aut sudore terminatur: habetque calorem moderato prope similem, blandumque ac halituosum, collatum scilicet cum illo qui è putrida febre erumpit. Si tamen æger biliosus fuerit, corpore sicco, inedia aut vigiliis confecto, astricta cute, periculum est ne degeneret in hecticam.

Imperandum ergo balneum in declinatione, *Curatio.*
 ut squalida cutis relaxetur, atque adeo totum
 corpus humectetur. Diatritarij negabant spe-
 ciem febris ante tertium diem dignosci posse.
 Ægyptij lege cauebant, ne Medicus ante tertiū
 diem ægro quidquam præscriberet, quia non
 existimabant causa morbi ignorata remedium
 morbo depellendo conueniens posse impera-
 ri. Hanc autem febrem cognosci posse ante ter-
 tium diem, Galeni, 8. *methodi*, autoritas persua-
 det, qui etiam gloriatur, se mox diariam agno-
 uisse, cognita causa, nempe astrictione cutis, *Galenī
perspicua-
cia.*
 ægrum lauisse, balneo febrem planè sustulisse.
 Si verò plethoricus videatur, febricitetque
 à repletionē, ut crapula, est synochus sim-
 plex, quam Galenus sub Diaria comprehen-
 dit. Tum interdicendum vino, clystere aut
 blando cathartico, ut cassia, catholico, cor-
 pus repugandum, mittendus sanguis, ne in sy-
 nochum putrem degeneret. Aër balnei, quia di-
 gerit & sudores mouet, utiliter imperatur. No-
 tandum corpus calidum siccum leuiori occa-
 sione febrere, quia facilior est transitus inter ea
 quæ symbolo qualitatū consentiunt. Febris *Qui præci-
pue obnoxij
diaria.*
 autem hæc æstate frequens est Æthiopibus, &
 Orientalibus familiaris, qui sæpè febre vexan-
 tur. Sed morbi congeneres sunt minus metuen-
 di, ut leuissima causa inuadunt, sic minimo ne-
 gotio profligantur.

*MORBORVM A SANGVIN^E
generalia remedia sub Synochi exem-
plo declarantur.*

C A P. IIII.

*Synochi
definitio.*

Causa.

Signa.

*Systole cur
maior di-
astole.*

SYNOCUS est febris continua, à sanguine, qui diffilationis beneficio prohibitus, primum accenditur, mox putret, proinde plethoram cacochymia comitatur: Adolescentes ferèprehendit, sanguineos, vere ineunte. Sese prodit faciei insigni rubore, somnolentia: Plethorici, etiam sani, difficillimè spirant, (propterea quibusdam hæc febris dicta est asthmatica) vrina rubra est, systole quàm diastole concitator, quia maior est expurgandæ fuliginis, quàm cordis refrigerandi necessitas, quod est febris putridæ signum pathognomonicum. Spectanda igitur Antecedentia, præcedens vitæ ratio, natura, ætas, habitus ægri: Adiuncta, vt qualitas caloris: sanguinis enim est minus acer & mordax calor, quam bilis: dorsi dolor ob tensionem & repletionem venæ cauæ: Consequentia: actio læsa, vt spiratio difficilis, pulsus magnus, velox; Excreta, maximè omnium vrina: Somnolentia, propter quam Synochus ab Auicenna dicitur febris profundisomni. Retenta: vt mensium & hæmorrhoidum suppressio, quam vt plurimum Synochus putris comitatur; Affectus simplex: vt faciei insignis rubor, oculorum venę turgidæ.

Causa & specie febris perspecta non est difficilis curatio. Prima regio clystere aut blando quouis cathartico repurgetur. *Cassia hic cur noxia.* Cassiam excipio, partim quod humectando augeat putredinem, partim quod dolor capitis huic febris familiaris usu cassiæ ingrauescat, propter copiam vaporum, quæ illos reddit somnolentos. Deinde aperiatur basilica dextra: nullum enim habemus medicamentum quod sanguinem vacuet, nec deplendæ plethoræ præsentius remedium: Consilio Galeni mittatur sanguis ad animæ deliquium, ut habitus corporis refrigeretur, sudorque aut alui fluor subsequatur. Malim tamen Arabum consilio ad syncopen mitti exclusivè: ut si forte vi morbi, aut virium imbecillitate aliquid humanitus accidat; vitetur calumnia, nec in medici decretum de inanitione syncoptica causa mortis reiiciatur: Si quid repugnet, ut ætas; aut morbo sint deiectionæ vires, vacuatio partienda. Putredo sistenda syrupis de acetositate citri, de limonibus, de granatis, oxyssaccharo simplici, cum aquis rosarum, acetosæ, graminis, cichorii.

℞. syrupi de acetositate citri ℥ ij. cum quadrupla aqua graminis, fiat iulep, quo utatur inter pastus.

Sanguinis eluuiem expurgant Syrupi de buglosso, de lupulis, de fumaria, quibus licebit uti cum aquis prædictis. Cumque tenuis & pinguior portio sanguinis bilescere, crassior in melancholiam credatur degenerare: Cacochymia tandem purgetur cholagogo, ut Rheo, & melanagogo, ut senna, cum decocto refrigerante

simul & aperiente, his additis quæ sanguinem puriorem reddunt. Exempli loco.

℞. radicū graminis, acetosę, añ. ʒ. iij. cichorij totius, endiuie, scariolę, añ. M. j. quatuor seminum frigidorū maiorum, (sunt enim diuretica) añ. ʒ. ij. florum cordialium añ. P. j. foliorum sennę mundatorum ʒ. j. fiat decoctio. In colaturę ʒ. viij. infunde Rhabarbari ʒ. iij. In leui expressione dissolue syrupi de cichorio simplicis, syrupi de fumaria compositi, añ. ʒ. ʒ. fiat apozema in duas doses. Clysteres toto morbi decursu repetantur, qui vim habeant refrigerandi. Sit hoc pro multis exemplum.

Clyster refrigerans.

℞. lactucę, endiuie, scariolę, portulacę, añ. M. j. fiat decoctio. In colaturę lb. j. dissolue mellis & sacchari violati, añ. ʒ. j. diapruni solutiui ʒ. vj. aut confectionis Hamech. ʒ. ʒ. vel vtriusque ʒ. ij. olei violati ʒ. iij. fiat Clyster.

Renū calor & dolor ut sedandus.

Quia sanguis qui putret in magnis venis, quæ sunt circa lumbos, calorem simul & dolorem illic excitare consuevit, Cerato refrigerante Galeni illinantur, aut iis quæ ad calidam renū intemperiem suo loco præscribentur.

Aqua pro varijs symptomatibus, ut alteranda.

Victus sit tenuis, qui sanguinem non augeat. Plethorica enim & impura corpora quo magis nutries, eo magis lædes. Pro vino vtatur aqua hordei, aut graminis. Poteris quædam, prout commodum videbitur, admiscere, vt si difficillimè spirer glycyrrhizam, iuiubas, radicem vngulę caballinę: Ad robur cordis, buglossum, borraginem; Ad hepar calidius, cichorium, lactucam, portulacam: Ad renes, semina frigida, alkekengi; Ad ventrem astrictum,

violas, pruna acida, tamarindos. Abstineat Sanguinis, vino, atque si fieri possit carnibus, quia nem augentia.
 sanguinem augent, morbi causam.

*MORBORVM ABILE
 generalia remedia, sub exemplo
 febris biliosæ intermittentis.*

C A P. X.

Bilis in magnis vasis, venis scilicet & arteriis quæ sunt inter alas & inguina, à natura sua degenerans, quia continenter fumis cor impetit, continuam febrem excitat. In habitu verò longè à corde putrescens, vno die intermittit, tertianum enim habet circuitum. Continua remittit, minùsque affligit. Intermittens inquam, vno die dat inducias, redit paroxysmus die tertio, quo continua solet exacerbari, fitque tum anadiplosis seu reduplicatio. Si placet, hoc modo distribuetur. Febres biliosæ sunt continuæ, aut intermittentes. Continuæ vel vnū eumque coequalem habent vigorem, aut aliquando de sua violentia remittunt, ita tamen vt quotidie redeat cum epistimasia. Febres tertianæ intermittentes aut sunt puræ, aut nothæ. Pura à mera bile fit, cuius paroxysmus ad summum est 12. horarum. At notha à pituita permixta bili nascitur, cuius paroxysmus est 20. aut 30. horarum.

Dignotio.

Cognoscetur ex antecedentibus, si eger sit

E iiii

Signa antecedentia.

Adiuncta.

Consequentia.

natura biliosus & ad iram pronus. Si iuuenis, aut vsus sit cibis calidioribus, qui facile bilefcant, vt sinapi, allio, cæpa, piperatis; si æstate, cum rigore, seu vehementi & inæquali concussione totius corporis prehenderit: est enim rigor præcursor paroxyfmi biliosi. Ab adiunctis. Si calor contactu ipso acer & mordax sentiat, ægërque de lassitudine vlcerosa conqueratur. A consequentibus, vt cordis actione læsa, quam pulsus velocissimus ob refrigerationis necessitatem commonstrat: Ab excretis, vrina flammea, vomitu bilioso: Ab affectu simplici, vt oris amarore, cuius causam sitis & deiecta appetentia consequuntur: Sudor terminat paroxysmum intermittens, (referatis caloribus vi cutis meatibus) qui non excedit duodecim horas, si febris fuerit exquisita, vixque septem superat accessiones, vt causus septem dies: Hippocrates in *Coacis* scribit nouem accessibus finiri. Sed nothæ, quæ fit pituita permixta bili, vltra viginti quatuor horas paroxysmus producit. Tertianæ exquisitæ paroxysmus definit in manifestam apyrexiam, nothæ minimè Febris ipsa in multos paroxysmos protrahitur, quia pituita permixta bili difficillimè coquitur. Galenus vidit in sex menses protractam. Vt plurimum in duos menses producit.

*Tertianæ continua
& ardens
quid differant.*

Tertianæ continua differt à Febre ardente, non materia, neque loco, vtraque enim fit à bile in magnis venis putrente; sed in causo calor est intensior, quia humor putret in vasis vicinioribus cordi. Proinde, quamuis eadem, grauiora tamen sunt symptomata, sitis & vigi-

lia maior, lingua à fumis biliosis, quos summū incendium excitat nigra, arida, scabra. In causo non sunt manifestæ & periodicæ exacerbationes, vt in tertiana; similis enim est hac parte febric continenti.

Omniū vt communis causa, ita communia ferè remedia. Bilis feruor demulcendus imprimis vsu refrigerantium. Quemadmodum enim succinum vento agitatam paleam non trahit, nec magnes ferrum nisi quietum; ita per se naturæque sua mobilem & inquietā bilem Cholagogon non traheret, nisi primū à suo contrario alteratam. Præscribantur ergo Syrupi de Cichorio, de Endiuiā, de Granatis, Violarum, Rosarum, de Limonibus, de Nymphæa, si magnum sit incendium, cum aquis Lactucæ, Portulacæ, Plantaginis, Cuscutæ, Acetosæ, Solani. Mox vacuanda rheo infuso in decocto, quod refrigeret simul & aperiat. Vt

Curatio.

℞. rad. graminis, acetosæ, añ. ʒ ij. cichorij, endiuiæ, cuscutæ, añ. M. ʒ. quatuor seminum frigidorum maiorum añ. ʒ j. florum violatum & nenupharis, añ. P. j. fol. oriental. ʒ ʒ. fiat decoctio: In colat. ʒ iiij. infunde rhab. ʒ ij. In leui expressione dissolue syrupi rosarum solutiui ʒ j. ʒ. fiat potus.

In tertiana commodè admodum imperantur aperientia, malim frigida quàm calida licet decoctum pulegij & origani, Galenus commendat i. ad Glauconem. Sub finem tamen vtilis erit syrupus de quinque radicibus cum aqua cichorij; aut syrupus de cichorio cum decocto radicū aperientium (si vis ad calorem temperan-

*Galenus
imperat
diuretica
calida in
declinatione;
sed cō-
modius in
tertiana*

notha,
quàm in
exquisita,
usurpan-
tur.

dum) in aceto priùs maceratarum : sic enim Galenus à Tralliani censura & animaduersione defendi potest.

Clysteres parentur ex sero lactis, in quo lactuca, violaria, & portulaca bullierint : in colat. dissolue diapruni solutiui ʒ vi. mellis & sacchari violati, añ. ʒ j. olei violacei & nenupharis añ. ʒ j ʒ. si magnus sit ardor, alioquin, violati ʒ iij.

Galenus in ardentissimis febribus mittit sanguinem ad lipothymiam, quia nil habet præsentius ad refrigerandum. Arabes verò in morbis à bile contenti sunt purgatione, nisi adiuncta sit plethora, aut bilem sanguini permixtā vrina rubra indicet, quia sanguis est frænum bilis, suo tepore feruorem bilis contemperat, illiusque ferocientis impetum cohibet & sistit, priuationeque sanguinis, bilis redditur acrior. Fernelius parcat venæ sectioni, quia materia est extra vasa : Gordonius consulit expectare quartum paroxysmum. Iubent illi ergo ut naturæ motum diligenter consideremus, & quò illa vergit ducamus. Si nausæas stomachus bilis excretionem affectet, oxymelitis ʒ iij. cum tepida paulò ante paroxysmū vomitus prouocetur. Aëtius perseuerante tertiana notha vomitū adeo prodesse affirmat, ut viderit multos statim à vomitu sanatos. Si infrà feratur, Clysteribus attrahatur, purgetur : Diureticis per vrinas vacuetur, si eò inclinare videatur : Si ad cutē erumpat, aliquo diaphoretico, ut oxymelite simplici, aut diuretico cum aqua graminis sudor excite-
tur : Aëtius ex Dioscoride commendat hidro-

Qui sit in-
telligendus
Fernelius,
legendus
est ipse in
februm
curand.
meth. ge-
nerali cap.
xi. circa
medium.

Diuretica.

Hidrotica.

rica, vt seminis smyrnij 3 j. cum vino, vna hora ante accessionem: aut Aristolochiæ tātundem. In quartanis & quotidianis dat 3 j. castorei cum decocto calaminthæ. Malim dari diuretica & diaphoretica sub finem paroxysmi: Non alienum fuerit tepidæ balneū tum ingredi, vt cutis astricta relaxetur, & fuligo quæ retenta febrem auget, liberiùs excernatur, nisi suspicio sit phlegmones aut insignis obstructionis.

Balneum.

Interea prospiciendum hepati, illud enim iam per se calidum (tale quippe esse oportet quod bilem copiosam & præter naturam gignit) fel in sua cysti æstuans propè adurit. Ex aquæ cichorii ℥ j. cum electarij triasantali 3 ij. fiat epithema.

Respicere semper oportet ad focum febris: Galenus appellat focum febris, partem obstructam à putredine, vel phlegmone obsessam. Foc-
tus hypochondriorum, inquit Galenus *lib. 9. meth. & l. ad Glau.* plurimum confert coquen-
dis humoribus.

Febris
focus quid.

Non absurdè vulgus in ardentis febris vigore ad mouere solet carpis refrigerantia, vt lactucā & semperuium contrita, aut oleo nenupharis vel mādregoræ imbutum linteolum: quia arteriarū, quæ illic pulsant, dilatatione spiritus refrigeratur, & ardor cordis temperatur.

Autore Galeno frigidæ haustum agonisticum (vt *lib. 4.*) tum exhibere in eundem finem valdè confert. Paulus Ægineta gloriatur hoc modo sēpiùs se febrem iugulasse. Alioquin periculum est, nisi mors anticipet, ne degeneret in hecticam. Exhibeatur tamen seruatis, quæ

Aque pro-
pinanda
circunstā-
t. &

sequuntur circumstantiis : Non sint deiectæ vires, æger non sit naturæ frigidioris, nec febris materia frigida, crassa: magis enim densaretur: nec cruda & adhuc incocta, tardaretur enim coctio. Propterea neque in principio, neque in augmento, sed in vigore tantum quidam contendunt tuto exhiberi, ne augeatur febris, aqua in materiam febrilem conuersa. Celsus vetat ne propinetur ante diem quartum: item non sit habitu gracili, frigus enim lædit partes nervosas: Galenus, *ut ipse scribit libro de consuetudine*, gracili frigidam propinavit haustu Germanico, sed mortuus est; non desit propterea aliis non gracilibus eandem propinare: Non sit coniectura abscessus in visceribus. Assueuerit frigida, alioquin metus est ne magna & subita mutatione conuellatur. Aëtius ex Philumeno commendat stratum molle & sæpius renouatum: Amicula assidue permutata, & satis gracilia, non sordida: contra Medicorum quorundam opinionem, quibus religio est mutare lintea aut indusia. Item flabello aërem agitat: Portulacam probè terit, adiecto uno crudo, vnâ cum vitello & candido, admixtoque modico oxyrhodino, hoc corpus inungit, atque ita ardorem extinguere affirmat, ut postea nulla redeat exacerbatio.

Rossæus
epist. 36.
vult sæpe
in morbis
& absq; ul-
lo periculo
mutari
indusia &
lintheami-
na.

Estne secura febris tertiana? Non videtur, quia inter acutos morbos ab Hippocrate 3. *Prognost.* & Galen. in *Aphorism.* recensetur. An quoad nomen tertiana secura est? Sed quando afficit corpus ægrum, periculum est ne degeneret in continuam. Ergo non de continua

tertiana, sed de intermittente loquuti sunt.

*MORBORVM A PITVITA
generalia remedia, sub exemplo
febris pituitosa.*

C A P. VI.

Febbris quòd quotidie repetat non est quoti-
diana, nam duplex tertiana & triplex quar-
tana quotidie redeunt: sed tertiana cum rigore,
quartana cum horrore, quotidiana cum extre-
morū refrigeratione: nec quotidiana desinit in
ἀνυπεξία; quia vt ex viridi ligno, ita ex humore
crudo semper aliquid effumat: neque paroxys-
mum quotidianæ, vt tertianæ, sudor terminat,
quia pituita in sudores difficile, bilis citò facilè-
que resoluitur. Solet autem esse longior acces-
sio & ad duodeviginti saltem horas perdurare:
quia humor frigidus crassus vt tarde & difficile
coquitur, tardiùs resoluitur.

*Cur quoti-
diana ac-
cessio lon-
gior.*

Coniicienda causa simul & species febris, pri-
mum ex antecedentibus: Si ægrum deditum
gulæ, pituitosum, qui otiosam vitam egerit,
hyeme, in regione aut aëris constitutione fri-
gida humida, inuasit: Si fuerit puer aut senex:
si fœmina, si pinguis; nam pueri propter in-
gluuiem, senes, fœminæ, obesi, naturæ & ca-
loris vitio, multam congregant pituitam. Ab
adiunctis; Si calor humidus, quamuis ob pu-
tredinem aliquantum acer sentiatur. A con-

Dignotio.

*Ab ante-
cedentibus.*

Adiunctis.

Excretis.

sequentibus, ut actione læsa: Si pulsus fuerit parvus, pituita quantitate & qualitate calorem obruente. Ab excretis: Si urinæ tenues (tales autem sunt propter obstructionem, quia solum tenue percolatur) albæ, ob serum & cruditatem; tandem turbidæ, propter humoris crassæ permixtionem: Deiectiones liquidæ, crudæ, pituitosæ: Sitis nulla, quia ventriculus scatens pituita sitis causas, calorem & siccitatem, reprimat, nisi fortè pituita fuerit salsa, putredine, aut admixtione bilis.

Pituita
species cur
exactè di-
stinguen-
da.

Diligenter autem, ut ex arte procedat curatio, distinguenda erit species pituitæ ab effectis (acida autem famem, salsa sitim, dulcis somnum conciliat) quia acidæ coquenda, salsa mox vacuanda, dulcis naturæ committenda.

Cum primum febris speciem ex dominatu pituitæ conieceris, febrem fore longam admonebis, quia crudus humor difficile coquitur: nec vacare periculo, quia nullas dat naturæ inducias. Deinde hac arte aggredienda curatio. Quia pituita in ventriculo & intestinis colligi solet, ad humorem illinc vacuandum nihil aptius enematum usu frequenti, quorum hæc sit formula.

℞. parietariæ, mercurialis, chamæmeli, meliloti, pulegij, adde si vis, hyssopi, thymi, origani, calaminthæ, an. M. ss. feminum anisi, fœniculi, an. ʒ ij. fiat decoctio. In colaturæ libra una dissolue mellis anthosati aut mercurialis & sacchari rubri, an. ʒ j. diaphœnici, hieræ, aut benedictæ laxatiuæ ʒ vj. olei chamæmeli & anethi, an ʒ j. ss.

Humor præparetur syrupis de hyssopo, de *Pituitam*
 marrubio, de absinthio, de duabus, de quinque *preparan-*
 radicibus, de stœchade, oxymelite composito, *tia.*
 scillitico, cum decocto radicum aperientium,
 vel aquis apij, fœniculi, asparagi, petroselini,
 absinthij, menthæ, saluiæ. Mox purgetur phleg-
 magogis, vtagarico, diaphœnico, diacarthamo.
 Si placet paretur hoc modo apozema purgans *Purgan-*
 crassam pituitam. *tia.*

℞. radicum aperientium, vel radice enulæ
 campanæ & pœoniæ, a n. 3 ij. hyssopi, thymi,
 absinthij, chamædryos, chamepityos, an. M. ss.
 seminum fœniculi, adde si vis, pœoniæ, se-
 seleos, an. 3 iij. florum anthos & stœchados, an.
 P. j. foliorum sennæ mundatorum 3 j. fiat deco-
 ctio, addendo sub finem agarici nodulo inclusi
 3. ss. cū 3 j. zingiberis. In colature 3 viij. dissol-
 ue cuiusvis dictorum syruporum 3 iij. fiat apo-
 zema in duas doses, aromatizetur cinamomo.
 Poterit qui volet ex iisdem parare syrupū vt vo-
 cant magistralē, quo vtetur æger semel aut bis
 in hebdomade, cum morbus fuerit chronicus.

Si quis à portione abhorreat, malitq; catapotia,
 conuenient pil. aureæ, coccia, de Agarico,
 aggregatiua. Leuiores sunt de hiera, stomachi-
 cæ, & elephanginæ, quæ per se aut coniunctim
 præscribi poterunt. Dosis 3 j.

℞. massæ pil. aurearum & de hiera, an. 3 ij. *Pilula.*
 cum syrupo de absinthio fiant pil. molles. Vel
 ℞. agarici trochiscati 3 iij. vel massæ pil. de
 agarico 3 j. cum syrupo de mentha vel de hyf-
 sopo fiant sex pil. molles.

Circa principium refrigerationis, instante

paroxysmo, non alienum fuerit vomitum pro-
uocare, ad vacuandam pituitam quæ ventricu-
lo continetur, præsertim si natura illum appetere videatur.

Vomitus.

℥ syrupi acetosi aut oxymelitis simplicis
℥ ij. cum decocto corticis raphani & seminis
atriplicis, in quo 3 β. agarici bullierit, fiat po-
tio, detur tepide. Hippocrates & Galenus in
ista febre vomitum valde commendant: in epi-
demiis scribit vxorem Theotimi vomitu per-
curatam.

Vtile etiam erit tum spinam inungere oleo iri-
no, aut anethino. Utatur hydromelite, in cuius
decocto parum hyssopi bullierit.

℥. Hyssopi P. β. bulliat in tribus libris a-
quæ ad perfectam despumationem, seu con-
sumptionem tertiæ partis, addendo mellis ℥ jβ.
cuius quantitas minuatur, fiatque mulsa dilu-
tior, si calor in præcordiis auctus videatur, ne
bilescat.

*Ventricu-
lum robo-
rantia.*

Memineris toto morbi progressu habendam
imprimis rationem ventriculi, vbi sedes pi-
tuitæ morbificæ. Roboretur assumptis Aromati-
ci rosari, vel electarij diarrhodon tabellis, ad-
moto cerato stomachico cum oleo de absin-
thio. Oleum nucis moschatae arte chymica ex-
tractum valdè commendatur. Utatur sæpe sy-
rupis de mentha vel de absinthio: capiat sæpe
cochlear vnum ieiunus.

*Confert
etiam ad*

Quidam affirmant gentianæ succum cum
vino tepido sumptum ante paroxysmum febrē
tollere. Certius est vna hora ante accessionem,
corpore repurgato, theriacæ veteris aut mi-
thridatij

thridatij 3j. dare ex vino albo. Quidam deie- *febres & melancho-*
rant tribus tantum guttis succi mercurialis in *lia, non ab*
dextram aurem vel narem instillatis febrem *atrabile.*
solutum iri: quod, ut indifferens, experiatur
qui volet, ceteris non neglectis. Alij iubent in-
stante paroxysmo, ut pedes teneantur in aqua
calida, in qua herbae calidae bullierint.

Est ne secunda vena? Est sane ratione febrilis *An mit-*
ardoris, non ratione causae. Alij audacius, si quo- *tendus san-*
tidiana sit continua habeatque sedem in venis. *guis.*

Ad quotidianam pertinet febris Epiala, con-
traria lipyria, quando frigent interiora, vruntur
exteriora: quia pituita vitrea, parte qua putruit
incenditur, altera summe refrigerat: quae est val-
de periculosa propter contrarietatem. Dictis
ergo remediis incidenda & tenuanda, deinde
purganda, quae cum sit valde crassa & frigida,
vehementiora vsurpantur. Gordonius in feбри-
bus a pituita concedit vinum tenue dilutum, ra-
tione causae. Enimvero, inquit Valescus, si radi-
ces aperientes concedantur, si piper, si syrupus *An vinum*
de mentha & de absinthio, quidni vinum? Cel- *conceden-*
sus dat vinum mulsum, ut pituita coquatur & *dum.*
ventriculus roboretur, habens rationem causae,
non morbi.

DE HEMITRITIA, SEV
Semitertiana.

CAP. VII.

Hippocrates, primo Epidemicon, semiter- *Semitert.?*
tianam appellat horrificam, non tantum *cur horri-*
ca. *ca.*

scd. 3. l. 1.
Epid. in
princip.
Cur exitio-
sa.

quia inuadit cum horrore, sed etiam quod toto decursu morbi æger totus tremat horreatque: Constat ex quotidiana & tertiana. Quotidianam mox & sine vlla intermissione excipit tertiana, ideoque ad continuas potest referri. A pituita igitur perfrigeratio, à bile, externarum partium levis succussio, ab utroque horror. Dicitur autem semitertiana, non eo sensu quo semiputridum dicimus: est enim longè grauior tertiana, sed eo sensu quo hominem semideum: Est enim, autore Hippocrate, multis causis lethalis. Primò, propter varium conflictum contrariorum, pituitæ & bilis. Secundò, quia nullum tempus relinquit naturæ ad alendum corpus, coquendum humores noxios & vires reparandas, qua causa necesse est magnâ excrementorum copiam acervari. Tertiò, quia duplex. Postremò, quod stomachum & nervosas partes exerceat, vnde frequens syncope.

Curatio.

Mixtis itaque ad bilem & pituitam remediis tentanda curatio, stomacho, sumptis & admotis, roborato: nec non hepate refrigerato: nescio enim quomodo fit, ut vnum alteri calorem surripiat, & à maiori calore minor attrahatur. Celsus suadet venæ sectionem. Cateri non meminerunt. Sepius tamen conuenit propter grauitatem symptomatum.

MORBORVM A MELANCHOLIA
*communiare remedia, sub exemplo
 febris quartanæ.*

C A P. VIII.

Febri à Melancholia ob id quartana dicitur, quòd Melancholia quarto quoque die commoueat, ut bilis tertio, pituita quoque die. Securius est quæ primum inuadit, neque aliis morbis succedit. Febres enim quæ degenerant in quartanam, aliquando ad duodecim annos perdurant. Valeſcūſ vidit vnum qui trigesimo quoque die febricitabat, durauitque febris triginta annos.

Cognoscenda est imprimis ex antecedentibus: Si æger fuerit melancholicus, ætate inclinante, & autumno prehenderit, quamuis Hippocrates libro de Hebdomadibus, scribat potissimum inuadere in flore ætatis, ab anno scilicet 25. ad 45. Sed multa alia scripsit de quartana, quæ experientia quotidiana refellit, ut neminem bis quartanâ laborare neque laborasse vnquam, nec laboraturum, si semel euaserit: Securam esse febrem, neminemque perimere, imo verò à magnis morbis liberare: & sexto epidemicon. Quartana, inquit, laborantes nullo alio magno morbo corripuntur, quòd si aliquo laborent, liberantur superueniente quartana. Verùm pergamus. Dignoscatur. Si paroxysmus incipiat cum tremore &

*Dignosco
 ex Aëtio.*

F ij

stridore dentium, sibi que veluti contundi ossa conqueratur: sentit autem dolorem in profundo; quia frigidus, siccus, crassus, vno nomine terrestris humor non potest trudi ad cutem. Ab adiunctis, calore scilicet non admodum acri & mordaci, nisi humor sit atrabilarius. A consequentibus, ut actione læsa, quam pulsus rarus, ob humoris crassitudinem indicabit. Ab excretis, sudore paucio, quia terrestris humor difficillimè resoluitur in sudores, vrina tenui & aquosa, deiectionibus siccis.

*Melancho-
licus hu-
mor cur ab
atrabilario
distinguen-
dus.*

Distinguendum in primis humorem melancholicum ab atrabilario, monent Aëtius, & Trallianus, quia diuersa postulant remedia: Quartanam enim atrabilariam (qualis ut plurimum ardentibus & longis febribus succedit, humore per adustionem in atram bilem conuerso) curant cholagogo, causâ, vsu refrigerantium, ut syrupo de cichorio aut de endiuia, prius alteratâ. Quasi verò atra bilis ex flaua vsta perpetuò gignatur, non etiam à pituita salsa, & fæculento sanguine: Pituita, necnon bilis quædam naturalis, altera præter naturam, quæ rursus non est vnius modi: à qualitate enim salsa & acida (ad quam vitrea referri potest, quia acidæ qualitatis est particeps) à materia aquea, gypsea, mucosa dicitur: Bilis verò, vitellina porracea, aruginosa, glastea. Tot tamque differentes species cum idem Catharticum vacuet, idem dico non tantum specie, sed numero, cur non pari iure eodem melanagogo melancholicus humor & atrabilarius purgantur? Preferendum igitur Galeni consilium, qui

humorem crassum incidentibus & tenuantibus, ut oxymelite, præparat; deinde melanagogo purgat: in progressu morbi his utitur, quæ sanguinis eluuiem purgât, quod præstant syrupi de buglosso, de lupulis, de fumaria. Non ausim tamen syrupis de thymo, & de calamintha atram bilem tam audèter, quam humorem melancholicum præparare, ne feruor calidiorum usu augeatur. Prædictis syrupis utendum cum aquis lupuli, fumarie, buglossi, borraginis, scolopendriæ, melissæ, sambuci, genistæ. Si placet, præscribatur hoc apozema.

℞. radicum capparis, tamaricis, an. ʒ iij. polypodij. ʒ. ʒ. lupuli, cuscute, melissæ, buglossi, borraginis, an. M. j. seminis anisi, fœniculi, an. ʒ. ij. florum genistæ P. j. fiat decoctio: In colat. ʒ. viij. dissolue syrupi de fumaria simplicis vel compositi, syrupi de pomis aut regis Sabor an. ʒ j ʒ. fiat apozema clarum in duas doses.

*Apozema
alterans
melancholiam.*

In eodem decocto bulliant foliorum sennæ mundatorum ʒ. vj. colature ʒ. iiij. dissolue syrupi de epithymo compositi ʒ. j. fiat potus. Ad purgandum humorem præparatum præstat leuioribus iteratis, quam vehementi, semel atque, ut aiunt, eradicando vacuare, quia humor contumax solet exasperari fortioribus catharticiis. Pauperibus tamen & robustis hoc proderit. ℞. confectio. Hamech ʒ. iij. dissolue in decocto lupuli & scabiosæ, in quo ʒ. ʒ. foliorum sennæ bullierit, adendo oxymelitis Galeni ʒ. j. fiat potus.

Purgans.

*Epicrasis
curatundum.*

Pulueris sennæ orientalis aut epithymi cretensis ʒ ij. ex vino albo satiserunt aut infusio

F iij

3. B. infero, vel aqua violarum, si humor sit atrabilarius.

Phlebotomia.

Si corpus plethoricū & vrina rubra videatur, mittatur sanguis de basilica sinistra: qui si ruber effluat, sistatur; si niger, magna copia educatur. Mulieribus menses, viris hæmorrhoides exsistentur, præsertim si quando fluxerint. Quidam aperiunt saluatellam, etiam in ipso paroxysmo.

Quando lieni prospiciendum.

Monet Galenus prospiciendum lieni tam sumptis, quam ad motis remediis, *capite de obstructione lienis* explicandis: quia illic sedes humoris melancholici, illic focus febris. At Trallianus & Aëtius ex Ruffo, in quartana atrabilaria habendam potiùs rationem hepatis obstructi, & longo biliosæ febris ardore propè scirrhusi ex hoc demonstrant, quòd dextrum hypochondrium tensum & contactu ipso valde durum sentiat: Vomitus valde confert ad vacuandum humorem peccantem, si duabus horis ante paroxysmum iam dictis remediis prouocetur. Vinum album repidè datum initio, vomitum excitat, in declinatione sudorem, cuius usu non est interdicens nisi die accessionis.

Balnei usus.

Multi commendant balneum, ut sicca & astricta cutis, qualis est melancholicorum, relaxetur, quod in calida quartana magis conuenit ad refrigerandum, quam in frigida. Alij iubent paulo ante paroxysmum spinam & pedes, quia inde incipit paroxysmus, inungi oleo de iunipero, de scorpionibus, costi, castorei, vnguento, arëgonio, vel in qua rana viridis bullierit: hæc enim humoris maligni esse alexite-

Alexiteria

ria: alij theriacam solutā in aqua vitę præferunt.

℞. theriacæ ʒ j. nardi & caryophyllorū, añ.
 ʒ i. cum aliquo ex dictis oleis, aut cum vino generoso fiat linimentum pro spina dorsi: sic enim tremor, prodromus quartanæ, minuetur, quia calore natura roborata, frigori potentiùs resistit; quinetiam sudor aliquando sequitur, quo minuitur accessio, vacuata portione materiæ morbificæ. Confectio alkermes data vnâ hora ante accessionem, corpore priùs repurgato, benefacit. Quemadmodum & decoctum agrimonie, cui adiectum sit parum vini albi sub finem decoctionis, datum in ipsa accessione, aut decoctum radic. azari, datum ante accessionem vna hora, mouet aluum, & vomitum prouocat.

Mirum quod inculcat Rondeletius, vsu vini albi, in quo salvia per noctem maduerit, solui quartanam: idque ad omnes morbos à melancholia magnum & certum esse remediū: Mirabilius quod affirmat Trallianus, Scarabeum viuum fuluo linteolo appensum collo, certo experimento quartanam tollere. Alij laudant vermem, repertum in carduo, qui labrum Veneris vulgò dicitur, appensum collo; lege plura amuleta apud Trallianum. Valescus scribit succum thapsi barbati ter datum vna hora ante paroxysmum soluere quartanam. Quidam hoc habent pro secreto. Accipe cor leporis, ita præparati vt solet pulmo vulpis: diuidatur in tres partes æquales, dentur ægro cum vino ante paroxysmum, quarto paroxysmo sanabitur.

Valdè calfacientibus, vt diospolitico, pipe-

F iij

*Vini sal-
uini vires.*

*Remedia
specificæ ad
quartanā.*

*Cautio à
valde cale-
facienti-
bus.*

re, sinapi, diatrium pipereon in calida seu atra-
bilaria quartana abstinendum esse memineris;
in frigida, cautè & magna religione vtendum.
His enim remediis qui vtuntur ante vigorem
morbi, ex simplici quartana duplicem faciunt,
inquit Aërius. In statu dari possunt ante acces-
sionem. ℥. myrrhæ, piperis & foliorum rutæ
viridium, an. partes æquales, cum melle, fiant
pil. quarum 3. detur ante accessionem. Tral-
lianus affirmat solo vsu salsamentorum se mul-
tos sanasse quartanarios. Quod in quartana ab
humore melancholico frigido & sicco dumta-
xat verum esse potest.

*MORBORVM AB INANI-
tione generalia remedia, sub exemplo
febris Hectica.*

C A P. IX.

*Vnica spe-
cie febris
hectica
differeñs
tantum
gradibus,
primum
humorem
alibile in-
uadit, id
que quod
instar roris
dispergi-*

FEbris Hectica est intemperies equalis, pro-
inde indolens, morbum enim non sentit
hecticus nisi priuatiuè, quia solitas actiones
obire non potest: adde quod fit sensim altera-
tio, nec in motu essentiam habet. Incipit cūm
febrilis calor humorem alimentarium, rorem,
gluten, cambium (tot autem Febris, quot hu-
moris sunt gradus) inuasit. Confirmata dicitur
cūm humorem primigenium & spiritum fixum
consumpsit, vt diaria vagum & fluentem; quo-
rum communione non rarò accidit, vt diariæ

succedat hectica, calore febrili ex vago in fixum serpente, qui in humore primigenio subsistit. Consequitur sæpius Febres ardentes, colliquantes, & magnas euacuationes, vt hemorrhagiam, diarrhœam, dysenteriam, lienteriam, nec non Empyema, Phthisin. Minus periculosa, quæ ventriculo, hepati, lieni, vtero, renibus succedit.

Cognoscetur calore, non ægro, sed tangenti medico, mordaci. Urina tenui, cruda, alba, ad extremum oleosa, à colliquatione: Tussi sicca, pulsu languido, duro, atque vt dicitur, hectico, propter arteriam siccatam: statim à pastu calorem sentiunt, præsertim in manibus & pedibus; quia humoris alibilis vapore, veluti calx aquâ, calor siccus perfunditur: venter propè adhæret costis, facies plumbea, propter caloris & spiritus paucitatem; ad extremum cadauerosa, oculi caui, nares acutæ, collapsa tempora. Quando capilli defluunt, tibiæ inflantur, accidit fluor alui, mors est in propinquo.

Curatio potius consistit in diætâ, quàm in pharmacia. Si tamen aliud sponte non feratur, Clysterè aut Cassia recenti molliatur, vescatur gallinis quæ nutritæ sint ranis, vel hordeo quod cum ranis bullierit, ex quibus simul pistis fiat pasta. Extinctos ouorum vitellos, & testiculos gallorum in lacte coctos quidam commendât: Sed causæ, nempe inanitioni, magis quàm Febri conueniunt. Utatur hordeato, amygdalato, gelatina, consumptis, destillatis, restauratiuis, pullastro infarcto hordeo mundato, syrupo resumptiuo, vino albo tenui, diluto, si lon-

tur, Ros nominatur: deinde carnem ipsam: potestremò solidas partes, tuncque est confirmata, & Marasmodes dicitur.

Signa lethalia.

Curatio ferè tota analeptica.

*Balnei
tepidi u-
sus.*

go vsu ptisanæ fatiscant vires. Fugiat vigilias, coitum, perturbationes omnes quæ exsiccant & attenuant, ut iram, tristitiam. Balneum actu tepidum, quod habeat vim refrigerandi, & humectandi, confert incipienti non confirmatæ, multò minùs si coniuncta sit ferina destillatio: Lauetur quotidie semel, moretur in balneo si potest per quatuor horas, hauriat illic lac asinæ cum saccharo violato, rosato: à balneo mox inungatur cerato refrigerante Gal. vel vnguento rosato Mesuæ, oleo rosarum, violarum, nymphææ.

*Marasmus
cur insa-
nabilis.*

Marasmus est insanabilis, siue sit naturalis cum senio, siue accidentarius: atque ut dicebat Philippus, περιφρυγής. Extenuatos enim percurarunt, qui tabidos se sanasse gloriantur: Quæadmodum si in exustum ellychnium oleum affundas, oleum & operam perdis. Ita solidam substantiam calore, spiritu & oleo suo priuatam, (tot enim continet humidum primigenium) frustra suæ naturæ restituere contendis: quia aqueus, non aërius humor à calore febrili ex alimento substituetur.

*Humor
primige-
nius subie-
ctum est
Hæctica.*

Estne aliarum febrium, ut biliosarum, calor maior quam Hæctica? de hoc enim certari video. Respondeo: biliosæ febris calor est maior intèsiuè, cum ardeat in suo foco. Hæctica calor maior est extèsiuè; habet enim pro subiecto humorem primigenium, qui diffusus est per omnes corporis particulas, præsertim solidas.

MORBORVM MALIGNORVM,
venenatorum, contagiosorum, pestilen-
tium communia remedia.

C A P. X.

Quamuis quidam contendant pestem dif-
ferre à febre pestilenti, quod epidemij
carbones & bubones pestilentes ab Hippocr.
in epidemiis visi sint sine febre, & Galenus *nono*
simplicium, peste correptis bolum armenum ex-
hibet, iis qui sine febre erant, cum vino; aliis
absque vino. Quia tamen à morbis acutis febris
est inseparabilis, pestis autem (quamvis eo no-
mine anthracem & pestilentem bubonem cō-
prehendas) est morbus acutus, semper habet
adiunctam febrem, occultam tamen aliquando
& insensibilem: Corpus quippe tangenti medi-
co frigidum apparet, ager verò intus incēdio se
flagrare conqueritur: quod in peste Atheniensi
accidisse author est Thucydides: Ergo pestis fi-
niatur, febris epidemia, contagione dele-
ria. Quod habeat communem causam, ut aë-
ris extraordinariam immutationē, popularis:
quod illi non simplex, sed summa insit putre-
do, est contagiosa: inquinatur aër & virus con-
cipit seminarium contagionis, per se, non dif-
flatus.

*An febris à
peste inse-
parabilis.*

*Pestis de-
finitio.*

Sic vitium capiunt, ni moueantur aque.

Cum M. Antonij milites auri spe in Seleucia
Babyloniæ, arculam Auidi Cassij aperuissent, in-

de tam putris aura exhalauit, vt non regionem modò peste infecerit, sed ventis in Græciam, deinde Romam, delata, hominum magnam partem sustulerit. Corrupitur etiam astrorum maligna coniunctione, alioquin præuideri & prædici ab Astrologis non posset: Tum expirationum quæ à terris feruntur, fœtore, vt à cloacis & cadaueribus insepultis: Sæpe etiam λοιμός μὲν λιμὸν pestis post famem. In summa annonæ penuria, vulgus cogitur vti prauis alimentis, quorum esu prauī humores succrescunt.

*Signa
diagnosti-
ca.*

Dignoscetur antecedentibus. Si quæ ex prædictis causis antecesserit: Si iam multos prehenderit; Si austrina, seu calida & humida fuerit anni constitutio. Ab adiunctis, vt anthrace & glandularum, potissimum quæ sunt sub alis, vbi sunt cordis emissaria, inflammatione: A consequentibus, vt cordis actione læsa, quod syncope, cardiogmos, pulsus languidus, celer tamen, inæqualis: difficilis & putida spiratio, non iniuria sanè, demonstrant: cum omne venenum, eo ipso quod venenum, aduersum vitæ, illius arcem primum imperat, nisi cum alia parte priuatas & occultas inimicitias gerat, vt lepus marinus cum pulmone, cātharis cum vesica. Ab excreto non est certa coniectura. Vrina enim, aliàs sanorum similis, qualis in diaria simplici; aliàs oleosa, vt in hectica & colliquante febre; aliàs cruda, flaua, nigra, qualis in humoralī: quia enim seminarium contagionis spiritus, humor, quin solida viscerum substantia primum excipiunt (non enim promiscuè &

*Cur ab ex-
cretis non
bene di-
gnoscitur.*

indifferenter obuio cuique, sed analogo duntaxat communicatur) accidit ut nonnunquam diariæ, alias humoralis, alias hecticæ speciem & signa præ se ferat. Omnes tamen ea consequuntur, quæ continuas & malignas febres. In præcordiis summum incendium, unde sitis incredibilis, & inquietudo; Somnolentus torpor accedit virium imbecillitate, quo tamen interdiciendi sunt, ut motu & vigiliis venenum foras erumpat. Pauci conuulsi euadunt, quibus tumores vel pustulæ statim erumpunt. Pauci quibus blandus est calor, aut alius liquidis fluit excrementis.

Signa malignitatis.

Pugnandum est imprimis aduersus causam externam: Aer, publicè & priuatim accenso igne, repurgandus; heterogenea enim separat & putredinè absumit, si ex lignis odoratis, ut iunipero, paretur, erit gravior & spiritus vitales magis recreabit. Facultas ipsa vitalis, sumptis & admotis cardiacis roboranda, ut resistat veneno. Syrupus de limonibus in aquis cardiacis dissolutus est singularis. Vel

Curatio.

℞. conseruæ buglossi & borraginis, an. ʒ. j. corticis & seminis citri, an. ʒ. ij. diamargariti frigidi, trochiscorum de camphora, an. ʒ. j. adde si vis boli armeni & terræ sigillatæ tantundem, rasuræ vnicornis, smaragdi, ambræ, an. ʒ. ss. cum syrupo conseruationis citri fiat opiata, vel cum saccharo in aqua violarum, buglossi, scabiosæ, cardui benedicti, soluto, fiat electuarium per tabellas; quæ si calidiora videantur, præsertim estuante cælo, temperentur additis rosis, violis, santalis. Pauperibus satis erit pul-

Ignis effiacia.

*Opiata
cardiaca.*

uis ex cortice & semine citri, cornu cerui, zedoaria, dictamno, angelica, tormentilla, scordio, gentiana, sumptus cum aqua cardui aut borraginis, pondere 3. i.

*Remedia
externa.*

*Theriaca
& Mithri-
datij usus
& dosis.*

Admoucantur cordi Sacculi, Fodus, Epithemata. Sacculi parentur ex rosis rubris, violis, floribus buglossi, cortice citri. Ex eorumdem decoctis, aut aquis distillatis, fiat fodus. Additis pulueribus aut electarijs cardiacis, epithema. In officinis seruantur duo venenorum omnium & venenatorum morborum alexiteria, Theriaca & Mithridatium, a quibus ad imminentis mali præcautionem & præsentis depulsionem, manifesto vitæ & sanitatis commodo, vsa est antiquitas tam sumptis, quam admotis. Sumuntur 3 j. pondere per se, aut ex aqua cardiaca. Admouentur cordi forma linimenti cum succo limonum, aut permixta conseruis cardiacis forma emplastri. Moses Ægyptius affirmat narratum sibi à Medico doctissimo, cum tempore pestis in Antiochia medicinam exerceret, experientia didicisse, cum nullis alijs remedijs pestis cederet, eos solos qui Theriacam sumpsissent seruatos fuisse.

*Quale ca-
tharticum
conueniat.*

Conuenit inter doctos cacochymiam leni cathartico minuendam, quo vrendum erit cum decocto cardiaco. Exempli causa, si accensa bilis, & maxime omnium humorum virus concepisse videatur, quod febris biliosæ iam dicta signa demonstrabunt, quamuis propter cacoethiam & virus coniunctum, acuta.

℞. scordij, radicis acerosæ ʒ. β. scabiosæ, richorij & pimpinellæ, an. M. j. seminum citri

& cardui benedicti, añ. 3. ij. florum cordialium, an. P. j. fiat decoctio : In colaturæ 3. iij. infunde Rhabbari 3. ij. In expressione leni dissolve syrupi rosarum pallidarum compositi cum agarico 3. j. ʒ. adde camphoræ grana duo, fiat potus. Non ausim vehementiora, ut diaprunum solutium & electarium de succo, & confectionem Hamech dissolvere, ne naturam conturbet, tantū abest ut dacrydio, aut antimonio uti velim. Multi tamen huius quatuor aut quinque grana in aquis cardiacis macerant; infusionem affirmant dari felicissimo successu. Quidam commendant elleborum. ʒ. pil. indarum 3. ʒ. dacrydij & trochiscorum Alhandal ʒ. vj. excipiantur conserva buglossi, fiat bolus, superbiat aquam cardui benedicti. Celsus catharticum improbat, præsertim vehemens.

Si pestis synocha summè putri similis videatur, & corpus plethoricum, non dubito venam tutò & ægri commodo aperiri posse: Si verò ephemeræ, aut hæcticæ, minimè. Pestilentis diariæ essentia quæ est spiritalis, eodem die interficit; Hæcticæ quando anhelitus fœtet, neque sentit se febrile. Hinc illæ querimoniæ de mittendo sanguine in febre pestilenti: Omnibus probabili ratione & contraria experientia certantibus. Quidam affirmant eorum vix unum euasisse, quibus aperta est vena; alii vix unum interiisse, nullumque maius & præsentius auxilium se percepisse. Februm distinctione dissensio componenda est. In humo-
rali utiliter tunditur vena initio, cùm vires adhuc constant: at progressu morbo necollaban-

*In peste an
mittendus
sanguis.*

tur, abstinendum est. Celsus laudat phlebotomiam si febris sit cum dolore. Quidam commendant cucurbitulas scapulis, lumbis, cruribus admotas, alij vesicantia.

*Virus foras
trahentia.*

Ille idem Celsus laudat balneum & hidroticum, ut per cutem virus erumpat. Confert alas & inguina illinere oleo scorpionum, ut venenum eo attrahatur substantiæ similitudine.

Vitius ratio.

Præstatne fames an crapula? Fame, inquit Aëtius, materia efferatur, & vires infringuntur: quas imprimis custodire oportet. Celsus laudat sobrietatem, & semel quotidie comedendum putat: Auicenna paulò plenius corpus alendum existimat, ut benigno alimenti vapore humoris malitia retundatur: Auicennæ fauet Galenus. Sed liquidis, non solidis velim eos nutrirî, ut gelatina, consumptis iusculis pulli & vituli, saporatis herbis cardiacis, ut utraq; acetosa, buglosso, borragine. Conuenitne vinum? Non videtur, quia febricitantibus noxium. Verum est optimum cardiacum, citò reparat spiritus, & animi deliquiis succurrit. Confert febribus malignis, & resistit putredini & cacoethiæ, non feberi. Diluendum tamen aqua acetosâ, scabiosâ, borraginis. Quibusdam placet in principio interdicens, in augmento aut vigore, cum vires violentia morbi opprimuntur, concedunt. Notabile est quod scribit Plutarchus in Iulio Cæsare, cum illius exercitus, ciborum inopiâ, prauis alimentis vteretur, correptum fuisse peste, quæ tamen euauit, cum primum appulit in regionem feracem, præsertim vini. b

*Vinum an
conueniat.*

Suspectus

a suspectus esse debet pestilentia tempore, Theriaca & Mithridatij usus, propter nimium ardorem eorum, ex quibus constant, ne inde putredo, praecipua & fere unica pestis causa, augeatur.

B Insignis illa facultas vini aduersus pestilentiam, non legitur in Graecis Plutarchi, neque veram esse puto propter calidiorem vini naturam.



DE MORBIS

ORGANICIS,

SECTIO SECVNDA.

DE MORBIS CONFORMATIONIS.

CAP. I.



OLA conformatio facit instrumentum, parumque refert si membrum dixeris organicum, an conformatum: Illa autem consistit in

Conformatio in quo consistit.

meatu, nec non cauitate, figura, asperitate & laeuitate. Siue enim meatus angustior, siue amplior fuerit, quam naturae conueniat, si peruertatur usus ad quem destinatus est, morbus est in meatu. Quibusdam à prima conformatione, scapulae, alarum instar, prominent. Aliis tabulatum est pectus (illi *πτερυγώδεις*, hi *σχινοειδεις* appellantur; Vtrotumque tam angu-

Alati. Tabulati.

stus est thorax, vt pulmo liberè dilatari non possit. proinde difficillimè spirant & proni sunt ad tabem; morbus est & in figura, & in cauitate. Galenus sæpè & diu retento spiritu existimat thoracem dilatari posse. Quod si densitate, obstructione aut compressione vena distribuendo sanguini fuerit inepta. Si natura. vel ex morbo, carne vel membrana supercrescente, & meatum obstruente, viris aut mulieribus genitalia perforata non sint, (& *τενερ* nominantur) morbus est in solo meatu. Si vicinum aliquod viscus, vt lien, adeo intumuerit vt premat intestina, morbus est in sola cauitate.

Curatio.

Si cutis densior & astrictior fuliginem liberè non excernat, fiat laxior frictione molli, balneo aquæ dulcis: Si iusto rarior fuerit, & immodico sudore diffluat, densetur frictione sicca, balneo adstringente, oleo rosato, & myrtino inungatur, respersis, si placet, earundem virium pulueribus, vt malicorij & rosarum siccarum.

*Obstructio
cur inter
morbos
recensita.*

*Calculus
non est
morbus,
sed causa
morbi.*

Obstructio est morbus inter organicos frequentissimus, aliorumque propè innumerabilium parens, quam nemo miretur in ordinem morborum referri. Nam vt ad motum duo requiruntur, mouens & mobile; ad actionem quod agit & quod patitur: sic ad obstructionē duo concurrere necesse est, quod obstruit & quod obstruitur. Obstruunt humor crassus, viscidus, multus: grumus, callus, arena, vermis, calculus. Obstruuntur cutis, vena, arteria, nervus (quamuis solus opticus sensibilem habeat cauitatem) ventriculus, vesica, renes, deniq; partes

omnes cauata à natura atq; perforata. Obstructionis est morbus ex utroq; constans; vtrius est affectus? profecto, vt Aristoteles docet motū esse affectionem mobilis, non mouentis: sic obstructio est affectus obstructi instrumenti, non obstructuentis causæ. Cui hac arte prospiciendum est.

DE SOLVENDA

obstructione.

CAP. II.

CAusa primū antecedens, quæ fouet, *Antecedens causa*
 mox coniuncta, quæ facit morbum, tollatur. Antecedens, plethora frequentius quàm *ut tollenda.*
 cacochymia. Illa sæpè à suppressa solenni & solita vacuatione, vt mensium & hæmorrhoidum, quæ imprimis arte prouocetur. Generali obstructioni succurrendum est aperta vena, vt cathartico deinde pateant viæ, & quoquo-
 uersum liberius feratur: mox cogitandum de coniuncta remouenda.

Pituita in quauis parte caua potest lapidescere: nam Hippocrates *quinto Epidemion*, famulam Dyseridis vulva lapidem excreuisse affirmat. Tussi reiectos viderunt Galenus, Paulus, Trallianus, Beniuenius, Dodonæus. Nec *De lapidibus & calculis in variis corporis partibus.*
 dubium est sæpe in bronchiis asthmaticorum, in lapilli duritiem pituitam crassam & viscidam concreescere. Arculanus & Gentilis viderunt bis de colo, semel de ventriculo reiectum. Francisco de Pedemontio spectatore per inte-

grum mensem, durauit lapidosa diarrhoea, quidam oui magnitudinem æquabant. Simile quiddam obseruatum in Medico huius ciuitatis. Dominus de Bolieure Cancellarius optimè meritis excreuit duos, secundus erat malo granato similis, quibus reiectis melius habuit. Beniuenius cathartico vehementi lapidem oui columbini magnitudine ex intestinis deturbauit. In vesica fellis sæpè obseruantur. Beniuenius in tunica hepatis conspexit. Vnde mirari licet, cur Fernelius neget generari in vesica. Acceptis enim in rene primordiis illic tantum incrustari existimat, hoc argumento: Lapidēs renū & vesicæ differunt substantia: in illis enim poroïdes gignitur, in hac densus & solidus. Tum colore, renalis enim ruber est, concolor reni: vesicalis albus vel cineritius: Atqui si lapidem repertum in vesica fregeris, videbis in medio lapillum, veluti nucleum, colore & substantia renali plane similem: Ergo genitus primum in renibus, in vesica accepit integumentum. An hoc in multis ita est, non in omnibus: quidam enim sine nucleo visuntur. An arena quæ a renibus rubra excidit, talis in centro manet, at in superficie continuo vesicæ contactu albescit? Enimuerò cū posita causa sequi possit effectus. In vesica autem, præsertim infantium dum in cunis vagientes, supini meiuunt, arena multa colligatur, quæ pituitæ lentore inuiscatur, quid vetat hîc vt alibi cogi in lapidē? Hipp. potius in vesica, quàm in renibus arenu-
las colligi existimat. Quod Philotheus fieri putat, quia maior est vesicæ quàm renū capacitas.

Iisdem vnumquodque augetur quibus ortum est, suntque vt nutritionis, sic accretionis eadem principia quæ generationis. Faterur accrescere in vesica, cur negat generari posse? Sed ad rem: ratione & experientia testatum habemus vbiuis lapillum concreescere sed ab illo definite partem obstrui certa coniectura assequi non possumus. Faciamus tamen cathetere exploratum, anum, vesicam, vterum, à lapillo obstrui: Remolliente semicupio, clystere, facilitandus exitus: Pars affecta oleo scorpionum & liliorum cum adipè cuniculi illinēda. Si rimula sit angustior, chirurgia est opus. De pulmone, vt expectoretur facilius, syrupo de althæa, de glycyrrhiza, oleo amygdalarum dulcium cum alphenico & diatragacantho frequenter vtendū, additis incidentibus, vt syrupo capilli veneris, oxymelite: quibus nō tam lapillus comminuat, quā pituita crassa, quæ excretionem tardat, tenuetur.

*Curatio
obstructionis à calculo in partibus naturalibus.*

Pituita crassa in pulmonibus.

Vermes in eorum quoque sunt numero quæ obstruunt. Illi vt lapides, in qualibet parte, ex quouis humore, præsertim ex pituita putri, generantur: non aliter quā ex fimo infinita animalcula: Sed enim cum vbiuis pituita possit putrere, præsto adsit calor humidus, quidni quacumque in parte excitentur? Beniuenus vidit de pulmone tussi excretū, Dodonæus de vesica. Descendisse eos à renibus verisimile. Visus sæpè vermis, qui demorso corde vitam ademerat. Visus ab Auicenna qui abdomen perforauit. Valesco spectatore duo vermes ex auribus febrientis cuiusdam adolescentis prodierunt, qui

Vermium materia.

mox conualuit. Alzaraius & Mundella rubros cum lotio reiectos viderunt. Alexander Pedemontanus scribit repertos esse in capsula cordis, qui de morso corde primū epilepticos insultus, deinde mortē attulerant. Pueris dormientibus quandoq; per nares erūpunt, quia vt alimētum quærant, ventriculum, inde gulam perreptant. Puer excreuit tres simul & semel, sed minimos omnes in globum coactos, dixisses cōglobatas erucas. Ore clauso per foramen palati ad nares ascēdunt. Valeriola vidit nouem, Plin. triginta pedes longū: Trallianus, qui excederet duodecim cubitos. Quod non est valdē mirum, si verē Paulus & Acrius affirmant, interiorem tunicam intestinorū in longum & latum vermem aliquādo transmutari. Magis extraordinariū est, quod narrat Hollerius de quodam Italo, in cuius cerebro natum scorpionem ex basilicæ herbæ frequenti odoratu vidisse se affirmat.

Cūque pro varia materiæ putrentis qualitate tot tamq; differentia animalcula in vniuerso generetur, quid mirum ex tot adeoque dissimilibus humoribus, qui in nobis putrere solent, tam differentes vermes, longos, latos, rotundos, hirsutos, magnos, paruos exoriri? Nobilis quidā in castris annonæ penuria coactus est palustrem aquam bibere, & eduliis mali succi per aliquot dies viuere. Inde nati vermes, quos datis pilulis ex aloë cum ꝑ. ss. trochiscorū alhandal, vna die excreuit plus viginti, qui anguillarum speciem & magnitudinem æquabant.

Omnibus cōmune remedium. Dulcia infer-
Curatio. nē, amara supernē; his pars obsessa verme illi.

nenda: cum enim dulcibus generentur, nutri-
antur, accrescant: amaris interficiantur, iniecto
clystere ex lacte cum melle vel saccharo, sine
oleo, quia pingua ut amara fugiunt, descendēt
ad pabulum, simulque cum iniecto excluden-
tur. Rhabarbarū infusum in decocto graminis,
acetosæ, cichorij, scordij, comæ absinthij, semi-
nis portulacæ, vel coriandri vermes necabit &
deturbabit; addere possis syrupi de limonibus,
aut de acetositate citri ℥.j. fiat potus, cuius loco
poteris uti aqua infusionis rhabarbari. Idē præ-
stant pil. communes, ex aloë, myrrha, & croco:
Theriaca & mithridatiū sumpta & admota, cinis
vermiū & pulvis cōtra vermes ex aqua portula-
cæ dari possūt, aut forma tabellæ, opiata cōditi.

*Vermes
pinguia &
amara re-
fugiant.*

*Potus con-
tra lum-
bricos,*

℥. massæ pil. communium ℥.β. cum syru-
po de absinthio fiant tres pil. molles, capiat
media hora ante prandium, continuet per ali-
quot dies. Item ℥. eiusdem massæ ℥.vj. cum
oleo amygdalarum amararum & paucō acc-
to, fiat emplastrum umbilico admoendum.
Vel ℥. olei de absinthio ℥.ij. pulueris con-
tra vermes, aloës, añ. ℥.ij. adde si vis parum
fellis, cum cera fiat linimentum. Eadem olea,
tum de fraxino, persicorum: Succij, centau-
rij, athanasæ, matricariæ in aurem instillari
possunt ad necandos illic vermes; malim pulue-
res in prunas conijci, fumum auribus captari.

*Pilula
communes
sunt reme-
dium in-
ternum
& exter-
num.*

Humor crassus incidentibus, viscidus de-
tergentibus præparetur, mox per ductus natu-
ræ convenientes vacuetur. Est enim cum per
urinas commodius repurgatur, ut obstructa se-
cunda, seu media regione: At prima clystere,

*Obstructio-
nis à crasso
humore
curatio.*

aut sumpto eccoprotico, per aluum: Vltima per cutem diaphoretico & hidrotico expurganda.

Syrupi incidentes.

Ab humoribus calidis, ut bile vitellina.

Terebinthina dotes in quibusvis obstructionibus.

Cautio in aperientium usu.

Incidentes & aperientes syrapi sunt de duabus, de quinque radicibus, de byzantiis, capilli veneris, de hyssopo, de marrubio, de arthemisia, oxymel, præsertim diureticum: quibus vtendum, cum decocto quinque radicum aperientium, cinamomi, cicerum rubrorum, vel herbarum capillarum, aut earum aquis destillatis dissolui possunt trochisci de prassio, de calamintha, de myrrha. In naturis & affectibus calidis, vt bile vitellina cystim, hepar, aut renes obstruente, vtendum syrupis de cichorio, vel de endiuia compositis, cum decocto radicum graminis, acetosæ, cichorij totius, quatuor seminum frigidorum maiorum, alkekengi. Terebinthina omnium viscerum, quin venarum obstructionibus soluendis est aptissima: nec sinit humores putrescere: ex ʒ iij. lotis in aqua propria, vt cichorij aut eupatorij ad hepar; halicacabi ad renes, cuscutæ ad lienem: fiat bolus: Ammoniaci ʒ ij. sumpti cum aqua aut decocto conueniente, aut in vino albo, mirifice etiam profunt: ℥. ammoniaci & pulueris hieræ, añ. ʒ. ij. terebinthinæ ʒ. ij. fiant parui boli, inuoluantur obeliis vino albo madidis. Electaria dialacca & diacurcuma omnes obstructiones, maximè verò hepatis soluunt, vt trochisci de capparibus, & de scolopendrio lienis.

Ne tamen frequentiore vsu aperientium calor natiuus exoluatur, illis per interualla, & prudenter vtendum, eaque ad vsum deligen-

da sunt, quæ parti obstructæ magis conueniant. Ad obstructiones vteri, præferendus est syrupus de arthemisia: Ad obstructiones pulmonis, capilli veneris, de hyssopo, de marrubio: Ad hepar syrupi de cichorio & de endiuia. Fernelius ad magnas obstructiones renum describit syrupum de raphano, quo multi vsi sunt fœlici successu: in vsu est Syrupus de althæa. Vide tamen *Alia cautio pro diureticis.* vt cassia corpus sit prius repurgatum, ne impuritas à diureticis ducatur ad partem obstructam, & morbum augeat.

DE SISTENDO

fluore.

CAP. III.

VT obstructionem sequitur excernendum omnium, menstrui, hæmorrhoidum, stercoris, lotij, sudoris suppressio; tum putredo, febris putrida, lenta; icterus vterque, flauus cystis aut hepatis; niger, lienis obstructione: Apoplexiæ, Resolutiones, Atrophie, Tabes, nonnunquam repentinæ mortes, prohibito sanguinis, spiritus, vitalis, aut animalis, comitatu. Ita laxitatem & apertionem immoderatam meatus & cavitatis, retinendorum profusio comitatur, quam morbi & symptomata non minus horrenda consequuntur. Nam siue alius sine modo fluat, vt in diarrhœa, leienteria, dysenteria, hæmorrhoidibus: seu vesica, vt in diabete, mictu sanguinis: siue vte-

*Obstructio-
nem se-
quentia
symptoma-
ta.*

*Vt laxita-
tem &
apertio-
nem.*

Non est
mirum
si The-
salus The-
rapiam,
obstructio-
ne aut
fluore con-
cluderet.

Curatio
siccatatis
facta.
Fientis.

Ita Tral-
lianus &
Rondele-
tius, ratio-
ne & expe-
rientia sub-
iuxi.

rus, ut in menstruo immoderato & muliebri
profluvio: siue sanguis supernè de pulmone
russiendo, de ventriculo vomendo plurimus
erumpat.

Luctus ubique, paupor, & plurima mortis imago.
Funestiores enim sunt morbi ab inanitione,
quam a repletione.

Huic siccitati iam factæ medendum hæcicę
febris remediis. Fientis verò, succurrendum ali-
quo astringente, cuiusmodi sunt syrupi grana-
torum, cydoniorum, rosarum, myrtillorum.
Aut trochiscis de bolo, de spodio, de terra sigil-
lata, de carabe omnium præstantissimis: quia
non tantùm restringunt, sed etiam coagulatum
dissoluunt, quibus cum aqua aut decocto astring-
ente, ut rosarum, plantaginis, centinodię vten-
dum erit. ℞. ex prædictis syrupis ℥. j. pro dosi,
trochiscorum ℥. ij. dissolue in ℥. iii. aquę plan-
taginis, fiat potio. Si quis humor acer & mordax
aut or floris subesse putetur, deligatur reme-
dium quod purget constringendo, ut Rheum,
Myrobalani.

℞. expressionem fortem ℥. i. β. Rhabar-
bari infusi in aqua plantaginis vel rosarum,
syrupi myrtini ℥. j. fiat potus. Vel ℞. ℥. β. my-
robalanorum citrinorum in materia biliosa tā-
rundem chebulorum in causa frigida, infunde
& coque in decocto Tamarindorum. In expres-
sione dissolue syrupi de cichorio cōpositi cum
rheo ℥. j.

Vel ℞. corticis myrobalanorum & rhei
electi, añ. ℥. j. excipiantur conseruæ rosa-
rum ℥. β. cum syrupo cydoniorum, fiat bolus.

Humor diuertendus aut reuellendus purgatione, vel aperta vena opposita. Si fluat supernè, puta de thorace aut pulmone, aperiatur vena malleoli, vt impetus sanguinis in contrarium retrahatur, non brachij, ne tractus ad partem affectam, fuga vacui fluxionē augeat: Mulieri sanguinem vomenti menstruis erumpentibus solutio. Conueniunt ligaturæ fortes & dolorosæ, frictiones, cucurbitulæ ad reuellendum.

Morbus figuræ, si vitio parentum & conformationis acciderit, non sanatur. Si à causa externa, vt fractura aut luxatione, Chirurgia curetur, alio loco exponenda.

Morbi Asperitatis & Læuitatis curentur iis quæ tradentur libro tertio in cura leienteriæ & asperitatis arteriæ: ferè enim speciales sunt morbi, paucisque partibus communes.

DE MORBO IN NUMERO.

C A P. IIII.

VT sanitas in mediocritate consistit, ita *Curationis analogia.* morbus in excessu vel defectu. Morbi à defectu, hæctica febris; qui ab excessu, si à plethora, synochi; si à cacochymia, cacochymiarum febrium remediis curentur. Quæ in febribus ad causam coniunctam, in cæteris tam organicis quam communibus morbis, ad causam antecedentem summo cum delectu prudenterque primùm vsurpentur.

*Morbus in
numero
quid.*

Inter organicos primus occurrit morbus in numero, quia omnis causa natura & origine prior est suo effectui. Ille autem sæpè causa est obstructionis, ut obstructio magnitudinis in parte vel in toto diminuta: Appello morbum in numero, si quid instrumento desit, aut superuacuum sit ad usum: Cum enim natura nil faciat frustra, si quid connascatut aut adnascatut, non inutile modò, sed etiam quod incommodet actioni, illud præter naturam iudicetur. Faciamus ergo quempiam nasci cum unico vel cum tribus testiculis, quia didymi ad generationem dantur à natura, morbus est in numero, qui tamen si vitio conformationis acciderit, sanatur. Amatus Lusitanus meminit infantis nati cum cornu in capite, quo resecto obiit. Verum si fuisset aduentitium, quale illud quod scribit Alexander Benedictus natum ex vulnere, materia quæ in ossis substantiam mutari debuerat, in cornu conuersa, tutò rescindi potuisset. Quæ sunt toto genere præter naturam, & manifestè actionem lædunt, ut polypus in naso, caruncula in urinario meatu; nisi sint congenita, opem & industriam medici requirunt: quæ licet siccantibus exedentibus sanentur, tamen pro temperamento, usu & dignitate partium mitius aut vehementius deligendum. Nam ad verrucas in cute, multo tutius Ægyptiacum per se solum usurpatur, quàm ad condylomata, carnosas excrescentias in ano aut utero, propter partium exquisitiorem sensum, maiore periculo in vesica ad carunculam, quæ ardori urinae neglecto, vel malè curato succedit. Prop-

terea Galenus ex tribus granatorum generibus, describit remedium ad Polypum, quod catharteticis omnibus anteponeit, ne ex Polypo simplici fiat vlceratus, vnde ozæna, cancer, in natura præsertim melancholica: Poterit tamen succo granatorum aut cerato myrtino Ægyptiaci quarta pars admisceri. Si verrucæ, Polypi, condylomata filo constringi possint, priuata alimento sensim contabescunt; ἀναβρωχισμὸν, hoc genus remedi, veteres appellarunt: Præcipitatum omnes excrescentias, quales vlceribus & vulneribus superueniunt, sine dolore citò absumit: idem præstant olea cathartica, vt sulphuris, calchanti, aqua aluminosa, fortis. Carunculam in vesica ante viginti dies certo experimento consumit sequens vnguentum, corpore prius cassia repurgato.

*Curatio
polypi.*

*Excrescentiarum in
vlceribus.*

*Caruncula
in vesica.*

℞. olei rosati ℥ iij. cerussæ ℥ iiij. caphuræ ℥ ss. tutiæ cum aqua rosarum lotæ & præparatæ ℥ ss. lithargyri auri præparati ℥ vj. antimoniij præparati ℥ i. mastiches, olibani, aloës hepaticæ, añ. ʒ. ij. fiat vnguentum in mortario plumbeo, seruetur in pyxide plumbea, quo sic vtendum erit: Vbi candela cerea, intincta oleo aut butyro recenti callum attigeris, (quod renisus indicabit) illa tenui & detricto linteolo inuoluatur, quod dicto vnguento, extrema parte qua carunculam debet tangere, imbuetur, reliqua, aut oleo violato, aut sequente vnguento quod plurimum confert, parti solidandæ post consumptam excrescentiam oblinatur.

℞. lithargyri auri, tutiæ præparatæ, plum-

bi vsti, añ. 3. iiii. cerussæ 3 ij. caphuræ 3 ss. olei myrtillorum q. s. fiat vnguentum, quo solo vtendum erit, cum sanies amplius non effluens, absumptam carunculam demonstrabit.

Epulis seu excrescentia carnis in gingiuis absumetur puluere ex galla, alumine & sale vsto.

Enchantis verò (caro præter naturam aucta in magno oculi angulo) alumine vsto.

DE MORBIS AVCTÆ & imminutę magnitudinis.

C A P. V.

*Causas
viriſque
morbi
Gal. ex-
plicat 6.
de ſanitate
tuenda
capite 8.
vbi ali-
quot recen-
ſet reme-
dia, plura
14. metho-
di cap. 15.*

NYcomacho Smyrnæo corpus in tantam molem excreuerat, vt ſe mouere non poſſet. Sanatus eſt ab Æſculapio ſequentibus, ni fallor, remediis. Præſcripta inedia, vigilia, exercitatio vehemens, frictio multa, dura, coirus, vini craſſi abſtinentia, iuſcula diureticis alterata, balnea diſcuſſoria ex ſale, nitro, ſulphure, alumine. Quotidie manè datū cochlear vnum aceti ſcillitici aut ſemuncia oxymelitis Gal. cū piperis aliquot granis: Potio ex ariſtolochia rotunda, gentiana, centaurio, aniſo, dauco, ſemine rutæ ſylueſtris: ex quibus ſiccis & pulueratis cum ſaccharo in aqua hyſſopi ſoluto, fiat electariū. Cuius loco non minore cōmodo poterit aſſumi theriaca: Humor omni modo, per aluum, per vrinas, per ſudores vacuetur.

Per aluum blandis catharticiis sæpè repetitis, ut pilulis de hiera: habent enim magnam vim desiccandi. Per urinas diureticis, ut decocto radicum aperientium, oxymelite diuretico, scilicet: Per sudores hidroticis, ut Guaiaco, Cyna, Salsa parilla: quorum decocto dilutiori si utatur pro ordinario potu, maius percipiet commodum.

Contraria sunt gracilis extenuatque corporis remedia: Ergo nutriatur alimentis boni succi & facilis coctionis, ut hordeatis, amygdalatis, pistacijs, martio-pane, vitellis ouorum, pullis, vino veteri, rubro, crasso: venus prohibenda: quies, somnus, vita tranquilla & otiosa, balneum aquæ dulcis, imperanda: Lac mulieris magis, sed tardiùs nutrit: lac asinè minùs, sed celerius: medium est lac caprillum. Mollis frictio benefacit: verum ne tractus ad cutem humor exhalet, mox oleo tepido inungatur. Consideranda tamen causa, quia non semper ab inedia, labore, vigiliis contingit, sed aliquando à vermibus alimentum exugentibus, quos nisi deturbaris prædictis remedijs, nil profeceris. Accidit etiam propter lienem iusto maiore. Ut enim aucto fisco ærarium minuitur: sic quando lien accrescit, molem corporis imminui necesse est: Accidit etiam imbecillitate aut obstructione totius, vel partis, quæ sit dicata alimento conficiendo vel distribuendo, cuius causæ præcesserunt remedia. Quidam commendant vsum frigida ad pinguefaciendum. Auicenna laudat cibos frigidos. Quod,

Extenuationis.

Vermes aliquando causa mortis.

me iudice, interpretandum est de his qui extenuantur à calida intemperie iecoris, aut totius.

Remedia

ἐπιήρσεις

mediocris

percussio

ὑγρὰ

τλησις,

ἀqua per-


fusio, πῖτ-

τωσις.

picatio.

Si membrum aliquod, ut crus aut brachium atrophica tabescat: ut intelligas si affectus sit sanabilis nec ne, & quam facile imprimis fricandum erit, aqua tepida lauandum. Quod si nullus in cute rubor appareat, desperata est sanitas: Si vix & magna difficultate excitetur, difficilem & longam fore curationem ostendit; Si citò, facilem: Tum pars extenuata leuiter percutienda, donec modicè attollatur, fortiter liganda, scarificanda, pix soluta in oleo extendatur super aluta, & illi prius rase superponatur, antequam refrigerescat amoueat, mox calida reponatur, hyeme bis, æstate semel: Membrum sanum ab infero sursum procedendo ligetur, ut sanguis ad ægrum pro alimento regeratur.

DE MORBO



DE MORBO

COMMUNI,

SECTIO TERTIA.

DE SOLVTIONE CONTINVI
quadam præscienda.

CAP. I.

MORBVS communis definitus *Morbi cō-*
est, qui partis vsum & actionem *mun. defi-*
peruertit: Si pulmo, vocis & spi- *nitio.*
rationis instrumentum, vlcere-
tur: non tantum vsum impeditur,
sed etiam actiones, quæ illi, vt pars est similis,
conueniunt, nutritio, & quæ nutritioni seruiunt
attractio, retentio, viriantur: Idem accidit ab-
scellu & tumore præter naturam, quos affectus
ea causa communes appello: tum quod in par- *Affectus*
tes tam internas, quam externas conueniat: Cæ- *communes*
teros, qui partium proprii sunt, vt fracturam *qui.*
ossis, luxationem articuli, conuulsionem ner-
ui, auulsionem ligamenti: ad particularem do-
ctrinam referuo. De illis solis hoc libro dicere
proposui.

H

*Autor cur
ab ulceri-
bus exor-
ditur.*

*Ulcus
differen-
tia.*

*Quomodo
dignos-
cenda.*

*Partis ul-
cerata in-
dicia.*

*In quibus
partibus
ulcerapra-
cipue sa-
nantur.*

Vt autem Galenus Methodum medendi à curatione vulnerum est exorsus, quia in illis indicationum doctrina, quam cum remediis meditabatur, evidentiùs pateret: sic ego ab iisdem exordiar, doceboque non ulceris pulmonis, aut hepatis, sed indefinite omnis ulceris tam interni, quam externi communem curationem, si primùm ulceris interni diagnosim, deinde prænotiones quasdam exposuero.

Est autem vlcus quoddam primum, ab humoris acrimonia, quoddam ἐπιγενήματιον, quale inflammationi succedit; pure enim factò, fit abscessus, rupto abscessu vlcus. Discernuntur ergo præcedente inflammatione, tum pure multo & confertim excreto: nam vlcus primum nil tale præcessit. Si tussiendo reddatur, ulcerati pulmonis suspicio est. Si vomendo, ventriculi aut gulæ: Si cum lotio, vesica, renes, aut hepar parte gibba, laborant: Si per sedem exeat, ventriculus, intestina, mesenterium, lien, aut hepar parte caua. Species & locus doloris, tum excernendi modus ulceratam partem definitè ostendunt: nam ulceratis tenuibus intestinis dolor sentitur supra umbilicum, permisceturque pus fæcibus; crassis verò ulceratis, de dolore sub umbilico ægri conqueruntur, & separatim pus egerunt. Renibus quoque vulneratis pus immiscetur lotio, vesica ulcerata minimè.

Præsciendum autem vlcus in parte sanguinea & molli minore negotio sanari, quam in spermatica & dura; in ignobili, quam nobili; in quietà, quam mobili; quia ad actionem

medicamenti opus est quiete, qua causa pulmonis vlcera. quin etiam morbi omnes, difficillimè sanescunt: In infera & depressa, ad quam fit continuus descensus materiae, difficilius: in parte ad quam citiùs & integris viribus medicamentum peruat, faciliùs: quia enim ad pulmonem via est longissima (quandoquidem gulam, ventriculum, quædam ex tenuibus intestinis, venas mesenterij, iecur. venam cauam, denique cor pertransierit necesse est, priusquam ore sumptum ad pulmonem perueniat) non est mirum si morbi pulmonis difficillimè percuterentur.

*Pulmonū
morbi cur
difficillimè
curantur.*

Præsciendum quoque puerorum vlcera faciliùs sanari, quàm senum; Virorum quàm mulierum. Difficultatem augeri si menses mulieribus, hæmorrhoides viris substituerint; qua causa Arist. scribit Eunuchorum vlcera difficillimè sanari.

Non est etiam ignorandum vlcus per se facilius aut difficilius vñiri; simplex facilius, quàm compositum; superficiariū, quàm cauum; recēs, quàm inueteratum (dicitur autem quibusdā inueteratum, quod intra quadraginta dies sanari non potuit,) quadratum, quàm rotundum; Rotundi enim vlceris, vt vulneris, longa & difficilis cura, quia extrema difficillimè coeunt.

*Vlcus tri-
bus causis
difficillimè
curatur,
per se, ra-
tione par-
tis, ratione
cause.*

Item ratione causæ, non tantum coniunctæ, sed etiam antecedentis. Nam si corpus impurum aut plethoricum fuerit, tardiùs & maiore negotio sanabitur, eoque difficilius, quo corpus fuerit plenius aut impurius: Propterea ictericorum & hydropicorum vlcera sunt insa-

*Vlcus im-
puro tar-
dius coa-
lescit.*

Difficultas ab antecedente causa.

A coniuncta.

Partis temperies cur attendenda in delictu remedij.

Robur.

Dignitas.

Vlcus virulens, cuius viru: corruptum: putrescit.

nabilia, nisi primùm iſterus & hydrops percuti-
rentur. Et vlcus in quod multæ & amplæ venæ
definunt, rheumaticum dicitur, eadem causa
difficilius sanatur, vt varicosum. Coniunctæ
causæ sunt, intemperies partis vlcera-
tæ, dolor trahens, subiectum os, asperum, ruptum, ero-
sum.

Hæc quoque præcognoscenda sunt, firmâ-
que memoria tenenda. Pro natura & temperie
partis deligendum remedium, quia vlcus in
parte sicciore, sicciora postulat remedia. Ratio
est, quod maior lapsus a naturali temperamen-
to fortioribus contrariis ad naturam reduci de-
beat: Exempli gratia soluta continuitas ossis
(si cætera sint paria) magis siccantia postulat,
quàm venæ, nerui, aut cartilaginis: & horum
remedia sicciora debent esse, quàm carnis. Quod
intelligendum est si pars natura mollis cum alia
temperamento dura, vt caro cum osse con-
feratur: Nam si præter naturam vna sicca, alte-
rà humida intemperie laboret, pars sicca hu-
meſtanda erit. minimè siccanda, quia regene-
randæ carni nullum suppeteret alimentum: Ad
hæc pars robustior potentiora tolerat remedia,
quæ si exquisiti sensus fuerit, actia non admit-
tit: Pars nobilis maiore diligentia custodienda
est, quàm ignobilis; publica, quàm priuata:
interna, quàm externa, quæ proximo libro fu-
sûs persequemur.

Non est prætereundum vlceris, vt alterius
morbi, sua esse tempora: Principio sanies te-
nuis & aquosa, quæ nisi paulatim coſtione
erassescat, cachexiâ corporis totius partis, aut

humorum prauam constitutionem arguit. Si præterea virulenta, æruginosa, nigra, fœtida, vlceris cacoëthiam ostendit: pus album, læue & æquale certam sanitatem promittit.

DE VLCERE.

CAP. II.

VLcus est solutio continui in parte carnosâ, interna vel externa non refert, quia partes internæ, vt pulmones, renes, hepar, humoris acrimonia non minus quàm externæ, oculi, nares, aures, musculi vlcerantur, siue ille aliunde fluxerit vt à cerebro in oculos, nares, pulmones; siue paulatim in parte congestus fuerit. Est autem simplex, vel cum symptomate, intemperie, inflammatione, dolore, febre, conuulsione: Purum vel impurum, à sanie humidum, à sordibus sordidum, superficialium vel cauum, recens aut inueteratum, benignum vel malignum, quod non cedit ordinariis remediis. Quò pertinent, nomæ & phagedænæ, serpentina, Chironia, Telephiâque vlcera; qualia Telephus est perpeßus, sanauit Chiron. Magnum quoque aut paruum dicitur, longum, latum, quadratum, rotundum.

Omniū curandorū due sunt primæ indicationes. Vna quæ sumitur à viribus & differentiis remediorum. Altera quæ à totius, maxime verò à partis vlceratæ temperamento: neq; enim ars vlcus cauum replet carne, nec cicatricem

*Addit
Auicenna
de qua exit
sanies vel
pus, vt di-
stinguat à
vulnere.*

*Vlcerum
differen-
tia.*

Curatio.

*Ars carnē
non rege-
nerat.*

*Sed inuat
naturam.*

*Mundifi-
catium
de apio
simplicissi-
mum.*

*Sacchari
rosati vis.*

*Lactis
asinae.*

pro vera cute reponit, sed natura ipsa seu propria temperies partis, quia eius est regenerare, cuius primum fuit generare; aliquando per se sola, nonnunquam leuioribus remediis adiuta: Vrina propria si quotidie abluatur vlcus simplex quamuis profundum, mox linamentis siccis impleatur, coalescet: exlinteolo quod maduerit in aqua tutiae, vel thermis sulphureis, nitrosis, si parentur linamenta, magis siccabunt; curatio autem vlceris est exsiccatio: Gal. tabidos ab vlcerato pulmone Tabias mittebat, quod illic aer esset siccior, multosque ea causa in Aegyptum nauigasse autor est Plinius. Furnaria assiduo ad furnum inspiratu, vlcus in pulmone exsiccavit. Verum faciamus esse sordidum, quod in externis sensu, in internis vlceribus ab excreto coniicitur, mundificatio de apio, quod paratur ex apij succo & medulla panis similacei, aut ex terebinthina cum oui vitello, aut omnibus commixtis, purgandum est: vel hydromelite, ex aqua hordei & melle rosato abluendum. Cuius vsus internis vlceribus peraeque confert, vt ex apij, marrubij aut absinthij succo cum melle aut saccharo rosato paratus syrupus. Pro quo substitui possunt syrupi rosarum siccarum, de absinthio, de marrubio. Assiduo vsu sacchari rosati seu conseruâ rosarum detersum vlcus in pulmone natura tandem agglutinavit: Lac asinae potum suo sero detergit, eoque magis si saccharum rosatum admisceas. Terebinthina eodem fine sumitur, forma boli in vlceribus renum, cum oleo amygdalarum

dulcium forma lohoc, pro vlceribus pulmo-
num: vtile quidem, sed parum gratum reme-
dium.

Quæ primo gradu siccandi & leniter deter-
gendi facultate prædita sunt, quia incarnanti
naturæ tollunt impedimenta, faniem & sordes,
propterea sarcotica nominantur: quorum tres
sunt ordines. In primo numeratur, thus, cortex
thuris, sarcocolla, farina hordei & fabarum,
quæ naturis & ætatibus mollioribus, partibusq;
humidioribus cōueniunt, vt puerorum & mu-
lierum vlceribus. Secundi ordinis sunt, iris &
farina erui. Tertij, aristolochia, panax, centau-
rium vtrumque: quæ naturis robustis & parti-
bus siccis sunt aptiora. Quæ enim, exempli
gratia, in vlceribus oculorum vehementiora
sunt remedia, in vlceribus aurium sunt leuiora,
quia oculi natura sunt molles & humidi aures
siccæ: facilius autem humidum humidæ nature
restituitur, quam siccum siccæ, si vtrumque a
sua temperie degenerarit: Ergo si thus puluera-
tum terebinthina exceperis, parabis vnguen-
tum pro externo vlcere pueri: qui si eiusdem
vaporē inspirarit, aut ille per sedem, puella per
vterum eundem exceperit, vlcus in pulmone,
in ano, in vtero coalescet: poterit iniici puluis
cum vino aut decocto conueniente, vt agri-
monia, aut mulsæ. Robustiores accipiant quo-
tidie aristolochiæ ℥ ij. ex ovo sorbili, pro partis
interioris vlcere: excipiantur terebinthina, si
placet cerato rosaceo, pro vlceribus externis:
in sinum, cum aliquo liquore iniiciantur. Idem
de cæteris, vt pulvere iridis Illyricæ & centau-

*Primum
vt purges,
deinde vt
impleas.*

*Sarcotica
clementia.*

Mediocris.

Fortis.

*Vnde hæc
varietas.*

H. iij

Vnguentum aureum lenescarcoticū.

Viridefortius.

Admouenda non sumenda.

Theriaca efficaciam internis ulceribus.

Sisapis, hac alij experienda fines.

Optima est medicina paucorum medicamentorū.

ri, sentiendum, iisque per se, vel commixtis vtendum est. Seruantur in officinis, vnguentum aureum, ex leuioribus sarcoticis à Mesue descriptum, & vnguentum viride, quod Galenus & Auicenna componunt ex æruginē excepta oleo & cera; si placet ad ℥. j. cerati rosacei addere ℥. j. æruginis, plus minus, prout natura totius & partis, nec non vlcis qualitas indicabunt, facies optimum sarcoticum. Multa tamen profunt admota, vt ærugo, es vstum, cadmia, pompholyx, cerussa, quæ sumpta sunt venena, & ventriculi substantiam lædunt. Bolus armena, & terra sigillata internis & externis vlcibus sumpta & admota profunt, maximè omnium theriaca; sola enim purgat, incarnat & cicatricem ducit, non benignis modò, sed etiam malignis vlcibus perutilis: qua tutius vtor, quàm oleo de vitriolo, ad vlcera interna à chymistis tantopere commendato. Rondeletius tamen *libro de medicamentis internis*, ad eadem laudat antimonium sumptum cum oleo ouorum, quo nil inuenit præstantius, quia siccat sine morfu. Faciat qui volet periculum, ego sum contentus remediis, quorum maiores nostri tulerunt pericula. Ad quid enim epulotica in vlcibus internis? visne obducere cicatrice quæ natura non ferret contenta cute? Dignitas medicinæ non consistit in multitudine, aut noua præparatione remediorum, sed in vsu, circumstantiis personæ, loci, temporis & morbi limitato, quem ignorant sufflones, Physiologiæ & Pathologiæ ignari.

Quibus ita positis & constitutis, non possum

obiter, quin excurram in reprehensionem medicorum, qui cum chirurgis sic suas operas partiuntur, ut affectuum internorum curationem sibi retineant, externorum illis committant: Cùm tamen Galenus artem medendi ab ulcerum curatione sit exorsus? Hoc dignius reprehensione; quod, quid & quotuplex sit vlcus, quæ sit illius percurandi generalis methodus, in chirurgia describant, contra analytica præcepta. In quibus hoc est pro constituendis artibus, earumque finibus regendis præcipuum, ut communia in arte communi, particularia in particulari, doceantur. Atqui vlcus est morbus partibus tam internis, quam externis; tam organicis, quam similaribus communis, communis utrobique causa, communes in curando indicationes, communia ferè remedia, sola forma pro situ & conformatione partis immutata. Quis ergo non videt in generali methodo medendi, non in arte subalterna & medicinæ subiecta, non theoriam modò, quæ definitionem, diuisionem & causas contineat, sed etiam curationem ulcerum explicandam? Idem peccatum committitur in tumoribus præter naturam. Inflammatione enim cùm partes internæ similiter tententur ac externæ, cur in praxi medicinæ pleuritidis, hepatitidis, & peripneumonię exponunt remedia: quid verò sit phlegmone, quibus causis & quomodo fiat, in chirurgia demonstrant? Quid hoc, si non est præposterè specialia primo, generalia postremo loco docere? Potestne dicere quid sit hepatitis, qui prius non nouerit quid sit inflammatio?

DE TUMORIBVS PRÆTER
naturam, ac primùm de phlegmone.

CAP. III.

*Tumorum
differentia.*

*Modus ge-
nerationis.*

Tot sunt tumorum, quot humorum pri-
mæ differentia, Phlegmone tumor à san-
guine, Oedema à pituita, Erysipelas à bile,
Scirrhus à melancholia. Discernuntur colore:
refert enim cutis colorem humoris in toto
vel in parte dominantis, tumor ruber sangui-
nem subiectum prodit, albus pituitam, flauus
bilem, niger melancholiam. Fiunt congestio-
ne aut fluxione. Congeritur humor in parte
ex reliquiis proprij alimenti, excrettricis, sæpè
alteratricis vitio: propterea frigidi tumores
ferè fiunt congestione: calidi fluxione. Con-
geritur paulatim, fluit repentè, tractus calo-
re aut dolore partis imbecillioris: mittitur ex-
crettricis robore: nam ita res habet in œcono-
mia nostri corporis, vt in Oligarchia, poten-
tior opprimit imbecilliolem, in eumque to-
tum onus deponit: Adiuuant laxitas & ampli-
tudo vasorum, humorisque fluentis tenuitas.

Phlegmonem interiorem rubor non indicat;
sed ardor cum febre, dolor inflammatorius:
rigor inæqualis & inordinatus, extremorum
refrigeratio, quia maior calor minorem ad se
trahit cucurbitulæ instar. Partes ferè omnes
exercet, quarum dissimilitudine differentes spe-
cies consurgunt, vnum & commune genus,

ideoque prima & generalia remedia eadem sunt, omnibusque communia, particularia vero diuersa: Siue enim cerebrum, oculi, aures, facies, pulmones, pleura, diaphragma, vterus, vesica, iecur: siue brachia vel pedes inflammantur, quia morbi sunt à sanguine, vno & communi remedio, nempe phlebotomia, curentur: At situs, constitutio & natura partis, tempus morbi, non tantum diuersa remedia, sed eiusdem remedij varium usum & formulam indicant. Inflammatis partibus quæ sunt supra thoracem, aperienda cephalica, nisi manifesta plenitudo prius de fonte hauriendum suadeat. Inflammatis vero partibus quæ sunt infra thoracem, ut ventriculo, hepate, liene, & quæ continentur in thorace, pleura, pulmone, septo transuerso aperienda basilica: ut si sanguis suisque deinde fluere videatur, aut non sint conspicuæ cephalica & basilica, communis. Inflammata vesica, vtero, pudendo, vena poplitis tundenda, si non appareat saphæna: Renibus inflammatis, de brachio, vel de poplite missus sanguis benefacit, seruata communitate quæ secundum rectitudinem est: Inflammato oculo dextro, cephalica dextra; sinistro, sinistra aperiatur: Inflammato hepate, basilica dextra; liene, sinistra: Rene dextro, dextri brachij aut poplitis; sinistro, sinistri vena præferatur: Deinde ut quæ iam fluxit vacuetur, proximum ventrem incidere oportet, ut in Angina venas quæ sunt sub lingua; in Ophthalmia nasi aut alterutrius, anguli. Viden' ut morbis syngeneis idem genere remedium conueniat, pro vario situ & constitu-

*Remedij
genus à
morbo, spe-
cies à parte
desumitur.*

*Vena supe-
riores in
quibus af-
fectibus
tundenda.*

*In quibus
inferiores.*

*Ex Hipp. in
epidem.
Proximū
vas secā.*

tione partis distinctum?

*Guido de-
cem circū-
stantias
enumerat,
quæ repel-
lentium
usum dis-
suadent.*

*Repellen-
tia.*

*Collyrium
in principio
ophthal-
miae.*

Pergamus, utque topica remedia pro quatuor morbi temporibus varianda sint breuiter exponamus. Si inflammatio interna, abstinendum repellentibus, ne humorem quem foras ferri optandum & arte procurandum est, intro pellamus & impingamus. Si verò exterior & sensibilis fuerit, initio dum humor est in motu repellendum, duabus præsertim circumstantiis diligenter seruatis, ne sit malignus & venenatus, ut in pestilenti & venereo bubone; nec feratur criticè ad partem ignobilem, potissimum ad emissaria, ut in parotide, eoque minus si corpus adhuc impurum necdum fuerit repurgatum. Abstinendum valdè astringentibus, ut bolo armeno, acacia, hypocistide, metu gangrænæ: humor enim non difflatus, atque ut ita dicam incuneatus putret: Repellendo satisfacient, oxycratum, Ceratum refrigerans Galeni, vnguentum rosatum Mesuæ, nutritum, vnguentum de cerussa, rasis: quibus si magnus sit ardor, adiungi poterit populeum. Si placet ex farina hordei cocta in oxycrato, aut oxyrhodino: Vel ex plantagine, solano, semperuiuo coctis in lacte, deinde contritis, fiat cataplasma. In extremo dolore adde folia aut semen hyoscyami.

In principio ophthalmiæ paretur collyriū ex aqua rosarum vel plantaginis cum oui albumine, pro quo dissolue trochiscorum alb. Rasis ℥.j. & mucaginis seminis psyllij ℥.j. plus minus. Initio parulidis, antiadum, paristhmiorum, anginae, ex aqua rosarum vel plantaginis cum syrupo vel melle rosato, myrtino, os colluatur. Nam

in amygdalarum, gargareonis, gutturis & faucium inflammationibus Mesue non probat vehementem gargarismum, ne motu calor, cum calore fluxio augeatur: adiungi poterunt dianucum & diamoron: Galenus in tenui & acri fluxione magis probat usum dianuci. At in phrenitide, peripneumonia, hepatitide, pleuritide, vitanda sunt apocroustica, prestat oleo violarum & chamæmeli caput, latus, pectus, hypochondrium dextrum illinere, ut ardor temperetur, dolor demulceatur, & cute relaxata aliquid transpiret. Quod ut variandum sit pro natura partis, proximus liber explicabit. Iam quid sit agendum in incremento, dum humor fluxerit, nec reuelli repellique potuerit, eadem breuitate & facilitate doceamus.

Si sanguis qui fluxit nondum fixus in parte videatur, aperiatur vena proxima, alioquin topico dissipetur, atque, si fieri possit, totus insensibiliter resoluatur, paulatim à leuioribus ad *Diffipantia & resoluentia.* valentiora progrediendo, vitando semper acria, ne nouam fluxionem excitent: Initio ex rosarum, chamæmeli, & meliloti, añ. P. j. farinæ scænuigræci, vel fabarum $\frac{3}{4}$ j. simul coctis, deinde contritis, addito oleo rosato & chamæmeli fiat cataplasma. In fine incrementi dum nullus rubor apparebit, paretur ex farina lupinorum vel orobi cum oleo anethino, aut ex thymo, pulegio, origano, cum semine lini, scænuigræci fiat decoctio pro foru; residentia teratur, addito oleo lauri vel rutæ fiat cataplasma. In ophthalmiæ incremento, ex mucagine scænuigræci, extracta primum in aqua rosa-

rum, cum eadem aqua vel plantaginis, in fine, (cū calor, rubor & dolor abierint) cū aqua fœniculi vel euphrasie fiat collyrium: In oris inflammationibus dissolue diamoron compositum in decocto chamomillæ, vel fœnugræci, fabarum, quo os sæpè colluatur: In pleuritidis, peripneumoniæ, hepatitidis incremento prædicta cataplasmata conueniunt, affectæ parti admota, quemadmodum inflammato vtero, pubi apposita: clysteres primùm refrigerantes, deinde resoluentes in anum, atque si fieri possit in vterum iniiciendi.

Peptica.

Quod si impactus humor, quia multus & crassus, discuti non potuerit, peptici maturetur, qualia sunt mediocriter calidā humida, vnguentum de althæa, de meliloto, basilicum, diachylum simplex; nam magno & gummatō in contumaci tantū abscessu vtendum est: ex foliis althææ & caricis in aqua coctis, deinde tritis, addito oleo dulci, butyro, œsypo, aut aliquo ex prædictis: Si placet ex farina tritici in hydrelæo mediocriter cocta, fiat cataplasma. Facto pure, vomica scalpello aut cauterio aperiatur, quod fiat ex fermenti ʒ. ij. vitrioli romani, aut lithargyri argenti, sublimati ʒ. j. Ruptus abscessus curetur remediis vlceris. Abscessus internos rumpunt diacalamintes cum ptisana, aut diaprassium. Ruptis conueniunt Athanasia & Ambrosia, pro quibus theriacæ ʒ. j. ex aquis cardiacis pauperibus præscribatur: quæ sumpta rumpit abscessus internos, admota verò externos, simulque cor à putidis vaporibus puris defendit.

*Abscessus
internos
rumpen-
tia*

*Theriaca
vires.*

Conuenitne purgatio cū suspicio est interioris phlegmones aut erysipelatis? Non conuenit, præsertim vehementi. quidni? quia ducit ad partem affectam, & morbum auget: tum si vehemens fuerit, abstinemus diagrediatis, contentique erimus blandis catharticis, vt māna, cassia, catholico. Ad quem scopulum plurimi offendunt, simulque ægros ad interitum præcipitant. Præstat, nisi manifestè constet morbum non esse inflammationem, semper curationem inchoare à venæ sectione; critque purgationi præmittenda.

*DE ABSCESSV.**C A P. IIII.*

INflammationibus internis non minùs quàm externis sæpenumero succedit abscessus, quando pe پاسmo terminantur. Imo vero quando vel malitia, vel quantitate humoris obruitur calor natiuus, intus vt foris degenerat in gangrænam. Vtramque diligentiores Medici in dissectionibus obseruarunt. Obseruaui etiam non semel, non tantum epigenimaticum, sed etiam primarium abscessum. In imo ventre, veluti pulticula magna, continebatur magna cysti, cuius mole non aliter tumebat abdomen, quàm sub ascite. Ex materia hunc abscessum scitè Atheroma nuncuparis. Nec dubium est alias quoque abscessus primarij differentias, Stea-

toma, & Melicerides; intus vt foris posse suboriri. Sed veteres talium morborum interiorum non meminerunt, quia nullis certis signis se produnt: quæ etsi dignoscerentur, frustra tentaretur eorum curatio. Fit etiam abscessus humoris decubitu, vt cum sanies in partem vicinam deponitur. Exempli gratia, si Anginæ succedat empyema, transcolato pure à faucibus in capacitatem thoracis, hunc abscessum verius ἀπὸ σπληνός dixeris quàm apostema. Non est prætereundū, quando inflammatio non terminatur via suppurationis, sed putrefactionis, caloris alieni victoria, heterogenea multa intus vel foris apparere, cornua, vngues, lapides, pilos, vermes omnis generis. Quæ omnia nihil prohibet in abscessu primario reperiri, si quando humor valde putris è venis eruperit; Nam si talis abscessus aperiatur, exhibit materia similis faci aut oleo, cum insigni fœtore. Si differatur incisio, per moras resiccatus humor in prædicta conuertetur.

DE ERYSIPELATE.

C A P. V.

Erysipelas est tumor à bile. Discernitur à phlegmone, non tantum colore, sed ardore & doloris specie: est enim bilis ardentior, facitque dolorem acutiorem, non pulsantem, quia tenui bile arteria non admodum premittitur; nec tensum, quia copia & crassities cu-
tima

tim non adeo distendit, estque superficialis & prope insensibilis tumor, non insignis, ut in phlegmone: Ut plurimum faciem occupat, quia bilis leuitate & calore sursum fertur, cutis illic tenella & rara. Nulla tamen pars exterior neque interior inflammatur, quæ etiam non possit erysipellate tentari: Phrenitis fieri potest à bile ut à sanguine; hæc phlegmone, illa erysipelas cerebri definitur. Discernuntur symptomatum vehementia; sunt enim à sanguine mitiora omnia, delirium cum risu, febris non adeo acuta, dolor mitior ardor longè minor. Iisdem ferè notis erysipelas pulmonis à peripneumonia distinguitur. Inflammatis pulmonibus tanta oppressio in thorace sentitur, ut vix dilatari possit, iisdem erysipelatosi spiratio liberior, sed ardor refrigerationisque necessitas maior, quæ à iuuantibus & lædentibus cognoscetur: frigidi aëris enim inspiratu dici vix potest quāto pere recreentur; spiritum expirant feruentiorem, febris longè acutior, grauioribus comitata symptomatis, vigiliis, inquietudine, siti maiore, syncope, vomitu, ut est apud Hippocratem *libro de morbis*. Lingua, quæ ut spongia supra sita est, à fumis biliosis arida, scabra, nigra. Meminit Galenus erysipelatis hepatis, ventriculi, vteri, vesicæ: sed nec propriis, nec communibus signis ab inflammatione separauit: Generalia ad singulas partes accommodare vnius & alterius exempli similitudine poterit medicus mediocriter prudens & eruditus.

*Cur facies
ut pluri-
mum ten-
tatur ery-
sipellate.*

Cognita causa & specie morbi, remediis ex *Curatio.*
capite de febribus à bile repetendis, præparan-

tus humor, pauca, cassia vacuandus. Sanguis mitti poterit ad temperandum ardorem: nil enim æquè refrigerat, sed timidiùs & parciore manu, quia morbus est à caco-chymia, nisi sanguinis permixtione cum bile, sit phlegmonodes. Topicum paretur ex aquis aut succis lactucæ, cichorij, portulacæ, solani, semperuiui: seminibus frigidis, addito pauco aceto, quibus inculcatum linteolum superponatur parti, sæpe remoueat, nec permittatur exsiccari, vel simul coquantur, terantur; addendo olei rosati vel mandragoræ q. s. fiat cataplasma: Abstinendum frigidis siccis, vt plantagine, balauistiis; malicorio, quia astringunt & repellunt, eoque magis si erysipelas fuerit internum: Enitendum potius, vt balneo bilis foras trahatur, transpiret, discutiatur: Diaphoreticis per sudores, diureticis per vrinas vacuetur. Poterunt vsurpari quæ ad phlegmonem præscripta sunt frigidiora, vt Ceratum de cerussa cum populeo: videndum tamen, ex liuore partis, ne frigidiorum diuturniore vsu vertatur in gangrænam.

D E O E D E M A T E.

C A P. VI.

Galenus
4. de præ-
dictione
expulsi-
bus

OEdema est tumor à pituita, proinde laxus, mollis, albus, indolens, sine febre: quibus notis facile à cæteris tumoribus distinguitur: Est quidē scirrhus tumor frigidus & indolens, sed durus; Oedema si premas, cedit in

se, vt cera mollis, digitique prementis vestigium manet: Quamuis autem partes præsertim laxas, natura frigidas & imbecillas, vt pedes & scrotum exerceat, Hepar verò densum & robustum, minimè: fieri tamen potest vt aqueus & pituitosus humor a cerebro aut ventriculo (vbi porissimùm aggregatur) in alias partes, criticè vel symptomaticè transmittatur.

Morbus est frequens, quia pituitæ magna copia: familiaris mulieribus, pueris, senibus, otiosis, denique natura, ætate, aut externa causa pituitosis: qui cum partes internas tam sæpe fatiget quàm externas, mirū cur veteres neq; œdema, neque scirrhum, aut erysipelas, vt inflammationem, pro ratione partium affectarum in suas vnquam species distinxerint, propriisq; nominibus appellarint. Nisi fortè placet Apoplexiam, cerebri; Anginam notham, gutturis & faucium; Asthma, pulmonis; Leucophlegmatiam, totius corporis œdema definire: Nolim tamen intemperiem frigidam cum materia, & œdema, calidā cum bile & erysipelas confundere: quia fluxionem pituitæ frigida partis intemperies aliquādo comitatur, potestq; curari tumor intemperie partis remanente cum materia, substantia scilicet humore tantum perfusa: quid moror, cum Apoplexia, Asthma & Angina sint nomina symptomatum, non morborum, actionemque læsam significant, non quod actionem lædit?

Attamen curationis eadem sunt capita: *Curatio*
Causa antecedens præparanda & purganda remediis, quæ ad febres à pituita præscripsimus.

Ad coniunctam admouenda, dum humor erit in motu, calida astringentia, ut oleum de absinthio, de mentha, mastichinum, aut ex myrti foliis, absinthio, mentha, salvia, rosmarino simul coctis, deinde tritis, addito oleo mastichino, myrtino, paretur cataplasma: nunquam prætermittendum acetum, alioquin cum humor sit crassus, repellentibus esset abstinendum: Galenus utitur spongia recenti, quia desiccet facultate quam adhuc habet à mari, imbuat posca aut oxyrhodino, ut incidendo repellat. Si desit, adde salem oxycrato, ut vetus parem vim acquirat, aut utere ellychnio pro spongia, habet enim vim siccandi: In quo habendam esse rationem partis affectæ ita idem Gal. admonuit. Hypochondriis œdemate tentatis nocet spongia cum posca, licet conueniat laboranti genu: Contra, non est genu fouendū oleo absinthij, quod iecori & lienægrotanti plurimum prodest: podagræ tamen frigidæ, quæ humor est œdematosus, absinthium coctū & tritum forma cataplasmatidis utiliter admouetur.

*Si pars
œdemato-
sa interior
fuerit, ut
cerebrum,
nocent re-
pellentia*

*Resoluen-
tia*

*Cataplas-
ma.*

Resoluator tumor cum oleo irino, succo ebulli, diachylo, per se, aut commixtis: emplastro de meliloto cum oleo chamomillæ remolito, adde si vis styracem aut ammoniacum solutum in aceto: Si placet ex hyssopo, thymo, pulegio, origano, calamintha, ebulo, seminibus anisi, fœniculi, fœnugræci, fiat decoctio pro foru; residentia teratur, & addito oleo chamæmelino, irino, anethino: Aut ex farina fabarum, orobi, loli, cum succo ebulli, sambuci, brassicæ, vel oleis prædictis, fiat cataplasma:

stercus vaccæ cum butyro aut oleo frixum, addita quarta parte sulphuris, aut stercus caprarum, columbarum cum aceto, fæx vini, benefaciunt.

Non est expectanda suppuratio: Itaque tentata resolutione, ferro aut cauterio aperiatur. Internum potione ex diaprassio vel diacalaminta cum ptisana: abscessu rupto, sumenda, ut dixi, theriaca cum aquis cardiacis, quibus cor roboratum, à se longius repellat & foras excernat noxium humorem, eoque alexiterio teter fumus & malignus expugnetur.

DE EMPHYSEMATI SEU

Pneumatosi.

C A P. VII.

FLatus in spatiis inanibus, poris scilicet aut cavitatibus collectus, partem attollit in tumorem, qui Græcis ἐμφύσμα, Latinis inflatio nominatur. Fit autem flatus ferè expiruita ab imbecillo calore: nam cruditates quas resolvere non potest imbecillus calor, vertit in flatus, *Causa flatus.* Itaque ratione causæ communis, referri potest ad œdema, nec est nouum genus tumoris. Hinc est, ad causam antecedentem, cur Phlegmagogon, ut hiera picra Galeni, sumenda, iniicienda imperetur.

Dignoscitur renisu, neque enim cedit in se ut œdema; tensione sine sensu grauitatis: fit enim tensio ab humore, aut à flatu. Ab humore, cum sensu ponderis. A flatu, cum sensu leuita- *Signa diagnostica.*

tis; dolore mobili & vago, qui proprio remedio manifestius demulcetur, facilius enim quam humor, flatus discutitur. Hoc genere continentur Tympanites, cum venter adeo tenditur, flatu intra peritonæum concluso, ut percussus in modum tympani sonet: Colicus dolor, quem parit flatus colon distendens: Pneumatocèle, tumor in scroto à copia flatus, qui vulgo hernia ventosa nominatur. Inflationes lienis, uteri, & ventriculi: Dolores tensivi, qui sub cute & in spatiis inanibus musculorum à concluso flatu frequenter excitantur dum membranas diuellit.

Curatio.

Omniū eadem ferè remedia pro partis situ & conformatione varianda: Nam ad colicum dolorem ex calidis incidentibus, qualia ad pituitam conueniunt, ut Hyssopo, Thymo, Origano, Calamintha, baccis lauri, drageta communi, fit decoctio, in qua ad libram vnam colata, Hieræ picræ ℥. β. benedictæ laxatiuæ, confectionis de baccis lauri, diacumini, añ. ℥. ij. dissoluantur cum oleo nucum, rutæ, anethi vel lauri ℥. iij. fiat clyster, qui perseuerante dolore iteretur. Ex simili decocto fouendus venter, ex iisdem oleis inungendus. Herbarum aucta quantitate paretur semicupium, ex iisdem siccis, furfure, vel milio, addendo si placet flores chamomillæ & melilori, semina anisi & fœniculi, intersuatur sacculus ventri admouendus, cuius loco superponatur emplastrum de baccis lauri. Interea Dianisum, Diacuminum, Aromaticum rosatum, Diagalanga, Diacalamin-

Semicupium.

thes, Diaprassum, Diospoliticon, Diatriom-
pipereum, Antidotus de baccis lauri, per os su-
mantur, cum hydromelite aut decocto cina-
momi. Ex quibusdam vel omnibus parari pote-
rit electuarium molle, vel durum, hoc modo.

℞. conferuæ anthos ℥.ij. Aromatici rosati,
Diagalangæ, añ ʒ. j. β. Diacumini & Dianisi, añ.
ʒ. ij. cum syrupo de hyssopo fiat opiata. Si pla-
cet imminuta quantitate conferuæ cum sac-
charo in aqua fœniculi soluto, fiat electarium
per tabellas. Quibus tentatis & victis remediis
magna cucurbitula toti ventri admouenda.

Ad tympanitem eadem conueniunt iniecta,
assumpta, admota: Interea prospiciendum ie-
cori propriis remediis quæ liber sequens sup-
peditabit. Ad vteri, lienis, necnon ventriculi,
inflationem, non est opus aliis remediis, nisi
placet metrenchytes ex decoctionis ℥. iij. ad-
ditis herbis vterinis, vt arthemisia, nepeta, ma-
tricularia. Ad herniam ventosam non sunt alia
excogitanda remedia. In artubus ossium &
musculorum membranis si paucus subfit flatus,
exigua tensio, nullus dolor, satis erit linteolum
calens cum frictione, aut sponsia lixiuio im-
buta. Vrgente dolore oleum conuenit, quod
relaxet simul & discutiat, vt chamæmeli, lilio-
rum, addendo oleum anethi, rutæ, lauri: Quid
multa? eidem causæ idem remedium, quod spe-
ctata natura & conformatione partis, tum pro
magnitudine causæ, vehementia morbi & do-
loris, augendum vel minuendum: paruo enim
morbo parua, magno magna, extremo extre-
ma debentur remedia, a leuioribus ad vehe-

*Paruo pe-
di non
conuenit
magnus
calceus.*

mentiora paulatim progrediendo.

DE TUMORE AQVEO.

CAP. VIII.

A Cruditate in spatiis inanibus aqua colli-
gitur hepatis imbecillitate : vt intra pe-
ritonæum , quæ ascitem facit , aqueum hydro-
pem. In scroto quæ hydrocelen , herniam
aquosam. In capite quæ hydrocephalon : In
vtero quæ ab Actio hydrops vteri nominatur ,
cuius meminit Hippocrates *lib. de natura mu-
liebri* : Generis nomen esto , si placet , Hydro-
cele nam tumor , quacumque in parte fuerit ,
generalius *χῆλη* nominatur , ὕδωρ aqua : Hoc
ego vix ausim ad œdema reducere , cum nec se-
rosus humor pituitæ sit species (nisi generalius
vsurpetur) nec phlegmagogo , sed hydragogo
purgetur , vt syrupo rosarum pallidarum , com-
posito cum Agarico , aut qui ex iridis pauco
succo , multo saccharo , ad obtundendam acri-
moniam , pro Ascite præparatur ; Brassicæ ma-
rinæ (vulgò Soldanella dicitur) ℥ ij. ex sero la-
ctis vtiliter sumuntur. Vel

*Catharti-
cumin as-
cite.*

℥. Soldanellæ , Cichorij , Absinthij , & Eu-
patorij , añ. M. β. passularum ℥. j. florum cordia-
lium añ. P. j. fiat decoctio. In colaturæ vna
parte infunde Agarici non trochiscati (sic
enim aquas trahit , vt in trochiscos coactus
cum vino infusionis zingiberis , crassam pitui-
tam) ℥. ii. In altera rhabarbari ℥. iij. In expres-

sione dissolue syrupi rosarum solutiui ℥. ij. succi ireos ʒ. ij. fiat potus: hydragogis multa hepatica commiscentur ad robur. Ex foliis Ebuli & Sambuci simul coctis, deinde tritis, addito oleo irino, ricinino, fiat cataplasma. Vfus topi-
corum quę ad œdema & emphysema præscripta sunt, ad hunc quoque tumorem non inutilis fuerit. Plura cum de hydrope.

DE SCIRRHO.

CAP. IX.

SCirrhus est tumor à Melancholia, proinde durus & indolens: ab humore enim crasso & terrestri non potest non esse durus tumor, nisi fortè aliis sit permixtus, vt pituitæ, tùmque scirrhus non simplex, sed cum adiuncto œdematosus appellatur: qui dolorem facit, est atrabilarius, & in cancrũ degenerat, si mollientium usu irritetur. Huius, vt neque exquisiti scirrhi, non possit medicus certam sanitatem polliceri: At scirrhus tumor, nec planè durus nec indolens, malacticis primũ emolliendus, deinde discutiendus est: vt vnguento de althæa, diachylo magno vel gummato, emplastro de mucilaginibus, cerato œsypato; medulla cerui, aut bouis, quæ molliendo optimè resoluit: si placet ex althæa & violaria in hydrelæo cocta, trita, cum œsypo, oleo, butyro, adipe anseris aut gallinæ, fiat cataplasma; ouorum vitelli infecti croco permiscentur ad mammarum duri-

*Scirrhus
œdemato-
sus.*

*Cancer-
des.*

*Scirrhus
remedia.*

tiem, vel ad emplastrum de meliloto adde aliquid bdellij, galbani, ammoniaci, styracis, terebinthinæ, cum oleo liliorum fiat emplastrum molle. Caprillum stercus in oxycrato solum summum est remedium, non nisi aliis victis vsurpandum. Optimum quoque malacticum paratur ex veteri & vermiculoso caseo cum iure in quo suilla perna ad tabem coxerit, quod articulorum tophis miraculo predest. Habendam verò rationem partis affectæ ita monet Galenus: Ad scirrhum lienis confert Ammoniacum in aceto solutum, lien enim gaudet acetosis, cum humore acido nutriatur: Tendinibus verò & ligamentis, maximè omnium nervis, est inimicum. Scirrhus tamen vsu præcedentium remollito: Accipito pyritem, si desit, molarem lapidem, vel silicem candentē: extinguitur aceto, cuius vaporem parte scirrhosa excipiat. Per intervalla redeundum ad emollientia, ne aceti frequentiore vsu pars nervosa offendatur. In liene & carne musculi scirrhosa, minori religione aceto vtimur. Caricæ pingues cum oleo capparum aut iridis tritæ, lienis & hepatis scirrhis benefaciunt: sed ad hepar scirrhosum, cum sit pars princeps, miscenda sunt semper mollientibus aromata, quæ calefaciant, tenuent, & leuiter astringendo roborant. Vt

*Acerum
quibus par-
tibus pro-
dest.*

*Ceratum
ad hepar
emollien-
dum.*

℞. Oesypi & medullæ cerui, añ. ʒ. j. ammoniaci in aceto soluti, bdellij, styracis liquidæ, añ ʒ. ij. (hæc ad remolliendum) spicæ nardi, pulueris absinthij, mastiches, & aloës hepaticæ an. ʒ. ij. (hæc ad robur partis) cum oleo de ab-

linthio & cera q. s. fiat ceratum.

Memineris tam ad externum, quàm ad internum scirrhum, antecedentem causam præparare, deinde vacuare remediis præscriptis ad febres à melancholia, ante usum topicorum.

DE TUMORE ATRABILARIO,
ut cancro apostemoso.

C A P. X.

Cancer est tumor atrabilarius, durusquidem ut scirrhus, sed cum dolore: Est autem simplex seu occultus, aut ulceratus: Uterque partes ferè omnes, maximè vero laxas & molles, ut mammas, occupat. Cum primùm erumpit, vix excedit quantitatem ciceris, sed paulatim in magnâ molem assurgit, tum venæ in ambitu tument & liuent. Occultus non est attingendus, ne irritetur, fiatque ex simplici ulceratus: quia leuioribus ut emollientibus & resoluentibus non cedit (quandoquidem remedium oportet esse potentius morbo) vehementioribus, ut causticis, efferatur. Si à mammis exemeris, inquit Celsus, renascetur in utero: Si de naso, labris aut quavis alia parte euulseris, renascetur nouus in liene, à quo cita mors. Standum igitur Hippocratis consilio, quia, ut ille ait, si non attingatur, æger in longius vitam producet. Satis sit humorem per interualla præparare & purgare, venam secare, hæmorrhoides & menses, si substerint, pro-

Diagnos.

Curatio.

uocare, abstinentiam alimentorum crassi succi imperare, vt impediās morbi incrementum. Pro topico, bolus armena, terra sigillata, vel tutia; cum succis solani & plantaginis agitentur in mortario plumbeo, cum pistillo plumbeo, fiat vnguentum vtrique cancro accommodatū. Vel puluis paretur ex cancris fluuiatilibus aut limacibus in furno coctis, qui bolo aut tutiæ permisceatur, & cum iisdem succiseodem modo subagitetur. Puluis crysalli plurimum laudatur. Vtere etiam vnguento de ranis, vnguento de plumbo, diapompholygos; Tenella fraxini folia in aqua coquantur, decocto pars foueatur, ex residua paretur cataplasma. Vtatur iusculo cancrorum fluuiatilium, lacte asinæ, Theriacarecenti, balneo aquæ dulcis. Cancro vlcerato optimè facit admota plumbi lamina. Vulgus hanc curationem appellat palliatiuam, quæ tantum blanditur malo, eiusque prohibet incrementum.

DE ELEPHANTIASI.

C A P. XI.

ESt Cancer totius corporis, proinde insanabilis: Cum enim Cancro non habeamus remedium potentius, de Elephantiasi quid sperare possis? Vt Elephas omnium animalium, sic Elephantiasis omnium morborum maximus: ex qua similitudine traxit nomen. Galenus quidem meminit quorundam lepro-

forum, qui epoto vino, in quod fortè vipera irrepererat, conualuerunt. Sed non est verisimile tam exiguo remedio tantum morbum profligatum: Si tum, quidni hodie? Incipiens igitur, non confirmatus morbus epoto hoc vino disparuit. Archigenes difficultatem curationis, in hoc potissimum referebat, quòd viscera priùs ista labe sint infecta, quàm foris quidquã emineat. Vidi porcum, cui minima pustula suberat sub lingua, cùm reliquo corpore sanus videretur, talisque à lanionibus iudicabatur: facta tamen dissectione, inueni totam carnem grandine conspersam, quinimò sanguis percolatus, totus erat grandinosus. Vnde cœpi suspicari eorum non leuem esse coniecturam, qui vt discernant Elephanticos, incisa vena, vaseulis exceptum sanguinem percolant, quem signum mosum reperiant, inde latentis morbi coniecturam sumunt.

*Probatio
elephantico-
rum ex
sanguine.*

Causa habet internas, vel externas. In externis primas tenet contagio: nam si scabies fomite sit contagiosa, potius Elephas. Qui biberit in eodem vitro cum Elephantico, inquinabitur: Tument enim illi labra; eaque tabo seu fallua putri madent, quæ adhærescens vitro, morbum disseminat & in alios transmittit. Si com-
*Cur ele-
phantiasis
est conta-
giosa.*

poratio inficit, multò potius congressus; Itaque sapienter à magistratibus extra pomeria ciuitatis ablegantur: vtinam vxoribus priuarentur, nam coitus illis est noxius, & prole Elephantica ciuitatem fœdant: leges
*Morbus
sancti
Lazari.*

tamen iubent vxorem sanam, maritum Elephanticum ad hospitium diui Lazari comi-

tari, vt perpetuas vitæ miseriae hoc veluti solatio leniant (sunt enim salacissimi.) Accedit quod non alios inuenirent mensæ ministros. Adde quod mulieres, quia frigida, impunè cōgrediuntur leprosis: At qui scortum Elephanticum subegerit, non effugiet contagionem. Cur morbus non tantum est contagiosus, sed etiam hæreditarius? quia semen à toto deciduum, refert principum partium, imprimis hepatis, corruptelam.

*Modus
generatio-
nis.*

Signa.

*Cathartica conue-
nientia.*

Proprio vitio sunt Elephantici, qui cum habeant natura iecur retorridum, affans non elixans; illud calfacientium multo usu, vt meri, rerum acrium, piperatorum, salforum, sinapi, alliorum, porrorum, cæparum, magis magisque incendunt: quam habebant ad morbum propensionem, contrario vitæ & victus generationem emendant, sed simili potius intendunt. Hinc tota sanguinis massa bilescit, bilis per vstionis varios gradus tandem in atram degenerat, quæ in parte ad quam appulit Cancrum, in toto Elephantiasim producit: Augeretur & acceleratur morbus, si imbecillus lien succum melancholicum non attrahat; aut sint obstructæ viæ. Quoties igitur facies leprosa & ficis scædata, cutis aspera, qualis anserum, psorica, venientis mali suspensionem iniiciet; Ad præcautionem, medicus calidorum usu interdicit, eaque omnia præscribat, quibus iecur & sanguis ad temperiem reduci possint: Purgationem ex cholagogis frequentem: Hali Abbas purgat quadragies portione aliqua conueniente, vt Syrupis de Cichorio, de Epithymo

aut Regis Sabor, dissolutis in sero lactis, aut in decocto hepatico, in quo 3. vj foliorum sennæ bullierint. Iecur oleo rosaceo & pauco cerato *Topica.* santalino liniatur: lac asinæ sit in usu frequent: aut serum, præsertim caprillum, in quo fumaria & epithymum bullierint: Ingrediatur sæpe balneum aquæ repentis: Hæmorrhoides excitentur. Quinetiam ut magis refrigescat habitus corporis & in muliebrem seu frigidiorē naturam transmutetur, castrentur: Quod in prophylacticis est præcipuum; minus malum comparatum maximo, habet rationem boni. Ego suadeo ut pueruli qui putantur nati ex parentibus leprosis, vel quorum natura manifestè eò inclinât, quàm citissimè eurentur. Tres vesicæ apparent in planta pedis infantis recenter nati ex parentibus elephanticis, quæ incisæ valent ad præcautionem. *Præcautio in pueris.*

Therapeutica remedia leniunt aut celant morbum, eiusque symptomatis subueniunt, confirmatum eradicare non possunt. Viperis tanquam anguillis vtantur, bibant vinum in quo vipera fuerit extincta, nutriantur caponibus qui pasta sint nutriti, confecta ex pane & carne viperina: Theriaca quoque recenti, vel ætatis mediocris sæpissimè vtantur. Sequens vsus decocti ranarum aut testudinum est singularis. *Decoctum specificum.* Decoctū mediani corticis vlmī pro potu ordinario vtiliter sudores & vrinas mouet, datur cum vno albo. Hydrargyrosim valdè laudo: nam veteres vnguento enulato cum mercurio ad lepram fœliciter vtebantur, quæ est ad Elephantiasim proximus gradus. Itaque pin-

guedini viperarum, loco axungiae, permiscebis argentum viuum præparatum vt decet, ea proportionē vt ad lb. j. pinguedinis addantur hydrargyri ℥. iij. Me iudice pilulae mercuriales illis magis prodesse, quàm lue indica correptis, si modo argentum viuum refrigeret, vt Pharmacopæi exemplo demonstratur, qui eo epoto imprudenter, sanguine congelato interiit. Spagyrici longo & frequenti vsu auri potabilis leprosis sanitatem pollicentur: Tanti pœnitere non emerē: remediū est grauius morbo, quin peiorē morbum, nempe paupertatem inducit. Vidi aliquoties tincturam auri, aurū potabile nondum vidi, nisi fortē limaturā auri vino aut aquæ cardiacæ permixtam, quam malim sumere alicui cōseruæ cardiacæ commixtam. Fateor auri magnam vim præsertim in agendis: quid enim non potest? Tantam verò esse vt substantiam corruptam in naturalem reformare possit & veluti regenerare; nulla ratio mihi persuadebit, quia à priuatione ad habitum non est regressus. Imò Cæsalpinus frequenti vsu auri potabilis elephanticos fieri affirmat. Simile erat Ægyptiorum remedium, lepra erat illis endemia; quæ si fortē eorū regem prehensisset, illum in sanguinem humanum repente immergebāt, quem ex mactatis infantibus cōquirebant. Crudelius morbo remediū, cui me iudice, plus inest ostentationis quàm veritatis.

Cæterum quia magistratus ex renuntiatione medicorum verē elephanticos vrbe excludit, & ciuili priuat societate, ne temerē ferant sententiam, elephanticos ex syndrome seu concursu

curſu ſequentium ſignorum dignoſcent: facie
ſlammea, ficis, craſſis & inuerſis labris, ſimis
repandisq; naribus, atque vt dicam vno ver-
bo, facie ſatyri, cute aſpera, qualis elephanto,
pſorica, leproſa: quæ frictione non tantum in
furſures, ſed in ſquamas reſoluitur, voce rauca,
anhelitu putido, ſtupore tanto vt puncti non
ſentiant. Iubebis ergo, vt oculis clauſis locum
acupunctum digito deſignent: hoc ſi non poſ-
ſint, & cætera concurrant, confirmatus eſt
morbus, contagioſus, inſanabilis.

*Balnei ex humano ſanguine parati uſum ridet Galenus,
& meruo lib. 10. de ſimpl. medic. facul.*

DE LUE VENEREA.

CAP. XII.

Hispanorum nauigationibus hæc bella merx *Vide Ma-
nardum*
ab India in Europam aduecta eſt. Indis *ep. 3. l. 17.*
eſt morbus patrius, non aliter quam ſtruma
Hispanis, lepra olim Iudæis, eorūque idio-
mate *puam* nuncupatur: Europæis verò eſt *Indis lues
veneræ eſt
morbus pa-
trius.*
popularis & contagioſus. Indos non affli-
git grauius, quam Variolæ pueros: habentque
paratum remedium, nempe guaiaci recentis
& ſucculenti decoctum, quod ad nos non ni-
ſi ſiccum, & exuccum deſertur. Benigna natu-
ra ubi morbum, ibi poſuit remedium. Conta-
gio non tantum ſerpit coitu, vnde pudenda-
gra, ad mentagræ ſimilitudinem à quibuſdam
dicitur, ſed etiam ſuctu. Nutrix aliquando
lactentem inficit, viciffimque illa ab eodem
inficitur. Sed tum maligna vlcera in mammis

primum apparent, quemadmodum in pudendis, cum à concubitu sumpsit originem Obstetricis manum primum virus inficit, si ab infecta infantem exceperit. Non dubito eum qui dormierit in linteis, in quibus Indica lue correptus eo morbo corripì posse: contagionis seminario, nempe sudore, aut ulceris maligni sanie, in linteis permanente, cum simplex scabies hoc modo sit contagiosa.

Qui glandem habet detectam, huic morbo non admodum est obnoxius: Alioquin virus sub præputio latens sensim gliscit in viscera, atque imprimis iecur, proinde sanguinis massam inficit. Iudæi, quia sunt apellæ, seu recutiti, cum impuris scortis minore periculo possunt concumbere. Cæteri statim à coitu penem abluant aqua hordei, plantaginis, seu vrina, ut morbi sementem eluant.

Diagnosis.

Primum est ut dignoscas morbum, deinde ut cures: Dignoscetur antecedentibus & adiunctis. Antecedentibus, ut si æger suspicetur se cum impura rem habuisse. Si trium præcursorum aliquo fuerit infectus, Cancro seu carie pudendi, Gonorrhœa virulenta, aut Bubone venereo: Augeri ut coniectura si bubo retrocesserit, vel gonorrhœa intempestivè suppressa fuerit. Si quis horum, ut cancer, sit contumax, neque cedat ordinariis & ex arte præscriptis remediis, ut aquæ plantaginis, unguento diapompholygos, aquæ aluminosæ forti, cicatrix nihilominus dura permaneant, aut curatus recrudescat: coniectura non est levis, latere intrus luis seminaria, delitescere virus, quod tan-

*Tres luis
ven. pro-
dromi.*

dem se prodet. Periculum minus imminet si cito appareant: nam verisimile est longa morâ ad viscera virus peruasisse. Adiuncta morbi sunt, alopecia, pustulæ siccae, rubrae & rotundæ, huius morbi propriæ, maligna vlcera, tophi, dolor medios artus occupans, qui occidente sole quotidie exacerbatur, mitescit in exortu solis: Ita illis dolet sternum, ac si manu comprimatur. Malitiæ gradus imprimis distinguere debet, ne paruo pedi magnus aptetur calceus: levis enim & incipiens lues leni remedio profligatur, vt hidrotico solo; inueterata vix vnquâ perfectè sanescit, & ferè semper aliquod sui vestigium relinquit. Levis iudicatur, quæ solo pilorum defluuio se prodit, superficialium est virus, necdum altè radices egit: Peior est quæ pustulis & vlceribus innotescit: Pessima tophacea, quia virus ad solidas partes peruasit.

Gradus
luis vene-
rea.

signa.

Curationis hæc sunt capita. Purgandū corpus pro ægri temperamēto, potissimum confectio-
ne hamech, pilulis indis, de lapide lazuli, foliis sennæ in coctis cardiaco decocto, quia sub hoc morbo humor melancholicus imprimis peccare creditur. Vt Hali ad elephantiasim profligandam etiam quadragies corpus repurgandum suadebat: Sic expugnari posse hunc morbum quidam existimant, frequenter, vt viginti diebus continuis, iterata purgatione, quæ constet decocto ligni indici, pro vehiculo cathartico-
rum hoc modo.

Curatio.

℞. decoct. ligni indici lb. vj. in quibus bulliant fol. sennæ mund. M. iij. radiceis tormen-
tillæ & diptamni cretici, an. ʒ. ss. agar. turbiti,

Catharti-
cum speci-
ficum

℞ ij

hermodactylorum, an. ℥. j. sem. cardui, citri;
an. ʒ. ij. flor. cordialium, an. P. j. fiat decoctio,
cuius colatura seruetur ad vsum; vel ℞. zarsæ
parillæ minutim incisæ ℥. ij. infunde & bulliant
in ℥b. vj. aquæ ad consumptionem duarum li-
brarum, addendo Agarici & Hermodactylo-
rum, an. ℥. j. foliorum sennæ mundator. ℥. ij. in
colaturæ ℥. iiij. pro dosi, dissolue syrupi re-
gis Sabor ℥. j. fiat potio, continuet per viginti
dies.

Huc pertinent pil. mercuriales, quæ præter
cathartica & cardiaca continent argentum vi-
rum pro basi: nam etiam aduersus vermes qui-
dam ausi sunt per os exhibere.

℞. massæ pil. indarum aut de lapide lazuli
℥. ij. pulueris auri, quo malitia argenti viui cor-
rigitur; pulueris diambrae & lætitia Galeni, an.
ʒ. ij. argenti viui succo limonum extincti ℥. β.
misce diligenter, cum eodem succo fiat massa,
de qua quotidie capiat pilulam vnam sex horis
ante cibum, continuet per ringinta dies.

Quidam hidrotico, vt decocto guaiaci,
zarsæ parillæ, aut cynæ tenuiorem portionem
vacuant, crassiolem purgatione: vtuntur su-
dorifico quadraginta diebus: octauo quoque
die corpus repurgant, interea parcè & tenui-
ter viuunt.

Alij vtrumque amuletum coniungunt, per
viginti dies sudorificum imperant, deinde hy-
drargyrosim, litum ex argento viuo, ea propor-
tione mixto cum axungia, vt ad libram axungia
addantur hydrargyri succo limonum aut salina
extincti ℥. ij. immixtis oleis vel vnguentis ner-

ualibus, quibus articuli defendantur à malitia argenti viui.

Antequam sudet, purgetur, vtraque basilica incidatur, & balneo aquæ repentinæ committatur, vt cutis spiracula sint liberiora, & humor liquatus, saluatione copiosior effluat.

Quòd si displiceant inunctio & sudor, quia agro non satis otij & temporis suppetat, gestet emplastrum Ioannis de Vigo; mora enim longiore aliquando morbum depulit, quem inunctio & sudorificum non potuerant profligare.

*Emplastrum
de Vigo est
ficacia.*

Si placet, loco opiatae Fernelij, vtatur quotidie theriacæ aut mithridarij ʒ. i. superbibendo decocti sudorifici ꝑ. β. pro dosi, continuet saltem per triginta dies, & capiat bis in die. Interim vtatur secundo decocto, pro ordinario potu. Caterùm, de tribus luis præcursoribus suo loco & ordine dicetur: Vt de gonorrhœa virulenta, vbi de simplici: de bubone venereo & pestilenti, vbi de bubone: de cancro, quando de malignis vlceribus.

DE VVLNERIBVS, QVORVM
differentia, cause, & euentus paucis
explicantur.

C A P. XIII.

VVLnus est solutio continui recens, & cruenta, in parte molli, ab externo aliquo effecta. Prima & vltima particula differt ab vlcere: Secunda, à fractura: Causa externa vel est

*Vulneris
definitio.*

Kk iij

animata, ut calcitratio & morsus animalis, nonnunquam venenati: vel inanimata, ut ensis, lapidis; harum alia incidunt, ut gladius; alia contundunt, ut malleolus & globulus sclopetorum; alia pungunt, ut acus & graphius: Alia vrunt, ut ferrum candens. Alia tendendo rumpunt, ut tortura, flatus. Possis aliter hoc modo: Aut vulneratus ab aliquo est percussus, aut ex alto cecidit, aut occursum in tenebris rei solidæ, ut currui, lapidi.

*Qua sint
partes molles.*

Ceterum appello partes molles, non tantum carnem, sed etiam venas, arterias, nervos, siue sint similes, siue organicae, eaque vel principes ut cor, iecur & cerebrum; vel necessarie ad vitam, quamvis non sint principes, ut ventriculus, pulmo, vesica, renes: sine quibus vivere non possumus, quemadmodum sine naso, sine auribus, sine oculis, etiam si minus commodè & honestè. (Et truncas in honesto vulnere nares.)

Prognosis.

Pro usu & necessitate partis vulnerate potest prædici eventus; nam à corde, etiam in superficie vulnerato, expectanda mors, à iecore aut cerebro non ita, nisi vulnus fuerit profundum. Collum vesicæ, quia carneum, tuto inciditur; vesica, quia nervea, minimè. Eadem ratione vulnus in tenui intestino lethale; in crasso, non ita. Vulnus in articulis funestum, quia ibi nervi, tendones, & carne vacua sunt loca: Hinc dolores, vigiliae, convulsio, delirium, mors. Vulneta etiam ceruicis, iuguli, inguinum, magnarum venarum lethalia.

Possis etiam pro varietate causæ vulnus dividere, & ex ea longitudinem aut brevitatem

prædicere: nam inflicto vulnus à re incidente, citius sanescit, quàm à contundente: quia contusum putrescere prius oportet, proindeque magis cauum reddi: Atqui replendum est carne, priusquam claudatur. Itaque cum longiori tempore ad hoc sit opus, cæteris paribus tardius coalescunt à re contundente inflicta vulnera, quàm ab incidente.

*Vulnera
cõfusa cur
difficilius
coalescunt.*

Facillimè omnium coalescunt vulnera longa, tardissimè rotunda, quia in longum findenda sunt, vt facilius & citius agglutinentur. Sed cur vulnera rotunda difficillimè coalescunt? An quia omnium maxima, vt placebat Herophilus? Minimè verò, quia, vt obiciebat Asclepiades, scinduntur vt vniantur, incisione autem fiunt maiora. An quia in regeneratione carnis quiddam sanum poni necesse est, veluti principium à quo incipit motus: in circulo autem, quatenus talis, nullum principium? An quia coalescunt facilius quæ conueniunt secundum angulum. In circulo autem nulli sunt anguli. Secamus igitur ad angulos acutissimos, vt caro citius regeneretur.

*Cur item
rotunda.*

Vulnus etiam potest diuisi in simplex & compositum, siue causæ, morbo, aut symptomati implicetur. Potestque pro ista adiunctorum varietate euentus prævideri; nam vt est in aphorismo, vulnere superueniens conuulsio lethalis; delirium quoque lethale, vt & febris perseverans: alienus color partis, ariditas cutis, qualis carnis salset, inflammatio gangræna, ingens tumor apparens, subitoque disparens, funesta omnia.

VULNERIS SIMPLICIS

communis & ordinaria

curatio.

CAP. XIII.

MEdentis primus & communis scopus, Quod solutum est reunire: atqui nunquam possis labra vulneris agglutinare, nisi heterogenes, si quid subsit, extraxeris, vt pilum, grumum, globulum, telum. Inde igitur exordienda curatio Veteres varia instrumenta descripserunt pro extrahendis telis, quorum frequens erat vsus: recentiores pro globulis. Cætera vossellis, forcipe, quin etiam digitis extrahuntur: sed prius vulnus dilatandum, si non satis dehiscat. Faciamus nil alienum subesse, mox de agglutinatione cogitandum erit, de iuncta vulneris labra, ligatura agglutinatoria in vnum erunt adducenda. Quod si magnum fuerit vulnus, sutura est opus, sibilis, glutine, vt in facie. Ad eundem finem medicamento vtimur agglutinante, quod in exiguo vulnere sæpè solum satisfacit nostro instituto. In vsu est balsamum Christi, ex oleo, & vino: quo solo etiam sclopetorum vulnera, si fuerint simplicia, plurimi recipiunt sananda. Alij applicant hederæ folia cocta in vino, alij laudant oleum abietis per se, aut permixtum rosaceo. Alii terebinthinam cum oleo hyperici. Alii oleum myrrhæ. Galenus commendat folia quercus. Vulgus applicat herbam contusam, quæ ab Hortulanis *petum* nuncupatur. Varia balsama a viris do-

*Balsamū
Christi
quid.*

Quis in eum finem describuntur. Transcribam
duo, quæ vulnera, quamuis magna & profun-
da, primo die glutinabunt. Primum est eius-
modi.

℞. Myrrhæ electæ ℥. vj. mastiches ℥. viij. aloes
hepaticæ ℥. xvij. salis communis ℔. j. contusa
omnia, per retortam lento igne distillantur: exi-
bit primum aqua, deinde oleum, quo etiam
vermes necabuntur.

Alterum balsamum.

℞. olei vetustissimi ℥. iij. terebinthinæ puræ
℥. viij. frumenti integri ℥. j. β. hyperici ℥. ij. radi-
cis cardui benedicti & valerianæ, añ. ℥. j. thuris
puluerisati ℥. ij. radices & herbæ crassiusculè
contundantur, deinde ponantur in olla, & tan-
tum vini affundatur ut immergantur: biduo
infusis, oleum & frumentum superiniiciuntur,
coquantur omnia ad vini consumptionē: mox
facta forti expressione adduntur thus & tere-
binthina, atque ita sinuntur bullire; asseruantur
in vase vitreo. Abluitur primum vulnus vino al-
bo frigido, statim inungitur totum prædicto
oleo calente: quod si fieri non possit, iniiciatur
intra vulnus per siphonem. Confestim labra
vulneris in unum adducantur: deinde vicinæ
partes eodem oleo liniantur. Ad labra vulneris
imponitur linteam eodem oleo imbutum, &
supra hoc aliud, vino nigro expressum: mox alia
lintea sicca, quæ fascia continentur.

Chirurgis in more est primum apparatus
conficere ex pulvere rubro, subactō cum albu-

*Modus cō-
ficiendi.*

*Utendi mo-
dus.*

*Primi ap-
paratus
materia.*

minibus ouorum, & totum vulnus in ambitu oleo rosaceo illinire, vt hoc repellente prohibeant fluxionem. Puluis ruber fit ex thuris partibus duabus, sanguinis draconis vna. boli armeni tertia parte. Guido suadet (nisi quid dissuadeat, vt dolor) sinendum esse hunc primum apparatusum per dies quatuor, trāfacto die quarto si non fuerit vulnus agglutinatum, vino aliquo styptico, quale est burgundianum, aut aqua vite, esse abluendum, deinde puluerem rubrum terebinthinæ esse permiscendum.

*Compendiū
curationis
ulcerum.*

Faciamus vulnus esse magnum & profundum cum multa carnis ablatione, replendum erit vsu sarcoticorum: quemadmodum si fuerit sordidum, detergentibus erit purgandum, de quibus multa cum de vlcere: nam cum primum vulnus desinit esse cruentum, saniemque aut pus incipit reddere, vlcus dicitur, debetque communi curatione vlcerum persanari, digestiuo, mundificatiuo, sarcotico, epulotico.

*CURATIO VVLERIS COMPOSITI,
inflammati, contusi, intemperati, dolorosi, aut
quod adiunctam habeat conuulsionem,
febrem, synopen.*

C A P. XV.

*Curatio
vulnerum
cum inflā-
matione.*

SI vulneri superueniat inflammatio, iam dictis remediis illi succurrendum, venæ sectione, clysteribus, topico repellente, vt oxymelino, cerato Galeni, cataplasmate ex farina hordei & pulvere rosarum coctis in oxymelite: atque etiam, si fluxio repelli non possit, cata-

plasmate resoluenti, ex farina fabarum & puluere chamæmeli coctis in vino, discutiatur.

Ad vulnus intemperatum præscribantur in-
temperiei contraria; si frigidum, quæ calfa-
ciant, ut fofus ex vino aut aqua vitæ. Si calidius,
quæ refrigerent, ut vnguentum rosatum Mesuæ,
nutritum, vnguentum de tuthia.

*Cum in-
temperie.*

Quod si vrgeat dolor, anodynus placandus
erit. Optima sunt anodyna, quæ tollunt causam
doloris, ut purgatio, venæ sectio, & alterantia,
quæ intemperiem dolorificam emendant, cata-
plasma quoque relaxans & resoluens. Quæ si
non iuuerint, transeundum ad ea, quæ ideo sunt
anodyna, quod sint nostro calori analogæ, ut ca-
taplasma vulgare ex farina hordei cocta in lacte
cum vitellis ouorum & pauco croco: aut ex po-
mo cocto in lacte, quod magni facit Rondele-
rius, etiam in doloribus qui superueniunt vulne-
ribus sclopetorum. Ad extremum imperentur
narcotica, ut populeum, opium lacte aut oleo
rosarum, chamæmeli dissolutum, correctum
duplo croco.

*Cum dolo-
re.*

Ad vulnus contusum distinctione est opus:
nam si iam putre & corruptum fuerit, ut in val-
de magnis contusionibus, quod corruptum est
mox abscindatur. Esto digitus adeo attritus, ut
ossa ipsa sint contusa, quam mox excindatur.
Si verò integris ossibus sola caro sit contusa,
Celsi consilio, coquatur malum granatum, cu-
ius pars interior vnguento rosaceo misceatur;
quo si nihil proficiatur, scarificetur, atque ut
gangrena curetur. Verum si levis fuerit contu-
sio, initio proderit repellens ex ovo integro agi-

*Cum con-
tusione.*

tato cum rosaceo, deinde resoluens: Sigillum beate Marię forma cataplasmatum admotum est singulare. Prodest etiam cuminum cum cera. Magnis contusionibus conuenit pepticum, non neglectis incisionibus. Contrusum maturetur, inquit Hippocrates. Nam phlegmone minus tentabitur, si celerrimē pus moueatur, *libro de vulneribus*. Caro contusa in pus vertatur, basilice, vnguento de althæa, cataplasmate ex radice liliorum & althæa cum sua radice, ficibus, seminibus lini & fenugręci: coquantur simul, resistentia teratur, coletur, adde farinam tritici cum oleo liliorum vel chamæmeli, fiat cataplasma: non vlceri, sed partibus adiunctis admouendū.

Ad contusionem totius corporis, vt si quis ex alto in terram ceciderit, Gal. iubet vt pelle arietis recens mactati eger inuoluatur. Cuius inopia totum corpus oleo liliorum & rosaceo liniatur: interim dentur mumix ʒ. ij. cum vino: aut oxymelitis vel syrupi acetati ʒ. ij. coaguli leporis ʒ. j. cum aqua cardui, vt impediās concretionem sanguinis, & grumum, si quis sit, dissoluas.

Cum febre. Vulneribus aliquando superueniunt febris, syncope, & conuulsio. Ad febrem præcesserunt remedia, purgatio, venę sectio, apozema refrigerans, abstinencia vini. Ad syncopen descri-

Syncope. bētur opportuniū in *particulari methodo*; quem-
Conuulsio- admodum ad conuulsionem, quæ si contingat
ne. ab inanitione, vt si hæmorrhagiæ succedat, prædicenda mors. Si verò à repletionē (vt cum tumor qui apparuit repenti disparer) periclitatur si adueniat puncto neruo, aut morsui animalis venenati, conuenient quæ ad punctum

neruum & morsus venenatorum in chirurgia describentur. Ista generalia de vlceribus, vulneribus & tumoribus præmissi, quia partibus omnibus tam internis, quàm externis sunt communia. De vulneribus capitis, thoracis, & abdominis, in methodo particulari: vbi de fracturis & luxationibus, sunt enim morbi particulares.

Antequam ad particularem methodum aggrediar, operæpretium facturus mihi videor, si ex Gordonio potionis vulnerariæ descriptionem apponam; quam ego malim vlcerariam, quàm vulnerariam nominari, quia recenti vulnere non conuenit: ne fluxionem augeat & febrem excitet, sanguinem calfaciendo: sed vlceri præsertim interiori, putri, sordido, cauo, fistuloso, siue sit primarium, siue abscessui aut vulnere successerit est autem eiusmodi.

℞. agrimonix, pimpinellæ, betonicæ, *Potio ad*
 verbenæ, centauri maioris, stœchados, sal. *ulcera.*
 uix, pilosellæ, trium consolidarum, plantaginis, sanamundæ, rubiæ maioris, caulium rubrorum, pedis columbini, callitrichi, absinthij Romani, tanacet, linguæ auis, hederæ terrestris, fragariæ buglossi, gentianæ, añ. q. s. omnia, vel maior pars, contendantur, & bulliant in vino albo, addendo parum mellis: De hac potione sumat quotidie ieiunus cyathum dimidium, ad summum ℥b. s. Si febricitet aut minuatur quantitas, aut abstineat. Decoctum Caryophyllatæ imprimis benefacit internis vlceribus.

Monitum ad Lectorem.

AD generalem methodum bene medendi referri debet tractatus magni momenti & summæ utilitatis de curandi ratione per sanguinis missionem, qualis nimirum sit illa euacuatio, quomodo & quando celebranda, quibus conveniat ægris, quibusnam morbis succurrat, qualis vena secanda, quâ copiâ mittendus sanguis, quo morbi tempore, quâ diei horâ, quæ ante venæ sectionem præparatio afferenda, & alia similia: de quibus singulis curiosus Lector consulat Galenum, *libro de curandi ratione per sanguinis missionem*; & Ioannem Fernellium, qui hæc omnia amplissimè exposuit *lib. 2. methodi medendi*, per totum librum; quique summo suo merito recentioribus omnibus est anteponendus: quia quæ singuli habent singula, ille solus habet omnia.

F I N I S.



IN
GENERALEM
METHODVM MEDENDI
INDEX RERV.

A.



<i>Abcessus differentia, fol.</i>	127
<i>Acetum quibus partibus inimicum.</i>	138
<i>Affectus primarij & secundarij signa</i>	4
<i>Alati qui.</i>	97
<i>Alterationis causa.</i>	8
<i>Animalis facultatis actiones.</i>	5
<i>Apozematis & Syrupi differentia 44. Apozema quid 45. Apozema bilem alterans 46. melancholiam.</i>	85
<i>Apparatus primi in vulneribus materia.</i>	153
<i>Aqua pro varijs symptomatis ut alteranda 70. cir- cumstantia aqua propinanda in ardente febre.</i>	75
<i>Arabes remediorum varietatem inuexerunt.</i>	49
<i>Ardentis febris à tertiana continua discrimen 71. an conueniat phlebotomia.</i>	74
<i>Ascites quid 136. curatio ibid.</i>	
<i>Atrophia alicuius membri ut curatur.</i>	112
<i>Aurcum vnguentum lene sarcoticum.</i>	120
<i>Aurum potabile exploditur.</i>	144

INDEX RERVM.

B.

B alnei vsus in quartana & morbis melancholici	85.	in hectica.	90	
Balsamum Christi ad vulnera.			152	
Bilioforum morborum remedia	71.	bilioforum febrium differentia ibid.	biliofis morbis an conueniat vena sectio.	74
Bolus quid.				51

C.

C acochymia quid.	56
Calculus non est morbus, sed causa morbi.	98
Calculi in varijs corporis partibus reperi.	99
Cancer quid 139. curatio ibid.	
Caruncula in vesica curatio.	109
Cassia in synocha cur noxia.	69
Cataplasma resoluens.	132
Cathartorum varia forma 46. 47. catharticum an conueniat in peste.	94
Causa cognitio in curando quid valeat. 13. causa in- terna mouentur ab externis 15. dignotio à specie doloris 16. causa coniuncta quid 55. antecedens. 52	
Characteribus & verbis an vlla vis insit.	47
Cholagogon dosis.	37
Clyster non est solis intestinis dicatus. 51. varij cly- sterum vsus 52. forma varia 52. & seq. cur phle- botomia & cathartico pramittitur 58. clysteres an possint esse alimentarij.	53
Colici doloris à nephritico differentia.	13
Collyrium in principio ophthalmie.	124
Conformatio in quo sita.	97
Contagiosorum	

INDEX RERVM.

Contagiosorum morborum remedia. 91
Contrarietas ut adhibenda in morbis. 25

D.

Diagnosis morbi in quosita. 1
Dietæ & therapia finis. 35
Diuretica calida in tertiana continua declinatione an
adhibenda 73. cautiones in usu diureticorum. 104
105
Dolor quid 8. doloris species & differentia 9. quid in-
dicent. 16
Doses medicamentorum purgantium simplicium &
compositorum. 37 & seqq.

E.

Electuariū quid 50. electuaria varietas. ibid.
Elephantiasis quid 140. elephantiascos dignotio.
141. causa ibid. cur contagiosa ibid. curatio ibid.
Ellebori albi dosis 39. preparatio. ibid.
Emphysema quid 133. signa, curatio. ibid.
Emplastri de Vigo efficacia in lue venerea. 149
Ephemeræ causa 66. ephemeræ obnoxij. 67
Epicrasi ubi locus 58. cur in melancholia. 85
Epulidis curatio. 110
Erysipelas quid 128. cur ut plurimum faciem obsidet
129. curatio. ibid.
Excrecentiarum remedia. 19
Excreta diuersi generis 10. variarum partium 12. ex-
cretorum dignotio quantum conferat 11. 15. excreta
an indicent pestem. 92
Extenuationis remedia. 111

INDEX RERVVM.

F.

F Ebris definitio 64. differentia ibid. febris focus
quid. 75
Flatus causa, signa, curatio. 133. & seq.
Fluoris remedia. 106

G.

G Alenus liberalissimus in mittendo sanguine. 58
Galeno quantum ars medica debeat 60. Galeni
perspicacia. 67

H.

H Ectica quid 88. hectica gradus ibid. subiectum
90. quibus morbis saepe succedit 89. dignotio,
curatio. ibid.
Hemitriticus quid 82. cur exitiosus. ibid.
Hepar emolliens ceratum. 138
Hippocrates unde expiscatus medicinae praecepta. 59.
Humores prae parandi necessitas. 44
Hydrargyrosis in elephantiasi. 143. 144

I.

I ndicationum ordo 30. 61. utilitas. 60
Infusio cathartici quid. 46
Instrumentum quot modis laditur. 19
Iulepus quid 45. inlepus alexandrinus. 46

L.

L Actis asina vis. 118
Leprosus an aurum potabile conueniat. 144
Lieni cur prospiciendum in morbis à melancholia. 86
Luis venerea origo 145. modi quibus contrahitur ibid.
gradus, curatio 147. emplastri de Vigo ad luem ve-
ner. efficacia. 149

M.

M agnitudinis aucta curatio. 110
Malignorum morborum curatio. 93

INDEX RERVM.

<i>Marasmus cur infanabilis.</i>	90
<i>Maturantia.</i>	126
<i>Medicamentorum qualitates duplices 27. medicamen- tis utendi modus.</i>	41
<i>Medicina finis 55. medicina dignitas in remediorum multitudine non sita.</i>	120
<i>Medicum quantum iuuat Physiologia 7. medici pru- dentia in moderandis remedijs.</i>	136
<i>Melanagogon dosis.</i>	38. & seqq.
<i>Melancholicorum morborum remedia 83. melancholi- ca febris dignotio 83. melancholicus humor cur ab atrabilario distinguendus 84. an conueniat phleboto- mia.</i>	86
<i>Methodicorum precepta.</i>	62
<i>Methodus deorum donum.</i>	18
<i>Mithridatij usus & dosis in peste.</i>	94. 97
<i>Morbi species causam indicat 16. morborum differen- tia 18. 19. morbus remedium indicat 26. morbi or- ganici differentia 28. morbi tempora spectanda 33. morborum curatio in quo sita 62. morbus in numero quid 109. morbi communis definitio 113. morbus re- medium, speciem pars indicat.</i>	123
<i>Motu laeso pars affecta quomodo inuestiganda.</i>	6
<i>Mulsa Galeno pro apozemate.</i>	44
N.	
N <i>Ares truncatas reparandi modus.</i>	29
<i>Naturalis facultatis actiones.</i>	5
<i>Nephritici doloris signa.</i>	13
<i>Nodo forti, fortis cuneus.</i>	35
<i>Non naturalium rerum vis.</i>	14
O.	
O <i>Bstructio morbus frequentissimus 98. obstructio- nis curatio 99. terebintina in quibusvis obstru-</i>	
L. ij.	

INDEX RERVM.

<i>tionibus efficax</i> 104. <i>obstructionis varia sympto-</i> <i>mata.</i>	105
<i>Oedema quid</i> 130. <i>cur adco frequens</i> 131. <i>curatio ibid.</i>	
<i>Oleum ubi noxium in clysteribus.</i>	53
<i>Opiata quid</i> 50. <i>opiata cardiaca.</i>	93
<i>Opportunitas anima curationis.</i>	32
P.	
P <i>Aracelsi primum fundamentum curatiuum re-</i> <i>fellitur.</i>	30
<i>Pars quot modis alteri compatitur</i> 2. 3. <i>partis affecta si-</i> <i>gna</i> 2. <i>quomodo inuestiganda motu laeso</i> 6. <i>partis</i> <i>temperies cur attendenda in remedij delectu.</i>	116
<i>Pestem an semper febris comitetur</i> 91. <i>pestis definitio</i> <i>91. signa diagnostica</i> 92. <i>curatio</i> 93. <i>in peste an</i> <i>conueniat catharticum.</i>	94
<i>Phlebotomia vacuat à toto</i> 61. <i>an in peste conueniat.</i>	95.
<i>Phlegmagoga con dosis.</i>	38
<i>Phlegmones signa & curatio</i> 122. & <i>seqq. phlegmo-</i> <i>na an conueniat purgatio.</i>	127
<i>Physiologia quid iuuat in curando.</i>	7
<i>Plethora ad vasa, ad vires.</i>	56
<i>Pilula ad ventriculum roborandum.</i>	50
<i>Pituita species cur in febre quotidiana exactè dignos-</i> <i>cenda</i> 78. <i>pituitam preparantia</i> 79. <i>purgantia ibid.</i>	
<i>Pituitosorum morborum remedia</i> 77. <i>pituitosis febribus</i> <i>an conueniat vena sectio</i> 81. <i>an vinum.</i>	ibid.
<i>Polypi curatio.</i>	109
<i>Potionum varia genera</i> 49. <i>catharticarum ibid. &</i> <i>seq. potio ad vlcera.</i>	159
<i>Prudentia medici in flectendis remedijs.</i>	36
<i>Pulmonum morbi cur difficiles curatu.</i>	115
<i>Pulueres an in officinis seruandi</i> 48. <i>varij modi pul-</i>	

INDEX RERVM.

ueres in formam redigendi.	49
Purgatium tam simplicium, quam compositorum doses.	
37. & seqq.	
Purgante medicamento sumpto an dormiendum.	34
Purgantia pro regionum corporis varietate.	57
Purgatio vacuat à toto.	60
Pus & pituita in excretis ut discernenda II. puris differentia.	116
Putredini obstentia.	65

Q.

Quartana febris dignotio 83. quartana quando conueniat balneum 86. an alexiteria 87. in quartana cautè utendum calefacientibus.	88
Quotidianæ febris accessio cur longior 77. dignotio ibid. pituita species cur exactè distinguenda 78. in quotidiana vomitus quando prouocandus 80. the- riaca quando conueniat.	81

R.

Regio nostri corporis triplex.	57
Remedia morbo æquanda 27. remediorum quan- titas unde desumitur 35. delectus 55. formæ unde mutuata 42. remedia generalia particularibus præ- mittenda 43. remediorum liquidorum formæ va- ria 43. siccorum 48. remediorum varietatem. Ara- bes inuexerunt 49. generalia, particularia 61. reme- dij genus à morbo, species à parte desumitur.	123
Renum calorem temperantia.	70
Repellentia 124. circumstantia repellentium usum dissuadentes ibid. repellentia ubi noxia in œde- mate.	132
Resoluentia	124. 132
Respirationis instrumenta 6. illorum lesio ut vesti- ganda.	7

INDEX RERVM.

Retentorum obseruatio quantum conferat.	16
S.	
Sacchari rosati vires.	87
Saluiati vini vsus.	118
Sanguis è qua parte prodeat signa 10. 11. sanguinem tra-	
hens medicamentum non datur 57. in sanguine mit-	
tendo Galenus fuit liberalissimus 58. sanguinem	
mundantia 69. argentia 71. sanguis an mittendus	
in peste.	95
Sarcotica.	191
Scirrhus quid 137. differentia, curatio	ibid.
Semicupium ad flatum.	134
Semitertiana febris 81. cur exitiosa.	82
Siccitatis fientis & factæ remedia	106. 111
Solutionis continui causa 9. diuisio.	19
Sympathia quotuplex.	3
Symptomati quando succurrendum.	55
Synochi definitio, causa, signa.	68
Syrupus quid 45. syrupi & apozematis differentia.	44
syrupi magistrales qui.	45
Systole cur maior diastole in synocho.	68
T.	
TAbulati qui.	97
Tempora morbi cur spectanda.	53
Tertiana continua ab ardenti discrimen 72. curatio	
73. an diuretica calida in declinatione adhibenda	
74. tertiana intermittens an expers periculi 76.	
Therapia finis.	55
Theriaca vsus in quotidiana 80. in peste 64. 99. in	
internis ulceribus 120 in abscessibus internis.	267
Thessalus fluore & adstrictione therapiam conclude-	
bat.	106
Topicis primis & solis quando locus.	63

INDEX RERVM.

V.

V ena superiores ubi tundenda.	113
Venenum foras trahentia.	96
Venerica lues Indis morbus est patrius 145. Venerea luis gradus.	147
Ventriculum roborantia.	50. 80
Verbis & characteribus an ulla vis insit.	27
Vermium materia 101. curatio.	102. & seqq.
Vesica affecta sedes ut dignoscatur.	12
Vinum an febribus pituitosis conveniat 81. an in peste	
96. vini saluati vires.	87
Viperarum usus in elephantiasi.	143
Vitalis facultatis actiones.	5
Ulcus definitio 117. Ulcerum differentia 114. 117.	
Ulcera quæ curatu difficiliora 115. Ulcerum sua sunt tempora 116. curatio.	117
Vomitum quando prouocandus in quotidiana.	80
Vulneris definitio 149. 151. causa 150. prognosis ibid. curatio 152. & seqq. Vulnerum compositorum cura- tio.	154

FINIS.

BENI

METHO

Per IOA

Parro

Hacedion

un. in

Apud L

via

Cn

A-R-T-I-S

BENE MEDENDI

METHODVS PARTICVLARIS.

Per IO ANNEM RIOLANVM
Patrem, Medicum Parisiensem.

Hac editione nouissima scholijs locuple-
tata, infinitisque locis perpurgata.




P A R I S I I S,

Apud LVDOVICVM BOVLLENGER,
viâ Iacobæâ, infra S. Yuonem.

M. DC. XXXVIII.

Cum gratia & priuilegio Regis.





INDEX

CAPITVM

PARTICVLARIS

METHODI MEDENDI.



N quo constituuntur totius artis tria fundamenta. Primum ducitur à remedio, estque tripertitum. Secundum ab ordine seu legitima morborum, & symptomatum collocatione. Tertium à parte affecta.

Morbi & remedia arte perquiruntur in cæteris singularum partium morbis deinceps obseruanda. 20

Superioris methodi exercitatio in morbis: seu accommodatio ad constitutos morbos cerebri. 39

Superioris methodi exercitatio in symptomatis primi generis, seu accommodatio ad actiones lasas cerebri. 46

De imaginatione lasa, *ut* vertigine. 53

Incubus seu ephialtes. 56

Lasa memoria. 57

De somno & vigilia. 58

De vigilijs immoderatis. 61

De stupore. 63

De dolore capitis. 65

De paralyfi. 70

INDEX.

De ἀποπληξια.	74
Catalepsis & catocoe.	77
De motu voluntario, deperdito & deprauato, ac primum de conuulsione.	79
De spasmo cynico.	82
De epilepsia.	84
De sternutatione.	88
De tremore.	90
De iectigatione siue subsultu membrorum.	92
De excretorum retentorumque ametria exercitatio tertia.	93
Morbi similes.	101
Exercitatio in propositis oculorum morbis.	107
Perquiruntur Symptomata primi, secundi & tertij generis.	122
De dolore oculorum.	128
In quo morbi & symptomata aurium explicantur.	132.
De symptomatis aurium.	135
De dolore aurium.	139
In quo narium morbi & symptomata explicantur.	142
Morbi & symptomata oris.	152
De morbis gingivarum.	157
Morbi lingua.	158
De palati affectibus.	161
De tonsillarum morbis.	162
De inflammatione & relaxatione vuula.	163
De inflammatione faucium.	165
Partium oris enumeratarum symptomata, primi, se- cundi & tertij generis.	170.
De rauedine.	171
Morbi pulmonum.	177
Obstructio qua parit dispnoeam, astma, & ortho- pnoeam.	181

I N D E X.

<i>Vlcus cuius comes phthisis.</i>	183
<i>De peripneumonia & pleuritide.</i>	187
<i>Mediastini inflammatio.</i>	194
<i>Phlegmone musculorum intercostalium.</i>	195
<i>Diaphragmatis inflammatio.</i>	196
<i>Empyema.</i>	197
<i>Hydrops pulmonis.</i>	200
<i>Symptomata primi & secundi generis, imprimis</i> <i>asthma.</i>	201
<i>Tussis.</i>	205
<i>De dolore thoracis.</i>	206
<i>De hæmoptoide, siue spuito sanguinis.</i>	207
<i>De morbis cordis.</i>	210
<i>De syncope.</i>	215
<i>De palpitatione cordis.</i>	219
<i>In quo explicantur affectus partium qua seruiunt nu-</i> <i>tritioni, imprimis œsophagi, deinde ventriculi.</i>	222
<i>Obstructio.</i>	224
<i>Vlcus.</i>	225
<i>Paralysis gula.</i>	226
<i>Affectus stomachi siue orificij superioris vetriculi.</i>	226
<i>De siti.</i>	232
<i>De cardiogmo seu dolore stomachi.</i>	236
<i>Affectus ventriculi.</i>	239
<i>De sympt. ventriculi, primum de vomitu.</i>	247
<i>De vomitu sanguinis.</i>	251
<i>De cholera morbo.</i>	252
<i>De singultu.</i>	255
<i>De ructu.</i>	258
<i>De morbis mesenterij.</i>	258
<i>Morbi similes & organici.</i>	260
<i>De hepatitide seu inflammatione iecoris.</i>	267
<i>Abscessus iecoris.</i>	269

INDEX.

De scirrho hepatis.	176
Symptomata primi generis.	271
Symptomata secundi generis.	272
De hydrope.	273
Symptomata tertij generis.	279
De morbis lienis.	281
Ad obstructionem lienis.	285
Inflammatio lienis.	286
Inflatio lienis.	287
De scirrho lienis.	287
Symptomata lienis.	288
Icterus niger.	289
Affectus renum.	291
Obstructio renum.	292
Calculi renalis prophylactica.	293
Therapeutica ad praesentem calculum.	295
Remedia calculi renalis tempore paroxysmi.	298
De inflammatione renum.	300
Vlcus renum.	301
Symptomata primi generis.	304
De mictu sanguinis.	305
Secundum genus symptomatis diabetes.	306
De morbis ureterum.	308
Morbi vesicae.	309
De caruncula.	311
De grumo urinae meatum obstruente.	311
De phlegmone vesicae.	312
Vlcus vesicae.	313
Symptomata primi & secundi generis.	313
ΙΞΧΟΥΡΙΑΙ.	314
De dysuria.	316
De stranguria.	317
De incontinentia urinae.	318

INDEX.

De meientibus in lecto.	319
De morbis intestinorum.	320
De Vermibus.	321
De hernia.	325
De Voluulo.	330
De ani procidentia.	330
De ileo seu chordapso.	332
De symptomatis primi & secundi generis, ac de alui fluore.	334
Diarrhœa.	339
Dysenteria.	341
De lienteria.	345
Fluor cœliacus.	348
Fluor syntecticus.	349
De tencsimo.	349
Aluus pigra & astricta.	351
Colicus dolor.	352
Hæmorrhoides.	355
Affectus genitalium, viri imprimis testium.	358
Phlegmone testium.	360
De morbis penis, ac primum Ulcere.	361
Obstructio penis.	362
De phimosi & paraphimosi.	362
Priapismus.	363
De thymis.	365
Morbi scroti.	366
Symptomata primi generis, ac primum de Veneris impotentia.	367
Symptomata secundi generis, excreta, retenta.	372
De gonorrhœa virulenta.	374
Pollutio nocturna.	375
Enumeratio morborum Uteri.	377
De prolapsu Uteri.	380

INDEX.

Uteri ascensus, descensus, motus ad latera.	382
De morbis in meatu.	386
Leuitas Uteri.	388
Inflammatiō.	389
De scirrho & cancro.	390
Inflatio Uteri.	391
De mola.	391
Vlcus Uteri.	393
Symptomata primi generis.	394
Nonimestris gestationis morboſa accidentia, im-	
primis abortus..	399
Partus difficilis.	404
De retentis lochijs, & ſuppreſſis menſtruis.	408
De ſecundina morante.	412
Fœtus mortuus in Utero.	413
Menſes immoderati.	415
Menſtruum ſtillicidium.	417
Hæmorrhoides Uteri.	417
Menſes deprauati, Ut albi & decolores.	418
Furor Uterinus.	421
De morbis mammarum.	423
Mammarum phlegmone.	423
Inflammatiō mammarum.	424
Scirrhus, cancer mammarum.	425
Vt nutrici lac abunde ſuppetat.	426
Vt lac è mammiſ repellat.	427
Tromboſis lactis.	428
De morbis articulorum, imprimis de art. huius.	429
Dolor iſchiadicus.	436
Morborum cutaneorum ſumma genera.	444
De puſtulis.	446
Scabies.	448
Lichen ſeu impetigo, vulgo darta.	450

INDEX.

De scabie capitis.	452
De ambustis.	454
Porrigo.	455
Pilorum defluvia, caluities.	456
Psylotbra seu depilatoria.	460
Canities.	461
De lentiginibus.	463
De varis seu ioni his.	464
De facie flāmea siccis conspurcata, quibus infecti vulgo ficosi (à Gallis couperosez) nuncupantur.	464
Ad ephelidas.	465
Guttarosea, quibusdam vitiligo rubra.	466
Vitiligo.	466
Gibbus, inhonestum tuber in dorso.	468
Morbus pedicularis.	469
De verrucis.	471
De morbis palpebrarum.	475
De umbilici prominentia.	488
Vnguium morbi.	481
De phlegmone.	483
De carbunculo.	491
Gangrana, sphacelus.	492
Erysipelas.	496
Herpes, serpigo.	492
Oedema.	493
Abscessus.	496
Scirrhus.	503
De strumis.	505
Cancer apostemofus.	508
Quid Ulcus & quatuorplex.	511
Ulcus prognostica.	513
Ulcus simplicis & benigni ordinaria curatio.	514
Ulcus dyssepuloti curatio.	515

INDEX.

<i>De ulcere finuoso.</i>	518
<i>De fistula.</i>	520
<i>Fistula lacrymalis.</i>	521
<i>De ani fistula.</i>	523
<i>Vulnerum differentia, causa, euentus.</i>	524
<i>Vulneris simplicis ordinaria curatio.</i>	526
<i>Vulneris compositi curatio.</i>	528
<i>De vena, & arteria vulnerata.</i>	531
<i>Vulnus nervi puncti, incisi, contusi.</i>	534
<i>Vulnus cum incisione ossis.</i>	538
<i>De vulneribus capitis, differentia, euentus, curatio.</i>	538
<i>Vulnus faciei, oculorum, colli.</i>	599
<i>Vulnus thoracis.</i>	601
<i>Vulnera abdominis.</i>	604
<i>Quid fractura, eiusque differentia.</i>	607
<i>De causis & signis fracturarum.</i>	609
<i>Generalis curatio fracturarum.</i>	611
<i>De fractura narium.</i>	614
<i>De fractura auris.</i>	615
<i>De maxilla inferiore.</i>	617
<i>De clavicula.</i>	618
<i>De fractura costarum.</i>	620
<i>De spina fractura.</i>	622
<i>De fracti humeri curatione.</i>	623
<i>De cubiti, siue brachij fracti curatione.</i>	624
<i>De manus fractura.</i>	625
<i>De fractura femoris.</i>	626
<i>De patella fractura.</i>	627
<i>De cruris seu tibia fractura.</i>	ibid.
<i>De fractura astragali.</i>	628

FINIS



PAR TICVLARIS
METHODI MEDENDI,
LIBER PRIMVS.

In quo affectus interiorum partium
explicantur.

PER IOANNEM RIOLANVM.

PR O O E M I V M.

IN QVO CONSTITVNTVR
*totius artis tria fundamenta. Primum ducitur à
remedio, estque tripartitum. Secundum ab ordine
seu legitima morborum & symptomatum collocatio-
ne. Tertium à parte affecta.*



VE M A D M O D V M genera
morborum sunt species ac-
cessione partis affectæ, vt
Phlegmone: vesicæ, vteri:
Obstructio: mesenterij, ic-
coris, lienis. Vlcus: faucium,
vteri: sic generalia remedia
sunt partiularia, si illis admisceas quæ cum
a iij

§

*Particularis methodus**Vis discre-
tricis effe-
ctus.*

parte affecta substantiæ quandam habent si-
militudinem, vt si catharticiis indefinitis con-
iungas cephalicā, hepatica, splenica, quo-
rum beneficio facultas purgandi singulis parti-
bus communicetur: in nobis enim vt in vni-
uerso est vis quædam discretrix, quæ compo-
sitā alimenta & medicamenta secernit, secreta
pro vsu, & necessitate dispensat, cerebro pitui-
tosum, pulmonibiliosum, lienimelancholicum
succum; cerebro cephalica, iecori iecoraria, lie-
ni splenitica. Illa ipsa est vis, quæ in prima con-
formatione ex eadem massa materni sanguinis
tam differentes partes secreuit, ex portione
menstrui biliosa, biliosas; ex pituitosa, pituito-
sas. Vt enim mens Anaxagoræ architec-trix ex
chao, quod appellabat mygma, res vsque adeo
dissimiles secreuit, quarum ordinem mundum
appellamus: ignea enim omnia coegit in vnum,
& in supremo collocauit, terrena in imo: sic
mens illa nobis communicata, vel potius cele-
stis calor, quæcunque symbolo substantiæ aut
qualitatis nobis communicant alimenta, vel
medicamenta iustè distribuit: iusta enim est na-
tura, vnicuique suum reddit. Si turbit aut
colocynthidem incoxeris aquæ stillatitiæ aut
decocto betonicæ, saluix, efficies purgatio-
nem cephalicam: quia vis purgatrix à betoni-
ca propter substantiæ similitudinem definitè
ad cerebrum traducetur, atque inde noxium
humorem vacuabit. Si laborent simul cere-
brum, iecur & lien, coque simul cephalica,
hepatica, splenitica: natura communis vnicui-

que suum reddet, naturæ particulari quod conuenit iustè dispensabit.

Hic est primus modus efficiendi particulare remedium ex generali; sequitur secundus.

Remedia omnia vel sūt cathartica, vel ἁλυστικὰ. Cathartica verò vel sūt definita, vel indefinita. Appello hīc catharticum indefinitum, non quod cum delectu non purgat, nam colocynthis pituitam, scammonium bilem, elleborum melancholicum succum definite trahunt & cum delectu, sed vndique & indefinitè, quia non dixeris ex qua parte potiùs. Definita verò certas partes respiciunt, vt hermodactyli articulos: rheum iecur (illius enim vita * & anima perhibetur:) agaricus cerebrum & vterum definitiùs quàm alias partes, senna lienem & oculos, cassia & manna partes thorace contentas, aloe ventriculum. Propterea quoties aliquis de articulorum morbo conqueretur, præferantur hermodactyli: si iecur in vitio fuerit, deligatur rheum. Erunt verò definitiora, partique laboranti conuenientiora, si propriis allioricis immisceantur, vt si hermodactyli coquantur pro articulis laborantibus cum iua arthritica & primula veris: si rhabarbarum maceretur in aquis stillatitiis endiuæ, cichorij, vel in decocto agrimonie, passularum pro iecore: si laborante cerebro agaricum coxeris cum betonica, saluia, maiorana, serpillio, verbena: pro vtero vero cum artemisia, nepeta, matricaria: sic efficies remedium duplici nomine definitum, nempe

Catharticum indefinitum quid.

Quid definitum.

Præferendi autem cōtra eiusdem morbi censetur.

Definitius cum propriis partis alterantibus.

purgantis simul & alterantis. Idem præstabis si pro oculis sennam coxeris cum euphrasia, feniculo: pro liene cum cortice radicis capparis & tamarisci, cetrac, scolopendrij. Idem feceris si pro articulis pilulas de hermodactylis & arthriticas præscriperis, pro oculis pilulas lucis, pro cerebro coccias vel de agarico, pro ventriculo aloeticas. Verum definitius adhuc reddetur remedium, quia non tantum parti, sed etiam morbo & causæ morbi accommodatum, si in articulorum morbis frigidis pilulæ de hermodactylis, vel arthriticæ maiores; in calidis minores præscribantur. In morbis oculorum à causa frigida, pilulæ lucis maiores, in calida minores: sic tabellæ diaireos & diatragacanthi conueniunt thoraci malè affecto: cum delectu tamen præscribi debent, nec tantum habenda est ratio partis, sed morbi: quia diatragacanthum frigidum calidis, diaireos frigidis morbis præscribi debet. Ecce secundus modus; sequitur tertius.

*Cum alterantibus
causa &
morbo propriis.*

*Specificæ
remedia.*

Si cathartici, & alli otici coniungas ea quæ certis morbis resistere longa experientia demonstravit, haud dubiè efficies valde proprium & accommodatum remedium: ut si epilepticis epileptica, pleuritici pleuritica, asthmaticis asthmatica, cynanchicis cynanchica, arthriticis arthritica, ischiadicis ischiadica, nephriticis nephritica præscriperis: Exempli gratia, si agaricum pro epilepsia delegeris, illudque coxeris cum betonica, salvia, maiorana, serpillio, adiectione femine & radice præoniæ, efficies non tan-

tum cephalicum, sed definitè epilepticum remedium. Vel si conseruis cephalicis, vt betonicæ, anthos, saluæ, stœchados immisceas vngulam alces, viscum quernum, cranium hominis, erit epilepticum. Ita si pleuritico præter cassiam & manna, præter bechica, vt syrupos violarum, capilli veneris, de glycyrrhiza, de tussilagine, tabellas diatragacanthi, vel diairis, dederis rasuræ dentis apri, vel pudendi cerui 3. j. efficies remedium verè pleuriticum. Atque ita efficies cynanchicum, si his quæ ad anginam præscribi solent tam assumendis, quàm ad mouendis permisceas cynanchica, vt stercus canis, vel nidum hirundinis.

Epilepticum.

Pleuriticum.

Cynanchicum.

Millepedes peculiariter dicuntur prodelle asthmaticis. Gal. eos vrit in furno, auctore Asclepiade; Paulus Ægineta frigit in sartagine vsque dum albescant pulueris exhibet 3. j. cum hydromelite, vel aquis scabiosæ, pimpinellæ, adianti: Millepedes 12. in vino albo coquunt, quod colatum & pauco croco, vel cinamomo dulcoratum exhibent.

Asthmaticum.

Instat vt ad secundum fundamentum methodi particularis aggrediamur, quod quidem à Galeno ipso constitutum est, sed vt dicam libere in libris *ἡ τὸ πρῶτον* negligentissimè obseruatum: ille enim demonstrauit omnia symptomata ex aliquo morbo, veluti effectum de sua causa, dependere: Demonstrationis hæc fuit vis.

Morbus est affectus præter naturam, actionem primò lædens, proinde primū genus sym-

Ordo &
causa sym-
ptomatum.

ptomatum, nempe actio læsa, à morbo aliquo immediate dependet: Atqui ad actionem læsam sequuntur immoderatio in excretis, & affectus simplices: Itaque semper morbus aliquis symptomatum est causa; si non immediata, saltem mediata: quorum omnium ea fere est consequutio, ut aliquam actionem læsam sequatur excretorum & rectorum ἀμετοία hanc vero qualitates præter naturam immutata. Cur cutis aurigine fœdatur? quia bilis redundat: cur ita? quia iecur male sanguificat, assat quippe, non elixat. Cur assat? quia in excessu calidum.

Itaque cum affectuum omnium contra naturam depulsio pendeat à remotione causæ, siue docenda, siue exercenda sit medicina, primum ad morbos, veluti ad fôres & causas symptomatum omnium, attendere oportet, deinde læsas actiones cuiusque partis contemplari; postea quæ sit in excretis immoderatio, postremo affectus simplices. Hunc ordinem quisquis in docenda faciendâque medicina obseruauerit, hæc cōsequetur commoda: Primum, quod nullum affectum contra naturam prætermittet. Secundum, quod singula ad suum genus reuocabit. Tertium, quod intelligetur facile eo seruatō ordine, ut vnus ex altero dependeat, quod est in medendo præcipuum. Gal. in particulari therapeutica vix vnquam meminit morborum; symptomata vero non omnia explicat: confuse sane, & neglecto eo quem ipsemet constituerat symptomatum ordine: Nos singula ad suum genus reducemus: Primumq; de morbis cuius-

que partis, mox de tribus symptomatum generibus constituto ordine differemus, ne minimo quidem prætermisso.

Sequitur tertium fundamentum à parte afflicta, de quo multa Galen. in generali methodo: mallem illa ad particularem remisisset, generalisq; indicationes, in generali: particulares in particulari demonstrasset: omnia enim suo loco & ordine docenda sunt, generalia in generali, specialia in particulari disciplina. Appello generales indicationes, quæ non tantum in morbis totius, ut in Febribus; verum etiam in morbis cuiusq; partis tam externis, ut in vulneribus capitis, thoracis, abdominis; quam internis, ut cerebri, pulmonis, iecoris diligenter observari debet, præsertim cum de magnis remediis, purgatione, aut venæ sectione cogitur. Primæ & generalissimæ illæ sunt, quæ à morbo & ægri viribus petuntur: deinde quæ temperamento totius, ætate, sexu, vitæ consuetudine; quin etiam à temporis constitutione, ut purgationes esse difficiles sub cane & ante canem. At quæ sumuntur à partis affectæ temperie, situ, dignitate, conformatione, sensu obtuso aut exquisito, sunt particulares, de quibus solis hoc loco transigemus, generalibus prætermisissis.

A temperamento partis, ut quæ sicciore fuerit natura, si quando à nativa illa temperie recesserit, remediis siccioribus ad naturam reducatur: Aures humidiores, in causa pari, sicciora remedia postulant quam oculi: Os ut siccissimum, ita siccissima desiderat, quoties fuerit

Indicationes generales quæ sunt.

Quæ generalissima. Particulares.

A temperamento.

Partis dignitate.

iusto humidius: quia ut maior est lapsus à valde sicco ad humidum, quàm à mediocriter sicco: ita longior est & difficilior regressus.

A partis dignitate.

A dignitate partis, quia partes nobiles maiore cura tractari debent, quàm ignobiles, astringentia ad earum robur immiscetur, quamvis morbus non talia postulet, quia pro cæterarum partium salute laborare debent, etiamsi fuerint valetudinariæ. Hac indicatione neglecta Thessali quidam discipulus Theagenem Physicum interfecit, ut est apud Gal. 13. *methodi.*

Sensu.

Pro sensu quoque partis obtuso, vel exquisito fit delectus remedii: oculi enim propter insignem sensum non tolerant acria, ut acetum, etiamsi morbus talia flagitet. Aliis partibus inflammatis initio ad repellendum præscribi solet oxycratum, aut oxyrhodinum, neutrum conuenit oculis inflammatis.

Situ.

Situs quoque partis indicat genus remedii: Nam quo longius abest, eo potentius remedium deligendum est, quia illius vis tractu longiore obtunditur, saltem quantitas pro distantia augenda est Exempli gratia, longissimus est ductus ad pulmones: quando ventriculo exceptum medicamentum eo peruenire volumus, proinde tanto fortius deligatur remedium, quanto suspicamur per moras illius vim immutari: Ita pro situ morbi & morbificæ causæ proprium remedium seligitur.

Esto sedes morbi in prima regione (quæ ad conuexa usque hepatis extenditur) minora nua

seu eccoproctica satis erunt, nisi humoris contumacia maius remedium postulet, ut pituita vitrea in colico dolore. Verum si in tertia regione sit sedes morbi, diagrediata vsurpentur, ut quæ constant colocynthide. mediam regionem abundè repurgant, ut venam cauam, his interiecta, siue mediocria cathartica, rheum, senna, & agaricus: quorum catharticoꝝ delectum indicant situs morbi & sedes causæ morbi-ficæ.

Remedij verò qualitatem, qualitas humoris morbifici demonstrabit, ut si pituita morbum faciat, phlegmagogum præferatur: si bilis, cholagogum: benignum, forte, aut mediocre, prout in prima, secunda, aut tertia regione residebit.

*Humoris
qualitas
quid indi-
cet.*

Conformatio non tam indicat genus remedii, quàm viam per quam humor peccans commodius expurgari debeat. Cerebrum potissimum per nares & palatum errhinis, masticatoriis & gargarismis expurgandum ostendit capitis conformatio. Parrem gibbam hepatis per vrinas, cauam per sedem & aluum commodius expurgari, ostendit Anatome: nam renes de vena caua emulgentes cum sero exugunt noxium: Vena autem porta surculos ad intestina transmittit, per quos & sese, & partes vicinas exonerat. Intestina per aluum, ventriculum sùsque deque, vomitu & deiectione vacuari, nemini est obscurum. Infarcti pulmones non possunt alia via, quàm per asperam arteriam expurgari; rarum enim est & prodigio si-

*Quid con-
formatio
partium.*

*Rara non
cogunt ad
imitatio-
nem.*

mile, si quando per vrinæ aut stercoris vias à natura repurgentur. Rara autem, vti non sunt artis, ita neque ab artifice imitanda: vt enim natura est ordo vniuersi, ita soli motus naturales haberi debent qui sunt ordinarij. Extraordinarij verò & rari, vt non sunt naturales, ita neque à naturæ ministro imitandi. Iuuari tamen debet naturæ conatus, si fortè ipsamet aliquid tentet per extraordinarias vias, vt si pulmonum vomicam per renes vacuaret, vsu diureticorum iste conatus esset adiuvandus: si per aluum, clysteribus aut cassia facilitanda esset excretio.

*Cathartica cur ex-
hibentur in
morbis pul-
monum.*

Cur ergo, dicet aliquis, in morbis pulmonum medici præscribunt cathartica? Respondeo, aut præscribi tantum leuiora, vt cassiam, manna: aut fortiora quidem, sed ad causam antecedentem, non ad coniunctam: nam tollunt morbi fomitem, impediuntq; ne nouus humor eò confluat, interim dum bechicis per fauces & asperam arteriam coniuncta vacuatur.

Quæ quidem ferè omnia deprompta sunt ex libris Galeni de methodo medendi. Verum non conuenit illi cum Thessalo. Nam Thessalus negabat in medendo indicationem sumendam à parte affecta, sumebat tantum indicationem à morbo, eoque modo promittebat intra sex

*Considera-
tio partis
affectæ, ar-
tem longio-
rem efficit.*

menses absolutam artem medendi. Ego vero, inquit Galenus, intra sex dies idem polliceor, si negligatur ea, quæ à parte sumitur, indicatio.

Quid si Thessalus in externis quidem morbis, vt in vlceribus externarum partium, habendam esse rationem partis confiteatur, in internis

internis verò, vt pulmonum, renum, ventriculi, vesicæ vlceribus, in obstructione mesenterij, iecoris, lienis totum medentis scopum dirigendum esse in morbum; detergendum quippe vlcus quacunque in parte fuerit, si impurum; deinde replendum carne, si cauum; postremò consolidandum; toto verò illo tempore exsiccat, quia detergentia, sarcotica & epulotica desiccant.

Obiicit Galenus, detergentium & incarnantium plures esse gradus: quibusdam vlceribus leniter, aliis valde detergentia conuenire, quorum delectus fieri debet indicatione sumpta à parte vlcerata. Quid si Thessalus hoc perneget, horumque delectum pendere ab vlcere plus minus impuro aut cauo defendat? nam medici dogmatici hodie ijdem ferè remediis interiora omnia vlcera percurant: vruntur enim aqua hordei, hydromelite & lacte asinæ, ad detergendum: deinde lacte capræ ad incarnandum, postremò lacte ouis ad consolidandum. Potiones quoque vulnerarias ad istos omnes vsus imperant in vlceribus quarumlibet partium. Hidroticum quoque, aquas Spadenses vel Niuernenses.

Eius vis & dignitas.

Obiectio Thessali.


Item obstructioni medentur tam mesenterij, renum, iecoris, quam alterius cuiusvis partis, deoppilantibus, quæ aperiant & detergant, vt data terebinthina Veneta, ammoniaco, vel decocto cicerum, indicatione remedij sumpta à genere morbi, non à qualitate, vt temperie, situ, conformatione partis affectæ. Laboret pars aliqua interior intemperie calida,

præscribemus remedium refrigerans, quod recedat à medio pari gradu.

Faciamus iecur, lienem, ventriculum, vesicam, phlegmone obsideri, iis omnibus initio generale remedium, nempe phlebotomiam imperabimus: pro topico verò oleum rosaceum cum paucis aceto. Sanè in immensum ars excresceret, essetque infiniti laboris methodus particularis, si pro singulis singularum partium commemoratis circumstantiis immutanda essent singula remedia in singulorum morborum curatione. Thessalus pro suo discipulo, quem Galenus scribit Theagenem interfecisse, quòd omisisset astringentia in partis principis curatione: respondebit fortassis tribus causis abstinendum esse astringentibus (nisi morbus, ut laxitas, ita postulet.) Primo, quia impediunt diffilationem: Secundo, quia obstant ne vis proprii medicamenti & morbo conuenientis, ad partem usque liberè peruat, astrictis cutis spiraculis: Tertiò, quòd medicamenti (exempli gratia, pro duritie) remollientis vires infringantur, quandoquidem quæ remolliunt, solent esse calida humida; quæ adstringunt, frigida sicca. Ergo non absurdè Thessalus in depellendis morbis partium internarum negabat tam sollicitè habendam esse rationem partis afflicte, præcipuamque indicationem à morbo ipso desumendam contendebat.

Refutatio. Itane, dices, pars nihil omnino indicabit? Imo verò, ut dixi, indicabit quod est in medendo præcipuum, nempe genus remedij tam

purgantis, quàm alterantis: vbi enim innotue-
rit cerebrum laborare, non tantùm agaricum
præ cæteris catharticiis seligemus, sed etiã ce-
phalicis permiscebimus, a quibus illius vis
purgatrix ad cerebrum transmittatur, quo-
modo ausim intra quatuor menses perfectam
Therapeuticen polliceri, dummodo auditor
generalis methodi non sit ignarus. Quam non
miror à Galeno à particulari non satis fuisse di-
stinctam, cùm toties scripserit non referre si
genus an speciem morbi dixeris: Methodum
esse generalium, exercitationem particula-
rium; Methodum cerni in vniuersalibus præ-
ceptis, exercitationem in particularibus exem-
plis. Plurimum interesse si genus an speciem
morbi dixeris, iis manifestum est, qui norunt *Galenus
ut cumque
arguitur.*
hepatitidem esse speciem inflammationis vtri-
usque suã est methodus, vtraque vniuersalis.
Curatio vero hepatitidis in Socrate aut Plato-
ne, exercitatio est, praxis generalis methodi.
Galenus ipse *commentario ad primum Hipp. de
diæta in acutis*, vtramque distinguendam agnos-
cit, vbi ita scribit. *Artis omnis distinctio nasci-
tur ex propriorum à communibus distinctione, quæ
quisquis potest distinguere, optimus artifex iudice-
tur.*



ARTIS CVRANDI
MORBOS IN-
TERNOS,

SECTIO PRIM A.

Quæ affectuum capitis dignotionem &
curationem explicabit, cerebri scili-
cet, oculorum, aurium, narium,
oris, & faucium;

QUORVM MORBI ET REMEDIA
arte perquiruntur, in cæteris singularum par-
tium morbis deinceps obser-
uanda.

C A P. I.

*Morborum
capitis di-
gnisio.*



ORBI cerebri, ut cæterarum par-
tium, sunt similes, organici,
vel communes. Similes, in-
temperies simplex, vel compo-
sita; nuda, vel cum materia, na-
turalis aut aduentitia.

*Intempe-
ries.*

Intemperies omnis lædit actionem partis,
prout similis est, hoc est, naturalem actionem,
cuiusmodi sunt quæ seruiunt nutritioni, attractio

proprij alimenti, eiusdem retentio vel assimilatio, deinde reliquiarum excretio. Est autem cerebrum pars spermatica, exanguis, frigida, nutriturque sanguine pituitoso: proinde si præterea accedat illi intemperies frigidior, pessimè coquit, & coctionis reliquias peius excernit, inde frigidi morbi, in cerebro per congestionem, in subiectis partibus per destillationem.

Vt organum verò destinatū in meliores vsus, *Morbi organici.* laborat vitiis numeri, magnitudinis, situs aut conformationis: nulli sunt morbi numeri, neque situs: si qui sint magnitudinis, vt si cui paucum sit cerebrum (locatum enim debet esse æquale suo loco) quidam autem nascuntur pusillo capite, proinde pressiore cerebro, quibus idcirco Iupiter dicitur mentem eripuisse: nam homo comparatione cæterorum animalium, debet habere amplissimum cerebrum. Eiusmodi morbi, quia sunt insanabiles, sunt prætereundi. Vitia conformationis sunt in figura, meatu, asperitate & læuitate. Cerebrum proportionatum suo cranio potest quidem, vt craniū malè figurari. Naturalis autē figura capitis ea est, vt sit è fastigio depressum, ab hac figura quò lōgius recedit, eò deterius. Sed quid facias latenti vitio, cū manifestū, vt acuminatū cranium quale erat Therfitis, emendari nō possit? Asperitatis verò & læuitatis nulli quoque sunt morbi. Itaque ex omnibus morbis instrumentariis, sola restat obstructio, quæ medici opem admittit. Obstruuntur verò, aut ventres omnes simul, vt Apoplexiā; vel anteriores tantūm, vt Epilepsiā; vel posteriores, vt lethargo & ca-

b ii)

talepsi Quæ omnia symptomata quamuis longissime differant, tamen ex eodem morbigenere procedunt, quod pro locorum dissimilitudine, dissimiles species constituit, ne quis ex Aristotele obiiciat vnius causæ vnicum esse effectum.

Communes.

Morbi communes, sunt tumores, vlcera, vulnera, luxationes & fracturæ. Posteriores duo non cadunt in cerebrum quod vlcerari quidem potest & vulnerari: sed aut insanabiles sunt affectus, aut non sunt huius loci. Superfunt itaque tumores, phlegmone, erysipelas, œdema & scirrhus: Non est obseruatum cerebrum scirrhescere, aut in lapidosam durtiem concreescere, quia substantia constat molli: neque etiamsi de illius scirrho constaret, percurari potest: itaque alij tres tumores superfunt, quibus non raro afficitur. Nam phrenitis fit partim à phlegmone, partim ab erysipelate cerebri, quo nomine etiam meningas comprehendo. Nam desipientia mitis, & quæ cum risu est, fit à sanguine: ferina verò, à bile vel à sanguine bilioso. Arabes lethargum, Oedema cerebri definiunt: Itaque, vt paucis concludam, quinque duntaxat genera morborum quæ curationem admittunt, cadere possunt in cerebrum: Intemperies omnis, obstructio, phlegmone, erysipelas & œdema.

*Distinctio
cabitis af-
fectuum
unde sumi-
tur.*

Singula tribus potissimum modis distinguuntur. Primo ex propriis effectis, vt intemperies frigida humida, mentis stupore: Sicca, immoderatis vigiliis: calida, delirio: Obstructio anteriorum ventriculorum ἐπιληψία, po-

teriorum, veterno & χαλαρέϊ: simul omniū
 ἀποπληξίᾳ: Nam effectus immediatus est signū
 ἀποδεικτικὸν suæ causæ: proinde si quis sit epile-
 pticus, haud dubiè illi obstruuntur anteriores
 ventres cerebri. Est lethargicus seu somnolen-
 tus cum febre? ergo posteriores. Si apoplecti-
 cus, omnes simul ventres illi opplentur humo-
 re superfluo, & excrementitio. Si phreniticus,
 vel inflammatum habet cerebrum, vel Erysipe-
 late obsessum: Talia signa medici vocant pa-
 thognomonica, Φυσικὴ τεκμήρια, à quibus duci-
 tur ἀπόδειξις τεκμηριώδης, ex certo signo necessa-
 riò concludens demonstratio Symptoma mor-
 bum non aliter quàm umbra corpus comita-
 tur, ideòque certus fidelisq; est internuntius
 suæ causæ. Faciamus alicui esse obtusum &
 plumbeum ingenium: non tantum verifi-
 mili coniectura, sed signo necessario con-
 cludes illi esse frigidius cerebrum & humi-
 dius. Fatuitas est certa nota cerebri frigidi, per-
 uigilium siccioris. A iuuantibus quoque & læ-
 dentibus morbi species internoscitur: nam ca-
 lidi morbi offenduntur calidis, frigidorum
 moderato vsu recreantur. A doloris quoque
 specie morbus coniicitur. Nam punctorius est
 proprius meningum, si fuerit interior; si exte-
 rior, pericranij. Dolor pulsans ostendit aut ar-
 teriam premi phlegmone, aut saltem arterio-
 sum sanguinem valde incaluisse, propterea ne-
 cessariam esse φλεβοτομίαν, in eaque multoties
 repetita singulare esse præsidium. Obtusus dolor
 humoris copia grauari cerebrū indicat, pertinet-
 que ad cerebrum ipsum, non ad membranas.

Signa pa-
 thognomo-
 nica quæ.

Iuuantia
 & lædencia
 quid indi-
 cent.

Doloris
 species.

*Tempera-
mentum
agri.*

*Ætas &
tempestas.*

Considerandum etiam atque etiam quonam æger sit temperamento, biliosusne, pituitosus, melancholicus, an sanguineus. Ætatis quoque & temporis habenda ratio. Propterea quod verisimile est iuuenem biliosum, æstate, morbo calido teneri: senem pituitosum, hyeme, frigido: Quæ coniecturæ in turba aliquid necessario concludunt.

Ecce methodus constituendi simul & dignoscendi omnes morbos cerebri. Sequitur ut de symptomatis pauca subiungamus, priusquam omnibus communia remedia explicemus.

*Tres sym-
ptomatum
differētia.*

Notæ sunt tres differentię symptomatum, actio læsa, excretorū retentorūque ἀμετρία & affectus simplices, ad quarum aliquam, quotquot occurrent deinceps, singulorum morborum accidentia morbosa, reduci necesse est. Actio autem omnis cuiuscūq; partibus tātum modis læditur: aboletur enim, minuitur, aut deprauatur. Solet aboleri & imminui, frigida & humida causa deprauari calida & sicca.

*Actiones
cerebri
quot modis
læduntur.*

Actiones cerebri siue sint principes, ut ratiocinari, imaginari, & recordari: siue minores principes, ut mouere corpus, & obiecta sentire, horum modorum aliquo læduntur. Aboletur discursus siue ratio, amentia; minuitur fatuitate; deprauatur delirio: delirant autem phrenitici, melancholici, maniacy phrenitici cum febre, melancholici sine febre. Quibusdam melancholicis non tantum ratio, sed etiam phantasia læditur, imaginantur enim

Quæ neque sunt usquam, neque possunt esse profectæ.

Vt se viuere sine capite, se esse angelos, non homines, propterea sibi neque esse edendum, neque bibendum: lycanthropi putant se esse lupos: vertiginosi omnia in circum verti: demorſi à cane rabido, fiunt tandem hydrophobi, falſam de aqua opinionem concipiunt, ſibi que ab illa adeo metuunt, vt refugiant potum, quamquam ſit aqua eorum ſiccitati ſingulare remedium.

Memoria minuitur intemperie frigida, nonnunquam etiam aboletur: nam Meſſala Corui-
nus ex frigido cerebri morbo in proprii nomi-
nis obliuionem inciderat. De motus & ſenſus læſione ſuo loco. Proximum eſt vt commemo-
ratorum affectuum communia remedia expli-
cemus.

Ea autem vel ſunt generalia quæ tollunt antecedentem cauſam, à qua primùm fit & fo-
uetur morbus, plethoram ſcilicet & cacochy-
miam: qualia ſunt purgatio, & venæ ſectio: hæc plenitudini, illa impuritati ſuccurrit. Vel topi-
ca, vt quæ repellunt à parte, vel quæ quod iam ad partem influxit diſcutiunt & reſoluunt, om-
nia parti afflicte applicanda. Alia intermedia, quæ materiam morbificam & coniunctam per patentem vias, vt nares, os & palatum va-
eant. Quæ per nares, errhina nominantur, (in quorum cenſum referri poſſunt ſternuta-
toria) per os & palatum cerebrum expurgant, gargarismi & apophlegmatiſmi: Tenuior enim pituita per os maſticatoriis attrahitur, craſſior verò per palatum gargarismiſ: Itaque non po-
teſt commodiore quàm hoc loco de his reme-

*Remedio-
rum di-
uiſio.*

diorum formulis & generibus tractari.

*In cathar-
tico spe-
ctanda.*

*Pilule ad
bilem.
Pituitam.*

*Melancho-
liam.*

Purgatio non tantum humori purgando ac-
commodanda est, sed etiam parti laboranti.
Est morbus a bile: præscribetur cholagogum,
illudque non leue, quia humor morbificus re-
sident in tertia regione, conuenientque potius
solida, ut catapotiorum forma, quam liquida:
ut longiore mora è longinquo potentiùs tra-
hat. Cæteris paribus præferatur catharticum
definitum, ut agaricus in cerebri morbis a pi-
tuita, adiungaturque semper cephalicis. Quin-
etiam (quoties occurrent) morbum antipa-
thia oppugnantibus, ut epilepticis. Ergo in
morbis a bile præscribes pilulas aureas, vel si-
ne quibus. In affectibus pituitosis pilulas de
agarico vel coccias; quæ habet colocynthidem
pro basi. In melancholicis pilulas de fumaria,
vel si vis fortiores, pilulas indas, siue ex ellebo-
ro, vel de lapide lazuli, quæ in causa mixta hoc
modo permiscuntur. ℞. massæ pilularum coc-
ciarum & indarum, an. ʒ. ʒ. cum syrupo de stœ-
chade fiant quinque pilulæ molles. Aut ℞. pi-
lul. de agarico & aurearum, an. ʒ. i. cum aqua
betonicæ vel saluæ infusionis trium granorum
diacrydij, fiant sex pilulæ molles, sumendæ ho-
ra somni, deurentur.

Possis dare cum aquis cephalicis ad summum
ʒ. vj. diaphœnici, pro pituita; diapruni solutiui
pro bile, aut confectiois hamech, pro quali-
tate humoris peccantis. ℞. cuiusvis horum
ʒ. vj. dissolue in ʒ. iij. aquæ betonicæ, vel sal-
uæ, vel in decocto betonicæ, verbenæ, maio-
ranæ, saluæ, serpilli, fiat dosis. Cassia damnatur

in morbis cerebri, quia vaporosa, fumis replet caput.

Proponam hinc potionum duas formulas, *Potio in morbis frigidis.* quæ poterunt esse instar omnium : In morbis frigidis ℞. seminis & radicis pæoniæ ʒ. ij. betonicæ M. j. florum anthos & stæchados, an. P. j. fol. sennæ mundatorum ʒ. β. fiat decoctio, addēdo sub finem agarici nodulo inclusi ʒ. ij. zingiberis ʒ. β. In colatura pro dosi dissolue syrupi de stæchade ʒ. β. In morbis calidis ℞. rhabbari electi ʒ. ij. santali citrini ʒ. j. infunde in aquis cichorij & betonicæ. In expressione dissolue syrupi rosarum pallidarum ʒ. j. diapruni solutini ʒ. ij. aut iij. fiat potio. *In calidis.*

Si æger malit purgari forma boli. ℞. diaphœnici, diaprui vel confectiois hamech ʒ. β. vel diacarthami, electuarij de succo rosarum tantundem. Adde ut ista cathartica indefinita respiciant partem affectam, atque etiam ut sine graviora, conseruæ alicuius cephalicæ, ut betonicæ, acori, anthos, stæchados duas aut iij. ʒ. diamoschi aut diambrae ʒ. vnum, cum syrupo conseruationis citri, fiat bolus. *Bolus.*

Si placet, describes in duas aut tres doses apozema, quando morbus erit longus & contumax, hac formula. ℞. quinque radicum apertientium in aceto maceratarum añ. ʒ. iij. betonicæ, saluix, maioranæ, verbenæ serpilli, añ. M. β. florum anthos & stæchados, an. P. j. seminū anisi & fœniculi, an. ʒ. j. foliorum sennæ mundatorum ʒ. j. β. fiat decoctio. In colature ʒ. octo dissolue syrupi rosarum pallidarum compositi cū *Apozema in morbo contumaci.*

agarico ℥ij. syrupi de stœchade ℥i. fiat apozema in duas doses, aromatizentur cinnamomo.

*Syrupus
magistra-
bis.*

Ex eadem materia poteris comparare syrupum solennem, aucta dosi purgantium. Exempli loco, ℥. quinque radic. aperientium, radicis & seminis pæonię, añ. ℥. β. betonicę, verbenę, serpilli, saluię, maioranę añ. M. j. florum anthos & stœchados añ. P. ij. seminum anisi & fœniculi, añ. ℥. ij. foliorum sennę mundatorum, ℥. iiij. turbith electi gummosi, & agatici, añ. ℥. j. zinziberis, ℥. j. fiat decoctio. In colaturę ℔. j. dissolue sacchari quantum satis, fiat syrupus mediocriter coctus, quo vtatur bis in mense cum aqua betonicę, aut saluię; dosis ℥. j. β. Quod si prima non satis purgarit, augeantur reliquę ad ℥. ij. aut infunde ℥. j. rhabarbari in aqua betonicę. In expressione dissolue syrupi præscripti ℥. j. β. Si placet ex eodem syrupo conficies opiatam laxatiuam, addendo Trochiscorum alandal, lapidis lazuli, aut diacrydi ℥. ij. conseruę alicuius cephalicę ℥. ij. diamoschi dulcis vel diambre, vel lætificantis Galeni ℥. j. fiat opiata, de qua capiat semel aut bis in mense ℥. j. pro dosi.

*Plus mi-
nus secun-
dum ope-
rationis
quantum.*

Quę quidem purgationum varię formulę in omnibus morbis & symptomatis cerebri pro medici prudentia præscribentur, neque opus erit deinceps illas aut similes inculcare; auditor in varietate exemplorum sese exerceat ad imitationem istarum formularum: nam varietas plurimum quidem facit ad decus, & splendorem tam artis quàm artificis, ad salutem egri nihil aut parum.

Clysteres in morbis cerebri nunquam sunt prætermittendi, quia non tantum fumos reuelunt, sed etiam de cerebro ipso consecutione attrahunt. Primus clyster sit communis, ad fæces deturbandas. Reliqui consent decocto cephalico, hac forma.

*Clysterum
in morbis
capitis uti-
litas.
Ordo.*

℞. betonica, salu. maio. serpilli, chamomil. meliloti an. M. j. seminum anisi & fœniculi, an. ʒ. ij. fiat decoctio; in colatura ℥b. vna dissolue benedictæ laxatiuæ, aut hieræ colocynthidos ʒ. β. vel ʒ. vj. mellis anthosati ʒ. j. fiat clyster sine oleis: nam pingua retundunt vim purgatricem, alioquin possis addere oleum aliquod cephalicum, ut chamæmeli, liliorum, anethi, lauri.

Non est dubium phlebotomiam calidis affectibus cerebri esse per necessariam, verum nocet frigidis, quia, authore Gal. nihil adeo refrigerat; nisi febris sit coniuncta, ut in lethargo: aut insignis & manifesta subsit plenitudo, ut in apoplexia. Incisiones venæ frontis, temporum, nasi, ranularum, ad particularia remedia pertinent, quia coniunctam morbi causam siue humorem morbificum de parte ipsa vacuant, de quibus iam differendum est.

*Phleboto-
mia quan-
do conue-
niat.*

Medicus est naturæ minister: natura verò in bene habentibus cerebrum expurgat per nares & palatum, hocq; ad sanitatis conseruationem imprimis requiritur, ut bene quisque spuat & mungat: Itaque si fortè istorum officiorum fuerit oblita, per eosdem ductus humor peccans arte sequenti vacuetur. Errhina hic appello, non quæ morbis narium, ut ozanæ &

*Præcesse-
runt gene-
ralia, se-
quuntur
medic*

*seu subal-
terna mor-
borum ca-
pitis reme-
dia.*

*Errhi-
na qua &
qualia esse
debeant.*

*Errhina
liquida ad
humorem
pituito-
sum.*

*Ad humo-
rem me-
lancholi-
cum.*

polypo medentur, sed quæ cerebrum per na-
res expurgant, qualia non tantum debent esse ce-
rebro grata, sed etiam acria, ut excretricem
stimulent. Quid si cathartica incoquantur? Sa-
ne trahent potentiùs: Nam agaricum non tan-
tum assumptum, sed etiam admotum pituitam
trahit, ut in dolore ischiadico, authore Galen.
expertifumus. Itaque ℞. syrupi rosarum pallid.
compositi cum agarico ℥. i. aquæ betonicæ &
saluiæ, an. ℥. iiii. misce pro errhino, cuius portio-
nem tepide quotidie attrahat naribus ieiuno
stomacho, mox caput deorsum inclinet, aut
℞. turbith, vel hermodactylorum vel agarici
trochiscati ℥. ss. betonicæ, anagallidis flore ru-
bro, an. M. ss. bulliat in hydromelite, colaturæ
℥. ss. seruetur pro errhino. Aut ℞. aquæ saluiæ
vel betonicæ ℥. iiii. vini albi ℥. j. si velis fortius,
loco vini adde aceti scillitici, vel mellis scilliti-
ci ℥. ss. fiat errhinum. Aut ex succorum betæ, ma-
ioranæ, anagallidis flore rubro, an. ℥. ii. mellis
mercurialis, vel anthosati ℥. j. fiat errhinum.

Ut humor melancholicus de cerebro vacue-
tur, ℞. foliorum sennæ aut epithymi cretensis
℥. ss. maioranæ & anagallidis flore rubro, an. M.
ss. fiat decoctio. In colaturæ ℥. ss. dissolue con-
fectionis hamech ℥. j. vel pilularum indarum,
aut de lapide lazuli ℥. ij. si malis ℞. confectio-
nis hamech ℥. ss. dissolue in aquæ saluiæ ℥. ss. co-
lentur per manicam, fiat errhinum.

Possis etiam parare errhinum forma linimē-
ti, ut ad pituitam educendam. ℞. pulueris
pyrethri, staphydisagriæ, pulueris turbith, an.
℥. ij. excipiantur melle mercuriali, vel syrupo

Morbi cerebri.

31

rosarum solutiuo, vel cera & oleo, fiat linimē-
tum, quo nares quotidie manē perfricentur.
Aut ℞. lapidis lazuli, vel ellebori ℥. ij. exci-
pantur melle, aut oleo aliquo cephalico cum
pauca cera, fiat linimentum, quo nares quoti-
die perfricentur. Si malis, excipiantur cera &
mastiche simul liquatis, fiet errhinum solidum
in modum turundæ.

Notabis errhina, præsertim vehementiora,
vertiginosis & epilepticis nocere, quia commo-
uent cerebrum & paroxysmum excitant: multo
minus conueniunt sternutatoria, quia sunt a-
criora, cuiusmodi sunt piper, castoreum, zinzi-
ber, veratrum, euphorbium. ℞. piperis & ca-
storei, an. ℥. j. fiat pulvis: per arundinem aut ca-
lamum insuffletur. Si placet, idem pulvis exci-
piatur digito intincto in oleo irino, quo nares
perfricentur.

*Vertigino-
sis & epi-
lepticis er-
rhina cur
noxia.*

Calidis morbis cerebri errhina non admo-
dum cōueniunt, multo minus sternutatoria, nisi
placeat refrigerantia, quibus exarsio cōtempe-
retur, in errhinis recensere: vt linteum aqua
rosarum caphurata imbutum, quod æger sub-
inde odoretur. Aut ℞. olei nenupharis, aut pa-
paueris ℥. β. quo imbuatur digitus, eoque nares
fricentur. Si optares fortius, adderes granum
vnum, aut duo opij, sicque conciliares som-
num. Non est prætereundum errhina propriè
dicta non esse præscribenda vlceratis nari-
bus, aut simili aliquo morbo, vt polypo labo-
rantibus. Nec vtendum catharticiis præsertim
ingratis, nisi summa necessitate, vt imminente
apoplexia.

*Et affecti-
bus cerebri
calidis.*

*Mastica-
toria.*

Masticatoria leuiora sunt mastiche, saluia, passulæ exacinate: vehementiora radix pyrethri, cubebæ, staphysagria. Radix pyrethri inciditur per taleolas, maceratur in aceto vt acrimoniam perdat, quotidie manè frustulum vnū masticaretur. Si vis artificialius ℥. pyrethri, cubebæ & staphysagria, añ ʒ. i. excipiantur mastiche & cera simul liquatis, fiant globuli masticatorii, vel puluis referatur in nodulos masticatorios.

*Garga-
rismi.*

Gargarismi parentur ex syrupis incidentibus, iisque acribus, vt pituita crassior incidatur, eadēque opera excretrix stimuletur. Eiusmodi sunt syrupi capilli veneris, de byzantiis, de marrubio, de duabus vel quinque radicibus, oxymel simplex, diūreticum, scilliticum, quæ diluuntur aquis cephalicis, vt betonica, saluia, calendulæ, aut eorum decocto. Poterunt incoqui turbith, senna, agaricus, non colocynthis, quia est ingrati admodum saporis. ℥. Turbith ʒ. ss. bulliat in aquis stillatitiis betonica, vel calendulæ, si malis in eorum decocto, vel in decocto hyssopi, thymi, origani, calamenti, pullegij. In colaturæ ℥. ss. dissolue syrupi capilli veneris, vel oxymelitis Gal. ʒ. ij. fiat gargarismus, quo tepidè quotidie vtatur ieiunus. Vide tamen ne æger sit obnoxius destillationi in pulmones, quandoquidem attractus humor, impetu eò rueret, grauissimūque aliquem morbum induceret. Neque bonum est illis assuescere, ne nobis dormientibus destillatio ruat in pectus. Abstinentum quoque eiusmodi gargarismis, vlcera faucibus.

*Vbi cauē-
di.*

Ceterum

Morbi cerebri.

33

Cæterum sunt alij medicorum scopi in præscribendis gargarismis, quemadmodum de errhinis dictum est, ut ad repellendam fluxionem à faucibus, ad detergendum vlcus, sed non sunt huius loci.

In subalternis remediis capitis haberi possunt cucurbitulæ leues, & cum scarificatu; illæ, *Cucurbitulæ.* siccæ, hæ humidæ nominantur, non tantum quæ scapulis applicantur, sed etiam quæ vertici. Nam Aræteus ibi admouet, pro melancholia morbo. Quamquam in eo magna cautione sit opus. Nam cucurbitulæ non debent applicari scapulis, quando æger est obnoxius paralyti, ne ad spinam tractus humor morbum moueat vel augeat: multo minus vertici, si credimus Aëtio, quia sæpe stuporem animæ & corporis, vel proidentiam oculorum, vel chronicum aliquem morbum excitarunt. Sententia tamen est Galeni 13. *methodi*, phreniticis utiliter in fastigio capitis admoueri.

In eo etiam censu haberi debet cauterium, siue admoueatur bregmati, siue brachiis inter bicipitem & deltoidem, siue in initio (cauo occipitis) ad inflexionem: sensibiliter enim vacuat de capite, manifestius trepanum: quod pro *Trepanum.* extremo remedio quidam laudarunt, hoc argumento, quod nonnulli capite vulnerati, magno morbo cerebri, ut insania, liberati sunt. Necessarium est, quando suspicamur cranium *Vbi cele-* carie exesum, aut aliquid heterogenes latere, *brandum.* ut pus, aquam. In obfirmato dolore, aliis frustra tentatis remediis, præstat non viuere, quam sine ratione viuere.

Hippocrates, 2. de morbis, ad cerebri morbos contumaces applicat octo cauteria, duo in occipite, totidem in naso iuxta maiorem angulum, duo ponè aures, totidem supra arterias, quæ ibi pulsant, quas quidem vrit & obducit callo, vt prohibeat ascensum vaporum: Idem in vertigine ad eundem vsum, suasisit Galenus. Seuerus apud Aëtium, etiam in caro, siue somnolentia profunda, cephalæa, & morbis omnibus quos spirituosus sanguis excitat; idem remedium commendat. Albucasis ad inueteratos omnes morbos capitis, laudat etiam sectionem venarum temporalium, siue ἀγσιολογίαι.

Angiologia.

Topica.

Repellens.

Resoluentia.

Roborantia.

Anodyna triplicia.

Sequuntur topica, quorum alia fumos à capite repellunt, vt oxyrhodinum, quo Gal. initio morborum etiamnum frigidorum vtitur ad repellendum, vt in lethargo. Idem præstat frontale refrigerās. Alia verò per suturas humorem morbificum insensibiliter resoluunt, vt quæ commemorauimus olea cephalica. Alia cerebrum roborant, vt emplastrum de betonica. Alia dolorem sedant, vt anodynorum tria genera videlicet quæ tollunt causam doloris, quo in numero habentur 6. epidem. purgatio, venæ sectio, cauterium, clysteres. Item quæ sunt temperata & natiuo calori analoga, vt flos chamæmeli, lac, vitelli ouorum. Et quæcunque stupefaciunt. Tollunt enim dolorem, quia tollunt sensum doloris; quorum omnium sequuntur formulæ.

Oxyrhodinum fit ex quatuor aut quinque partibus olei rosati, & vna aceti, cui immisce-

Morbi cerebri.

35

ri possunt succi, aut aquæ destillatæ, lactucæ, solani, semperuini, vt magis refrigeret. Ergo in morbo calido ℞. olei rosati ℥.ij. aceti ℥.β. adde si vis succi lactucæ, plantaginis, solani, semperuini, cuiusuis horum ℥.j. aut aquarum ex his destillatarum tantundem, misce pro litu frontis & temporum. Quinetiam linteolum eodem tepido inculcatum in modum frontalis applicetur fronti, & sæpe renouetur: nam vbi oleum incaluit, nocet potius quàm prosit. Possis ad maiorem refrigerationem, vsu postulante, vt pro exaratione seu erysipelate, pro oleo rosaceo accipere nenupharinum, illique addere parum aceti. Ex eodem fieri solet embrocatio: linteum madidum comprimitur, & sinciput, hyeme detonsum, æstate rasum, ex alto irrigatur.

Ad morbos calidos.

Litus.

Frontale.

Embrocatio.

Oleis calfacientibus eodem modo vtendum est in morbis frigidis, nisi quod loco aceti addimus aquam vitæ ad facilitandā penetrationem. Gordonius inter olea cephalica valde commendat oleum liliorum. Galen. pluris facit oleum in quo verbenæ & serpillum bullierint.

Ad frigidos.

Frontalia.

Frontalia sunt in vsu frequenti: calidis verò ad frigidos, frigidis ad calidos affectus vtimur. Parantur ex conseruis aut herbis contusis, aut ex pulueribus: hæc, anacollemata sicca nominantur; illa humida. Calidi sit hoc vnum pro multis exemplum. ℞. Conseruæ betonicæ, anthos, stæchados, acori, cuiusuis ℥.ij. mithridatij vel theriacæ veteris ℥.β. misce, inuoluantur duplici linteo, fiat frontale.

Calefaciens.

Refrigerantis verò hoc exemplar esto. ℞. conseruæ violarum, rosarum, nenupharis, cu-

Refrigerans.

iusuis ℥.j.β. populei ℥.β. fiat frontale. Possis prædictas conseruas permiscere, dummodò totum vncias duas non excedat. Humidum delicatiores, præsertim nobiles mulierculæ refugiunt, proinde sicci frontalis subiiciam duo exempla. Vnum quod calfaciat, pro affectibus frigidis. Alterum quod refrigeret, pro calidis.

Calefaciens. ℥. maioranæ sicce, florum anthos, stœchados, betonicæ, añ. P. j. anisi, fœniculi & coriandri præparati, añ. 3. ij. fiat puluis, qui excipiatur cotone, tegatur duplici linteo, fiat frontale.

Refrigerans. ℥. florum violarum, rosarum & nenupharis, añ. P. j. seminis lactucæ & papaueris albi, añ. 3. ij. fiat puluis, ex quo frontale.

Sacellatio. Vulgare etiam est topicum, Sacculus plenus milio & sale pro frictione capitis matutina, quibus addi possunt pulueres cephalici, ex maiorana, salvia, stœchade. ℥. mili, M. ij. salis M. β. frigantur in sartagine, deinde impleatur sacculus, quo caput perfricetur.

Notabis non esse vtendum frictionibus capitis, nisi abunde corpus fuerit repurgatum: ne frictiones attrahant vapores ad caput, & morbum augeant.

Fotus. Fit etiam fotus capitis, ex decocto cephalico in morbis frigidis, agaricum aut sennam incoquendo, hoc modo.

℥. betonicæ, serpilli, verbenæ, añ. M. j. florum chamom. anthos, & stœchados, an. pug. j. seminum anisi & fœniculi, an. 3. ij. foliorum sennæ mundatorum 3. vj. aut agarici tantundem, fiat decoctio, addendo sub finem vin;

quartam partem. Hoc decocto mane caput foueatur, & lauetur cum spongia. Aretæus caput fouet tepida, vt cerebrum liberiùs perspiret.

Familiaris etiam est cucupha, in longis præsertim morbis, quales solent esse frigidi, vt resoluas simul & roboret. Puluis paratur ex maiorana sicca, floribus betonica, anth. stæchados, nuce moschata, caryophyllis, ambra grisea: qui excipitur cotone, tegitur linteo & intersuitur, fit biretrum, ad formam datam, puluis non excedat ℥. ii. Exempli gratia. ℥. maioranæ sicce, florum beton. anth. stæchad. añ. pug. j. s. nucis moschatæ, caryophyllorū, purueris ireo Florentiæ, añ. 3. j. ambra griseæ gr. iij. fiat puluis, cuius vnciæ duæ excipiantur cotone, inuoluantur sindone, vel duplici linteo intersuantur, fiat cucufa ad formam datam: Possis eodem puluere caput detonsum conspergere, absterfo priore subinde nouus aspergatur.

Simili puluere possis perfumare integumenta capitis nocturna. ℥. olibani, mastiches, benioin, anaz. ij. nucis moschata & caryophyllorū, añ. 3. j. pulueris ex floribus anth. stæcha. maio. beton. parati ℥. j. misce pro suffitu pileoli nocturni. Quidam eiusdem pulueris inspiratum commendant, verum alij damnant, quia aromatum vsus fumis replet caput; Mesue litem hanc componit: Moderatus vsus aromatum, inquit, prodest cerebro, quia illud desiccatur & roboratur: immoderatus verò nocet. Mallem dixisset aromata immodica nocere capiti, vt odorem moschi: Nam basilici herbæ frequentio doratu natum esse scorpionem in cerebro

Cucupha.

Suffitu.

Aromatum vsus quando conueniat.

Hollerius in commentarios retulit. Moderata verò (vt ambra grisea odoratum frequentem) plurimum iuuare. Notauit Syluius, nihil æquè prodesse epilepticis.

Emplastrum de betonica est etiam singulare topicum pro roborando cerebro. ℞. emplastri de betonica ℥ i. remolliatur cum aliquo oleo cephalico, vt lauri, anethi: extendatur super aluta, & applicetur in modum pileoli. Huc pertinet dropax, emplastrum ex pice: foras enim attrahit humorem noxiū.

Dropax.

℞. picis naualis ℥ ij. extendatur super aluta, & applicetur capitiraso.

Vesicatorium.

Vesicatorium etiam in topicis remediis numerari potest, præsens sanè remedium, quin etiam cauterio longè præsentius. ℞. fermenti acris ℥ ij. cantharidum & euphorbij, añ. 3. j. fiat vesicatorium. Obseruabis sæpè, num excitata sint vesicæ vt remoueas, alioquin exulceraret. Subortæ verò vesicæ, traiciantur filo, superponatur folium brassicæ; cum siccare voles, vtere vnguento albo Rhasis capphurato. Potest parari pauperibus vesicatorium quacumque in parte ex allijs mediocriter contusis.

Pro pauperibus.

Opiata cephalica.

Ad reliquias morbi longi, quales solent esse frigidi, vtiliter præscribetur opiata ex conseruiscephalicis, theriaca, diamoscho, diambra. ℞. conseruæ saluiæ, anthos, acori, stœchad. añ. 3. vi. mithridatij veteris vel theriacæ 3. ij. diambra vel diamoschi 3. ij. cum syrupo de stœchade fiat opiata, de qua capiat mane & serò, quantitatem auellane.

Potest præparari ad eundem vsum pomum odoratum, cuius hæc sit formula. ℞. benioin & styracis calamitæ, añ. ʒ β. pulueris maioranæ siccæ ʒ. ij. nucis moschatae, caryophyllorū, cinamomi, ligni aloës, an. ʒ. i. ambrae griseæ gr. vj. moschi gr. iij. excipiantur ladano, agitato in mortario cum oleo de spica vel costino. Si maioris ℞. maioranæ siccæ & rosarum rubrarum, an. ʒ. ij. caryophyllorum & nucis moschatae, an. ʒ. j. ambrae griseæ gr. iij. inuoluantur nodulo, quem frequenter odoretur.

Pomum
odoratum
procere-
bro.

SVPERIORIS METHODI
exercitatio in morbis: seu accommodatio ad
constitutos morbos cerebri.

CAP. II.

Intemperies naturalis vix vnquam fanescit: natura enim fixa & mutari nescia, insanabilis affectus non est suscipienda curatio: Accidentaria, si nuda fuerit, alteretur suo contrario. Faciamus cuidam longiore insolatu cerebrum exarsisse. Huic præscribes oxyrhodinum pro litu aut embrocatione totius capitis. (Turcis in eo casu familiare est Celsi consilium, frigida caput perfundere.) Olfaciat lintheum aqua rosarū, aut nenupharis caphurata intinctū. Paretur frontale refrigerās, aut nares perfricentur oleo nenupharis, papaueris; Aut nodulū paratū ex puluere rosarum, violarum, nenupharis,

Intempe-
ries cali-
da.

Remedia
refrigeran-
tia in sim-
plici in-
temperie.

c. iij

seminis lactucae, papaueris subinde olfaciat.

*Ubi cum
materia.*

Si fuerit cum materia, alterantibus præmittantur purgatio & venæ sectio, quin etiam perseuerante morbo iterentur: eoque audentius phlebotomia repetatur, si febris adiuncta fuerit, aut insignis plenitudo, ut si rubeat facies, & oculorum venæ tumeant. Tum etiam venæ particulares, ut frontis, temporum, & quæ sunt sub lingua, incidi poterunt. Quando fumi biliosi ab inferis partibus, ut ab hepate calidiore, ascendere videbuntur, sanguinisque massa plus iusto incaluerit, benefaciet balneum aquæ tepentis ad refrigerationem totius corporis, reſeratis scilicet meatibus. Viris hæmorrhoides, mulieribus menses, incisa saphena, prouocentur si resisterint, Clysteres sint frequentes. Imperetur abſtinentia vini. Utatur iusculis refrigerantibus, interdicator salsis, acribus, piperatis, iis denique quæ iecur & sanguinem calefaciunt. Vescentur elixis potius quam assis, vitulina, pullastris. Neque omittantur apozemata & iulapia refrigerantia, ex syrupo violato, nenupharino cum aquis endiuiae, cichorij.

*Intemperiem
frigidam emē-
dantia.*

Frigida verò intemperies raro nuda est, quia cruditas mox congenerem materiam accersit. Itaque pilulis cocciis aut de agarico corpus non semel repurgetur. ex iis paretur massa, de qua capiat 3. j. pro dosi luna decreſcente. Percutendum venæ, nisi febris aut plethora ita suadeant. Errhinis & masticatoriis cerebrum depleatur: frigidis enim morbis magis conueniunt, quam calidis. Cucurbitulæ non adeo

profunt morbis frigidis capitis ac calidis, ne priuatione sanguinis magis magisque refrigescat.

Topica sint litus capitis ex oleis calefacientibus, à leuioribus ad fortiora, vt oleum de euphorbio vel de castoreo, paulatim progrediendo. Tandem bene faciet etiam ceratum de euphorbio, in affectibus frigidis, potissimum in hemicrania, tantopere laudatum à Galen. *τὸ πρῶτον*. ℞. olei chamæmel. ℥. ij. euphorbij 3. ij. cum cера quantum satis, fiat ceratum, quod extendatur super aluta & applicetur sincipiti detonso vel raso. Si placet ℞. cuiusuis olei, vt liliorum, lauri, anethi ℥. j. euphorbij & castorei, an. 3. β. cum cера quantitate sufficienti fiat vnguentum pro litu frontis & temporum. Priusquam ad summa illa remedia veniatur, tentanduerit depulsio morbi, litu, frontali calfaciente, fotu, sacculis, suffitu integumentorum capitis: Cucufa solet reseruari ad reliquias morbi.

*Ceratum
de euphor-
bio.*

Obstruitur cerebrum flatu, vnde sternutatio immoderata; vel humore paucò, eoque tenui & dissipabili, vt qui accessiones epilepticas breues reddit; vel multo, crasso, viscido, à quo epilepsiæ longiores paroxysmi: ab eodem carus, lethargus, & apoplexia.

*Causa ob-
structionis.*

*Epilepsiam
fieri à flatu
docet Hipp.
li. de flatu-
bus.*

Potest etiam obstruens causa vel ab inferis partibus, vt à liene, vtero, ventriculo ferri sursum, vnde epilepsia per consensum; vel in ipso met cerebro generari: generatur autem vt plurimum intemperie frigida: Nam cerebrum frigidius suum alimentum malè coquit, & coctio-

nis reliquias peius excernit, inde pituitæ congestio: quæ retenta, neque per nares & palatum conuenienter excreta, frigidos morbos producit, tandemque anteriores, medios, posteriores vel omnes simul ventriculos obstruit.

Curatio.

Quibus pro magnitudine causæ succurrendū est: magno enim pedi malè quadrat paruus calceus. Quoties vapores crassos aut humores à præcordiis efferri sursum suspicio erit, fiētque morbus per consensum, vt in vertigine, & epilepsia nonnunquam accidit: reuellantur clysteribus frequentibus & purgatione conueniente, vt lienari, si lien; vterina, si vterus in causa esse videatur.

Quod si intemperies ipsa cerebri paulatim humores accumulet, qui supra modum aucti tandem obstruant, ad obstructionem anticipandam materia vacuetur purgatione primum generali, vt catapotiiis: deinde particulari, vt errhinis, masticatoriis, gargarismis. Intemperies verò contrariis alterantibus corrigatur, vt cerato de euphorbio, si inueterata & contumax, & quæ leuioribus remediis non cesserit: Quandiu enim illa permanebit, tandiu materiam obstruentem proferet. Intemperiei longæ & contumaci, frigida potius quàm calida, vtiliter cauteria præscribuntur; vesicatorium quoque & dropax.

*Cauteria
ubi ex usu.*

*Videtur va-
rio.*

Vtendum hic assis potius quàm elixis. Iuscula alterētur hyssopo, thymo, pulegio. Edulia eondiantur aromatis. Vinum etiam concedatur, quin etiam maluaticum, aromaticum, vt medicamentum potius quàm vt alimentum,

hydromel vinosum. Potest parari vinum medicatum hoc modo : ℞. theriacæ aut mithridatij veteris ℥. ij. conseruæ cephalicæ cuiusvis ℥. β. pulueris diambrae vel diamoschi ℥. ij. macerentur in ℥b. j. vini diluti pari quantitate aquæ cephalicæ, colentur deinde per manicam. Quotidie huius vini ieiuno stomacho capiat vnum aut duo cochlearia. Cuius loco potest etiam vti opiata præscripta, vel pomo odorato. Hactenus de intemperie tam calida quam frigida, & de obstructione.

Tumores fiunt in cerebro, quemadmodum & in quauis alia parte, congestione, aut fluxione; frigidi vt œdema, aggregata paulatim pituita; calidi, sanguine propriè dicto, quantitate potius quam qualitate vitioso: bilioso, pituitoso, melancholico, per venas cerebri apertas, ruptas aut exesas effuso. Non dubito quin humores in cerebro, vt aliis in partibus, nonnunquam permisceantur, fiatque illic phlegmone erysipelatoza, vel erysipelas phlegmonodes, œdema quoque phlegmonodes, à quo lethargum fieri quidam affirmarunt, vel phlegmonem œdematosam, à quibus infiniti affectus procedunt quorum ars non meminit: quia excresceret in immensum si singula minutis punctis colligeret. Satis est si pituitæ effectus cognoscantur, vt somnolentia, ingenium plumbeum, hebes, stupidum: Bilis, *ἄγρυπνία*, siue insomnietas; Vtriusque coniunctione nascitur coma peruigil: Melancholiæ, ridicula phantasmata, à quibus læditur imaginatio.

Tumor in cerebro causa.

Signa pituitæ in cerebro. Bilis.

Melancholia.

Phlegmone generatio, vena in brachio sæ-

Inflam-
mationis
curatio.

Resoluen-
tia.

pius secta, si fieri potest, impediatur, nec nō clysteribus, purgatione, frictionibus supernè deorsum: Repellente aliquo, vt oxyrhodino, vel frontali refrigerante admoto sincipiti. Quod si assequi non possis, tentanda erit resolutio. Vacuanda materia coniuncta apertis venis particularibus, vt vena frontis, temporum, ranulis. Resoluunt litus sincipitis ex oleo chamæmelino, gallus viuus per spinam dissectus & admotus sincipiti: tepore enim sanguinis feruorem contemperat, deligatur albus potius quàm rufus, quia sanguinem habet frigidiorē: Galli penuriam supplebunt pulmones adhuc calentes, alioquin mergantur in decoctum cephalicum, vt anethi, meliloti, betonicæ. Potest etiā parari cataplasma resoluens hoc modo. ℞. florum chamæmeli & meliloti, an. M. β. radice liliorum ℥j. florum anthos, betonicæ & stæchad. an. P. j. fœnugræci ℥. β. fiat decoctio. Residentia teratur, coletur: adde colaturæ farinæ hordei & fabarum, an. ℥. j. pulueris rosarum & chamæmeli, an. ℥. β. cum oleo chamæmelino fiat cataplasma admouendum fronti & sincipiti. Non desunt qui primo die fieri inflammationem contendunt, ideòque secundo die vtendum esse resoluentibus, abstinendum repellentibus. Alij differunt ad tertium vsque diem. Ex muliebri lacte, aut caprillo, vtiliter fiet embrocatio.

Erysipelatis
curatio.

In erysipelate Galenus parcat venę, contentus vehementi purgatione, vt diapruni solutiui drachmis sex, vel dacrydij ℥. β. cum pauca conserua violarum, nenupharis. Quod confi-

lium probatur Arabibus: negant enim in mor-
bis à bile secandam venam, quia sanguis est fre-
num bilis, suo tepore feruorem bilis contem-
perat. Verùm etsi demus hoc Galeno in ex-
terno erysipelate, certè in interiore concedi
non potest, quia ipsemet scripsit nihil tam re-
frigerare quàm venæ sectionem. Accedat erysi-
pelas esse morbum valde acutum, fierique po-
tius à sanguine bilioso, quàm à bile. Paretur ergo
frontale præmissis generalibus, vt clystere, ve-
næ sectione, & purgatione; ex conserua nenu-
pharis & populeo: litus ex oleo nenupharino.
Proderit etiam odoratus narcoticorum, non
tantùm, vt refrigeres, sed etiam vt conci-
lies somnum, quo nihil vtilius. Paretur de-
coctum ex floribus nenupharis, & papau-
eris, cum semine lactucæ, in quod linteum im-
mergatur quod subinde olfaciat, attrahatur
etiam naribus. Potest ex eodem fieri fons cum
spongia sincipitis & temporum, vel liniantur
nares oleis nymphææ & papaueris. Supponatur
puluinum, non plenum pluma, quia calefacit;
sed rosas, floribus nenupharis, aut si per tem-
pus non suppetunt, fursure, aut palea hordei:
integatur vndula, quam vulgus vocat Camelo-
tum, aut eo corio quod Galli *marroquin* indigi-
tant. Balneum suo tepore feruorem sanguinis
biliosi valdè contemperat.

Phlebotomia, con-
tra Galen.
celebranda.

Topica.

Quid multa? cùm causa sit à fluxione, flu-
xionis terminus à quo, vena caua & hepar: non
tantùm studendum est capiti refrigerando, sed
etiam toti corpori, assumptis, admotis, inie-
ctis. Cætera etiam proderunt, quæ intemperi-

ei calidæ iam sunt præscripta, quemadmodum ad œdema quæ intemperiei frigidæ. Differunt enim, quòd materia vacuata permaneat intemperies, deinde suo contrario alteranda; œdema te verò aut erysipelate percurato, nihil superfit, intemperies dispereat.

SVPERIORIS METHODI

exercitatio in symptomatis primi generis, seu accommodatio ad actiones læsas cerebri.

IMPRIMIS AD PRINCIPES.

CAP. III.

PROponatur tibi stultus aut fatuus ad sanandum, illi est abolita, huic imminuta rationatio. Considerabis primùm si vitium sit in cōformatione, vt si pusillum vel acuminatum habeat caput. Esto benè cōformatum, interrogabis num fatuitas illa sit congenita, aut à parentibus contracta: naturæ enim & parentum vitia, quia in principiis radicalibus semine & menstruo fundamentum habent, funditus & è radice tolli non possunt. Faciamus ergo esse aduentitiam, accusabis intemperiem frigidam & humidam: si non totius cerebri, saltem verticis, vbi sedes est rationis: proinde pituita, non tantùm catharticiis vehementibus, vt pilulis cocciis, trochiscis alandal, sed etiam masticatoriis vacuanda: quæ quidem propter mentis fluxum si refugiat, liniantur nares vnguento ex

Curatio.

*Remedia
interna.*

turbith, agarico, vel hermodactylis exceptis melle mercuriali, scillitico, syrupo rosarum pallidarum, quo quidem poteris etiam os & palatum perfricare. Topica valde calfaciant & sic- *Topica.* cent, ut ceratum de euphorbio mixtum cum emplastro de betonica. Tandem vesicatorium, cauteria in capite, in brachiis. Non ausim consulere trepanum, ne iam frigidius cerebrum magis magisque refrigescat.

Sequuntur exempla rationis deprauatae, phrenitis & melancholia. Discurrunt enim melancholici, sed inordinate & absque legitima rerum & verborum consecutione. Hippocrates quotquot delirabant, phreniticos appellabat: *Phreniti-* hodie medici definiti phreniticos appellant, *dis à me-* qui delirant cum febre; melancholicos qui sine *lancholia* febre, qua nota facile discernentur phrenitici à *differentia.* melancholicis. Distinguenda verò imprimis phrenitis à paraphrenitide, quod phrenitis sit *Apara-* primum & continuum delirium à phlegmo- *phreniti-* ne aut erysipellate cerebri, cui idcirco continua *de.* febris semper assistat. Paraphrenitis verò delirium epigenematicum & temporarium, superueniens alteri morbo, ut febribus continuis, necnon aliquando intermittentibus in vigore paroxysmi, quæ exacto illo vigore sponte disparet. In eo censu fortassis haberi potest delirium succedens inflammato septo transverso: quamquam Trallianus hoc neget; quæ disputatio non est huius loci, quia de primaria phrenitide sermonem instituimus: Cuius efficientes causas phlegmonem dico, aut erysipelas meningum qui percurarit, ille eadem ope-

ra effectum, hoc est delirium cum febre, sustulerit.

Prognosis.

Hæc tantum præfagia obiter adiiciam: signum esse funestum si phreniticus fuerit pervigil, neque profuerint hypnotica: si purgatus nihil aut minimum deiciat, si linguatur animo, nares illi stillare malum: si stilla nigra fuerit, lethale, quemadmodum cum vrina fuerit alba, bilisenim à qua coloratur vrina, tota rapitur ad cerebrum.

Aph. 1. l.

2. progn.

Si phrenitis fuerit cum risu, ut phlegmonè, vacuantibus potius, quam alterantibus: si cum furore, ut erysipelas, alterantibus potius quam vacuantibus sanetur; satis sit digitum ad fontem intendisse.

Curatio.

Cæterum si phreniticis refrigerantia applicari debeant, tepida, an actu frigida cōtrouertitur. In usu est ad mouere tepida, ne difflatio prohibeatur. Auicenna tamen & Hali suadent, ut in ferina phrenitide applicentur actu frigida, quia sic ardor bilis citius mitescit, & meningū φλόγῳσις, melius contemperatur. Verum quotidiana constat experientia, si in aquam feruentem, tepidam affundas, mox illam deferuescere, remitti feruorem affusione tepidarum.

Melancholia causa.

Pergamus ad genus delirij sine febre, quod melancholia morbus, à causa materiali nominatur; pessimo humore, cuius efficiens, vtrique vitæ principio inimicissima intemperies, nempe frigida sicca, si non totius cerebri, saltem anterioris; necnon verticis, quia cum imaginatione ut plurimum læditur discursus. Phantasiæ autem sedes ante, ut memoriæ pone,

Sedes principum facultatum secundum Arabes,

ne cerebrum : rationis in vertice constitui-
tur ab Arabibus , hinc topica ad rationem
læsam , fastigio capitis : ad imaginationem ,
sincipiti : ad obliuionem , occipiti iubent ap-
plicari , Galeno reclamante , qui ad futuras ,
præsertim circa fontanellam , mauult admo-
ui , quò faciliùs ad cerebrum vis medicamen-
ti peruadat ; cùm non putet facultates prin-
cipes discludi locis , sed per totam substantiam
cerebri dispersas. Vt tamẽ inualuit ad obliuio-
nem topica supra labdoidem applicare. Perge.

*Sedes
principum
faculta-
tum secun-
dum Ara-
bes.*

Melancholia triplex, vna primaria , cuius se-
des in cerebro , quæ idcirco si placet , cerebra-
lis nominetur. Aliæ duæ per consensum : aut
enim compatiente cerebro delirium accedit ,
in hypochondriis contento succo melanco-
lico , vt in liene , in mesenterio , in vtero ,
vnde vterinus furor. Quæ melancholiæ species
à minera seu foco illic existente hypochondria-
ca nominatur : aliquãdo flatulenta , quòd istius-
modi melancholici , seu hypochondriaci , præ
cæteris omnibus sint flatulenti : humor enim
frigidus , quem lien ad ventriculum eructat ,
peruertit coctionem , à cruditate flatus. Gale-
nus obseruat dyscrasias , siue contrarias intem-
peries , quæ longum & difficilem morbum effi-
ciunt , φλόωσιν siue incendium magnum in lie-
ne , in mesenterio , aliquando in pyloro : perfri-
gerationem verò in stomacho. Qua causa crux
& opprobrium Medicorum vulgò dicitur :
quando enim vni consulimus , alteri nocemus.

*De melan-
cholia lege
libellum
qui circũ-
fertur, au-
toribus
Galeno,
Ruso &
Posido-
nio.*

Oritur altera species melancholiæ per con-
sensum , cùm æger totus est melancholicus , siue

d

temperamento talis sit, siue accidente, vt vsu ordinario ciborum melancholicorum, bubulæ, hædine, aut mærore longo & insigni tristitia: dominari etiam solet melancholia ætate inclinante, vt autumno, quo tempore solet cerebrũ trahi in cõsensum. Hanc si placet generalem nuncupemus, quia tam in massa sanguinis, quàm in toto corpore melancholia exuperat.

Cathartica valida vitanda.

Hypochondriacam discernes his signis, quæ ex Diocle commemorat Galenus 3. *de locis affectis*, vbi remedia omnia ad tria summa capita reducit, clysteres frequentes, venæsectionem, & balneum aquæ dulcis. Aperiatur lienaris seu basilica sinistra, quia illic præsertim subest focus morbi. Galenus non meminit purgationis, quia vehementiora cathartica nocent inflammatis visceribus. Minoratiuo, siue blando cathartico contenti esse debemus, vt catholicone, syrupo regis Sabor: viriusque 3. j. dissolue in aqua buglossi, fiat potio.

Elebor. fumus quãdo utilis.

Elegans est comparatio apud Mesuem, cap. *de melancholia*, cathartici vehementioris cum igne; Vt ignis paleam vrit intacto tigno: Ita diacrydium, colocynthis, elleborus, cum sint ignea, humores tantum tenues trahunt, relictis crassioribus. Morbi longi, quatenus sunt morbi a melancholia, authore Platone in *Timgo*, blandè tractari debent, non vehementioribus irritati. In primaria tamen & pertinaci melancholia, cogimur vti elleboro tum propter morbi & humoris contumaciam, tum propter affecte partis distantiam. Sanè elebori, præsertim albi, substantia est periculosa. At nigri cortex

Morbi cerebri.

51

infusus aut decoctus tuto dari potest. ℥ foliorum sennæ, polypodij & epithymi cretensis sub finem additi, an. ℥ ss. corticis ellebori nigri, feminis anisi, fœniculi, an. ʒ j. bulliant in aquarum buglossi, betonicæ & nenupharis, an. ℥. iij. (buglossum respicit humorem betonica partem affectam, nymphaea est alexipharmacum ellebori.) In colaturæ ℥. iij. dissolue syrupi regis Sabor ℥. fiat dosis, capiat mane ieiuno stomacho. Possis etiam exhibere pilulas indas, aut de lapide lazuli.

Conuenitne phlebotomia? Distinguo: si in magnis venis sanguis niger abundare videatur, proderit: alioquin nocebit. Quis sciam hoc, dices? Explorabis, inquit Galen. aperta vena; nam si primum vasculum sit plenum crasso & faculento sanguine, audenter tria vasa implebis, alioquin in primo consistendum

Quando
phlebotomia

Melancholicis si varices, aut hæmorrhoides superuenerint sanatio; proinde si restiterint, hæmorrhoides viris, menses mulieribus, arte prouocentur aut cauteria vtriq; tibie interiori prope saphenam applicentur, eò enim vergit humor terrestris, quò natura mouet, eò ducere oportet. Balneum videtur omnibus melancholicis conuenire, propter humoris & corporis siccitatem, verùm peculiariter hypochondriacis, propter φλόγῳσιν. Omnibus etiam utilis erit opiata ex conferuis violarum, buglossi, borraginis, an. ʒ j. cū puluere lætific. Galeni, & pauca confectione Alchermes. Errhinum quoque solidum primariæ melancholiæ conuenit, ex puluere ellebori nigri excepto melle informam

Balnei uti-
litas?

Opiata.

Errhinum.

d ij

Intempe-
ries ut
emendan-
da.

Melancho-
lici cur
timidi.

Orta at-
testantur
suis prin-
cipijs.

parui suppositorij, aut eodem liquidiore li-
niantur & inungantur nares, aut bulliat elle-
borus, si mauis folia sennæ, in aquis buglossi,
borraginis & betonicæ, colatura seruetur
pro errhino. Melancholicorum panicos terro-
res sanabis, arte conciliato somno. Authore
Aretæo poteris vertici admonere cucurbitulas,
malim ego vesicatorium ad vacuationem hu-
moris frigidi, aut emplastrum ex pice, quod est
μυρωδὴν ἰχθύν, ex alto foras trahit. Ad intempe-
riem verò frigidam siccam, quæ facit & fouet
morbum, foueatur sinciput decocto calfa-
ciente & humectante, quale hoc erit. ℞. radi-
cum althææ & liliorum, añ. ℥. j. buglossi & ma-
ioranæ añ. M. β. florū chamæmeli & melilori,
violarum, an. P. ij. Seminis lini & fœnugræci,
an. ℥. β. foliorum sennæ mundatorum ℥. j. el-
lebori ℥. ij. fiat decoctio, addendo sub finem
vini albi quartam partem; colaturæ libræ duæ
seruentur pro fotu capitis præsertim anterioris,
fiat fotus cum spongia, cum filtro vel cum lin-
teo. Metus & tristitia sine manifesta causa, sunt
præcursores atque etiam assessores melancho-
licorum omnium. Illi enim omnia tuta timent.
Cur ita? dices; An quia natura frigidi siccis sunt
meticulosi, quemadmodum biliosi, audaces &
interriti? An quia interdum idem illis accidit,
quod cæteris in tenebris? nam propterea quod
habent spiritus atros, viuunt in perpetuis tene-
bris. Quidni spiritus habent claros & perspi-
cuos? quia spiritus animalis fit ex vitali, vitalis
ex naturali, id est ex vaporibus sanguinis: At-
qui sanguinis nigri vapores sunt atrii & caligi-

nosi. Itaque spiritus animales, quorum ministerio anima suas principes obit functiones, non possunt illis esse lucidi. Sunt etiam propositi tenaces. *Cur propositi tenaces.* Cur ita? quia impressio facta in re duriore est firmior & constantior. Sed cur à nonnullis melancholia dicta est contagiosa? quia vnus melancholicus totum consessum reddit melancholicum. Est etiam hereditaria, nam melancholicorum liberi solent esse melancholici, quia intemperies melancholiæ genitrix, in partibus principibus altè radices agit.

Maniaci seu furiosi differunt à melancholicis, quòd sint interriti: ruunt in medios enses, igneos habent spiritus, ideoque scintillant & micant illis oculi: fit enim mania à bile per vstionis gradus paulatim in atram degenerare. *Mania.* Tales perhibentur tragædis Ajax post Achillis arma Vlyssi adiudicata, & furiis agitatus Orestes propter interfectam matrem. Hunc cholagogis, vt diapruno, potiùs quàm melanagogis purgandi sunt, audentiùs & liberaliùs illis mittendus est sanguis, committendi sunt balneo, denique sumptis & admotis, refrigerandi & humectandi. Febricitantne? Sanè dum humor vritur: postquam verò vstus est, atque vt ita dicam incineratus, non ampliùs febriunt. *Causa mania.*

*DE IMAGINATIONE LÆSA,
vt vertigine.*

CAP. IIII.

Imaginatio simul cum aliis functionibus aboleri potest & imminui, vt apoplexia; vix
d iij

vnquam sola aliis integris eripitur, quia nunquam otatur: etiam per somnum profundum operatur, dum somnia fingit sæpe ridicula: neque vnquam in fatuis, maniacis, phreniticis, melancholicis feriat, sed in illis, vt in dormientibus, viget, sepulta ratione. Deprauatur simul cum ratione phreniticis & melancholicis. sola & per se vertiginosis & incubo vexatis: salua enim & incolumi ratiocinatione illi falsam opinionem concipiunt, vertiginosi existimant omnia in circum verti, quibus accedit aliquando visio tenebrosa, caligant illis oculi & veluti tenebrae obuersantur, inde *σύννομα* & *σύντονος* à Græcis dicitur. Vnde fallax illa imaginatio & opinio? A flatu, qui vt plurimum ab inferis partibus, liene, vtero, ventriculo, sursum ascendens, reflectitur à cranio, atque illic vertiginem, veluti ventus in angiportu turbinem, excitat: non enim refert ad imaginationem conuersionis, si res foris, an spiritus intus conuertatur. Quemadmodum enim quibus aures tinniunt, foris sonos se audire falso opinantur: ita quibus flatus & vapores in capite conuertuntur, obiecta omnia verti putant. Quod si rotam aut aliquid simile aspiciant, paroxysmum mox incurrunt, quia obiectum mouet potentiam, spiritus ad conuersionem iam paratos facile rota commouet.

Vertigo.

*Vertiginis
causa.*

*Arist in
probl.*

Curatio.

Priusquàm de remediis cogites, cōsiderabis si affectus sit primarius, an per cōsensum. Deinde à qua causa, calidane, vt à vaporibus sanguinis, quod accidit mulieribus quibus subsistunt menses. An frigida, vt ventriculi cruditate. Si lien in

causa esse videatur, illius malè affecti certa ex-
 tant signa. Si ab utero assurgant fumi, suppressi
 sunt menses. Si à ventriculo male coquente,
 aderunt signa ἀπεψίας, incoctionis, ut ructus
 acidi; tum parti mittenti consulendum est, ut *Vbi à vicio*
 ventriculo vomitorio, si æger ad vomendum *u. ventriculi.*
 sit proclivis. Alioquin frequenti vsu pilularum
 de hiera, assaieret, mastiche, myrobalanis
 conditis, tabellis aromatici rosati, syrupo de
 absinthio, vel de mentha, puluere digestiuo ex
 coriandro, aniso, fœniculo, cornu cerui vsto,
 corallo, cum triplo puluere rosato; puluis suma-
 tur à pastu, ut impediatur ascensus vaporum.
 Qui si fortè per arteriam exteriorē ascendere
 videantur, primum admovebis temporibus
 emplastrum ex mastiche, aut emplastrum con-
 tra rupturam ut astrictis viis impediatur ascen-
 sus. Oxyrhodinū quoque repellit. Si nihilomi-
 nus perseveret vertigo, incidatur arteria pone
 aut supra aures, qua parte vehementiùs pulsa-
 bit; Galenus cum Hippocrate arteriam vrit, ut
 via obstruatur. Si à liene fumi assurgant reuel-
 lantur clysteribus frequentibus, purgatione *Lienis.*
 lieni accommoda, secta lienari. Si ab utero,
 prouocandi erunt menses pilulis de hiera, sy- *Uteri.*
 rupo de arthemisia cum aqua hyssopi, incisa sa-
 phæna. Quinetiam cruribus admoueanatur cau-
 teria ad diuersionem. Quid si vertigo fuerit
 primaria, habeátque suam originem & causam *Primaria.*
 in ipsomet cerebro? Arteriotomia tum est inu-
 tilis, quemadmodum cum per arterias interio-
 res, vapores sursum efferuntur, nullaque foris
 insigniter pulsat arteria. Purgentur ergo fre-
 d iij

quenter vertiginosi massâ pilularum sine quibus, non neglectâ phlebotomiâ, cum sanguis videbitur vaporosus. Prospiciendum verò capiti topicis, qualia intemperies calida, vel frigida suadebit, non neglectis errhinis & masticatoriis. Marcellus empiricus suadet, ut betæ succo tempora liniantur, & pulvis abrotani cum vino tepidè sumatur. Quidam commendant pulverem vermium qui sericum faciunt, eoque caput detonsum aliquoties respargunt. Hæc empirica (si lubet) experieris, aliis non neglectis.

INCUBVS SEV EPHIALTES.

C A P. V.

AD imaginationem læsam etiam pertinet ephialtes seu incubus, quo malo qui vexatur, se ab aliquo pectori incubante premi & propemodum suffocari existimat. Quæ inanis phantasia accidit propter impeditam respirationem. Impeditur verò, quia vocales & respiratorii nervi obstruuntur: quod accidit initio somni, cum primùm vapores alimenti ad cerebrum ascendunt, vix vnquam aliis quàm supinis, quia calefactis renibus per spinam vapores feruntur ad cerebrum, vnde obstructio nervorum prædictorum: Cum ergo thoracem atollere non possunt, propter nervos obstructos, per quos spiritus facultasq; animalis è cerebro descendit, imaginantur se ab aliquo oim-

*Incubi
causa.*

pediri, hinc suspicio incubōnis.

Corpus non semel phlegmagogis reputandum, plenitudo venæ sectione minuenda, clysteres iniiciendi frequentes: decocto cynæ aut sarzæ parillæ mouendus sudor: erethinis & masticatoriis deplendum cerebrum: Dioscorides laudat quindecim grana nigri fructus Peoniæ, trita & sumpta cum aqua aut vino, quod est Pauli & Aëtij experimentis comprobatum. Denique leuiora quæ ad epilepsiam deinceps præscribentur, conuenient incuboni: est enim epilepsia nocturna, quæ si perseveret, quemadmodum & vertigo, degenerabit tandem in veram epilepsiam.

Curatio.

LÆSA MEMORIA.

C A P. VI.

HActenus ratiocinationis & imaginationis læsiones; sequitur obliuio, seu iactura memoriæ. Aoletur verò & minuitur semper intemperie frigida; verum aliquando frigida & humida, aliquando frigida sicca. A frigida humida, obliuiosi erunt somnolenti, narēsque habebunt humidiores. A frigida sicca peruigiles & emunctæ naris. Si in utroque teneant modum, à frigida simpliciter ortum habet.

Læsa memoria causa.

Itaque conuenient tam generalia, quàm subalterna quæ præcesserunt ad intemperiem frigidam. Pro topico Gordonius laudat primum oleū de castoreo, deinde de euphorbio. Dat verò

Curatio.

*Confectio
de anacardis
disremedii
specificum.*

per aliquot dies confectionis ex anacardis 3. ij. cum decocto radicis apij & fœniculi. Verum satis erit 3. vna : misceatur cum pari quantitate mithridatij aut theriacæ : ex quibus etiam vtiliter parabitur linimentum. Si placet ℥. cōseruæ acori 3. j. mithridatij veteris 3. β. confectionis ex anacardis 3. ij. nucis moschatę conditæ, vel zinziberis conditi 3. iij. cum syrupo de stœchade fiat opiata, de qua capiat manè & serò quantitatem auellanę. Proderit per se syrupus de stœchade, datus quotidie manè mensura vnus cochlearis. Cinnamomum etiam quouis modo sumptum creditur iuuare memoriam, propterea quidam illius aqua stillatitia vruntur, eiusdem oleo caput inungunt.

DE SOMNO ET VIGILIA.

C A P. VII.

MUltis causis præcesserunt læsiones principum functionum ; instat vt sensus & motus vitia eadem arte percurramus. Sensus autem quidam interior, ad quem exteriores quinque suorum obiectorum species immaterialésque qualitates transmittunt, à phantasia sola ratione distinctus. Ad quem pertinent naturalis somnus & vigilia : Ideo enim somnus sensuum omnium vinculum ab Aristotele definitur *lib. de somno*, quia sensus interior à benigno alimenti vapore præpeditur, sublato illo impedimento, seu discussa benigna illa anathy-

*Somnus
quid.*

miasi, succedit vigilia. Atqui contraria nata sunt afficere idem subiectum, ergo immoderatus somnus, & vigilia immodica, non possunt commodiore quàm hoc loco explicari.

Si veternus fuerit cum febre lethargus dicitur, coma primariū seu *ἡγρὰ πρὸς* pigra: si sine febre carus; nisi placeat cum *ἄγινετα* *χάρος* nominare *καύμα* superveniens febribus pituitosis, quæ inde comatosæ nominantur. Assimilare possis carum paraphrenitidi, quod quemadmodum paraphrenitis succedit febribus à bile, ita *χάρος* febribus à pituita: Quo sensu non requirit propria remedia: disparebit enim cum febre, nisi placeat ea imperare quæ à profundiore somno excitant quàm mox explicanda.

Lethargici verò purgentur dragmis duabus pilularum cocciarum, aut de agarico, solutis in aqua salviæ: catapotiorum enim formâ non deglutirent. Additur autem dupla quantitas, quia sensus sunt sopiti, excretrix sepulta, tum quia pilulæ dissolutæ minus habent virium quàm solidæ: virtus unita maior est quàm diffusa; adde quod solida diutius in ventriculo morantur. Phlebotomia hîc convenit ratione febris, non morbi: febris autem accedit, quia pituita quæ committit lethargum est putris, à putredine incendium; fortassis etiam ratione morbi: est enim, œdema cerebri phlegmonodes, à sanguine pituitoso.

Carus verò est œdema simplex aut intempéries frigida cum pituita, proinde in caro parcendum venæ. At in lethargo, post apertam ce-

Veternus.

Lethargus.

Carus.

phalicam aperiri potest vena frontis; occipiti enim dolenti, incisa vena frontis confert: occiput autem in lethargo potissimum laborat: nam lethargici sunt immemores, petunt matulam ad meiendum, quâ oblatâ non meiunt. Cucurbitulæ cum scarificatu eadem causa bene faciet ad deriuationem materiæ coniunctæ. Clysteres acres & acria suppositoria omni somnolentiæ cōueniunt, cum sit excretrix languida. Errhina liquida, masticatoria, gargarismata licet commoda, frustra imperarētur. Liniantur nares, & perfricetur palatū melle mercuriali, vel scillitico, cui aliquid turbiti, agarici, aut pyrethri sit immixtū, vel diaphœnico, benedicta laxatiua, mithridatio veteri. Sternutatoria hîc non sunt omittenda, quod si non sternutent, lethale. Topica sint litus ex oleo de castoreo cum succo rutæ, fœniculi: creduntur enim ista profundior somnum interrumpere proprietate, fortassis castoreum suo fœtore à somno excitat. ℞. castorei ʒ. j. succi rutæ & fœniculi, an. ʒ. ss. dissolue in aqua betonicæ, vel saluiæ, fiat potio ad eundem vsum. Mesue ex Tralliano conficit vnguentum ex pilis humanis vstis, vt à somno exciter. ℞. pulueris pilorum hominis vstorum ʒ. j. excipiantur oleo de castoreo, vel oleo irino, cum pauca cera fiat vnguentum, quo caput rasum perfricetur. Quæ quidem, vt pote calidiora, caro primario melius conuenirent quàm lethargo; œdemati simplici, quàm phlegmonoso: hinc caros est longè profundior somnus quàm lethargus, adeo vt à quibusdam existimentur apoplectici: caro de-

*Caricum
apoplexia
affinitas.*

rentos sanarunt, qui apoplecticos se sanasse gloriantur: tam profundus est somnus, ut etiam puncti non sentiant; solo stertore & difficultate spirandi differunt ab apoplecticis. Reliqua curatio repetenda ex intemperie frigida & humida, siue pituitosa, quam similem esse diximus œdemati, neque fatui ab his longè differunt.

Non est prætereundum soporem nonnunquã à vermibus excitari, crassis vaporibus ad cerebrum ascendentibus: nam Alexander Benedictus vidit iuenculam, quæ per septem dies veluti mortua iacuerat, supposita glande excrevit 40. vermes in modum globuli, sine fæcibus, qua excretionem mox conualuit.

Vermes interdum carum excitant.

Ceterum lethargus intra septem dies terminatur, quæ si excedat, desinit esse lethalis. Diarrhœæ autem superueniens ab Hippocrate, 3. de morbis, funestus iudicatur. Item ex phrenitico fieri lethargicum lethale. Contra in bonis habetur, si lethargicus fiat phreniticus, ex somnolento peruigil: frigida enim intemperies est peior calida.

Prognostic.

D. E. VIGILIIS IMMODERATIS.

C A P. VIII.

VT somnolenti calfacientibus sunt excitandi: ita peruigiles refrigerantibus ad somnũ cogendi, quæ ab effectu ὕπνωτικὰ, somnifera, vel ὑπαρτωγὰ, soporifera nominantur;

eiusmodi sunt succi & olea violarum, nym-
phææ, papaueris, lactucæ, syrupi quoque de
nymphæa & de papauere.

℞. cuiusvis syrupi ex prædictis ℥. j. dissolue in
decocti lactucæ, & florū cordialium ℥. iiij. fiat po-
tio sumenda hora somni. Si placet, abluatur fa-
cies decocto parato ex foliis lactucæ, floribus
nenupharis & semine papaueris albi. Impere-
tur frontale refrigerās ex conserua nenupharis,
papaueris, abluantur pedes decocto foliorum
lactucæ, salicis, vitis. Lauetur quoque caput
aquis aut decoctis lactucæ, florum nymphææ
& violarum. Iuuat etiam fons artificialis. Sup-
ponatur capiti puluinium plenum floribus vio-
larum, & papaueris albi, nenupharis. Tan-
dem detur ℥. j. Philonij aut requiei Nicolai,
cum aqua betonicæ: aut pilularum de cyno-
glossa ad summum ℥. j. ex quo fiant pilulæ
duæ. Memineris tamen diligenter obseruare
vires, quia narcotica non debent dari fractis vi-
ribus, nec nisi post tētata alia remedia. Licet tā-
tū hordeatis incoquere seminis papaueris al-
bi contusi ℥. ij. Minori periculo admouentur
quā sumuntur. Itaque poteris opij aliquot
grana (scilicet duo aut tria) diluere oleo viola-
to, vel succo lactucæ, vnde frons & tempora
liniantur: vel coto iisdem intinctus indatur in
naem, vel spongia inebrietur & offeratur o-
doranda. Ex floribus nenupharis, & semine pa-
paueris pulueratis, & ladano exceptis paretur
pomum odorandū. Consideranda tamen cau-
sa: nam si æger esset pernox ratione doloris, a-
nodynus esset placandus dolor. Si intemperies

*Cautio
in narco-
ticorum
usu*

ficca vigilias induceret, humectantia conuenirent, vt oleum amygdalarum dulcium, violaceum, liliorum, lac, lana succida. Quoties æger (quocunque morbo laboret, vt febre biliosa, phrenitide) fuerit peruigil, hinc repetes artem conciliandi somnum: omnia enim semel & vno loco in arte docenda sunt.

DE STUPORE.

CAP. IX.

Sunt quinque sensus externi, visus, auditus, odoratus, gustus & tactus. De priorum quatuor læsione postea suo loco & ordine. Tactus autem est primus & communissimus omnium, quippe per totum corpus diffusus, & sine quo nullum animal possit vivere. Proinde imminui quidem potest, sed vi- *Tactus dis-*
aboleri non
potest.
 ta superstita aboleri omnino non potest, nisi forte ad tempus, vt apoplecticis, catalepticis, & caro detentis; qui tantum abest, vt obiecta proportionata percipiant, cum neque improporcionata quidem, verum actus sentiendi duntaxat illis eripitur, non facultas: at stupore facultas ipsa minuitur. Est autem via ad paraly-
 sim, differuntque tantum intensiōe & remissionē. Quanquā si propriè loquendū sit, membrum tum demum dicitur resolutum, quando priuabitur suo motu arbitrario: Stupidum, quando obtusius sentit, hoc est qualitates tractabiles, tam primas, vt calorem & frigus; quā

secundas, vt durum, imperfectè discernit; etiam saluo & incolumi motu.

Curatio

Purgetur humor peccans pilulis de hiera cum agarico. Aperiatur vena partis sanę. Stupidum membrum exerceatur. fricetur, mergatur in mustum, aut in vulnus bouis recens iugulati. Consulendum capiti, vt parti mittenti; neruo torpido, aut resolutio, vt excipiēti. Priores enim affectus erant cerebri, & in cerebro veluti in subiecto: Stupor verò, paralytis, conuulsio, tremor, sunt affectus neruorum, procedentes tamen à cerebro veluti à fonte; hinc remedia nerualia maximam cum cephalicis habent affinitatem, quemadmodum nerui cum cerebro: suas enim tunicas accipiunt à tunicis cerebri, medullam verò ab eiusdem substantia. Oleum de cinamomo, si credimus Valesco, non habet par ad stuporem & paralytim: Auicēna plurimi facit oleū de nuce moschata. Quatuor vnguēta nerualia, de Althæa, Aragonium, Martiatum, & Agrippæ vtriq; affectui, stupori & paralyti, benefaciunt. Vulpes farciatur nerualibus, vt iua arthritica, primula veris, betonica, serpillio, verbena, maiorana, addendo catulos caninos minutim incisos, deinde bulliant in oleo cum vini quarta parte, ad cōsumptionem vsque vini. Huic oleo possis immiscere medullā cerui, aut pinguedinem taxi ad litum membri stupidi aut resoluti, quod à litu inuoluatur pelle eiusdem vulpis.

*Vnguēta
nerualia.*

Interim vtatur biscocto, sumat manè hydroticum, secundum decoctum sit pro ordinario potū. Inedia corpus maceretur; vtatur assis.

assis potius quàm elixis, præsertim auiculis, ut
alaudis. Cerebrum leporis valdè commen-
datur. Benefaciunt etiam stuphæ siccæ: Papi-
lione, aut magno dolio conclusi, ita ut re-
spirare possint, excipiant toto corpore vapo-
rem vini maluatici proiecti in regulam arden-
tē, aut vini in quo nerualia bullierint; alioquin
illius vapore perfumetur pars resoluta, vel stu-
pida. Vtilis etiam erit opiata ex conseruis ce-
phalicis cum mithridatio aut theriaca; denique
quæcunque pituitam discutiunt, corpus desic-
cant, nervos & cerebrum roborant, erunt ex
usu. Plura mox cùm de paralyfi.

DE DOLORE CAPITIS.

CAP. X.

DE dolore capitis videtur prius transigen-
dum: est enim symptoma primi generis,
pertinetque ad actionem læsam, quandoqui-
dem definitur *tristis sensus*. A Peripateticis re-
fertur ad tactum, velut illius obiectum impro-
portionatum: membrum stupidum, quia sen-
sificus nervus torpet, non percipit dolorem,
quòd nulla in eo fit sensatio rei contristantis:
stupefacientia, siue narcotica dicuntur tollere
dolorem, quia tollūt sensum doloris: suo enim
frigore natium calorem obtundunt, cuius mi-
nisterio fit tactus: qui Aristor. opinione est per
aliorum sensuum organa diffusus; neque dolo-
rem sentiunt, nisi quatenus participant tactu.

*Causa do-
loris.*

*Differen-
tia dolorū
capitis.*

Recens & levis dolor κεφαλαλγία dicitur; in-
ueteratus, contumax & obfirmatus, κεφαλαία;
dolor dimidij capitis ἡμικεφαλγία; vnius tantum
particulæ μονοπληγία, seu clauus.

Considerabis primum si sit primarius, an
per cōsensum. Stomacho enim cum cerebrum
compatiatur per nervos sextæ coniugationis,
sæpe à ventriculo dolor capitis excitatur, qui
non est continuus, ingrauescitque post pastum,
ascendentibus fumis. Succurrendum autem
parti primum perse laboranti.

*Signa dia-
gnostica.*

Considerandum etiam atque etiam si sit ex-
ternus, an internus. Externus, dura frictione
capitis percipitur. Internus, qui ad radicem &
cavitatem oculorum pertingit, propterea quod
nervus opticus à tunicis cerebri suas accipit.
Distinguendus etiam dolor calidus à frigido:
nihil enim æquè medicum dedecet, quàm cali-
dum pro frigido curare. Discernentur, quia
acutissimi dolores solent esse calidi; frigidi, ob-
tusi: non tamen semper & necessario, quia do-
lores tensiui sunt acutissimi; tenduntur autem
sæpe meninges flatu, aut humore flatulento &
pituitoso. Pulsatorius dolor capitis est calidus,
ostenditque copia sanguinis arteriam premi.
Punctorius ad meningas pertinet, si internus:
si verò externus, ad pericranium.

Et media.

Calidis doloribus venæ sectio est præsen-
tissimum remedium: Frigidis vehemens pur-
gatio: Anodynus enim omnis dolor placandus
est. Anodynorum autem tria sunt genera. Pri-
mo genere continentur, quæ tollunt causam
doloris, eaque sola propriè sunt ἀναδωα, quia

*Anodyna
trium ge-
nerum.*

dolor semel expulsus, non reuertitur. Secundi generis sunt temperata, aut mediocriter calida, vt lac, vitelli ouorum; & ex his oleum imprimis chamæmelinū, ex eo aqua stillatitia, lana succida, axungia humana. Huius generis anodynum est Sereno balsamū, quod in vtramque aurem instillat. Cum enim dolor sit tristis sensus, hac autem quia ἀνάλοσζα natiuo calori, iucundum sensum adferant, haud dubiè dolorem mitigant. Tertij generis anodyna sunt narcotica, propterea quòd impediunt, ne dolor sentiat, qualia sunt, non ita pridem commemorata, carotica siue hypnotica. Hippocrates *sexto epidem.* in anodynis primij generis recenset imprimis venæ sectionem, & purgationem, non tantum generalem, sed etiam particularem: Quæ enim errhinis, masticatoriis, cucurbitulis cum scarificatu, vesicatoriis sensibilis sit euacuatio materiæ dolorificæ, est anodyna primo modo. Quinetiam resolutio insensibilis, quæ fit per futuras ad motis topicis, vt emplastro, cucufa: ideò enim tollunt dolorem, quia dolorificum humorem discutiunt.

Faciamus ergo quempiam acerbissimo capitis dolore vexari, quæ ab effectis, vt ἀγρυπνία, pulsatione, à iuuantibus & lædentibus, calidum esse suspiceris: clysteribus reuellendi sumi, vena non tantum in brachio semel & iterum, sed etiam in fronte & temporibus incidenda.

Doloribus calidis præsentissimum remedium est phlebotomia, ait Gal. Cucurbitulæ cum profunda cutis incisione scapulis admo-

Curatio.

Doloris calidi.

Frigidi.

Narcotico-
rum dam-
na.Topica in
cephala.H. mira-
cia.

uendæ, oxyrhodino sinciput liniendum, quod
paretur ex oleo nenupharino & pauco aceto ap-
plicetur si òtale refrigerans. Est dolor frigidus,
purgandum sæpe & vehementer: frigidos enim
dentium & capitis dolores sæpe vidimus vnica
purgatione sedatos, quemadmodum calidos
primâ phlebotomia. Imperentur deinde errhi-
na & masticatoria, litus capitis ex oleis liliorû
& chamæmeli, aut ex oleo, in quo verbenæ &
serpillû bullierint; deinde emplastrû de betoni-
ca; cucufa; frontale calefaciens, quale ex cõser-
uis cephalicis præscripsimus; vesicatorium; cau-
teria in capite in brachiis. Abstinentum nar-
coticis cum dolor est frigidus, ne augeatur in-
temperies, & carus aut fatuitas inducatur. In ca-
lidis doloribus magna religione illis vtendum
propter dignitatem partis natura frigida, quæ
calore suo animale spiritum, animalium om-
nium functionum auctore, efficit, ille crassescit
frigore, & ad motû ineptus redditur. In causa
calida, exhibebis ʒ. j. requiei Nicolai cum aqua
betonica. In frigida Philonij tantumdem cum
vino diluto aqua salnię. Malim in cephalæa per-
tinaci & dolore inueterato, quales solent esse fri-
gidi, imperare olea, vngueta, cerata, emplastra
valdè calfacientia, vt oleum de euphorbio, pro-
litu frontis, temporû, cuius aliquot guttæ utili-
ter in aures instillâtur. vel teratur cum aceto, &
fronti atque temporibus ex aduerso illinatur.
℥ olei chamæmelini ʒ. iiij. euphorbij ʒ. iiij.
cum cera quantum satis fiat cerotum, quod
Galenus plurimum facit ad hemicraniam inue-
teratam, & ischiadicos dolores: Aëtius iubet

in hemicrania, ut tempus ex aduerso, non quod dolet, liniatur, & oleum in aurem oppositam instilletur. Notabis quoties dolor capitis est periodicus, cuius generis solet esse hemicrania, toties exacerbationem esse anticipandam purgatione & venæ sectione, si ita morbus iubeat.

*Opposita
parti appli-
cata re-
media.*

Hoc enim sit præceptum generale, in omnibus morbis qui per circuitus veniunt, præueniendum esse paroxysmum.

*Gal. lib.
de venæ
sect.*

In monoplegia pyroticum est singulare remedium: sic enim patet via causæ morbificæ, ut autem venenata.

Alicenna.

Dolor qui tot remediis non placatur, si fuerit cum febre, mortem minatur; si sine febre, iacturam oculi. Aliquando solutus est pure per oculos, nares vel aures excreto, ex *art. 10.6.*

Prognosis.

Non est prætereundum κεφαλαίαν à lue Indica propriis amuletis esse oppugnandam, ut epilepsiam epilepticis; arthritidem arthriticis.

Fingamus quædam post hydrargyrosim dolore capitis vexari an iterum iisdem remediis symptoma expugnandum? minimè verò, sed pileolus parabitur ex emplastro de vigo cum mercurio:

*Cephalæa
à lue vene-
rea vici-
randa.*

Accipe illius ℥. ii. extendatur super aluta, & in modum pileoli raso capiti applicetur Aliis omnibus frustra tentatis, expertus sum hoc remedium singulare, quo etiam usus sum feliciter, cum nulla esset suspicio luis venereæ. Sanè in eodem affectu longè præstat oleo sabinae tantopere laudato, cuius olei sequitur descriptio.

*Emplastrum
de Vigo
virtus.*

℥. sabinae lb. . triduo maceretur in lb. ij olei chamameli, quarto die coquatur ad medias, &

*Olei sabi-
nae prepa-
ratio.*

e iij

exprimatur, vide interim ne oleum incenda-
tur. Haftenus læsiones sensus. -

Motus verò aboletur, minuitur aut deprauatur. Aboletur inquā, vel in toto, vt ἀποπληξία & χατάληψι, vel in parte vt παραλύσις: deprauatur conuulsione, tremore, subsultu.

DE PARALYSI.

CAP. XI.

*Paralysis
generalis.*

*Particula-
ris.*

Causa.

Paralysis quædam generalis, non admodum differens ab apoplexia, nisi quod caput inflectitur, reliquo corpore immoto: hinc principes actiones eiusmodi paralyticis manent integre, quæ depereunt apoplecticis. Accidit primarum vertebrarum luxatione, aut insigni obstructione. Estque affectus non minùs acutus & periculòsus, quàm apoplexia. Quorū affectuū & nominum tanta est affinitas, vt Hippocrates membrum resolutum sepe numero appellet apoplecton. Particularis verò, si dimidij corporis ἡμιπληγία, dicitur; si vni tantum membri, vt brachij παραπλησία nominatur, præsertim cū terminat leuem ἀππληξίαν, materia morbifica à cerebro in brachiū excussa. Ceteræ resolutiones exprimuntur nomine generis cum parte afflicta, vt παραλύσις ani, vesicæ, linguæ, digiti. Accidit quoties animalis spiritus à cerebro per nervos motorios, utpote frigore incrassatos, obstructos, compressos peruadere non potest. Quæsitum est an sit affectus nerui

motori, ac potius muscoli, cum sit precipuum motus voluntarij instrumentum? Responsum. Pati muscolum per neruum, affici in sua parte neruosa, non carnosam.

Paralysis dignoscetur; quod membrum sese erigere non possit. quinimo, si ab altero attollatur, mox pondere suo cadit. Deinde quod quemadmodum membrum conuulsum retrahitur, ita resolutum exteditur, relaxato, atque ut ita dicam, mollificato neruo: fit enim ab humore aqueo humectato neruo, ut conuulsio ab humore crasso, viscido, secundum cavitatem non substantiam repleto neruo, propterea extenditur in latum, sed minuitur longitudo

Ex Fernel.
lib v
pa holo.
c. 3.

Quæsitum est, si paralysis fieri possit à bile. Ita videtur, quia succedit aliquando febribus biliosis, criticè materiâ ad neruorum principium transmissâ. Respondetur fieri quidem à bile, sed per accidens, quia permixta pituitâ illam fundit.

Generalis quidem resolutio est affectus valde acutus. At particularis est morbus longus & propemodum insanabilis. Senes potius quam iuuenes, hyeme potius quam æstateprehendit. Senes nunquam perfectè conualescunt, iuuenes difficillimè, eoque minùs si inueterauit. Quando membrum paralyticum extenuatur & ἀτρεφία contabescit, & natium colorē amittit, non sanescit: quia non tantum animali, sed etiam vitali & naturali facultate priuatur, adde quod indicationes sunt contrariæ. Extenuatum enim membrum vult humectari, resolutum deficcari. Si motus in membro propter incisum

Prognosis.

neruum perierit, est irrecuperabilis : neque istius paralyfis suscipienda est curatio.

Curatio.

In hoc affectu phlegmagogis corpus non semel repurgandum, cum sit morbus longus; hyeme ergo præscribatur massa pilularum, æstate syrupus solennis.

℥. massæ pilularum fœtidarum (quæ attrahunt humores putres & fœtidos) pilularum de sagapeno, pilularum de hiera cum agarico, añ 3. i. cum syrupo de stæchade fiat parua massa : de qua capiat bis aut ter in mense 3. j pro dosi. Aërius, Trallianus & Auicenna suadent vt à venæ sectione curationem ordiamur : vena autem partis sanæ aperiatur, non resolutæ & sanguis parciore manu mittatur, ne nerui magis magisque refrigescant. Consulendum imprimis capiti, vt parti mittenti, sacculis, litu, cucufa ad roborandum & exsiccandum. Tandem cauteria multa in capite, ad fontanellam, in inio; masticatoriis non neglectis & errhinis. Membro verò resolutò applicabis dropacem, atque etiam sinapismum, vt spiritus & calor eò attrahantur, tentatis primùm leuioribus, qualia ad stuporem præcesserunt, vt oleo de cinamomo, de nucem moschata, costino, vulpino, vnguentis nerualibus, præsertim martiato. Sinapismi sic hæc formula. ℥. ficuum 3. ij. macerentur vno die in aqua, deinde terantur, addendo sinapi 3. j. in naturis robustis & inueterata paralyfi, adde sinapi parem quantitatem, in pueris & mulieribus 3. β. tantum, fiat sinapismus, vt incalescat membrum resolutum. Si placet ad

*An vena,
& qua
aperienda*

Topica.

Sinapismus.

eundem finem, affiges siccam cucurbitulam, primùm origini nerui motorij, deinde partibus consequentibus, descēdendo paulatim ad partem resolutam. Aqua theriacalis benefacit paralyticis, quotidie mane sumant vnum cochlear, cuius inopia ℥. florum anthos lb. j. theriacæ veteris ℥. i. aquæ saluiæ lb. ij. distilla in balneo mariæ, vt ut aqua theriacali. Balneum sulphureum à plerisque commendatur. Paratur ea proportionē, vt pro libra aquæ centum sumatur sex sulphuris. Malim thermas sulphureas, vt Spadenses aut Niuernenses, quæ cum constent vitriolo & sulphure, magnam habent vim siccandi natura præstat arti. Non tantum aquæ ingeri debent, sed corpus in balneum immergendum; lutum parti resolutæ applicandum forma cataplasmaris.

*Aqua
theriacalis.*

*Therma
sulphurea.*

Memineris interdicerē vino, præsertim ante decimum quartum diem, cuius loco vtatur mulsa, in qua maioranæ nodulus bullierit. Parabitur ea proportionē, vt pro lb. j. aquæ sumatur vncia vna mellis, bulliant dum mel despumaret, hoc est ad consumptionem tertiæ partis.

Mulsa.

Non est omittendum sæpe paralyfim succedere colicis doloribus, materia tenui & calida ab intestinis ad spinam translata. Quæ paralyxis Melunensibus est familiaris, quam Tralilianus & Paulus notarunt, vsu refrigerantium quasi miraculo percurari.

DE AΠΟΠΛΗΞΙΑ.

CAP. XII.

*Apoplexia
definitio.*

Apoplexia est subita priuatio sensus, motus & principum functionum, cum difficultate respirandi; qua nota à veteriosis & catalepticis distinguitur Quo difficilius spirat, eo periculosius agrotant, quia maior obstructio indicatur, propter quam animalis spiritus ad respiratorios nervos transmitti non potest.

*Aph 42.
sect. 2.*

Apoplexiam fortem soluere impossibile est, leuem difficillimum; distinguuntur stertore, &

Aph. 43.2

spuma. Rhasis admonet, quoties apoplectici spumant, deferendos esse sine auxiliis. Strangulati si spuma ad os fertur, statim intereunt: quod est in plurimis, non in omnibus verum: quia quidam cum spuma conualuerunt, verum non perfectè, quia desinit in paraplegiam. Rhasis tribus notis apoplecticum discernit. Si iaceat veluti dormiens: Si stertat sine somno: Si non sentiat dum pungitur.

*Signa dia-
gnostica.*

Memineris obseruare imprimis pulsum, vt apoplexiam à syncope discernas. Nam apoplecticorum pulsus est plenus & fortis, sub syncope paruus & languidus. Cognito morbo, priusquàm de remedio cogites, distingue sanguineam à pituitosa. Ego non semel dissecto cranio apoplecticorum, obseruauì copiam sanguinis per cerebrum effusam aperta aut exesa aliqua vena: quæ non tantùm cerebrum secundum

omnes suos ventres implebat, sed illius totam substantiam madefaciebat. De pituitosa idem sentiendum est.

Sanguinea laborant iuvenes, sanguinei, vere aut æstate, quibus etiam sanis facies est rubicunda, venæ frontis & oculorum tument, & qui merum liberalius bibunt: vinum enim moderatè sumptum, auget quidem nativum calorem, sed copia illum obruit, crapula refrigerat cerebrum; propterea popinones maximè omnium sunt apoplexiæ obnoxij, de quibus obiter notabitur hîc *Aphorif. quintus lib. quinti*; Si quis ebrius obdormiat, neque excutiscatur quo tempore vini vapores excuti solent, convulsus morietur, nisi febris accesserit: Multis, quos videbam indormire mensæ, prædixi mortem repentinam, inquit Valescus; non defuit euentus. Sed cur præ cæteris apoplexiæ sunt obnoxij homines pingues, quibus collum est breue: quia non est liber commectus vitalis spiritus à corde ad cerebrum: Carotides illis facilè obstruuntur: Si quibusdam pituita arterias soporarias obstruat, non aliter quàm si laqueo collum premeretur, strangulari moriuntur. Sed cur tam studiosè apoplexiæ sanguinea à pituitosa distingui debet: quia in sanguinea vnicum & singulare remedium à phlebotomia expectandum est; incidenda mox, etiam non iniecto enemate, vtræque cephalica, deinde venæ frontis, & temporum: iugulares ausi sunt quidam secare pro extremo remedio. In pituitosa licet ne venam aperire? Non videtur, ne cerebrum priuatione

Nota apoplexiæ sanguinea.

Cur pingues collo breui obnoxij apoplexiæ.

Phlebotomia an
conueniat.

sanguinis magis magisque refrigescat; veruntamen apoplexia est symptoma tam acutum, ut primo die sæpe iugulet, proinde à purgatione maius fortassis, sed non æquè præsens auxilium ante perfectam operationem cathartici, fortassis æger morietur, commotis, non purgatis humoribus. Propterea Aëtius: phlebotomia, inquit, aut apoplecticos seruat, aut citò perimit: seruat si fuerit sanguinea, perimit si pituitosa. Et Celsus, si à venæ sectione non redeant apoplectici sensus, motus, mens, vox aut spiratio liberior, desperatum est, nihilque ab aliis auxiliis sperandum: verùm si venæ sectione aliquantum leuatus videatur, iteretur: vix enim aliud remedium proderit, si hoc non proficit.

Fiant frictions totius corporis deorsum, si subnixus non possit ambulare. Clysteres acres sæpe & sæpe iniiciantur, quorum hæc sit formula. ℞. beton. salu. maior. hyssopi, thymi, pulegij, chamæmeli, añ. M. j. foliorum sennæ mundatorum, & turbith, añ. ℥. β. fiat decoctio. In colaturæ lb. j. dissolue mellis-mercur. ℥. ij. benedictæ laxatiuæ, aut hieræ colocynthid. ℥. β. fiat clyster sine oleis. Possis hieræ colocynthid. ℥. β. aut pilularum cocciarum ℥. ij. dissoluere in aqua saluiæ, aut betonicæ, & per infundibulum propinare; amara enim non sentiunt. Vtiliter etiam, in frigida potius quam in calida, exhibentur aqua vitæ, theriacalis, imperialis, aut mithridatium, & theriaca, aquis saluiæ calendulæ dissoluta. Olea chymica, caryophyllorum, nucis mos-

chatæ, thymī, vitrioli, in os & nares immittantur ad aliquandam pituitam. Si placet, nares, & palatum fricentur diaphœnico, benedicta laxatiua. oxymelite scillitico. Admouendum capiti emplastrum ex sinapi, melle, aut caricis. Si malis paretur ex sinapi, castoreo, pyrethro, euphorbio, exceptis cera & mastiche liquatis in oleo aliquo cephalico, cuius loco sartaginem ardentem prope futuram admouebis. Sed hæc, vt pituitosæ apoplexię profunt, ita sanguineæ & calidæ nocent.

CATALEPSIS, ET

Catoche.

C A P. XIII.

Cataleptici non aliter, quàm apoplectici, Caut caro detenti sensu, & motu priuantur: verùm ab apoplecticis facile distinguuntur, quòd liberè respirent; à veteriosis, quòd oculis apertis præsentibus intueantur. Quidni (dices) Catalepseos causa. illis palpebrę clauduntur? quia cataleptici à frigido sicco, superiores affectus à frigido humido: atqui frigore sicco ita tenduntur nerui, vt claudi non possint: frigore humido relaxantur. Dicuntur etiam à Galeno catochi & χετοχόμυλοι congelati, apud quem commentario 2. ad 1. prorrheticā legere possis historiam cuiusdam cataleptici, quem leui admodum catalepsi laborasse existimo: nam audiebat, videbat, præsentibus discernebat,

quinetiam soluta accessione, quæ solet esse trium aut quatuor dierum, meminerat eorum, quæ dicta aut facta erant: catalepsi autem cum afficiatur cerebrum parte posteriore (ubi principium est nervorum & sedes memoriæ) si vehemens fuerit, vix potest integra manere memoria. Fernelius vidit duos priuatos omnî sensu & motu, qui neq; cernebāt, neque audiebant, neque puncti sentiebant: permanserunt in eo statu in quo erant cum primū affectus inuasit, vnde nomen symptomati, ἀπὸ τῆς κατὰ νῆξιν: si te scribentem prehēdat, calamum retinebis manu. Sanè non potest melius exprimi congelatio, siue catalepsis, quàm à Theonesto, libro quem scripsit de *veterinaria*. Italiam petentes (inquit) cum Alpes superassemus, repente tanta vis niuium circiter horam primam decidit, vt passim milites veluti congelati morerentur, equites distenti, & rigidi manebant equo superstitite, qui omnes suo loco & ordine incedebant: omnes enim, veluti agglutinati suis equis, vix poterant auelli. Quòd si equus aliquis obriguisset, perstabat, & vndique fixus in vestigio manebat.

Catalepsē.
oscuratio.

Causa igitur cum sit frigus siccū, vel externum & immateriale: vel internū, vt vapor quidā humoris melancholici cerebrū, & nervos motorios obstruens, remediis cerebrum & nervos valdè, calefacientibus opus est, oleo liliorum, vel chamæmeli, cū castoreo, aut euphorbio: nisi malis solo oleo de castoreo, vel de euphorbio nervos, spinam & cerebrum illinere, iisque aquæ vitæ guttulas aliquot immiscere. Extra paro-

xyssimum, qui, ut dixi, non solet produci ultra tres aut quatuor dies, purgetur humor melancholicus, à cuius fumis frigidis & siccis cataleptis excitatur, nisi habeat externam & manifestam causam, ut aëris frigidam siccam intemperiem, cuius remedium ita describit Quintus Curtius 8. *sue historiae*: Memoriae proditum est, quosdam arborum truncis non solum viventibus, sed etiam colloquentibus similes conspectos, durante habitu in quo mors quæque prehenderat: qui ut summo frigore obriuerant, ita accensis ignibus tandem sanitati restituti sunt.

DE MOTU VOLUNTARIO,
deperdito & deprauato, ac primum
de Conuulsione.

CAP. XIII.

ADhuc de motu abolito. Deprauatur autem conuulsione (ad quam pertinent spasmus cynicus, seu oris tortura, & epilepsia:) Tremore quoque & iectigatione, siue subsultu, de quibus superest ut differamus.

Conuulsio est contractio inuoluntaria musculi versus suum principium. Tensio neruorum dicitur a Celso, quia musculi per neruos, sua parte neruosa distenduntur. Est autem generalis aut particularis. Vtraque à repletionem aut inanitionem: Per se, aut per consensum; vera, aut non vera. Ad hanc pertinent singulus &

Conuulsio-
nis defini-
tio.

Differen-
tia.

epilepsia. Conuulsio totius est triplex, *empro-*
sibotonos, cum corpus ante; & *opisibotonos* cum
pone conuellitur; & *Tetanus* seu rigor, *velati ex*
*utraq*ue constans conuulsio, cum *cervix* manet ri-
gida & *immota*, neque ager collum, aut corpus in
istam, aut illam partem pro arbitrio inflectit.

Curatio
conuulsio-
nis à sicc-
tate.

Conuulsio à siccitate ferè succedit febribus
ardentibus, hemorrhagiæ immoderatæ, diar-
rhææ longæ, vigilijs, inedia, causis denique ina-
nientibus, & nervos desiccantibus, ut im-
modicæ veneri: quæ etiam si sit insanabilis, quem-
admodum quæ ab elleboro. tamen pronun-
tiato euentu, ut leniatur malum, & dulcius mo-
riatur conuulsus, mergatur in balneum ex hy-
drelæo paratum: sit autem hydrelæum ex oleo
cocto cum aquæ sex partibus. Si placet, parabi-
tur ex lacte: Interim tota spina aliquo oleo re-
laxante & chalastico, ut liliorum, amygdala-
rum dulcium, butyro recenti liniatur.

A repletio-
ne.

At conuulsis a repletionemox incidatur ve-
na, & liberaliter mittatur sanguis ex aduerso,
propter morbi magnitudinem, eoque libe-
ralius, si succedat inflammationi. Purgentur
pilulis fœtidis, addendo singulis dragmis
castorei ʒ j. Nam Gal. cap. de Castoreo, ad
conuulsionem à repletionem non habet maius
aut promptius remedium. Itaque detur drag-
ma illius cum hydromelite quotidie, aut cum
aqua saluiæ, betonicæ: addendo syrupi de stœ-
chade cochlear vnum. Si placet, in generali con-
uulsione caput & cervix oleo de castoreo inun-
gatur; in particulari, origo nervi retracti cum
membro conuulso, ut septima vertebra retra-

Castorei
vis.

Topica.

cto

Oto brachio; os sacrum, contracto crure. Aut vesicę eodem oleo semiplenę membro conuulso vicissim applicentur calidę: refrigerantia enim omnia remedia nocent. Rhasis etiam magni facit oleum costinum; benefacit vnguentum de althea. Statim a litu, membrum conuulsum aut resolutum inuoluatur pelle vulpis, aut lupi (si fieri potest) recens occisi; alioquin inungatur oleo costi, aut de castoreo, deinde conspergatur ex puluer. florib. anthos. stœchad. añ. p. j. nuce moschata caryophyllis. Hippocrates commen- Aph. 2. dat affusionem frigidę, vt subito occurſu fri- sect. v. goris calor retractus in viscera conuellentem humorem coquat & resoluat. Sed remediũ est plenum periculi, non vsurpandum nisi media æstate in corpore eusarco: potuit Græcis prodesse, Gallis non æquę. Item, conuulsis a repletionē febrem superuenire, bonum, quia dissoluit causam: neque propterea arte febris excitari debet. Vtiliter membrum conuulsum vt resolutum immittitur in vulnus bouis recens occisi. Perfumetur pars conuulsa fumo sequentis pulueris. ℞. florum anthos, stœchados, betonica, añ. p. j. nucis moschata, caryophyllorum, & castorei, añ 3. j. fiat puluis crassus, cuius portio, proiciatur in prunas; æger interim vaporem recipiat membro conuulso. Nisi malis vini in quo nerualia bullierint, aut aceti scillitici vaporem. Dropax utilis est obstinato malo, pix fundatur in oleo costi, adde aliquid castorei.

Vt ℞. picis 3. ij. plus minus pro partis magnitudine, liquetur in quarta parte olei costini, adde semunciam castorei, fiat dropax. Ad ori-

Dropax
ubi conue-
nit.

f

ginem nervi quidam applicant cucurbitulam ficcā, alij cauteria præferunt. Si retracta sint crura coxis & ultimæ vertebræ; si manus, primæ vertebræ dorsi applicentur; in spasmo cynico, ponè aures & in ceruice; in tetano, ceruici & scapulis. Hæc de convulsione primaria.

*Convulsio
per sympathiam.*

Puncturam quidam reducunt ad siccitatem. Accidit autem aliquando per consensum, ut morfu animalis venenati, scorpionis, serpentis, vel puncto nervo, aura maligna ad principium nervorum sublata: qualem non tantum ab externa, sed etiam ab interna causa excitari demonstrat Gal. 3. *de locis affectis*, præceptoris sui Pelopis exemplo. Cōuellitebatur enim per longam inedia, stomacho à bile demorso. Huic dato vomitorio succurrendum est: illi cardiacis, ut datâ theriacâ & admota, suctu, cucurbitulis, ut venenum foras attrahatur, cauterio actuali, ut putredo & venenositas omnis tollatur: Ignis enim domat omne genus veneni.

Ignis vires.

Prognosis.

Cæterum, ut notat Paulus, quando solum labrum, vel palpebra, vel lingua conuelluntur, quia partes sunt exiguæ, vulgò levis affectus videtur; est tamen gravis, & plenus periculi, quia aliquid gravius, ut apoplexiam, minatur.

DE SPASMO CYNICO.

C A P. XV.

Spasmodum cynicum vulgus appellat torturam oris, ac si maxillarum sola convulsio-

ne, seu neruorum & musculorum maxillarium contractione perpetuo os intorqueatur. Verum certum est, hanc faciei deformitatem sepius accidere paralyfi, seu eorūdem neruorum & musculorum relaxatione. Plurimum autem refert vnum ab altero discernere, ne applicentur remedia parti sanę, non ægrę. Distinguuntur autem quinque notis. Prima, quod sub paralyfi pars sana (vtpote sicciore) trahit ad se ægram (vtpote laxam, & sequacem:) at sub conuulsione pars egra cum sit tensa, frigida, contracta, trahit ad se sanam. Secunda, quod sub paralyfi multa est, & frequens saliuatio, cum fiat ab humore tenui. Sub spasmo cynico, seu canina conuulsione, nulla: eò quod sit ab humore crasso & sicco. Tertia, quod sub spasmo melius os clauditur, quàm sub paralyfi. Quarta, quod maxillę resolutę nullus aut perexiguus inlit sensus, nullus dolor. Postremo, quod spasmo afficiuntur nerui parte externa, hoc est in suis tunicis: paralyfi, interna, id est in medulla: humor enim crassus, & siccus qui conuellit neruum, illius interiora seu medullam subire non potest: Qui vero committit paralyfin, cum sit tenuis & fluidus, facile ad medullam sese insinuat.

Differentia paralyseos à spasmō cynico.

Ad spasmum præmittantur generalia, purgatio ex pilulis fœtidis cum castoreo, venę sectio, primum in brachio, deinde sub lingua. Admoueantur ceruici cucurbitulę, moueatur sternutatio, insufflato castoreo, mastice saluiam, pyrethrū, teneatque sepe in ore nucem moschatam conditam, aut zinziber conditum,

f ij

aut aliquid opiata ex conseruis nerualibus, saluię, anthos, stœchados, cum pauca nuce moschata condita. Vtatur gargarismo ex syrupo de stœchade, vel oxymelite scillitico cum aqua saluię, betonicę, aut maioranę. Olea, & vnguenta nerualia, vt costi & de castoreo pro litu colli & faciei imperentur. Tandem cauteria ponẽ aures, & in ceruice. Vide ne topica ad-moueas parti sanę.

*Topica ubi
admonen-
da.*

DE EPILEPSIA.

CAP. XVI.

PRæter tres differentias generalis conuulsionis quædam est periodica, quę per interualla inuadit, cum mentis & sensuum læsione, quę epilepsia nominatur, morbus facer, & planẽ Hercules. Ex omnibus conuulsionibus cum sola epilepsia statos habeat paroxysmos, hac sola nota à cæteris potest distingui. Primarię accessio inuadit, obstructis anterioribus ventriculis cerebri: nunquam enim fit ab inanitione. Obstructionis causa, intemperies frigida, quę materiam paulatim congerit: congregatus humor in cerebro tandem opplet ventres, inde paroxysmus: conuellitur corpus dum cerebrum sese comprimit, vt excutiat humorem vel flatum obstruentem.

*Epilepsia
primaria
causa.*

*Cur pueri
epilepsia
obnoxij.*

Morbus est pueris familiaris, propter ingluuiem, & cerebri humiditatem. Verum aucto calore per ætatem, resiccatur cerebrum, & spõ-

tè, saltem leuissimis auxiliis, sanescunt: Accedit seminis & menstrui noua & insolens excretio. Quòd si non terminetur intra annum 25. commorietur: epilepsiam enim per cōsensum, non primariam sanarunt, qui se quadragenarios epilepticos persanasse gloriantur. Gordonius multos curauit & ab aliis curatos vidit, sed neminem vidit persanatum: Quando eò pro-
Prognosis.
 cedit malum, vt cadentes clament, dentibus strideant, spument, aut semen inuoluntariè emittant: si mens lædatur, aut neruorum fiat resolutio, conclamatū est: Vix autem sanescet, cuiuscumque ætatis fuerit, cui totum corpus simul afficitur, nullaque in parte sensus est venientis mali, sed ex improviso concidit: Aliquando accessio est tam leuis, vt ab Auicenna spasmus insensibilis dicatur. Sed hunc credibile est fieri per consensum à vapore aliquo ex partibus inferis, vt liene, ventriculo vel vtero ad cerebrum translato: nam epilepsiæ primariæ solent esse longiores & grauiore, paroxysmi interdum conuulsorij quo signo imprimis discernentur; deinde quòd primariam præcedant grauitas, & dolor capitis, caligētque oculi, vt est apud Trallianum.

*Signa
 diagnosti-
 ca prima-
 riæ ab ea
 quæ per con-
 sensum.*

Remedia generalia, hyeme purgatio, ex pilulis fœtidis cum castoreo, aut de hiera cum agarico. Æstate syrupus solennis. Venæ sectionem in brachio laudat Aurelianus (si cætera consentiant) Celsus præfert saphenam. Notabis à recentioribus, vt apoplexiam, sic epilepsiam quoque sanguineam obseruari, in qua licet audenter mittere sanguinem. Detur per ali-
Curatio.
 f iij

*Hidroti-
cum.*

*Ambra
grisea odo-
rata.*

*Remedia
antepilep-
tica.*

Cap. 134.

*Gordonij
magiste-
rium.*

quot dies 3. j. castorei cum 3. s. oxymelitis scil-
litici, dissoluē in aqua, aut decocto seminis &
radicis pæoniæ. Erthinis, & masticatoriis de-
pleatur cerebrum: Pentaphylli decoctum, vt li-
gni sancti aut sarzæ parillæ, vtiliter datur, quia
sudores mouet. Applicentur scapulis cucurbi-
tulæ, cauteria in caua occipitis, aut ad fonta-
nellam Cerebrum sacculis plenis milio & sale:
cucufa, emplastro de betonica exsiccetur: Pa-
retur opiata ex conseruis cephalicis cum mi-
thridatio veteri, addendo epileptica quæ iuuāt
proprietas, vt vngulam alces, cranium huma-
num, viscum quernum, aliquid pulueris diam-
bræ, aut diamoschi: ambra enim grisea fre-
quens odor imprimis a Syluio commendatur:
Gal. 10. *simplicium*, laudat coaguli leporis
quantitatem erui, sumptam ex aceto. Alij ra-
mentorum eboris 3. ii. quotidie manē sumptas
cum hydromelite. Alij gestant vngulam alces
pala annuli inclusam. Radix Pæoniæ quotidie
frigatur cum butyro & edatur. Sit vsus fre-
quens conseruæ ex floribus Pæoniæ: Quinde-
cim grana fructus Pæoniæ siccata, deinde trita,
ex aqua aut vino vtiliter dantur, autore Diosco-
ride *libro tertio*, quod est Pauli & Aëtij experi-
mentis comprobatur.

Mihi præ omnibus probatur hoc Gordonij
magisterium. ℞. ambra grisea, seminis pæo-
niæ, & styracis calamitæ, añ. 3. j. ladani, ma-
stiches, caryophyllorum, & ligni aloes, añ. 3. iij.
moschi gr. v. fiat confectio cum aqua rosarum,
quæ diuidatur in tres partes. Ex prima fiant pi-
lulæ sumendæ noctu, scilicet pilula vna. Ex se-

cunda, pomum frequenter odorandum. Ex terra, trochisci, quorum vnus proiciatur in prunas: epilepticus inspiret vaporem.

Cæterum alia sunt morbi, alia paroxysmi remedia. Castoreum olfactum, ruta naribus admota, aut oleum aliquod tenuium partium in aures instillatum: vt anethi, cinamomi, castorei: Theriaca in os immissa ab accessione releuant: Vnguibus occiput scalpendum, vel cadentis sanguine labra oblinenda. Valescus auctor non contemnendus affirmat se multoties expertum epilepticos mox resurgere, si ter in aurem hæc infusurentur.

Paroxysmum soluentia.

Gaspar fert myrrham, ibus Melchior, Balchazar aurum,

*Hæc tria qui secum portabit nomina regum;
Solvitur à morbo, Christi pietate, caduco.*

Non est prætereundum aliquando à vermibus epilepticos insultus aduenire, quibus deturbatis, disparent. Aliquando ab aura putri, & venenata, quæ assurgit ex aliqua parte, vlcere fortassis carioso: liganda tum erit pars supra mineram siue focum: applicetur verò parti cauterium, vt via pateat auræ putri & venenatæ, simulque putredo sistatur. Sentiebat aliquis à tibia inferna vaporem efferri, cauterio potentiali tibiæ applicato sanatus est. Alter a putri & carioso cranio per suturas aliquid transmitti, qui conualuit admoto pyrotico. Abstineant coturnicibus; turturibus autem frequenter vtantur, ex corio capræ confectas chirothecas ne gestent. Confertne vomitus epilepsiæ. Distinguo: confert quidem ei quæ accidit per

Vermes & aura venenata causa epilepsiæ.

Animæ vitanda.

consensum ventriculi, nocet primariae.

DE STERNUTATIONE.

CAP. XVII.

Sternutatio bonum signum in mala causa.

Sternutatio tam affinis est epilepsiae, ut illam quidam parvam epilepsiam appellarint. Sub utroque affectu cerebrum sese vehementer comprimit ut noxium excludat, bonum signum ex mala causa: Bonum signum, inquam, quia expultricis robur indicatur: Ideo enim instante morte nunquam sternutant aegri, quia languet excretrix. Quod si sternutatorio aliquo insufflato, ut pipere aut castoreo non sternutant, moriuntur. Ex mala causa, nempe humore, aut flatu mordaci, suaeque qualitate, ut acrimonia, excrettricem irritante. Fortassis apud nos inualuit haec consuetudo, ut bene precemur sternutantibus, ac si rogemus Deum, ut liberet illos ab epilepsia.

Prognosis.

Parturientibus quidem utiliter accidit, quia faciliat partum. Hippocrates iubet, ut arte provocetur ad excludendam secundinam morantem. At infelicitur aliquando aduenit, ut initio catarrhi, quia caput replet, eoque infelicius, si materia cruda in thorace fuerit collecta. Frequens sternutatio in morbis plurimum lethalis Haemorrhagiae quoque nocet plurimum.

Curatio.

Distinguendae causae, quae immodice, & intempestive sternutationem commouent, ut unicuique suum remedium opponatur. Esto causa hu-

moris alieni in cerebro contenti acrimonia, vel *Vbi à cau-
sa calida.*
sternutatorium acrius, vt ex elleboro insuffla-
to; refrigerantia naribus admouebis, vt oleum
rosaceum, violaceum, nenupharinum: vel offe-
res odorandum lintheum, aqua stillatitia aut de-
cocto rosarum, violarum, florum nenupharis
intinctum, aut oxycratum attrahat naribus, pa-
ratum ex aqua rosarum, & pauco aceto. Cau-
sæ verò frigida, vt pituita putri & flatulenta *A frigida*
oppones decoctum ex cephalicis calidis, beto-
nica, maiorana, & floribus chamæmeli. Oleum
etiam lauri, anethi, chamæmeli in aurem vtili-
ter instillatur. Spongia aceto imbuta naribus
admota, immergenda manus in aquam fer-
uentem. Basilicæ herbæ frequens odoratus cre-
ditur proprietate sedare sternutationem. Hol-
lerius tamen inde natum scorpionem in cere-
bro obseruauit. Vulgi remedium est perfricare
interstitium, quod in radice nasi vtrique oculo
interiicitur, frontem, collum, oculum: frictio-
ne enim cerebrum incalescit, & flatus discuti-
tur. Cæterum vehemens sternutatio non tan-
tùm est deprauatus & violentus motus cerebri,
sed etiam colli & thoracis: illius enim muscoli
cooperantur ad vehementem sternutationem.
Propterea, vt dixi, nocet initio destillationis in
pulmonem, quia materia adhuc cruda frustra
commouetur.

DE TREMORE.

CAP. XVIII.

*Tremoris
causa posi-
ua.*

*Curatio
tremoris
ab hydrar-
gyrosi.*

*Olei de
sulphure
preparatio.*

Tremor est motus de prauatus propter imbecillitatem aut obstructionem neruorū: ideo senes sunt tremuli, neruorum & motricis imbecillitate, qui tremor est insanabilis, quia cum ætate augetur illa imbecillitas. Accidit etiam neruis perfrigeratis, & debilitatis, venere immodica aut crapula, nec non potu frigide, balneo aut aëre frigidiorē. Denique omnibus quæ debilitant & refrigerant neruos. Cui causæ succurrendum est remediis quæ ad stuporem præcesserunt: Tremor enim & stupor sunt præcursores paralysis, in eamque degenerant, si perseuerent. Tremori à crapula peculiariter medetur oleum paratum ex trifolio vulgari: Alia occasione tremunt membra, videlicet ministris aurificum inauratoribus, propter assiduum contactum argenti viui. Aliquando etiam propter luem veneream, diutiùs aut copiosiore hydrargyro inuncti, toti tremunt horrentque, quibus singulariter medetur oleum de sulphure, quod ita parabitur. Sulphur feruescat in aqua vitæ, vsque dum enater liquor, quem oleum appellant; qui excipiat cochleari pro litu articularum. Aliquoties commutanda erit aqua, dum satis olei collectum sit. Quidam conseruis cardiacis rosarum, violarum, buglossi, borraginis, melissæ, immiscunt

puluerem auri, & inde paruum bolum conficiunt. Alij scobem limatam exhibent cum vino. Certo enim experimento aurum ad se attrahit argentum viuum. Parcendum hîc venæ, sed multo magis in superiore causa, siue immodica venere, nisi complicatus aliquis morbus, vt angina, aut pleuritis hoc suadeat.

Est altera causa tremoris, nempè obstructio neruorū, propter quam facultas motrix à cerebro per spinā ad neruum motorium liberè non appellit: Est enim tremor, motus compositus ex animali & naturali: anima, id est, animalis facultas, conatur membrum attollere, sed cūm satis potens non sit, à natura, id est, pondere suo, deprimitur. De hoc tremore scripsit Hippocr. libro 6. aphorif. aphorif. 26. febribus ardentibus aliquando superuenire tremorem, materia febrifica ad neruorum principium siue ad spinam translata, qui, vt ait Galenus libro de tremore, vacuato illo humore febrili sanescit.

Causa tremoris priuatiua.

Tremori ab obstructione utilis est venæ sectio. *Curatio.* Verūm quæ vena secāda? Hippocrates puerperę tremule, quod lochia non liberè erupissent, aperuit saphenam; sed causa tremoris erat manifesta, & quoties à suppressis mensibus tremor adueniet, imitandum erit Hippocratis cōsiliū, alioquin aperienda erit basilica, sed parciore manu mittendus erit sanguis quā morbus postulet: Præstat enim in affectibus neruorum, vt paralyfi, conuulsione, tremore, infra subsistere ne refrigescant nerui iam per se frigidi; accuseturque remedium, alioquin peruti-

*Topica.**Therma
perutiles.*

le. Cucurbitulas etiam admovebis spinæ: sicque ad fontem fluxionis, ipsumque cerebrum, ut partem mittentem prospicies. Nisi, ut dixi, evidens sit causa, ut suppressi menses, aut lochia, aut materia febrifica ad spinam translata. Topica sint nerualia, ut oleum vulpis, costi, de castoreo; vnguenta nerualia. Opiata ex conservis betonicæ, anthos, acori, stœchados, mithridatio: Castorei 3. j. sæpius data cum hydromelite. Obstruens humor resoluatur & imbecilli nervi roborentur. Purgentur pilulis fœtidis, vel de sagapeno. Benefacit etiam hidroticum, ut decoctum ligni sancti, thermæ Spadenses, Niuernenses, balneum sulphureum. Paulus tremulos à nervis desiccatis, ut cum tremor succedit febribus ardentibus, mergit in hydrelæum, non aliter quàm convulsos à siccitate. Lac caprillum prodest tremori à quacunque causa, quemadmodum & vrina pueri quotidie à ieiuno epota.

DE IECTIONE SIVE
subfultu membrorum.

CAP. XIX.

*Subfultus
criticus.*

Subfultus valdè affinis est tremori. Tremunt enim membra, sed longioribus intervallis. Accidit multoties febrientibus, significatque materiam rapi ad cerebrum, nervos aut partes nervosas, ut meningas vellicari à fumis mordacibus. Observavi non semel ingen-

tem subsultum instante crisi: metuebant affi-
dentesne quid sinistri contingeret: sed conse-
quebatur generalis & calidus sudor, qui fe-
brem perfectè terminabat. potest referri ad pal-
pitationem: partes enim molles & dilatabiles,
dum à flatu attolluntur, simul totum membrum
extollunt, quæ mox suo pondere recidunt: adeò
ut subsultus videatur palpitatione generalis, ut
palpitatione subsultus quidam particularis par-
tium mollium & dilatabilium tam externarum,
ut frontis & genarum; quam internarum, ut
cordis, ventriculi, uteri, intestinorum. Con-
clusus flatus intra tunicas ventriculi, palpi-
tationem efficit.

Remedia sunt, ut humorem peccantem pur-
ges, & flatum discutias. Purgabis pilulis de hie-
ra cum agarico. Resolues flatum, litu ex oleo
carminante, ut lauri, anethi, rutæ. Habebunt
singulæ palpitationes, ut cordis, ventriculi, suo
loco sua remedia. *Curatio.*

Quoties generalem subsultum in febribus ob-
servabis, toties ægrum audenter purgabis, ut dia-
pruni solutivi ʒ. vj. ad reuellendam bilē & à cere-
bro retrahendam, alioquin periculum est delirii. *Modò non
instet cri-
sis.*

DE EXCRETORVM RETEN-
torumque ametria exercitatio tertia.

C A P. XX.

PRæcesserunt symptomata primi generis, *Hip. lib. de*
quæ ad actionem læsam pertinent: Instat *glandulis.*

*Varia flu-
xionū via*

In oculos.

Nares.

*Fauces.
Gal. lib. 6.
sec. loc.*

*Columel'ā.
Aspiram
arteriam.
Œsopha-
gum.*

Venas.

ut de secundo genere differamus. Immoderatio in excretis contingit, quoties cerebrum, vel quātitate materiæ grauatum, vel eiusdem qualitate, ut acrimonia, irritatum, onus in totum, vel in subiectas partes deponit, vel in patentes & ordinarios ductus, nares, os, palatum; vel occultos, neruos, venas, arterias: hinc cerebrum non absurdè omnium morborum parens perhibetur, fluxione facta in oculos per tunicas, quæ à meningibus oriuntur, aut per neruum opticum, fiunt ἀμύωσις, vulgo *gutta serena*, repentina obstructio nerui optici, quæ visum eripit: ἐπιφωρὰ quoque seu lachrymatio inuoluntaria, suffusio siue catarracta. Si per nares liberalius tenuis humor destillet coryza dicitur, quæ acrimonia sua aliquando nares exulcerat, ex vlcere simplici sæpè fit putre, quod ozena dicitur. Inde etiam est polypus, excrescentia carnis in naso. Quod si destillatio descendat in os, propriè tum catarrhus dicitur, quanquam & ἐδύμα seu destillatio omnis quandoque, ita, generaliori nomine, nuncupetur. Si in fauces, raucedo siue branchus. Si in gurgulionē, staphyle. Quod si à faucibus per asperam arteriam deerret in thoracem, morbo thoracicos inducit, ut pleuritidem, phthisim, asthma, catarrhum suffocātem. Si per œsophagum descendat in ventriculum, illum relaxat, appetitum, & coctionē peruertit, diarrhœam deinde parit, lienteriam, colicum dolorem. Quod si per venas diffluat, febrem excitat catarrhalem affectū rheumaticū, ἀπρωφίαν, γαχεφίαν, λθυσόφλεγματίαν, tota massa sanguinis à catarrho cō-

taminata. Si per arterias transmittatur, compa-
 tiente corde per aortam, frequens vrgebit syn-
 cope, difficilis palpitatio. Si per nervos fera-
 tur, nascentur affectus nouissimè commemo-
 rati stupor, tremor, paralytis, conuulsio. Vidi
 sæpe luxatas vertebrae catarrho per spinam de-
 scendente; vrget tum dolor in dorso aut in
 lumbis, impeditur motus, vixque potest erigi
 corpus. Hinc gibbi, claudicationes, ischiadi-
 ci cruciatus. Fernelius ab exteriori cerebro
 existimat oriri arthriticos dolores. Sanè à ce-
 rebro ferè semper oriuntur, sed ab interiore,
 facta fluxione per venas, arterias, & nervos.

Arterias.

Nervos.

Acerebro
 quomodo
 fluxiones
 procedunt.

Quibus ita constitutis, pater duobus modis à
 medico destillationem considerari, per se, vt
 est symptoma secundi generis (quo sensu hîc à
 nobis consideratur) & vt causa morbifica: ni-
 hil enim prohibet, quin symptoma aliquando
 sit causa morbi: nam dolor sæpè fluxionem ac-
 cerfit, à qua tumores præter naturam excitantur:
 Quoties cerebrum causa alterius morbi
 videbitur, toties pro morbi istius depulsione in
 duo animum cogitationemque desiges, in par-
 tem affectam, vt excipientem; & in cerebrum,
 vt partem mittentem. Nos catarrhi, vt sym-
 ptoma est, primùm causas, deinde remedia ar-
 te & methodo iam constituta perquiramus.

Immoderationis omnis in excreto causa est
 actio quædam læsa. Catarrhi quæ? animalisne
 an naturalis? Nam cerebrum præter animales
 (quales habet, vt instrumentum) habet etiam
 naturales functiones, vt simile: nutritur enim,
 vt quæuis alia pars, naturæ suæ congenere, hoc

Catarrhi
 causa.

*Functio-
nes cere-
bri, ut est
pars simi-
laris.*

*Catarrhi
ab intem-
perie cere-
bricalida
generatio-
nis modus.*

*Catarrho
obnoxij.*

est pituitoso sanguine: quem idcirco ad se tra-
hit, retinet, coquit, assimilâtque: alimenti verò
reliquias in sanis dum bene habet, per patentes
ductus, atque etiam per futuras excreticis ro-
bore expellit. Verùm si qua intemperie labo-
ret, malè coquit; hinc prouentus excremento-
rum, quibus non potest facilè sese expedire;
tandem grauatum quantitate, aut qualitate ir-
ritatum, retentricis imbecillitate, qua potest
sese exonerat. Catarrhum igitur producit
actio naturalis læsa, non animalis, quæ tan-
tùm ex consequenti læditur: animales enim
functiones solito peius obit cerebrum in-
temperatum, humoris alieni copia onustum,
naturæ functiones omnes lædit intemperies
aliqua; quæ? frigidane semper, an aliquando
etiam calida? Sanè, ut plurimum cerebri intem-
peries frigida est causa catarrhi, nō semper. Ve-
runtamen calida cerebri intemperies alio mo-
do catarrhum facit, quàm frigida: calor enim
vndique vapores ad se trahit. Caput cùm figurā
habeat cucurbitulæ, si accedat flāma seu alie-
nus calor, haud dubiè non aliter, quam cucur-
bitula humores, ad se rapiet vapores, qui à cra-
nio reflexi, aquesunt, inde catarrhi materia.
Auicenna ad figuram, & calorem cerebri adiū-
git intemperiem hepatis calidā; catarrho enim
præ cæteris sunt obnoxij quicunque habent
iecur præcalidum: Eiusmodi enim iecur, con-
generem facit sanguinem, proindèque vaporo-
sum. Qui quidem vapores siue attrahantur, siue
calore & leuitate sponte sursum ferantur, ma-
teriam suggerunt destillationi. Aristoteles id-
circo

circo hominem præ cæteris animantibus destillationi obnoxium esse scribit, quod solus habeat rectum corporis situm, propterea enim vapores recta feruntur sursum.

Calidam fluxionem ostendit pruritus nasi in coryza; aut orisin catarrho; palati, & pectoris in rauedine, cui singulariter phlebotomia succurrit: sola enim destillationes calidas reprimat. Quod si accesserit calor hepatis, non est dubium audentius, liberaliusque tum mittendum esse sanguinem, quia sanguis feruet, & eadem opera parti mittenti consulitur. At in frigido & pituitoso catarrho, abstinendum missione sanguinis, nisi aut febris fuerit coniuncta, aut insignis plenitudo. Purgandum frequenter phlegmagogis, quæ materiam catarrhi vacuent, ut pilulis cocciis, de agarico. In materia calida ad ℥.j. cassiæ adde rhabarbari ℥.iiij. purgabis enim astringendo.

Signa calidæ destillationis; Si curatio.

Frigidæ.

Cum purgaris, sequitur scopus alter curationis, nempe ut sistas fluxionem, quod fiet patientiores vias claudendo, & tenuiorem humorem incrassando: Itaque catarrhosi quotidie hora somni capiant duo cochlearia, plus minus, syrupi rosarum siccarum, & iuiubini. Priora stringit, posterior incrassat. Aut præscribe tantundem diacodij. Si placet, ad veterem, & liquidam conseruam rosarum adde boli, terræ sigillatæ, vel coralli tantillum; de qua capiat quantitatem nucis iuglandis hora somni, quo tempore catarrhus solet commoueri. Vel ℥. conseruæ rosarum & symphyti, an. ℥. j. coralli rubri, boli armeni, terræ sigillatæ, an. ℥. j. cum syrupo rosarum siccarum fiat opiata, de

et sistenda fluxio.

*Tabella.**Pilula hy-
poglottides.**Fluxionem
diuertit.**Catn.
obnoxij*

qua capiat dormiturus 3. j. pro dosi. Vel ℥. coralli rubri, terræ sigill. & boli, an. 3. j. excipiantur saccharo in aqua rosarum soluto, fiant parua tabellæ quarum vnā sæpè contineat ore. Vel ℥. seminis papaueris albi, seminis lactucæ, & portulacæ, sacchari candi, penidiarum, diatragacanthi, an. 3. β. opij gr. duo, cum syrupo iuiubino, fiant pilulæ, tenendæ sub lingua, quæ inde hypoglottides, seu hypoglottia nominantur. Ad eundem finem excipiat naribus (si corryza molesta fuerit) vel ore, si branchus, vel catarrhus, vaporem aceri proiecti in regulam ardentem, vel pulueris sequentis. ℥. rosarum rubrarum, mastiches, & succini, an. 3. ij. fiat puluis ad eundem vsum. Auicenna sandaracæ magnam vim tribuit in sistendis omnibus destillationibus: est autem sandaraca Arabum, vernix vulgaris, cuius poteris addere 3. ij. superiori pulueri.

Vt diuertas fluxionem, admovebis brachiis cauteria inter hicipitem & deltoidem. Capiti etiam prospicies iam commemoratis remediis, litu, fotu, sacculis, cucufa, emplastris, vt intemperies corrigatur, & humor per suturas vacuetur. Quin etiam iecori refrigerando studebis, si fortassis catarrhum fouere videatur. Auicenna non tantum præscribit iecoraria (vt syropos de endiuia, de cichorio, aquas, atque ex his epithemata) sed etiam balneum, corpore diligenter repurgato: ad sanguinis & hepatis feruorem temperandum. Cæterum Trallianus reprehendit Galenum, quod etiam in destillatione calida vesicatorium admouerit capiti, quia calefaciunt

quæcunque vesicas excitant, augentque intem- maiores
feruorem
imprimunt.
periem calidam. Verum Galenus, non vlti-
rans præscribit, sed vt vacuans. Quidam habet
pro singulari remedio ad catarrhum dormire
capite demisso: hoc enim situ corporis vapo-
res ad cerebrum non ascendunt.

Nos & vesicatoria, & cauteria iuxta suturas
ad eundem finem applicamus.

Recentiores annotarunt, quando iecur est Cauteria
ubi appli-
canda.
primus fons catarrhi, aut ventriculus malè co-
quens, ad reuulsionem vtiliter admovent cau-
terium cruribus, vt fontanellæ ad vacuatio-
nem: brachiis ad diuersionem, quoties a cere-
bro originem habet.

Victus sit tenuis, quia repletio est nutritrix ca-
tarrhi. Cœnandum parcè.

Vt sis nocte lenis, sit tibi cœna brevis.

Quia copiosioris alimentum vapores iuggerunt pa- Victus ra-
tio.
bulum catarrho & distrahitur calor à coctione
catarrhi, occupatus in alimento coquendo. Ab-
stinendum vino, saltem mero, quia vaporosum. Vinum cur
vitandum.
Gestandus pileolus (vt sis diu senex, sis citò
senex) qui caput frigidum defendat ab æris
iniuriis; poterit inferci puluere cephalico.
Benefacit hidroticum. Quinetiam pro ordi-
nario potu vtantur per aliquot dies secundo
decocto. Profunt etiam laconicum, & stufæ
siccæ, nisi catarrhus manifestè sit calidus, & ie-
cur plus satis incaluerit. Fugiat ærem frigidum,
& humidum. Ne diu dormiat, quia longior
somnia humectat, & fumis replet caput: vi-
gilæ verò desiccant:

Esuriant, sitiant, vigilent, qui rheumata curant.

Schola Salernitana non damnat som-

*Somnus an
conueniat.*

num (coquit enim si moderatus) sed longio-
rem. Imprimis somnum fugiant meridianum :
solis enim senibus conceditur : Ita enim Ho-
merus de Nestore.

*Vt lauit sumpsitque cibum, dat membra sopori,
Namque hac iusta seni-----*

*Qualis de-
cubitus no-
xius.*

Nocet supinus decubitus, quia calefacit renes,
vnde per spinam multi vapores assurgunt ad
cerebrum. Dormiant erecto capite, præsertim
qui sunt obnoxij destillationi in pulmone.
Quia hoc situ epiglottis clauditur, nec patet via
destillationi. Studeant recti, non proni, & velu-
ti mensæ incumbentes.

*Excretorū
& reten-
torum vi-
tio omnes
ferè morbi
generatur.*

Quemadmodum cum retentricis imbecilli-
tate, aut excretrice à causa morbifica laceffita,
exeunt de cerebro retinenda, quia intempesti-
uè fluunt & maiore impetu : infiniti morbi in
toto, & in subiectis partibus oriuntur : Ita
quando in cerebro ipso retinetur excernenda,
in ipsomet cerebro tanquam in subiecto nas-
cuntur iam commemorati affectus, apoplexia,
epilepsia, &c. Retinentur verò, vel obstructis
viis, vel excretriciis impotentia. Quibus causis
opposuimus errhina, & masticatoria, quæ vim
haberent detergendi & aperiendi : Topica quo-
que resoluentia, quæ naturam onustam per fu-
turas liberarent, cerebrumque ipsum roborar-
ent, generalibus præmissis purgatione & venæ
sectione. Sanè qui ex retentorū, & excretorum
ametria non tantum cerebri, sed omnium ferè
morborū causas repetiuerit, tanquam ex primo
fonte, ille cum ratione fecerit : Nam à retentis
sunt in cerebro, ab excretis à cerebro, in toto, vel
in subiectis partibus ferè omnes morbi.



PARTICVLARIS

METHODI ME-

DENDI,

SECTIONIS PRIMÆ,

TRACTATVS SECVNDVS,

IN QVO ENVMERANTVR

*morbi oculorum, eorundemque curandorum,
primum generalis, deinde particula-
ris methodus explicatur.*

MORBI SIMILARES.

CAP. I.



CVLI, vt sunt naturæ mollis,
& delicatæ, ita leuiffima occa-
sione offenduntur: fumo, pul- *Causa occu-*
uere, splendore, aquilonio fla- *los laden-*
tu, tetro vapore, qualis è mi- *res.*
nera exhalat. Hoc tamen ha-
bent proprium, & peculia-
re, quòd non gelantur, quia sunt ignei, & con-
stant acria pinguedine. Patiuntur omne genus

g iij

*Morbi si-
milares.*

morbi, simile, organicum, commune. Ut partes similes laborant omni intemperie, calida, quoties à fumo aut pulvere conturbantur. Quæ perturbatio procedens ab externa causa, propriè *τάραξις* nominatur, rubor oculi, phlogosi similior, quam phlegmonæ, quia rubet absque tumore. Intemperies frigida hebetat visum: humida dilatat pupillam: sicca, vel totus oculus, vel pupilla corrugatur, siccat, extenuatur, ut accidit extremo senio, & venere immodica, inde *φθίσις* & *ἀτρεφία* oculi: appello *φθίω* extenuationem pupillæ, cum fit angustior, & obscurior: *ἀτρεφίαν* verò cum totus oculus manifeste minuitur inopia alimenti.

*Morbi organici.**Magnitu-
dinis.*

Ut instrumentum verò patitur morbos numeri, magnitudinis, situs, conformationis: conformationis (inquam) in figura, meatu, & asperitate. Est vitium in magnitudine, quoties sunt iusto maiores & eminentiores: præstat esse minores, quia virtus coacta maior est quam dispersa, minùsque parent externis iniuriis: Inde fit, ut qui à natura habent exiguam pupillam, acutissimè videant: non si ex accidenti, ut si immoderata venere extenuaretur, fieretque foramen angustius: tunc enim res videntur maiores quam sint, ut eadem dilatata minores: huc referri possunt *ἐπὶ γυθίς*, & quæ illi opponitur *ἐν ᾧ*: contraria enim sunt eiusdem generis. *Ἐν ἁλὶ* est excrescentia eius carnis, quæ est in maiore cantho. *ἐν ᾧ* vero quando eadem caruncula erosa veluti hiatus apparet.

Morbi numeri.

Ad morbos numeri pertinet ὑπόχυμα seu suffusio (vulgo cataracta;) est humor concretus inter corneam & vueam. Item περιόσιον, quod est Sebet Arabum, ὄνυξ seu vngula & ὑπόπυον. Περιόσιον est mēbrana nervea, quæ ut plurimū, à magno angulo procedit ad pupillam vsque, tandemque aliquando totum oculum tegit. ὄνυξ verò seu vnguis est cicatrix ab ulcere, quæ vnguis refert imaginē. ὑπόπυον est pus sub cornea collectum, quale succedit inflammationi suppuratæ & χύμωσι, ὑποσφάγματι seu cruentatis, & sugillatis oculis, quales sunt cū sanguis liuet aliqua vena aperta, rupta aut exesa.

Morbi situs.

Ad morbos situs pertinet ἐκπεσις, cum totus bulbus extra suam orbitam egreditur, quod accidit relaxatis musculis qui opticum nervum obuoluunt, qui περιπίεσις seu prolapsus oculi dici potest. Quamquam Paulus appellet περιπίεσιν, cū erosa cornea, vuea procidit, cuius περιπίεσις diuersa sunt nomina: Primū enim cū eminet vuea, quia velut caput muscæ refert, μυοκέφαλος appellatur. Cū verò amplius creuit, & acinum vueæ representat, σφύλλωκα nominatur. Cū plus increuit, & occalluit, quia capitis clauis refert similitudinem, inde clauus nominatur. Vterque affectus est morbus in situ. Verū prior est totius oculi; posterior vnius duntaxat particulæ, nempe vueæ.

Morbi conformationis.

Morbi conformationis sunt cū naturalis oculi figura peruertitur, ut strabismo seu con-

pulsione, *μυδρίασις* seu pupillæ dilatatione: Morbi quoque in via, vt obstructio repentina nerui optici, quæ *ἀμάωσις* nuncupatur. Ager nihil omnino videt, cū tamen in oculo nulla appareat causa. Oculorum tunica, quæ debent esse læues, tersæ, politæ, aliquando interna, vel externa causa, vt puluere, fumo, exasperantur.

Morbi communes.

Morbi oculorum frequentissimi.

Morbos communes frequentissimè patitur, vt vlcera, & tumores contra naturam, imprimis phlegmonem, quæ *ὀφθαλμία* dicitur: illa dignoscitur tumore, rubore, & dolore: Vlceræ verò se manifestant pruritu, dolore, & sanie. Verū non tantū adnata, sed etiam cornea quandoque vlceratur. Vtra sit vlcerata, hoc signo facile discernes, quòd vlcerata cornea in nigro oculi veluti punctum album appareat cum vlceris prædictis signis, Vlcerata verò coniunctiua, in albo oculi veluti punctum rubrum appareat. Horum morborum curandorum artem prius expediam, quàm descendam ad symptomata.

Curatio.

*Ita prius quam par-
ti prospiciendum.*

Præceptum est Platonis in *Charmide*, familiare Galeno. Quemadmodum frustra medetur capiti, qui prius toti non prospexerit: Ita temerè remedia oculis præscribi, nisi prius capiti fuerit consultum, vbi est origo oculorum, & fons omnium ferè morborum qui sunt fluxione. Itaque imprimis purgandum est corpus pilulis lucis maioribus in causa frigida, minoribus in calida: vel sēna & agarico, quæ bullierint in decocto, aut a quis stillatitiis fœniculi, & eu-

phrasia, quibus veluti vehiculis vis purgatrix
ad oculos deferatur. Adde quod agaricum de-
rebro, senna oculis specialiter prodest.

*Purgans
specificum.*

Venæ sectio utilis calidis, non frigidis mor-
bis. Neque enim temerè vulgo persuasum est,
phlebotomiam visum debilitare: nam exhaurit
animales, proindeque visuos spiritus: quia va-
por sanguinis seu spiritus naturalis est materia
spiritus vitalis, ut hic animalis: oculi autem de-
bent esse ignei, & pleni animali spiritu.

*Cur phle-
botomia.
visum de-
bilitat.*

Masticatoria haud dubiè prosunt ad deriva-
tionem humoris morbifici à cerebro. Verùm
errhina nocent, præsertim vehementiora, quia
trahunt ad partem afflictam: maximus enim est
narium cum oculis consensus: manifestum est
foramen ab oculo in narem: cuius operculum
est caro lachrymalis. Verùm dicet aliquis. Aë-
tius præscribit errhina. Distinguo: leuiores, ne-
que fiende, sed iam facto morbo, humore iam
fixo, non fluente. Cucurbitulæ scapulis admo-
tæ ab oculis fluxionem reuellunt, quemadmo-
dum seto, & cauterium in inio. De Vigo hi-
rudines, & vesicatorium applicat ponè aures.
℞. fermenti acris ʒ. j. cantharidum, & seminis
sinapi ʒ. j. misce pro vesicatorio. Ibi Ferne-
lius iubet applicari cauterium: subiungens ra-
tionem, quod inde ramus à vena iugulari in-
tro subeat, & ad opticos nervos utrimque ex-
currat. Alij secant venas.

*Errhina
an conue-
niant.*

Quoties tumentes venæ frontis fluxionem
esse externam indicabunt, tumoremq; descen-
dere à pericranio, à quo oritur coniunctiva, to-
ties utiliter sistetur adstringente aliquo fronta-

*Frontale
adstringēs.*

li, quale parabitur hoc modo. ℞. emplastri contra rupturam, desiccatiui rubri, an. ℥. j. malaxentur cum oleo myrtino, aut rosaceo, extendantur super linteo, fiat frontale, quo etiam tempora cingatur. Vel ℞. farinae volatilis ℥. j. s. boli armeni, & sanguinis draconis, an. ℥. ij. agitentur cum albuminibus ouorum, & oleo rosaceo, fiat frontale. Non erunt negligenda topica admotiunda capiti, vt cucupha exsiccans. Denfiozem comam iuuat abradere, masticatoriis caput deplere, atque gargarismis & erhinis.

*Canon generalis
omni fluxione.*

Hoc enim est præceptum generale, quoties morbi fiunt fluxione, non tantum prospiciendum parti excipienti seu laboranti, sed etiam mittenti. Præterea humor tenuis incrassandus est, & viæ laxiores astringendæ. Hoc postremum præstabit frontale præscriptum: primum verò cephalica iam commemorata.

Vfus vini euphrasie imbecillos & malè affectos oculos confirmat, vel puluis ex euphrasia, & fœniculo dulci, an ℥. j. cum duplo saccharo sumptus à pastu. ℞. coriandri præparati ℥. j. euphrasie, & fœniculi, an ℥. s. cinnamomi ℥. j. macis ℥. ij. cum duplo saccharo fiat puluis, quotidie vtendus à pastu ex cochleari; si placet excipiat melle cocto cum succis fœniculi, & euphrasie, inde fiat confectio, de qua capiat mane & serò quantitatem iuglandis.

Pro generalibus topicis, describam duo collyria, vnum in morbis calidis initio fluxionis præscribendum, vt repellas: alterum in statu & declinatione morborum calidorum. In fri-

gidis verò quolibet tempore vsurpandum. Prioris collyrii sit hæc formula. ℞. mucaginis feminis psyllij, & cydoniorum extractæ in aqua rosarum, vel plantaginis, an. ʒ. β. cum eiusdem aquæ ʒ. i. fiat collyrium liquidum. Vulgare est ex albumine oui recentis, agitato cum aqua rosarum, vel plantaginis.

*Collyrium;
repellens.*

Resoluentis verò sit hæc formula. ℞. mucaginis fœnugræci extractæ in aqua euphrasie, vel fœniculi ʒ. j. fiat collyrium, vel cum eiusdem aquæ ʒ. ij. fiat collyrium liquidum. Pauca mucilago præscribenda est, quia citò acefcit.

Resolvens.

Debentne collyria tam calida instillari, quàm tolerari poterunt, vt placuit Scribonio, an frigida, vt Mesuæo; an tepida, vt Galeno? Me iudice instillanda sunt tepida, nisi affectus aliud postulet: nam oculis valdè calentibus frigidam affundimus; valdè refrigeratis debentur calida: alioquin mediocriter calefacta vsurpentur.

EXERCITATIO IN PROPOSITIS
oculorum morbis.

C A P. II.

INtemperies nuda alteretur suo contrario. Calidiores oculos refrigerabit atque etiam roborabit, qui quotidie illos abluet frigida, vel aquis rosarum, plantaginis. Frigidiores verò mediocriter calefaciet, qui aquis euphrasie, fœniculi, rutæ, chelidoniæ sæpè illos abluet. Hu-

*Intemperies
oculi.*

midiores siccabit, si tuthiam in iisdem aquis macerarit.

℞. tuthiæ ʒ. j. infunde in aquæ euphrasiæ ʒ. ij. fiat collyrium. Sicciores humectabuntur sæpè instillato lacte muliebri vel caprillo, aut foris ex decocto maluæ, bismaluæ, violariæ, naribus attracto oleo violaceo. Quòd si intemperiei iuncta fuerit materia, resoluatur collyrio ex mucagine fœnugræci, extracta in aquis prædictis, vel fœnugræcum frigida aliquoties ablutum coquatur, decocto foueatur oculus cum spongia, vel sacculus fœnugræco plenus bulliat in aqua, & calidus applicetur oculo. Hactenus de morbo similari; sequuntur organici, imprimis magnitudinis.

*Maiores
aut minores oculi.*

Si iusto maiores, aut minores fuerint oculi à prima conformatione, inutilia sunt remedia: Si accidente, ut fluxione à cerebro, totum corpus sæpè purgetur, hidrotico desiccetur, capiti humidiori cephalicis prospiciatur, etiam ad motis cauteriis humor alienus exhauriatur. Pro topico, lintheum intinctum in aqua rutæ, chelidoniæ vel euphrasiæ, infusionis tuthiæ, applicetur: aut sacculus plenus fœnugræco, aut ex decocto ipso hidrotico infusionis tuthiæ fiat collyrium. Polemon *lib. de signis*, scribit eos esse prauos, quibus naturaliter pupilla est strictior; hoc argumento, quòd deteriora animalia, ut serpentes, viperæ, sint eiusmodi.

Encathis.

E' *γλαυκίς* nascitur dum sanguis copiosior ad carunculam pro alimento confluit, qui assimilatus eam in molem iusto maiorem attollit. Aliquando tanta est, ut non sinat palpebras

claudi. Utatur auro, vel ferro candente: vel incidatur: providendo ne quid ex carne ipsa amputetur, sic enim rhyas succederet; vel quod exuperat, filo abscindatur: Media caruncula, acu cum filo traiciatur, deinde sensim ligetur: destituta alimento omnis excrescentia sponte cadet. Hoc remedij genus veteres ἀναβρόνχυσμον appellabant. Si ager delicatus refugiat chirurgiam, quod exuperat exedatur alumine vsto, aut oleo de vitriolo, oleo de chalcantho, sed rosacea, aut lacte diligenter corrigatur, propter partis sensum exquisitum. Interim dum hæc vsurpantur, defensiuo aliquo oculus muniendus est ne fiat fluxio.

Canteriū
actuale ex
auro.

Puā sæpè succedit epiphoræ: si planè fuerit exesa caruncula, curationem non admittit: si tantum ex parte, regenerari potest caro, insufflando sarcotica, ut ruthiam, aloen, thus: vel eadem in succo granatorum infunde, colaturam in maiorem angulum guttatim instilla. Verum dices, tu misces adstringens, nempe succum granatorum, sarcoticis, quod Galenus prohibet, ne excrementum siccum retineatur in parte.

Rhyas.

Respondeo: carnem lachrymalem alterius esse generis, nempe, utique spermaticam, proinde illi regenerandæ non aliter quàm cuti, adstringens conuenire, quod epulotico fortassis similis est, quàm sarcotico. Hactenus de morbis magnitudinis; sequuntur morbi numeri.

Cur ad-
stringens
mistū sar-
coticis.

Pterygium nascitur ex crassorum lentorumque humorum affluxu, aut crassa & scabra lipirudine. Incipiens, molle, album, curatur ut

Pterygiū.

*Metallica
ustione &
lotione
mordaci-
tatem de-
ponunt.*

*Collyrium
liquidum.*

Siccum.

albugo. Dioscorides commendat collyrium ex cochleis. Vruntur integræ, pulvis excipitur melle. Ex osse sepia vsto, aut pumice simile confici potest cum melle: si velis fortius, misce aliquid salis ammoniaci: Prius foueatur oculus decocto fœnugræci. Aëtius semen plantaginis vrit, pulueri addit myrrham, quin etiam squamam aut florem aris Verum metallica non debent admoueri oculo, nisi vsta & lota: vstione enim & lotione acrimoniam suam & mordacitatem deponunt, sicque fluxionem non excitant, à qua metus est. Vti etiam possis oleo de vitriolo, sed lacte diligenter correcto. Io. de Vigo describit duo collyria; vnum liquidum, alterum siccum. Liquidi hæc est formula. ℞. aquæ plantaginis & rosarum, an. ℥. ij. vini albi ℥. j. β. bulliant vnica ebullitione, mox adde floris cris optimè trituriati ℥. j. tutiæ ℥. j. β. sacchari candi ℥. ij. myrobalanorū citrinorum ℥. j. trita omnia misce, & sinantur per duos dies: deinde colentur & clarificentur; hoc liquore attingatur excreſcentia. Siccum est eiusmodi. ℞. florum aris ℥. ij. chalcanti vsti ℥. vj. salis ammoniaci ℥. i. Sal dissoluatur cum succo rutæ, & cætera puluerata misceantur.

Veruntamen notabis magna, aut inueterata pterygia, nō aliter quā chirurgia curari. Talia sunt quæ nigrū oculi & pupillam tegūt. Crassa, nigra, valde dura & quæ tempora per consensum afficiunt, quia iam accedunt ad naturam canceri, memineris non esse attingenda. Item si suffusionis incipientis sit suspicio, existente iam pterygio, etiam albo & molli, ab-

stinebis exedentibus, quia generarent, vel au-
gerent suffusionem. Chirurgiam explicant Aë-
tius, Celsus, atque imprimis Paulus Ægine-
ta lib. 6. cap. 28. qui duplicem modum illic
exponit. Primus, ut pterygium cum filo ex-
tensum scalpello excorietur. Secundus, ut
traiciatur acu, quæ filum & setam contineat:
filo suspensum, seta veluti terra incidatur iuxta
pupillam; quod reliquum erit, iuxta lacryma-
le, scalpello abscindatur.

Quia hypopyum sequitur ad ὑπόπαια ocu-
los cruentos, rupta, aperta, aut exesa aliqua ve-
na, quod ὑμάρω & etiā dicitur, quia sub hoc af-
fectu omnia videntur rubra: idcirco oculis
sanguine suffusis quā citò succurrendum est,
ne per moras sanguis lineascit, deinde suppu-
ret & in hypopyum degeneret: Idem enim ac-
cidit oculo, quod cuti ex ictu, sanguis sub cu-
rem effunditur qui ecchymosin committit,
cuius species est ὑπόπαια, deinde liuet, tum-
que sugillatio dicitur. Postremò nisi sanguis re-
soluatur, putret & in pus conuertitur: tum-
que πύων suppuratio dicitur, cuius species
est ὑπόπαια. Itaque ad ecchymosin oculi lauda-
tur instillatus sanguis columbæ, vel turturis:
Celsus præfert sanguinem hirundinis. Benefacit
etiam mucago fœnugræci extracta in hydro-
melite. Expertus sum verum quod affirmat Ar-
chigenes apud Galenum, quod si hyssopi coma
nodulo inclusa bulliat in aqua, & tepidè nodu-
lus oculo cruento applicetur, tam manifestè
sugit sanguinem, ut lintheum ipsum sanguino-
lentum videri possit. Collyrium ex decocto aut

Hypopyum

Hypo-
sphagma.

Rurum ex-
perimen-
tum de hyss.
sopo.

Remediū
pus exugēs.

mucagine fœnugræci, etiam sugillatis oculis, quinetiam hypopyo recenti singulariter conuenit. Si non cedat, vtere remediis pyulcis, quæ pus exugunt, quale est illud Pauli Æginetæ. ℞. aloes, croci & myrrhæ, añ. ʒ. j. vini quadrantem, mellis optimi lb. ʒ. Crocus primum teratur in vino, deinde aloe & myrrha, vbi crassitudinem acceperint, adde mel confectio in vase vitreo reponatur, & deligetur oculo, quotidie bis aut ter renouetur. Quod remedium si frustra tentaris, chirurgia est opus. De Vigo iubet fieri incisionem sub cornea, qua parte iungitur coniunctiue. Aëtius acu cauata & aperta quæ mucronem habeat graphij, aut scalpelli, iubet oculum aperire, & ab oculario chirurgus pus exugere, de qua operatione legendus etiam Celsus & Ægineta. Galen. scribit quendam empiricum vehementi succussione capitis pus à pupilla dimouisse, & à loco nobili ad ignobiliorem transtulisse. Coma prehensa illum suspendebat & succutiebat.

Suffusio
sen cata-
raclia.

Suffusionis
vera &
notha dif-
ferentia.

Suffusio notha imprimis distinguenda est. Appello notham, quando fit vaporibus à ventriculo ad oculos ascendentibus: veram quæ habet materiam in oculo ipso consistentem. Distinguentur autem tribus signis. Primò, quod notha tantum per interualla fatigat, præsertim à pastu dum fit coctio: primaria continenter affligit, neque habet dilucida interualla. Secundò, quod notha vtrumque simul oculum & peræque afficit: nam quid est causæ, cur à ventriculo ad vnum oculum potius quàm ad alterum vapores efferantur? Sub primaria verò vterque
oculus

oculus simul non laborat, saltem vterque non æqualiter. Tertiò, quòd si à quatuor mensibus æger conqueratur de muscarum circa oculos volitantium falsa imaginatione, neque quidquam in oculo tenebrosum appareat, est notha: nam intra quatuor menses subsistens humor, oculum obtenebraret. Sed cur tam diligenter spuria à legitima distingui debet? quia notha minimis auxiliis sanescit, vt inedia aliquot dierum, vsu frequenti pilularum de hiera, ablutione oculorum ex aquis fœniculi & euphrasie. Primaria verò, si iam confirmata fuerit, humorque in tunicam concreuerit, non potest aliter quam chirurgia curari. Incipiens tardè & difficillimè. Incipit cum primùm muscæ videntur oculis obuersari. Quod signum, vt dixi, est commune nothæ & legitimæ. Verùm in legitima continenter affligit, in notha per interualla: In legitima vnicum duntaxat oculum, saltem vtrumque inæqualiter: sub notha vtrumque simul & æqualiter.

Cur maxime attendenda.

Ad incipientem præmittenda sunt generalia, vt purgatio frequēs ex pilulis lucis, quinetiam venæ sectio, masticatoria, cucurbitulæ, frictiones capitis, cucupha cauteria in brachijs, vel in inio. Pro topico Dioscorides laudat succum anagallidis flore rubro, coctum cum melle optimo, quod remedium est rusticis familiare. Quidam vrunt caput hirundinis, & puluerem immiscent melli, aut dissoluunt aqua ex melle distillata, aut cerebro ipso hirundinis oblinunt oculum. Potentius est quod sequitur. ℞. fellis capræ vel perdicis ꝑ. β. succi fœniculi depurati

Ita Galen. 14. methodi, & Celsus, quæ inter veterauit manducanda est. Inter iniuria nonnunquam discutiatur: Cura-ri potest,

*inquit
Paulus, sed
non omnis
incipiens,
non confir-
mata.*

℥.j. aquæ mellis ℥. j. Collyrium quod sequitur mihi solet esse instar omnium. ℥. fœniculi, rutæ, verbenæ, euphrasiæ, betonicæ, tormentillæ, rosarum, endiviæ sylvestris, anagallidis flore rubro, pimpinellæ, marrubij, chelidoniæ, pœoniæ, foliorum vitis, agrimonie & caprifolij, ana partes æquales. Omnia simul trita infunde in vino albo per totum diem; deinde in vrina pueri impubis; tertio in lacte muliebri; postremo in melle optimo, quo tempore distilletur.

*Catarracta
matura,
quæ.*

Hæc collyria, ut iam monui, duntaxat conveniunt incipienti, non confirmatæ, quæ non potest aliter quam acu deturbari. Neque omnis suffusio confirmata operationem admittit: maturam enim esse oportet, hoc est nec nimium fluidam, nec induratum, quia diffluens humor etiam si acu deturbetur, mox recurret. Tunica iam siccior & durior pupillam secum trahet. Qui sciam, dices, si sit matura necne? Scies primum ex colore: nam quæ vergit ad candorem sine splendore, quæque est colore gypsi vel grandinis, non est matura: quæ verò vel aquæ, vel plumbi, vel ferri colorem præ se fert, est matura, & tuto potest acu deturbari. Secundo, quod mollior, oculo perfricato, mox dissiliat, neque citò reunietur, durior permaneat: at quæ oculo perfricato dissipatur quidem, sed mox in unum coit, est matura. Quanquam Celsus aliter senserit, expectandum, inquit, usquequò non dissiliat frictione. Galenus sanabilem affirmat, quoties clauso oculo sano, oculi suffusi pupilla dilatatur: a contrario, si non dilatetur, desperatum est.

Cæterùm multæ sunt cautiones, priusquàm acu deturbetur: nam corpus debet esse diligenter repurgatum ad præcautionem inflammationis, æger triduo ante operationem parcè ac tenuiter viuat. Deligatur cælum serenum, neque luna tum debet esse plena, neque æstate aut hyeme, sed vere potiùs, aut autumnino deturbetur. Præterea si quod vrgeat symptoma, vt dolor, non tantùm oculi, sed etiam capitis, prius demulceatur, quam ad operationem veniatur.

Observanda ante aspersionem.

Hactenus morbi magnitudinis & numeri, sequuntur morbi in situ. Oculus verò vel totus mutat situm, quoties extra suam orbitam egreditur, vel illius tantùm portio, vt cùm vuea procidit. Quia totus prominet relaxatis musculis, qui opticum neruum inuoluunt, idcirco imprimis desiccandum cerebrum, admouendæ cucurbitulæ, præmissa purgatione & venæ sectione: foris verò applicanda sunt repellentia, vt ex rosæ, plantagine, & cydoniis coctis in vino, fiat fofus, ex residentia cataplasma, vel ex mastiche & carne cydoniorum emplastrum. Proderit etiam lamina plumbi aut ferri, admota ad formam palpebræ.

Vuea procidentia.

Ad vueam egredientem eadem est indicatio, nempe, vt suo loco reddatur. Sed quia procidit propter corneam vlceratam, idcirco cùm primum illam suo loco restitueris, de vlcere curando cogitandum est (subiungam mox vlceris remedia.) Vt reponatur, præter superiora, proderit hæc aqua, quæ utilis etiam erit dilatatæ pupillæ. ℞. boli armeni, sanguin. dracon. & tra-

gacanthæ, añ. ℥. β. pulueris capitum hirundinum vstorum ℥. j. infunde in aquæ rosarum & vini granatorum clarificati, añ. ℥. iiii. distilletur aqua, vel bulliant lento igne in balneo Mariæ, deinde colētur, colatura seruetur pro collyrio, quinetiam linteam eadem madidum applicetur: repellat enim & suo loco restituet rhagoidem siue vueam procidentem: eademque opera vlcus persanabit.

Sed memineris istos morbos esse immedicabiles, si iam vnum annum excesserint. Nisi fortè placeat chirurgiâ ex Paulo, Aëtio, Celso repetendâ, decorem potius quàm visum restituere. Auicenna mauult relinqui quàm attingi ferro, quia humor refluet ad oculum sanum. Constat inter omnes clauum, id est, quando induruit vt clauus, non esse attingendum, metu canceri. Vidi adolescentem, cui vuea prociderat supra magnitudinem auellanz, ipse nihilominus eo ipso oculo videbat: sed hoc faciem reddebat illi valdè inuenustâ, propterea postulabat sibi abscindi. aut ligari; malui tamen sequi Auicennæ consilium.

*Mydriasis seu
πλάσι-
στος, dilata-
tio pupillæ.*

Sequuntur morbi conformationis. Peruertitur autem oculi figura strabismo & mydriasi. Si a natiuitate pupilla fuerit iusto latior, inutilia erunt remedia: si accidente, difficillimè sanescet, quia membranosa cum sit vuea, si semel extendatur, inquit Aëtius, contrahi vnquam vix poterit. Sub hoc affectu obiecta eminus non videntur, eaque minora apparent quam sint, quemadmodum sub phthisi & atrophia maiora: Idem enim illis contingit quod oculis sanis dum res longissimè distitas aspiciunt, radio dis-

sipto. Hic affectus potissimum aduenit his qui nigros habent oculos: solent enim habere magnas pupillas, facileque dilatabiles. Pueris familiarior est, propter cerebri & oculorum humiditatem. Consulatur primum capiti, omni- que arte desiccetur. Initio instilletur aqua statim descripta pro staphylomate, ad restringen- dum; deinde mucago fœnugræci, ad humorem superuacuum resoluendum.

*Dilatatio-
ni pupilla
qui obnoxii.*

Angusta pupilla à conformatione visum red- dit acutiorem, quia virtus vnita maior est quam dispersa. Quæ talis redditur accidente, est insa- nabilis, quia vel accidit vicia corrugata, vel cry- stallino resiccato. Resiccatur autem priuatione humoris alibilis, nempe albuginei à quo nutri- tur: Itaque *phthisis* non recipit curationem, nisi velisea præscribere quæ ad intemperiem siccā.

Obiter hîc explicandum, quod de mydriasi queri solet, quando accidit ex ictu, sitne sa- nabilis. Hoc enim quidam defendunt, alij per- negant. Videtur mihi ita distinguendum. Si ex ictu pupilla dilateretur, vt graphij cuspide, non est sanabilis. At si maneat integra, & ex fluxio- ne sola quam ictus attulit dilateretur, remediis prædictis est sanabilis, nempe repellente pri- mum deinde resolvente.

*Mydriasis
ex ictu qua
sanabilis.*

Strabismus est musculorum mouentium ocu- los deprauatus motus. Oculorum conuulsio, quæ naturalis, est insanabilis. Accidentaria vix vnquã sanescit, nisi fortè in infantibus: oculus enim, exempli gratia, conuulsus ad læuam re- ducetur, si à dextris apponatur candela, in quam

*Strabis-
mus.*

conuertat oculum. Rasis & Auicenna commendant sanguinem turturis instillatum. Pica etiam vtiliter editur, & puluis in collyrium refertur. Sunt qui vespertilionis caput vstum & pulueratum: Alii qui caput hirundinis insufflant.

*Amaurosis
seu gutta
serena.*

Obstructio nerui optici est insanabilis, quia remedia eo non pertingunt. Veruntamen nondum consistente humore, auctore Aëtio, visus est qui ad motis cucurbitulis cum scarificatu, visum recuperarit. Non sunt negligenda remedia: purgatio frequens ex pilulis cocciis, cum trochiscis alandal, hidroticum, masticatoria, erithina etiam vehementia: Nam in hoc solo oculorum affectu conceduntur. Cerebrum cucupha exsiccandum, cauteriis deplendum, quæ ad aurem, in radice applicentur, propter causam ex Fernelio memoratam; & in initio, ad reuulsionem. Caue ne omittas cucurbitulas.

*Cauteria
ubi appli-
canda.*

*Oculi as-
peritas.*

Exasperatus oculus linjatur butyro recenti, lacte muliebri instillato, mucilagines quoque psyllij, cydoniorum, scænuigræci, tragacanthæ, læuigetur; extrahantur mucilagines in decocto maluæ, bismaluæ, violariæ. Hactenus morborum similarium, & organicorum curatio. Sequuntur morbi communes, ὀφθαλμία & vlcus.

Ophthalmia.

Ὀφθαλμία propriè est inflammatio adnatæ, quæ illiustumore, calore, rubore, dolore, tensione dignoscitur. Quando est rubor sine tumore, præsertim à causa externa, vt puluere & fumo, τάρραξις propriè dicitur: Quando al-

bum oculivſque adeò ſuper nigrum intumuit,
 vt hiatus cuiuſdam ſpecies appareat, chemo-
 ſis appellatur, quo modo Ariſtot. *in meteo- Chemofis.*
ris, oriri chafma in nubibus oſtendit; ſubſidet
 nigrum, albo eminente. Vtrique tumori ſuc-
 currendum, vena non tantum in brachio,
 ſed etiam in fronte & in temporibus incifa.
 Galenus ſcribit aliquando neceſſariam eſſe
 ſectionem arteriæ. Chemofin enim duo ſym-
 ptomata comitantur, rubor oculorum ex
 inflammatione; & ectrope, contortio
 ſeu peruerſio palpebrarum, malum phymo-
 ſi contrarium: ſub hoc enim affectu, oculi
 aperiri non poſſunt; ſub illo, non poſſunt
 claudi Non eſt negligenda purgatio quia oph- *Aph. 17. li.*
 thalmicis diarrhœam ſuperuenire bonum eſt: 6.
 ad inferiora ſcilicet retracto atque deriuato
 humore.

Iuuant etiam frictiones deorſum, ligaturæ for-
 tes, cucurbitulæ cum ſcarificatu, affixæ ſcapulis
 ad renuſionem, frontale aſtingens ad interci-
 piendam fluxionem, ſi externa videatur. Col-
 lyrium initio repellens, vt impediatur genera-
 tio phlegmones, ex mucagine pſyllij & cydonio-
 rum; deinde reſoluens ex mucagine vel ex de-
 cocto fœnugræci, diligenter abluti ne mor-
 det. Fœnugræcum bene purgatum macerabis
 in aqua puriſſima per totum diem, deinde co- *Fœnugra-*
 que in fictili, affuſa bis aut ter noua aqua, co- *cum ab*
 quatur ad mellis craſſitiem operito vaſe: cole- *omnibus*
 tur per linteum ſine expreſſione, colatura ſer- *practici*
 uetur ad vſum, & tertio quoque die renouetur. *probatum.*
 Abſtinentia vini initio neceſſaria eſt. In decli-

h iij

Vinum
quando cō-
cedendū.

natione tamen vinum conceditur, quemadmodum balneum aquæ dulcis, ad contemperandum sanguinem. Denegatur in principio, ne fundat humorem, & fluxionem augeat.

Vlcus.

Vlceratur oculus à causa interna, nempe erosione alicuius tunicæ: vel externa, vt calu: eroditur, vel à remordaci, vt flaua, vel atrabile, quæ vlcus facit cancrodes. Priusquam de topicis cogites, memineris inflammationi, si quæ sit, succurrendum: quinetiam dolorem non tantum partis, sed etiam capitis demulcendum, vomitum quoque, sternutationem & vociferationem nocere. Præmissis generalibus, nempe venæ sectione & frequenti purgatione ex iis quæ bilem vacuant, vt pilulis aureis, sine quibus, diapruno, electuario de succo, ad mortis cucurbitulis, quin & in inio cauteriis, ad reuellendam fluxionem: si vlcus præcedant pustulæ, quæ Græcis φλυκταίναι, Arabibus *bator* dicuntur, resoluantur, si fieri potest, collyrio ex mucagine aut decocto fœnugræci. Si non possint resolui, aperiantur. Quod succedet vlcus, mundetur syrupo rosarum siccarum, aut aqua mellis: Mundum (tale autem est cum dolor disparuerit & oculus nitidus apparebit) incarnabis collyrio de thure, aut tuthia insufflata. Deinde obduces cicatrice collyrio de plumbo, quo in vlceribus malignis vtendum est cum oui albumine, cuius sequitur descriptio. ℞. plumbi vsti & loti, tuthiæ lotæ, æris vsti, gūmi tragacanthæ, añ. ʒ. j. opij grana iij. cum aqua pluuia fiat collyrium.

Collyrium
de plumbo.

℞. huius collyrij ʒ. ss. cum oui albumine in-

stilletur in oculum vlceratū. Benefacit etiam vlcibus oculorum mucago tragacanthæ extracta in aqua euphrasie, aut insufflatus puluis ex tuthia, aloë lota, thure, foliis chamædryos. Prædest etiam plurimū ad detergendum linctus, à ieiuno præmansa euphrasia, sceniculo, marrubio. Ioannes de Vigo hanc aquam mirificè commendat. ℞. siē de thure, siē de plumbo, añ. 3. j. myrobalan. citrin. tuthiæ & antimoni, añ. 3. j. β. aque rosarum & plantaginis, añ. 3. j. β. myrrhæ, aloes hepaticæ, añ. 3. j. distillantur in alambico vitreo. Purgabit vlcus & obducet, etiamsi fuerit malignum. Eadem aqua proderit absumendis excrescentiis, vt pterygio & vngui.

Non est prætereundum vlcus in cornea vix vnquam sanati. Prædicendumq; ex eo imminere periculum, ne albugineus humor effluat. Galenus vidit vlcus corneæ sanatum, sed in puero, in quo partes spermaticæ restaurari possunt, & in vlcere quod succedebat vulnere, non erosioni. In adultis quod fit ab interna causa, est insanabile, in coniunctiua difficillimè sanescit.

*Vlcus cor-
nea an sa-
nabile.*

Haftenus de morbis oculorum. Sequuntur symptomata.

PER QVIRVNTVR SYM-
ptomata primi, secundi & tertij
generis.

C A P. III.

Visus vt quælibet alia actio læditur tribus modis: aboletur, minuitur & deprauatur. Abolitus visus cæcitas dicitur: Atqui à priuatione ad habitum non est regressus. Distinguo, si priuatio includat absentiam facultatis: nam fieri potest, vt functio eripiat ad tempus, sublato autem impedimento, vt acudeturbata suffusione, aut eroso magno pterygio quod pupillam tegebat, visus in integrum restituatur.

Imminutio visus ἀμεινωπία dicitur, præsertim quando non est euidentis causa. Senibus visus minuitur facultatis impotentia, spirituum inopia, & crassitie tunicarum: siccitate enim corrugantur, siccescunt humoris alibilis defectu, quæ visus obscuritas est insanabilis. Aliquando à cerebro ipso repetenda est causa tam aboliti, quàm imminuti visus, vt cum apoplectici & detenti caro non vident. Aliquando à spiritu visiuo partim qui ingenuus est oculo, partim qui influit à cerebro per neruum opticum, vt illius perennem dissipationem repararet. Quæ sciam, dices, si in cerebro ipso sit causa hebetioris visus, an in oculo? Hoc tibi certum erit signum, si cum visu alij sem-

sus obfcrentur: est enim cerebrum primum & commune sensorium, à quo veluti riuuli de fonte, emanant quinque sensus particulares. Quemadmodum enim nerui visorij, auditorij, gustatorij, olfactorij, & tactorij à cerebri substantia ortum ducunt: Ita facultas visiva, auditoria, gustatoria, olfactoria, & tactoria à vi & facultate animali cerebri: particulares enim istæ facultates sunt tantum influxus communis. Vitio autem optici spiritus minuitur visus: vel quia sit parcius, & rarius, ideoque dissipabilis; vel quia crassior, hebetior, obscurior: debet enim esse multus, tenuis, mobilis, lucidus, denique igneus, participans potius naturam lucis quam flammæ, qua causa Aquila nos vincit visus perspicuitate. Et miramur adhuc, si tanta sit in hebetudine visus sananda difficultas, cum tot cõcurrant causæ immateriales, in quas materialia medicorum remedia nullum, aut per exiguum habent imperium.

Signū laesæ cerebri.

Spiritus visorij.

Cur tanta difficultas in visu roborando.

Hebetioris visus species quedam sunt *μυωπία* & *νυκταλοπία*. Myopes verò seu lusciosi dicuntur, qui à natura cominus tantum vident oculis continentibus, remota, quamuis magna, discernere non possunt. Quod accidit facultatis impotentia, vel spirituum inopia; qui affectus, quia naturalis, est insanabilis. Nyctalops vero dicitur, qui ex morbo talis euasit, vel qui interdum videt media luce, occidente sole obscurius, noctu nihil, etiam accensâ candela, ideo cæcitas nocturna potest nominari: quod illis accidit, vel propter imbecillius cerebrum, vel propter crassiores spiritus, vel propter al-

*Nyctalopes
cur noctu,
non inter-
diu vi-
dent.*

*Hallucina-
tio.*

*Differen-
tia.*

buginei humoris & corneæ densitatem. His enim causis accidit, ut candelæ lumine sufficienter oculi non illustrentur. Equidem certe in genere animalium quædam vident interdiu & noctu, etiam in mediis tenebris, ut feles & capræ. Alia noctu. non interdiu, ut vespertiones: Illis enim oculi tam sunt infirmi, ut diurnum lumen ferre non possint, nocturnum facile, quinetiam fulgore suo illustant obscurum aërem, ut squamæ piscium, & vermes qui nent sericum. Nullum est animal, quod sciam, cui à natura tributum sit interdiu videre, non noctu, quod Nyctalopibus accidit propter tres causas commemoratas. Eæ sunt aboliti & imminuti visus differentia. Sequuntur exempla visus deprauati, in quibus *παρόρασις* seu hallucinatio primum locum tenet.

Hallucinantur verò quibus oculorum tunica alieno colore tincta sunt: nam ut per vitrum viride omnia videntur viridia, per rubrum rubra: Ita sub hyposphagmate omnia putantur rubra, sub aurigine oculus suffusus bile, omnia existimat flava.

Deprauatur visus etiam iis quibus pupilla est iustolatio, omnia enim videt minora quam sint; quemadmodum quibus angustior, omnia vident maiora. Item qui habent pupillam diuisam, res duplices intuentur, quemadmodum in fracto vitro tot imagines representantur, quot sunt frustula. Faciamus enim crystallinum humorem sursum, vel deorsum intorqueri, à parte vneæ, à qua deflectit, in duas partes scinditur, proinde vno intuitu duo radi; ad idem obie-

Quum diriguntur: Quid multa? siue visus fiat emittendo, siue recipiendo, duplices illis se ostendunt Thebæ. Ad hallucinationem referri potest muscarum circa oculos volitantium falsa imaginatio, incipiente suffusione, tam notha quam legitima.

Oculos etiam malè habet affectus non prætereundus, qui ἰππὸς dicitur, continua oculi nictatio, assiduus isque tremulus & instabilis oculi motus, quem Aristoteles scribit esse indicem inconstantis ingenij: quia à calido cerebro causam ducit. Obseruauimus quibusdam solam pupillam assidue moueri tremulo motu. Hactenus de actione læsa.

Oculi nictatio.

Ἐπιφωρὰ seu lachrymatio inuoluntaria est immoderatio in excreto, veluti catarrhus oculi. Celsus vocat cursum pituitæ. Solet fluxio fieri sub pericranio, & in maiorem angulū gliscere: medici generalius rheumatismum vteri, appellant eiusdem ἐπιφωρᾶν. Cum tamen simpliciter & sine adiuncto effertur, est rheuma oculi.

Epiphora.

Ad affectus simplices seu qualitates præter naturam immutatas pertinent, nebula, & albugo quæ differunt tantum intensione & remissione: est enim nubes, leuior & superficialis tantum albugo. Verum quid sit albugo non satis constat. Vulgò creditur cicatrix ab ulcere, quibus onyx videtur esse paruum hypopyum, referens unguis similitudinem. Mihi verò videtur onyx cicatrix in cornea, aut coniunctiua, succedens alterutrius ulceri, quæ fortassis ob duritiem unguis dicitur. Albugo verò est viti-

Albugo.

glaucoma.

ligo in oculo, λεύκωμα, leuce oculi, macula alba contaminans oculum & lædēs visum, præfertim si fuerit in cornea: nam quæ inficit coniunctiuam, non nocet visui. Huc etiam pertinent alieni colores, ut cum sub aurigine flavescit, sub hyposphagmate rubet totus oculus, vel si crystallinus humor mutetur in colorem glaucum (fit autem mixtione albi & viridis) quod virium γλάυκωσις seu λεύκωμα nuncupatur, crystallini superficies siccitate induratur & exuperatur, fitque inæqualis, quæ debet esse nitida, pellucida, æqualis. Sub glaucomate obscurè, & veluti per opacum nobis omnia videntur, lux non videtur: quo accidente distinguitur à suffusione: Cur γλάυκωσις a senio? quia corrugatur siccitate. Affectus est insanabilis, quemadmodum & ceteri morbi ab immodica siccitate contracti. Ergo cæterorum symptomatum remedia percurramus.

Remedia
visus im-
minuti.Calendula
oculis spe-
cifica.

Amblyopiæ siue visui imminuto conueniunt quæ proprietate visum roborant, cuiusmodi sequentia perhibentur, iecur capræ. Interim dum assatur, fumus oculis recipitur, pinguedo seruatur pro collyrio, iecur ipsum editur. Laudatur etiam fel capræ, perdicis, gruis; diluuntur aquis euphrasæ, rutæ, calendulæ, quæ omnibus morbis oculorum prodesse dicitur à quacunque causa. Cinis capitis viperarum vsti commendatur ab Aëtio, aut pica auis, testaceo vase crematur & in cinerem reducitur: cerebro hirundinis & vespertilionis quidam pares vires attribuunt. Rasis affirmat oculum cancri etiam appensum collo, malè affectis oculis

prodesse. Easdem vires Plinius tribuit oculo felis, alij oculo picæ, alij lupi: cornicum oculos quidam ad cœlum extollunt: si placet, misceantur cum euphrasia, ruta, fœniculo, chelidonia, calendula & inde aqua destilletur. Huc refer puluerem ex fœniculo, euphrasia, sumendum à pastu, aut vinum euphrasiæ, & alia quæ primo capite commemorauimus. Contra, hebetant visum vaporosa, vt lac, pisces, legumina & frigida, humida, vt lactuca: quæ hoc quidem habet commune cum cæteris valdè frigidis, vt porrulaca, quòd frequenti vsu cerebrum & oculos refrigeret, proinde animales & visuus spiritus hebetiores reddat. Verùm præterea videtur habere quiddam visui inimicum. Valescus annotauit cucurbitulas sæpius admotas scapulistandem debilitare visum.

*Visum la-
densia.*

Myopes ex morbo seu nyctalopes vtantur lacte asinæ, & cibis boni succi qui humectent, vt regenerandis spiritibus materia suppetat, caput perfundatur oleo violaceo, vt siccius cerebrum humectetur, oculus confirmetur iis quæ ad amblyopiam præcesserunt.

*Myopia re-
media.*

Turcæ gestant in aures ad claritatem visus. Oculi videndo lassi aspectui iucundi coloris recreantur; Aristoteles præfert viridem, Galenus cœruleum: Distinguendum, quando sunt valde dissipati spiritus, nigro melius congregari: alioquin viridem, visum magis recreare: smaragdum & sapphirum sæpè aspicere & iisdem oculos attingere, iuuat.

*Quis color
oculos re-
creat.*

DE DOLORE OCULORVM.

CAP. III.

*Cur anodyna secūdi generis
sapius in
usum ve-
niunt.*

*Cataplasma anody-
num.*

*Epiphora
remedia.*

Quia oculorum sensus est exquisitus, dolore tam acerbo cruciātur, vt neglecto morbo ad tempus, cogamur illi subuenire. Equidem verē sunt anodyna, quæ tollunt causam doloris. purgatio, venæ sectio; & collyria morbo contraria, vt calida in frigido, frigida in calido: sed tardior est eorum operatio. Propterea illis non neglectis anodyna secundi generis imperabis, vt lac mulieris ab vbere instillatum. Interim de lacte hoc obiter annotatum volo: non esse miscendum collyriis, nisi tempore vsus, quia citò acefcit. Anodynum est pomum coctum sub cineribus, deinde, tritum cum lacte, & forma cataplasmatism admotum; addere possis vitellos ouorum. Nisi mitescat his duobus anodynorum generibus, ad tertium, velut ad extremam anchoram, confugiendum. Trechiscorum alb. Rasis cum opio 3. ss. diluatur lacte mulieris, & instilletur, aut opij granum vnum diluatur pauco lacte. Nam Galenus scribit, opium dolentibus oculis plurimum prodesse.

Vt epiphoræ subuenias, cerebrum, quin etiam totum corpus, quacunque poteris arte desiccato, purgationem frequenter instituito, inediam, hidroticum, masticatoria, cucurbitulas, sacculos, cucupham, cauteria, seronem,

Hippocrates

Hippocrates libro. de locis in homine sistit fluxionem cauterio ad os usque sincipitis adacto, aut multis incisionibus profundis, quarum vices subit vesicatorium. Paulus libro sexto magnificat περισχύτισμον. Incidit caput infra futuram coronariam ad os usque, deinde interiectis linamentis vulneris labra diducit, cicatrix tandem exoritur, quæ fluxionem intercipit. In inueteratis fluxionibus aliquando Galenus fecat arteriam pone aures. Topica sint succus granatorum coctus ad dimidij consumptionem, pulvis uiræ acerbæ vel ex ossibus myrobalanorum in oculi maiorem angulum insufflatus; aut thus, bolū vellaloen infunde in succi granatorū, aquæ rosarum & plantaginis æquis partibus, colatura in maiorem canthum instilletur. Cæterum quibus à natiuitate lachrymantur oculi, ne explicata quidem à Paulo chirurgia sanabuntur.

*Ha operatio-
nes inter
obsoletas à
Fabr. c. o
ab aqua-
pend re-
censentur
lib. 1. c. 4.*

Pergendum ad affectus simplices. Si albugo sit cicatrix ab ulcere, recens, ut pterygium curetur, durior sinatur: quemadmodum si onyx sit paucum pus sub cornea, curetur ut hypopyum. Macula verò incipiens, in pueris detergenda & eluenda est succis chelidonis minoris, quæ hirundinaria dicitur; agrimonis fumaris, coctis cum melle & pauca aqua usque ad consumptionem aquæ: Vel butyrum lauetur in aqua euphrasie, pro ʒ. i. milce tuthie ʒ. i. pulvis sacchari candi insuffletur, aut fex vini maluatici. Inueterata, profunda, dura, non sanescit, vneque vitiligo confirmata.

*Affectuum
simplicium
curatio.*

Flauus color qui sub aurigine fœdat oculos, eluetur si vapor aceti in tegulam ardentem proiecti oculis recipiatur. Rubor disparebit, sanguine columbæ turturis aut hirundinis instillato, quia sanguinem discutit. Glaucoſis eſt inſanabilis.





SECTIONIS

PRIMÆ

TRACTATUS TERTIVS.

IN QVO MORBI ET SYM-
ptomata aurium explicantur.

CAP. I.



CVLVS & auris sunt duæ
portæ intellectus, auditus est
sensus disciplinæ. Cur naturâ
surdi sunt muti? quia sermo
ex auditu. Cur surdi ut pluri-
mū anhelosi? quia per asperā
arteriam auris cum pulmone
communicat, qua causa qui durius aures scal-
punt ruffiunt, & peripneumonici aures ma-
dent, & illis parotides superuenientes sunt in
bonis. Accidit partium istarum sympathia pro-
pter operis communionem: Pulmo enim lo-
quitur sermo verò ex auditu.

Problemata.

Omni morborum genere vexantur; verum *intempe-*
de intemperie nulla est querela, nisi aliquo se pro-
dat symptomate, ut calida doloris acerbitate,
humida auribus humidioribus; purulentis:

i ij

frigida tinnitu. Obstruuntur sordibus, pituita, grumo, pure, vel realiqua in meatum auditorium ingressa, ut lapillo, pulice.

*Inflan. ma-
no.*

Phlegmone non raro tentantur, à venis meningum, eò confluente sanguine, qui colligitur intra duram matrem, & eam membranulam quæ audiendi meatui prætenditur. Suppuratam phlegmonem vlcus comitatur, quod etiam humoris alicuius acrimonia primò per se inuadit. Ex his morbis procedunt omnis generis symptomata: Auditus enim aboletur surdis, minuitur surdastris, deprauatur iis quibus aures tinniunt. Imprimis consulendum morbo, deinde symptomati, prouidendumque ne ex surdastris fiant surdi.

Obstructio. Obstruens causa quæ auditum lædit imprimis considerata est, ut illi suum remedium opponatur. Esto pituita: repurgato corpore ex pilulis cocciis vel de agarico; ad deterfionem instillabitur in aurem succus allij, capæ, vel porri, aut oleum in quo allium bullierit, aut fel cum succo allij. Ad euacuationem verò penicillus indatur in aurem ex veratro aut colocynthide exceptis melle. ℞. vtriusvisz. ℞. aut añ. ʒ. j. cum melle fiat penicillus siue parua glans, quæ sinatur in meatu auditorio per tres aut quatuor dies. Dioscorides contentus est fibris elebori.

Si illapsum in aurem fuerit liquidum, ut aqua, vinum, acetum, per calamum vel arundinem exugatur, aut per syringam retrahatur, aut spōgia sicca in modum tentæ immissa, aut medulla sambuci absorbeatur, aut oleum in au-

rem distilletur, lubricabit viam, & secum re-
ducet aquam. Si verò fuerit ficcum (festuca,
vel lapillus) candela cerea oblita visco, glutine,
terebinthina erit inuiscandum. Interim sternu-
ratio & tussis moueantur, nares claudantur, vt
diuertat spiritus ad aures, & noxium excludant.
Animalcula iniecto aliquo acri, vt aceto in quo
paucum fel capræ dissolutum sit, interficiantur;
aut vino in quo colocynthis bullierit: Postea
auris aliquo detergente, vt hydromelite ablu-
tur. Si à prima conformatione quædam carnis
excreſcentia obturet meatum, vel cicatrix ab
ulcere, considerandum est penicillo indito, si
altè penetret; tùm enim non est attingenda; si
sit superficialia, aut exedatur vt pterygium; aut
chirurgia tractetur, vt *ἐξγαυίς*, quam explica-
uit Paulus libro 6. & Celsus libro 7.

Inflammatiõ dignoscetur dolore pulsato-
rio cum ardore partis & febre continua. Quo
interior, eo periculosior, propter nobilita-
tem partis: pertingit enim ad meningas. Sin-
gulare & vnicum remedium in venæ sectione,
non neglecta purgatione, & clystere frequenti:
Itaque phlebotomia repetatur, & liberaliter
sanguis mittatur, vt impediās ne fiat inflam-
matio: Ad eum finem instillandum est in
aurem oxyrhodinum per se, aut cum oui albu-
mine agitatum, aut mucago psyllij, cydonio-
rum; extracta in aqua rosarum vel plantaginis.
At hæc repellunt, dices: non licet autem à
parte ignobili ad nobilem repellere, ab aure ad
cerebrum. Licet sanè, quando ex doloris acer-
bitate manifestum imminet morris periculum:

*Phlegmo-
nes auris.
re media.*

*Repellentia
quando li-
cita.*

*Resoluen-
tia.*

senes aliquando seruantur, iuuenes raro. Fluxio simul retrahenda est, ad motis dorso cucurbitulis cum profundo scarificatu. Quod si his remediis generatio phlegmones non possit impediri, tentanda erit resolutio, instillata mucagine fœnugræci, extracta in lacte, aut excipiendus per infundibulum vapor decoctionis althææ, maioranæ, chamæmeli. Eadem materia impleri possunt duo parui sacculi, qui bulliant in lacte, & vltissim calidi applicentur auri dolenti. Si non possit resolui, inueter suppuratio iniecto basilico, vsus tempore dissoluatur oleo liliorum, aut chamæmeli. Pinguedo etiam anseris vel gallinæ poterit instillari, aut cataplasma pepticum, ex farinis lini & fœnugræci coctis in hydrelæo. Sed memineris hîc citiùs quam fieri possit abscessum aperiendum esse, ne sanies per moras aut erodat, aut retrocedat.

*Vlceris cu-
ra io.**Detergen-
tia.**Sarcotica.*

Suppuratam phlegmonem sequitur vlcus, aliquando per se primò inuadit erosione. Detergendum imprimis hydromelite, aut si calor absit, œnomelite. Nisi malis agrimonie aut marubij succos coctos cum melle, aut syrupos rosarum siccatũ, vel de absinthio instillare. Deinde verò ad incarnandum & cicatrice obducendum, suffitus ex thuris & myrrhæ æquis partibus, vel diluatur œnomelite. Quod si vlcus fuerit malignum (quod sanies multa, putida, tenuis, aliquando etiam liuida demonstrabit) Vnguentum Apostolorum, quinetiam Ægyptiacum, aut pastilli Musæ diluantur aqua vitæ, aut aceto: vel scoria ferri aceto, vel vino septies abluatur: deinde in eodem coquatur,

dōnec acquirat crassitudinem mellis. Non est
prētereundum Marcelli empirici experimen-
tum. Misce, inquit, lactis canini ℥. ij. cum ℥. j.
mellis, & infunde; mox lana aurem occlude, *Remediū
empiricū.*
etiamsi vlcus sit cancrodes, nihilominus sane-
scet. Valescus hoc remedio aures ab octo iam
annis putres & purulentas sanauit, nec ne-
glexit empiricum insignis empirici reme-
dium.

*DE SYMPTOMATIS
aurium.*

C A P. II.

HAtenus morborum; sequitur sympto- *Κόφωσις*
matum curatio. Natura surdis frustra *surdigo*
præscribuntur remedia: surda strinon sanantur *dicitur à*
si inueterarit malum, vt si iam duos annos ex- *Marcello.*
cesserit: Rhasis 3. *contin.* requirit spatium de-
cem annorum. Vix vnquam si æqualis sit sur-
ditas. Inæqualis enim, quia, vt verisimile
est, sit à flatu, facile sanescit. Appello inæ-
qualem, quæ affligit inæqualiter vno die magis,
altero minus. Fiunt etiam surda strin, quando aër
conclusus membranula est valdè crassus, quia
aër crassus à forti tātum impressione mouetur,
magnos tantūm sonos percipiunt, exiguos non
discernunt: Surda stros etiam, quin & surdos
efficit ingens strepitus, vt tonitruī: qua causa
qui incolunt eam partem Ægypti, qua Nilus se
præcipitat, omnes ferè sunt surdi.

i iiii

*Sonus qua-
lis iniet.*

Aph. 60,
lib. 4.

quis, Archig. apud Gal. pro remedio surditatis ponit vehementem inclamationem : neque dubium tubarum sono curari surditatem, quia calfacit & discutit humorem aut flatum impa-ctum. An moderatus sonus confert, non vehemens? an confert depleto capite, non pleno? Surditas quæ accedit morbis acutis, sanatur superueniente diarrhœa, aut hæmorrhagia : Ita enim Hippocrates. *Quibus in febribus aures obsurduerant, sanguis ex naribus fluens, aut alius turbata, soluit morbum.* Nil æquè confert surditati, quam alius biliosa, inquit Celsus. Distinguit Galenus, si fiat per consensum, vt ab inferis partibus translata materia : neque enim verus est Aphorismus de primaria & essentiali surditate.

*Surditatis
remedia.*

Aph. 5.
lib. 3.

Vt ex arte & cum ratione surda stros percu- res, læsi auditus diligenter perquirenda causa : aliquando enim à cerebro ipso humidiorē re- petenda est : nam cerebrum est sensorium pri- mum & commune, ex quo vt ad oculum vi- dendi, sic ad aurem audiendi vis influit per neruum auditorium, qui à quinto pari deri- uatur. Qui quidem est audiendi primarium in- strumentum, vt crystalloides videndi, quo ner- uo malè affecto, vt intemperato, auditus minui- tur. Hippocrates Austrum appellat *ἄρηνιον*, quia neruum & cerebrum humectat; eodem indurato, aboletur. Consideranda inquam cau- sa : Nam si interior carnis excreſcentia, aut ci- cattix ab vlcere meatum obstrueret, irrita es- sent remedia. Esto cerebrum humidius, causa auditus imminuti, desiccandum erit vt in epi-

phora. Si pituitæ meatum obstruentis suspicio fuerit, præter iam commemorata remedia, vti etiam possis oleo amygdalarum amararum, aut de castoreo, in quibus cum vini pari quantitate bulliant colocynthis & elleborus ad consumptionem vsque vini, colatura instilletur. Galenus ex Andromacho, pro surditate magnificat hoc remedium. ℞. veratri & castorei, añ. ʒ. j. dilue aceto aut vino, & lana exceptum infunde. Aëtius mauult veratrum excipi melle, & forma glandis demitti in aurem. Dioscorides iubet taleolam ellebori nigri per tres dies in aure detineri. Hollerius desperatis aliis auxiliis, præscribit per aliquot dies decoctum ligni sancti, & applicat toti ceruici emplastrum Ioannis de Vigo cum Mercurio. Non sunt omittenda cauteria, eaque pone aures, authore Rhasi, ad-mouenda.

*Obstructio-
nis cura-
tio.*

*Decoctum
guaiaci.*

Confertne surdis & surdastris venæ sectio? Confert in causa calida, aut corpore plethorico: alioquin, vt cerebro frigidior & humidior, vel obstruente pituita, nocet. Hæc de auditu abolito & imminuto.

Deprauatur tinnitu: Tinniunt aures, membranula, quæ spiritum auditorium includit à flatibus impulsæ: non enim refert, si quid strepat foris, an intrò. Quibusdam videtur falsa imaginatio, quemadmodum de vertiginosis & suffusis dictum est. Propterea Auenroës appellauit auditum phantasticum. Flatus aliquando ab inferis partibus, vt à liene aut ventriculo assurgunt, aliquando à cerebro ipso ad aurem transmittuntur, qui tinnitus dicitur fieri per

*Tinnitus
aurium.*

*Is sapius
aures tin-
nunt, qui-
bus acutus
est auditus,
qui à leuif-
sima cau-
sa offendi-
tur.*

consensum. Primarius in ipsamet aure causam habet. Discernuntur, quod primarius sit continuus: per interualla verò affligit qui per consensum. Tum parti primò laboranti succurrendum est, vt ventriculo, vsu frequenti pilularum de hiera, vel elephanginarum. At primario tinnitui ea conueniunt, quæ surditati: nam cum perseverat, neque cedit ordinariis remediis, minatur surditatem. Primum forticathartico corpus repurgetur: nam diarrhœam superuenire bonum est. Deinde ℥. succi capæ, alliorum vel porrorum ʒ. β. bulliant in oleo amygdalarum amararum, vel castorei, vel anethino, laurino, rutaceo, vel cum adipe anseris, aut vini, aut aquæ vitæ pari quantitate. Serapio & Auicenna plurimum commendant oleum de scorpionibus. Zoar quotidie guttam vnam olei de sinapi instillat. Si displiceant pingua quia obstruunt, fiat decoctio ex maiorana, floribus chamæmeli, meliloti, añ. M. j. baccis lauri, semine anisi, fœniculi; adde, si vis, parum castorei, euphorbij vel colocynthidis. Huius decocti vapor excipiatur aure tinniente, per infundibulum. Possis eodem modo vti vapore acetiscillitici, aut vini in quo castoreum, aut elleborus bullierit. Si placet, prædicta materia impleatur duo parui sacculi, qui auri tinnienti vicissim applicentur.

*Sacculi
auri ad-
mouendi.*

Memineris olea, succos, decocta instillanda esse pauca quantitate, vt duas vel tres guttas, quæ exceptæ cotone tepidè instillantur, (aures enim neque valdè calida tolerant, neque frigida) proinde quæcunque in aurem iniiciuntur

Cautiones.

repida sunt, mox auris lana occludatur, nec nouum prius immittas, quàm deterfa fuerit, aut repurgata.

Quidam iubent ne vltra tres horas contineatur, alij etiam octo horis contineri volunt, quia non putant tres horas fufficere ad iuftam operationem medicamenti.

Memineris etiam, cum primùm liquorem instillaris: ægro præcipere, vt iaceat in aurem fanam, cum tres horæ plus minus effluerint: vt facile iniectum effluat, iube vt caput obuertat, & reclinet in alteram partem.

Sternutatoria hîc valdè profunt. Confert etiam habere perpetuò aures occlusas cotone moschato, ne ventus subeat & flatus augeat.

Cæterùm tinnitus ab ictu est infanabilis, quemadmodum & confirmatus, vt qui iam duos annos excessit.

DE DOLORE AURIUM.

CAP. III.

Auris dolor sæpe tam acerbus est, propter neruum auditoriũ, vt, cum febre cõtinua delirium, quinetiam mortem inducat: Itaque mox placandus est, si fieri potest forti & frequenti purgatione in frigida: venæ sectione in calida causa. Topica accommodentur causæ. Si ab inflammatione, oxyrhodinum instilletur: si à flatu membranas distendente, oleum anethi, lauri, castorei, de sinapi. Quando dubia est

Remedia
generalia.

Topica.

causa, ea conueniunt, quæ iuuant proprietate, vt oleum de scorpionibus. Dioscorides, Plin. Celsus, Auicenna magni faciunt vermes terræ, coctos cum axungia anseris. Alij extollunt oleum, in quo cochleæ, aut blattæ bullierint. Galenus *lib. ad Pison.* laudat oleū in quo bullierint scarabei; Auenzoar oleum de vitellis ouorum; Scribonius Largus pisselæum, seu oleum de pice; Hippocrates iubet applicari auri cucurbitulam ad flatum discutiendum.

Anodyna.

Quibus si nihil proficitur, imperentur anodyna secundi modi, vt lac ab ubere instillatum, vesicæ semiplenæ lacte tepido, vicissim admotæ, in quo lacte, maiorana & flores chamæmeli bullierint; quæ duo simul coquantur, & vapor aure dolente excipiat per infundibulum. Si neque hoc, neque illo anodynorum genere demulceatur, præscribantur narcotica, qualia in

Narcotica.

dolore oculorum. ℞. trochiscorum alb. Rhasis cum opio, aut Philonij ℥. j. dissolue in lactis muliebris ℥. j. instilletur, aut granum opij dilutum lacte. Prouidebis autem, ne longiore vsu narcoticorū ægrum surdastrū relinquant. Quod si causa manifestè fuerit frigida, instillabis olea calida, vt anethi, lauri, castorei, omnino cauendo à narcoticis. Hactenus de auditu læso. Sequitur *æmetria* in excreto.

Aures humida bonum in pueris.

Sanè expedit pueros habere aures humidiore, & multa scabie scædatum caput: hæc enim duo in infantia habere, caput scabiosum, & aures humidas, bonum est, auctore Hippocrate. His enim à magnis morbis, præsertim ab epilepsia liberantur. A contrario, qui priuantur

hoc naturæ beneficio, magnis morbis obnoxij
sunt. Si tamen post annum pubertatis hæc
aurium vlgo perseueret, corpore diligen-
ter repurgato, nec non cauterio brachii admo-
to, humor vacuandus: in suo fonte hidrotico-
rum vsu & admotis cephalicis siccandus. Pro
topico cotonem, qui maduerit in decocto
astringente (vt vino decoctionis malicorij, ba-
laustiorum, vel aluminis) desiccato: eoque
fluentes & humidæ aures obturato.





SECTIONIS PRIMÆ

TRACTATUS QVARTVS.

IN QVO NARIVM MORBI ET
symptomata explicantur.

CAP. I.



VENROIS nares appellat odoratus deferens instrumentum: processus mammillares eiusdem sensiterium: os ethmoides, siue cribratum, est medium per

*Morbus
numeri.*

*Sic Celsus
& Aetius
definiunt
polypum.*

Communis.

quod nares odores transmittunt ad papillas. Nares obsident, morbi in numero, vt polypus, qui est caruncula modò alba, modò rubra, quæ narium ossi adhæret, & modo ad labra pendens, narem implet: modò retrò per id foramen, quo spiritus a naribus ad fauces descendit, adeò crescit, vt post vuulam conspici possit; aliquando strangulat, potissimùm Euro aut Austro flante. Polypus albus fit à sanguine pituitoso: ruber a sanguine propriè dicto. Tentantur etiam vlcere simplici, vel putri, quod ozæna dicitur. Vlcus simplex fit coryzæ

acrimonia, quod nisi provideas degenerabit in
ozanam, hæc in carcinoma. Laborant etiam
plerumque vitio conformationis, ut cum adeo *Organicus.*
sunt depressæ, ut impediatur respiratio: resimi
non mungunt libere, mucus retentus putret,
vnde cæteris, quinetiam sibi ipsis sordent. Idem
accidit, quoties os cribratum multo mucro op-
pletur: Intercepta enim via odoribus, manife-
stè olfactus læditur, & pituita tandem putre-
scens fœtorem parit intolerabilem.

Sensorium oportet esse temperatum, proinde
quibus processus mammillares sunt humidio-
res, ij odores malè discernunt: quemadmodum *Odores qui*
cum grauedine laboramus, humidæ nares male *male dis-*
distinguunt odorum differentias, propterea qui *cernunt.*
sunt emundæ naris, acrioris iudicij putantur;
contra parum sapere dicuntur, quibus assidue
stiria pender de naso.

Qui nares habent humidiores, cerebrum
habent humidius, genituram liquidiorum.
Inexplicabile est, cur quidam delectentur pu-
ridis odoribus, suaues vero refugiant. Malum
est picæ analogum, in qua nonnullæ interdum
puellæ prauis coloribus fœdatæ & aliquæ gra-
uide, primis quatuor mensibus gestationis ap-
petunt carbones, cretam, lutum; edulia boni
succu aspernantur. Magnitudo nasi in bonis ha-
betur, ut paruitas in malis, inde nasuti pruden-
tes censentur.

Nasutus sis usque licet, sis denique nasus.

Instat ut morborum propositorum reme- *Polypicu-*

*ratio.**Polypus,
quis cura-
bilis.*

dia explicemus, initio ducto à polypo. Cuius curationem priusquam suscipias, cum speculo nasi eius colorem explorabis, quia albus duntaxat, aut ruber est capax remediorum: niger verò, quia iam accedit ad naturam canceri, neque ferro incidendus, neque caustico exedendus, sed succo solani, aut eiusdem aqua, in qua aliquid tuthiæ maceratum fuerit, illi blandiendum est; hoc est cura non vera, sed palliativa tractari debet: si ad nigrorem accedant duresces & dolor, sine dubio est cancerosus: oportet esse mollem, indolentem, album, vel rubrum, qui medicamentis, vel chirurgia tutò curari possit. Antequam medicas manus tali polypo admoveas, præmittantur generalia, purgatio & venæ sectio, præsertim in polypo rubro, masticatoria, ad derivationem: frontale adstringens ad intercipiendam, fluxionem, vita frugalis. Deinde experire leuiora, etiamsi tardioris sint operationis, qualia sunt Galeni duo remedia, vnum ex succis granatorum cuiuscunque generis, acidorum, dulcium & dulciacidorum: expressos succos diu agita in mortario æneo cum pistillo æneo, donec acquirant consistentiam mellis: hoc unguento intinctum penicillum, qui attingat polypum indito, aut specillo sæpè attingito, quia medicamentum à grauedine diluitur.

*Probatum
remedium:*

Alterum constat ex cerati myrtini ℥. j. β. & Ægyptiaci tertia aut quarta parte. Quo remedio soleo vti feliciter in absumendis excrescentiis, ut callis, verrucis & condylomatis. Verùm quia ceratum myrtinum non exiat in officinis, parabitur

rabitur in rem præsentem ex olei myrtini ꝯ. i. pulueris myrtillorum ꝯ. j. & ceræ rubræ. suffi-
cienti quantitate. Huic vnciæ cerati, misce ꝯ. ij. Ægyptiaci, hoc vnguento attingendus sepe polypus, aut turundæ extremum, quod attingit polypum, eodem vnguento inebrietur. Fortiora sunt, & citius operantur cauteria potentialia, vt oleum de vitriolo, aqua fortis, aqua vitæ infusionis vitrioli, puluis Mercurij. Poterunt ratione partis destillationi obnoxia, & causa sternutationis, quæ commota impedit actionem remedij, ista caustica aqua rosarum, vel plantaginis temperari. Chirurgia verò est breuius & tutius remedium: lato specilli mucrone abscinditur polypus, mox radix cauterio clauali vritur. Quando non aliter quam pensilis verruca extra nares descendit, foras attrahatur, deinde forcibus propè radicem abscindatur, mox radix cauterio vratur. Non desunt qui incidunt narem, mox bolum cum albumine superponunt ad sistendam hæmorrhagiam. Sic conspicuum polypum, cultello incidunt, deinde vrunt, tandem vulnus suunt, quod in rusticis fieri potest, qui non metuunt faciei deformitatem. Est cum descendit in fauces per foramen naribus & palato commune, quantum fieri poterit, attrahatur forcibus, mox incidatur, vratur, vel equiseta incidatur veluti serra, eo modo quem copiosè declarat Mesuæus cap. de polypo.

Cathartica.

Operatio chirurgica.

Aliquando polypus vlceratur, succeditque vlcus malignum. Vlcus verò siue huic, aut alteri morbo succedat, siue primarium fuerit, di-

vlcus narium curatio.

gnosceretur ex molesta crustula, quæ mungendo excluditur, quam sanguinis putris, aut saniei aliquot guttæ comitantur.

*Errhinum
detergens
& siccans.*

Primum errhino detergente & siccante curetur, quale hoc fuerit. ℞. agrimonie & marubij odorati, añ. M. β. rosarum rubrarū & hordei, añ. pug. j. bulliant in hydromelite, colatura ℥. j. seruetur pro errhino. Deinde hoc vnguento illinatur, quod Aëtius ex Oribasio describit. ℞. cerusæ & lithargyri, añ. 3. vj. plumbi vsti & loti 3. iij. myrrhæ & aloes, añ. 3. j. gallarum 3. j. omnia vino & oleo myrtino excipiantur, fiat vnguentum. Paretur etiam candelæ ex cera rubra, addendo aliquid mastiches

Vnguentū.

*Trochisci
ad suffitiū.*

vel myrrhæ, fumus attrahatur naribus in camera bene clausa. Ad eundem usum poterunt parari trochisci hoc modo. ℞. mastiches, myrrhæ, benioin, styracis calamitæ, añ. 3. iij. sandaracæ & auripigmenti, añ. 3. j. cum terebinthina fiant trochisci, quorum vnum manè proiciat in prunas, & fumum naribus capter. Ad maligna vlcera ex lue indica insufflatur pulvis ligni sancti cum melle Hispano vsto. Chirurgi solent maligna illa vlcera attingere aliquo caustico, vt oleo de vitriolo, aut aqua forti. Sed tum vt præmonui, generalia sunt præmittenda, & defensiuo aliquo, vt frontali adstringente impedienda fluxio; continenda interim ore aqua frigida, ne quid acre in fauces delabatur per foramen commune.

*Cautio in
ulcere à
venerea*

Ad obstructionem ossis cribrati: vt ere errhino detergente, quale initio ad vlcus præscriptum est.

Nares simæ à natura , non recipiunt curationem. Si vero accidente aliquo, vtictu, casu sint depressæ indito tubo plumbeo , suæ figuræ & integritati, in tenella ætate, cùm malum est recens. restitui poterunt. A morbis pergendum ad symptomata.

Odoratus aboleretur, cerebro aut præcipuo sensorio humidior: minuitur polypo, grauedine, obstructione ossis cribrati: deprauatur ozæna, & inexplicabili intemperie sensorij. Si vox simul cum odoratu lædatur, vitium est in naribus: si verò integra voce solus odoratus lædatur, extranares: vel in cerebro, vel in sensorio, denique in facultate ipsa odorandi: Cui malo succurrendum est, olfaciendo sæpè res odoratas. quæ siccant & roborent humidiores cerebri ventriculos & processus mammillares, vbi sita est facultas odorandi. Itaque castoreum aceto scillitico dissolutum sæpissimè odoretur; quinetiam assumat ʒ. j. castorei cum mulla, aut gestet pomum odoratum, cuius formula præcessit; vel sacculus impleatur puluere ex rosis, maiorana nuce moschata, caryophyllis. Singulis morbis, vt ozænæ, polypo, obstructioni, simitati, propria descripsimus remedia.

*Odoratus
symptomata.*

*Cerebrum
siccantia
& roborantia.*

Ad excretorum ametriam pertinent coryza, & hæmorrhagia. Coryza sistetur inspirato vapore acetiproiecti in silicem ardentem, vel lapidem molarem. Si placet, vt acquirat astringendi vim maiorem, in aceto bulliant galla, malicorium, vel nuces cupressi.

*Coryza
curatione.*

Hæmorrhagia critica imprimis distinguenda,

K ij

*Hæmor-
rhagia.**Hæmor-
rhagia qua
lucaris.**Sympto-
matica cu-
ralis.*

est à symptomatica; quia critica sinenda est, nisi manifestè deiciat vires, aliquando tres aut quatuor libræ sanguinis fluunt manifesto sanitatis commodo & dolores capitis acutissimi superueniente magna hæmorrhagia soluuntur. Critica dicitur, quæ aduenit die critico, vt 7. & 14. præcedentibus signis coctionis, cum $\epsilon\nu\phi\omicron\pi\iota\alpha$: ex ea æger melius habet, minuitur morbus & omnia morbi accidentia. Sinenda etiam est hæmorrhagia consueta: nam consuetudo est altera natura. Neque temerè reprimenda est, quæ accidit mensibus, aut hæmorrhoidibus suppressis, quia metus est ne repulsus sanguis aliò, vt in pulmones, diuertat, ibique peripneumoniã, aut hæmoptoidem excitet. Proinde interrogabis an menses sint suppressi nec ne si hæmorrhoides fluere consueta destiterint.

Esto symptomatica, vena in brachio è directo naris cruentæ incidenda est exiguo foramine. Quid si ex vtraque nare profluat? præferatur basilica dextra, cum subest plenitudo, alioquin cephalica. Deinde admovebis scapulis cucurbitulas cum scarificatu, quinetiam ad hypochondrium, quod est è directo, vt sistatur in suo fonte. Confert etiam frontale adstringens, quia non semper sanguis ab inferis, sed aliquando à superis partibus defluit. Unguentum comitissè, emplastrum contra rupturam, aut cataplasma adstringens. ex plantagine, centinodia, rosis, balauistiis; fronti, collo, temporibus vtiliter applicatur: vel succi plantaginis, rosarum, centinodiæ bulliant in oleo rosarum vel myrtilorum, quo succo intinctum linteum

applicetur collo, qua parte ascendunt iugulares. Olfaciat etiam linteū oxycrato imbutum, simile admoueat testibus, hepatis, scapulis; vel aceti in regulam candentem proiecti vapor inspiretur; os posca frigida colluatur, propter venas quæ à faucibus ad nares feruntur, artus arctissimè ligentur, corpus deorsum fricetur ad reuulsionem. In assumendis sunt syrupi & trochisci adstringentes, ut syrupi rosarum siccarum, cydoniorum, myrtillorum, granatorum, iulep rosatum. Trochisci de bolo, de terra sigillata, de carabe, de spodio. ℞. cuiusvis syrupi ℥. i. cuiusvis trochiscorū ℥. ij. ad summum, cum aqua rosarum, plantaginis vel centinodiæ, fiat iulep.

*Assumen-
da.*

Pauperes bibant poscam frigidam parua quantitate. Iuuat etiam corpus repurgare expressione ℥. ij. rhabbari infusi in aqua plantaginis, addendo iulepi rosati ℥. j. Vel ℞. myr- balanorum citrinorum, & tamarindorum vel prunorum acidorum, añ. ℥. j. fiat decoctio, dentur colaturæ ℥. iiij. ad purgandam bilem adstringendo: non enim semper hæmorrhagia excitatur à plethora, sed aliquando à cacochymia, præsertim biliosa. Confert tandem penicillus intinctus albumine, in quo bolus armena aut sanguis draconis dissoluta sint. Perseuerante malo parabitur bolus ex conferuis adstringentibus, ut rosarum & symphyti maioris, addendo prædictos trochiscos, exempli gratia.

*Penicillus
seu curru-
da indenta-
naribus.*

℞. conferuæ rosarum & symphyti, añ. ℥. β. trochiscorum de carabe & coralli rubri, añ. ℥. i. cum syrupo cydoniorum fiat bolus.

K iij

*Videtur ra-
tio.*

alterentur iuscula refrigerantibus, quæ incrascent sanguinem tenuiorem, vt lactuca, portulaca. Vtatur cibus glutinosus, quia inspissant. Aqua chalybeata cum iulepo rosato, sit illi pro ordinario potu: vino enim planè interdicendum est, nisi vires sint valdè languidæ Cerebrorum galli & gallinarum sit vsus frequens, iaceat supinus, non in molli pluma quæ renes calefacit; sed in stramine potius; nō aspiciat res rubras. Quod si prædicta remedia nō iuuerint, imperabis narcotica, vt Philonijz. j. cum aqua plantaginis, aut pilularum de cynoglossio ℞. i. vel opij ℞. ss. Aut quæ ad conciliandum somnum non ita pridem descripsimus: nam somnus omnes fluxiones sistit excepto sudore. Non sunt negligenda quæ creduntur proprietate sistere sanguinem. Vt succus porri & stercus asini, recens diluitur pauco aceto, deinde exprimitur, coquitur cum saccharo ad formam syrupi, qui datur sæpe ex cochleari, aut siccatur puluis & insufflatur per arūdinem, vel excipitur melle rosato, vnde fit turunda indenda in narem, quæ etiam ex linamentis eodem succo inebriatis potest parari.

*Cave à tā
magna
dosiopi,
conten-
tus uno aut
altero gra-
no.*

*Modus
finiri san-
guinis cur
considerā-
dus.*

Considerabis tamen diligenter quonam modo fluat sanguis, non tantum de naribus, sed de quauis alia parte. (hoc enim præceptum volo esse generale) si aperta, rupta, an erosa vena: quia apertæ conueniunt astringentia, vt succi & aquæ plantaginis, rosarum, centinodiæ, oxycratum: Ruptæ glutinantia, vt bolus cum albumine agitur, vel sanguis draconis subagitur cum mucagine cochlearum. At erosæ sola cathartica benefaciunt. Paretur priapiscus ex li-

namentis imbutis succo plantaginis, qui pulvere vitrioli respergatur, & in venam fluentem indatur; nisi placeat hoc cauterium potentiale, imperabis actuale.

Cæterum notabis quoties ex arteria fluit sanguis, toties ægrum versari in magno discrimine, quemadmodum cum fluit de magnis venis. quod si descendat à venis meningum aut retis mirabilis, hæmorrhagia est lethalis. Cum immoderata hæmorrhagiæ accidit convulsio, aut singultus, mortiferum.

Hæmorrhagia periculosa.



MORBI ET SYM- PTOMATA ORIS.

SECTIONIS PRIMÆ

CAP. I.



Oris partes præcipuæ & effatu dignæ sunt dentes, gingivæ, lingua, palatum, fauces. Singulæ habent suos morbos, de quibus sigillatim nobis differendum est, quia frequentissimè de illis medici consuluntur.

Morbi dentium.

Dentes eroduntur, deinde putrent, relaxantur, neque stabiles in suis alveolis manent, stupent, malè colorantur, dolore intolerabili cruciantur, qui nulli alteri cedit, estque acutior dolore capitis; inquit Galen, etsi non adeo periculosus. Quibusdam placet dentes ipsos non dolere, eo quòd sint ossa, & limari possint indolenter. Sanè dolor communicatur denti per nervum, qui à tertio pari in radicem cuiusque dentis inseritur, verùm de dolore mox.

Ad dentes putres & erosos.

Eroso & putri denti nil tam cito succurrit, quàm ignis, omnem enim putredinem sistit. Ad cariem ossis nullum tam præsens remedium. Verùm quia cauterium actuale plurimi refugiunt, Galen. authore colluatur os aceto deco-

Ationis corticis radices capparis, nigellæ, vel zinziberis. Si placet zinziber coquatur in aceto, deinde teratur, & in cauernam dentis immittatur. Sunt qui eam implent caphura, alij aqua de caphura cum aqua vitæ destillata: Si placet. ℞. capitis leporis vstri & puluerati ʒ. β. myrrhæ ʒ. j. aluminis ʒ. j. excipiantur melle, fiat confectio, qua quotidie putres & erosi dentes perfricentur.

Sigingiuarum laxitate dentes vacillent, quod accidit inunctis tempore saluationis, huic malo succurrendum est decocto adstringente, vt vino, aut aceto, in quo malicorium, balauftia, cornu cerui, saluia vel alumen bullierint; quia tamen galla & malicorium denigrant dentes, omissis his, vttere cæteris, vel ex corallo rubro, puluere ossium dactylorum vstorum, sale gemmæ, cornu cerui vsto fiat puluis, pro dentifricio. Vel. ℞. coralli vtriusque, mastiches, tragacanthæ, gummi arabici, añ. ʒ. j. fiat puluis, quo dentes perfricentur. Albucasis docet mobilem alligare fixo denti cum filo aureo. Interim vtantur alimentis liquidis siue sorbitionibus, quia solida non perferunt; vitellis ouorum, pulicula, iusculis. Præmittatur purgatio frequens & cucurbitulis fluxio diuertatur.

Ad aimodiam, seu stuporem dentium Arist. commendat portulacam mansam, cōfert etiam os vino calido colluere. Stupet autem humoris acidi appulsu, non aliter quàm rerū acidarū esu. Vt malè colorati dentes dealbentur, primum ablues os vino, deinde sequenti puluere dentes perfricabis. ℞. testæ ostreorum vstræ ʒ. j.

Dentes
mobiles.

Dentifri-
cium.

Dentium
stupor.

Ad fœdum
colorem
dentium.

coralli, cornu cerui vsti, salis gemme, añ. ʒ. ʒ. ʒ. pumicis & ossis sepia ʒ. ij. fiat pulvis pro dentifricio: ad gratiam possis addere moschi duo aut tria gr. aut parum nucis moschatae.

*Odontalgia
seu dolor
dentium.*

Dolor dentibus accidit aut propter fluxionem factam in neruum, qui inseritur in illius radicem, aut in gingivas: utriusque enim causae dens, alioquin indolens, comparitur. Si in gingivis subsit causa doloris, manifestè tument, ut cum parulide tentantur, saltem si non intumuerint, his etiam leuiter compressis dolor geminatur; si verò causa delitescat & neruum occupet, pressis gingivis non augebitur dolor, potiusque secundum dentis longitudinem extenditur, quemadmodum cum à gingivis secundum latitudinem. Quando causa doloris consistit in gingivis, quia superficialis facilius tollitur: si in neruo, quia latet, nec facile remedia eò peruadunt, difficilius. Errant, inquit Valeriscus, qui vno & eodem remedio omnes dentium dolores sanare se posse gloriantur: Nam est cum à calida, est cum à frigida causa excitatur. Propterea Gordonius utitur hac distinctione. In causa frigida, colluatur os vino, in quo radix tithymali bullierit: in calida, decocto seminis aut foliorum hyoscyami. Verum imprimis purgandum corpus pilulis cocciis, vel de agarico. Quòd si fluxio calida videatur, ut si tumore, rubore, dolore gingivarum inflammatio significetur, liberaliter mittatur sanguis, cucurbitulae applicentur scapulis cum scarificatione. Hæc enim sunt anodyna primi generis, quæ tollunt causam morbificam, quemadmodum

*Dentium
dolores cur
unico re-
medio ex-
pugnari
nequeunt.*

& masticatoria, vt ficus passulæ, mastiche, radix pyrethri, & authore Galen. staphysagria siue puitaria. Verùm, dices, trahunt ad partem affectam. Respondeo idcirco imperari, vt humorem in profundo delitescentem foras trahant. Quæ singula profunt masticata, verùm efficaciora sunt cocta in aceto & gargarizata, quia citius & facilius penetrant ad radicem vsque dentis.

Dicet præterea aliquis, acetum neruis & partibus neruosis est inimicum: & Aëtius damnat aceti frequentem vsum, quia gingiuas & dentium alueolos erodit. Respondet Guido, acetum per se solum non conuenire, sed aliis permixtum, vt sit vehiculum.

Galenus commendat acetum decoctionis gallæ, & acetum decoctionis corticis radicis capparis, quo vtendum tam calido quàm fieri poterit. ℞. gallarum ʒ. ij. bulliant in lb. s. aceti, ad consumptionem tertiæ partis, fiat collutio. Auicenna præfert acetum decoctionis colocynthidis, quia trahit ex alto potentiùs causam dolorificam. Possis eodem modo vti radice pyrethri, vel staphysagria.

Interim vt intercipiatur fluxio, quæ à vertice per tempora, vt plurimùm descendit, iuuabit temporibus applicare emplastrum ex mastiche & desiccatiui rubri, aut emplastri contrarupturam, æquis partibus, malaxentur cum oleo myrtino. Oleum quoque de castoreo vel in quo ranæ bullierint, vtiliter in aurem denti dolenti quæ est c. directo, instillatur. Vulgus imponit brachiali allia contusa, aut ba-

*Empla-
strum ad-
stringens
temporibus
applican-
dum.*

*Vesicato-
riam vul-
gi.*

trachium, flammulam aut simile vesicatorium è directo dentis dolentis ad diuersionem: quæ sunt autoritate Galeni comprobata. Hæc si non iuuerint, veniendum ad narcotica, quæ priuant neruum sensu, cuiusmodi sunt non tantum valde frigida, vt granum j. opij, croci & castorei toridem granis correcti, excipiuntur cotone, & in dentis cauernulam. si fortè fuerit erosus, induntur. Aut ℥. mithridatij ꝑ. ss. opij g. j. excipiantur cotone, & indatur in foramen dentiserosi. Serenus puluerem dentis cerui dilutum aceto, aut puluerem lumbricorum immitit in cavitatem. Alioquin pauco lacte, vel oleo rosato diluatur opium, eoque radix dentis dolentis perfricetur. Non modò valdè frigida stupefaciunt, inquam, sed etiam valdè calida, vt olea chymica caryophyllorum (quod vsitatissimum est) nucis moschatae, thymi, de vitriolo: hæc enim caustica vrunt neruum, eumque priuant sensu. Quando dens est erosus & facile neruus attingi potest, ego mallem cauterium actuale; extremum est remedium dentem putrem euellere. Si radicem pyrethri, in aceto spatio quatuor dierum macerati, contusam immitas in cavitatē, quarto die sponte cadet dens, auctore Galeno. Quidam terebello perforant, vt transpiret; si reformides ferrum attingatur vna gutta olei vitrioli, sponte cadet.

DE MORBIS GINGI-
VARUM.

CAP. II.

Gingivas male habent inflammatio, quæ parulis dicitur, & carnis excrescentia, ut plurimum succedens vlceri male curato, quæ ἐπὶ λίσ dicitur. Monet Aëtius gingivis male affectis acetum valde nocere. Propterea quando prohibebat aceti vsum in dolore dentis, distinguendum, si fuerit dolor à gingivis. Initio parulidis ut repellas & phlegmones generationē impediās, mittatur sanguis de cephalica, admoveantur cucurbitulæ, colluantur syrupi granatorum, rosarum siccarum, diamoro, vel succo ipso mororum dissoluto aqua plantaginis vel rosarum, aut decocto rosarum, plantaginis, balauſtiorum, nucum cupressi. Guido applicat hirudines. Si nihilominus facta fuerit inflammatio, ut resoluas colluatur os secundo decocto fœnugræci, est enim ad hoc singulare. Si non possit resolui, abscessus aperiatur scalpello, deinde vlcus hydromelite colluto munderur.

Parula

Aliquando abscessus est primarius, qui non aliter sanescet, quam incisione. Aëtius iubet, ut incisio sit lata, alioquin periculum est, ne abscessus degeneret in fistulam. Cæterum dolor gingivarum collutione lactis, præsertim

Abscessus.

Dolor gin-
givarum.

asinini demulcetur, aut lacte in quo fœnugræcum bullierit.

Epulis.

Epulis abscindatur, vel caustico exedatur, oleo de vitriolo, aqua forti, alumine vsto. Si placet, flos æris in aceto per aliquot dies maceretur, cui exsiccatō permisce puluerem gallæ, eoque excrescentem carnem consperge: monebis interea ægrum ne transglutiat saliuam. Ecce dentium & gingivarum; sequuntur linguæ, palati & faucium affectus.

MORBI LINGUÆ.

CAP. III.

*Resolutio-
nis lingua
causa.*

Lingua laborat intemperie, præsertim humida & sicca. Humidiorem consequuntur relaxatio & paralytis. Relaxatur humidioribus ligamentis. Resolvitur, id est utroque usu, loquendi scilicet & gustandi, priuatur; ambobus neruorum generibus impeditis: etenim neruis septimæ coniugationis (qui non longè a principio spinæ exorti ad radicem linguæ propagantur) fluxione remollitis, amittit motum: neruis verò obstructis, aut perfrigeratis, quos habet a tertio pari, perdit gustandi saporemque discernendi beneficium: Isti effectus erunt signa suæ causæ. Linguam sicciorē, qualis est per febres ardentes, comitantur asperitas, excoarctatio, conuulsio seu retractio versus suum principium. Ad morbos communes pertinet ranula; estque tumor sub lingua, ex eo nomen habens, quod ranulæ,

*Siccioris
signa.*

*Ranula
quid.*

seu venæ quæ sunt sub lingua, sub hoc morbo manifestè tument: vel quod qui hoc affectu laborant, inter loquendum coaxant veluti ranæ, vel quòd ranæ similitudinem præ se ferat.

Relaxationis & resolutionis communia ferè sunt remedia. Purgetur corpus senna & agarico, quæ bullierint in decocto cephalico: caput cephalicis desiccetur, quin etiam totum corpus, dato per aliquot dies decocto sudorifico. Cauteriis diuertenda fluxio, quæ in inio, atque etiam sub mento applicentur. Colluatur sæpe vinum decoctionis saluiæ, maioranæ, betton? caryophyllorū, nucis moschatæ, zinziberis, cinamomi; teneat sæpè in ore zinziber conditum, aut nucem moschatam conditam, & vtatur sequente opiata. ℞. conseruæ salu. anth. stæchados, acori, añ. ʒ. β. mithridatij, vel theriacæ veter. ʒ. ij. nucis moschatæ conditæ, vel zinziberis conditi ʒ. j. cum syrupo conseruationis citri fiat opiata, de qua capiat manè & serò quantitatem auellane. Totum collum oleo de cinamomo, vel de castoreo, vel aliquo vnguento neruali inungatur, castoreum ipsum per aliquot dies sumatur ʒ. j. pondere cum hydromelite. Quæ quidem remedia resolutæ quoq; maxillæ conueniunt, quæ paralytis est molestissima, quia masticationem peruertit. Omnia enim animalia, excepto crocodilo, mandunt cibos mouendo mandibulam inferiorem.

*Paralytis
linguæ
curationis.*

*Paralytis
maxilla.*

Asperitas linguæ lenienda est, continendo in ore oleum seu succum amygdalarum dulcium, cremorem lactis, mucaginem ptyllij, cydonio-

*Asperita-
tis linguæ.*

rum, extractam in lacte: lingua perfricetur, teneat in ore tabellas diatragacanthi frigidi, penidia, pilulas albas bechicas. Semen portulacæ excipiatur mucagine tragacanthæ, fiant hypoglottia, siue parua tabellæ tenendæ sub lingua; quæ conueniunt etiam linguæ, ardore & nimia siccitate excoctæ.

*Conuulsio-
ris.*

Retractæ verò siue conuulsæ imperantur humectantia, vt decoctum amygdalarum dulcium, passularum, ficuum, glycyrrhizæ, iuiubarum, sebesten, cum syrupo violato, iuiabino, de glycyrrhiza.

Sed memineris conuulsionem à siccitate esse lethalem, quemadmodum & paralytim linguæ: Apoplexiam enim minatur, paucique euadunt.

Ranula.

Pro ranula Paulus singulare constituit præsidium in apertione ranularum. Prius tamen purgetur corpus, vena in brachio incidatur, præsertim si fuerit tumor phlegmonodes, vt generatio phlegmones impediatur, initio colluendo oxycratum. Si non possit generatio illius impediri, tentanda resolutio, colluendo decoctum origani, malicorij & salis. Si tendat ad suppurationem, quàm citò aperiatur; effluet humor albugineus, similis albumini, siue aquato oui.

Notandum verò quòd aliquando ranula non est humoralis, sed adnata caro sub lingua, velutirana aut altera lingua; quæ si fuerit alba, vel rubra, mollis, indolens, vt de polypo dictum est, exedatur caustico, vt oleo vitrioli: Si verò subnigra, dura, doloremque faciat, neque ferro, neque caustico irritetur, metu cancri.

Chirurgiam

Chirurgiam docent Paulus, Celsus, & Albucasis Hamo prehenditur, vndique à lingua separatur, sic tota carnis excrescentia facile euellitur, vt de pterygio dictum est.

DE PALATI AFFECTIBVS,

CAP. IIII.

IN palato, infantibus ex calidiorē lacte nutriticis, adultis ex biliosiore sanguine, erumpunt aliquando pustulæ, quibus ruptis succedunt vlcuscula quæ aphthæ nominantur, quibus succurrendum est colluendo aquam hordei, rosarum, plantaginis cum melle rosato, syrups rosarum siccarum, granatorum, myrtillorum, *Diamorū* diamorum, quod est omnibus oris vlceribus *in oris vlc-* singulare: Itaque infantibus os eodem, cum *ceribus sin-* baculo perfricabis (quandoquidem per ætatem gargarizare nequeunt.) Intefim nutritici provideatur purgatione & venæ sectione, refrigerantium vsu: vel alia quærat, cuius lac sit temperatum. Adultis quoque purgatio & venæ sectio conueniunt, deinde diamorum dissolutum aqua hordei & plantaginis. Si vlcuscula redantur maligna, attingantur aqua aluminosa, quin etiam forti, sed in pueris multa aqua plantaginis temperata. Prodest etiam in malignis os abluere omphacio, aut aceto decoctionis malicorij, nucum cupressi, vel gallarum.

DE TONSILLARVM MORBIS.

CAP. V.

IN radice linguæ sitæ sunt glandulæ vtrinque vna, quæ tonsillæ, vulgò amygdalæ nominantur, quas duo morbi obsident, phlegmone & scirrhus; Paulus appellat Paristhmia cum inflammantur; Antiades verò cum scirrhescunt; quo nomine vocari à Græcis induratas ex inflammatione tonsillas Celsus annotauit.

*Tonsilla-
rum phle-
gmones cu-
ratio.*

Inflammationi conuenit sectio venæ, primum in brachio, deinde sub lingua, non neglectis cucurbitulis: colluat os oxycrato, vel in aquis rosarum, plantaginis, dissoluantur diamorum, syrupi astringentes, rosarum siccarum, cydoniorum, granatorum, myrtillorum, cum iisdem aquis fiat gargarismus. Ad resoluedum vtere vt prius de cocto secundo fœnugræci. Abscessu facto cuticula facillè rumpitur, erumpitque pus in os & fauces, hinc vlcus sordidum, grane-olens.

Vlcus.

Aliquando oboritur vlcus primum: distillationis enim acrimonia eroduntur tonsillæ, nulla præcedente inflammatione, qualia vlcera sæpè adueniunt lue venerea infectis.

Scirrhus.

Pro duritie tonsillarum hæc etiam sit cautio, vt si iam dolorem faciat, sinatur, metu cancri: alioquin quod superfluum est, impeditque deglutationem & respirationem, abscindi potest.

Si totam glandulā funditus & è radice vellere coneris, inquit Aëtius, operatio erit plena periculi.

Tunica palati aliquando inflammatur, eaque inflammationis species ab Aretæo *lorum* siue *crapedon* nominatur. Tunica tumore extenditur instar alarum vespertilionis. Quod genus phlegmones non semel obseruavi, idque non aliis remediis, quàm alias oris inflammationes persanavi.

*Lorū siue
κραπε-
δόν.*

DE INFLAMMATIONE ET
relaxatione vaulæ.

C A P. VI.

Gargareo inflammatur quandoque, sed raro, nec sine periculo. Frequenter relaxatur destillatione, & ita pender, vt quoties eger vel saliuam transglutit, carnis aliquod frustum se vorare opinetur, à quo veluti strangulatur obsessus inflammatione. Eo quod racemi præfert speciem, idcirco morbus *σκαφίλωσα* à Græcis, à Latinis *vua* seu *vuula* nominatur. At quando fluxione laxior, veluti gracili cauda dependet, inde tum columella, quasi parua columna nominatur.

Staphylomati seu inflammato gargareoni succurrendum iis remediis, quibus tonsillis inflammatis & faucibus. Ad columellam verò seu relaxatum pendulumque gargareonem, Scribonius myrrham & piper excipit melle, *laxata*.

*Staphylo-
matis cu-
ratio.*

*Vuula re-
laxata.*

quo illum oblinat. Asclepiades apud Galenum myrrhæ & piperi immiscet gallam & alumen, ut a calfacientibus eliquefcat pituita, & eadem opera ab astringentibus suo loco reddatur. Ioannes de Vigo piperi commiscet myrobalanorum citrinorum parem portionem, eumque pulverem cum spatula pendulo gargareoni bis quotidie supponit. Asclepiades etiam insufflat per arundinem pulverem ex anethi vsti partibus duabus, & ireos Florentiæ parte una: Mesue ex Galeno, ut retrahatur suadet ægrum ex coma suspendere. Si his artibus non possit reddi suo loco, aut ligetur, aut incidatur: eoque audentiùs utrumque præstabis, si caudam habeat gracilem. Volsellis apprehenditur, mox forficibus abscinditur, deinde adstringens aliquod gargarizatur. Vide tamen, ut tantum quod excedit & superfluum est abscindas, quia cum totus gargareo abscedit, vox eripitur & vitales partes refrigerantur.

Notabis ex Celso, nunquam incidendum quandiu inflammatione tenetur. neque si cancrus videatur. Albucasis etiam monet, non esse incidendum, nisi pendeat à cauda gracili, metu hæmorrhagiæ.

*Gangra-
na.*

Inflammationi nonnunquam succedit gangræna, tùm qui priùs rubebat incipit liuescere, quod est gangrænæ principium. Hoc viso citiùs quàm fieri poterit scarificetur, quin etiam parum Ægyptiaci dissolutum oxycrato gargarizetur, aut sal cum posca: Si nihilominus putrescat. Guido per cannulam eum attingit aqua forti, spatio dimidiæ horæ, sic sponte cadit. Ab-

scindi etiam potest, ut pendulus.

DE INFLAMMATIONE
faucium.

CAP. VII.

FAuces appello internum oris spatium, ubi *Angina.*
gulae & asperae arteriae extrema concurrunt.
Utrumq; seorsim & coniunctim potest inflam-
mari. Faucium inflammationem Latini vno
nomine Anginā appellarunt, Graeci distinctius
inflammationem laryngis siue gutturis cynan-
chen: inflammationem verò oesophagi synan-
chen nominarunt. Imò verò Paulus maioris
distinctionis causa, cum afficiuntur interiores *Angina*
musculi qui laryngem mouent ad vocem effor- *differen-*
mandam, cynanchen; cum exteriores, paracy- *tia.*
nanchen appellat; quemadmodum cum gulae
interiores musculi phlegmone tenentur, synan-
chen; cum externi, parasynanchen. Discer-
nuntur actione laesa: nam inflammata gula de-
glutitio aboletur manente respiratione: inflam-
mato gutture vox & respiratio valdè laeduntur:
cibus interim, etsi cum difficultate, transglu-
titur: omnis enim angina deglutitionem plus
minus laedit. Quo maior est deglutiendi aut re-
spirandi difficultas, eò angina periculiosior quia
inflammatio pertinet ad partes interiores. Pe-
riculosissima angina, inquit Hipp. cum depres-
sa lingua, in faucibus nullus appareat tumor,
agri nihilominus coguntur erecti spirare, isti

*Angina de-
plorata si-
gna.*

primo die vt plurimum ē viuis tolluntur, alij
intra diem quartum. Causa sæpius in pulmone
reperitur dissecto cadauere. Quando anginosi
spumant, non minùs sunt deplorati quā spu-
mantes apoplectici, suntque sine auxiliis dese-
rendi, mortem certam esse & in propinquo, si-
gnificandum est. Spuma enim tum ex partibus
internis procedit, non tantum ex palato & fau-
cibus, vt in epilepticis Oribasius.

Curatio.

Vena primùm cephalica secanda est, quia
præsens requiritur auxilium, quin etiam iterari
phlebotomiam magnitudo morbi postulat, in-
iectis interea clysteribus acribus, quales in apo-
plexia descripti sunt: deinde ranulæ aperian-
tur: Nam Galen. non semel annorauit ranula-
rum sectione sæpe anginam fuisse persanatam.
Si æger possit deglutire, laborètque cynanche,
non synanche, derur potio purgans bilem. ℞.
expressionem ʒ. ij. rhabarbari iufusi in aqua
cichorii cum ʒ. j. santali citrini, in qua dissol-
ue syrupi rosarum pallidarum vel de cichorio
ʒ. j. diapruni solut. ʒ. ij. fiat potio, quæ in sy-
nanche esset inutilis, quia ne aqua quidē trans-
glutitur. In angina suffocante licet aperire iugu-
lares, saltem admouere collo cucurbitulas cum
scarificatu Beniuenius deploratum, colli &
maxillarum profundis incisionibus persauauit.
Observat. 28.

Topicorum eedem sunt indicationes, quæ
fuerunt in aliis inflammationibus oris, initio
repellendum, vt prohibeatur generatio phleg-
mones. Si non possit impediri, tentanda reso-
lutio. Abscessus factus aperiendus, si fieri potest,

scalpello, alioquin alligetur carnis frustulum filo, & detur comedendum, mox retrahatur. Idem fiet si alligaris filo spongiam. Gargarismi lenis ad repellendum sit hæc formula ℞. aque rosarum & plantaginis, an. ℥. iiii. dissolue syrupi granatorum, rosarum siccarum, cydoniorum, myrtillorum; cuiusvis ℥. ij. fiat gargarismus. Erit vehementior ex decocto balaustiorum, malicorij, nucum cupressi, dissoluendo diamorum, aut dianucum: astringentibus ratione doloris immisceri debent lenientia, ut iuiubæ, passulæ, ficus glycyrrhiza. Exempli gratia, ℞. malicorij ℥. iij. balaustiorum & glycyrrhizæ, an. ℥. ij. passulas decem, ficus & iuiubas, an. numero quatuor, fiat decoctio, in colaturæ lb. j. dissolue diamorum vel dianucum ℥. ij. fiat gargarismus. Ut demulceatur dolor qui anginosos cruciat, per interualla gargarizent lac asinæ, capræ, vaccæ, aut serum lactis, in quo parum cassiæ ad leniendum dissolui potest. Ut resoluas vttere secundo decocto fœnugræci, in quo dissolue diamorum compositum: Tale autem redditur addendo ad simplex parum myrthæ & croci. Si neque resolui, neque repelli potuerit, abscessus quam citò fieri poterit arte dicta aperiatur.

Gargarismus repellens.

Eam maxime commendat serapio, solæ etiam gargarizant.

Cæterum quia scripsit Hipp. in Angina, si tumor in collo appareat, bonum; idcirco omnibus artibus procurandum, ut materia foras attrahatur, cucurbitulæ sub mento & circa fauces admoneantur, inquit Celsus, id quod strangulat euocetur. Ad eum finem vulgus pattam leonis applicat collo, forma capis plasmatis,

*Cynanchi-
ca specifi-
ca.*

miro profectu: cuius loco vti possis sinapismo aut vesicatorio. Collum lana succida, imbuta oleo aliquo chalastico siue relaxante, vt chamæmeli, liliorum, inuoluitur. Quæ omnia remedia adiuuant manifestis qualitatibus anginosos. At proprietate inexplicabili iuuant tam sumpta quam admora quæ sequuntur, ideo dicta cynanchica. Stercus canis album (tale autem redditur si per duos dies canis nihil præter ossa comederit) siccum teritur, cribro traiecitur, deinde mellis, syrupo, vel diamoro permiscetur. Item hirundinum vstarum, cochlearum, vel cancrorum vstorum cineribus eodem modo vti possis pondere 3. ij. pulli ipsi hirundinum vtiliter eduntur, aut vruntur, & puluis edendus datur cum mulsâ. Vel ℞. nidum hirundinis, subigatur cum melle, fiat cataplasma applicandum collo. Quæ omnia sunt auctoritate Gal. firmata, deinde Aëtij, Pauli, Celsi, Scribonij testimoniis comprobata. Dioscorides vrit mille-pedes, puluerem immiscet melli pro litu colli.

*Angina à
sanguine
pituitoso,
& à pitui-
ta discri-
men.*

Haftenus de vera & exquisita Angina, quæ fit à sanguine vt plurimum bilioso, id est, tenui & fetuido: Quæ enim fit à sanguine pituitoso est quidem vera, non exquisita: at notha fit à pituita, potiusque ad œdema, quam ad phlegmonem referri debet: habet quidem multa communia cum vera, vt sensum angustiae siue compressionis, difficultatem spirandi & deglutendi, verum abest febris, nullus vrget dolor, propterea non est adeò periculosa. Purgatio, si deglutiri possit, præscribatur ex senna, turbith, agarico; quæ bullietint in decocto cephalico:

clysteres acres. Applicetur collo cataplasma resoluens, quale hoc fuerit. ℞. radicis liliorum ℥. j. althææ cum radice M. j. florum chamæmeli & melil. añ. ℥. j. seminum anisi, lini, fœnugræci & fœniculi, añ. ℥. ij. fiat decoctio: Residentia teratur, coletur, adde colaturæ farinæ fabarum & nidi hirundinis, añ. ℥. j. vel ℞. pulueris cancrorum vstorum, stercoris canini, añ. ℥. vi. cum oleo chamæmeli fiat cataplasma applicandum collo. Gargarizetur decoctum hyssopi, thymi, pulegij, atque imprimis calaminthæ, in quo dissoluatur oxymel. ℞. calaminthæ M. j. fiat decoctio, in colat. lb. j. dissolue cochlearum vstarum ℥. iij. oxymelitis Gal. ℥. j. fiat gargarismus. Quando impedita gula anginosi nil omnino deglutiunt, sorbitiones per cannulam siue gutturium induntur, vel cucurbitula primis colli vertebri applicatur, vt gula dehiscat: Interea exhibentur cibi liquidi.

Non est omittendum, abscessu rupto fieri vlcus, quod imprimis hydromelite aut aquis vel decoctis hordei, ligustri, caprifolij, agrimonix, detergendum, deinde diamoro replendum & obducendum. Maligna vlcera in faucibus, vraliis in partibus, attingi debent aqua forti, aluminosa, oleo de vitriolo.

Cæterum, piè credendum est, Fabium Pictorem in lactis haustu, vno pilo strangulatum, quemadmodum & Anacreontem Poëtam acino vux passæ, vt scribit Plinius libro 7.

cap. 7.

PARTIVM ORIS ENVMERA-
tarum symptomata, primi, secundi &
tertij generis.

CAP. IX.

Vocis in-
strumenta.

Filum.

Trauli
qui.

Commemoratis partibus velut instrumen-
tis natura vitur ad respirandum, ad lo-
quendum & ad gustandum. Propterea illis ma-
le affectis, istæ actiones læduntur. Equidem
pulmo est præcipuum vocis instrumentum. Sed
ad vocem dearticulandam concurrunt præterea
bronchia seu trachiarteriæ propagines, per pul-
monem dispersæ veluti fistule, lingua, gargareo,
guttur, dentes, nerui recurrentes, qui propter
istum vsum vocales nominantur: Loqui non
possunt, quibus lingua inutili ligamento veluti
filo constricta tenetur, quo forcipibus inciso
incipiunt loqui. Sunt etiam muti quibus lin-
gua est resoluta, aut quibus impediti sunt, vt
obstructi, incisi, perfrigerati vocales nerui, qui
cum à quarta vertebra exoriantur, illic appli-
canda erunt Topica ad paralyfim dictata. Lo-
quuntur quidem balbi, sed deprauatè, quem-
admodum trauli, qui *t*, & *r*, non possunt pro-
nunciare, quod de Demosthene & Alcibiade
ferunt historiæ. Vox etiam deprauatur raucedi-
ne siue destillatione in fauces: aër enim per ma-
teriam catarrhi, veluti per aquam delatus, rau-
cum edit sonum: Instrumenta musica, vt fides
citharæ, debent esse sicca, proinde fluxione hu-

metatis vocalibus instrumentis vox raucescit. Raucedo in valde senibus est insanabilis. In cæteris si vnum annū excesserit, vix vnquam sanescit. Si anteriores dentes suis acetabulis emoti locutionem impedian, sufficiantur in eorum locum eburnei. Ecce causas præcipuas vocis impeditæ.

Hipp. in
Aph.

Aboletur gustus impeditis nervis gustatoriis, à tertio pari, vt motus præpeditis motoriis, à septimo pari. Deprauatur verò lingua alieno humore infecta: nam sub aurigine perfusa felle, iudicat omnia amara: quæ vitia frequentius contrahit ex inferis partibus, quibus veluti sponsia incumbit: indeque ascendentes vapores excipit. De respiratione opportuniùs sectione sequenti. Age verò, ponamus quæpiam de abolita, imminuta aut deprauata voce apud nos conqueri. Tacita mente excurremus per commemorata vocis instrumenta, vt cuius vitio hoc accadat dignoscamus, & remedium causæ morbificæ accommodemus.

Lingua ad
instar spon-
giae superne
inferneque
superflua
excipit.

DE RAUCEDINE.

CAP. X.

ESto vox rauca à destillatione in fauces, quæ Eidcirco raucedo nominatur: Purgandum erit corpus cassia cum rheo, atque si fluxio calida videatur, mittendus sanguis.

Obiter tamen norandum est, quod Valescus in commentarios retulit, si rauco à destillatio-

Destillatio
in fauces.

*Diacodij
usus.*

ne mittatur sanguis quo tempore catarrhus commouetur, aucta destillatione amissurum esse vocem. Consulendū capiti vt parti mittenti. Gargarismo vtendum est repellente, ex syrupis & aquis adstringentibus. Aut ℥. diacodij ꝑ. ij. capiat hora somni duo cochlearia ad sistendum catarrhum. Aut ℥. gummi arabici, tragacanthæ, glycyrrhizæ rasæ, amygdalarum, penidiorum, seminum cucurbitæ, cucumeris & portulacæ, añ. ꝑ. iij. croci ꝑ. j. fiant pilulæ tenendæ sub lingua. Cubebæ vulgò grana paradisi, sensim transglutitæ, vel sumptæ cum aqua mellis, creduntur proprietate mederi raucedini: quod sequitur vocem claram efficit.

℥. croci, myrrhæ & thuris, añ. ꝑ. j. coquantur cum passo, siue musto decocto ad consistentiam mellis, sumat manè & serò instar castaneæ.

Quod si abolita sit vox aut imminuta ob paralyfim linguæ, iam præcesserunt remedia. Si à neruis vocalibus incisis, malum est immedicabile: si ab eisdem resolutis, obstructis, perfrigeratis, non tantum collum liniatur oleo de castoreo, costi, cinnamomi, vnguento neruali, sed etiam quartæ vertebræ, vnde exoriuntur, eiusmodi topica applicentur: non neglectis iis quæ ad paralyfim nouissimè dictata sunt. Si propter arteriam exasperatam vox lædatur, syrupis, & eclegmatis lenientibus læuigetur, vt syrupo violato, iuiubino, de glycyrrhiza, de tussilagine, tabellis diatragacanthi, & cæteris quæ ad exasperatam linguam præcesserunt, vt pilulis albis, bechicis.

*Curatio
arterie
exasperata.*

Si vitium sit in pulmone, vt si phthisicus fuerit

aut asthmaticus, isti affectus habebunt statim sua remedia. De mutis & balbis locus hic postulat ut pluribus disseramus: neque enim in arte possis commodiore loco.

Imprimis notandum, quia sermo ex auditu est, quorquot nascuntur surdi, eosdem necessario esse mutos: at si fuerint surdi aliquo accidente, ut aure obstructa, nihil obstat quin loquantur: multi resoluta, aut inutili ligamento constricta lingua sunt muti, qui arte, quin etiam sponte aliquando sanescunt: Nam Arys Cræsi filius cum videret ensen iam districtum ad interficiendum patrem, qui nunquam antea locutus fuerat & pro muto habebatur, cepit exclamare: *O homo ne occidas Cræsum*. Vnde tam repentina mutatio? an disrupto linguæ ligamento? an percurata momento paralyti, quia calor & spiritus magno animi impetu ad linguam alioquin ignauam & torpentem, confluxerunt? Quosdam enim paralyticos, qui per aliquot annos in lecto iacuerant, cum domus conflagraret, aut deposcerentur ad necem, audio eadem causa in pedes domo effugisse. Maximilianus Frederici terrij Imperatoris filius, cum pro muto haberetur, quia ante nonum annum non erat locutus, eualit tandem in virum eloquentissimum. Ut hinc obiter intelligat medicus, non esse desperandum, etiamsi quibusdam pueris tardè adueniat loquendi beneficium.

Balburies ut plurimum accidit cerebri & linguæ nimia humiditate. Qua causa pueri & ebrij balbutiunt. Eadem ratione scripsit Hipp. bal-

Aph. 32.

lib. 6.

Ingenium
præceptis

*sardaque
lingua.*

bosalui profluuium sæpè corripit. Quocirca cephalicis desiccandum est cerebrum, quinetiam totum corpus. sumpto per aliquot dies hidrotico. Cetera etiam peragenda quæ ad mollitiem linguæ dictata sunt. Conserua saluæ ore detenta imprimis commendatur.

Traulis conueniunt illa eadem remedia, nam credibile est illos τ & ϵ malè pronuciare propter mollitiem linguæ: ideo enim fit vt lingua prioribus dentibus male innitatur, humidiores linguæ muscoli non possunt linguam firmiter stabilire, quod tamen necessarium est ad harum litterarum pronuntiationem. Ecce sunt læsæ vocis, sequuntur deprauati gustus remedia.

*Ad gustum
deprauatū.*

Considerabis primum a qua parte ascendant vapores quibus lingua inficitur, si à ventriculo, an ab hepate; vt parti primò laboranti subuenias. Si ab aurigine lingua felle perfundatur, percurata aurigine, lingua suæ integritati restituetur. Interim paretur gargarismus detergens ex decocto hordei, agrimonie, marrubij, vel ex aquis stillatitiis caprifolij, ligustri cum pauco mellerosato.

*Gargarif-
mus deter-
gens.*

*Salinatio-
nis immo-
dica causa.*

Ad ametriam in excreto pertinent multa & frequens spuitio, nec non screatus sanguinis, aperta aut erosa in faucibus aliqua vena. A ventriculo enim & hepate sanguis profluit vomendo: à pulmone ruffiando; ab ore & gingiuis spuendo: à faucibus screando. Immodica salinatio aut contingit à perenni & tenui destillatione, aut à ventriculi cruditate. Nam male coquente ventriculo multa pituita colligitur, quæ ascendit in os per tunicam commu-

nem ori & ventriculo: Qui natura & temperamento sunt melancholici, solent esse sputatores: Verum maxime omnium hypochondriaci, fortassis quod lien eructet humorem acidum in ventriculum à quo refrigerat. Itaque ut huic symptomati succurras, considerabis diligenter unde procedat, si à cerebro, ventriculo, aut à liene, ut unicuique causæ suum accommodes remedium. Cerebrum exsiccandum, sistendus catarrhus, ventriculus roborandus, & iuuanda coctio remediis suo loco explicandis: Lieni verò prospiciendum remediis, quæ postea ad melancholiam hypochondriacam describentur. Screamus verò sanguinis sistetur aliqua detenta in ore conserua astringente, ut rosarum, symphyti maioris, quibus immiscere possis aliquid terre sigillatæ boli, vel coralli rubri: *Screamus sanguinis.* vel gargarismo ex syrupis astringentibus dissolutis in aqua quapiã astringente rosarum, plantaginis, centinodiarum: addere etiam possis nonnihil trochiscorum de bolo, de carabe, de terra sigillata, de spodio. Denique conueniunt quæ ad hæmorrhagiam præcesserunt, & quæ deinceps ad hæmoptoidem.

Ad affectus simplices referri potest oris fætor. Cuius imprimis cognoscenda causa, procedatne ab ore ipso, ut à dente putri; an à ventriculo male coquente, an à pulmone ulcerato, an ab ozæna: Mulieres præsertim rufæ hircum olent, sub alis trux habitat caper. Si fætor procedat à dente putri, experienda remedia quæ ex Galeno ad putres & erosos dentes dictata sunt, tandem euellatur: Si à ventriculo male coquente, fre-

Oris fætoris curatio.

quenti vsui pilularum de hiera, aut de aloë corruptus humor vacuetur. Ventriculus sumptis & ad motis roboretur. Si ab vlcere putri pulmonum, quia phthisis est insanabilis, satis erit falletæ fœtorem. Teneat itaque sæpe in ore caryophyllum vnum, aut aliquid nucis moschatæ conditæ: Nam suspecta sunt quæcunque suauius olent, vt moschum, & zibethum.

Posthume non bene olet, qui bene semper olet.

Cæterum de aspera arteria memorabilis est historia apud Cardanum, quæ hic videtur coronidis loco inferenda. Mediolani nebulo quidam adiudicatus cruci nunquam potuit laqueo strangulari: quod cùm vulgus haberet pro miraculo, relegatus fuit à iudice in cœnobiũ, vbi vitam finiuit. Cuius euentus causam vt inuestigaret Cardanus, operum naturæ scrutator diligentissimus, postulauit sibi dari corpus dissectandum, inuenit asperam arteriam illi fuisse osseam: tam duram, vt nullo fune comprimi potuerit. Vt hoc exemplo in fingendis miraculis simus cautiore.

Aspera arteria ossea.

PARTICV-



PARTICVLARIS
METHODI ME-
DENDI

SECTIO SECVNDA.

IN QVA EXPLICANTVR
morbi & symptomata partium quæ
Thorace continentur.

IMPRIMIS MORBI
pulmonum.

CAP. I.



VLMO patitur omne genus
morbi: Laborat enim intem-
perie calida, frigida, humi-
da, cum materia. Sape ob-
struitur a pituita crassa & vis-
cida, quæ aliquando resolutis *Pulmonis*
partibus tenuioribus in lapi- *obstructio.*

los concrefcit: potest enim in fistulis pulmonum
non minus quam in renibus, aut in cysti fellis
pituita lapidescere. Vlceratur etiam à destilla-
tione ferina, vnde phthisis: Inflammatur à copia *Vlcus.*
m

*Inflam-
matio.**Abscessus.**Intempe-
ries calida.**Frigida.**Sicca.**Humida.**Calidioris
pulmonis
refrigera-
tio.*

sanguinis biliosi quo nutritur, quæ inflamma-
tio pulmonis à parte affecta peripneumonia no-
minatur. Patitur etiam abscessus non tantum in
se, siue in bronchiis collecta materia purulen-
ta, sed in arteria venosa, aut vena arteriosa, qui
exigui abscessus tubercula nominantur.

Calidiores pulmones arguunt genæ rubræ,
ascendentibus fumis, ardor thoracis, & sitis
ingens, quæ non mitescit potu, sed frigidi aëris
inspiratu. Quæ sit ut sitiant, dices, cum sitis cau-
sam Galenus attribuat superiori orificio ven-
triculi? an quia pulmoni calfacto stomachus
compatitur? an quia fauces arescunt à calidiore
pulmone?

Frigidam intemperiem contraria signa de-
monstrant, frigidum pectus, sitis nulla, &
quod calido aëre recreentur, frigido offendan-
tur. Pulmonem aridum vulgus appellat flacci-
dum. Quo malo afflicti paulatim tabescunt.
Tabidorum facta dissectione nullam tabis &
mortis causam obseruare potui, præter pulmo-
nes veluti in camino exsiccatos. Motus, fames,
vigiliæ & quæcunque exsiccant, huic hominum
generi sunt infensissima. Sufflones hoc morbo
pereunt, ut Chymici & aurifices. Pulmonem
humidiorem tussis humida comitatur, ut sic-
ciorem tussis sicca, cum asperitate arteriæ.

Refrigerabis calidiorem pulmonem usu
frequenti cassiæ missione sanguinis, abstinen-
tia vini, cuius loco utatur prisana pro ordina-
rio potu aut aqua hordei. Hordeata sint in usu
frequenti & amygdalata. Quin etiam panis ex
hordeo conficiatur. Syrupo violato, iuiubino,

tabellis diatragacanthi vtatur aliquando inter
pastus Liniatur thorax oleo violaceo : Nam
frigida quæ adstringunt , vt rosaceum & myr-
tinum nocent , quia respirationem impediunt.
Lacinae ardorem simul & siccitatem pulmo-
nis contemperat.

Frigidiores verò calefacies ordinario vsu hy-
dromelitis, in quo hyssopi coma nodulo inclu-
sa bullierit , syrupis de prassio siue de marrubio,
de hyssopo , tabellis diaireos , litu thoracis ex
oleo irino , anethino , vnguento resumptiuo,
quod etiam aridis & exuctis pulmonibus bene-
facit , vt & syrupus resumptiuus, seu de testudi-
ne. Crocus perhibetur anima pulmonis, pro-
pterea ex ovo sorbili sumi potest , & linimentis
immisceri , vt oleo amygdalarum amararum,
butyro , immiscebis quoque potulentis vt ius-
culis.

*Frigidioris
calefactio.*

*Crocus
anima
pulmonis.*

Frigidiores & humidiores purgabis sæ-
pe, addendo ad cassiæ aut catholici ℥. j. tur-
bith vel agarici trochiscati ℥. iij. si malis dia-
phœnici aut diacarthami ℥. ij. fiat bolus, capiat
ex cochleari cum syrupo capilli veneris, aut de
hyssopo. Est ne mittendus sanguis in frigidis &
humidis morbis pulmonum? Minimè verò, nisi
manifesta sit plenitudo , tùmque licet ad
causam antecedentem , non ad coniunctam.
In longis morbis, quales solent esse frigidi &
humidi , possis imperare syrupum solennem
ex bechicis , in quibus turbith aut agari-
cus bullierint, hac formula. ℞. radices enulæ
campanæ , serpentariæ & ireos florent. (ad
incidendum pituitam crassam viscidam) añ.

*Syrupus
solennis.*

m ij

℥.ss. polypodij querni, glycyrrhizæ rasæ, passu-
larum mundatarum, añ. ℥.j. tussilaginis cum ra-
dice, scabiosæ, morsus diaboli, pimpinellæ,
adianti, hyssopi, añ. M. j. iuiubas & sebesten-
num. 10. seminis carthami & bombacis, añ. ℥.ss.
florum violarum pug. ij. fiat decoctio, in qua
bulliant ℥.iiij. Agarici nodulo inclusi, cum ℥.ij.
zinziberis. In colat. ℥b. j. ss. dissolue sacchari ℥b.
j. ss. fiat syrupus perfecte coctus, de quo capiat
℥.ij. pro doli, cum aquis scabiosæ, pimpinellæ,
adianti, vel cum prisana magistrali. Si ad hunc
syrupum adieceris cassiæ ℥.ij. pulueris diaireos,
vel conferue enulæ campanæ, capilli veneris,
añ. ℥.ss. fiet opiata pectoralis laxatiua.

*Ius galli
decrepiti
laxatiua.*

Auicenna plurimi facit ius galli decrepiti, qui
farcendus est hordeo, passulis, ficubus, glycyrr-
hiza, iuiubis, sebesten; in colaturæ ℥b. ss. dissol-
ue mannæ calabrini ℥.ij.

Memineris quoties morbis pulmonum con-
iuncta erit destillatio, vt frequentissime con-
iuncta est, toties omni arte procurandum vt
sistatur, alioquin inutilem fore nostram ope-
ram. Cephalicis ergo exsiccandum caput, vt en-
dum hora somni diacodio, aut hypoglottis: ad
diuersionem verò ad mouenda erunt brachiis
cauteria.

OBSTRUCTIO QUÆ PARIT
 dyſpnœam, aſthma, & or-
 tho: nœam.

C A P. II.

AGe verò à morbis ſimilaribus, de quibus non eſt admodum frequens querela; pergamus ad organicos, in quibus præcipuum locum tenet obſtructio: Anguſtæ enim pulmonum fiſtulæ, congeſta ex intemperie frigida pulmonis, vel à cerebro deſtillante piquita, sæpe obturantur: Tùm æger difficulter reſpirat, tuſſit, & in thorace manifeſtam ſentit oppreſſionem.

*Pulmonis
 obſtructi: ſi-
 gna.*

Huic malo ſubuenient incidentes & derergentes ſyrupi, vt capilli veneris, de hyſſopo, de marrubio; oxymel ſimplex, diureticum, ſcilliticum, tabellæ diairis ſimplicis & diairis Salomonis, iuſcula cicerum, & caulium rubrorum, unde looch de caulibus, expreſſus ſuccus & depuratus coquitur cum melle, vel cum ſaccharo candi ad conſiſtentiam ſyrupi, quo vtendum ex cochleari, vel cum baculo glycyrrhizæ vel cum aquis prædictis ſcabioſæ, pimpinellæ, adianti.

Curatio.

Veſperi quo tempore catarrhus commouetur, capiat ſyrupi roſarum ſiccarum & iunibini cuiuſque, vel diacodij, duo cochlearia. Manè, vt quod nihilominus influxit in pulmones & per aſperam arteriam deerrauit, expectoretur:

m iij,

vtatur syrupis incidentibus & detergentibus commemoratis. ℞. syrupi capilli ven. & de hyssopo, añ. ℥. j. aquarum pimpinellæ & scabiosæ, añ. ℥. iij. fiat iulep in duas doses. Vinum conceditur, aut eius loco hydromel, in quo coma hyssopi nodulo inclusa bullierit. Benefaciet quoque syrupus magistralis iam descriptus, aut cassia cum agarico: litus thoracis ex oleo irino, anethino, amygdalino cum croco: opiata ex conserua capilli veneris, enulæ campanæ, ireos, cum puluere diairis, diatragacanthi. Nec sunt prætereunda remedia, quæ ideo asthmatica vocantur, quod proprietate inuent asthmaticos, vt millepedes; vtendi modus ex præmio huius operis repetendus; puluis millepedum vstorum misceatur opiatæ prædictæ. Exempli gratia ℞. conseruæ capilli ven. ℥. j. conseruæ enulæ camp. & ireos, añ. ℥. ss. pulueris millepedum vstorum ℥. ij. diairis simplicis ℥. iij. cum syrupo capilli veneris fiat opiata, de qua capiat quantitatem nucis iuglandis mane ante pastus, superbibendo parū aquæ scabiosæ, aut capilli veneris. In obstructione cõtumaci, qualis est asthmaticorum, Galenus laudat diasulphur, quod conficit ex sulphuris, piperis & sinapi æquis partibus, vt frigida & crassa pituita eorum calore lique scat. Datur ex ovo sorbili à ʒ. j. ad ʒ. j. aut terebinthinæ permiscetur. ℞. pulueris prædicti ʒ. ij. terebinthinæ ʒ. ij. fiat bolus. Terebinthina ad omnes obstructiones est singularis. Arabes exhibent solum sulphur cum ovo, Chymici flores sulphuris; alij dant quotidie tabellam vnā diatragacanthi conspersam

*Millepedes
specifici ad
asthma.*

Diasulphur.

Terebinthina valet ad omnes obstructiones.

VLCUS CVIVS COMES
phthisis.

CAP. III.

HActenus morbi similes & organici, sequuntur communes, imprimis vlcus, deinde inflammatio, cui propter affinitatem coniungemus inflammationem muscutorum intercostalium, quæ mentitur pleuritidem. Vlceratur autem pulmo ut plurimum ferina destillatione, cui malo multis causis est obnoxius: *Pulmo cur facile v. ce. ratur.* Primò quòd habeat carnem mollem, proinde vlcerabilem: Secundò, quia subest cerebro, à quo per amplum & patentem canalem facile fluxionem excipit, aliquando biliosi sanguinis acrimonia eroditur. Vlcus pulmonum hectica febris comitatur, unde macies totius corporis seu tabes, quæ proprio nomine phthisis appellatur: neque enim omnis tabes ab ulcere pulmonis: nam omnis febris hectica emaciat corpus, & atrophiam Celsus vocat tabem. Sed tabes ab ulcere pulmonis, propriè phthisis appellatur. Sed cur vlcus pulmonum hectica febris consequitur? quia pulmo est flabellum cordis, aëris inspirati qualitate ardorem cordis temperat, eiusdem substantia spirituum vitalium materiam illi suggerit: Atqui vlcerati pulmones cum aëre fumos putres ad cor transmittunt, quin etiam aërem ipsum contaminant. Itaque cor

m iij

*Cur pulmo-
num vlceri
coniuncta
febris he-
ctica.*

vsque adeò tandem inficitur, vt inde febris hecticæ necessario oriatur, quæ consumptione humidi primigeni, tabem inducit.

Signa diagnostica.

Dignoscetur ab antecedentibus, vt si præcesserit sputum sanguinis: ab adiunctis, vt sputo puris, quinet iâ cum vlcus inueterauit, excretis pulmonis aut asperæ arteriæ fistulis. Aliquândo spongiæ aut pumici quiddâ simile expuitur, vnde dissecto cadauere, ingens sinus in pulmone conspicitur. A consequentibus, vt corporis totius extenuatione: quæ tria vno aphorismo Hippocrates comprehendit. *A sanguinis sputo puris sputum, à puris sputo tabes.*

Aph. 15. sect. 7.

Indicationes eadem sunt quæ aliorum vlcerum: si vlcus impurum & sordidum fuerit, detergendum; deinde si cauum, carne replendum: quod si mundum & superficialium fuerit duntaxat, minimè profundum, quàm citò fieri poterit cicatrice obducendum: quod fiet vsu frequentî syrupi rosarum siccarum vel granatorum cum aqua chalybeata. Auicenna vsum longum & frequentissimum sacchari rosati, seu vulgaris conseruæ rosarum adeò commendat, vt illius solo vsu vlcera coaluisse affirmet: Inspiretur aer siccus: dici enim vix potest quanti momenti sit aer in morbis pulmonum: multi eâ causâ in Ægyptum nauigarunt, & furnaria sui furni frequenti halitu, vlcus pulmonis tandem desiccavit. Pulmo vulpis pulmonibus malè affectis creditur proprietate subuenire, sed imprimis vlcera, quia maximam vim habet desiccandi: Curatio autem vlcera desiccatio est: Itaque illius puluerati 3.j. exhibearur quotidie

Aëris vis in morbis pulmonū.

cum hydromelite, aut permisceatur veteri & liquide conseruæ rosarum. ℞. conseruæ rosarū ℥.ij. pulmonis vulpis præparati, vt decet, hoc est abluti vino, in quo hyssopus bullierit, aut aqua scabiosæ, pimpinellæ, adianti, deinde exsiccati, ℥.ß. pulueris diatragacanthi frigidi ℥.vj. cum syrupo de glycyrrhizâ, fiat opiata, de qua capiat sæpe inter pastus: vel pulmo assetur sine ferro, & in pastu edatur. Celsus parem vim attribuit iecori vulpis.

Pulmonis
vulpis
usus.

Verum faciamus non esse recens & superficialium, sed cauum, sordidum vel inueteratum vlcus imprimis præ tices esse insanabile, eo quæ minus si adiunctam habeat inflammationem, aut hecticam febrem. Cur ita? quia id à quo vnicum & singulare præsidium sperari potest, est illi nocentissimum, non enim potest aliter pure expurgari, quam tussiendo: At qui tussi dilaceratur inflammatio magis magisque auge-
tum. Quid ergo facies? blandiendum malo, & arte procurandum, vt minore cum molestia moriatur æger. Certior & celerior interitus, quando ipsiusmet pulmonis portio excreta est tussiendo. Producit vitam lac asinæ. Nam suo fero detergit, caseosa substantia consolidat, butyro-
sa nutrit: quod est necessarium ratione emaciationis. Sumi poterit ad ℥.ß. cum saccharo rosato, tribus horis ab assumpto lacte, capiat vitellum vnius oui. Villanouanus extollit aquam de sanguine humano distillatam, quam non dubito extenuationi profuturâ, non vlceri. Dioscorides mirrhida iusculum commendat: confert, inquit Galenus, quia facit vt phthisici

In vetera-
tum vlcus
pulmonum
quare in-
sanabile.

Lactis asini
doses.

Hordeata
& amy-
gdalata
phthificis
conuenien-
tissima.

Phthisi ob-
noxij.

Signa an-
tecedentia.

Prophyla-
xis.

purulenta facilius expuant: idem præstat radix angelicæ. Valescus sequentem puluerem ex Hali plurimi facit: eo enim se phthificos persanasse affirmat, qui ab omnibus pro desperatis habebantur. ℞. papaueris albi ʒ. x. gummi arabici, amyli, tragacanthi, añ. ʒ. ij. seminum portulacæ, althææ & maluæ añ. ʒ. v. seminum cucurbitæ, melonis, citrulli, cucumeris mundatorū, añ. ʒ. vi. spodij & succi glycyrrhizæ, añ. ʒ. iij. penidiorum ad pondus omnium, fiat puluis de quo capiat quotidie ʒ. ij. cum syrupo papauerino, aut iuiubino. Eodem pulvere, inquit, iubebam vt conspergerent hordeata & amygdalata (quibus sæpe vti debent phthifici) & benè habuerunt. Pro bellariis Marci panes, pasta regia, pistacia quoque, passulæ & amygdalæ. Cæterum proni sunt ad phthisim, quibus collum est longum & gracile. Item qui pectus habent depressum, vel alatas scapulas, hi πλεπυώδες siue alati dicuntur: Illi σαρνώδες: Huic malo obnoxij sunt, adolescentes potius quàm pueri, aut senes, propter feruorē sanguinis biliosi, & qui carne sunt molliore. Præcedunt autem tussicula inanis siue sicca, quæ vulpina dicitur vulgò. Titillantur fauces, & sentitur punctura in thorace, cum vrinis tinctis; tum prouideto ne vlcer fiat, quia factum, est immedicabile; crustulâ ad tempus quandoque obducitur, sed quæ post aliquot menses, aut annos tussi excluditur, & vlcer recrudescit.

Prophylactica sunt, sistere catarrhum & cauteriis diuertere, quia vlceri iam facto parum prosunt, præsertim iam emaciat. Cassiæ cum

rheo, sit vsus frequens, vt quolibet mense semel, luna decrecente: vtatur tabellis diatragacanthi, mittatur sanguis saltem semel quotannis ineunte vere.

Vlcus asperæ arteriæ curetur pauco bolo, thure vel mastiche, exceptis mucagine tragacanthæ aut aquato oui; inde fit looch, quo vtatur sæpe ex cochleari, vel cum baculo glycyrrhizæ: Ita enim fiet vt adhæreat aliquid vlceri.

DE PERIPNEUMONIA ET
pleuritide.

C A P. IIII.

Scribit Aristoteles 7. *Topic.* post Platonem in *Sophista*, vnum esse ex principiis humanæ sapientiæ, rerum dissimilium similitudines, & similium dissimilitudines cognoscere: Hoc enim posse est tantum periti artificis. At qui peripneumonia & pleuritis multa habent similia inter se, multa dissimilia. Itaque placet vnâ fidelîa duos parietes dealbare. Vtrique communia sunt: febris continua, difficultas spirandi, tussis, sputum cruentum, dolor; verum sub pleuritide sentitur pungens, cuius occasione à quibusdam telum dicitur, est enim proprius membranarum: vt plurimum in alterutro latere, non semper: At in peripneumonia dolor grauis in toto thorace: pulmo enim est indolens, non habet sensum nisi grauitatis, quia neruus illius substantiâ non penetrat, sed

Signa communia
pleuritidis
& peripneumonia.

Propria peripneumonia.

per membranam solam diffunditur, distenta tamen illâ membrana, aut compaſcentibus partibus vicinis nonnunquam dolorem acerbum excitat.

Quæret aliquis, cum dolor pulsans conſequatur magnas inflammationes, quidni pleuritidem? quia nulla illic arteria. Cur dixiſti non ſemper dolorem pleuriticum alterum latus premere? quia pleura per totum thoracem extenditur. Inflammatio mediæſtini, à quibusdam vera pleuritis dicitur: dolores acutiſſimi qui in dorſo ſæpe contingunt, ſunt pleuritici: nam ſi partes externas affligant, ad notham; ſi pleuram ipſam, ad veram pleuritidem referuntur, antè, ponè an ad latera, non refert.

Peripneumonia cauſa.

Pleuritidis.

Peripneumonia fit à ſanguine quouis, potiſſimum tamen à pituitoſo, quia pulmo per ſtoſen excludit bilem, ut pote tenuem & mobilem: pituitoſum verò ſanguinem retinet, quia eſt craſſus & tenax. At pleuritis ferè fit à ſanguine bilioſo: pleura enim craſſior eſt quàm ut pituitoſum, aut melancholicum ſanguinem tranſmittat. Sanguis qui committit pleuritidem, à vena ſine pari impetu & maiore copia deſluit: qui peripneumoniam, à vena caua ad dextrum ſinum cordis, atque inde ad pulmonem per venam arterioſam. Peripneumonia aliis morbis aliquando ſuccedit, ut anginæ & pleuritidi, materia à faucibus vel à pleura tranſlata ad pulmones, quæ peripneumonia eſt lethalis. Pleuritis aliquando fit à catarrho.

Prognofis.

Pleuritidi hæmorrhagiam ſuperuenire bonum eſt, peripneumonix malum. Aretæus ta-

men hæmorrhagiam scribit salutarem esse peripneumonicis, diarrhæam quoque cum vrinis purulentis. Senes vt promptius tentatur pleuritide, ita tutius ea defunguntur, nec tam periculosè laborant vt iuuenes. Peripneumonia terminatur superuenientibus parotidibus, non pleuritis: quanquam Rhasis *decimo nono continenti*, & Mesue ex Galeno, annotarunt, aliquando pleuritidem salutariter terminari sanguine liberaliter fluente ex aure quæ est è directo lateris dolentis. Peripneumonia est acutior & periculosior quam pleuritis: ideoque citius in melius, aut in peius terminatur. Peripneumonici halitum habent longè calidiorem, propterea aëre frigido magis recreantur quam pleuritici.

Cōmunia ferè remedia: præcipuū tamen præ- *Curatio.*
sidium in venæ sectione, quia sunt morbi à sanguine; clysteres frequentes; purgatio ex cassia, manna, gallo decrepito, aut catholicone: be- *Bechica.*
chica, partim quæ leniant, vt syrupus violatus, deglycyrrhiza, de tussilagine, iunubinus, partim qui incidendo & detergendo faciliunt sputum, vt syrupus capilli veneris & oxymel. Citò enim & facilè spuerè bonum est: nam nisi materia pleuritidis intra dies quatuordecim expurgetur, fiet empyema: Placet Aretæo intra vigesimum. Distinguendum Hippoc. 14. diem *14. dies*
numerat à die quo cœpit æger spuerè, quia *quomodo*
Anaxion primis diebus non spuerat, vt est *intelligendus.*
tertio epidem. morbus productus est ad diem trigesimum quartum; quod si primis quatuor diebus eger liberè spuat, pleuritis terminabitur intra diem septimum.

Quæ vena in pleuritide sit secanda, dici vi-
 potest, inter doctos quanta contentione certe-
 tur. Placet Arabibus, in principio dum adhuc
 humor est in motu, siue quandiu sit fluxio, ad
 reuulsionem, aperiendam esse primùm saphæ-
 nam, deinde basilicam lateris oppositi. Tan-
 dem ad euacuationem materiæ morbificæ, ba-
 silicam lateris dolentis. Huic opinioni fauit
 Curtius, quam oppugnavit Brissotus, quem
 hodie sequitur Schola Parisiensis, quia frustra fit
 per plura, quod fieri potest per pauciora. Atqui
 secta basilica lateris dolentis, quia reuellit, de-
 riuat, & vacuat simul, promptius adfert auxi-
 lium: vena lateris oppositi incisa, pleuriticis
 nihil aut minimùm iuuat, inquit Gal. lib. de san-
 guinis missione. Itaque frustra æger toties cru-
 ciatur. Scaliger, tantum abest, vt fateatur par-
 commodum aduenire pleuriticis sectâ initio
 venâ è directo, cum affirmet, quoties hanc opi-
 nionem secutus est, toties ægros decessisse,
 omnes ferè seruatos Arabum consilio. Vesa-
 lius contendit in omni pleuritide semper ape-
 riendam esse basilicam dextrâ, quia hac in par-
 te sit truncus venæ sine pari: nam esto pleuritis si-
 nistra, fiet reuulsio de fonte: si fuerit dextra, non
 tantùm fiet reuulsio, sed etiam deriuatio & va-
 cuatio. Hollerius obicit sanguinem lateri sini-
 stro impactû, non posse retrahi incisa hepatica,
 quia si vena azygos calamo insuffletur, ne spi-
 ritum quidem ad cauam transmittat, multo
 minùs sanguinem. Sic ita sanè: nihil enim tale
 adhuc comperi. Donemus materiam affixam
 lateri sinistro reuelli & retrahi non posse. At

Comenta-
 rio in li-
 brum Hip-
 poc. de in-
 somniis.

Idem scri-
 pserat in
 sententiis
 Amatus
 Lusita-
 nus.

quæ fluit, antecedens causa quæ facit & fouet morbum, quidni listetur, reuelleturque? In pleuritide dextra non tantum initio ad reuulsionem, sed etiam toto morbi decursu ad euacuationem materiæ coniunctæ aperienda est hepatica: In sinistra verò quandiu fit fluxio, ad reuulsionem aperienda videtur hepatica, vt reuulsio fiat de fonte siue de trunco, deinde vt impactus humor educatur, basilica sinistra: Saphæna verò aperiatur, cum hæmorrhoides viris, menses mulieribus substituerint.

Concluditur, mittendum esse ex eodẽ latere.

Cæterum quidam negant post diem quartum pleuriticis tutò mitti sanguinẽ. Verum Hippocrates Anaxioni pleuritico octauo die morbi aperuit venã, fortè quia non fuerat prius vocatus. Itaque quandiu dolor premit, licet venam aperire. Pacato dolore parcendum venæ, ne frustra deiciantur vires: nam salus pleuriticorum & peripneumonicorum tota pendet à virium robore. Quando dolor abest, manente febre, cum difficultate respirandi, credibile est iam factum abscessum, proinde tum inutilem esse phlebotomiam.

Conuenitne purgatio pleuriticis? Sanè cum dolor vergit ad iugulum, tota spes in phlebotomia: at cum vergit ad hypochondrium, Hippocrates etiam purgat elleboro, quia cacochymia magna indicatur, quæ tendit deorsum, quoniam dolor eo vergit: vbi autem dolor, ibi morbus, ibi causa morbifica: sumus autem nos naturæ ministri. Verisimile est humorem extra thoracem & extra vasa consistere. Veruntamen hodie contenti sumus minoratiuo, vt

Catharsis an conueniat.

Et qua.

Aph. 16.
sect. 6.Tutior ta-
men ple-
uritidis.

Topica.

castia & manna. ℥. castiæ ℥. j. fiat bolus cum
saccharo capiat ex cochleari cum syrupo vio-
lato: superaffi mat iusculum galli decrepiti, in
quo manna ℥. j. β. dissoluta sit: metuendum
enim a diarrhœa, quia conatus egerendi impe-
dit expuitionem, in qua tota spes: Si alui fluor
accidat pleuritico fractis viribus, est lethalis:
non adeo periculosus in principio, dum adhuc
constant vires Galenus commentario 2. de diata
in acutis, quamuis dolor vergat ad hypochon-
drium, præfert venæ sectionem, quia sit tutius re-
medium: ex ea, inquit, nullum sequi potest in-
commodum, ex purgatione verò maximum.
Puto Hippocratem ad notham pleuritidem quæ
fit a pituita, non ad veram & exquisitam quæ
fit a sanguine, respexisse: quando sua sit, par-
cendum esse venæ sectioni, dolore descenden-
te: tumque in purgatione totam spem con-
sistere.

Topica initio sint, oleum violaceum cui im-
misceri potest mucilago feminis psyllij, extracta
in aqua scabiosæ misce fiat linimentum; vel
oleum amygdalarum dulcium, deinde chame-
melinum. Quibus inebriata lana succida parti
dolenti applicetur. Deinde ut resoluas, coquas,
& dolorem lenias, ex oleo liliorum & mucila-
gine fœnugræci extracta cum iisdem aquis, fiat
alterum linimentum ℥. olei liliorum & mucila-
ginis fœnugræci extracta in aqua pimpinellæ,
an. ℥. j. misce pro litu thoracis. Dolor demul-
cetur sacculis semiplenis lacte tepido, appli-
cantur lateri dolenti vicissim. Ad eundem fi-
nem, omentum arietis, quod maduerit in
oleo

oleo amygdalarū dulcium plurimū laudatur. Vel hoc cataplasma; ℥ radicis liliorum ʒ. j. bismalux cum radice, tussilaginis cū sua radice, añ. M. j. florum chamæmeli & meliloti, añ. Pug. ij. feminū lini & fœnugræci, añ. ʒ. β. fiat decoctio in lacte: residētia teratur, & cū oleo chamæmelino fiat cataplasma, addendo duos vitellos ouorum.

Vitanda sunt acria, salsa, acida quæ exasperant *Victus ratio.* fauces, vtendum hordeatis, amygdalatis, gelatina, consūmatis, expressis, iusculis. Bibatur aqua hordei, vel prisana cum syrupo aliquo bechico, vt violato, vel de glycyrrhiza. Bibat sæpè & parum, vt per vias lubricas facilius sputum procedat. Numquam bibat actu frigidum, quia frigus inimicum pectori, expuitionem impedit: tepidum verò iuuat, quia coquit, maturat, & de parte inflammata aliquid semper resoluit.

Michael Seti affirmat iusculū pauonum pleuriticis occulta proprietate conuenire, cuiusmodi remedia peculiari nomine pleuritica nuncupantur. In eo censu habentur pudendum cerui, vel tauri, rasura dentis apri, puluis corticis avelanarum; datur ʒ. j. cum ʒ. iij. aquæ cardui benedicti, & semuncia syrapi alicuius bechici, vt de glycyrrhiza, de tussilagine. Quidā magnifaciunt papauer rheas. Vtendi modus varius: aliqui enim flores macerant in aqua, non aliter quam rosas aut violas, atque inde cum saccharo conficiunt syrupum. Alij pulueris exhibent *Pleuritica.* ʒ. j. cum aqua cardui. Quod medici quidam *Papaueris rheas vis.* improbant, quia Galenus *primo de ratione victus*, prohibet ne pleuriticis dentur narcotica, propterea quòd suo frigore impediunt expui-

tionem. Fortassis iuuat proprietate, & præterea confert ad dolorem placandum: nam Auicennas quoties vigilæ infestant, & dolor, iubet dari cum hordeatis, aut iusculis, seminis papaueris albi contusi duas, aut tres ʒ. Itaque vttere audenter hac opiata ℥. conseruæ ex floribus althææ vel capilli veneris ʒ j. pulueris papaueris rheados ʒ. ʒ. rasuræ dentis apri & pudendi cerui, añ. ʒ. ij. cum syrupo de glycyrrhiza fiat opiata, de qua capiat omni hora duas, aut tres ʒ. nam quæ iuuant proprietate, omni tempore possunt exhiberi.

De sanguinis missione in pleuritide, ex sententia Græcorum, Arabum, & Recentiorum doctissimorum, vide Apologeticam disceptationem Petri Brissoti, Doctoris Medici Parisiensis; & Dialexim de eadem sanguinis missione in pleuritide, simul editam à M. Renato Moreau, Doctore Medico Parisensi & Chirurgia professore regio, præsertim verò pag. 71. in qua docetur quid de ipsa controuersia senserit vir vnde quaque maximus, Medicorum sui temporis princeps M. Simon Pietreus, Doctor Medicus Parisiensis.

MEDIASTINI IN- flammatiō.

C A P. V.

Mediastinum quoque, seu septum quod lobos pulmonis disiungit, phlegmone tentari potest, quæ omnia habet cū vera siue exquisita peuritide communia: Febrem continuam, difficultatem respirandi, tussim, sputa.

sanguinis, dolorem : verum dolor ad sternum
sentitur, non ad latus, aut in toto thorace, præ-
terea semper ruffis est sicca, quia pus illic veluti *Inflam-*
pixide conclusum tenetur, quod si erosa tunica *ti media-*
tandem erumpat, nihilominus tabidi moriun- *stini signa*
tur. *propria.*

Remedia eadem quæ pleuriticis & peri-
pneumonicis vena sæpè & sæpè incidenda ut
impedias generationem phlegmones, quando-
quidem facta, est insanabilis.

PHLEGMONE MUSCULORVM
intercostalium.

C A P. VI.

INflamman- tur etiam muscoli intercostales
tam interni, qui replent spatia costarum;
quam externi, qui illis incumbunt. Internorum
inflammatio mentitur pleuritidem, vacat ta-
men periculo, quia etiam si suppuretur pus foras
erumpit. Distinguitur à vera pleuritide, quod
fit sine ruffi, sine sputo, sine pulsu duro, non
adeo acuta febris, neque tam difficilis spiratio, *Signa di-*
nisi cum exsufflant: mesopleurij enim seruiunt *agnostica.*
exsufflationi : Locus contactu indolescit, eo-
que magis cum inflammatio ad musculos exter-
nos attinet: quæ non tantum tactu dignoscitur,
sed etiam visu. Dolor non est pūgens, ut in pleu-
ritide; nec grauis, ut in peripneumonia, sed pul-
satorius propter arterias à copia sanguinis com-
pressas.

Curatio.

Aperienda vena, admouendum initio repellens, vt oxyrhodinum; deinde resoluens, vt oleum chamæmelinum, aut cataplasma ad pleuritidem. Factus abscessus scalpello vel cauterio aperiatur.

Urget etiam aliquando dolor in dorso, cuius causa siue sit foris, vt in musculis dorsi; siue intra, vt in ipsa met pleura, quæ totum thoracem vndique cingit, non aliis eget auxiliis.

D I A P H R A G M A T I S I N -
flammatiō,

C A P. VII.

ESt etiam cum inflammatur diaphragma. Tum trahitur cerebrum in consensum, quia in suo centro est neruosum. Consentit autem cerebrum neruis & partibus neruosis, vnde delirium, cuius causa veteres diaphragma *σπένων* mentem, nuncuparunt: priuatione enim cognoscitur habitus. Atqui malè affecto septe transuerso mens turbatur. Itaque ab illius incolumitate videtur quodammodo animæ sanitas dependere. Solus Trallianus pernegat delirium succedere inflammato diaphragmati.

Huic non alia conueniunt, quàm quæ præscripta sunt ad inflammationem.

EMPYEMA.

CAP. VIII.

HActenus de inflammationibus quæ parti-
bus thoracis tam externis, quàm internis
adueniunt. Sequitur abscessus, ad quem refer-
tur empyema, collectio puris in capacitare
thoracis. Cùm sit pus, inquit Hippocr. hoc est
cum inflammationis generatio impediri non
potuit, neque resolui, sed ad suppurationem
tendit, omnia symptomata ingrauescunt, fe-
bris intensior, dolor acerbior: tussis & difficul-
tas respirandi maior, pure factò omnia sunt
mitiora: Hipp. 3. de morbis, excipit peripneumo-
niam, in qua omnia exacerbari scribit pure con-
fecto. Aliquando ante confectionem puris vo-
mica rumpitur, & sanguis effluit è pleura: si in
capacitatem thoracis, debet expurgari tussien-
do intra dies 40. Alioquin suppurati, confe-
cti tabe morientur, quia pus, cor & partes om-
nes vitales longiore mora corrodet, suborie-
tur febris hectica, inde tabes. Quod si in pulmo-
num fistulas pus, aut sanguis impetu & copia
magna irruat, repentè suffocantur. Hæc mala ut
deuinent prudentiores medici, quoties obser-
uant pleuritidem crudam, in qua primis sep-
tem diebus nihil expuitur, ut materiam attra-
hant foras, efficiantque, ut abscessus rumpatur
foris non intrò, applicant thoraci cucurbitulas
cum scarificatu, vesicatorium, sinapismum,

Aph. 4.
sect. 2.

Cautio in
cruda pleu-
ritide.

n iij

Empla-
strum ac-
trahens.

dropacem. ℥. picis naualis ℥. ij. liquetur cum quarta parte olei chamemelini, vel liliorum, fiat emplastrum applicandum lateri pleuritico, quod est μετασθωγετικόν, trahens ex profundo. Possis ad eundem finem ad mouere cataplasma ex patta leonis, quemadmodum in Angina: venæ enim pulmonum in exteriora terminantur. Hic abscessus, quia succedit inflammationi, epigenematicus appellatur.

Aliquando in sinum & capacitatem thoracis, irruente multa destillatione, pituita illic coquitur & formam acquirit puris. Ita enim Hippocrates: *Destillationes in ventrem superiorem, intra viginti dies suppurantur.* Hi abscessus sunt primarij, qui imprimis distingui debent ab epigenematicis ex antecedentibus, videlicet quod succedant catarrho, non inflammationi. Distingui debent, inquam, quia non sunt periculosi. Vidi qui materia ista purulenta multas pelues impleuerunt, non sine assistentium terrore: qui tamen saburra illa & colluue expurgati, omni difficultate spirandi, qua prius premebantur, perfecte liberati sunt. Legitimum pus fit pepasmo sanguinis: ex pituita putri & cocta, fit aliquid πυώδες, puri simile. Vtrumque distingues quatuor signis, primo libro generalis methodi explicatis.

Abscessus
thoracis
primarij,
minus pe-
riculosi.

Curatio.

In utroque abscessu commune est remedium, bechicis expuitionem adiuuare qualia pleuriticis imperata sunt, vt syrupi capilli veneris, de hyssopo oxymel.

Signa em-
pyematis.

Empyema dignoscitur sensu fluctuationis: *ὕδωρ ὀμν* vocat Cælius Aurelianus. nam quo-

lies aeger in lecto se reuoluit, sentit in thorace veluti inundationem & fragorem aque murmurantis. Galenus *lib. 4. de locis affectis*. Hippocrates suppuratis concedit 40. dies pro puris expuitione, quo tempore exacto nisi perfecte sint expurgati, minatur tabem. An expectandum est dum hoc totum tempus præterierit antequam thorax aperiatur, vt pateat via puri? Respon-

*Thorax
quādo aperiendus.*

deo, si materia videatur copiosior quam vt expurgari possit, prius aperiendum esse thoracem quia metus est ne toto illo tēpore, aut vires frangantur, corde à fumis putribus inquinato; aut pus pulmonem erodat, vt non sit postea tempus. Itaque tum puri facienda via, quod fiet duobus modis,
Primò, si aperiatur thorax intra tertiam & quartam, vel intra quartam & quintam costam: appello quartam incipiendo à veris costis & procedendo sursum: foramen respondeat materiæ educendæ, distetque saltem tribus digitis à spina, neque finas pus confertim effluere, quia vt est in Aphorismo, *siue suppurati secentur, siue urantur, si pus confertim fluxerit, moriuntur.* Aph. 27. lib. 6.

Sectione.

Notabis obiter, quòd aperto thorace si pus exeat laudabile, & febris suppuratum eodem die reliquerit, haud dubiè illum euasurum, alioquin periclitari.

Vstione.

Sequitur alterum remedium cuius in Aphorismo Hippocrat meminit, scil. vstio. Fit autem vstio cauteriis actualibus, aut potèntialibus. Paulus *lib. 6.* applicat 13. cauteria, Aëtius 15. quæ etiam asthmaticis imperat. Celsus supra omo-

platas admouet duo, quæ verat obduci, donec
tussis conquieuerit. Lege Hippocratem *secundo*
Tertio de morbis.

HYDROPS PULMONIS.

CAP. IX.

EMpyemati & abscessui affinis est hydrops
pulmonis. Abscessu primario thorax opple-
tur pituita crassa; sub hydero pituita tenui, sero
acri. Nisi iam conclamatum videatur, vt cum
sub ascite tussis vrget, aquis ad vitales partes af-
cendentibus, thoracis apertione, vel cauteriis
expurgetur.

De hydrope pulmonis, affectu grauissimo atque peri-
culosissimo, consulat lector Hippocratis librum magnum
de morbis internis, textu 24. pag. 258. qui nuper editus
fuit Lutetiæ Parisiorum cum prælectionibus doctissimis
Ioannis Martini, Doctoris Medici Parisiensis, & profes-
soris regij: & Hippocratem, *lib. 2. de morbis, textu 138.*
cum commentariis Petri Salij Diuersi: & tractatum eius-
dem Petri Salij Diuersi, *de affectibus particularibus,*
cap. v.

*SYMPTOMATA PRIMI
& secundi generis, imprimis asthma.*

C A P. X.

HActenus morbi pulmonum & thoracis, sequuntur symptomata. Respirationis instrumenta sunt pulmo, qui cum thorace dilatatur & deprimitur: Thorax verò attollitur, subsidetq, opera musculorum intercostalium. Diaphragma enim est instrumentum lenis respirationis, thorax verò cum suis musculis, vehementis, quæ sit cum exsufflatione: proinde respirationis læsæ causa in aliquo horum instrumentorum perquirenda, nisi fortè motrix facultas, quæ a cerebro transmittitur ad thoracem per nervos respiratorios, impediatur, ut in apoplexia.

Esto respiratio crebra & difficilis sine febre, *Asthma*
quæ asthma propriè dicitur: nam peripneumoni- *quid.*
ci & suppurati, difficilè quidem & crebrò
spirant, ut asthmatici, sed cum febre. Causa
non aliundè quàm in pulmone ipso perquiren-
da: cum propter obstructas fistulas natura non
potest semel & vno inspiratu cor abundè refri-
gerare, materiàmque vitalis spiritus illi sugge- *Causa.*
rere, nec fuliginem excludere exspiratu virico:
anhelitu crebro & velutisuspicio hunc defectum
cogitur compensare, inde asthmatici, suspicio-
si & anhelatores nuncupantur. Quod sanus &
liber pulmo facit vnicà respiratione, obstru-

A pituita. Etus pluribus cogitur efficere. Creber iste anhelitus siue asthma, fieri potest fistulis pulmonum seu bronchiis à pituita viscida, vel à tuberculo obstructis. Discernuntur, quod si obstruantur à pituita, adest stertor; à tuberculo, non ita. Notat Galenus Antipatrum asthmaticum fuisse à tuberculo; erat parvus abscessus cum sua cysti in arteria venosa, qui (compatiente corde) pulsum reddebat inaequalem & intermittentem, quæ causa asthmatis est periculosior, quam pituita. Quando cor trahitur in consensum, breui moriuntur Asthmatici.

Priusquam remedia exponam, notandum Asthma esse periodicum, statos habere paroxysmos, quoties pituita copiosior colligitur: Congeritur autem in thorace ex intemperie frigida pulmonum, vel à cerebro impetu & copia destillat: commouetur pituita obstruens, atque inde asthma exacerbatur, fitque noua accessio. Propterea quædam remedia debentur morbo, nempe obstructioni; quædam paroxysmo, ut de epilepsia dictum est.

*Paroxysmi
curatio.*

*Vide Fer-
nel. c. 7.
lib. 2. me-
thod. med.*

Paroxysmo, Auicennæ consilio, conuenit sectio basilicæ, potissimum sinistra, quia tum sanguis feruet in corde, propterea quod frustratur euentilatione. Verum si suppressi essent menses, aut hæmorrhoides desissent fluere, aperienda esset saphæna. Iniiciendi clysteres acres; liniendus thorax oleo amygdalarum dulcium, vel pingui alio, ut relaxetur: inbendum ut æger sedeat, eo enim situ bronchia melius & liberius dilatatur frigidum ærem inspiret, nudo pectore, quia parcius aer inspiratur quam conueniat.

refrigerationi cordis & retenta fuligine cor obruitur; Galenus tum exhibet diasulphur, alij salis communis semunciam, loco nitri aut aphronitri, quibus veteres in eo casu vrebantur: dabant enim in mulsa alterutrum ℥. ij. Aut ℥. oxymelitis scillitici ℥. ij. utatur ex cochleari. Vi-ctus tum debet esse tenuissimus.

Transacto paroxysmo, cogitandum est de il-
lius causa, nempe obstructione tollenda: Mat-
thiolus suadet, ut quotidie manè ieiuno ventri-
culo edantur tres ficus, quę tota nocte madue-
rint in aqua vitę. Rhasis *cap. de experimentis*, ex-
hibet decoctum vtriusque aristolochię. Vales-
cus dat per aliquot dies aristolochię pulueris ℥.
j cum hydromelite. Habeo remedium singula-
re, inquit Aërius, pro asthmaticis, tussiculosis,
pleuriticis, suppuratis; ex quatuor rebus equa-
liter permixtis, styrace, terebinthina, san-
daraca & mastiche, cuiusque ℥. j. inde fit suffitus,
cuius usus, inquit, mihi longa experientia inno-
ruit. Galenus 8. *κτ' τόπος*, in eo solo thoracis
affectu præscribit cathartica vehementissima.
Cuius auctoritate freti Paulus, & Auicenna
præscribunt colocynthidem: Rhasis elate-
rium. ℥. trochiscorum alandal, ad summum
℥. β. melle alicui conseruę conuenienti, ut enu-
la campireos, capilli veneris, fiat bolus, ca-
piat ex cochleari cum syrupo capilli veneris;
deindeumat hydromelitis lb. β. iteretur bis
qualibet hebdomade. Galenus ita trochiscos
conficit. ℥. sinapi ℥. j. salis communis ℥. β. elate-
rij grana xv. terantur cū aqua, & fiant octo pa-
stilli, quorum vnus exhibeatur alternis diebus,

*Morbi cu-
ra. 10.*

*suffitus
probatus
Aërio.*

*Empirico-
rum auda-
cia.*

superbibendo mulsæ lb̄ ss. Nos contenti sumus pilulas coccias, vel de agarico dare semel quolibet mense luna decrescente, aut potionem ex turbith, aut agarico. At veteres erant audentiores quam nos, aduersus rebelles morbos vehementioribus remediis & frequentius pugnant, hinc empiricorum miracula: In chronicis enim morbis exhibent antimonij quinque aut sex grana cum pauca conserua, aliquādo felici successu. ℞. diaphœnici ʒ. ij. trochiscorum alandal ʒ. ij. fiat bolus.

*Asthma an
frigidus af-
fectus.*

Cæterum Trallianus reprehendit galenū, quod solis calfacientibus medeatur asthmaticis. Calidam enim intemperiem sæpe augent (inquit ille.) Propterea Mesue; Errant, inquit, qui omne asthma frigidum esse existimant. Mihi cum Galeno videtur fieri semper à pituita, quæ tamen conclusa, putret, incalescit, febrem accendit, hinc anhelitus asthmaticorum in exacerbatione percalidus. nam ab obstructione longa & contumaci putredo, prohibita difflatione; à putredine, alienus & febrilis calor.

*Ortho-
pnoea.*

Ingrauescens asthma, inducit orthopnoeam, fiuntque asthmatici tandem orthopnoici, cum non possint aliter quam recti decumbere. Itaque orthopnoicis non alia debentur remedia, quam asthmaticis. Extrema sunt remedia (præter vehementiora quæ ad obstructionem dictata sunt) vesicatorium, sinapismus, cauteria multa in pectore, in dorso, in collo prope asperam arteriam, qualia suppuratis, & hydropi pulmonum conuenire dixi.

T U S S I S.

C A P. XI.

DVitari potest si tussis ad actionem læsam pertineat, cū sit vehemens conatus pulmonis; an ad aetiam in excreto, quia irritatur ad excretionem à causa morbifica: vtrumque enim tussis, hac sua definitione includit: Est vehemens conatus pulmonis, vt excludat noxium. Cur boues non tussunt? quia saluari fluxione repurgantur. Cur homo frequentius tussit quàm cætera animalia? an quia asperam arteriam habet sicciorem? An potius quia destillationi maximè omnium est obnoxius, quia solus habet situm rectum?

Est quædam tussis sicca, quædam humida. *Tussis differens.*
 Appello tussim siccam, quando nil expuitur, quo sensu pleuritis cruda dicitur sicca, & Hippocrates morbos cerebri appellat siccos, quâdo agri, neque spuunt, neque mungunt.

Tussis siccæ multæ sunt causæ, humoris crassities & visciditas, vt in asthma: pituita enim viscida, tenax, incuneata, non patitur se excludi. *Sicca causa.*
 Tenuior quoque destillatio pulmonis & spiritus conatum eludit, efflatione enim comprehendi non potest: asperitas arteriæ; ideò enim febribus ardentibus coniuncta est tussis sicca, quod exasperetur arteria, & à fumis acerbis pulmones offendantur.

Ponamus aliquē frustra tussire propter crudi-

Curatio.

tatem, aut crassitiem humoris, coquendus erit & detergendus syrupis præscriptis in asthma, ut capilli veneris, oxymelite, tabellis diaireos. Si tenuior destillatio eludat conatum pulmonis, incrassetur syrupo violato, iuiubino, de tussilag. pilulis albis, sistatur simul & incrassetur diacodij ℥. j. vel Philonij ℥. j. vel ex pilularum de cynoglossod. j. fiant pilulæ duæ.

Asperitas arteria.

Arteriæ asperitas leniatur syrupo deglycyrrhiza, penidiis, tabellis diatragacanthi frigidi.

Tussis à solo frigore externæ.

Quod si externum frigus tussim mouerit, aër calidus inspiretur, thorax linteis calidis muniatur, tepidum bibatur, ut aqua cocta cum saccharo candi.

Differentia dolorum thoracis.

Si pueri tussiant, ut frequenter tussunt, propter vermes, deturbentur aqua infusionis rhei, aut puluere contra vermes.

Si pars aliqua malè affecta suis fumis pulmones & partes vitales inficiens tussim moueat, aut morbus aliquis, ut pleuritis peripneumonia, abscessus, empyema; illi propriis remediis consulatur.

DE DOLORE THORACIS.

CAP. XII.

Thorax quia totus osseus & nerueus, acerbis doloribus sæpe diuexatur. Quidam sunt punctorii, ut pleuritici, proprii membranarum; alij grauantur, ut peripneumonici. Alij

pulsatorij, siue inflammatorij, vt qui adueniunt inflammatis musculis intercostalibus. Alij tensui, vt cū flatus inanibus spatiis musculorum, vel intra tunicas conclusi eas diuellunt, vnde tensui nominantur, qui pleuritidem sepe mentiuntur: propterea Hippocrates iubet fotu explorare, non morbum, aut speciem doloris, sed causam dolorificam: nam si dolor à flatu excitetur, haud dubiè mitescet fotu, tam humido quàm sicco: si ab humore calido, augebitur fotu, tūque desistendum & incidenda vena: si verò à frigido, resoluta humoris dolorifici portione, aliquantum sedabitur. Fotus humidus fiat ex lana, aut spongia oleis carminantibus insuccata, chamæmeli, anethi, rutæ, lauri: siccus ex furfure aut auena; friguntur in sartagine, vino interim consperguntur, sacculi implentur, qui vicissim lateri dolenti applicantur; possis fursuri permiscere puluerem chamæmeli, fœniculi, milij, fœnugræci ad resoluendum: Hæc enim sunt anodyna primi & secundi generis.

Fotu quomodo dignoscenda causa doloris.

*DE HÆMOPTOIDE, SIVE
sputo sanguinis.*

C A P. XIII.

AB actione læsa pergendum ad ἀπετερίαν in excreto, vt sputum sanguinis, de quo Hippocrat. *Sanguinem supra, i. per os, ferri malum;* Aph. 25. lib. 4. & alio Aphorismo, *A sanguinis sputo, puris sputum,*

à puris sputo tabes.

Aph. 16.
1.7.

Cernis ut è molli sanguis pulmone remissus,

Ad Sygias certo tranire ducit aquas?

*Hæmoptois
inter cre-
dum crisi-
ca.*

Notat tamen Auicenna, hæmoptoidem non esse semper metuendam, quia aliquando est critica & liberat à magnis morbis, accidit tum cum ægri ἐν φρεσίν, absque febre: Volusius Saturninus quotannis magnam sanguinis copiam per os tenuomebat, attigit nihilominus annum quinquagesimum. Cum febre verò semper hæmoptois est lethalis. Si procedat sanguis de thorace, aperta illic, rupta, aut erosa est aliqua vena, tumque non imminet tantum periculum, ac si à pulmone procederet. Discernuntur, quod à pulmone copiosior exit, & tenuior sine dolore, à thorace paucus, crassus, cum dolore & cum tussi vehementiore. Notat etiam Auicenna, aliquando sanguinem de capite descendere in sinum thoracis, atque inde excludi tussiendo spumofum, ac si de pulmone ipso procederet, attamen redditur sine vitæ discrimine. Sed cur spumofus? quia ad generationem spumæ concurrunt humor flatulentus, ut materia; calor & motus, ut efficientes causæ; Atqui non tantum ad sanguinem, qui de pulmone ipso exit tussiendo, sed etiam ad eum qui in sinum à cerebro deerravit, omnes istæ causæ concurrunt: Veruntamen potius dicendum est à pulmone spumofum, à cerebro cum spuma prodire: propterea sanguis in pelui agitanus est baculo, ut discernatur. Quomodo distinguam, dicet, si à capite fluxerit in pulmonem? Titillabitur palatum, inquit, Aretæus, non aliter quàm ab acri

*Vnde san-
guis fit spu-
mosus.*

ab acri catarrho; quinetiam palatum ipsum cruentum, & sordidum videbitur; creber erit scretus, addit Auicenna; præcedit grauitas capitis: à sputo autem illo consequitur leuitas.

Faciamus ergo de pulmone, aut de thorace *Curatio.* procedere. Galenus s. *methodi* suadet, vt bis eodē die incidatur basilica dextra per *ἐπιπλοῦν* Quinetiam sequenti die, vt eiusdem venæ sectio repetatur: frictionibus quoque & ligaturis crurum, fluxio reuellatur. Trallianus & Auicenna videntur præferre saphænam, quia reuellunt è longinquo: *mulieri sanguinem vomenti si menses superueniant, sanatio:* aperta vena in brachio, videtur potius sanguinem sursum attrahere, quam retrahere. Propterea Rondeletius deficit à Galeno, mauultque fauere Tralliano. Tamen quia basilica secta citius & amplius de fonte ipso, nempè de vena caua trahit, videtur præferenda, nisi menses restiterint, tum enim plethora videtur sedem habere infra iecur. Beniuenius puellam hæmoptoicam cui menses substituerant, iam tabidam sanauit, quolibet mense incisa saphæna, donec menses abunde fluere cœpissent.

Aph. 32.
lib. 5.

*Suppressis
mensibus
qua vena
tundenda.*

Purgentur hæmoptoici cassia cum rheo, vel expresso ʒ. ij. rhabarbari infusi in aqua plantaginis, in qua dissolue iulepi rosati ʒ. j. vt bilis vacuetur, quæ suâ acrimoniâ solet aperire aut exedere venas, tum vt purgetur astringendo. Clysteres quoq; reuellunt. Deinde imperanda quæ ad hæmorrhagiâ dictata sunt, vt syrupi trochisci & conferuæ astringentes: ex corallo, coina

Purgantia.

cerui vsto, terra sigillata, fiat pulvis, quo pul-
 tula conspergatur, hordeata quoque & amygdalata: edat etiam lutea ouorum cum eodem puluere, qui excipiat saccharo, in aqua rosarum soluto, fiant parue tabellę tenendę semper in ore. Aimatites perfusus aqua plantaginis fricetur, succus lingitur magno profectu, aut eiusdem lapidis puluerati dentur. *¶* ii. cum aqua plantaginis, aut cum ouo sorbili. Utatur malis cotoneis, mespilis, sorbis, granatis, prunis, cerasis, moris. Fugiat piperata omnia, & quęcunque calefaciunt vt vinum, cuius loco vtatur aqua chalybeata, cum iuleporosato aut syrupo aliquo astringente, vt granatorum, cydoniorum. Applicentur thoraci primũ litus ex oleo rosato, cydoniorum, deinde ex carne cydoniorum & mastiche emplastrum; præmissis tamen generalibus, imprimis venę sectione, alioquin, vt sapienter admonuit Galenus, admoti astringentia nocerent, qui applicat thoraci pattam leonis, finit per tres horas, deinde remouet.

Victus ratio.

Topica

DE MORBIS CORDIS.

CAP. XIV.

Non est mirum, si natura definiatur motu: res enim omnes fiunt, & conseruantur motu, cor in nobis eandem rationem habet, quam sol in magno mundo, propterea Sol cor mundi nominatur. Atqui irrequieto suo motu

Cor est sol

excitat calorem, cuius vitali influxu vegetantur *animalis.*
 hic omnia: Itaque cor indefinente pulsatione,
 hoc est systole sua & diastole, cum spiritu vita-
 lem calorem excitat: quo per arterias quoquo-
 uersum influente, minimæ etiam corporis par-
 ticulæ fiunt, atque conseruantur, eoque absente
 moriuntur: neque enim potest vnquam ani-
 mali superstite motus cordis aboleri. Si sol mo-
 mento quiesceret, illico syntaxis mundi solue-
 retur. Potest quidem ad tempus imminui lipo-
 thymia & syncope: potest etiam deprauari, vt
 palpitatio; non potest aboleri: Hæc duo sym- *Causa li-*
 ptomata, aut accidunt per se primò, aut per *posthymia*
 consensum. Per consensum, causa aliunde trans- *& palpi-*
 missa. Per se, quando in ipsomet corde confi- *tationis.*
 stitit, aut in pericardio. Non est dubium cor om-
 ni morborum genere tentari, similari, organi-
 co, communem suam habet intemperies. Ob-
 strui potest in suis ventriculis & in vasis. Tumo-
 rem, abscessum, vlcera, vulnera patitur.

Vidi mortuos ex palpitatio cum animæ
 deliquio. quibus dissectis inueni capsulam cor-
 dis plenam sero putri. Obseruaui abscessum in
 dextro sinu cordis. Itaque quando medicinæ *Cor absces-*
 procures scripto affirmant abscessum pari non *sum paci-*
 posse, intelligendum animali superstite. Ferne- *tur, sed in-*
 lius obseruaui vlcus in superficie cordis, quod *sanabilem*
 ægrum paulatim ad tabem perduxerat. Quan-
 do vlcus, aut vulnus non penetrant ad ventres
 vsque, aliquandiu durat æger: sed quoties pro-
 fundum est vulnus, repente moritur. Quid
 multa? omnibus morbis afficitur, sed quia per
 arterias partibus omnibus compatitur, morbi

species difficillimè dignoscitur, neque etiam si cognosceretur, sanari posset.

*Cardiaca
remedia.*

*Cur tam
frequētia.*

*Cardiaca
frigida.*

Tabella.

Opiata.

Itaque cum de morbis nulla vnquam sit querimonia, nisi alterutro symptomate se prodant, animæ deliquio, aut palpitatione: Mihi satis erit de vtroq; differere, si prius cardiaca tam calida quam frigida exposuero, quibus etiam aduersus propinata venena, aut inspiratum aërem pestilētem cor muniatur. hic est medicinæ campus amplissimus: nam vt nulla pars, nullaque facultas tam necessaria est quam vitalis; Ita nulla remedia tam frequentia, quam cardiaca: frigidis tamen aduersus causam calidam pugnandum, calidis aduersus frigidam.

Frigidorum exempla sunt syrupi de limonibus, de acetositate citri, violacei, de pomis, de nymphæa: Electuaria, de gemmis, diamargaritum frigidum, manus Christi perlata, trochisci de caphura: Aquæ rosarum, borrag. nymphææ, oxalidis: Conseruæ violarum, borrag. nenupharis, ex quibus cum puluere cardiaco, vt rasura eboris, cornu cerui, vel monocerotis, semine citri, margaritarum electarum, coralli vtriusque, succini, aut electuarijs commemoratis parentur opiata, tabellæ, condita. Pro ditioribus addere possis fragmenta smaragdi, hyacinthi, sapphiri. ℥. fragmentorum prædictorum, rasuræ vnicornis & margaritarum electarum, añ gr. 10. excipiantur saccharo in aqua rosarum dissoluto, fiant parue tabellæ. Vel ℥. conseruæ violarū & borraginis, añ. 3. pulueris diamargariti frigidi 3. ij. rasuræ eboris & cornu cerui, añ 3. ij. cū syrupo de par-

te acida citri, fiat opiata. Item in aquis prædictis, scilicet borraginis, nenupharis, dissolue syrupos commemoratos, & aliquid ex electuariis, ut fiat iulep. ℞. syrupi de limonibus, aut violari ℥. ij. pulueris diamargariti frigidi ℥. ss. dissolue in aquæ oxalidis, vel borraginis ℥. viii. fiat iulep, in duas doses. Ex iisdem aquis & pulueribus, parabitur epithema hoc modo, ℞. aquarum oxalidis, borraginis, rosarum & nenupharis, añ. ℥. iiij. dissolue pulueris diamargariti frigidi ℥. i. fiat epithema pro regione cordis. Poterit etiam parari emplastrum ex conseruis, & pulueribus hoc modo. ℞. conserue violarum & borrag. añ. ℥. j. pulueris santalorum, añ. ℥. j. pulueris diamargariti frigidi ℥. j. cum syrupo de limonibus, fiat emplastrum applicandum ad regionem cordis. Vel ex floribus violarum, borrag. rosarum, santalis, caphura, fiat puluis, qui includatur sacculo, & applicetur cordi. Idem puluis poterit excipi gummi tragacathæ, ut fiat pomum odoratum, vel includi nodulo, quem subinde æger olfaciat.

Iulep.

Epithema.

Emplastrum.

Sacculus.

Pomum odoratum.

His cardiacis tam sumptis quam admotis uti possis in febribus omnibus, potissimum tamen in malignis & pestilentibus, atque cum suspicio est propinati veneni calidi, ut arrhenici; aut affectio quædam calida, cor affligit, ut si syncope vel palpitatio fiant à causa calida.

Calfacientibus verò tum utendum erit, cum propinati veneni frigidi coniectura erit, ut cicuta, aut opij; vel affectionis cuiusdam frigida, ut syncopes, aut palpitationis à causa frigida.

Calfaciunt verò cor & vitalem facultatem roborant quę sequuntur. Conseruę melissę, scabiosę, buglossi, florum arantiorum, cortex citri conditus, atque etiam syrupus, in quo solet à pharmacopœis conseruari. Diambra, diamoschum, lętificans Galeni, confectio alkermes, theriaca vetus, mithridatium: Aquę cardui benedicti, scabiosę, morsus diaboli, melissę, buglossi, florum arantiorum: ex quibus omnibus opiata, tabellę, potiones, epithemata, emplastra, sacculi concinnantur. ℞. conseruę buglossi, scabiosę, melissę, corticis citri conditi, añ. ʒ. ʒ. theriacę vel mithridatii veteris ʒ. ij. lętitia Galeni, vel diambra ʒ. j. confectiois alkermes ʒ. ij. cum syrupo conseruationis citri fiat opiata; possis addere cinnamomum, crocum, nucem moschatam, quin etiam ambregriseę, aut moschialiquot grana, nisi mulier sit hysterica. ℞. aquarum scabiosę, buglossi & melissę, añ. ʒ. iiij. dissolue syrupi de buglossi, vel conseruationis citri ʒ. ij. pulueris diambra ʒ. j. fiat iulep. in tres doses. Ex iisdem aquis & puluere fiet epithema. ℞. aquarum cardui, scabiosę, buglossi, añ. ʒ. iiij. possis addere vini maluatici ʒ. j. dissolue pulueris diamoschi, aut diambra ʒ. ij. fiat epithema pro regione cordis. ℞. florum buglossi, arantiorum & scabiosę, añ. p. j. pulueris diambra ʒ. ij. pulueris ireos Florentia ʒ. ij. fiat puluis, qui excipiatur cotone, & inuoluatur sindone duplici, intersuatur, vt decet, & cum ligaturis applicetur cordi. Vel ℞. conseruę melissę, buglossi, syrupi conseruationis citri, fiat emplastrum pro

Opiata.

Iulep.

Epithema.

Sacculus.

Emplastrum.

corde. Aut paretur pomum odoratum hoc modo.

℞. florum scabiosæ & arantiorum, añ. P. ij. *Pomum odoratum.*
nucis moschatae, caryophyllorum, ireos Floren-
tiæ, añ. ʒ. ij. pulueris diambrae vel diamoschi ʒ j.
fiat pulvis, qui excipiat ladanum, fiat pomum
frequenter odorandum. Idem pulvis si placet
referatur in nodulum, quem subinde olfaciat.

His velut iactis fundamentis, instat ut pri-
mum de syncope, deinde de palpitatione differa-
mus.

DE SYNCOPÆ.

CAP. XV.

Syncope est præceps lapsus virium omnium: *syncope*
terrificum symptoma, quia est imago mor- *quid.*
tis: virium, inquam, omnium, naturalis, ani-
malis, & maximè vitalis: quarum nexum &
harmoniam dissolvit. Differt à lipothymia seu
ληποθυμία intensione: leue enim deliquium, qua-
le accidit nonnunquam tempore phlebotomiæ,
sensum omnem non adimit, neque vocem. At *Differentia*
synoptici veluti exanimis iacent, privati sen- *à lipothy-*
su & motu, pulsu propemodum impercepti- *mia.*
bili, cum sudore frigido & extremorum refri-
geratione; quæ duo posteriora, sunt signa pa-
thognomonica syncopes, nisi sudor frigidus
exolutionem consequatur, λειποθυμία est, non
syncope: Cur sudant? retentricis impoten-
tia. Cur frigidum sudant? extinctione caloris
natiui.

*Curatio.**In paroxysmo.*

Remedia debentur paroxysmo, aut sympto-
mati. In paroxysmo etiam si adsint delirium,
febris aut inflammatio alicuius visceris, quidam
nihilominus concedunt cochlear vnum vini,
quinetiam aquæ vitæ, theriacalis, aut imperia-
lis: quæ extra paroxysmum, cum de remouen-
da causa cogitatur, sunt nocentissima. Ego in
pari casu offero sugendum panem intinctum
mero, saltem diluatur vinū aliqua aqua cardia-
ca, ut rosarū, borrag. Turcis, licet lege cautum est
gustare vinum, syncopiticis tamen conceditur in
accessione: quia nihil tam citò reparat, & re-
creat dissipatos spiritus. Consideranda autem
causa, ut remedium ex arte præscribatur extra
paroxysmum.

*Aphorismo
41. lib. 2.**Curatio.**In suffoca-
tione.**Veneno.**Dolore ve-
hementi.*

Si ignotâ causâ aliquis sæpe & vehemen-
ter exoluitur, repente morietur. Sanè mul-
tum refert si ab inanitione an à repletionem quis-
piam exoluatur: si à veneno, an ab hysterica
passione. Fingamus mulierem quæ ab utero
suffocetur, suppones muliebribus odorata, na-
ribus fœtida, ut castoreum, rutam, alliam fœti-
dam; cæteris offeres odoranda suaueolentia,
ut ambram, zibettum, moschum. Insufflabis
sternutatoria: si non sternuter, morietur. Veneno
oppones proprium alexipharmacum; si ignore-
tur, commune, nempe theriacā, vel mithrida-
tium. Si quis linguatur animo propter doloris
vehementiam, quia malum vrget, quam primū
exhibebis narcoticum, ut philonij 3. j. cum aqua
cardui bened. Si cardialgiæ succedat syncope,
quæ inde stomachica nuncupatur, panis tostus
intinctus vino, deinde respersus pulvere nu-

cis moschatae, caryophyllorum, applicetur stomacho, non cordi: hydrelæo vomitus excitetur. Exoluatur aliquis interim dum sanguis vacuatur, detrahendum puluinar, quia sic minor ascensus vaporum à corde ad cerebrum, propterea quod venæ iugulares & arteriæ soporariæ siue carotides isto situ corporis concidunt, vires & spiritus promptius colliguntur, quam recto decubitu; interea aliquid vini exhiberi non est mirum, quia nil tam citò reparat spiritus quam vinum: est enim vaporosum, & vapores vinosi cum spiritibus maximam habent affinitatem: inter ea quæ symbolo substantiæ aut qualitatis communicant, facilis est transitus. Sed cur acetum offertur odorandum? forte quod pungendo odoratus instrumentum, dissipatos spiritus reuocat. Cur facies aspergitur frigida? ut calor & spiritus exilientes foras, repentino frigida occursu in suos fontes recurrant, à circumferentia ad centrum retrudantur. Abstinebis igitur hoc remedio, quoties longo alui fluore fatiscunt vires, ne fluor augeatur. Exhibebis potiùs theriacam recentem: nam Galenus hoc signo eius bonitatem dignoscit, quod sistat superpurgationes.

*Vinum cur
tam car-
diacum.*

*Aspersio a-
qua ubi vi-
tanda.
Vistheria-
ca recentis.*

Verùm esto syncopiticus propter sudorem immoderatum, aqua rosarum etiam caphurata facies respergenda, linteis frigidis, non calidis corpus perfricandum, exponendus aëri frigido, quinetiam oleo rosaceo liniendus. Si à causis inanientibus, ut vigiliis immoderatis, venere immodica, inedia longiore (ista fames synco-

*Curatio in
inanitione.*

Aph. 11.
Mb. 2.

ptica nuncupatur, dicunturque à Latinis ad singultum famelici.) Si motu & exercitatione vehementiore, reficiantur vires & spiritus recreentur analepticiis, liquidis potius quàm solidis: nam facilius est repleri potu, seu potulentis, quàm cibo, vt destillato restauratio, gelatina, consummatis, expressis, lacte. ℞. destillati restauratiui ℥b. β. aquarum cardui & buglossi, añ. ʒ. iij. syrupi de limonibus ʒ. ij. pulueris diambræ ʒ. j. colentur per manicam, fiat iulep, quo vtatur omni hora inter pastus. Imperentur quies, somnus & abstinencia veneris.

Repletionem. Quòd si animæ deliquium contingat à repletionem, vt inflammatione alicuius visceris, plethora minuenda est, sāguine per ἐπίσπασιν vacuato: summa enim laus est & perfectio medici distinguere posse vires oppressas à languidis: quia oppressæ leuantur sublata causa oppressionis, nempè plethora venę sectione imminuta. Languidæ verò, vt iam morbo longo attritæ, phlebotomia concidunt, quia sanguis est thesaurus naturæ, ex cuius vaporibus fiunt spiritus vitales.

A veneno.

Si venenum fuerit causa exolutionis, resistendum alexiteriis, saltem communibus. Dentur theriacæ ʒ. ij. cum aqua cardui bened. vel scabiosę. Admoueaturs cordi emplastrum ex theriaca, aut mithridatio, aut epithema cardiacum. Dentur etiam per os cardiaca, qualia iam præcesserunt. Lege Galenum 12. metho. & 1. ad Glauconem.

DE PALPITATIONE
Cordis.

CAP. XVI.

Quoties aliquid molestum est cordi, siue sit intra, siue extra, vt eo se liberet, succutit se à magna violentia, non aliter quàm cerebrum sternutando, pulmo tussiendo, ventriculus singultiendo. Violentum hunc motum veteres palpitationem appellarunt, quidam tremorem cordis vocant, quia tremor fit semper à facultate languida. Fernelius obseruauit tam vehementem palpitationem, vt costas fregerit, aut loco dimouerit.

*Palpitatio
quid.*

Palpitat per se primò, quando causam habet intra se, aut pericardio conclusam. Sexagenario cuidam cor vehementer palpitabat, interiit, in dissecto obseruauit capsulam plenam aquis. Puero trienni incredibili vehementia cor palpitabat: inueni abscessum in dextro sinu cordis: effusus sanguis putruerat, & iam purulentus apparebat. Si aquæ in pericardio contentæ suspicio sit, imperetur hidroticum cum cardiacis.

*Primaria
palpitatio.*

Fit per consensum, estque palpitatione secundaria, vt in melancholia hypochondriaca, quum à liene quia ascendunt fumi ad cor per arterias, sunt illi permolesti, propterea palpitat, vt ab illis se defendat. Distinguendum ergo imprimis, si causa palpitationis aliunde procedat, vt non

Secundaria.

*Diorismi
ad curatio-
nem.*

tantum recipienti cordi, sed mittenti potius succurratur. Distinguendum etiam si ne causa frigida, ut serum, vel flatus; an calida, ut sanguinis copia siue plethora: Nam Gal. liberavit multos, vena secta ineunte vere, quo tempore sanguis turget. Verum ille ipse s. *de locis aff.* in eo remedio iubet nos esse cautos: nam, inquit, cum quidam iam triennio adiutus fuisset phlebotomia, quarto anno eadem repetita interiit. In causa frigida parcendum venæ, blandè purgandum, quia diagrediata siue vehementia cathartica, sunt infensa cordi, contenti simus cassia, catholicone, dissolutis in aquis cardiacis. Exempli gratia, quando suspicio erit causæ frigidæ, quam exilis pulsus indicabit.

*Dacrydia-
torum no-
xa.*

*In causa
frigida.*

℞. radicis tormentillæ & dictamni Creten-
sis, an. ʒ. iiij. morsus diaboli, scab. buglossi, an.
ʒ. β. seminum cardui & citri, an. ʒ. j. florum
cordialium an. P. j. fiat decoctio. in qua bulliat
agarici trochiscati ʒ. β. (ab Auicenna etenim
cardiacum perhibetur.) In colature ʒ. iiij. infun-
de rhei electi ʒ. j. β. cum ʒ. β. cinnamomi. In
expressione dissolue syrupum de buglos. si de-
sit, syrupum conseruationis citri ad ʒ. j. vel sy-
rupum regis Sabor, vel syrupum rosarum pal-
lidarum ad purgandum serum, fiat potio: Ron-
deletius affirmat caphuram appensam collo ita
ut cor attingat, prodesse palpitationi à quacun-
que causa. Si placet, detur ʒ. β. ambra griseæ,
in causa frigida, cum aqua melissæ: in causa ca-
lida, cum aqua acetosæ. Rondeletius, quia caro
cordis est durior, quam ut facile coqui possit,
consulit ut ex cordibus cerui, porci, bouis, cum

plantis cardiacis aqua destilletur, quæ substantiæ similitudine cor roborabit, non aliter quàm pulmo vulpis pulmonarios, hepar lupi hepaticos, interior tunica ventriculi gallinarum stomachicos. Clysteres dentur frequentes ad reuel-
lendos fumos. Confectio al kermes mixta cum pauca conserua melissæ & theriacæ 3. ss. cum conserua buglossi, borraginis, superbibita aliqua aqua cardiaca, imprimis commendantur. Cucurbitula etiam admota dorso, flatum & humorem foras trahit, sed non applicetur nisi corpore benè purgato.

Cæterum, palpitatio cum febre & syncope *Prognosis.* lethalis est: quia si fuerit vehemens, sæpe in syn-
copen, tandem in mortem definit, Rhasis 7. *cont.* Raro, inquit Galenus, excedunt annum quinquagesimum quibus assidue cor pal-
pitat.



PARTICVLARIS
 METHODI ME-
 DENDI,
 SECTIONIS TERTIÆ,
 TRACTATVS PRIMVS.

IN QVO EXPLICANTVR
*affectus partium quę seruiunt nutritioni,
 imprimis œsophagi, deinde
 ventriculi.*

C A P. I.

*Concupis-
 centia so.
 des.*



EVS concupiscibilem ani-
 mam, ait Plato, de industria
 posuit in partibus corporis in-
 ferioribus, vt ibi pascatur, ve-
 lut ibos in præsepio, longè à
 mente, ne illam a contempla-
 tione abduceret. Paternianus hæreticus dice-
 bat ab Antitheo eam creatam, Mentem à
 Deo.

Præmansum alimentum deglutitur. Deglu-
 titionis instrumentum gula, vt stomachus ap-

petentiæ. Ventriculus rectis iisque interioribus fibris attrahit alimentum, œsophagus transuersis quæ sunt in exteriori tunica, illud deturbat comprimendo : Stomacho inest sensus indigentia communis, appetitque pro conseruatione totius. Propterea accipit à natura neruos à sexta coniugatione, per quos exquisitè sentit. Attractum ventriculus excipit, comprehendit, subsidet in fundo, coquitur, coctione fit chylus. Per pylorum deinde deponitur in intestina : Iecur mesenterio veluti manu alibi-lem portionem fugit, fæcem intestina in aluum deponunt. Ex alimentaria portione iecur conficit sanguinem, qui purus & defæcatus quoquouersum per venam cauam transmittitur. Felle suo repurgatur à cysti fellis, quæ subest cauisiecoris, à liene limus attrahitur. Renes de vena magna, siue caua emulgent serum, quod in vrinam transmutatum, deinde per oureteras in vesicam effundunt : Ita defæcatus & purus sanguis à vena caua ascendente ad superiorum, à descendente ad inferiorum partium nutritionem, demittitur. Harum omnium partium nutritioni destinatarum affectus hac sectione meditor.

Oeconomiæ chyliferae.

Hæmaturia.

O B S T R U C T I O.

C A P. II.

Obstructio.

EXordiar à deglutitionis instrumento, cuius inflammationem synanchen veteres appellarunt. Obstrui autem potest non tantum tumore, ut prædicta phlegmone, sed etiam adnata caruncula, ut plurimum re aliqua imprudenter deuorata: Hollerius vidit puellam, quæ cum arietis pulmones liberalius comedisset, frustulum vnum euomuit, quod cum in media gula restitisset, usque adeo intumuit, ut omni alimento viam intercluserit: affixis tamen cucurbitulis supra vertebrae colli attractum est, deinde ferramenti extractum; quomodo ossicula imprudenter deuorata extrahuntur.

Curatio.

Verum faciamus minutius aliquid, ut spinam piscis impedire ductum, neque conspici posse etiam cum oris speculo, ut vossellis comprehendatur: oleo amygdalarum dulcium via lubricanda, dato vomitorio ciendus vomitus, sternutatio mouenda, interim dorsum pugno fortiter percutiendum est, ut elidatur, vel spongiæ frustulum appensum filo, glutine, terebinthina, oblinatur, deinde transglutiat: fortassis cum retrahetur, obstruentem spinam inuiscabit. quid si iam adhæreat gulæ? Albucasis monet, in eo casu peptico cataplasmate, emplastro, aut vnguento (quale pareretur ex ficibus & remollientibus quatuor) procurandam esse suppurationem.

Quod si spinam imprudenter deuoratam inflammatio consequatur, procuranda, quam cito fieri poterit, suppuratio cataplasmate, & gargarismo peptico. ℞. rad. althææ & liliorum, añ. ʒ. j. fœnugræci ʒ. β. ficus n. 4. fiat decoct. pro gargarism. ex residentia cataplasma.

V L C V S.

C A P. III.

A Liquando vlceratur destillatione ferina, *Vlcus.* vel euomito humore acri, vel epoto veneno, vt sublimato, arrhenico, euphorbio.

A quacunque causa vlceretur, vlcus est immedicabile. In alimentis tamen omnibus sit medicamentum. Nutriatur hordeatis ad derersionem, bibat hydromel ex aqua hordei & saccharo rosato, aut aquam hordei. Paretur pulicula ex farina hordei cocta in lacte cum vitellis ouorum, cui immiscebis puluerem ex corallo, bolo, mastiche vel sanguine draconis. Si placer, istum puluerem excipies oui albumine, vel mucilagine tragacanthæ, vt adhæreat; vel ouum integrum agitabis cum saccharo rosato. Locus vlceris definitè cognoscetur, quoties æger quidpiam acre, vt piper, deuorarit: nam in parte vlcerata sentit ingentem dolorem.

PARALYSIS GULÆ.

CAP. III.

Resolutio.

Paralysis gulæ dignoscetur, quòd solidum transglutire non possit, quia comprimi non potest a fibris transuersis, liquida velut in lagenam descendunt.

*Hipp. in
Prog.*

Ista deglutiendi difficultas in acutis morbis solet esse lethalis.

Si aduenerit per se paralysis sine acuto morbo verisimile est eam accidere ab intemperie frigida. Proinde curetur vt paralysis linguæ, gargarismo ex decocto saluiæ, maioranæ, in quo syrupus de stœchade sit dissolutus, frequentius usu conferuæ saluiæ cum theriaca, mithridatio. Aëtius admouet mento cucurbitulas. Topica applicari debent intra duas spatulas, siue ad quintam vertebra[m] dorsi, vbi incumbit gula.

AFFECTVS STOMACHI,
siue orificij superioris ven-
triculi.

CAP. V.

*Intempe-
ries.*

Intemperatus stomachus malè appetit, eoque signo intemperatus iudicatur: Quemadmodum ventriculus ipse in suo fundo in-

temperatus censetur, si malè coquat. Aliquan-
do ita obstruitur, vt ad fundum nihil transmit-
tat. Fernelius vidit à tuberculo duro ita obstru-
ctum, vt ne potulenta quidem bimestri spatio
transfluxerint. Ego in pyloro tale quiddam ob-
seruauì, per vndecim menses æger euomuit, ex-
tenuatus tandem interiit. Inueni pylorum à tu-
berculo duro ita obduratum, vt vix liquor trans-
fieret, coquebat venter, sed coctum postero die
euomebat. Aliquando comprimitur à xiphoidè
cartilagine; inde dolor, qui vomitu, aut deie-
ctione leuatur, tum vulgus dicit pectus decidisse
& manu sublata illa cartilagine, melius ha-
bet. Si fortè inflammetur, præter tumorem,
dolorem acerbissimum, & febrem continuam,
adueniet delirium, compatiēte cerebro per
neruos sextæ coniugationis. Inflammationem
sequitur abscessus, abscessum vlcus. Sed cum
eiusmodi affectus sint insanabiles, pergendum
ad symptomata.

Curatur
cucurbitu-
la cum
multa
flamma
apposita,
et violen-
ter retrah-
ta.

Excessus appetitus animalis *Exλιμία* dicitur:
defectus verò *ἀνορεξία*, inappetentia, ad quā per-
tinet *ἀσितिá* seu *ἀποστίá*, fastidium ciborum.

Deprauatur pica seu malacia: Picant mulieres
gravidæ, primis mensibus gestationis; aliæ car-
bones, aliæ calcem appetunt, pro qualitate hu-
moris, quem vterus in ventriculum eructat.

Causa ap-
petitus de-
prauati.

Auicennas ista vult expeti vt remedium, non
propter similitudinem, hoc argumento quòd
humor peccans augetur accessione similis:
cum tamen expleto appetitu melius habeant.
Fernelius vidit mulierem, quæ calcem pugnì
magnitudine comedebat sine iactura sanitatis.

*Appetitus
naturalis
quid.*

De appetitu secundum naturam paucis disserendum est, ut qui contra naturam est, facilius intelligatur: Est autem quidam appetitus naturalis, qui ἐφ' ὅσους dicitur ab Aristotele, insitus singulis partibus, cuius beneficio, non aliter quam plantæ, conueniens alimentum singulæ partes appetunt & sugunt. Est alter appetitus, qui ab eodem Aristotele ὁρεξίς nuncupatur.

*Aristot. 2.
de anima,
& in eudemis.*

*Fames
quid.*

Cuius tres differētiæ ille constituit, iram, appetitum vindictæ: voluntatem, appetitum honesti aut inhonesti: & cupiditatem alimenti, & veneris appetentiam: Alimenti inquam siccis seu cibi, vel humidi seu potus: prior appetitus, fames: posterior, sitis nuncupatur. Fames naturalis fit, cum ventriculus à vicinis partibus sentit se fugi: Singulæ enim trahunt & in substantiam suam conuertunt alimentum: trahunt inquam de venis ea consecutione, ut definat attractio in ventriculo, qui suctu vellicatus, appetit, non tantum sibi, sed in communem usum totius. Hic animalis appetitus, hic sensus communis indigentia non est inditus toti ventriculo, sed ut est 8. κτ, τόπος, stomacho, cuius idcirco sensus est exquisitus per magnos nervos, proinde quoties non appetit, totum corpus tandem ἀτροφία contabescit: Si verò aut plus iusto, aut depravatè appetit, inde κακωτροφία mater cacochymie & cachexia, & morborum ilias succrescit. Obseruatumque est nationes voraces esse breuioris vitæ.

Α' ὁρεξία, excitant repletio non tantum utilis, sed etiam inutilis, & quæcunque ventriculum subuertunt, ut pingua omnia, mellita & re-

pida. Languentem verò appetentiam exsuscitant acida & frigida: frigida, inquam, ut potus frigida, panis intinctus frigida comestus prima mensa, aer frigidus: Acida, ut succi & syrupi limonum, granatorum, oxalidis, de parte acida citri, de pomis, acetosus, oxysacchar, oliuæ quoque & cappares, acetaria primis epulis: Melancholicus humor, quia frigidus & acidus augeret appetitum, non aliter quam pituita acida, quæ parit tandem ingentem famem, siue βελιμίαν.

Si humor excrementitius deiciat appetitum, vel dato vomitorio, vel pilulis stomachicis, ante cibum, vel de hiera quotidie una hora ante pastus vacuetur: ab eo enim effectu vulgò gulosæ nominantur. ℞. rhei electi ℥. iij. myrobal. condit. ʒ. j. conseruæ rosarum ʒ. ii. cum syrupo conseruat. citri, fiat bolus, sumendus cum syrupo de absinthio, vel de mentha.

Inappetentes etiam efficit relaxatio stomachi, qui relaxatur à causa calida & humida. Sed cur laxior venter non appetit? quia non sentit se sugi, mollificato neruo per quem appetit; fortassis hic affectus paralysis stomachi dici potest. Cui conueniunt quæ astringendo roborant, tam assumpta quàm admota, ut cydoniatum à pastu, puluis adstringens, cuius hæc sit formula. ℞. coriandri præparati ʒ. j. cornu cerui vsti, & eboris, añ. ʒ. j. cum triplo saccharo rosato fiat puluis, de quo quotidie post pastus sumat vnum cochlear. Liniatur etiam stomachus aliquo oleo astringente, ut rosarum, cydoniorum, mastichino, absinthij. Humiditas etiam siccabitur sumpto per aliquot dies hi-

drotico. Utendum assis, non elixis, & iusculis abstinendum.

ἔσθμις.

Ἐσθμιος siue ingens fames, est affectus inappetitæ contrarius, qui olim Vitellium imperatorem infamem reddidit. Ut plurimum accidit pituita acida ventriculum comprimēte, aliquando etiam à latis vermibus chylum exugentibus.

Causa.

Trallianus vidit mulierem, quæ sumpta hiera deiecit vermem duodecim cubitorum, quo excreto mox ingens ista fames disparuit. Accidit etiam per niuem longum iter facientibus, ut olim Bruti militibus, si Plutarcho fides debetur:

Aqua cur
vorax.

Aqua vorax, inquit Hipp. 6. epid. effectiuè, inquit Galenus, quia appetentes reddit: frigida potu ingentem famem excitari experientia demonstrat, hydropotæ enim solent esse edaces, nisi summa oboriatur intemperies, stomacho veluti mortificato, ut notant Gal. 3. de caus. symptom. & Auicenna. Tum enim non sentit se fugi.

Curatio
famis præ-
ternatu-
ram.

Cui causæ Galenus medetur alimentis calefacientibus, theriaca quoque & mithridatio veteri utatur vino absinthite: nam ut est in aphor. 21. l. 2. meri potio soluit famem, id est ἔσθμιν. Gal. affirmat se dato mero copiosiore multos perlanasse. Aëtius iubet, ut bibant quantum possunt bibere, ut frigida intemperies corrigatur. Proderit etiam dare frequenter Syrupi de mentha, vel de absinthio duo cochlearia. Gal. 6. de sanitate tuenda, dat etiam cydoniatum compositum cum pipere, zingibere, nuce moschata, caryophyllis. Pituita acida deturbetur pilulis de hiera cum agarico. Conualescentes, ut qui ex

longo morbo nouissimè resurgunt, solent esse famelici; qui reficientur alimentis boni succi & facilis coctionis, denique analepticis, liquidis potiùs, quia celerius distribuuntur; nec nisi paulatim assuescere debent solidis.

Boulimiæ affinis est fames canina, in qua euomitur assumptum alimentum, moxque nouum appetitur. Vterque affectus, si perseueret, desinit in *ἄνορε*, *ἰάκω*, sitque mutatio ab extremo in extremum. Vtrique vitio hoc est commune, quod linquantur animo, nisi habeant præsens alimentum: Vnde fames syncoptica & singultuosa dicitur. Assumpto paucopane mox ad se redeunt, vt Cleomenes ait apud Plutarchum 6. *sympos.* Quod contigisse olim Bruto, historia-

Fames canina.

Curatio.

Picantgravidæ primis mensibus gestationis, scilicet 2. 3. aut 4. cum effluxit hoc tempus, & iam fœtus grandior copiosius sumit alimentum, sponte disparet. Alioquin cassia cum rheo, aut catholico ventriculus repurgetur: aut tepida, vel hydromelite tepido, vomitus prouocetur: Confert enim gravidis vomere. Oliuarum sit vsus frequens initio pastus, sumant quinque, aut sex amygdalas amaras. Terram appetenti, inquit Aëtius, nihil æquè prodest ac amyllum recens.

Pica.

D E S I T I.

C A P. VI.

Sitis naturalis causa.

Causa morbosa.

Curatio.

TRiplici substantia constamus, solida, humida & spiritulosa: quarum omnium fit perennis dissipatio. Verum hæc iactura resarcitur aëte, cibo & potu. Spirituum enim dissipationem reparat aër qui assidue inspiratur: humidam potulenta, solidam esculenta. Penuria humidi contingit sitis naturalis, ut fames inopia sicci. Potus igitur sedat sitim, non quivis, sed qui humectat & refrigerat, non tantum potentia, sed etiam actu: nam aqua calida auget sitim. Sitis inquam non tantum fit à siccitate, sed etiam à calore, si fuerit morbida, ut febrilis. Proinde non tantum quæ humores vacuant, ut vehementiora cathartica, diabetes, defectus potationis: sed etiam quæ inaniunt & siccant, ut vigilia, & vehementior motus non tantum corporis totius, sed etiam linguæ & pulmonum, excitant sitim (quod vitium est cantoribus & concionatoribus familiare:) quæ valde etiam calfaciunt, ut febris, intemperies calida ventriculi, hepatis, cordis, pulmonum; vel humor calidus, ut bilis & pituita salsa in ventriculo subsistens pariunt sitim.

Intemperies omnis corrigitur suo contrario, sicca humido, calida frigido: Itaque siti à calore medendum est potu refrigerante: si verò à siccitate, humectante; quod si à pulmone cale-

facto sitis exciteretur, refrigerandus erit potius aeris frigidi inspiratu, quam potu frigida: Itaque aer talis arte paretur extincto foco, apertis fenestris, aut pauimento cubiculi frigida, aut foliis refrigerantibus, lactuca, vitis, salicis resperfo: inspirandus vapor aquae frigidae è pelui, os colluendum frigida. Si à vigiliis æger siriatur, arte prouocetur somnus: humectat enim, quia coquit, coctione verò separatur humor alibilis quo stomachus irroratur, vbi est sitis præcipua sedes: nisi enim compatiatur toti, vt in febre; aut parti, vt calidiori iecori, vel pulmone, sitis non excitatur.

Cur iis qui noctu bibere appetunt superdormire bonum est? Quia somno alimentum coquitur, coctione alibilis succus separatur, quo stomachus humescit. *Cur somnus sitim sedat.*

Cur hydropici sitiunt, cum habeant abdomen plenum aquis? An quia aquae sunt salsae & putres, quae similes vapores ad stomachum transmittunt? An quia reliquum corpus priuatur humido, cum in abdomine retineatur? Hydropicorum sitim non sedat aqua, quia materiam auget; neque vinum, quia calorem intendit; sed acetum, quia resistit putredini, si multa aqua diluatur, fiatque oxycratum, sedabit sitim à calore, febribusque omnibus malignis & putridis medebitur. Habenda semper causae ratio in sedanda siti, vt si à calidiore corde vel iecore oriatur sitis, per consensum erit, non primaria (quae accidit stomacho per se calido, non aliunde calefacto) tùm hepar tam sumptis quam ad motis refrigerandum est, vt aquis endiuia, *Cur hydropici sitim solent.* *Oxycratum cur magis sitim sedat.*

cichorij: Epithemata illi admouenda, quemadmodum cordi in febribus: habent enim omnes sedem in corde. Sitim à siccitate sedabunt quæcunque humectant simul & refrigerant, vt ptisana vulgaris, syrupus violatus, de pomis, de nymphæa: sitim à calore, frigida etiam sicca, vt iulep rosatum, syrupus de parte acida citri, conserua rosarum agitata cum aqua hordei.

Aqua tepida quando conueniat.

Aph. 52. lib. 4.

Hypoglottia.

Quod si bilis contenta in ventriculo sitim excitet, nisi prius vacuetur, frigida potus nocet potius quàm profit, quia frigus illam condensat & impingit, facitque vt tenaciùs hæreat parietibus ventriculi. Itaque vomitu vel purgatione vacuetur; quomodo interpretor sententiam Auicennæ: In eo casu aquam tepidam magis conuenire, quàm frigidam, quia tepida vomitu vacuat bilem, quæ affigitur ventriculi tunicis, & contumacior redditur potu frigida. Si pituita falsa in ventriculo consistens excitet sitim, vacuanda catharticiis, aut vomitorio.

Memineris fauces refrigerantibus, vt ptisana vel aqua hordei sæpe irrigare ad sedandam sitim à calore & siccitate: nam febre ardente correpti, si leuiter tussiant, non admodum sitiunt, quia à catarrho fauces irrigantur, inquit Gal. dummodo catarrhus sit dulcis, non salsus. Propterea iubemus, vt febrientes assiduè mastigent nucleos ceraforum, hypoglottia imperamus, quorum sit hæc formula. ℞. seminis portulacæ, papaueris, cucumeris, glycyrrhizæ & tragacanthæ, añ. partes æquales, subigantur aqua, & ad fabæ magnitudinem reducantur.

Quæritur si agonosticè sit bibendum, ad ex-

tinguendam sitim; an parum & sæpe. Priori sententiæ videtur fauere Gal. multis locis: iubet enim, vt *καυοοπλῶν* frigida largior potus exhibeatur. Auicenna fauet sententiæ posteriori, ne immodico potu frigida extingatur calor natiuus. Medicinæ candidatus, cum post vehementiorem potum ad extinguendam sitim è puteo Cœnomano frigidam liberaliùs bibisset, extincto calore in suo fonte mortuus est hydropicus. Itaq; media via videtur tenenda: nam Gal. non omnibus febrientibus, sed ardentì febre tantum correptis, neque omni febris tempore, sed tantum in vigore liberalissimam potionem frigida concedit, vt ardor summus, qui alioquin humorem primigenium populatur; colligans corpus, a suo aduersario potentiore oppugnetur.

*Liberalis
aqua potio
vbi concedenda.*

Ceterum sitis, vt fames, potest aboleri, imminui, deprauari, non tantum augeri. Abolitur & minuitur, quoties ventriculus laborat in temperie frigida & humida cum materia: deprauatur vt pica, ab humore alieno, veluti si quis cupiat bibere lixiuium & vrinam: Est enim malacia tam humidi quàm ficci.

Sitis differentia.

Verum quia frequentissimè intenditur, & de hoc solo symptomate medici cōsulantur, idcirco aliis missis, de sitis excessu duntaxat à practicis præcipitur. Adde quod defectus non videtur morbosus, quia multi sine potu salubriter vixerunt. Illustris Dom. de Pisani totum decenium transegerat sine potu; sitiebat quidem, sed humidiore cibo fallebat sitim. Noui qui absque molestia tres aut quatuor dies quoties vult

transigit sine potu. Nobilis quidam iustus est sclopeto in cubito tanto impetu, ut membrum syderatum Chirurgi coacti sint amputare. Suasi ut parum biberet: ille nil omnino bibit. Cum illum exacto iam mense reuiderem, affirmavit, sitim cum aliqua difficultate per octo dies per- tulisse, sed postea vix captum ullo potandi de- siderio: desissetque potare, nisi eum ad potum coëgissem metu marasmi.

DE CARDIOGMO SEU
dolore stomachi.

C A P. VII.

*Stomachus
cur sensus
exquisiti.*

*Cardiog-
mi causa.*

QUO pars est exquisitoris sensus, eò dolo- re acerbior diu exatur; stomachi sensus est exquisitissimus per se, & propter nervos quos habet à sexto pari: Itaque aliquādo tam acerbo dolore cruciatur, ut multi doloris vehementia victi sibi violentas manus attulerint. Qui sto- machum habent sensus exquisitoris, succum- bunt dolori, inquit Trallianus, quia erosionem ferre non possunt, è viuis exeunt, hinc syncope stomachica compatiēte corde: Ideo enim veteres stomachū *καρδιαν*, illius dolorem *καρ- διαλγίαν* nominarūt. Sentitur iste dolor sub xi- phoide cartilagine: vbi autem dolor, ibi mor- bus. Hippoc. tamen libro 1. de morbis, scri- bit vesicam à suo felle demorsam nonnunquam excitare cardiogmon. Mercurialis vesicam in- terpretatur iecur, quia Alexander Aphrodisæus

in Problematis. scripsit bilem alias omnes partes mordere, suam vesiculam minimè. Verùm, etiam si hoc sit rarum, tamen fieri potest, ut peccans quantitate aut qualitate, etiam suæ vesiculæ non parcat. Memini me obseruasse dolores ventris intermittentes, consequutum tam copiosum fellis excrementum, ut dubitarem ubi tanta copia contineri potuisset. Vix dolium fuisset capax excipiendæ tantæ bilis copię.

Definienda causa, priusquàm remedium præscribitur: fieri enim potest ab intemperie calida, inflammatione, vlcere, à veneno, à vermibus; à quibus, inquit Trallianus, non tantùm syncope frequens, sed etiam mors tandem consequitur: ut plurimùm à bile mordaci. Veneno opponendum est alexipharmacum: si non proprium, saltem commune: nam auctor libri de theriaca, singulariter ad cardiogmum commendat theriacam, etiam si ab alia causa quàm à veneno procedat, ut à putribus fumis malignę febris. Si suspicio sit vermis stomachum mordentis, detur hierę picræ ℥. ss. aut pilularum de aloë ℥. j. aut expressum rhei; infundantur, si placet ℥. ij. in aqua absinthij, cum eiusdem syrupi ℥. ss. fiat potio: nam absinthium quoque valdè commendatur à Galeno in omni cardiogmo. Eadem potio proderit, quando bilis mordax affixa stomacho, illum lancinat. Quod si nauseat ventriculus, & æger consueuerit vomere, detur vomitorium, ut hydrelæum tepidum. Vel ℥. radicum raphani & seminis atriplicis, añ. ℥. ij. fiat decoctio; in colaturâ ℔. ss. dissolue ℥. ij. oxymelitis,

Curatio.

A veneno.

A vermibus.

A bile mordaci.

A flatibus.

detur tepidè, postea digito in oleum intincto lingua deprimatur. Clysteres potenter reuelunt, quando distendentes flatus sunt in causa tam acerbi doloris. Admoueat ventriculo magna cucurbitula. Miraculo enim omnes dolores à flatu sedat, inquit Gal. Liniatur venter oleo aliquo carminante, vt lauri, rutæ, anethi cum pauco castoreo, quod datum cum hydromelite, 3 j. pondere, benefacit etiam colicis doloribus. Sacculi pleni mentha, absinthio, maiorana, floribus chamæmeli, seminibus anisi, fœniculi bulliant in aquæ & vini æquis partibus & vicissim applicentur.

*Vel cum
confectione
de hyacin-
tho.*

Potus frigide, quoties summus est ardor, ad tempus confert. Quinetiam granum vnum opij dari potest cum mithridatij ʒ. ss. aut cum syrupo de mentha, vel de absinthio vt corrigatur, detur autem ex cochleari; dari poterit cum iusculo pulli, aut cum pauca conferua, præsertim quando nauseat stomachus. Cardiaca non possunt non prodesse, itaq; non erunt hîc negligenda. Cum summis doloribus præsentissimum sit remedium venæ sectio, non videtur omittenda. Galenus, authore Archigene, commendat vinum, maximè frigidū, cū erosio est à bile. Vinum granatorum plurimum confert, detur ex cochleari; aut medulla panis eo imbuta, sæpe offeratur, eius vices supplet syrupus, si vinum desideretur.

*Cardiaca
passio.*

Signa dia-

Febribus malignis succedit alter affectus, affinis cardiogmo, qui cardiaca passio à Latinis nominatur. Stomachus à malignis fumis tentatur, inde ægris languor, & summa virium imbe-

cillitas cum diaphoretico sudore, sudant ceruice, thorace, sudor est viscidus, extrema frigent: febres istæ solent esse anxie & inquietæ, hinc ægri assidue se iactant lecto, vt situm inueniant naturæ conuenientem, & vix possunt momento vno in loco consistere: Aliquando cor ipsum primò afficitur, aliquando sympathia stomachi. Sed affectus hic est à febre maligna & putri inseparabilis: cardiogmos verò, vt plurimum sine febre.

Pugnandum semper cardiacis tam sumptis *Curatio.* quàm admotis. Diaphoreticus sudor astringentibus sistendus, vt litu ex oleo myrtino. Lege Celsum *libro 3.*

AFFECTVS VENTRICULI.

CAP. VIII.

A Limentum à stomacho expetitur, & à gula deglutitum subsidere debet in carnoso ventriculi fundo, vt coquatur: nisi enim vndique comprehendatur, vt si fluiet, coctio peruertitur, quia actio physica fit per contactum. A retentrice igitur in fundo contineri debet & vndique comprehendi arctè, donec in chylum transmutetur, non tantum ventriculi, sed etiam partium vicinarum calore: Nam omenti defectu nasci cruditatem galenus annotauit, quibus parat scutum ex cerato stomachico loco omenti.

Legetur chylosis vt quælibet alia actio, quia

*Requisita
ad chylo-
sim.*

*Laesa co-
ctionis dif-
ferentia.*

aboletur, minuitur vel deprauatur. Abolitam & deprauatam chylosim, vno nomine ἀπεψία Galenus designauit. Maioris & facilioris doctrinae gratia, liceat deprauatam appellare χαυνοπεψίαν: Tardam verò & imperfectam siue imminutam coctionem ille ἐραδυνπεψίαν nuncupauit. Aboletur & minuitur, ventriculi intemperie frigida, atque etiam humida, nisi in vicinis partibus, vt in omento, iecore, liene manifesta sit causa. Deprauatur verò intemperie calida, nuda vel cum materia, vt bile; vel alimenti ipsius vitio, siue peccet in substantia, vt si difficilis sit coctionis: siue in quantitate, vt si copiosius assumatur; siue in qualitate prima, vt si calidius sit, frigidius, humidius; vel secunda, si tenuius, crassius, relaxans, adstringens; imò verò si in ordine peccatum aliquod committatur, prima coctio deprauatur. Nam cydoniatum prima mensa sumptum astringit, postrema relaxat aluum.

*Signa in-
temperiei
frigida.*

Intemperies frigida cognoscetur vomitu pituitae, ructu acido, iuuantibus quoque & lædentibus: calidis enim iuuantur, frigidis offenduntur. Solent esse malè colorati & inappetentes, qui propriè dicuntur stomachici. Calida verò dignoscetur à iuuantibus quoque & lædentibus, ructu nidorulento, oris amarore, siti, vomitu bilis.

Calida.

Curatio.

Si deprauetur alimenti vitio, facilis erit curatio: nam si bubulam male coquat imbecillus venter, nutriatur volatilibus. Si propter intemperiem calidiorem, non est adeo longa illius ac frigidae intemperiei curatio: verum prudentia

dentia siue cautione est opus, ne sumptis aut
admotis refrigerantibus, ventriculus ad in-
temperiem contrariam, priori longè deteriore,
deducatur. Auicenna enim cruditatem appel-
lat matrem omnium morborum. Merito sanè:
nam vitia primæ coctionis secunda non emen-
dat: nisi ventriculus bonum & laudabilem chy-
lum suggerat hepati, non poterit alimentarium
sanguinem conficere: Ex prauo autem & im-
puro sanguine omnes fere morbi. Itaque de
ventriculi intemperie prius disseramus, quam
ad symptomatum curationem aggrediamur,
quandoquidem sublatis causis effectus dispare-
bunt.

Veteres, inquit Galenus, solis adstringenti-
bus imbecilliori ventriculo medebantur, ac si
omnes illius affectus a relaxatione procederent.
Verùm intemperie omni eius actio leditur, im-
becillitatem parit quævis intemperies, potissi-
mùm tamen frigida. Proinde ad robur partis ad-
vitam vsque adeo necessariæ adstringentia per-
miscemus, sed unicuique intemperiei proprium
remedium opponimus: Calidiorē purgabis
cassie ℥. j. cum rhei ℥. j. non neglecta venæ se-
ctione. Imperabis tabellas diarrhodon trianfan-
tali, syrupum granatorum, limonum, cydo-
niorum. Iuscula refrigerantibus alterentur. A-
pozemata refrigerantia, acetaria ex lactuca
& cichorio: cerasa, pruna. Admouenda erunt
oleum rosaceum, cydoniorum, ex quibus cum
pauco cerato santalino pro cera, fiat linimen-
tum: fuge magis refrigerantia, vt oleum papa-
uerinum, ne ad peiorem intemperiem deduca-

*Intempe-
ries quan-
uis actionē
ledit.*

*Curatio
calida.*

*Topica ubi
applicanda.*

tur. Refrigerantia autem applicabis circa vmbilicum, siue circa fundum ventriculi: ne septum attingas, inquit Auicenna: nam vt scribit Galenus, 8. *methodi*, frigida præcordiis admota lædunt respirationem, propter diaphragma. Si bilis redundans nauseam excitet, vomitus prouocetur, præsertim consuetis vomere.

*Curatio in-
temperiei
frigida.*

Qui frigidiores sunt ventriculo, vtantur alternis diebus pilulis de hiera aut elephanginis, myrobalanis conditis, tabellis aromatici rosati, cortice citri condito, vel nuce moschata condita, zinzibere condito, syrupis de mentha, de absinthio, vel conseruationis citri, si placet misceañ. \mathfrak{z} . j. & capiat manè cochlear vnum. Proderunt etiam vinum maluatium, aromatites, absinthites; quod fit ex centū libris musti, & vna absinthij. Vel \mathcal{L} . aque vitæ libram β . pulueris ducis \mathfrak{z} . j. (puluis ducis fieri solet ex sacchari lb . j. & cinamomi \mathfrak{z} . j.)

*Aqua sto-
machalis.*

Temperetur aquæ vitæ lb . β . lib. tribus aquæ rosarum, colentur per manicam bis aut ter, capiat aliquoties in hebdomade cochlear vnum ieiuno stomacho, præsertim hyeme. Vulgus solet vti puluere ducis cum vino, vel panem tostum intinctum vino conspergit isto puluere. Poterit parari opiata hoc modo. \mathcal{L} . conseruæ acori, corticis citri conditi & myrobalanorum emblicorum conditorum, añ. \mathfrak{z} . β . pulueris aromatici rosati \mathfrak{z} . ij. nucis moschatæ conditæ, theriacæ vel mithridatij \mathfrak{z} . j. cum syrupo conseruationis citri fiat opiata. Ante pastum capiat tabellam vnam aromatici rosati,

Opiata.

quo die non utetur pilulis de hiera aut elephanginis, aut hoc pulvere coctionem adiuuante: malo enim sumi ante pastum quæ iuuant coctionem, quam à pastu, quia calida ante perfectam coctionem, alimentum distribuunt.
℞. caryophyllorum & nucis moschatae, cinamomi, añ. ʒ. ij. pulueris aromatici rosati ʒ. iij. cum quadruplo saccharo fiat puluis, de quo capiat quotidie ante pastus cochlear vnum, superbibendo parum vini, vt præparetur ventriculus ad coctionem proximam. Vel nux moschata teratur, coquatur cum melle & aqua vite vsque ad consumptionem aquæ, sumatur mane ex cochleari.

Topica

Topica sint olea de absinthio, de mastiche, de nucis moschata, ceratum stomachicum. Si placet, ex prædictis oleis cum paucis cerato stomachico pro cera, fiat linimentum: vel addendo parum nucis moschatae, cum cera fiat vnguentum. Si placet, panis oblinatur melle, deinde conspergatur pulvere nucis moschatae, caryophyllorum, cinamomi, & applicetur toti ventriculo. Nam à calidis non est metus, vt à frigidis. Vulgus panem tostum intinctum vino conspergit prædicto pulvere. Vel ℞. cerati stomachici ʒ. ij. extendatur super aluta, fiat scutum pro stomacho. Parari etiam potest ex mellis & mastiches añ. ʒ. j. Vel ℞. pulueris rosarum rub. absinthij, menthae maiora sicca, añ. ʒ. ij. ligni aloes, spice nardi, calami aromatici, schœnanthi, añ. ʒ. ij. fiat puluis, qui excipiat corone, inuoluntur duplici linteo, aut pro ditioribus findone, intersuatur vt decet, fiat scutum stomachicum

*Vbi appli-
canda.*

cum suis ligaturis.

Memineris litus, vnguenta, emplastra, cataplasmata, non tantum ante, sed etiam pone applicanda esse, circa decimam tertiam vertebra.

*Humida
intempe-
rii cura-
tio.*

Humidiorem ventriculum indicat saluatio frequens, nausea, diarrhoea aquosa, sensus fluctuationis in ventriculo. Quem resiccabis inedia, nec tantum potus, sed etiam potulentorum paucitate: non cœnent, vtantur biscocto, assis non elixis. hidroticum & laconicum benefaciunt, vt & sequens opiata. ℞. conserue betonicae & acori, añ. ʒ. j. cornu cerui vsti, coralli vtriუსque, añ. ʒ. j. cum syrupo de mentha fiat opiata. Pro topico admoveatur sequens emplastrum. ℞. mastiches ʒ. j. cerati stomachici ʒ. ss. pulueris menthae & aromatici rosati, añ. ʒ. j. cum oleo de absinthio fiat emplastrum, ex quo scutum pro stomacho. Ad extremum, Hipp. & Pauli consilio, admovebis tria cauteria, vnum ad xiphoidem, duo paulo inferius, forma triangula; non sint profunda, sed cutem solam perforent. Quidam sunt contenti vno magno ad orificium ventriculi appposito, quod iubent diu teneri apertum, vt humor noxius hac expurgetur.

*Obsoleta
remedia.*

Sicca.

Ventriculi intemperies sicca, oris siccitate dignoscitur, corporis extenuatione, aluo sicca, facibus iuduratis, appetitu humidorum. Cognita analepticiis humectantibus percuretur, vt lacte praesertim muliebri, alioquin caprae aut vaccae cum vitellis ouorum, syrupo resumptiuo, iusculis testudinis, aut eiusdem carne cum amygdalis contusa, hordeatis, gelatina,

aqua carnis, succo amygdalarum dulcium, quo etiam ventriculus liniatur. Abstineat venere, utatur elixis non assis, alius subducatur cassia, aut enemate frequenti, balnei sit frequens usus. Difficillimè omnium sanescit, deinde frigida.

Quibusdam vitio conformationis, aut materia inopia tam exiguae est ventriculus, ut reliquo corpori sit inæqualis. Si emineat, excir- *Conforma-
tionis vi-
tia.* cunscriptione ipsa vitium contactu deprehenditur. Si delitescat, hoc signo coniicietur, quod pauci alimenti sit capax. Si fortè plusculum cibi assumpserint, coguntur vomere, repleturque venter ante satietatem: Hi nutriendi sunt cibis boni succi & facilis coctionis, iisque uti debent sepe & parum.

Obstructio.

Obstrui etiam potest in utroque orificio. Obstructo superiore, prohibetur introitus alimenti. Obstructo inferiore non est liber exitus. Hæc vitia quamvis dignoscantur, curari non possunt.

Inflammati.

Tentatur aliquando phlegmone, quæ tumore, & dolore cum febre acuta, eaque continua dignoscitur. Cuius generationem, nisi clysteribus, iterata venæ sectione, admoto oxyrhodino impediatis, frustra deinde resoluentia, & maturantia imperabis.

Vlcus.

Vlcerari etiam potest assumpto veneno, aut humoris acrimonia: ex vlcere, lienteria, aut celiacus fluor, quamvis credatur intestinorum imbecillitate contingere.

Vxor domini Poussépin Consilarii regij hora decima matutina conqueritur de importuno alui fluore. Suadeo vt decumbat, quia motus auget fluorem, & deiectiones reseruet. Erant autem similes aquæ albæ, chylosæ quidem, sed liquidæ: implebat magnam peluim quoties deiciebat. Territus hoc symptomate, postulauit vt seniores in consilium vocarentur, præscripti sunt litus adstringentes, sacculi, iulepi, expressum rhei pro die sequenti. Deiectione frequenti & copiosa viribus paulatim collabentibus, admonui tum maritum vt illa rebus domesticis & pietati vacaret. Ante mediam noctem interiit, cum ipsa nihil minus quam de morte cogitaret. Vt explorarem causam mortis subitæ & inopinatæ, impetraui vt corpus diffecaretur. Inueni ventriculum in suo fundo vlcera-
*Curatio
vulceris.*

Si quo remedio iuuari possit, iuuabitur portione vulneraria, vsu longo aquarum Niuernensium. Interim vtatur hydromelite pro ordinario potu. Bilis mordax expresso rhei repurgetur. Vtatur sæpè tabellis diatragacanthi frigidi, trochiscis de bolo, de terra sigillata. Vel ℞. conseruæ veteris rosarum, conseruæ symphyti, añ. ʒ. j. pulueris diatragacanthi ʒ. ʒ. bolus armeni & terræ sigillatæ, añ. ʒ. j. cum syrupo rosarum siccarum fiat opiata, qua vtatur omni hora inter pastus. Vtatur etiam hordeatis, syrupo rosarum siccarum cum aqua hordei quando fastidiet hydromel.
Inflatio.

Aliquando ventriculus inflatur, & tumet multo flatu, quod genus tumoris in p^{ro}ponitur in-

*Flatus
causa.*

flatio nominatur. Fit autem flatus ex humore crudo à calore imbecillo; ut enim sol meridianus absumit humorem, ita calor ventriculi immodicus, qualis est sub intemperie calida: utque hyeme sol nullos vapores excitat: ita neque frigidior venter: sed paucus calor, si humorem crassum crudum nanciscatur, cum illum coque-
re non potest, in flatus resoluit, unde inflationes coli, vteri ventriculi. Quibus medendum est carminantibus, qualia nouissimè ad cardiog-
mum à flatu præscripta sunt. Singularis est cucurbitula.

DE SYMPTOMATIS VEN-

triculi, ac primum de vomitu.

C A P. IX.

HAtenus morbi & symptomata primi ge-
neris; sequitur immoderatio in excretis,
cuius generis sunt, vomitus simplex, vomitus
sanguinis, cholera morbus, cum suisque deque
vomitu & deiectione ventriculus excernit. No-
men habet à causa putata. Fortassis singultus &
ructus huius sunt generis. Differt enim singul-
tus à vomitu, quod vomitu ea excludantur quæ
ventriculi capacitatem continentur. Singultus,
quæ tunicis sunt impacta. Ad vomitum perti-
nent supinitas seu subuersio ventriculi, & nau-
sea, inanis vomendi appetentia; differunt, quod
nausea contingat antè, subuersio post cibum.
Quorum symptomatum curationem explicatu-
rus, exordiar à vomitu.

*Vomitus à
singultu
discrimen.*

Vomitus
utilitas.

Critici vo-
mitus si-
gna.

Sympto-
matici.

Huius re-
media.

Imprimis distinguendus est criticus à sym-
ptomático : aliquando enim prodest vomere,
vt initio febrilis accesssionis : imò arte prouo-
cari solet, vt materia ad paroxysmum parata
vomitu vacuetur : Eo enim sensu scripsit Aui-
cenna, *vomitum vomitu curari* : Causa enim
quæ excretricem irritat, dato vomitorio va-
cuatur : Optandum est, vt febrientes vomant
in principio paroxysmi, sudent in fine. Vtilis
etiam vomitus arthriticis & gravidis, quia re-
uellit. Vomitus criticus minuit morbum &
morbi symptomata: fit enim naturæ victoriâ &
excretrici robore, quæ materiam morbificam
hac via commodiore excludit. Dignoscetur æ-
gri ὁ φapία, bona tolerantia, leuatur vomitu, &
solito melius habet: præterea accidit die critico,
præcedentibus signis coctionis, & vacuatur
materia quæ morbum committebat, vt bilis,
si morbus fuerit à bile. At symptomaticus ac-
cidit violentia morbi, & copia materiæ mor-
bificæ: minuit vires, non morbum. Ille ergo
aut sinendus est, aut iuuandus: hic verò sisten-
dus remediis quæ sequuntur: clysteribus acri-
bus ad reuulsionem, purgatione humoris mor-
bifici cum rheo, myrobalanis, vel pilulis de
quinque generibus myrobalanorum: minus
enim euomuntur solida quàm liquida: Me-
lius pilulæ aut boli retinentur quàm potiones.
℞. rhei electi, pulueris hieræ & massæ pi-
lularum de quinque generibus myrobalan.
añ. ʒ. j. cinamomi gran. vj. cum syrupo de
mentha, fiant pilulæ quinque: deinde liniatur
venter oleis astringentibus, calidis tamen in

frigida causa, vt oleis de mentha, de absinthio. Frigidis in calida, vt oleo cydoniorum, myrtillorum, rosaceo. Vel ℥. carnis cydoniorum quantum satis; eius inopia accipe cydoniatum; coquatur in vino si frigidior sit ventriculus, alioquin in aceto; postea adde pulueris mastiches, balaustiorum, coralli rubri, an. ʒ. j. cum oleo de absinthio, fiat emplastrum pro stomacho. Pauperibus satis erit puluerem gallarum, aut malicorij, aut boli armeni subagitare cum albuminibus ouorum & paucio oleo rosaceo: stupæ hoc madidæ applicentur, & arctè contineantur. Aut ℥. pulueris rosarum rubr. & farinæ hordei, an. ʒ. j. pulueris gallarum, malicorij, boli armeni, an. ʒ. ij. æstate bulliant in succis plantaginis, centinodiæ, bursæ pastoris cum paucio aceto, hyeme in oleis adstringentibus rosarum, cydoniorum, mastiches, fiat cataplasma. Cui simile est emplastrum Montagnanæ de mica panis. ℥. medullam vnius panis albi, coquatur in vino rubro, adde pulueris alicuius adstringentis ʒ. ij. aut. iij. cum paucio oleo rosaceo, fiat cataplasma, applicetur ante, & ponè ad decimam tertiam vertebra. Cucurbitula magna infra vmbilicum, atque etiam supra duodecimam vertebra, admota, plurimum potest in sedando vomitu. Si reuomat cibos, interim dum exhibentur, ad mouenda erit vt retineantur. Vtuntur a pastu cydoniato, aut puluere parato ex corallo, cornu cerui vsto, pauca terra sigillata, cum triplo saccharo rosato, fiat puluis. Vitentur pingua & tepida, quia vom-

*Cucurbitula
la vilitas.*

*Implastrum
de pice.*

tum excitant. Incoquantur iusculis grana cydoniorum & granatorum inclusa nodulo, quin etiam alterentur plantagine. Vulgus admouere solet ventriculo emplastrum ex pice. ℞. picis naualis ℥. ij. coquito in oleo cydoniorum vel de absinthio, adde si placet, pulueris astringentis aliquot ʒ. fiat emplastrum. Utatur syrupis astringentibus, ut granatorum, cydoniorum, de absinthio, de mentha. Auicenna iubet ut manus in frigidam mergantur. Aëtius verò non tantum manus, sed etiam pedes vult mergi in calidam. Sanè utrique sua ratio: Auicenna suadet frigidam ad vomitum reprimendum: vapor enim frigida communicatus stomacho illum constringit. Aëtius verò præfert calidam, quia calor trahit reuellitque. Proinde vrgentiori symptomati promptius frigida succurrit: Calida verò confert causæ symptomatis repellendæ. Ad eundem vsum non tantum utilis est cucurbitula, sed etiam iuuat extremorum fortis & dolorosa ligatura.

Panis tostus, aceto irroratus & subolfactus benefacit. Poscâ frigidâ vtiliter quoque os colluitur, aut pomum acidum manditur; quibus remediis solemus uti post assumptum catharticum ne reuomatur; datur etiâ vtiliter cochlear meri.

*Phlebotomia an
vomitui
conueniat.*

Conuenitne venæ sectio vomentibus? Confert sanè, si sit suspicio inflammationis, ut in hepatitide, nephritide, aut ventriculo inflammato. Narcotica conciliato somno compescunt vomitum: Omnem enim fluorem sistit somnus, excepto sudore. Cur nauigantes ini-

no solent vomere? An insuetâ graueolentiâ æ-
rismarini stomachus offenditur? An quia ter-
rentur nouo & horrendo æquoris spectaculo?
An propter fluctuationem, seu inæqualem ma-
ris agitationem?

DE VOMITU SANGVINIS.

C A P. X.

Sanguinem supra, id est per os, ferri, qualif- *Aph. 25.*
cunque sit, malum: infra autem bonum, si *sect. 4.*
niger deiciatur, qualis per menses aut hæmor-
rhoides. Mutilati tamen & qui cōsuetam exer-
citationem intermiserunt, vtiliter sanguinem
vomunt, quia iecur, sine consilio sanguificat, *sanguinis*
amputato membro tanquam præsentī sangui- *vomit*
nem facit: qui cum non distribuatur, restitetur *unde.*
que in venis, cum primū incipit esse grauis &
molestus naturæ, vomitu excluditur. Idem ac-
cidit mensibus, aut hæmorrhoidibus suppres-
sis.

Mulierī sanguinem vomenti, si menses su- *Aph. 35.*
perueniant, sanatio. Itaque incisa saphena vo- *sect. 5.*
mitus sāguinis reuellatur, aut si hæmorrhoides
restiterint, prouocentur: Astringentia tam sum-
pta quā admota, qualia ad hæmorrhagiam &
hæmoptoidem dictata sunt, præscribantur: vt
syrupi, & trochisci adstringentes, litus, empla-
stra, cataplasmata restringentia. Considerabis
autē num pars aliqua, vt iecur, aut lien sangui-
nem ad ventriculum transmittat. Quod conii-

*Signa dia-
gnostica.*

cies primò ex tumore & dolore hypochondrij. Secundò, quod ex venis vètriculi cum sint exiles paucus sanguis effluit: ex iecore ruber, ex liene niger, vtrinque multus: tum è directo aperienda erit vena lienaris aut iecoraria; quinetiam iecori, aut lieni admouenda erit cucurbitula, hypochondrium oxyrhodino liniendum. Qui hoc symptoma sæpius incurrunt, nisi mors anticipet, hydropici moriuntur.

DE CHOLERA MORBO.

C A P. XI.

TRes sunt affectus perperacuti, sine febre, qui etiam eadem die iugulant. Apoplexia, Tetanus, & Cholera morbus. Quibus idcirco citissimè consulendum.

Cernitur in suis casibus ingenium.

*Cholera
differentia.*

Est autem cholera quædam humida, alia sicca, eo sensu quo admonui ab Hippocrate morbos cerebri humidos, aut siccos, rursim humidam aut siccam appellari. Humida fit ab humore, sicca à flatu, aut à sero mordaci, sed ita impacto, ut excludi non possit. Imprius purganda bilis morifica expresso rhei, myrobalanis, quinetiam tabella vna electuarij de succo rosarum, aut diapruni solutiui semuncia. Venter liniendus oleis rosarum & cydoniorum; aut applicandum emplastrum ex carne cydoniorum, & cætera peragenda quæ ad sistendum vomitum iam dictata sunt. Aretæus

& Mesue commendant potum frigida, iu-
bentque si forte euomatur, vt continuò noua
propinetur. At Rhasis, Serapio & Hali ma-
lunt tepidam exhiberi. Illi præferunt frigi-
dam, ad contemperandum ardorem bilis; hi
calidam, ad ciendum vomitum, quia vom-
itus vomitum sedat, vacuata materia vom-
itum prouocante seu excretricem irritante. At
Erasistratus, authore Chrysippo, aqua præ-
ferebat crama siue vinum frigida dilutum,
quod laudant Galenus & Trallianus vt reme-
dium singulare, diluit quippe bilem & roborat
stomachum. Confert syrupos de mentha &
granatorum permiscere, & sæpe cochlear
vnum exhibere: Vterque enim syrupus in
hoc affectu est singularis. Possis permiscere
singulis vnciis syrupi, ʒ. j. pulueris diarhodon,
vel santali citrini, vel ligni aloes: miscenda
enim semper aromatica, quandoquidem illis
ventriculus valdè delectatur, potissimum verò
in hoc casu: frigida mutant ratione bilis. Con-
sulendum etiam iecori & lieni, si inde humor
ad ventriculum confluere videatur, etiam ad-
mota illis cucurbitula, vt in vomitu sanguinis.
Tandem præscribantur narcotica, sed parua
dosi, vt ʒ. ʒ. Philonij, vel semiscrupulus pilu-
larum de cynoglossa, vel granum j. opij cum
syrupo de mentha. Nam adueniens somnus im-
moderatè vomentibus, sanitatem promittit:
omnes quippe fluxiones sistit, excepto sudore.
Quòd si sedato vomitu humor peccans totus
secedat per aluum, quò natura vergit, eò ducere
oportet, si modò per loca conuenientia. Atqui

*Aqua qua-
lis propi-
nanda.*

*Narcotico-
rum usus.*

inferior via est tutior quàm superior, itaque clysteribus iste motus adiuuandus est.

Ad choleram siccam, quam vapores maligni committunt, detur lac asinæ; Rhafis commendat balneum aquæ dulcis, si metus sit conuulsionis à siccitate, pareretur ex hydrelæo: fit autem ex sex partibus aquæ, & vna olei. Cæterum hederæ folia cocta in vino & forma cataplasmati ad mota sedant vomitum, quemadmodum trifolium sumptum & admotum.

SCHOLIUM.

Aduertant hîc iuniores Philiatrî, & in artis operibus nondum exercitati, in Cholera morbi curatione, inconsultò, & nescio qua de causa omissam fuisse cõmendationem phlebotomia ab Auctore clarissimo, qua tamen hîc summopere est necessaria, ut pete qua viscerû astum tēperet, & furenti bili, si quid aliud, franos iniiciat: cum enim Cholera morbus nil aliud sit quàm dispositio inflammatoria viscerum nutritiorum, præsertim vero hepatis, quâ ferus indomitusque humor sursum atque deorsum excernitur magno impetu, & cum grauissimis symptomatis, v. gr. extremorum frigore, frigido circa faciem sudore, pulsu paruo, languido, inæquali, nausea & cardiogmo, surarum contractione, & alijs eiusmodi, naturæ vires obruentibus atque opprimentibus; dubium non est quin apprime requiratur sanguinis missio, pro virium modulo celebranda: hac enim acutissimorum morborum, qualis est Cholera morbus, præstantissimum est præsidium, compescendis inflammationibus, coercendis fluxionibus & sedandis doloribus summè idoneum: humorum acrimoniam mirificè retundit, collapsas vires erigit ac recreat, calorem ab internis ad externas partes reuocat, humores à toto corpore in ventriculum & intestina irruentes vacuat, reuellit & coerces: denique in ratione curationis utramque faciet paginam, prudenter atque tempestiue administrata, si ei tanquam auxiliares copie in subsidium adueniant frigida potus & clysteres blandi: nec anti-

Morbi ventriculi.

255

purgetur ager, quam sit apparatus humor morbificus, & mitificata materia illa qua initio morbi furebat, & eo quo ruebat in ventriculum impetu, quasi presens vita periculum adferebat.

DE SINGULTU.

C A P. XII.

Singultus est veluti convulsio ventriculi: Sese-
nim contrahit vt excludat noxium. Con-
uulsio autem quædam à repletionem, altera ab
inanitione; ergo & singultus. Fit ab inanitione,
quando succedit causis inanientibus, vt im-
modicæ diarrhææ aut dysentericæ, hypercatharsi,
inediæ longiori, vel siccitati, vt febribus conti-
nuis & longis, ardore febrili tandem resiccato
ventriculo. Hipp. etiam meminit febris singul-
tuosæ, quam scribit esse lethalem, nisi superue-
niant sudores critici, equales somni, & urinæ
crassæ. Non accidit semper primario affectu
ventriculi, sed per consensum cerebri, iecoris,
ilei, inde aphorismus, *singultus ab ileo lethalis.* Aph. 10.

*Singultus
causa.*

A cerebro etiam vulnerato singultus sequi-
tur, compatiens stomacho per nervos sextæ
coniugationis. Inflammato autem iecore, præ-
sertim parte caua, accidit vehemens singultus,
siue quod aliquid saniei resudet in ventri-
culum, siue quod ventriculus tribus modis com-
patiatur iecori, propter viciniam, societatem
operis, & vasorum communionem: Habet
enim ventriculus nervos communes cum tuni-

*Aph. 10.
sect. 7.*

cis hepatis. In malignis febribus accidit singultus ventriculo compatiēte cordi, aut eodem recipiente tetros vapores à toto: aliquando excitatur à causa externa, vt assumpto veneno, pipere, allio, aut re quapiam mordaci. Cur singultus à timore? An quia timor ad ventriculum mittit bilem? An quòd motu valde refrigescit, frigus autem comprimendo retinet excremēta, quæ vomitum & singultum excitant? fortè etiam per se mordax frigus vellicando stomachum, parit singultum.

*Curatio
singultus à
repletionē.*

Primarij singultus hīc remedia meditamur: Secundarius enim non sanescet, nisi ad causam & partem mittentem respicias. Tolle hepatidem, venter non singultiet. Oppugna cardiacis cacochiam febris pestilentis, cessabit singultus. Abeant causæ externæ, & frigus, disparebit effectus. Qui ab inanitione procedit, solet esse lethalis; talis est qui succedit longis febribus paulò ante quàm ægri moriantur: tamen qui sequitur longam famem, analeptici primùm liquidis, deinde solidis percurretur, qualia sæpè iam sunt commemorata. Qui fit à repletionē, curetur vomitu: nam singultus ab Hipp. iudicatur malus, quem vomitus non sedat: debet enim tollere causam singultus, inquit Gal. Si non ferant vomitorium, dentur clysteres, aut blandum catharticum, vt catholici 3 vj. cum 3 ij. puluerishiere, vel pilularū de hiera 3. j. Confert etiam sternutamentum: nam singultienti ex repletionē, superueniens sternutatio remedio est. Retentus quoque spiritus dissipat flatus, & dolorosa compressio annularis digiti, triste nuncium

cium, aut rei insolitæ narratio. Quæ remedia
vulgaria Chrysimachus Medicus tradit Aristophani
apud Platon in sympos. Iuuat etiam facies
frigidâ resperfa, quia intrò pellit spiritus.

Acrimoniam humoris retundunt aquæ potus,
quia temperat bilis acrimoniam. Lac asinæ &
capræ, necnon syrupus violaceus & nenuphari-
nus. Anethum & anisum tam sumpta quàm ad-
mota creduntur conuenire proprietate: mani-
festè tamen iuuant, nempè quod flatu discuti-
unt. Itaque singultientes vtantur sæpè aniso
condito, tabellis aromatici rosati, vel sumant
cochlear vnum aquæ vitæ, cum tantillo cinamo-
mi. Benefaciunt etiam theriaca, mithridatium,
& confectio de baccis lauri, detur cuiusuis ʒ. j.
cum hydromelite.

Imprimis conuenit castoreum, quod à Gal.
magni fieri in omni conuulsione à repletionem
aliàs annotauimus. Confert etiam ruta. Linia-
tur venter oleo rutæ vel anethi, cum paucis ca-
storeo. Prodest etiam cucurbitula admota ven-
tri, necnon dropax. Ad extremum, vt ad vo-
mitum, sic ad singultum detur narcoticum, vt
humoris acrimonia obtundatur, & somnus
concilietur (parca dosi.) Vt pilula vna de cy-
noglossa, quæ non transcendat ʒ. ss.

DE RUCTU. CAP. XIII.

Solus homo ructat, si credimus Aristoteli, quia ventriculo est humidior: hinc flatus, qui dum sursum erumpunt, ructum efficiunt, cum deorsum, crepitum. Eadem ratione frequentius ructant, quibus venter est humidior; (qua causa Vegetius & Columella observarunt etiam boues ructare:) tamen non omnes ructus sunt acidi, testes cruditatis. Quidam enim sunt putres & nidorulenti, qui ovi corrupti saporem referunt, indices caloris aut putredinis: Itaque si quis acidum ructet, utatur iis quæ ad intemperiem frigidam & humidam præscripta sunt: Si nidorulentum, purgetur humor putris, contemperetur acedat. Ructus qui post aliquot horas saporem assumpti alimenti in os refert, magnam cruditatem denotat.

Ructus acidi curatio.

Nidorulenti.

MORBI MESPENTERII.

CAP. XIII.

Non sine causa Fernellius vocabat mesenterium infinitorum morborum parentem, quorum causa ignoratur: obstruitur enim facile, cum exiles habeat venas, quas crassior chylus non facile permeat; Itaque illius obstructio coniicitur ex deiectionibus chylosis. Beniu-

Obstructionis mesenterij causa

nus obseruauit obstructionem ab insigni callo.

Frequens sit vsus pilularum de hiera, aut imperetur syrupus solennis ex radicibus aperientibus, capillaribus omnibus, qualia deinceps ad iecoris & lienis obstructionem præscribentur.

Patitur etiam inflammationem, quam abscessus comitatur: sæpè vterque morbus latet medicum, priusquam pus multum per aluum erumpat; à mesenterio enim procedere concludimus remotione aliarum partium; neque enim potuit in ventriculo, hepate, liene aut intestinis fieri abscessus sine præcedenti dolore & febre vehementi: at mesenterium est indolens, habet quidem vsum, nempe ἀνάσσειν, distributionem chyli, nullam functionem manifestam excuius latione pars affecta dignoscatur. Itaque obliquè tantum, artificiali duntaxat coniectura concludimus abscessum fuisse in mesenterio, quoties deiicitur pus multum, nullo dolore, nulla vehementi febre præcedente. Sic fere Fernelius. lib. 6. *Patholog*: Beniuenius tamen obseruauit abscessum in mesenterio cum insigni dolore.

signa abs-
cessus pu-
rulentæ in
mesente-
rio.



SECTIONIS TERTIÆ,

TRACTATUS SECVNDVS.
IN QVO EXPLICANTVR
morbi hepatis, & eorum sym-
ptomata.

MORBI SIMILARES,
& organici.

CAP. I.



*Iecoris fer-
uidi effe-
ctus.*

EPAR laborat omni intem-
perie, potissimum calida &
frigida. Calidam sicca, frigi-
dam humida comitari solet.
De intemperie morbosa hinc
loquor, quæ eius actione ma-
nifeste lædit. Nam signa intemperati iecoris quæ
tradit Galenus in *arte parva*, sunt signa intempe-
rici, quæ consistit in tralimites sanitatis. Iecur ca-
lidius assat, non elixat, chylum magna ex parte
conuertit in bilem: Propterea morbis biliosis so-
lent esse obnoxij, quibus iecur est præcalidum.
Si bilis restiterit in venis, excitat febres à bile, ut

tertianam & caustum. Si ad cutem protrudatur, illic efflorescent pustulæ, herpes, erysipelas, impetigo; quæ omnia ut sunt effectus, ita signa re-torridi iecoris. Cætera signa ferè illi sunt com-munia cum ventriculo calidiore, ut vomitus & deiectionibilis, sitis, oris amaror, alius pigra, fæces aridæ, præcessit potus multi meri, usus pi-peratorum siue aromatum, allij, porri, cæpæ, si-napi.

Signa.

Frigidum verò iecur sanguinem facit magna ex parte pituitosum & serosum: est enim serum pituita tenuis. hinc morbis frigidis à pituita aut sero vexari solent, quibus hepar est frigidum, ut quotidiana febre, cachexia, hydropse: iisque coniecturis tanquam τεκμήριον, & necessario concludentibus signis, iecur esse frigidum con-cludamus: Est cachecticus, totum corpus habet subtumidum, & veluti œdematosum: ergo hepar habet frigidum, nisi cachexiæ sit causa evidens, ut si in profundo carcere diu conclusus fuerit, aut in loco valdè humido pernoctarit: Est hy-drops: ergo habet hepar; si non per se, & essen-tia sua valdè frigidum, saltem aliundè, ut à scir-rho lienis refrigeratum.

Frigidi hepatis af-fectus.

Signa.

Imbecillitas hepatis.

Atonia seu imbecillitas iecoris videtur Au-
cennæ ut plurimum procedere ab intemperie frigida, non semper, quia ut ille ait, omnis in-temperies morbosa impotentiam parit seu ali-cuius facultatis imbecillitatem, ut attractri-cis, retentricis, alteratricis seu sanguificæ, aut excretricis: potissimum tamen propter im-potentiam alteratricis ex refrigeratione, hepar

r iij

lib. v. loc.
aff cap. 7.
sub elegan
si historia.

imbecillum dicitur, atque inde hepatici, quos Gal. ex immutato faciei natio colore dignoscebat ut ex facie subpallida, & ex deiectionibus loturę carniū recēns mactatarum similibus.

obstructio.

Signa ob-
structi he-
patis.

Obstructum hepar indicat sensus ponderis in dextro hypochondrio, sine manifesto tumore aut dolore, aucto malo decolor fit facies, quemadmodum sub atonia: illic impeditur ἀνάδοσις siue distributio sanguinis, hęc ἀμύκτωσις. Quemadmodum verò si iecur non generet sanguinem laudabilem & floridum non potest esse viuidus faciei color. Sic etiam si bonum generet, si tamen non distribuatur, perinde est ac si non generaretur; inde atrophia, cachexia, & pedum cedematosus tumor.

Causa.

Obstructionem iecoris maximè omnium incurrunt, qui vescuntur alimentis crassi succi & difficilis coctionis, ut bubula, suilla, leporina, leguminibus, caseo, lacticiiniis, pulticula, pane azymo, eoque magis si statim à pastu exerceantur, quia iecur chylum adhuc incoctum ad se trahit: cuius cū sint exiles venę facile obstruitur. Vix ullus morbus tam frequens.

Distinguetur, si pars conuexa seu gibba obstruatur, an caua; quia obstructa gibba solet premere diaphragma, hinc difficilis respiratio: at obstructa parte caua, ventriculo compatiente, inappetentia, sitis: Fortassis difficultas respirandi accidit, non quia iecur premit septum, sed quia illud trahit deorsum suo pondere, quando quidem illi alligatur.

Subest cauis iecoris cystis fellis, cuius ob-
structione varia symptomata contingunt: nam
si meatus per quem fel excipit, obturetur, ina-
ni vesicula, refluat ad venam cauam, & totam
sanguinis massam inficiet, inde aurigo si fortè
ad cutem protrudatur: Si verò meatus per quem
excernitur & in *ἰκχον* siue duodenum de-
ponitur, vt instar clysteris acris excreticem sti-
mulet obstruatur, vrinę erunt veluti croco sa-
turate, felle refluyente ad vias vrinę: deiectiones
autem erunt albę.

*Vesicula
fellis ob-
structio.*

Præter similes & organicos sunt etiam
morbi communes, Inflammatio, quę *ἡπατίτις*
propriè dicitur, Abscessus, Scirrhus, Vlcus; de
quibus transigemus, si prius intemperiei & ob-
structionis remedia exposuerimus.

Intemperiei calida remedia.

Iecur calidius refrigerabis, iusculis multo
cichorio & acetosâ alteratis, acetariis ex eo-
dem cichorio, aqua decoctionis radicis cicho-
rij, aut eiusdem aqua stillatitia, syrupo de cicho-
rio, tabellis triafrantali, quę si placet dissol-
uantur aquis endiuicę & cichorij, fiat epithema
pro iecore. Initio cassia aut catholicone cor-
pus repurgandum est. (Rhabarbarum est qui-
dem vita hepatis, sed calidioris hepatis mors,
quia calidum est & siccum ad tertium gradum)
Deinde secunda vena, nihil enim æquè refrige-
rat. Ex cerati santalini ℥. ij. poterit parari em-
plastrum ad formam lunę crescentis, aut ex
olei rosacei ℥ j & cerati santalini semuncia lini-
mentum. Ex succis cichorij, endiuicę, scariole,
coctis cum saccharo fiat syrupus, quo vtatur

r. iij

cum aqua decoctionis passularum. Vide ne quid nimis, ne ad intemperiem deteriorem frigidiorum usu immodico deducatur.

Frigida intemperie remedia.

*Absinthii-
cum etiam
hepati pro-
ficuum.*

*Cautio in
purgando.*

Frigidum calefacito usu frequenti pilularum de hiera cum rheo, syrupo de absinthio, aut vino absinthite: Absinthium iecori frigidum non minus prodest, quam ventriculo. Purgetur hoc modo. ℞. agrimonix M. j. absinthij M. β. passularum mundatarum, & agarici trochiscati, añ ʒ. iij. fiat decoctio pro dosi, in qua infunde rhei electi ʒ. j. β. cum ʒ. j. cinamomi. In expressione leui dissolue syrupo de cichorio simplicis ʒ. j. Si vis magis purgare, adde diaphœnici vel diapruni solutiui ʒ. ij. pro qualitate humoris dominantis. In purgando non tantum oportet respicere ad temperamentum partis, sed totius, quinetiam ad constitutionem anni. Hyeme enim pituita dominatur, æstate bilis. Parari etiam poterit opiata ex conferva cichorij & corticis citri conditi, añ. ʒ. j. nucis moschatae conditæ, spica, costi, añ. ʒ. ij. cum syrupo de cichorio fiat opiata. Ex agrimonia, absinthio & passulis coctis in vino paretur decoctum pro fotu iecoris; Si placet foueatur aquis agrimonix aut absinthij, aut vino de absinthio. Possis dissolvere pulueris spicae vel calamii aromatici ʒ. j. ut fiat epithema, aut ex oleo de absinthio & pauca spica, cum cera fiat linimentum.

Humida intemperie curatio.

Albucasis ut iecur humidius desiccetur, iubet illic applicari cauterium, quemadmodum, &

humidiori ventriculo,

Obstructio.

Quamuis pars gibba per urinas, caua per aluum commodius repurgetur: tamen consilio Galeni, si multa sit saburra, diureticis præmittenda purgatio, etiam obstructa gibba, ne materiam ad hepar deducant diuretica, & obstructionem augeant. Itaque cassia cum rheo prima regio expurgetur, inde præscribatur sequens apozema. ℞. quinque radicum aperientium in aceto maceratarum, radicum graminis & acetosæ, añ. ℥. ss. cichorij, endiuix, scariolæ, hyslopi, marrubij, capillarium omniū, an. M. ss. 4. seminum frigidorum maiorum, an. ℥. ij. florum cordialium, an. P. j. foliorum sennæ mundatorum ℥. iii. fiat decoctio, addendo sub finem agarici nodulo inclusi ℥. j. cum zinziberis ℥. i. In colaturæ lb. i. dissolue syrupi de cichorio compositi cum rheo pro singulis dosibus ℥. i. vel syrupi capilli veneris, de byzantiis, de duabus, de quinque radicibus, oxymelitis diuretici tantundem, fiat apozema in quatuor doses: aromatizentur cinamomo aut spica nardi. Quod si natura agri, ætas & tempus sinant; si febris adsit, sitis, oris amaror, incidatur basilica dextra. Postremo dentur trochisci de rheo, absinthio, dialacca, diacurcuma, quod est singulare remedium non tantum ad hepatis, sed etiam ad lienis & mesenterii obstructions, confertque cachecticis & iam ad hydropem paratis. Pilularum de hiera aut elephanginarum sit frequens vsus. Item ℞. terebinthinæ venetæ ℥. iii. adde pulueris hieræ aut rhei pul-

*Apozema
hepaticum
purgans.*

*Obstructionis
rebellis
curatio.*

uerati ʒ. j. fiant parui boli, qui inuoluantur obeliis vino albo madidis, dentur ex cochleari cum syrupo capilli veneris. Quando febriserit coniuncta, memineris abstinendum esse valde calfacientibus, aut ea refrigerantibus, ut cichorio, santalo citrino, esse temperanda. Ad obstructions contumaces, quales fieri solent à pituita crassa & viscida, aut à bile vitellina, hanc confectionem plurimum commendat Auicenna, quæ poterit esse instar omnium. ℞. passularum mundatarum ʒ. j. β. calamiaromatici & bdelli, añ. ʒ. ij. cassiæ lignæ & cinamomi, añ. ʒ. j. myrrhæ ʒ. β. terebinthinæ & ligni aloes, añ. ʒ. ij. excipiantur saccharo cocto in vino albo, fiat confectio, de qua capiat quotidie mane ʒ. j. superbibendo parum vini albi si febris absit, alioquin aqua cichorij. Per interualla purgetur pilulis de hiera cum agarico. Hoc remedium ceterarum partium obstructionibus proderit, si inferantur quæ partem affectam respiciunt, ut cetrac pro liene, aut passulæ corinthiæ: pro vtero, puluis arthemisiæ aut matricariæ: pro renibus, puluis seminis alkekengi.

Topica sint epithema ex agrimonia, cichoraeeis, absinthio, addendo spicæ ʒ. j. aut santali citrini tantumdem, cum pauca cera, fiat linimentum.

DE HEPATITIDE SEV IN-
flammatione iecoris.

CAP. II.

Sequuntur morbi communes: Inflammatio partis cauae mentitur colicum dolorem, ut gibbe pleuriticum: habet enim multa cum pleuritide communia, febrem continuam, tussim, resudante sanie in capacitatem thoracis; difficultatem respirandi, compresso diaphragmate; dolorem lateris, obtensionem membranarum quibus iecur alligatur diaphragmati. Distinguntur tamen loco & specie doloris: nam dolor sentitur in hypochondrio dextro, ibique grauat, non pungit. Secundo quod in hepatitide tussis sit sicca, in pleuritide humida, nisi fuerit lethalis. Præterea nisi æger valde obesus fuerit, si contactu premas hypochondrium, percipietur tumor rotundus ad regionem iecoris. Accedat quod inflammata gibba, vix pauca redditur, quia serum retinet & absorbet inflammatum iecur, eaque quantulacunque redditur est acris, propter incendium.

Hepatitis, hypochondrij dextri tumore & dolore dignoscitur.

Distinguetur phlegmone partis cauae à dolore colico. Primo quod hic raro coniunctam habeat febrem. Secundo, quod perpetuo & vehementer singultiant quibus iecur parte caua est inflammatum, partim ob resudantem sanie, partim ob sympathiam ventriculi, per

neruum: Vrgent inappetentia, sitis inexhausta, vomitus sinceræ bilis. Tertiò, quòd sub dolore colico aluus sit adstricta: diarrhœa vero solet consequi inflammationem partis cauæ, eaque vt plurimum lethalis. Quarto, quod clystere carminante dolor colicus demulceatur, qui intenditur inflammata iecoris parte caua.

Narrabo morbi vnius historiam, vt sitis deinceps cauti alieno exemplo. Adolescens quidam dolore simili colico cruciatur. Medici primæ notæ clysteribus, litu carminante, sumpto & dato mithridatio illum percurant. Decimo die vocatus cùm iam pacatiora viderentur omnia, in iisdem remediis persisto. Iam per cubiculum deambulantem relinquebam, cùm me discedentem clinica reuocaret; reuersus inueni mortuum, os illi erat plenum pure. Vnde facilè collegi præter meam & seniorum medicorum opinionem repente fuisse ruptum abscessum. Dissecto cadauere inueni circa caua iecoris, incredibilem puris quantitatem, tam putidi, vt nemo assistentium fœtorem potuerit tolerare. Similitudo sepe numero etiam peritioribus imponit.

Redeo ad hepatitidem. Clysteres iniiciantur frequentes; aperiatur basilica dextra non semel, etiam die septimo, si dolor perseueret, vt in pleuritide; si menses aut hæmorrhoides substituerint, incisa saphœna prouocentur.

Minoratiuum hic sufficit, vt cassia, manna, catholicum: vehementiora enim trahunt ad par-

tem afflictam; certum est plerumque iuniores medicos, quia in principio non discernunt viscus aliquod phlegmone tentari, datis diagrediatis, ut diapruno, ægros ad interitum precipitare. Topica sint oxyrhodinum, aut litus ex oleo rosaceo, cum paucis cerato santalino pro cera, fiat linimentum; aut epithema ex aquis endiuæ, cichorii, acetosæ, rosarum cum paucis aceto, in quibus dissolue pulveris trium santalorum ʒ. ij. admoueat tepidum, ne frigore impediatur transpiratio. Ut pateat liberior via cerato, aut linimento, prius fouendum hypochondrium. Si tot remediis non possit impedi generatio phlegmones, tentanda resolutio; si non possit resolui, iuuanda suppuration.

*Cathartico-
rum ve-
hemētium
noxa.*

*ABSCESSVS IECORIS.**C A P. III.*

SI magnus sit abscessus, moriendum est. Fieri stamen potest, ut pus per aluum, aut per vrinas secedat: tunc conatus ille naturæ adiuuandus clysteribus, aut diureticis. Alij tamen ita distinguunt, si pus colligatur intra tunicam hepatis, illius substantia nil patiente, ægrum vacuato pure euasurum.

Hippocrates in omnem euentum suadet applicari cauterium ad hypochondrium, actuale aut potentiale: quod si exeat pus laudabile, benè sperat: Si vero amurcæ simile, desperat,

quia tale pus indicat carnem hepatis esse iam putrem & corruptam. Si pus quod excernitur subsistat intra peritonæum & intestina, suadet ut supra inguen admoueat cauterium, eoque audentius si tumor aliquis pus illic collectum esse demonstret.

Cæterum abscessui rupto quod succedit vlcus est immedicabile, quemadmodum & quod humoris alicuius acrimonia excitatur: hoc primariū est illud ἐπιγλεγματικόν, succedit inflammationi suppuratæ. Si quæ tamen spes sit in remediis, ea rota posita est in his quæ ad vlcus ventriculi iam dictata sunt, potissimum in vsu aquarum Spadensium aut Niuernensium, portionis vulnerariæ, lactis asinini.

DESCIRRH O HEPATIS.

C A P. IIII.

Scirrhus incipiens remollientibus curetur, Spermixtistamen hepaticis ad robur partis. Exempli loco; præmissa purgatione, detur ammoniaci ℥ j. cum mastiches gr. vii. per aliquot dies. Ammoniaci ℥ i. dissoluantur in oleo de absinthio, vel spica, si malis diachylum cum gummis, vel diachylum ireatum, malaxentur cum prædictis oleis, addendo parum spicæ nardi vel absinthij ad robur, fiat cerotum. Scirrhus confirmatus non sanescit. Facile autem dignoscitur. nam iecur lapidis instar durum sentitur, neque dolet, etiam si digitis vehem-

menter prematur. Hunc scirrhum (nisi mors anticipet) tandem hydrops immedicabilis comitatur.

*SYMPTOMATA PRIMI
generis, quæ pertinent ad actionem
hepatis læsam.*

C A P. V.

HEpar mesenterio, veluti manu, chylum trahit, tractum retinet, retentum sanguifica suâ facultate in sanguinem conuertit, deinde per venam cauam quoquouersum transmittit ad nutritionem partium singularum. Harum quatuor functionum præcipua est sanguifica, quandoquidem cæteræ illi ministrant: quæ etiam si omni morbo lædatur, ut plurimum tamen intemperie frigida: nam ministerio caloris moderati fit sanguis à vi sanguifica. Hæc actio frustrata arguit ἀτομίαν, imbecillitatem, propter quam hepatici seu iecorosi nominantur. *Hepatici
qui.*

Tum hepaticis præsidijis iecur roborandum est, cuiusmodi sunt iecur lupi, passulæ, agrimonias, fantali, cichorij genus omne, spica, cochleæ: Itaque hepar lupi siccetur, pulueris ʒ. j. detur hepaticis quotidie cum vino albo, febrientibus vero cum aqua cichorij, aut misceatur conferuis cichorij, vel rosarum. Poterit permisceri melli passulato. Passulæ coquantur in vino ad tabem. Colaturæ permisce *Curatio.*

puluerem iecoris lupi, spicæ & fantali citrini. Sit vsus frequens tabellarum triasantali quadruplicato rheo, aut caro cochlearum munda-
tarum in aqua agrimonix, aut cichorij, teratur in mortario cum prædicto puluere, affundendo paulatim aliquot cyathos vini albi, colatura bibatur; aut ex cochleis, capone, perdice, hepate, non tantum lupi, sed etiam capreoli; cum aquis, aut decoctis agrimonix aut cichorij destilletur aqua restauratiua, quæ etiam confert hæcticis à iecore retorrido.

Cæterum, vt aluus chylosa denunciat ob-
structum mesenterium, aut iecoris attractio-
nem languidam, ita loturæ carniū similis de-
iectio, significat sanguificam lædi, aut venam
portam insigniter obstrui: Tandem putredine
& vstione, fæci similis redditur. Iste fluor im-
proprie hepaticus nuncupatur, index læsæ sanguifi-
cationis.

*SYMPTOMATA SECUNDI
generis.*

C A P. V I.

HEpatis ἀτονίαν sequi solet καχεξία, cache-
xiam hydrops, qui videtur mihi ad ame-
triam in retento pertinere, vt diabetes, siue hy-
drops ad matulam, ad ametriam in excreto.
Hydropicis initio vrinx subsistunt, solentque
sanari superueniente profluuiō vrinx. Affulget
magna spes sanitatis, quoties hydropici plus
meiunt

Hydrops

meiunt quàm bibunt : hinc thermæ Spaden-^{solutionis}
 ses & Niuernenses cachecticis & hydropicis ^{modus.}
 vtiliter imperantur , quia desiccant ventrem
 vrinarum copia. Laconicum quoque & hi-
 droticum valdè profunt , quia sudoris & vri-
 næ communis materia , nempe serum. Cache-
 cticis prodest venæ sectio , quando mensibus , ^{Cui cache-}
 aut hæmorrhoidibus suppressis natiuus calor ^{xia phlebo-}
 videtur obrui copia sanguinis in suo fonte : ^{tomia con-}
 nam in eo casu hyrops phlebotomiam re-
 quirat , authore Galeno , quæ alioquin nocen-
 tissima est , quia iectur plus iusto frigidum ma-
 gis refrigerat. Cacochymia , præsertim pitui-
 tosa , quæ cachexiam facit , agarico , turpeto ,
 diaphœnico , vel tabellis triasantali quadru-
 plicato rheo non semel repurgetur. Victus sit
 tenuis , desiccans , proinde vrantur assis po-
 tius quàm elixis. Vinum sit pro ordinario
 potu , non aqua. Vinum absinthites sumatur
 quotidie manè ieiuno ventriculo , aliquan-
 do etiam theriacæ , aut mithridati ʒ. j. Pro-
 derunt cachecticis , quæ iam præscripta sunt
 hepaticis.

DE HYDROPE.

CAP. VII.

Superest , vt de hydrope copiosius differa-
 mus , cuius tres sunt differentiæ , ὀδυρόφλεγμα-
 τία , veluti œdema totius corporis ; Ascites , ^{Hydropis}
 quando totum abdomen ad modum viristat ^{differentia}

metaquarum copiâ; & Tympanites, cum flatu distenditur, & percussum sonat instar tympani. Sub ascite, quando æger in lecto se reuoluit, auditur fluctuatio. Arææus addit quartam speciem, quam appellat ἀνάσπαργον, quando carne veluti liquata multa sanies sub cute colligitur: quæ fuit etiam Tralliani sententia autoritate Galeni firmata, lib. 3. de sympt. causis cap. 5. solet tamen sub λευκοφλεγματία comprehendī. In qualibet specie iecur laborat, si non per se primò, saltem per consensum, ut cum scirrhus lienis succedit, aut immodico sanguinis profluuium, longæ diarrhœæ. Succedit etiam continuus & longis febribus, quia calor natiuus extinguitur à febrili, mediocris ab exuperante: Dion refert Traianum Imperatorem ob hæmorrhoidas suppressas incidisse in hydropem, extincto calore natiuo, à copia crassi & fæculenti sanguinis, quo morbo tandem interiit. Vidi repentinam hydropisim ex immodico potu frigida, quæ nullis cessit remediis: Beniuēnius aliquot historiis declarat, ex valde frigidis, tam sumptis quam admotis, lethalem hydropem consequutum. Quamuis Celsus scripserit, non esse terribilem, qui nullo præcedente morbo cœpit.

Prognosis.

Ascites est pessimus hydrops: securissimus λευκοφλεγματία. Cur ascites est funestior tympanite? quia flatu fit ab imbecillo calore, serum à frigore: proinde flatu ostendit aliquid adhuc superesse caloris, serum eiusdem extinctionem arguit. Quibusdam placet tympanitem fieri vitio primæ coctionis, ascitem secundæ, λευκοφλεγματίαν tertię.

Remedia omnia ad tria prima capita reducuntur; dietam, chirurgiam, & pharmaciam. In dieta hoc præcipuum, ut parcissimè bibatur, & corpus valdè exerceatur: Solâ enim potus abstinentiâ quosdam conualuisse Celsus annotavit: aquis interim à calore nativo consumptis. Extat apud Beniuenum historia hydropici, qui annuâ potus abstinentiâ conualuit: hoc modo Iulius eques Rom. apud Plinium, aquas, intra peritonæum & intestina collectas, discussit. Utantur bis cocto.

Ad chirurgiam pertinent vesicatorium, seto, cauterium, cucurbitula, *παραχέντρος*: Venæ sectio quæ in anasarca conuenit, cum plethora subest, & in ascite quando manifestas causas habet ab hæmorrhoidibus aut menstruis suppressis. Vesicatoriis utimur in ascite & *λευκοφλεγµατία*: Affigantur cruribus duo cauteria, utrinque vnum, & abdomini quatuor. ℞. fermenti ℥. i. cantharidum præparatarum ℥. ij. cum paucis aceto scillitico fiat vesicatorium: Exortis vesicis superponantur folia brassicæ, betæ; sinantur fluere per viginti aut triginta dies: si cessent fluere, nouum vesicatorium non eidem loco, metu doloris, sed propè applicetur. Magna cucurbitula confert, in solo tympanite, ad mota ventri: cauteria verò tympaniti sunt inurilia, *Cauteria* asciti & leucophlegmatix conuenientissima: *ubi ex usu* hac tamen cautione, ne iam crura intumuerint, quia talia vlcera nunquam sanescunt, succeditque ut plurimum gangræna; tum ergo vesicatoriis potius quàm cauteriis detur aquis exitus. Scrotum tumidum iuuat scarificatu vel

Paracen-
tes febri-
bus.

fetone traicere: παρὰ κέντησι in solo ascite uti-
lis est, quæ tamen ut plurimum lethalis; frustra
tentatur quoties hydrops succedit scirrhus aut
ardentibus febribus, aut iam fractis viribus:
Avicenna vult, ut hydropicus absoluta paracen-
tes exerceri possit, & in mediam tolerare, ut sit
mediæ ætatis, neque puer, neque senex, corpo-
re nondum emaciato; neque permittit hoc re-
medium tentari, nisi aliis frustra usurpatis.
Quod si tantus videatur in abdomine tumor,
ut pharmacia tolli non possit, quam citò dum
adhuc vires constant, abdomen perforandum
est, factò prognostico, est enim remedium ple-
num periculi; perforetur autem abdomen tri-
bus digitis infra umbilicum versus latera, &
sensim aquæ educantur. Asclepiades quatuor
digitis supra talum vel supra malleolum inte-
riorem, incisiones profundas fieri iubebat.
At Leonidas malebat incidi scrotum, fe-
mora & locos supra manuum iuncturas, quod
Hippocrates laudat, eaque vulnera sale iubet
perfricari, ne coalescant. Me iudice, in Ascite
sequendum Asclepiadis consilium, in Anasarca
Hippocratis & Leonidæ. Albucasis iubet qua-
tuor cauteria superficialia applicari imò ven-
tri, in circuitu umbilici, totidem supra iecur,
totidem supra lienem, totidem supra dorsum.
Paulus contentus est quinque, duo enim appli-
cat infra umbilicum, vnum supra iecur, vnum
supra lienem, vnum supra dorsum.

Pergamus ad pharmaciam, quæ quatuor pri-
mis capitibus à nobis concludetur: hydrag-
gis, hydroticis, diureticis, & topicis: Auicen-

nas addit vomitoria, reuellit enim & vacuat
aquas, prouocato vomitu.

Hydragoga leuiores sunt feminis ebuli pul- *Hydragoga*
uerati ʒ. ij. ex vino albo, aut ʒ. β succi ireos no- *ga.*
stratis, temperati ʒ. ij. syrupi rosarum pall. di-
luantur decocto hepatico, cichorij, agrimon.
passularum: Aqua ex mediano cortice & ex flo-
ribus sambuci destillata. Aut ʒ. j. β. succi radice
eiusdem sambuci, detur cum hydromelite, vel
laureola, per totum diem maceretur in ace-
to forti, deinde siccetur, puluis detur pon-
dere ʒ. j. cum aqua hepatica, aut cum aliqua
conserua. ℞. pulueris laureolæ maceratæ in
aceto, & diacarthami, añ. ʒ. β. rhei electi &
spicæ nardi, ana. ʒ. iij. excipiantur syrupo ro-
sarum pallid. fiat confectio, de qua capiat bis
in hebdomade ʒ. ij. ex cochleari, cum præ-
dicto syrupo: augeri poterit secunda dosis,
si prima non satis mouerit. Veteres utebantur
pilulis de chamelæa & thymelæa: hodie in *Elaterium*
vsu est frequenti elaterium: est succus cucu- *quid.*
meris agrestis. ℞. elaterij ʒ. β. pilularum de
hiera aut elephanginarum ʒ. j. cum syrupo ro-
sarum pallidarum, fiant pilulæ duę, dentur bis
in hebdomade per mensem integrum. Quod
sequitur secretum Gordonij, potest esse initar
omnium.

℞. succi cucumeris asinini, succi laureolæ,
succu ireos flore purpureo, succorum agrimo-
niæ & absinthij, añ. ʒ. i. rhabarbari & agarici,
añ. ʒ. β. spicæ nardi, seminum endiuix, scario-
læ, mastich. laccæ, tragacanthi, salis gemmæ,

*Vinum in-
fusionis cro-
ci metallo-
rum vſita-
tiſſimum
eſt.*

añ. ʒ. ij. excipiatur omnia melle roſato, & re-
ponantur in vaſe, quod exponatur ſoli; hac con-
fectione veluti conſerua vtatur hydropicus
quotidie mane: doſis ʒ. j. Quidam vtuntur an-
timonio: Extremis enim morbis extrema reme-
dia. ℞. antimonij & ſpicæ nardi, añ. gr. vj. mi-
ſce cum pauco cydoniato, vel pauca conſerua
roſarum, ſuſque deſque purgabit.

Diuretica ſunt ſyrupus de duabus, de quin-
que radicibus, de byzantiis, cum decocto ci-
cerum rubrorum; immiſceri poterit ʒ. j. pulue-
ris cicadarum, grillorum, aut lumbricorum,
quinetiam aliquot grana cantharidum. Sera-
pio eas vrit, vt minùs lædant & magis exſiccant:
Quando vrina non tantùm hydropicis, ſed aliis
quibuſlibet omnino ſupprimitur, dabis can-
tharidem vnā integram cum ʒ. j. ſpicæ, miſce-
bis cum aliqua conſerua cardiaca, aut cum ſyru-
po capilli veneris: deinde iuris pulli pinguis
exhibebis ℥. ſ. aut lactis cyathum j. vtrumque
enim impedit, ne veſica offendatur a canthari-
dibus. Galenus & Auicenna dant quotidie cya-
thum vnum lotij ad mouendas vrinas. Aquæ
Spadenſes, & Puguenſes huic intentioni valde
conueniunt.

Hidroticū.

Vt hydragoga & diuretica profunt aſciti: ſic
hidrotica leucophlegmatie: Serum enim
quod ſub cute concluditur, vacuant per ſudo-
res: Itaque ſudet in laconico. ℞. raſuræ ligni
ſancti ʒ. vj. infunde & bulliant lento igne in
ſex libris aquæ, ad conſumptionem tertiæ par-
tis. De colatura capiat quotidie ℥. ſ. deinde
reſtus ſudet, poterit vti ſecundo decocto pro

ordinario potu. Danda est opera, vt ex cælo pluuiò fiat serenum : ad quem scopum vt collinearent, Medicos hortabatur Heraclitus hydropicus.

Inter Topica primas tenet vnguentum de arthanita maius ; quo si liniatur hypogastrium, subducetaluum, & aquas educet. Galenus, Aëtius, Dioscorides commendant cataplasma ex cochleis integris : cum suis testis teruntur, deinde forma cataplasmatibus ventri applicantur, sinantur donec per se cadant : Aquas exugunt, sed non antè remoueantur, quàm omnis sit exhaustus humor, authore Dioscoride. Emplastrum de baccis lauri potissimùm valet ad tympanitem. Vulgare est cataplasma ex fimo bubulo, caprillo, columbino ; friguntur in sartagine, adde si placet sulphuris quartam partem, vt potentiùs desicces & aquas resoluas.

Topica.

SYMPTOMATA TERTII
generis.

CAP. VIII.

A Virgo est affectus simplex, seu qualitas præter naturam immutata : cutis genuinus color mutatur in flauum, quam Celsus vocat fellis suffusionem, quia cutem perfundit felle. Cuius variæ sunt causæ, obstructio iecoris, aut cystis : refluit enim fel in massam, atque inde ad cutem ablegatur, si non attrahatur à sua cysti : Aliquando accidit obstructo meatu

Anviginis
causa.

f. iij

cholidicho, tum faeces redduntur albæ, ne-
tquam felle tinctæ: Item ab intemperie calida
hepatis: hepar enim prætorridum multam bilem
generat, quia affat, non elixat, quæ cum sit aliis
humoribus improporcionata, reliquum est ut
ad emissarium commune protrudatur: Augent
calorem hepatis & materiam generandæ bilis
illi suggerunt alimenta valdè calida, ut piper-
ta, sinapi, allium, merum generosum. His dua-
bus causis non est difficile mederi. Verùm si
succedat scirrhus iecoris, aut eiusdem inflam-
mationi, est insanabilis. Aliquando obstru-
ctio est tam contumax, ut manente causa non
possit tolli effectus. Exempli gratia, si cystis fel-
lis à concretis illic lapillis obstrueretur. A ve-
neno quoque, ut à morsu viperæ, aurigo exci-
tatur, contaminata massa & in fel conuersa.
Cui resistendum est proprio alexipharmaco,
ut theriaca tam sumpta quam admota: idem
enim de vipera, quod de scorpio dici potest,
ictus à vipera ab eadem petat remedium. Fin-
gamus ab obstructione natam auriginem. Im-
perabis purgationem & venæ sectionem, deinde
apozema purgans ex decocto aperiente & deter-
gente, balneum detergens, deinde particularia
iam dictata. Quotidie 3. i. cornu cerui utiliter
datur ex vino albo aqua cichorii diluto. Si in-
temperies calida auriginem fecerit, sumptis &
admotis iecur refrigerabis. De scirrhus & in-
flammatione, idem esto iudicium. Sed tamen
non tantum difficultas, sed etiam impossibili-
tas prædicenda.

Curatio.

Cæterum est quædam aurigo critica, qualis

succedit febris biliosa die 7. præcedentibus signis coctionis: sanitatem enim promittit, nisi hypochondrium fuerit durum, quia hoc signo, visceris phlegmone indicatur. Celsus non iudicat criticam, nisi perfectè febrem tollat: Quæritur si ante diem 7. possit esse critica? Hippocrates negat. Auenrois tamen notat salutariter nonnunquam aduenisse die quinto in regionibus calidioribus, quod nos ita esse non semel obseruauimus. Itaque quidam distinguunt febres biliosas sine iecoris vitio, etiam 5. diæ terminari possunt fœliciter, aurigine superueniente, quia bilis mordax stimulat excrettricem, potest coqui intra diem quartum, in naturis aut regionibus calidioribus. At cum vitio iecoris, non nisi die 7.

Aurigo quæ critica.

Huc quidam referunt fœdos virginum colores: malim tamen ad icterum nigrum referri, quia vt plurimum accidunt vitio lienis.

DE MORBIS LIENIS.

C A P. IX.

DE sola intemperie rara est querimonia, nisi fortè tumorem lienis mollem seu œdematosum, & intemperiem frigidam humidam cum materia confundas. Quod vitium frequenter incurrunt qui degunt in locis palustribus, & abstemii viuunt: nam vt mero torretur iecur: ita lien putret frigide potu immodico: præsertim si aquæ sint palustres, crassæ,

Lienosus
qui.

Splenis
causa ri-
sus.

Curatio.

turbidæ. Hippocrates videtur hoc genus mor-
bili lienem, aut lienes appellasse, quia lien insi-
gni tumore se prodit, eosque lienosos propter
ea non absurde dixeris, quanquam Galenus
lib. 9. κτ' ὅπῃ, ita propriè dici velit quibus lien
induruit: quæ fuit etiam Celsi sententia: Hu-
miditate illa excrementitia aliquando ita rela-
xantur ligamenta, ut lien in hypogastrium pro-
cidat, illudque in insignem tumorem attollat,
cui alludens leno apud Plautum, in *Curcu-
lione*, liene, inquit, veluti zona cinctus ambu-
lo. Traianus imperator comparabat fiscum lie-
ni, quia ut aucto fisco minuitur ærarium, ita au-
cto liene macrescit totum corpus, viuidus co-
lor in plumbeum mutatur, adiunctam habet
difficultatem respirandi, quia tumidus lien pre-
mit diaphragma, à quo tunicam vnâ accipit.
Magnitudo lienis non tantum difficilem reddit
spiritum, sed etiam currendi affert impoten-
tiam: hoc indicio veteres, authore Plinio, vre-
bant lienem ut melius currerent. Cur ridere fa-
cit? An quia depurat sanguinem & sua fece
repurgat? Purus autem & lucidus sanguis exhi-
larat animum. Cur coryzæ obnoxij raro tentan-
tur morbis lienis, ut est 6. *Epid.* An quia coryza
minuit materiam, qua lien intumescit? An
quia coryza depurat sanguinem, tumet autem
lien impuro & pituitoso sanguine? An quia
obnoxij coryzæ humores habent tenues: tu-
met autem lien ab humore crasso, & facu-
lento.

Verum pergamus ad remedia. Ea autem
sunt diaterica, pharmaceutica, chirurgica, to-

pica. Ratio victuse ea esse debet, ut vinum diluatur aqua chalybeata; eam enim habere vim minuendi lienem Celsus hoc demonstrat argumento, quod canes fabrorum ferrariorum nullum aut perexiguum habeant lienem: Dilui etiam potest aqua decoctionis cetrac: est enim Dioscoridis asplenium, cui inest vis minuendi lienem. Vasa omnia parentur ex tamarisco, ut dolium in quo vinum reponitur, cyathus in quo bibitur; nam porci qui alimentum sumunt in vasis ex tamarisco paratis, carent liene.

Pharmaceutica sunt clysteres frequentes, trahunt enim manifestè de liene: paratur decoctum ex bismalua, violaria, scolopendrio, buglosso, borrag. foliis senne: in colatura dissolue catholici ℥. j. aut confectionis hamech ℥. β. aut pilularum Indarum ℥. ij. Cathartici sit hæc formula. ℞. radicis capparis & tamarisci, an. ℥. ij. scolopendrij, cetrac & fumarie, añ. M. β. seminum anisi & fœniculi, añ. ℥. ij. florum geniste P. j. foliorum sennæ mundatorum ℥. vj. fiat decoctio, in colatura pro dosi dissolue syrupi de epithymo, aut syrupi regis Sabor ℥. j. fiat potio. Si velis magis purgare, adde confectionis hamech ℥. ij. aut catholici ℥. β. Proderit in prædicto decocto chalybem aliquoties extinguere. Poteris etiam præscribere pilulas de fumaria, vel pilulas Indas quæ constant elleboro.

Chirurgica sunt vesicatorium, vel potiùs cauterium supra lienem: Hippocrates vrebatur cum fungis ardentibus. Legendus Paulus Ægineta *libri sexti cap. 48.* Nos loco ignis utimur caute-

rio frigido seu potenciali. Parabuntur globuli ex elleboro, vt attrahatur humor melancholicus. ℞. ellebori ℥. j. excipiat ceræ nouæ ℥. j. fiant globuli pro cauterio. Quidam traiciunt cutem hypochondrii setone. Admouit interiori tibie sinistrae cauterium, fælici admodum successu: humor suo pondere eò vergit, propterea si varices melancholicis adueniant, sanatio. Confert eadem causa saphæna incisa, aut hæmorrhoides arte prouocare, vt supposito cum hiera.

Topica sint: emplastrum de meliloto ad resoluendum. ℞. emplastri de meliloto ℥. ij. pulueris cetrac & tamarisci, an. ℥. j. cum oleo de capparibus, fiat ceratum, quod extēdatur super aluta, & applicetur ad regionem lienis. ℞. corticis radicis capparis, & tamarisci, an. ℥. ℞. cetrac scolopendrij, cuscute, an. manipulum vnum, seminum anisi & fœniculi, an. ℥. ij. fiat decoctio in oxycrato: Nam vt lien nutritur acido, ita delectatur acidis, vt aceto: ex hoc decocto primū foueatur cum spongia aut philtro. Deinde residētia teratur, coletur, adde colaturæ farinæ erui, & lupinorum, vel cicerum rubrorum, an. ℥. ij. fiat cataplasma resoluens & desiccans.

AD OBSTRUCTIONEM
lienis.

CAP. X.

NVLLVS morbus in liene tam frequens quam, obstructio: splenitides enim sunt exiles, sanguis autem quo nutritur lien, crassus est, fœculentus. Qui vescuntur alimentis crassi succi, vt bubula, fungis, hunc morbum frequentius incurrunt. Non aliter dignoscetur quam obstructio iecoris, nempe sensu ponderis in hypochondrio sinistro, sine manifesto tumore.

*Signa
diagnosti-
ca.*

Remedia deoppilantia sunt, quibus insit vis detergendi & aperiendi. Farciatur pullus capparibus & passulis corinthiacis: nam lieni tam benè faciunt, quam damascenæ iecori. Sorbeat iusculum ieiunus, vtatur capparibus pro acetario, aut eo, quod ex floribus genistæ parari solet. Venæ sectio in hoc affectu non est omittenda. Purgatio autem eadem sit cum superiore. Vt ℥. syrupi de epithymo & catholici, an. ʒ. β. dissolue in decocto radicis capparis & tamarisci, in quo ʒ. β. foliorum sennæ bullierit. Generalibus præmissis detur quotidie ʒ. j. trochiscorum de capparibus, aut de scolopendrio, quorum inopia. ℥. corticis radicis capparis ʒ. β. radicis tamarisci ʒ. ij. fiat pulvis, cuius accipe ʒ. j. pro dosi, cum oxymelitis, vel syrupi acetati ʒ. j. dissolue in aqua decoctionis ceteraci.

Cuoratio.

Quo sumpto æger decumbat in latus sinistrum, qui decubitus debet esse communis omnibus potionibus quæ spleniticis imperantur. Ammoniacum sumptum & admotum confert soluendis obstructionibus lienis, dentur ℞. ij. pro dosi cum oxymelite aquoso, in quo cortex radicis capparis & tamarisci bullierit.

Memineris obstructionem lienis esse longam & contumacem, ut hoc prognostico excuseris.

INFLAMMATIO LIENIS.

CAP. XI.

INflammati lienis rarior quidem est affectus: (raro enim calidis, sæpè frigidis morbis lien tentatur;) sed plenus est periculi.

Dignoscetur hypochondrij sinistri tumore & duritie, quia sita sanguine crasso: dolore ob tensionem, & febre continua ob viciniam cordis.

Curatio.

Ut impediatur generatio phlegmones, incidenda non semel lienaris, quin etiam fractis vixibus, saluatella; vena est quæ annularem & minimum digitum intercurrit. Clysteres frequentes: purgatio ex catholicone: topica initio quæ repellant, ut oxyrhodinum; deinde quæ resoluant. Solet degenerare in scirrhum lethalem, nisi mors anticipet.

INFLATIO LIENIS.

CAP. XII.

INflatio est morbus familiaris lieni: melancholici enim flatulenti; lien distentus multo flatu, diuellitur: inde cruciatus, qui leuantur ructu aut crepitu. *Signa diagnostica.*

Dignoscetur sensu leuitatis, cum ceteris morbis sit coniunctus sensus ponderis. Præterea tumor est fugax, si digitis prematur.

Succurrendum est huic dolori fotu ex decocto radicis capparidis, seminis agni casti, rutæ, baccarum lauri: statim à fotu liniatur oleis ruræ, lauri, anethi, de capparibus. Cucurbitula admouenda ad regionem lienis, emplastrum quoque de baccis lauri benefacit, nechon confectio ipsa de baccis lauri, sumpta aut injecta per clysterem: sumatur 3. j. cum hydromelite. *Curatio.*

DE SCIRRHO LIENIS.

CAP. XIII.

Confirmatus scirrhus in liene, lapidosa durtie dignoscetur, tum quod vehementer pressus digito non sentit. Addit Ægineta os tum graue olere, gingiuas putrere, vlcera in cruribus excitari, quæ nunquam coalescunt: sequitur

hydrops, nisi morsillum anteuertat. Incipit vero scirrhus, cum tumor quidem durus est, verum non sine sensu.

Curatio.

Tum curetur primum purgatione ex catholici ℥. x. & venæ sectione, quæ nocet confirmato, quia accelerat hydropisim. Utantur ammoniaco, cum splenicis permixto. ℥. ammoniaci dissoluti in aceto scillitico ℥. vj. radicis cappar. & tamarisci, añ. ℥. iij. lienis equi aut asini ℥. j. fiat parua massa, de qua capiat quotidie ℥. j. Galenus 14. *methodi*, cap. 5. scribit solum ammoniacum dissolutum in aceto, & admotum, lienes induratos perferare. ℥. ammoniaci in aceto scillitico dissoluti ℥. ij. extendantur super aluta, & applicentur hypochondrio sinistro. Aut ℥. diachyli cum gummis, emplastri de meliloto, cerati cæsypari, añ. ℥. s. misce cum oleo de capparibus, fiat cerotum.

Ammoniaci vis.

SYMPTOMATA LIENIS.

C A P. XIII.

VT cystis felle, sic lien limo ex officio sanguinem debet repurgare, attracto ipso fruitur, reliquum velut onus partim ad ventriculum amandat, partim in intestina deponit: Si non attrahatur, lienis imbecillitate aut obstructis viis, refluit in venam cauam, inde febres melancholicæ: Si portionem aliquam ad partem quamvis transmittat, illic morbus orietur melancholicus, ut scirrhus, cancer, struma,

me, psora, lepra, quinetiam in toto corpore elephantiasis: Quod si ad cutem, veluti ad emunctorium commune, effundatur, efflorescet icterus niger. Si verò excrettricis impotentia, aut aliis meatibus impeditis in liene ipso restiter, hinc ipsiusmet lienis morbi commemorati: In tumorem insignem attollitur, obstruitur, scirrhescit, inflatur, inflammatur.

Imbecillum lienem, siue non trahat, siue non excernat, roborabis spleniticis: cuiusmodi sunt splenes asini, equi, lupi, leporis, vulpis; quemadmodum enim hepar lupi hepaticos, pulmo vulpis pulmonarios: ita prædicti lienes spleniticos proprietate adiuvant. Arculanus commendat imprimis puluerem vespertilionis assati, aliquoties maceratur in aceto, siccatur in forno, pulvis datur ex cochleari cum suo aceto.

Curatio.

ICTERVS NIGER.

CAP. XV.

Icterus niger, vt flauus, si succedat scirrhus lienis, aut inflammationi, non sanescet: si obstructioni, tarde & difficillimè. Remediis itaque obstructo lieni præscriptis, iisque potentioribus tractetur, aut iis quæ sequuntur pro virginali fædo colore.

Aliquando iecoris, sed vt plurimum lienis obstructionem insignem sequitur, nisi ab vte-

Ad fædus virginum colores.

ro procedat, vt cum menses sunt suppressi, neque legitimo tempore exeunt. In vsu familiari est limatura chalybis præparata, cui immisemus splenica quando causa subest in liene, hepatica quando in hepate: alioquin quæ mouent menses: adiungimus & ea quæ defendunt ventriculum à chalybis iniuria, vt mastichem, absinthium.

Exempli gratia pro liene. ℥. limaturæ chalybis præparatæ, id est, aliquoties maceratæ in acerrimo aceto, deinde exsiccata, ℥. j. radicis cappar. & tamarisci, añ. 3. ij. absinthij ʒ. ij. fiat puluis, cuius dosis à 3. j. ad 3. ij. detur cum vino albo, diluto aqua decoctionis tamarisci, aut cappar. aut ceterach, vel misceatur alicui conseruæ, fiat bolus.

Pro hepate ℥. eiusdem limaturæ ʒ. j. diacurcumæ ʒ. ij. cum syrupo de mentha, fiat confectio, de qua capiat quotidie ʒ. iij. si placet limaturæ chalybis lb. j. maceretur in lb. viij. vini vel oxycrati, addendo supradicta, prout vsus postulat. Vas per 20. dies insoletur, aut si non liceat per tempus, superponatur furno, interim subagitetur sæpè, vt exquisitè misceantur, dentur huius vini colati duæ aut tres ʒ. ascendendo paulatim ad lb. ss.

Annotatione dignum est, quod Dioscorides de rubigine ferri in commentarios retulit, prodesse quidem obstructionibus, sed mulieres reddere steriles. Quod ego obseruaui falsum: noui enim quæ numerosam prolem suscepunt, quamuis per diu sint vsæ isto puluere.

*Limatura
chalybis
steri a
tem non
inducit.*

AFFECTVS RENVM.

CAP. XVI.

Renes exercet omne genus morbi, intemperies calida, frigida, sicca: Obstructio à mucò, grumo, arenulis, calculo: Phlegmone, ab ictu, casu. Aliquando sequitur intemperiem calidam, quia immodicus calor per emulgentes trahit copiosiore sanguinem: Phlegmonem sequitur abscessus, abscessum vlcus, quod aliquando attritis à calculo renibus excitatur, aliquando humoris acrimonia. Intemperies renum ferè sequitur intemperiem hepatis: qui habent hepar retorridum, solent habere renes calidiores, hinc sitis, quia emulgetur serum, mictus frequens, propter acrimoniam lotij, à qua vesica pungitur, excretrix stimulat, cum primum vrina in vesicam descendit. Hippocrates meminit tabis renalis, quæ sequitur intemperiem siccam, aut vlcus.

Calidiores renes si inueniant materiam idoneam, nempe pituitam, multam & viscidam, habeantque meatus angustos, efficiunt primum arenulas, ex quibus pituita inuiscatis, tandem fit calculus. Vt enim ardor solis ex materia terrestri arenam producit, sic præ ardore renum ex cruditate per resiccationem, partes tenuiores resoluuntur, crassiores formantur in arenulas. Pariunt etiam exonirogmum, nocturnam pollutionem, ab acri semine.

Intemperies calida.

Curatio.

Itaque in eorum ardore temperando diligenter laborandum est. Temperabitur cassiæ usu frequenti, abstinencia vini, iusculis refrigerantibus, emulsionibus, lacte asinæ, syrupo violato, nenupharino cum ptisana, balneo, aut semicupio: litu ex cerato Galeni refrigerante, oxyrhodino, oleo nenupharino cum pauca caphura, tenui lamina plumbi perforata & admota lumbis. Clysteres etiam dentur frequentes, qui refrigerent, decoctum pareretur ex bismalua, violaria, lactuca, in quo dissolue looch de cassia, mellis violati añ. ʒ. j. olei violati ʒ. ij.

O B S T R U C T I O R E N U M.

C A P. XVII.

Diureticorum differentia.

Obstrectio præmissis generalibus soluetur diureticis, quorum alia sunt calida, ut quinque radices aperientes, decoctum cicērum rubrorum & nigrorum, syrupus capilli veneris, de byzantiis, de duabus, de quinque radicibus, & qui à Fernelio describitur syrupus de raphano; Alia frigida, ut quatuor semina frigida maiora, semen alkekengi, radix graminis & acetosæ. Frigidis utendum est, cum morbus est calidus. Propterea Valescus admonet, ad calculum nil esse præstantius vino alkekengi, aut aqua ex iis destillata; utendum vino hyeme, æstate aqua. Paratur vinum tempore vindemiarum hoc modo.

Racemi & fructus alkekengi miscentur æquis partibus, deinde teruntur, fit mustum, quo utendum cum deferbuerit. Ratio Valefci hæc est, quod diuretica calida, quibus uti solemus ad calculum, augent renum intemperiem calidam procreatricem calculi, eumque resolutis partibus tenuioribus indurant. Proinde est bonum præsens, damnum emergens. At diuretica frigida non tantum succurrunt præsentī malo, sed etiam expugnant efficientem, impediuntque arenularum & calculi novam regenerationem. Age verò, in hoc amplissimo campo liberè exspatiemur, exponamus primum calculi prophylactica, deinde therapeutica: postremò remedia non tantum morbi, aut causæ morbi, sed urgentissimi paroxysmi.

*CALCVLI RENALIS
prophylactica.*

C A P. XVIII.

VT sibi ex arte caueat qui obnoxius est calculo, siue dispositionem habeat à parentibus contractam, siue calidam renum intemperiem, unde subsident in matula multæ arenulæ rubræ, definiendæ sunt causæ, ut singulis suum remedium opponatur. Materia calculi est pituita crassa viscida, quæ arenulas inuiscat, cuius mater, cruditas, cruditatis repletio. Efficiens immodicus calor renum, arenularum tu-

*Calculi
materia.*

brarum parens: adiuvat angustia viarum.

Fugienda ergo imprimis repletio, & sobriè viuendum est: fugienda quæcunque crassum & obstruentem succum generant, lacticia, panes azymi, zythum: aliquando prouocandus erit vomitus, vt venter pituita liberetur, vel sumendæ pilulæ ante cibum, vt illa vacuetur per aluum, & stomachus roboretur. Sit frequens vsus auellanarum. Vitæ verò quæcunque iecur & renes valde calfaciunt: vt piperata, vinum crassum, vtendum tenui, eoque diluto. Aqua graminis est singularis, saltem illa vinum diluatur. Non est dormiendum in lectulo molli, neque luculento foco dorsum exponendum. Thorax iuxta lumbos aperiatur, vt refrigerentur renes. Acetaria parentur ex crista marina, vefcendum alimentis boni succi & facilis coctionis, vt vitulina, pullis, perdicibus, columbis, alaudis, caudæ tremulæ sit frequens vsus: Nam proprietate calculosis conuenire medicinæ procures annotarunt, fortassis est passerulus troglodites, de quo Græci tam multa promittunt. In decursu lunæ vtile erit sumere cassiæ ʒ. x. cum syrupo violatō, aut de althæa, capilli veneris, de limonibus. Deinde per aliquot dies sumendum iusculum ex althæa cum radice & semine, saxifraga, radicibus aperientibus, vt petroselini, fœniculi, ciceribus rubris vel nigris, in quo dissolue butyri recentis quar. ʒ. loco terebinthinæ, ne sit ingrata, aut illius olei medium cochlear. Terebinthina per se vtiliter datur calculosis. ℞. terebinthinæ Venetæ ad summum ʒ. ʒ. lauetur in aqua saxifraga, vt onos

*Tempus
purgationi
aptum.*

*Terebin-
thina vti-
litas.*

nidis, argentinae, alkekengi, parietariae, fiant parui boli, qui inuoluantur obeliis vino albo madidis, dentur ex cochleari cum aliquo ex praedictis syrupis. Vinum alkekengi est singulare prophylacticum, aut fructus cum saccharo conditus. Aëtius laudat lacasinam, quia calorem renum temperat, & suo sero detergit, arenulasque deturbat. Interdum vti poterit syrupo de althaea cum aqua saxifragae. ℞. praedicti syrupi ℥. ij. dissolue in aquae parietariae & ononidis añ. ℥. iij. fiat iulep. in duas doses.

*THERAPEUTICA QVAE
praesentem calculum deturbant &
minuunt.*

C A P. XIX.

Calculi praesentis haec sunt signa apud Hippoc. libro sexto Epidem. In renem dolor grauis, potissimum cum cibo repleti sunt, quia tum premuntur renes; aluo clystere subducta dolor cessat, vacuata materia qua premebatur. Dicet aliquis, aliquando est dolor peracutus. Respondeo id fieri per accidens, quia dum lapis affectat exitum, premit caput oureteris sensus exquisiti; alioquin renum obtusus est sensus, proinde dolor grauans. Praeterea crus quod est è directo, stupet, & testes retrahuntur, ob consensum quem habent crura & testes cum renibus per venas & arterias quae dorso incumbunt.

Signa calculi.

t iiij

Videne moueas camarinam, & irrites crabrones, hæretem sine dolore lapidem in renis cauitate dum saxifragis conaris deturbare, ne cruciatus nephriticos temerè inducas: multi enim indolenter cum calculo renali vitam exegerunt: hoc ramen inito consilio, cum tibi fuerit hic scopus curationis, initio præscribes benedictæ laxatiuæ ad summum ℥. ss. pulueris hermodactylorum ℥. j. fiat bolus. Postea dentur saxifraga, in quo censu habentur ossis mespilorum ℥. j. ex vino albo, aut nuclei cerasorum, vel gummi pini tantundem. Corticis radices lauri ℥. ij. Galenus dabat cum vino. Radix quoque damazonij (est plantago aquatica) galeni experimentis est insignis. Hydromel, in quo radix eryngij bullierit, valdè laudatur ab Aëtio, sanguis hirci, capræ, leporis, epotus tepidè. Sanguinis hirci præparati dosis est à ℥. j. ad ℥. ij. si detur per se, sumatur autem cum vino albo, diluto aliqua aqua saxifraga, vt ononidis. Serapio ex Philagrii experimentis, affirmat hirci sanguinem etiã illitum lapidem frangere, non tantum in renibus, sed & in vesica: de sanguine vulpis idem Matthiolus pollicetur. Liniatur lumbi in calculo renali; in vesicali, pubes & perineum. Cineres scorpionum, cicadarum, vermium terrenorum, millepedum, leporis vsti in furno cum sua pelle, valdè laudantur, ex quibus constat electuarium Auicennæ de cineribus. Lapis Iudaicus optimè facit. Serapio valdè extollit lapidē qui in spongiis reperiri solet: In felle bouis reperitur lapis, cuius puluis etiam in vesica frangit calculum, si Valesco credimus, quod se multoties

*Lithotry-
ptica.*

expertum affirmat Matthiolus. Maiores nostri habebant in usu frequenti duo electuaria, vnum quod ab effectu lithontribon, saxifragū appellabant; alterum quod Iustinum seu electuarium Ducis nominabant. Vtriusque dabant ʒ. ij. cum decocto cicerum rubrorum & radicū aperientium, vt petrosel. & sceniculi, adde, si placet oxymelitis diuretici aut scillitici ʒ. β. Nos vrimur hoc puluere. ℞ pulueris ossium dactylorum, ceraforum & mespilorum, an. ʒ. ij. lapidis Iudaici, lapidis spongiæ, lapidis in felle bouis re-
 perti, an. ʒ. iiii. corticis, radicis lauri, & seminis althææ, an. ʒ. ij. cineris scorpionum & cicadarum, ana ʒ. iiii. fiat puluis, cuius dosis à ʒ. j. ad ʒ. ij. poterit permisceri alicui conseruæ, vt conseruæ betonicæ: nā betonica tā bene facit renibus, quā cerebro. Puluis sumetur cum decocto cicerum, in quo si placet radix damazonij bullierit: Bolus sumetur cum syrupo capilli veneris ex cochleari. Sed memineris iusculi aquæ saxifragæ, aut vini albi debere esse magnam quantitatem, vt ℥. β. & dari debere tepide, non tantum vt puluis, aut bolus ad renes deducatur, sed etiam, vt ad vesicam perducatur, & inde lapidis excludatur.

*Electuaria
olim usi-
tata.*

*Puluis Au-
toris.*

*Quantitas
liquoris.*

REMEDIA CALCULI RENALIS
tempore exacerbationis.

CAP. XX.

Hic conuenient anodyna : clysteres, semicupium, litus, cassia, terebinthina, & quæcunque hærentem in via lapillum in vesicam deturbant, viasque leniunt & lubricant, vt oleũ amygdalarũ dulcium. Clysteris sit hæc formula. ℞. althææ cum radice, parietariæ, violariæ, chamæmeli, berulæ, an. M. j. seminũ anisi & fœniculi, an. ʒ. ij. fiat decoctio. In colaturæ ℥. j. dissolue looch de cassia & mellis violati, an. ʒ. j. terebinthinæ Veneræ, & olei de scorpionibus, an. ʒ. ʒ. olei chamæmeli ʒ. ij. fiat clyster.

Ad viam lubricandam dentur ʒ. ij. olei amygdalarum dulcium extracti sine igne cum vino albo, si placet, diluatur aqua ononidis. Ad eundem vsum dari possunt totidem ʒ. syrupi de althæa, cum eadem aqua. Virgente dolore ingreditur semicupium, cuius decoctum parabitur ex materia clysteris, aucta quantitate: sumat deinde cassiam ex cochleari. Liniatur pars dolens oleis chamæmeli, scorpionis, adipe cuniculi, vnguento de bdellio, vel ex residentia prædicti clysteris cum oleo chamæmeli, scorpionum paratur cataplasma. Applicetur cucurbitula infra locum doloris, vt subsistens lapillus in vesicam attrahatur. Metu inflammationis mittatur sanguis primum de basilica è directo renis dolentis ad

minuendam plenitudinem, postea de vena poplitis, aut saphæna.

Perseuerante dolore vehemētiore cathartico vtendum erit, quale fuit ex benedictæ laxatiuæ ℥.β. & pulueris hermodactylorum ℥.j. sumi poterit forma boli, vel potius dilui aquis parietariæ, ononidis, decocto cicera rubrorum. Tandem clysteribus atque etiā potionibus nephriticis, quales præcesserunt in therapia, immiscendo ℥.i. Phitonij.

Notandum si iam magnus sit lapis in rene & inueteratus, frustra illius dissolutionem cōmemoratis saxifragis tentari. Obseruavi sæpe etiā in pueris adeo duros lapides, vt non putem, vlla arte resolui, aut comminui potuisse, quandoquidem vix malleoli ictibus cessissent. Quod si in fragmenta multa soluerētur, consequeretur error peior priore. cruciatus ingēs, vrinę suppressio, inde mors. Profunt itaque dictata remedia arenulis deturbandis, atque etiam lapillis, non lapidibus iam duris & inueteratis, præsertim in vesica subsistentibus.

S C H O L I V M.

N V L L Adari in rerum natura remedia quæ possint grandiusculum & filice duritie praditum calculum atterere atque imminuere, luculenter probatur ex filio Theophorbi apud Hippocr. in Epidem. qui epoto acridiuretico, intra triduum crudeliter excarnificatus, miserè periit. Idem sensît Galenus cōm. 5. in 6. Epid. his verbis. Lapis autē vesicę, non ab ætatis permutatione, sed à sola manuali opera sanatur. Eiusdē sunt sententia doctissimi quique recentiores; Ludouic. Duretus in Coacas Hipp. pag. 361 paucis quidem, sed aureis verbis hunc agyrtarum & Paracelsicorum errorem detegit atque refellit. Temeraria, inquit, est omnis medicina, pestifera, & sæpe mortifera, quæ frangendo vesicę calculo adhibetur. Cui profuerit vidi adhuc neminem; permultos autem, quib. exitio illa fuit. M. Re-

natus Moreau, Doctor Medicus Parisiensis, & Regius Professor doctissimus, commentariis suis in scholam Salernitanam, quacunque de Lithonrypticorum viribus in medium afferuntur, morae esse segmenta atque agrorum somnia dilucidè docet, pag. 568. ubi de Mespilis. Ab istis igitur tanquam vanis & commentitiis medicaminibus sibi caveant juniores Medici, nec ullam fidem adhibeant portentosis circulatorum pollicitationibus de mirandis suis Lithonrypticorum facultatibus: imò maturè moneant agros ut se perito lithotomo potius committant, priusquam neglectus calculus grandior euaserit: nec ijs credant impostoribus, qui venditant se habere formulas remediorum, & arcanas quasdam pulverum praeparationes, quib. lapidem vesicae conterant atque dissoluant.

DE INFLAMMATIONE RENVM,
quæ nephritis dici solet.

C A P. XXI.

Nephritidis causa.

Qui natura, aut accidente calidiores habent renes, nephritidem facilius incurrunt, ut plurimum tamen id aut casu contingit: rupta enim aliqua vena, sanguis per renis substantiam effunditur. Quod dignoscetur ex partis afflictæ ardore; dolore pulsante, febre continua, vomitubilis.

Curatio.

Scamoniæ tori noxa.

Remedia: clysteres frequentes qui refrigerent, venæ sectio, primum de basilica, quæ est è directo inflammati renis, postea de saphæna: Prior fit ad antecedentem, posterior ad coniunctam causam. Fugienda hîc, ut in omnia alia phlegmone partium internarum, diagrediata, necnon diuretica præsertim calida, quia ducunt ad partem afflictam & morbum augent, nisi in de-

clinatione, vt abscessu rupto pus per vrinas vacuetur: reliqua initio conueniunt, quæ ad intemperiem calidam præcesserunt, tam sumpta quàm admota. Sumenda sola cassia cum syrupo violato: Admouendum oxyrhodinum, semicupium initio nocet, quia auget fluxionem, sed facta fluxione est anodynum (præsertim dùm fit pus) quod indicant horror, febris aucta, & extremorum refrigeratio, cæteraque symptomata, vt dolor & ardor, grauiora.

Semicupium quando ex usu.

Valescusæpe expertus est, cucurbitulas admotas clunibus, sedare dolores renum, quia venæ eò desinunt, atque vt est in aphorism. *nephritidi superuenire hæmorrhoidas, bonum est.* Inedia hic nocet, quia vrinam reddit acriorem, vtendum ptisana loco vini. Cæterum facto pure fit abscessus, quo rupto, multum pus in fundo matulæ subsidet. Tùm naturæ conatus diureticis iuuetur, aqua decoctionis radicis graminis, acetosæ, vel iusculo cicerum, hydromelite aquoso, in quo radix petroselini aut fœniculi bullierit.

Vitæ ratio.

VLCUS RENVM.

CAP. XXII.

INflammationi suppuratæ quod succedit vlcus, est magnum & cauum, proinde insanabile: lotij enim continuo transitu impeditur vlceris renum coalescentia, quæ tota in

*Vlceris
primarij
curatio.*

*Aqua al-
ba quid.*

*Opiata
consolidas*

ficcatione consistit: Primarium quod calculus asper & inæqualis attritu excitauit, aut humoris alicuius acrimonia, quotidiano vsu aque hordei curetur, aut hydromelitis, ex aqua hordei & melle vel saccharo rosato, clysteribus frequentibus, purgatione ex cassia cum rheo, venâ primûm in brachio, deinde in pede secta: benefacit etiâ frequens vsus tabellarum diatragacanthi frigidi, hordeata, amygdalata, quæ parentur cum saccharo rosato, loco communis. Initio ad detergendum vtendum est lacte asinæ, deinde capræ ad replendum seu incarnandum: tandem ouis ad consolidandum. Aqua alba benefacit, paratur ex amygdalis contulis, affundendo paulatim aquam hordei, quo modo parantur emulsiones. ℞. amygdalarum dulcium mundatarum ℥. i. seminum quatuor frigidorum maiorum, an. ʒ. ii. terantur in mortario lapideo, affundendo paulatim aquæ hordei ℔. i. fiat emulsio. Prodest etiam vlceribus inueteratis potio vulneraria: sed imprimis partiû omniû interiorû vlceribus, maximè verò renum & vesicæ, profunt aquæ Spadenses & Niuernenses: interim dum occasio sinet istas aquas adire, vtatur prædictis, vel trochiscis Gordonij, solutis in sero lactis, aut hac opiata. ℞. confervæ rosarum veteris & liquidæ ℥. j. confervæ consolidæ maioris siue symphyti ʒ. vj. boli armeni, sanguinis draconis, tragacanthi, terræ sigillatæ, an. ʒ. ij. cum syrupo rosarum siccarum, fiat opiata, qua vti poterit omni hora. Pro topico vtatur hoc emplastro adstringente simul & siccante. ℞. pulueris rosarum, boli, sanguinis draconis,

an. 3. j. mastiches & carnis cydoniorum, an.
3. j. cum oleo rosaceo vel myrtino, fiat empla-
strum, applicandum ad regionem renis ulcerati.
Cæterum hic aphorismus Hippocratis, *Qui sanguinem aut pus meiunt, is renes aut vesica ul-
cerata sunt*: non est perpetuò verus, quia in-
flammationi gibbæ hepatis, abscessus qui suc-
cedit, vacuatur per vrinas: quin etiam annotavi
pleuritidem suppuratam aliquando vrinis pu-
rulentis terminari: sed cum hac restrictione in-
telligendus est, si modò in aliis partibus nullus
dolor antecesserit, sed in rene, aut in vesica: ubi
enim dolor, ibi morbus.

Quomodo verò distinguam, dicet aliquis: si
pus procedat à renibus, an à vesica? Respondeo, *Vlceris re-
num signa.*
imprimis distingui præcedente sede doloris: Se-
cundò, quod à vesica semper pus erit putidissi-
mum, non ita à rene, nisi putruerit: Tertiò quod
ulceratà vesica, pauca sanies & paucus sanguis
effluant, quia illius exiles sunt venæ: à rene
copiosior: Quartò, quod ingrauescente ulcere
& iam profundo, abrasiones & rubræ, veluti ca-
runculæ subsident ulceratis renibus: ita enim
Hippocrates; si cum vrina veluti carunculæ
subsident, renes esse ulceratos non est dubitan-
dum: Quintò, quod semper dysuria siue diffi-
cultas meiendi coniuncta sit ulceri vesicæ, non
renum: Sextò, quod renibus ulceratis sanies aut
pus vrinæ permiscentur, vesica ulcerata mini-
mè, sed mox petit fundum. Cavum vlcus indi-
catur, si cum pure sanguis exeat; putre, si pus
fœtidum.

SYMP TOMATA PRIMI GE-
neris, id est quæ ad actionem laesam
pertinent.

CAP: XXIII.

*Sympto-
mata ex
non attra-
cto à reni-
bus sero.*

Renes ex officio debent attrahere serum,
vt cystis fel, lien limum: Attrahitur verò
serum sanguini permistum, quem secernunt, si-
bique retinent ad nutritionem, reliquum per
vireteras in vesicam effundunt: Si non attrahant,
serum deponitur in abdominis inanitatem, quæ
est inter peritonæum & intestina, inde ascites;
Aut ad cutem effunditur, vnde λευκοφλεγματία
siue ἀνάσκαρξ. Si attrahatur quidem, sed san-
guis præ imbecillitate non secernatur, lotium
cruentum descendet in vesicam, vrina veluti
tincta sanguine apparebit: hic, concretus san-
guis non subsidet, quemadmodum cùm effluit
aperta, rupta, aut erosa vena; aut aliundè, vt ab
hepate, ad renes transmittitur, quod accidit
aliquando mutilatis, necnon iis quibus men-
ses aut hæmorrhoides subsistunt. Quibusdam
criticus est & salutaris fluor iste, non aliter quàm
hæmorrhoidalis, estque nonnullis periodicus,
stato tempore adueniens.

*Imbecilli-
tas renum*

Imbecilli renes sumptis & admotis robo-
rentur (debilitari autem solent intemperie fri-
gida, aut venere immodica) vinum aqua cha-
lybeata diluendum est, ex eadè aqua, cum sac-
charo rosato parentur hordeata: pineolis inest

vis

vis roborandi renes, contunduntur affuso paulatim lacte ouillo, caprillo, deinde coquantur adiecto saccharo rosato, inde fit pullicula, similis amygdalato. Eadem pullicula parari potest ex castaneis assis vel elixis. Vrantur renibus aliorum animalium, ex quibus cum pineolis poterit aqua destillari, si placet opiatę immisceruntur hoc modo. ℞. conseruę rosarum & symphyti, an. ʒ. j. ʒ. terrę sigillatę ʒ. iiii. renum galli gallinacei, caprę, ouis, pulueratorũ, & in furno desiccatorum, an. ʒ. ii. cum iulepo rosato fiat opiata. Lumbi liniantur cerato santalino cum oleo rosaceo, vel vnguento comitissę. Quę remedia vsurpanda erunt, cum mictus sanguinis erit symptomaticus, de quo paucis transigendum.

DE MICTU SANGVINIS.

CAP. XXIV.

PArtem affectam, seu terminum a quo indicat copia sanguinis: nam a vesica & oueribus, cum sint partes exangues, & exiles habeant venas paucas, a renibus multus sanguis effluit, ibique dolor fixus percipitur. Si vitio secreticis, non subsidet, sed vrinam tingit. Si aperta aut erosa aliqua vena, concrevit mox, & matulę fundum petit. Causę, aut sunt externę, vt ictus, casus: aut internę, vt humoris acrimonia, quę vesicā erodit, vnde vlcus, quod micto pure dignoscitur: aut caruncula renis.

Signa diagnostica.

Causa.

Curatio.

Ad reuulsionem mittatur sanguis de basilica renis dolentis, dentur clysteres quibus renes refrigerentur, expressum rhei infusum in aqua plantaginis cum iulepo rosato. Ex eadem aqua, aut rosarum cum syrup. granat. cydon. myrtill. fiat iulep, aut apozema ex plantagine, ros. centinod. balauistiis, syrup. de plantagine, lactuca, portulaca, cum saccharo, trochiscis de bolo, de terra sigil. de spodio, de carabe, cum conseruis rosar. fiat opiata. ℞. coralli rubri. & terræ sigil. an. ʒ. β. cum saccharo aqua ros. dissoluto, fiant parua tabellæ, quarum vnam sæpe teneat in ore. Admoueantur dolenti reni vng. Comitissæ, oleum ros. cyd. myrtill. Vel. ℞. boli armeni ʒ. β. sang. drac. corricis maligni gran. balaust. an. ʒ. β. pulueris entur subtilissimè, & excipiantur albumine oui & aceto; applicetur supra partem affectam. Forestus se sanguinis mictum hoc remedio curasse affirmat, sumendo ʒ. iij. lactis & ʒ. j. boli armeni veri. Hoc idem expertum à Gatinaris, qui præcipit, ne post eius assumptionem aliquis doimiat, aut se exerceat.

SECUNDVM GENVS

symptomatis.

CAP. XXV.

Diabetes
quid?

AD ametriam in excreto pertinet diabetes: continetur autem vrinæ profluuium, tanquam species genere, quandoquidem omnis diabetes est immoderatum vrinæ profluuium,

non-contrà, quia semper diabetes coniunctam
habet sirim, propter quam dypsacos appella-
tur, estque lenteria renum: potus talis meitur,
qualis sumptus est. At nonnunquam vix pro-
fluvium est criticum: videre enim licet pluri-
mos morbos, vrinarum copia fœliciter termi-
nari, tum vrine sunt crassæ, non tenues, crudæ
& aqueæ, vt in diabete: neque ægri sitiunt
in profluvio critico. Accidit diabetes, eò
quod renes immodicè trahunt, non retinent, *Signape-*
sed attractum serum mox in vesicam deponunt, *ritrhæa*
vnde hydrops ad matulam nominatur. Re- *critica.*
nes autem trahunt sine modo, quoties labo-
rant intemperie calida & sicca: Itaque cassia
cum rheo corpus imprimis repurgetur: incipiē-
te malo, non confirmato, sanguis mittatur; vta- *Renes re-*
tur ptisana pro ordinario potu, iusculis refrige- *frigeran-*
rantibus, hordeatis, lacte asine, capre, aut vaccæ, *tia.*
à quo butyrum sit extractum: plumbi lamina
lumbis admouenda, cerato santalino vel cera-
to refrigerante Galeni, vnguento rosato, oleo
violato, nenupharino renes illinendi, clysteres
dentur frequentes qui refrigerent.

Item syrupi granatorum, cydoniorum, ro-
sarum siccarum, vel iulepi rosati ℥.j. ℞. pro dosi,
trochiscorum de bolo, de carabe, vel de terra
sigillata ℥.j. cum aqua hordei, fiat prima dosi
iulepi, quæ aliquoties iteretur. Denique refri-
gerantibus cum adstrictione pugnandum est: fit
hoc pro multis exemplum. ℞. spodij, rosarum
rubrarum, acaciæ, balaustiorum, gummi ara-
bici, tragacanthæ, terre sigillatæ, cancriorum

fluuiatiliū aduſtorum, an. 3. ij. ſeminis papaueris & lactucæ, an. 3. iiij. cum mucagine cydoniorum, ſiant trochiſci pondere 3. j. dentur cum vino granatorum.

Rarus eſt affectus, quem biſ tantū Galenus viderit: niſi placeat quodcumque profluuium vrinæ diabetem nothum appellare. Fortè Hippocrates illius non meminit, quia numquam viderit. Nos obſeruauimus frequenter, & prædictis remediis ſanauimus.

DE MORBIS VRETERVM.

CAP. XXVI.

ALiquando obſtruuntur à calculo, ab eodem, aut acrimonia lotij vlcerantur. Partem afflictam ſedes doloris indicabit: conſtit enim vreter inter renem & veſicam. Vretere vlcerato veluti filamenta natant in lotio, ſine magna difficultate meiendi, quæ vlceri veſicæ ſemper aſſiſtit.

Obſtructioni ea conueniunt, quæ ad exacerbationem calculi ſeu cruciatus nephriticos iam dictata ſunt. Ad vlcuſea quæ vlceri renum præſcripta ſunt, & mox quæ vlceri veſicæ dictabuntur, de cuius affectibus reſtat, vt diſſeramus.

MORBI VESICÆ, IMPRIMIS
de calculo vesicali.

CAP. XXVII.

Obstruitur, ulceratur, inflāmur. Obstrui-
tur calculo, grumo, aut caruncula. Calculi si-
gnā,
lū in vesica ostēdunt vrina cruda, aquea, in qua
subsident arenulæ albæ, penis assiduus pruritus,
eiusdem tensio, in pueris aliquin insolens, gut-
tatim meiunt & laboriosè, quin etiam lotium
supprimitur, cū lapis in collum vesicæ descen-
dit: Accedat quod quoties meiendi, toties desi-
dendi desiderium illos tenet: quod quidem si-
gnum quamvis Brassauius veteribus fuisse ig-
notum affirmet. Aërius tamen & Serapio huius
mali pathognomonicū esse adnotarunt. Idem
notavit Rhasis 10. *Continent.* quod Aretæus re-
fert ad vesicæ & intestini recti sympathiam.
Lithothomus cathetere faciet nos certiores, aut
digito in anum pueri immisso. Peritiores tamen
aliquando fefellit catheter, quia lapides inuo-
luti tunica, aut pituita viscida incrustati, ferro
contacti nullam edunt sonitum. Paulus affir-
mat grandiores esse minùs dolorosos, quia agri
iam assueuerunt inflammationi & exulceratio-
ni: Cur pueris frequentius in vesica, senibus in
rene generantur? Quia pueris latiores sunt viæ,
crassamentum multum colligunt propter in-
gluuiem, quod facilè cum vrina in vesicam de-
scendit: At senibus angustæ sunt viæ propterea

materia calculi in rene subsistit: Item pueris inest in vesica calor multus, satis potens ad resoluendum humoris lenti & crudi partes tenuiores.

Cirratio.

Pro remedio suadeo ut citius quam commode fieri poterit lithotomo committantur, ne saxifragis frustra tentatis, puer tandem sectionem non perferat, longo dolore fractis viribus: Si quis tamē crudele hoc remedium refugiat, experiatur iam commemorata: ut puluerem lapidis in felle bouis reperti, litum pubis & perinæ ex sanguine hirci, capræ, aut vulpis. Præstat, inquit Trallianus, madentem sanguine spongiam applicare, fortiterque deligare, idque per intervalla aliquoties facere. Rhasis sequentium pilularum longo usu, & iniecto oleo scorpionum, affirmat intra 50 dies frangi posse. ℞. carpobalsami, seminis raphani, seminis dauci, seminis petroselinii, radicis capparis, amygdalarum amararum, schœnanthi, cyperi, spicæ celticæ, cassiæ lignæ, seminis cicutæ, gentianæ, aristolochiæ rotundæ, asari, amomi, sagapeni, bdellij, piperis & acori, añ. ʒ. iij. opopanacis ʒ. β gummi dissolvantur in vino albo, cætera incorporentur, fiat parva massa, de qua capiat quotidie ʒ. j. superbibendo decoctum cicero rubrorum & radicum aperientium, continuet per 50. dies. Poterit permisceri singulis dosibus sexta pars ʒ. j. id est ʒ. β. cineris scorpionum: Olei vero scorpionum sequitur descriptio. ℞. aristolochiæ rotundæ & corticis radicis capparis, añ. ʒ. j. infunde in lb. j. olei amygdalarum amararum, & expone soli, in quo oleo macerentur decem

*Oleū scor-
pionum.*

Morbi vesicae.

311

scorpij, viui an mortui non refert, expone rursum soli per duas septimanas, deinde oleum collatum reserua ad vsum.

DE CARUNCULA.

CAP. XXVIII.

DE caruncula, quæ vt plurimum succedit gonorrhœæ malè curatæ, multa extant remedia apud Alphonsum Ferrerium; vobis tamen debet esse instar omnium, quod descripsimus in methodo generali, quo loco tractauimus de morbis in numero.

DE GRVMO, VRINÆ meatum obstruente.

CAP. XXIX.

Dignoscetur ex antecedentibus, quòd præcesserit miçtus sanguinis: Ab adiunctis, vt animæ deliquio, exili pulsu, extremorum refrigeratione, faciei pallore, adeo vt vulgus miretur tantos effectus à tam exigua causa. Reiecto clystere & vena secta, detur mox aristolochiæ, mumiæ, carabes, vel coagulileporis ʒ. j. *Digne-
stica.* oxymelitis diuretici vel scillitici ʒ. j. cum aqua raphani aut artemisiæ. *Curati.* Topica sunt, parietaria frixa cum oleo scorpionum, vel emplastrum ex bdellio aut ammoniaco solutis in vino, adden-

u iij

do parum aristolochiae. Aëtius suadet, si neque assumptis, neque ad motis, neque per syringam iniecto succo limonum grumus dissoluatur, ut pessimum incidatur, mortem initio prædicendo. Gal. *de locis affect.* cap. 6. duntaxat unicum vidit qui euaserit. In remediis itaque non est procrastinandum, quia mors est cita.

DE PHLEGMONE

vesicae.

CAP. XXX.

AD phlegmonem vesicae, reddito clystere aperiatur venaprimum in brachio, deinde in pede, liniantur pubes & perinaeum oxyrhodino, statim vero ab initio prædicenda mors: ita enim Hippocrates, si vesica sit dura, & dolore vexetur, funestum, eoque magis si accedat febris continua. Meiunt & deiiciunt cum difficultate, recto intestino compatiante. Ad dolorem demulcendum, miscere possis per syringam trochiscorum albor. Rasis cum opio ʒ. j. cum lacte. Abstinendum vino, acribus, piperatis. Iniiciendi frequenter clysteres qui refrigerent, ex sero lactis, aut aqua hordei cum melle rosato.

ULCUS VESICAE.

CAP. XXXI.

ULcus in vesica non sanescit, nisi fuerit in collo, est enim carnosum: si dolor ingens

circa pubem sentiatur, vlcus est in vesica ipsa: Si in perinæo, in illius ceruice: si in pene, in vrethra. Item vesicam vlceratam conuicimus, cum pus vrinæ non permiscetur exquisitè, vt vlcera; ro rene, multusque mucus sublidet: vrethram aut collum, cum pus exit ante vrinam.

Iniiciatur serum lactis coctum cum saccharo, *Curatio.* aut melle rosato, ad deterfionem: aut dissolue in aqua hordei, syrupos rosarum siccarum, vel de absinthio. Possis etiam infundere in eadem aqua tragacantham, thus, bolum armenam, vel sanguinem draconis; colatura iniiciatur. Diapalma emollitū rosaceo, foris applicetur. Assumenda sunt quæ ad vlcus renum præcesserunt, vt lac asinæ, deinde capræ, ouis, portio vulneraria, aquæ Spadenses vel Niuernenses.

S Y M P T O M A T A P R I M I

& secundi generis hęc quodammodo confunduntur.

C A P. XXXII.

Q Veritur si vesica attrahat vrinam, an renes eam excernant. Placet Gal. excerni à renibus: verum natura dedit vesicæ fibras rectas, quarum munus est attrahere. Itaque respondendum, excerni quidem à renibus in ouereteres, sed ex illis attrahi à vesica: non trahunt de rene, sed de ouereteri. Eius actio præcipua est *Vesica m-* excernere, quandoquidem est inutilis excre-
nia. menti conceptaculum. Secundaria actio est re-

tinere: debet enim lotium ad tempus contineri, ne cogamur omni hora meiere: fortassis non tam vite aut sanitatis causa, quam civilis societatis. Si non retineatur, vrine incontinentia dicitur, seu mictus inuoluntarius, quo vitio laborant pueri qui stragulas permingunt, & qui paralyfi vesicæ laborant: Musculus enim rotundus vesicam, veluti ligamenta crumenam, claudit aperitque: Claudit, comprimendo sese, vt retineatur: aperit, sese relaxando seu dilatando, vt excludat. Excretio verò aboletur, minuitur, aut deprauatur: Quando lotium omnino non excernitur, *ισχσρία* vrinæ suppressio dicitur: Quando imperfectè & laboriosè excernitur, *δυσουρία* mictus laboriosus: Quando deprauatur, vt cùm guttatim stillat, *σπασσρία* seu stillicidium vrinæ nominatur. Celsus vocat substillum. De his omnibus symptomatis differendum est, ab *ισχσρία* ducto initio.

DE ISCHORIA SIVE

vrinæ suppressione.

CAP. XXXIII.

Causa.

Quoties vrina supprimitur, ex tactu considerabis si vesica sit inanis, an plena. Plenam dignosces ex circumscripto tumore: inanem ex subsidencia. Esto plena, suppressionis causa in vesica ipsa quærenda est, non aliùs repetenda: obstruaturne, an sit impotens excernendi, tacita mente cogitabis. Galenus scribit aliquando tam esse obtusum sensum vesicæ, vt

non sentiat se stimulari: obtundi autem frigore, utpote cum vesicæ admota sunt, aut iniecta valdè refrigerantia. Quæ sententia (ut obiter hoc dicam) mihi non admodum placet, quia frigore immodico potius resolvitur, & vrina præter voluntatem excernitur.

Aliquando post arduas febres, & largum aquæ potum vrina subsistit: fortassis quòd valdè plena vesica se comprimere non potest, hoc enim imprimis requiritur ad excretionem. Propterea tum manu comprimenda est ut excernat. Fingamus quempiam dum in senatu, aut apud principem diceret, lotium per diu retinuisse: inde fiet, ut postea volens micare non possit, quia vesica plena usque adeò tenditur, ut se comprimere non possit, hunc defectum manus supplebit.

Obstructionis causa, ut lapillus, grumus, caruncula catheteris perquirenda, atque etiam si fieri possit, dimouenda. Verùm memineris inutilem esse usum catheteris, si vesica fuerit inanis, quia causa urinae suppressæ est in renibus, aut in urina ductibus: inutilem quoque si supprimatur ab inflammatione, quia augetur inflammatio & dolor ingens frustra excitatur.

*Catheter
quando in-
utilis.*

Remedia accommodari debent causæ. Obstruens causa catheteris dimouenda: clysteres acres, addito multo succo parietariæ, mercurialis, excretricem potenter stimulant. Parietaria frigatur in oleo chamæmeli & scorpionum, atque pubi applicetur. Detur cassia vel terebinthina; paretur infusus ex quatuor remollientibus, chamæmelo, nasturtio, maiorana, pule-

Curatio.

*Phlebotomia ubi lo-
cus.*

*Cantharis
integra cur
sumi debet.*

gio, origano: theriacæ 3. j. datur vtiliter cum decocto cicerum, quando supra vesicam subest causa suppressionis: Phlebotomiæ non est locus, nisi sit suspicio inflammationis præsentis, aut imminētis. Cimices positi in ductu penis excretricem stimulant. Dari etiam debent diuretica, quæ in Ascite iam dictata sunt, vt cantharis vna integra. Cur das integram? quia alæ & pedes sunt ventris alexipharmaca: cum foris applicantur ad vesicas excitandas, inutilisunt alæ & pedes. Quando assumuntur, debent dari integræ, vt quæ ventri inest cacoëthia, ab alis & pedibus corrigatur. Tamen quia proprietate vesicam ledunt & vlcérant, malim in affectibus vesicæ isto remedio abstinere. Vritur caput picæ, & pulueris 3. j. exhibetur cum vino albo. Alij magnam vim mouendi vrinas attribuunt erinaceis, caro vritur in furno, puluis exhibetur cum aqua raphani aut parietariæ, cicerum rubrorum aut nigrorum. Quidam vrunt eorum duntaxat intestina, alij dant puluerem trium vermium terrenorum cum hydromelite, alij vrinam porcelli, alij pueri.

DE DYSURIA.

CAP. XXXIV.

DYsuria videtur tantum differre ab ischuria intensiōe & remissione. Sub ischuria mictus aboletur. Sub dysuria minuitur, estque

laboriosus, proinde non est opus nouis remediis.

DE STRANGURIA.

CAP. XXXV.

Quedam est primaria, quæ accidit renū, aut vesicæ affectu primario, altera secundaria, ut quæ succedit inflammationi, vel vlceri vteri, aut recti intestini, quia vtriusque tumor vesicam premit, & ad excretionem præproperam cogit. Iuuenibus sæpe accidit propter acrimoniam vrinæ, quam illa acquirit renum, hepatis, sanguinis feruore: potissimum si vsi sint cibis valde calefacientibus, ut mero copiosiore, piperatis, acribus. Accidit etiam propter lapidem in vesica, tum propter vlcus renum, aut vesicæ, quia sanies assidue pungit, vlcerata vesica non potest diu continere lotium. Senibus aliquando accidit, quia pituita salsa & putris vrinæ permiscetur, solétque illis commori stranguria.

Stranguria differentia.

Causa.

Recognoscenda igitur causa, ut in senē, senēna & agarico pituita repurgetur, vel detur terebinthina lota in aqua plantaginis. In iuuenē, renes, hepar, & sanguis, cassia & missione sanguinis primū temperentur, abstinētia vini, iusculis refrigerantibus, emulsionibus, hordeatis. Utantur etiam syrupo violato, aut nenupharino cum ptisana. Iniiciatur mucago seminis psyllij cum aqua hordei, aut oleum ex

Curatio.

semine cucurbitæ, quod paratur vtraleum amygdalarum dulcium. Balneum aquæ tepidæ benè facit. Verùm si oriatur malum ab vlcere, inflammatione, calculo, propria habent remedia. Ignota causa, iniiciantur clysteres, detur lac asinæ, aut capræ. Ad dolorem demulcendum, vtantur aqua alba. Caue autem ne diureticorum vsum morbum augeas.

DE INCONTINENTIA

*urina, seu mictu inuoluntario
ob paralyfin vesicæ.*

CAP. XXXVI.

REsoluto sphinctere, aut illius neruis, qui ab osse sacro oriuntur, malè affectis, vrina præter voluntatem effluit: Tum præmissa purgatione ex decocto neruali, in quo senna & agaricus bullierint, præscribenda opiata ex conseruis nerualibus, fotus ex iisdem vino incoctis: impleatur sacculi primula veris, iua arthritica, saluia, maiorana, floribus anthos, stæchados, chamæmeli, qui vicissim applicentur pubi, perinæo, nec non lumbis. Statim à fotu prædictæ partes liniantur vnguentis, aut oleis nerualibus de castoreo, costi, cinnamomi, vulpis. Iniiciantur sepe clysteres, qui constent decocto neruali, quia rectum intestinum proximum est & immediatum vesicæ. Iniici possunt in vesicam ipsam olea & aquæ: saluiæ, primulæ veris, rutæ, stæchados, vel coquantur in vino,

*Clysterum
vtilitas.*

dissolue in colatura syrupi de stœchade parum, fiat iniectio per syringam. Circa finem ad robur misce leniter adstringentia, vt parum syrupi de absinthio. Memineris ab initio prædicere morbum fore longum & difficilem.

DE MEIENTIBVS
in lecto.

CAP. XXXVII.

PRæter imaginationem, quæ nobis potissimum dormientibus operatur, concurrunt musculi rotundi laxitas, urinæ copia, aut acrimonia stimulans. Primum curentur pilulis de quinque generibus myrobalanorum, aut expressione 3. ij. rhabarbari infusi in decocto neruali, aut aqua betonicæ, saluix. Iniiciantur etiam clysteres ex nerualibus, dissolue mel anthosarū, vel aliquod oleum neruale. Liniantur pubes & perinæum oleo de castoreo, quinetiam illius 3. j. detur per aliquot dies, cum hydromelite. Dentur etiam quæ proprietate imbecillio-

Specificæ
vesicæ
roboran-
tes.

rem vesicam roborant, vt vesicæ capræ, ovis, suis, tauri; siccantur in furno, puluis datur à 3. j. ad 3. ij. cum vino: Galen. tamen 9. τζ' τβ-πρ, exhibet cinerem vesicæ ovis cum posca. Aëtius suadet, vt pulmo hœdi assatus per triduum comedatur à ieiuno sine pane. Profunt etiam cerebrum & testes leporis; si placet, testes coquantur in vino, vinum bibatur & testes edantur. Lingua quoque anseris & guttur

galli, aut gallinæ urantur, pulvis detur cum tepida. Vulgare est (Galenî tamen auctoritate confirmatum) farcimen ex muribus.

Ceterum differt a paralyfi vesicæ, quia etiam vigilantes meiunt inuoluntariè, quibus resoluta est vesica: qui verò se permingunt, tantum dormientes.

DE MORBIS INTESTINORUM.

CAP. XXXVII.

*Tenuium
intestinarum
officium.*

INtestinum continuitate est vnum, substantia & vsu multiplex; hinc tria crassa, totidem tenuia: Tenuibus excipitur chylus, eorumque calore perficitur: habent enim, vt substantiam eandem cum ventriculo, ita similem vim, nempe chylicam, si non parem: Venæ mesaraicæ sugunt alibilem portionem, crassam & terrestrem relinquunt (primæ coctionis excrementum:) ex qua in tenuibus intestinis incipit fieri stercus, perficitur in crassis, tandemque a recto, vt onus graue, excluditur. Patiuntur omne genus morbi, similem, organicum, & communem. Intemperiem quippe omnem, calidam, propter quam thermochilii ab Hipp. dicuntur: quorum feces indurantur, aluus sicca, pigra, difficilis: Frigidam quoque, ex qua, vt stomachici, ita cœliaci nominantur, quasi ἀτροφία seu imbecillitate intestinorum laborant, vnde fluor cœliacus. A siccitate aluus astricta: ab humi-

ab humiditate, laxa.

Ad morbos numeri referri possunt vermes, *Plura in generali methode.* quandoquidem eorum exortu, expullulat no-
ua & inutilis substantia. Eodem referri potest lapis, qui nonnunquam in colo, vt in vesica generatur ex pituita crassa & viscida, quæ illic plurima congeritur. Frissimelica, affirmante Capiuaccio, post coli longos cruciatus excreuit lapidem, qui oui gallinæ magnitudinem superabat. Simile quiddam non semel Fernelius obseruauit. Nisi malis vtrumque, calculum dico, & vermem, ad obstructionem reuocare.

Ad morbum situs pertinent Bubonocoele, & *Morbi situs.* Enterocoele: prolapsus alicuius intestini in inguen, aut scrotum. Quò etiam referri potest procidentia ani.

Inter morbos conformationis primas tenet *Conformationis.* angustia seu morbus in meatu, cuius differentie sunt obstructio, coarctatio, compressio, coalescentia, subsidencia.

Obstruuntur intestina flatu, pituita, vermibus potissimum latis, & calculo. Coarctantur assumptis, admotis, aut iniectis nimium adstringentibus. Narrat Fernelius puellam immodico vsu cydoniati ita coarctasse intestina, vt materia per os refluyente intra biduum interiorerit. Læuigantur etiam & lubricantur oblita multo mucò, vnde lienteria.

Morbi communes sunt inflammatio coli, *Communes.* ilei, ani. Non dubito cætera quoque intestina posse inflammari, sed rarius, nec alius egent remediis. Vlcerantur quoque humoris acrimonia tam tenuia quam crassa, vt in vera

dysenteria. Pergamus ad symptomata, cum de propositis morbis differuerimus sigillatim.

*Curatio.
intemperiei
calida.*

Qui sunt aluo calidiore, sunt etiam sicciores, propterea refrigerantibus uti debent quæ humectent, ut iusculis ex violaria, althæa, lactuca, portulaca, iusculis prunorum, prunis damascenis, cerasis, cassia, diapruno simplici, tamarindis, catholicone, clysteribus emollientibus ut ex decocto omas. In decocto clysteris communis dissolue looch de cassia, mel violatum & oleum violaceum.

*Cæliaci
fixum.*

Cæliaci verò utantur his, quæ ad intemperiem frigidam ventriculi præcesserunt: Aluo humidiori convenient quæ deinceps fluori alui. Notabis obiter, ut siccitate fæces retinentur, ita humiditate liberaliùs excerni, propterea siccam aluum esse difficilem: humidam verò facilem & lubricam.

Inter morbos organicos primi occurrunt morbi in numero, calculi & vermes: Materia autem calculi, nempe pituita, deturbetur acrium enematum usu frequenti, in quibus colocynthis bulherit. Ita enim si quis lapis in colo restiterit, tandem attrahetur.

DE VERMIBVS.

CAP. XXXIX.

DE vermibus imprimis queri potest, cui bono generentur, si modò omnia fiant à natura in hominis usum. Eadem quæstio de cimici-

bus & pediculis moueri solet. Respondent Peripatetici, materiam putrem dispersam per aëra, (que alioqui cum aëre inspirata homini esset infensissima) absumi & conuerti in ista animalcula. De vermibus idem dici potest: pituita enim putris ex qua generantur, maiora adferret incommoda, quam vermes ipsi: Præstat eam animari (inquit Auicēna) quàm in dies magis putrefieri.

Finis generationis verminum.

Ascarides fiunt in recto intestino (sunt vermiculi similes iis qui in caseo putri reperiuntur) ἀπὸ τῆς ἀσκαρίδων, quia assidue pungunt anũ.

Ascarides.

Lati vermes in mediis intestinis. Longi seu rotundi in omnibus quidem, sed potissimum in tenuibus generantur. Ne negligentur, inquit

Tania.

Paulus: nam quidam conuulsi, alij exesi a vermibus moriuntur. Dignoscuntur, quod pueri (qui maximè omnium hoc morbo vexantur

Rotundi.

propter cruditatis copiam ab ingluuie) a somno expergiscuntur cum saltu, tremore, clamore: pulsus illis paruus. Quibusdam non aliter quàm hydropicis venter intumescit, alij vt epileptici conuelluntur. Dormientes habent os humidum, vigilantes siccum.

Signa diagnostica in genere.

Lati hoc habent proprium, quod appetentiam augeant, quia chylum assidue sugunt hinc ieiuni cruciantur, dolor autē placatur cibo. Vires sunt longi 30. pedes. Certissima est eorum nota, cum excernuntur similia cucurbitæ semini.

Signa latiorum.

Longi mordent stomachum & cruditatem inducunt. Quando ascendunt, nares pruriunt. Si ergo dolor sentiatur supra vmbilicum, credibile est esse longos: si in medio ventre, esse latos. Si in podice, esse ascarides. Falsum est, in-

Longorum.

Ascaridum.

teriolem tunicam intestinorum in latum vermem permutari, quia integris intestinis exeunt: Quod si mortem adferant, tunica interior integra apparet in dissectis.

*Ascaridum
curationis.*

Ascarides (vt inde curationem exordiar) iniectionis acribus, salis & amaris potius quam assumptis, interficiantur. Acribus & salis, vt iniectionis muria: Amaris, vt clystere ex absinthio, tanaceto, scordio, centauro minore, coriandro, ruta: In decoctione dissolue hieræ colocynthidos ℥. β. olei rutæ, absinthij, amygdalarum amararum vel de nucleis persicorum ℥. iij. Vel ℥. suppositorium commune, acuat 3. ij. hieræ colocynthidos. Suppositorium ex lardo eos inuiscat, sinatur diu, illigatum filo: vt retrahi possit. Iuuabit quotidie dare pilulas ex aloe, paulò ante cibum.

Longior.

Longiallicientur clystere ex lactis lb. j. sacchari vel mellis ℥. ij. butyri recentis ℥. iij. oleum enim refugiant. Interim venter liniatur oleo de absinthio, mox conspergatur puluere hieræ simplicis, vel colocynthidis, vt ob amaro compellantur ad querenda dulcia. Sumatur expressum 3. ij. rhabarbari infusi in aqua cichorii, in quo dissolue syrupi de parte acida citri ℥. j. vel detur 3. j. aloes, vel ℥. β. hieræ picræ forma boli, propter amarorem inuoluatur obeliis vino madidis. Theriaca vetus & mithridarium profunt tam sumpta quam admota, sumatur 3. j. Ex semuncia, paretur emplastrum umbilico ad mouendum. Infantes bibant aquam graminis infusionis rhabarbari, eorum pulicula conspergatur puluere cornu cerui,

Morbi intestinorum.

325

eiusdem medulla venter & spina liniantur: *Cervorum antipathia cum vermibus.*
Nam vt serpentes, ita vermes, cerui, antipathia fugant: vel puluis corallinae immisceatur pul-
culæ. Detur puluis contra vermes cum melle, vel cum pomo cocto, cum prunis, cum vitello oui. Aut paretur placentula ex farina & vitellis, immiscendo puluerem prædictum vt fallantur.
Datur etiam barbotina, quæ fit ex semine absinthij pontici saccharo dulcorato. *Barbotina quid.* Pauperibus al-
lium satis erit sumptum, aque etiam cum aceto tritum & forma cataplasmatibus ventri admo-
tum. Vel ℥. farinae lupinorum ꝑ. ij. coquantur in oleo de absinthio cum aceto aut vino, adde pulueris hieræ colocynthidos ꝑ. ij. aut trochiscorum alandal ꝑ. j. fiat cataplasma.

Latiferrè commoriantur, exucto chylo, *Latorum curatio.*
paulatim corpus emaciant: Excreta, similia feminibus cucurbitæ non sunt eorum partus, sed partes potius aut excrementa, alioquin pluri-
mi simul gignerentur, cum tamen raro duo si-
mul existant: Galen. octavo simplic. puluerem radice filicis dat pondere semuncie cum me-
licrato. Liniatur etiam venter circa umbilicum vnguento de arthanita, quo interficientur si-
mul & deturbabuntur. Detur trochiscorum alandal ꝑ. j. ex quo fiant pilulæ duæ.

DE HERNIA.

CAP. XL.

PRæcessit morbus numeri, sequitur mor-
bus in situ. Quando aliquod ex intestinis

x iij

*Hernia d' f.
frenia.*

in inguen duntaxat descenderit, bubonocеле dicitur: Hippocrates enim glandulas inguinum appellat bubones. Celsus tamen vocat bubonocelen, quando varices tument in inguine: hic morbus mulieribus & viris communis est: Si verò in scrotum vsque prolapsum fuerit intestinum, enterocеле nominatur, morbus virorum proprius.

Causa.

Accidunt peritonæo rupto, aut relaxato. Vtro modo adueniant, imprimis diligenter perquirendum est, quia hernia ex peritonæo rupto, nullis agglutinantibus sanescit. Triplici tamen chirurgia quidam pollicentur se descensum intestini in scrotum impedire posse: Cauterio primum actuali, vel potenciali: Deinde filo aureo, quo ligant peritonæi processum, per quem dilatatum intestinum descendit in scrotum. Tertius modus est omnium certissimus, nempe amputatio testis. Albucasis exponit quinque modos diuersos ab eo qui legitur apud Paulum libro sexto.

Quod si acciderit relaxato duntaxat peritonæo, medicamentis est locus, quæ adstringant & desiccant. Ergo ad diagnosim.

*Peritonæi
rupti aut
dilatati si-
gna.*

Da imprimis operam, vt causam & modum rupturę discernas. Discernes autem, quod sensim & indolenter intestinum procidit relaxato peritonæo: confertim verò & cum dolore, eodem rupto. Beniuenius obseruauit tussim discissum peritonæum. Adde quòd præcessit aliqua causa violenta, & quòd intestinum immediatè attingit scrotum, quoties ruptum est peritonæum, eodem dilatato minimè, quia ab

eo inuoluitur : Ileon frequentius procidit
quàm cetera. Faciamus itaque, exempli gratia,
baiulo, qui prius non fuerat de hernia con-
questus, cum ingens pondus è terra attollere
conaretur, repentè inguen, scrotum, aut ven-
trem intumuisse : (est enim hernia quædam
ventris,) non erit dubitandum ruptum esse
peritonæum. Fernelius existimat solam tuni-
cam interiorem rumpi. Tùm satis erit, prola-
psum intestinum reponere, repositum subliga-
culo continere. Verum si paulatim deuolutum
sit, primum in inguen, deinde in scrotum, sine
violenta vlla causâ, relaxatum est peritonæum:
qua causâ infantibus frequentissime prolabi-
tur: sunt enim humidiores, sed cum ætate pau-
latim resiccatur processus, aucto calore: huic
tantum causæ, id est dilatato peritonæo desti-
nantur quæ sequuntur remedia. Repurgetur
corpus expresso ꝓ. ij. rhabarbari, myrobalanis,
bolo ex diapruni solutiui & cydoniati semun-
cia: deinde cum philtro aut spongia foueatur
inguen vino decoctionis malicorij, balaustio-
rum, nucum cupressi, gallarum, aluminis. A
fotu applicetur vnguentum comitissæ, aut em-
plastrum contra rupturam, aut misceantur
cum oleo nyrtillorum; renouetur quinto quo-
que die, tum foueatur inguen decocto prædi-
cto. Quoties remouebitur, memineris partem
digito comprimere, ne descensu intestini mea-
tus dehiscat: Contineatur in lecto per dies
quingenta: Quinetiam quando incipiet
exire domo, totidem diebus gestet emplastrum

*Curatio
hernia à
dilatato
peritonæo.*

*Pulvis cō-
solidans.*

prædictum, quod arctè subligaculo contineatur. Interim, Pauli consilio, detur quotidie vinum decoctionis nucum cupressi: vel hic pulvis Guidonis: ℞. trium consolidarum, althææ, sigilli sanctæ Mariæ, vtriusq; plantaginis, valerianæ, pimpinellæ, añ. ʒ. j. nucum cupressi, nucis moschata, cinnamomi, rhabarbari assî, fructus tamarisci, cumini cū aceto præparati, coriandri, añ. ʒ. ij. sanguinis draconis, thuris, mastiches, mumia, terræ sigillatæ, boli armeni, picis, sarco-collæ, tragacanthæ, añ. ʒ. j. fiat pulvis, de quo capiat quotidie ʒ. j. cum ʒ. ij. vini rubri. Quidam contenti sunt dare quotidie ʒ. j. cōseruæ consolidæ maioris, alij tantundem pulueris osmundæ regalis, alij pulueris nucleorum dactylorum, alij radicis valerianæ, alij herniariæ (quæ Holle-riana dicitur) parē dosim exhibent cum vino. Si placet, ex omnib. cōmistis paretur hæc opiara. ℞. cōseruæ symphyti ʒ. ij. pulueris nucleorum dactylorum, pulueris osmūdæ regalis & herniariæ, radicis valerianæ, añ. ʒ. ss. cum succo scabiosæ, qui in eo affectu miras vires habere creditur, fiat opiata, de qua æger capiat quotidie saltem ʒ. ij. Ego Guidonis alterum modum omnibus prætulerim: Repurgato corpore, per triginta dies ille exhibet quotidie ʒ. j. limaturæ chalybis cum vino rubro. Interim applicat inguini vnguentum apostolorum, subactum cum puluere magnetis. sic enim fiet vt magnes attrahat ferrū ad locū rupturæ primis quindecim diebus, tum renouandum erit emplastrum: regenerabitur enim super locum callus seu carnositas, quæ erit certum signum perfectæ curationis. Toto

*Magnetis
usus.*

tempore curationis utatur hidrotico, ut decocto ligni sancti, vel zarsæparillæ, pro ordinario potu, ad exsiccationem partis.

Huc commodè referri potest epiplocele, de- *Epiplocele*
scensus omenti in inguen, aut scrotum. *quid.* Distin-
guetur ab enterocele, quod omentum ut est
mollius intestino, ita sine strepitu reponitur:
intestinum vero obmurmurat, cum suo loco
redditur: Cæterum, ut bubonocèle mentitur
tumorem inguinum, ita retrahum testiculum
memineris, nonnunquam mentiri bubonocè-
len. Non ita pridem vidi testiculum, quem na-
tura à prima constitutione in inguine colloca-
rat: cuius descensum procurauimus fotu, cata-
plasmate, semicupio emolliente.

Quod si totum intestinum deuolutum sit in
scrotum (hernia completa rùm dicitur, vulgò
crepatura (*greuure*) si reponi nō possit, fiant fo-
tus qui emolliant, & resoluant, ex 4. remol- *Hernia cō*
lientibus, chamæmelo, semine lini, & fœnugræ- *pleta cu-*
ci: ex iisdem, aut ex hydrelæo, infusus. Interim *ratio.*
dum æger in eo stabit, chirurgus conabitur il-
lud reponere: aut elatis cruribus succutietur,
dato prius suppositoio, aut clystere acri. Celsi
consilio vena in brachio secanda. Extremum est
remedium incidere peritonæum. In ediam trium
dierum imperat, si vires ferant, alioquin parcè,
& per longa interualla nutrit. Idem Celsus non
probat vehemens catharticum, quia ut ait, plu-
rimùm ducit ad partem, non educit.

DE VOLVULO.

CAP. XLI.

Fortassisilei contorsio & reduplicatio, quæ voluulus dicitur & conuoluulus, ad morbum in situ potius, quàm ad obstructionem referri debet. Saltatoribus, & histrionibus aliquando tenuia intestina intorquentur. Filius domini Perrei medici celeberrimi, voluulo interit. In dissecto ileum ita replicatum inueni, ut chirothecæ digitus contraheretur.

Voluuli curatio.

Huic morbo, Dioclis consilio, succurritur exhibito globulo plumbeo, vel aureo: pondere enim reducit intestinum in naturalem situm, materiam obstruentem, si quæ sit, deturbat. Galenus libro de remediis paratis facilibus, in iliaca passione plurimum laudat oleum amygdalarum dulcium, aut amararum, per os sumptum. Quidam affirmant sanguinem vespertilionis illitum prodesse. Alij laudant oleum rosaceum, in quo bullierit exuuium siue senectæ serpentis; quæ si iuuant proprietate, iuuant etiam manifesta qualitate.

DE ANI PROCIDENTIA.

CAP. XLII.

Causa relaxationis.

Curatio.

Eiisdem est generis procidentia ani, quæ cum inueterauit, à vulgo *morbus sancti Fiacrij* nominatur. Procidit autem anus, relaxatis duobus musculis obliquis, à quibus sursum trahitur, necnō sphincter relaxato, aut resoluta, quæ paralysis ani tum dicitur.

Priusquam, reponas, considerabis duo. Pri-

num, si subsit inflammatio. Secundum, si multo mucus sordeat, quia utrique prius consulendum est, quam reddatur suo loco. Inflammationi subueniendum, vena primum in brachio, deinde in poplite secta, & admoto rosaceo, agitato cum oui albumine: Mucus verò hydromelite, aut vrina propria detergendus. Faciamus neutrum adesse, mox reponi debet. Verum si consuevit procidere, ad recidiuam impediendam, prius foueatur aliquo decocto neruali & astringente, vt saluix, anthos, stœchados, rosarum rubrarum, balaustiorum, quæ omnia bulliant in aqua fabrorum. Si malis, foueatur vino decoctionis thapsi barbat, plantaginis, centinodix, gallarum. Statim à fotu vtiliter respergetur tenuissimo puluere ex corallo, mastiche, myrtillis, sanguine draconis. Aetius laudat puluerem cochlearum vistarum. Postea ad adstrictionem maiorem, ℞. mastiches, thuris, ladani, an. ʒ. iij. fiat puluis crassus pro suffitu ani: aut excipiat vaporem prædictæ decoctionis nerualis astringentis, per infundibulum, aut per cathedram perforatam. Poterit ex iisdem parari in sessus. Si placet, bulliant in aceto, cuius proiecti in lapidem molarem fumum ano excipiat. Quoties æger deiecit, insideat selle, cuius foramen non excedat foramen podicis. Cucurbitulæ in fine ossis sacri appositæ, utrinque vna, veluti manu releuant, continentque prolapsum rectum intestinum.

Fotus.

Intentatis remediis, Leonidas obducit viam crusta, quâ inducit actuali cauterio; applicetur sensim & per interualla externæ & inferiori parti

Vsus cauterij actualis.

ani, quod affirmat fieri posse sine ullo periculo: perfecta operatione superpones lintea imbuta lacte & melle, quæ contineantur fascijs, ut decet, cum crusta exciderit. Vtere cataplasmate ex lenticulis & melle, tandem epulotico, ut diapalma.

*Colici do-
lores unde.*

Hactenus intemperies, morbi quoque numeri & situs. De obstructione non videtur hoc loco pluribus differendum: quia si obstruantur intestina à vermibus, deturbari debent descriptis iam remediis. Si à flatu, aut pituita, quæ potissimum in plicis & veluti cellulis coli solent asseruari, unde colici dolores à flatu, aut à pituita: opportuniùs ad hunc locum remitteretur, quia neque de obstruente flatu, neque de pituita ægri conqueruntur, nisi cum dolores & torsiones in ventre excitant. Læuitas quoque ad lenteriam pertinet: Itaque à morbis organicis pergendum ad communes, nempe inflammationem & vlcus.

*DE ILEO SEV CHORDAPSO,
& inflammatione coli.*

CAP. XLIII.

INflammatiõ ilei, à parte afflicta εἰλεος seu εἰλεόσις nominatur: quam indicat tumor supra vmbilicum cum febre & dolore tensiuo: tenditur enim ileum instar chordæ, unde ilcosim chordapsim veteres nominabant. Obseruauit Beniuenius nō semel, tensione ruptum intesti-

num. Accedit primùm vomitus, deinde singul- *Ilei signa.*
tus, postea conuulsio & desipientia, quæ, vt est
in Aphorismo, sunt funesta signa. Notat Gale- *Aph. 10.*
nus, non semper iliaco dolori succedere vomi- *sect. 7.*
tum: sed quoties succedit, esse lethalem: pro-
pterea à vulgo tum *miserere mei*, nuncupatur.

Inflammati colo sentitur tumor infra vmbi- *Coli infla-*
licum cum dolore & febre. Inflammati recto, *mati signa*
præter tumorem, dolorem & febrem vrget te-
nesmus, inanis & assidua desidendi cupiditas,
clyster, etiam ex lacte, offendit, neque siphon- *Recti.*
nem ægri admittunt. De his omnibus scripsit
Hippocrates: *Dolores ventris sublimis*, id est,
quorum materia est extra peritonæum, *maliqui-* *Aph. 7.*
dem, non funesti: interiores verò lethales. Nam vt *sect. 6.*
ilei, ita coli & recti phlegmone, exitialis. Colica
inflammatoria, inquit Auicenna, exitialis, &
Hippocrates *alio Aphorismo*: In diuturno & *Aph. 22.*
contumaci dolore ventris, nisi mors anticipet, *sect. 7.*
expectanda suppuratio. Subest enim phlegmo-
ne, quæ degenerabit in abscessum, quo rupto se-
quetur vlcus immedicabile. Item habet hoc
proprium & inseparabile signum, quòd sub eo
nil aliud reddat, etiam acri clystere sollicita-
ta: qua nota distinguitur à dolore colico.

Omni intestinorum inflammationi vnicum *Curatio.*
& commune remedium est venæ sectio, primùm
in brachio, postea in pede: catharticis enim,
aut abstinendum est, aut minoratio tantum,
vt cassia & catholicon vtendum, ne ducant ad
partem affectam: In ileo iniiciantur remollien-
tes clysteres, quales fiunt ex decocto capitis &
pedum arietis. Abscessus & vlcera in tenuibus

intestinis, potissimum verò in ileo, sunt funesta, in crassiss non ita.

Vnde obiter quæstio illa soluetur, an dolores iliaci sint acerbiores colicis: nam Galenus 2. *τὸ πρῶτον*, scribit multos colici doloris acerbitate victos sese interfecisse. Respondetur, iliacos dolores ab inflammatione esse acutiores & funestiores: sed à pituita, aut flatu replente esse frequentiores in colo & acerbiores, propter pituitæ & flatuum maiorem copiam, à quibus colum distenditur. Obseruavi ileum ex scirrho mesenterij compressis intestinis. Siue ergo inflammentur, siue obstruantur, siue comprimantur, fæces per os possunt remeare: nam & ileos ad enterocelen, atque etiam ad bubonocelen consequitur. De ulcere opportuniùs cùm de dysenteria.

DE SYMPTOMATIS PRIMI

*& secundi generis: ac primum
de alui fluore.*

CAP. XLIV.

*Excremen-
torum in
morbis ne-
cessitas.*

Cuiusque coctionis suū est excrementum, sterqus primæ, lotium secundæ, sudor tertiæ, quæ in benè habentibus per loca conuenientia natura expurgat: At cùm morbo vexamur, actionesque præsertim naturales peruertuntur, in singulis coctionum officinis, multa alia excrementa generantur, quæ natura quâ potest excludit: ut plurimum verò per aluum,

quia totius corporis veluti sentina est. Expurgando quidem primæ coctionis excremento naturæ primo instituto destinatur: secundario tamen seruit totius & nobilium partium excrementis excipiendis atque deturbandis: in hanc cloacam totum corpus, atque etiam singulæ partes quæ per morbos colligunt excrementa, deponunt: hinc deiectionum totæ differentię, diarrhœa, fluor humoralis: Dysenteria, fluor sanguinolentus: Lienteria, alimenti crudi deiectio: Cœliacus fluor, deiectio chylosa: Syntecticus, deiectio pinguis, & oleosa, ex syntexi seu colliquatione totius corporis. Diarrhœa rursus multiplex pro varietate humorum qui excernuntur: alia enim est pituitosa, alia biliosa, alia melancholica. Fluor quoque sanguinis multiplex pro dissimilitudine sanguinis deiecti: serosus, biliosus, melancholicus. Distinguuntur humor & sanguis, quod sanguis excretus, in pelui mox cōcrescat, humor nunquā: Itaque ut species floris distinguatur, obseruari debet deiectionis qualitas: si stercus per morbum deiciatur, inde stercoraria deiectio dicetur, quam Hippocrates scribit portendere morbi longitudinem: Si humor, diarrhœa: si sanguis, dysenteria: si veluti oleum, colliquatiua: si alba, tenuis, aquea, cœliaca. Si alba quidem, sed crassa, chylosa propriè nuncupetur.

Cum ex qualitate excreti hoc modo speciem deiectionis distinxeris, ubi illius sit fons & origo, seu terminus à quo diligenter perquirendum est: Biliosam enim deiectionem

*Alui off-
cuius.*

*Fluxuum
alui norū
differentia*

Distinctio.

*Origo &
causa.*

ab hepate calidiore procedere, melancholicam à liene: pituitosam, ut plurimum à ventriculo, nunquam à cerebro verisimile est: Chylosam verò ab obstructione mesenterij, hepatis attractrice languida, vel à ventriculi, & intestinorum imbecillitate: sanguis aliquando procedit à magnis venis, ut suppressis mensibus, aut hæmorrhoidibus, aut à mutilatis, dum copiosus per intervalla deicitur. Aliquando à liene,isque crassus & niger profluit, ut ab hepate tenuis, feruidus, denique biliosus. Ab eodem hepate frigidiore, imbecilliore, prodit serosus, coctricis & retentricis vitio: si malis, quia non potest serum à sanguine secernere, illius permixtione sanguis excluditur aqueus, similis loturæ carniū recens maceratarum. Qui quidē fluor ideo hepaticus nominatur, quòd illius insigni vitio contingat. Nihil tam frequens in facienda medicina, quam alui fluor, nihil tamen adeò inuolutum. Efficiam ut methodus tenebras istas discutiat.

Fluoris critici signa.

Symptomati.

Imprimis, distinguendus alui fluor criticus à symptomatico, eo quòd criticus leuat ægrum, minuitque morbum & morbi symptomata. Item accidit die critico, ut 7. & 14. præcedentibus signis coctionis. Propterea fluor qui accidit primis diebus morbi, non potest esse criticus, quia non potuit humor peccans coqui: natura autem excernit cocta, non cruda. Symptomaticus verò non accidit robore naturæ seu excrettricis, sed vi & copia materiæ, retentricis imbecillitate, proinde minuit vires, non morbum. Esto igitur fluor criticus. Sinendus erit, nisi excedat

cedat septem dies, auctore Celso, aut tãto feratur impetu, vt prosterнат vires: natura enim nõ potest semper suos motus regere: idem illi nonnunquam accidit, quod ei qui per decliue descendit. Quinimò symptomaticus fluor non est protinus sistendus, quia humor morbosus temere suppressus, inducit morbum priori deteriorem, vt apoplexiam, lethargum, delirium, si refluat ad cerebrum. Propterea medici prudentiores in alui fluore humoralis solent initio dare catharticum humori peccanti conueniens, si magna sit impuritas, vt iuuent conatum naturæ, cuius sunt ministri. In diarrhœa pituitosa, exempli loco, dabis catholici ℥.j. cum ℥.j. agari- ci trochiscati. In biliosa catholici & rhabarbari tantundem. In melancholica catholici ℥.vj. confectionis hamech ℥.ij. Quinetiam etsi non subsit magna humorum colluies, exhibent nihilominus quidpiam quod purget adstringedo, vt decoctum semunciarum myrobalanorum, vel expressionem ℥.ij. rhabarbari.

*Vel in bo-
lo, vel in
decocto cõ-
ueniente.*

In cruenta deiectione cum manifesta subest plethora, ad reuulsionem & vacuationem venam pertundunt.

Estne semper in dysenteria vena tundenda? Minimè verò: nam in fluore hepatico parcen- dum venæ, ne iecur iam plus satis frigidum missione sanguinis refrigeret. In aliis deiectionibus cruentis, licet. In dysenteria vera, ratione inflammationis iam præsentis, aut imminens, & ad reuulsionem: Audetius sanè & liberalius, si febris coniuncta fuerit. Licetne etiam in simplici diarrhœa venam aperire: Di-

*Plethora-
mia an sã-
per conue-
niat dysen-
teria.*

*Longifluo-
ris causa,
ex Hippoc.*

*Diarrhœa
definitio.*

Causa.

stingito: si diarrhœa fuerit biliosa, quia arguitur inde feruor hepatis, licet: Si pituitosa aut melancholica, minimè, nisi fuerit adiuncta febris: sed tum potius ratione febris quàm diarrhœa, sanguis mittitur. Hippoc. enim longi & contumacis fluoris quinque causas videtur agnouisse: Visceris alicuius malam diathesim, propter quã ut perennis sit generatio excrementitij humoris, ita indefinens fluor: insignem obstructionem. Impedita enim anadosi seu distributione chyli, aut alibilis cuiusvis succi, necesse est, ut refluat ad aluum. Syntexin siue colliquationem, ut cum pinguis, oleosus radicalis humor ab ardente, maligna, aut hectica febri colliquatur: Colliquatione enim durante fluor permanet: Phlegmonem, à qua tenesmus, frequens, inane tamen, deiiciendi desiderium: & vlcus, à quo vera eaque difficilis & contumax dysenteria. Verum Galenus lib. de definitionibus Medicis, diarrhœam definit, profluvium alui copiosum & diuturnum, sine phlegmone & exulceratione: ut priore particula distinguatur à tenesmo, inflammatione ani: posteriore, à dysenteria. Adeo ut videantur restare tres causę longę diarrhœa, partis alicuius mala constitutio, obstructio insignis, & colliquatio: Si partis constitutio sit calidior, magna obstructio, colliquatio incipiens, nihil prohibet quin sanguis mittatur: Si constitutio frigida, levis obstructio, colliquatio inueterata, abstinendum venę sectione. Quid multa? considerabitur diligenter non tantum humor peccans, sed pars, quę facit & fouet diarrhœam, ut illi ex arte prospiciatur, nec

tantum astringendis roborandisque intestinis
consulatur, sed etiam parti mittenti, cuius ex-
crementis fouetur.

Conueniuntne adstringētia omni fluori alui? *Adstringē-
tia quando
conueniūt.*
(hoc enim est a purgatione & venæ sectione ter-
tium remedium.) Conueniunt sanè, dum modò
rectè & opportunè exhibita: vno casu excepto,
nisi fluor sit ab obstructione, vt in diarrhœa
chylosa. Augent enim obstructionem, proinde
diarrhœā. In cæteris vti possis tuto, generalibus
præmissis, astringentibus, vt iulepo rosato cum
aqua chalybeata, aut vino chalybeato, saltem
diluto aqua ferrata, in causa frigida & ventricu-
lo frigidior.

Quibus veluti iactis fundamentis, de singulis
differentiis, sigillatim disseram, si prius ex Aui-
cenna hæc annotauero: Omnem alui fluorem,
etiam dysentericum & lentericum, sisti si ad-
moueatur ventri magna cucurbitula cum mul-
ta flamma, & illic sinatur per quatuor horas.

DIARRHOEA.

CAP. XLV.

SI fuerit pituitosa, aut à ventriculo & inte-
stiniis procedat vitio primæ coctionis, aut à
cerebri catarrho per gulam in aluum descen-
dente, si spumans & noctu commoueatur
(diarrhœa nocturna dicitur) præsertim post
primum somnum, auctore Hippocrat mandat

y ij

*Diarrhœa
nocturna
sive cephalica cura-
tio.*

à cerebro, quia fluor iste sequitur motum catarrhi: Commouetur autem catarrhus vesperi, alioquin à ventriculo. Si à cerebro (diarrhœa cephalica nuncupetur) purgetur corpus agarico, vel turbit, quæ bullierint in decocto cephalico, vt betonica, saluia, addendo syrupi de stœchade ℥. β. Imperetur deinde adstringentia, potissimum calida, quibus etiam ventriculus, vt pars excipiens, roboretur: capiti verò, vt parti mittenti, cephalicis consulendum. ℥. mastiches & emplastri de betonica, añ. ℥. j. malaxentur cum oleo costino, fiat emplastrum catarrhi suspensorium. Si placet, suffiantur nocturna capitis integumenta ex saluia, betonica, mastiche, thure. ℥. saluia, florum betonica, an. pug. j. mastiches & thuris, an. ℥. ij. fiat puluis crassus pro suffitu nocturnorum integumentorum capitis.

Si à ventriculo procedat, purgandum quoque & astringendum: ventriculus tam sumptis quàm ad motis roborandus. Assumptis, vt vino vel syrupo de absinthio, de menta, tabellis aromatici rosati: Ad motis, vt litu ex oleo mastichino, & de absinthio; fotu ex sacculis plenis absinthio, menta, rosis; qui bullierint in aqua & vini æquis partibus. Vel

*Vomitus
utilitas.*

℥. mastiches & cerati stomachici, an. ℥. j. cum oleo de absinthio, fiat ceratum, quod extendatur super, alura & applicetur ventriculo. Vomitus valdè confert, quia reuellit. Si sponte adueniat, diarrhœam sanat. Pro diarrhœa biliosa initio purgetur corpus leui expressione ℥. i. rhabarbari infusi in aqua endiuia, cum ℥. j.

Morbi intestinorum. 341

fantali citrini, in qua dissolue syrupi de cichorio ℥.j. Postea ut restringas infundatur in aqua plantaginis, & fiat expressio fortis, in qua dissolue iulepi rosati ℥.j. pulueris rhabarbari vstulati ℥.j. Mittendus sanguis, ut iecoris calor temperetur. Hepati ipsi tam sumptis quam ad motis consulendum, qualia ad intemperiem iecoris calidam præcesserunt. Ut obtundatur mordacis bilis acrimonia, quæ torsiones ventris excitat, & dysenteriam minatur.

℥. syrupi myrtini & papauerini, an. ℥.j. cum ℥. iiij. aquæ plantaginis, fiat potio. Conueniet etiam ad eundem usum clyster ex lacte chalybeato, vitellis ouorum, & saccharo rosato. ℥. lactis cocti & chalybeati lb j. dissolue vitellos duorum ouorum, & sacchari rosati ℥.ij. fiat clyster.

Ad diarrhœam melancholicam, primum purgetur humor catholici ℥.x. deinde adstringentibus intestina roborentur, sumptisque & ad motis lieni, ut parti mittenti, prospiciatur.

DYSENTERIA.

CAP. XLVI.

OMnis deiectio cruenta, hæmorrhoidibus exceptis, generalius dysenteria nominatur, siue accidat, natura copia sanguinis grauita, ut in mutilatis & iis quibus menses aut hæmorrhoides, supprimuntur: aut iis qui cum exercitationem consuetam intermiserint, tamen laute viuunt; siue excretrice, biliosi san-
y iij

*Dysenteria
cruenta
differentia.*

*Definitio
exquisita
dysenteria.*

*Curatio
cruenta.*

Hepatica.

*Causa ve-
ra dysente-
ria.*

guinis acrimonia irritata : Galenus enim dysenteriae cruentae utramque differentiam constituit : in una sanguis peccat qualitate : in altera quantitate. Aliquando hepatis ἀτρονία, sanguis deiicitur serosus, tandem similis faeci : quae dysenteria, cum adiuncto hepatica nominatur, ut superior cruenta : absolute verò & sine ullo adiuncto, *dysenteria est deiectio cruenta ab ulcere intestinorum.* Distinguitur à superioribus, quia paucus, sensim & laboriosè sanguis exit, cum ventris torminibus, ex quo symptomate urgentiori à Celso tormina nuncupatur : In aliis duabus differentiis sanguis per intervalla deiicitur, multus, confertim, & indolenter.

Dysenteria cruenta, quae accidit propter copiam sanguinis & mutilatis, potius eget praecautione, quam curatione : Ad praecautiorem quotannis aliquoties mittatur sanguis. Quoties venae erunt tumidae & totius corporis grauitas aderit, plethoram simul & remedium indicabunt. Exerceantur, viuantque tenuiter, ne tantum sanguinis colligatur.

Hepatica requirit ea quae imbecillo hepaticam praescripta sunt, ut expressum rhei, tabellas triasantaliquadruplicato rheo, passulas integras, oxyrhodinum ad iecur, cum cerato santalino, admoveatur.

In vera dysenteria tantisper consistendum est, quae fit aliquando à pituita falsa & putri, non semper à mordaci bile. Materia discernetur ab excreto, tum ab aetate, à temperamento, à vita antea acta : Senibus enim frequentius accidit à pituita, iuuenibus à bile : biliosis à flaua, atrabilariis ab atra bile, quae solet esse lethalis, quia

in intestinis vlcus facit cancrædes, pituitosis à pituita. Qui bibunt merum multum, & generosum, vescuntur calidis, ut piperatis, salis, acerbis, qui valdè exercentur, ut quorum vita in perpetuo motu est, biliosa: abstemij verò, ictyophagi, & qui vitam agunt sedentariam, pituitosa dysenteria frequentius laborant. Vtra peior dysenteria, à bile an à pituita? Certè longior est & contumacior à pituita: quia tenacius hæret difficiliusque eluitur ab intestinis: Acutior verò à bile: Nam bilis quæ committit dysenteriam, solet esse æruginosa, cærulea, atra: Illa ab intestinis primùm abradit mucum: (natura enim intestina illeuit pituita, ut siccis excrementis via sit facilior:) deinde pinguedinem intestinorum, potissimùm si vlcerentur crassa. Discerneretur pinguedo à mucos, si excretum proiiciatur in prunas, quia à pinguedine nidor effumabit, à mucos minimè: Toto isto tempore incipit dysenteria, malumque est in fieri. Perseuerante malo secedunt abrasiones interioris tunicæ, tumque facta est dysenteria, vlceratum est aliquod ex intestinis. An vlcus sit in crasso, an verò in tenui intestino, imprimis distinguendum est: Primò ad prædictionem, quia vlcus in tenui intestino est lethale. Secundò ad curationem, quia assumptis potius quàm iniectis debet curari vlcus tenuium intestinorum: iniectis verò crassorum. Discerneretur autem quatuor signis. Primo eoque manifestissimo, quia ramèta crassorum intestinorum sunt crassiora, quam tenuium: Secundò, quod dolor sentiatur supra umbilicum, tenuibus, infra verò,

Biliosa effectus & gradus.

crassius ulceratis. Tertiò, quòd obtusior sit dolor crassorum, acutior tenuium intestinorum, atque inde febris & sitis maior. Quartò, quòd pus & sanies permiscantur excrementis, cum ulcerata sunt tenuia intestina: syncera verò & impermixta exeant ulceratis crassis. Vlcus in ileo est funestius, quàm in ullo alio intestino, quatuor causis: Primò, propter assiduum bilis appulsus: Secundò, propter viciniam hepatis. Tertiò, propter tenuitatem substantiæ & sensum exquisitum: Quartò, ob venarum maiorem copiam.

*Vlcus ilei
cur perni-
ciosius.*

Curatio.

Remedia sunt diætica, chirurgica, pharmaceutica. Diæta sit tenuis, ne stercoris copia grauet intestina, & vlcus coalitum impediat. Bibat aquam chalybeatā, quæ dulcoretur iulepo rosato, nisi iam senex dysenteria pituitosa laboret, & sit expertus febris: tum enim vinum, sed dilutum aqua ferrata, conceditur: In biliosa, iuscula alterentur lactuca, portulaca, plantagine, acetosa, quibus bilis ob tenuitatem fluxilis inspissetur, & fluor restringatur. Vtuntur hordeatis, amygdalatis, oryza: parentur cum saccharo rosato loco communis, vtantur etiam panatella, pultricia, lacte cocto cum vitellis ouorum & saccharo rosato. Lac capræ, ouis, vaccæ, statim ab vbere sumptum acrimoniam bilis valdè obtundit, cum abest febris: Nam lac dare febricitantibus malum. In eo casu, consilio Dioscoridis, lac coquatur cum tertia parte aquæ ad consumptionem aquæ. In eo candentes silicos extinguantur. Benefaciunt cydonia, corna, mespila, pruna, quia fluorem

*Lac ubi
noxium.*

astringunt & ardorem bilis temperant : denique sit in alimento medicamentum.

Pro chirurgia iterum hoc quærendum, sitne semper mittendus sanguis? In biliosa licet, in pituitosa non ita. Valefcus tamen de hac quæstione ita pronunciat. Valdè senex dysenteria à tribus iam mensibus miserè torquebatur, vocatus in consilium, reluctantibus omnibus aliis medicis, iussi venam aperiri, mox conuulit.

Phlebotomia in dysenteria biliosa.

Pharmaceutica assumuntur, vel iniiciuntur: adstringentibus enim ad motis medici primæ notæ initio censent abstinendum, quia excernenda, vt bilem mordacem, saniem, pus, retinent: Assumatur primùm quod purget humorem peccantem, vt expressum rhei, clysteres lenientes, qui bilis acrimoniæ obtundant simul & fluorem sistant. ℞. lactis chalybeati lb. j. succi plantaginis ℥. iiii. vitellum vnius oui, & sacchari rosati ℥. ij. fiat clyster, qui sæpe iteretur: Plantago quouis modo administrata in dysenteria est singularis, incoquatur iusculis, ex illius aqua destillata cocta cum paucis saccharo rosato, fiat iulep, quo vtatur inter pastus. Si malis, cum eadem aqua dissolue syrupum aliquem astringentem, vt rosarum siccarum, granatorum, cydoniorum & myrtillorum. Ex conserua consolidarum cum trochiscis de bolo, de terra figillata, de carabe, de spodio, vel cum bolo, terra figillata, corallo rubro, cornu cerui vsto, fiat opiata. Quæ omnia non tantùm symptomati, nempe cruentæ aut purulentæ deiectioni: sed etiam causæ, nempe vlceri subueniunt, præfer-

Syrupi adstringentes.

tim quando est in tenuibus intestinis: nam ut præmonui, in crassis, iuuatur magis iniecto, quàm assumpto. ℥. plantaginis vtriusque, centinodia, thapsi barbati & rosarum rubr. añ. M. ℞. malicorij & balaustiorum, añ. ℥. ℞. fiat decoctio. In colaturæ ℔. j. dissolue duos vitellos ouorum & sacchari vel mellis, vel syrupi rosati ℥. ij. Vrgente dolore dissolui etiam poterit ℥. j. philonij, & prosedandis erosionibus dissolue cesati Galeni, vel vnguenti rosati Mesue, vel seui hirci aut capræ ℥. ℞. fiat clyster.

Memineris in dysenteria pituitosa initio imperandos esse clysteres detergentes, cuiusmodi hic fuerit. ℥. absinthij, agrimonie, & marrubij, añ. M. j. hordei integri & furfuris, añ. pug. duos, fiat decoctio in hydromelite, colaturæ ℔. j. iniiciatur. Quod si vlcus fuerit putre & sordidum, quod indicabit sanies multa, tenuis, putida, similis ei quæ à cadaueribus exudat: nos, inquit Aëtius, in eo casu solemus iniicere muriam oliuarum, aut hydromelitis ℔. j. dissolue ℥. j. vnguenti diapompholygos. Quod si ab æruginosa bile fuerit vlcus depascens, malignum, cancrædes, prænunciato vitæ discrimine, consilio Auicennæ & Rhasis, dissolue trochiscorum de arsenico ℥. j. vel auctore Galen. 9. τὸ πρῶτον, trochiscos Andronis, vel Polyidæ, vel Musæ: Ægyptiaci ℥. j. medici vtuntur cum aqua plantaginis. Nos contenti sumus vnguento de plumbo, aut diapompholygos. ℥. aquæ plantaginis ℔. j. infunde boli armeni & sanguinis draconis, añ. ℥. ij. Pulueres enim malo infundi, quia alioquin mordicant.

Morbi intestinorum.

347

In colaturæ lb. j. dissolue vnguenti de plumbo,
vel vnguenti diapompholygos ℥. j. Smaragdi
gr. vj. exhibet Auenzoar cum conferva rosarum.
Aut ℥. smaragdi & coralli rubri ℥. β. cum sac-
charo in aqua rosarum soluto, fiant parvæ ta-
bellæ.

DE LIENTERIA.

C A P. XLVII.

QUæ succedit longæ diarrhœæ aut dysen-
terix est lethalis. Primaria, si accadat hu-
moris alicuius aut alimenti corrupti vitio co-
ctionem impediens, purgetur hieræ ℥. β. pro-
pter amarorem inuoluatur obeliis vino albo
madidis; aut ex massa pilularum de mastiche,
ex massa pilularū de quinque generibus myro-
balanorum, capiat pro dosi ℥. j. Quæ etiam con-
uenient, quando propter summam imbecilli-
tatem, vt intemperiem frigidam, ventriculus
omnino non coquit, sed quale sumpsit alimen-
tum reddit, tū vtendum sæpe tabellis aroma-
tici rosati, vino absinthite; admouenda etiam
quæ pro diarrhœa pituitosa & intemperie frigi-
da ventriculi dictata sunt. Quidam affirmant
pudendum cerui lientericis proprietate conue-
nire. Detur ℥. j. cum syrupo de mentha, vel de
absinthio ex cochleari.

*Lienteria
primaria
curatio.*

Notandus Aphorismus Hippocratis, si lien-
tericus acidum ructet, inde affulgere spem sa-
nitatis, quia, inquit Galenus, significatur na-
turam aggredi coctionem.

FLVOR COELIACVS.

CAP. XLVIII.

*Signa dia-
gnostica.*

Sub hoc affectu chylosa quidem deiiciuntur, sed liquida, quia ventriculi & intestinorum imbecillitate accidit: saltem alimenta exeunt semicocta, non qualia sumpta sunt, ut in lienteria: At chylosæ deiectiones quæ accidunt hepatis attractrice languida, vel mesenterio obstructo, sunt crassæ: Sanè iam confectus chylus à ventriculo & intestinis, quia non potest distribui, excluditur quidem, sed crassus & coctus, non tenuis & aqueus, ut in fluore cœliaco.

Curatio.

Itaque si liquidæ & albæ fuerint deiectiones, quia ventriculi & intestinorum imbecillitatem arguunt: curetur hic fluor ut lienteria: nam authore Galeno, differunt tantum intensione & remissione. Verùm si ab obstructione albæ & crassæ exeant deiectiones, abstinendum erit adstringentibus, nisi in declinatione: aperientia potius ex usu sunt, ut iuscula radicibus aperientibus alterata. Decoctum cicërum rubrorum, in quo pulueris diacurcumæ ℥. ij. dissoluantur pro dosi, vel trochisci de rheo, de absinthio, ut in hepatis & mesenterij obstructione.

FLVOR SYNTECTICVS.

CAP. XLIX.

Sive totius, vt in maligna, ardente vel hectica febre; siue partis alicuius, vt hepatis, fiat colliquatio ab inflammatione, statim prædicenda mors, nisi vt in vrinis aliquando liquatus renum adeps veram colliquationem mentitur: Ita intestinorū pinguedo fundatur, ideamque referat colliquamenti. Si quæ tamen sit spes, tota posita est in analepticiis, quæ refrigerent cum adstrictione. Paretur, exempli loco, Destillatum restauratum ex conseruis rosarum, & symphyti, pulueribus triafrantali & diamargariti frigidi, coralli, eboris, terræ sigillatæ; diluantur omnia iusculo perdicis, caponis, si placet alterati iam lactuca, portulaca, plantagine, acetosa: ex quibus omnibus permixtis, positis in alembico, destilletur aqua, quæ restaurabit vires, febris aut visceris inflammati ardorem temperabit, simulque fluorem compescet.

*Causa floris
ris syn-
ectici.*

*Destilla-
tū resta-
ratum.*

DE TENESMO.

CAP. L.

Qui præcurrit dysenteriam fit à pituita *Causa.* salsa, aut bile mordaci, sphincterem assi-

*Curatio.**Aquarum
Pougnensis
vis.*

duè stimulant. Qui verò eandem sequitur, fit ab vlceris sanie: fit etiam à fæcibus induratis: Tum iniiciatur clyster communis: Si verò à pituita, clyster detergens: Si à bile, clyster ex lacte cum vitellis ouorum & saccharo rosato: Si ab vlcere, quod post dysentericum fluorem manet, nihil inueni præsentius frequenti vsu lactis alini, cui si non cedat, adeat aquas Niuernenses, benefaciunt enim omnibus vlceribus internis. Si tamen vlcus sit in ano, paretur suppositorium ex emplastro de cerusa, vel iniiciatur vnguentum diapompholygos cum aqua hordei, aut hydromelite: nodulæ eodem intinctus indatur; urgente dolore addere possis suppositorio duo grana opij. Quod si ab inflammatione sphincteris procedat, aperiatur primùm vena in brachio, deinde in pede: Postea thapso barbaro, plantagine, centinodia, bursa pastoris, impleantur sacculi, qui bulliant in lacte & applicentur podici. Iidem sacculi conuenient quoties in dysenteria podex hiat. Si placet, semine psyllij & cydoniorum contusis impleantur duo parui sacculi, qui bulliant in lacte & vicissim applicentur. Ex iisdem herbis parari poterit semicupium.

ALVVS PIGRA ET
astrieta.

CAP. LI.

Calore & siccitate intestinorum accidit, ut
 faeces indurentur, alvus nil aut parum
 reddat. Ut enim excretrix humiditate iuuatur,
 ita retentrix siccitate. Contrariorum autem
 contraria sunt consequentia: proinde alvus
 sicca est pigra, difficilis & laboriosa. Humida
 verò facilis & lubrica. Noui multos, qui vix
 semel septimo quoque die deiciunt. His ex-
 hibemus quotidie mane, iusculum alteratum
 herbis refrigerantibus & humectantibus, ut
 lactuca, portulaca, althæa, oxylapathos;
 aut iusculum prunorum saccharo dulcora-
 tum. Manna quoque dissolutum in ius-
 culo pulli aut carnis vitulina plurimum con-
 feret. Indatur in anum balanus acris cum
 ℥. iij. hieræ. Iuuant frequentes clysteres cum
 decocto capitis veruecini, aut omasorum, in
 quo catholici aut cassiæ, aut lenitiui, mellis
 violatiā. ℥. j. dissolues, olei violati ℥. ij. Bibat
 aquam cassiæ per aliquot dies, parabitur cum
 vnciis duabus cassiæ, infusæ in ℔. ij. ptisanæ, de
 colatura bibat. Laudo etiam semicupij vsum
 frequentem, quando duriores faeces non sinunt
 siphonem intromitti in anum, emolliri debent
 dicto enchatismo, aut cataplasmate ex residetia
 clysteris remollientis imo ventri apponatur.

*Iusculum
 aluū emol-
 liens.*

*Aqua cas-
 sia.*

Beniuenius obseruauit in dissecto callum in intestino recto, cuius causa alius nil nisi decimo quoque die reddebat. Si talem obseruaueris, cum cerato myrtino, & Ægyptiaci quarta parte, fiat suppositorium, quo callus consumatur.

COLICVS DOLOR.

C A P. LII.

Cause.

Signa diagnostica.

Curatio à bile.

R Arò fit ab inflammatione, aliquando à bile, vt plurimum à pituita, aut flatu. Inflammato colo in ventre sentitur pulsatio, atque etiam non tantum fæces, sed vrina retinetur, vrget sitis cum insigni ardore. Cui malo succurrendum esse, vena primùm in brachio, deinde in pede secta monuimus, prænunciato periculo. A bile non admodum frequenter excitatur, tum carminantibus, tam sumptis, admotis, quam iniectis dolor intenditur: itaque Trallianus huic dolori medetur potu frigida. Verum non est tutum remedium, nisi simus certi non esse dolorem ab inflammatione, quia actu frigida nocent internis inflammationibus, eo quod humorem densant impinguntque. Rhasis in eo casu miscet catharticiis narcotica, vt purget simul & dolorem demulceat, vt pote Philonij ℥. j. diapruni solutui ℥. β. Quomodo minus noceat narcoticum, quia non diu moratur: sed catharticum minus purgat, quia obtunditur illius vis à narcotico. Propterea Aëtius dat dia-

dat diaprunum per se, deinde Philonium quantitate fabæ ex frigida. Dentur clysteres qui refrigerent, sine oleis, quia faciliè inflammantur. Iusculum pulli infarcti hordeo, in quo bullierint taleolæ citri, vidi exhiberi felici admodum successu. Meminit Valescus lib. 1. colicæ, quam calidam fuisse suspicatur, quæ depulsa sit remediis frigidis.

Olea cur
noxia.

Hodie frequentissimus est colicus dolor à bile, qui veteribus fere incognitus & admodum rarus fuisse videtur: cuius causas & signa eleganter tradit summum Gallia nostra decus Ioan. Fernellius, lib. 6. pathol. cap. 10. Videatur quoque Amatus Lusitanus, centuriæ curat. 2. ubi copiose traditur eius morbi curatio, singulari exemplo appositè allata.

Ad flatum atque etiam ad pituitam, iniiciantur clysteres carminantes, hac formula: ℞. hyssopi, thymi, pulegij, calamenthæ, origani, ana. M.ß. seminum anisi, fœniculi, carui, dauci, rutæ, baccarum lauri, ana ʒ. ij. florum chamæmeli & meliloti, ana pug. vnum. fiat decoctio, in colaturæ quartariis tribus (oportet enim esse parvam quantitatem, quia intestina flatu distenduntur,) dissolue hieræ & benedictæ laxat. ana ʒ. ij. confectionis de baccis lauri ʒ. ij. olei rutæ, anethi vel lauri ʒ. ij. fiat clyster, detur calidus, quia tepidis flatu augentur: Potest parari clyster ex vini & olei cuius carminatiui æquis partibus. Assumant per os confectionis de baccis lauri, castorei, theriacæ vel mithridatij veteris ʒ. 1. cum vino albo. Aut olei amygdalarum dulcium ʒ. ij. cum vino maluatico, aut aquam de floribus chamæmeli destillatam.

A pituita.

*Pilularum
de hiera
visitas.*

*Remedia
anticolica.*

Soleo dare vitellum oui cum tribus granis piperis integri. Admoueat ventri magna cucurbitula, aut panis de furro calens irroratus vino, aut aqua vitæ. Venter liniatur oleis anethi, rutæ, lauri. Admoueat tandem emplastrum de baccis lauri, & clysteres repetantur. Detur etiam per os benedictæ laxatiuæ ℥.ß. forma boli, aut cū vino, aut decocto coriādri: vtatur trageta communi à pastu. Vfus frequens pilularum de hiera præseruat ab hoc cruciatu, pareretur massa, qua vtantur sæpe qui colicis doloribus sunt obnoxij. Vulgus edat allia & arctiūs ventrem constringat. Caterū multa creduntur huic malo proprietate conuenire. Asclepiades apud Galenum 9. καὶ τόπος, gallinarum interanea vrit in furno, pulueris dat cochlear vnum cum mulla. Alij laudant 3. j. pulueris vermium, alij 3. j. cornu cerui cum vino. Galenus lib. ad Pisone, galeritæ, & mesenge pulueratis easdem tribuit vires: Sunt qui gestant in testinum lupi instar cinguli. Alij vmbilicum infantis linteo inclusum. Aliqui gestant argentum viuum lata phiala conclusum, appensum collo, ita vt vmbilicū attingat: Author libri de remedijs paratjs facilibus, qui falsò Galeni nomine circumfertur, affirmat si colico dolore vexatus dormientem canem a somno excitauerit, & locū in quo dormiebat perminxerit, moriturum canem, sed colicum dolorem mox disparituum.

Cognita inducio constant, incognita casu.

HÆMORRHOIDES.

CAP. LIII.

Venas magnas quæ multum sanguinem fundunt Hippocrates αἱμορροῖς appellat, unde hæmorrhoides nasi, vteri, ani, sunt venæ quæ per circuitus in his partibus tument, nec non aperiuntur. Venæ quæ potissimum à porta exortæ desinunt in anum, sine adiuncto hæmorrhoides nominantur: aliæ verò cum adiuncto hæmorrhoids nasi, aut vteri. Quædā sunt cæcæ, aliæ apertæ. Appellare possis cæcas, quæ delitescunt, aut quæ etiā si sint conspicuæ nullum sanguinem effundūt. Apertas verò quæ per intervalla sanguinem emittunt, siue sint externæ, siue internæ.

*Hæmorrhoidum
differentia.*

Naturis & morbis melancholicis idem auxilium adferunt, quod menses mulieribus: Liberant enim à magnis morbis, quandoquidem pleuritide non laborant, neque peripneumonia, phagedæna, furunculis, lepra quibus liberè fluunt, ut est *sexto epidemion*. Melancholia quoque & nephritide liberant, si superveniant, ut est *sexto aphorismorum*, proinde temerè sisti non debent: non est tamen illis assuescendum, nisi inde magnum aliquod bonum, ut melancholiæ, epilepsiæ, aut quartanæ longæ solutio speretur. Itaque cum primum tument incipiuntq; esse molestæ, corpus repurgetur catholici ℥.x. aut ℥.vj. foliorū sennæ, cum syrupi de epithymo aut regis Sabor ℥. j. Incidatur basilica dextra, dolor demulceatur, metu inflammationis. Si foris appareant, liniantur unguento populeo, mucagine fœnugræci, aut

Commoda.

An illis assuescendū.

*Semiru-
piū ad in-
ternas ha-
morrhoi-
das.*

*Cæcarum
curatio.*

*Pilula de
bdellio.*

oleo, in quo millepedes aut scarabei bullierint. Inseffus confert etiam internis; decoctum pareretur ex quatuor remollientibus, chamæmelo, meliloro. Similis decocti vapor poterit excipiano, aut eodem foueri. Si placet impleantur sacculi floribus chamæmeli & melilori, bulliant in lacte & vicissim applicentur: perseverante dolore, adde folia hyoscyami, mandragoræ vel papaveris. Succus plumbi est optimum anodynum, oleum ex vitellis ouorum agitetur in mortario plūbeo cum pistillo plumbeo, donec consistentiam vnguenti acquisierit. Cæcæ maiorem concitant dolorem, propter tensionē venarum, & acrimoniam sanguinis. Ergo faciamus nobis esse consilium eas aperire maioris boni gratia, ut melancholicis, epilepticis, nephriticis: distinctione hīc opus est. Nam si iam emineant tumeantque, aperiuntur hirudine admota, aut phlebotomo, nisi malis foliis ficus, aut mercurialis perfricare. Si non tumeant, aperiatur saphæna, dentur pilule de hiera, indatur suppositorium commune, acutum ℥. ij. hieræ, aut salisgemmæ, aut muscerde. Quid si fluant præter modum viresque deiiciant, aut metus sit ab hydrope propter iacturam sanguinis? tūc sistatur fluor aperta basilica, quæ est è directo venæ fluentis, imperentur pilulæ de bdellio, quæ auctore Rhasi ita præparètur. ℥. bdellij & ameos, añ. ℥. iij. myrobalanorum omnium vstorum & carabes, añ. ℥. ij. β. infunde in succo porri, fiat parua massa, dosis ℥. ij. Quidam addunt scorie ferri ℥. β. Conuenient etiam adstringentia tam sumpta, admota, quàm iniecta, quæ prius

pro alui fluore sistendo dictata sunt. Exempli gratia. ℞. limaturæ ferri maceratæ sæpius in aceto, ad summum ʒ. ii. misce cum conserua rosarum vel symphyti, fiat bolus: In admotis habetur infusus astringens, ex rosis, balauistiis, malicorio, verbenâ, plantagine, centinodia: ex iisdem foras. Oribasius commendat forum ex posca, in qua plumbum vstum sit, aut ferri squama extincta. Cucurbitulæ hypochondriis & lumbis sunt admonendæ, vt reuellatur sanguis & sistatur in suo fonte: fluenti venæ apponatur emplasticum, quale parabitur ex bolo, thure, vel sanguine draconis, agitatæ cum oui albumine; tandem escharoticum, vt vitriolum Albucasis diuertit fluxionem, admoto ad coxendicem cauterio, vel tria oliuaria ad dorsi postremam vertebram figura triangulari: Applicat etiam vnum clauale ad regionem iecoris, alterum ad regionem lienis, vnum duobus digitis infra umbilicum: quinetiam si ventriculus male coquat, & iam æger cachecticus videatur, vnum ad regionem stomachi, maneat diu apertum.

Cæterum Hippocrate authore inueteratas hæmorrhoides sananti vna relinquenda est. Aëtiustamen omnes tutò simul sisti posse existimat, dummodo aliquando incidatur vena, & viuatur frugaliter. Verum, recentes quidem sanari omnes simul possunt tutò, non inueteratæ, saltem non simul, sed paulatim, interiecto longo temporis spatio.

*Ans stipos-
sinthemo-
rhoides.*



PARTICVLARIS METHODI ME- DENDI,

SECTIO QVARTA.

IN QVA EXPLICANTVR
morbi & symptomata partium, quæ
seruiunt procreationi.

*AFFECTVS GENITALIVM,
viri imprimis Testium.*

CAP. I.



ESTES in generatione primas
tenent, deinde penis, quorum
inuolucrum commune, scro-
tum. Testes potissimum labo-
rant intemperie frigida, ex qua
veneris impotentia: In eosdem incidit morbus
numeri: debent enim esse bini. Est tamen qui
unicum habet, qui monorchis dicitur; est qui
tres, quod cuidam familiæ gētilitium in hac ciui-
tate Fernelius observauit. Vidi qui haberet qua-
tuor paruulos, eratque salacissimus; nullos ta-

men liberos suscepit. Peccant etiam in magnitudine, vidi qui duos habebat, sed perexiguos: nupserat, illiusque vxor pepererat, sed patrum habebat pro spurio: hoc motus argumento, quod post longum coitum nihil præter flatum emitteret. Si spiritus iste sine corpulentia seminis satis potens fuerit ad procreationem, scholis disputandum relinquo: Nam Zeno semen finiebat genitorem spiritum: multæ aues columbando concipiunt.

Ad morbum magnitudinis referri potest sarcocoele; est caro præter naturam adnata testis, contractu veluti alter testiculus deprehenditur, hocque modo à scirrho distinguetur. Sunt qui appellant non carneam, sed callosam herniam.

*Sarcocoele
quid.*

Ad morbum situs pertinet retractus ille testis à natura, qui mentiebatur bubonocelen: Item indecorè pendulit testes, relaxatis cremasteribus, quod obseruaui ex frequenti natatione; affectus iste rhacosis appellatur.

In morbis communibus primum locum tenet inflammatio, estque morbus admodum frequens, deinde scirrhus, testis durities lapidosa. Pergam ad morbos penis, si propositorum remedia in pauca contraxero.

De intemperie frigida mox cum de impotentia veneris, Morbus numeri medicam manum non postulat.

Pro sarcocoele non videtur aliud imperandum remedium, quam testis ipsius amputatio: Frustra enim carnis emollitio, deinde resolutio fotu, litu, emplastro, cataplasmate, semicupio tentatur, nisi cum primùm enascitur, & caro

*Sarcocoele
curatio.*

adhuc mollis contactu percipitur. Vidi emollientium & resoluentium longo usu planè assumptum testem. Quando excrescentia longè latèque serpit, quorundam opinione testis non est amputandus.

Contracto testi à natura, imperavi fotum, litum emollientem, cataplasma, semicupium ex quatuor emollientibus, sed frustra:

Naturam pellas furca, amen ipsa recurret.

Rhacoseos.

Ei verò, cui ligamentis relaxatis immodicè testes pendebant, vtiliter imperavi fotum ex salina, rosis maiorana primula veris, malicorio, & balauitis, quæ bullierint in aquæ & vini æquis partibus, ex magmate cataplasma: abstinentiam veneris. Chirurgiam Paulus explicat libro sexto.

P H L E G M O N E T E S T I V M.

C A P. II.

Diagnosis.

DE inflammatione pluribus differendum: dignoscetur autem tumore duro, calore, dolore, febre. Vt plurimum fit à causa aliqua externa, vt ictu, equitatione dura, immodica venere relaxatis vasīs. Aliquando etiam succedit gonorrhœa virulentæ: quando enim intempestiuè suppressitur, materia refluit ad testes, atque illic phlegmonem excitat.

Curatio.

Remedia sunt clysteres frequētes, purgatio ex cassia aut catholicone, vena primū in brachio, deinde in pede secta. Topica: initio cataplas-

ma quod repellat, quale hoc fuerit. ℞. farinæ hordei ℥b. ss. pulueris rosarum ℥. ij. coquantur in oxymelite, cum oleo rosaceo fiat cataplasma. Deinde imperetur alterum resoluens ex farina fabarum, & puluere chamæmeli, fenugræci coctis in vino. Impediatur omni arte suppuratio, quia est plena periculi. Quando testis detumuit, soleo applicare emplastrum de meliloto, ceroneum, vel oxycroceum ad reliquias absuendas, & partem roborandam.

Scirrhi emollitio & resolutio minore profectum tentatur, quàm carnis supercrescentis: sola spes in amputatione testis, quæ tamen non est sine maturo consilio aggredienda.

DE MORBIS PENIS, AC
primum *ulcere.*

CAP. II.

VLceratur foris & in vtretra, ulcere simplici, aut maligno, quod vulgò caries pudendi dicitur, quale ex fædo concubitu contrahitur. Vlcus etiam malignum, abluatur primum aqua plantaginis, superponatur deinde vnguentum diapompholygos. Si non cedat, attingatur aqua forti, temperata aqua plātiginis, ratione partis. Causticum enim sistit putredinem & cacoëthiæ resistit, vel ad vnguenti diapompholygos ℥. j. adde argenti viui ℥. j. nisi malis vnguentum de Vigo cum mercurio.

OBSTRUCTIO PENIS.

CAP. IV.

Obsruitur aliquando lapillo qui in via subsistit, attrahatur suctu, litu glandis cum oleo scorpionum: creditur enim habere vim attrahendi lapillos. Penis madeat in lacte, in quo quatuor remollientia bullierint: Ad ductū dilatandum iniiciatur oleum amygdalarum dulcium, cum oleo scorpionum, Tandem ad latus facta incisione, extrahatur.

*Olei scor-
pionum, vitæ*

DE PHYMOSI ET
Paraphymosi.

CAP. V.

Φύμωσις & παραφύμωσις vel sunt morbi cō-formationis, pertinentque ad figuram vitiatam, aut quod ego malim, ad morbum in meatu: huius enim, auctore Galeno, quinque sunt species, coalescentia, coarctatio, compressio, subsidencia, & obstructio: pertinent autem ad coalescentiam: φύμωσις enim seu capistratio dicitur, cum glans detegi non potest, siue natura, siue accidente, ut callo & cicatrice, id acciderit: vidi infantes, quibus ad meiendum natura tam exiguum foramen reliquerat, ut perpetua dysuria laborarent, fuissentque steri-

*Differentia
morbi in
meatu.*

les, nisi chirurgia prouisum fuisset, tales ἀτρεῖς, imperforatos dixeris, quemadmodum mulieres imperforatas, quibus vteri labra in vnum coaluerunt: Non ita pridem infans prodiit in lucem podice imperforato. Meminit similis exempli Amatus Lusitanus in *centuriis*. Similia duo exempla legere possis apud Beniuenum, *Observat.* 30.

παρὰ φύσιν opponitur φύσει, hic glans detegi non potest, illic reteri & cooperiri nequit quod accidit sæpe ex gonorrhœa virulenta, suborto tumore aliquo in glande. Viriusque affectus chirurgiam explicat Paulus libro 6. Noui qui naturæ & primæ conformationis vitio detectam habent glandem sine actionis ullius læsione. Iudæorum circuncisio est morbus numeri, defectus vtilis substantiæ, inde *apella*, *recutiti*, nominantur.

PRIAPISMVS.

CAP. VI.

PRIapismus est species quædam emphysematis. Tenditur assidue penis ex inflatione nervi cauernosi, qui affectus Heraclium imperatorem olim infamem reddidit: circumferebatur ore omnium, Deum in vindictâ hunc morbum immisisse, quod cum nepte illegitimas nuptias contraxisset; quoties meiebat, toties lotio vultum conspergebat. Hoc morbo quidam Priapus nomine interit, vnde morbo nomen.

Priapismus quid.

Affectus virorum proprius, vt Satyriasis mulierum: Tantum sentiunt pruritus cum dolore in genitalibus, vt illis perpetuò manus cogantur admouere, & intolerabili veneris desiderio contabescunt. Istas quippe partes acris humoris affluxus assidue pungit: vicinæque vtero partes inflammantur: coitu tamen non leuantur, imò propter inflammationem, læduntur, & maior fit confluxus.

Curatio.

Abluantur pudenda decocto plantaginis & oxylapathi cum radice, deinde liniantur hoc vnguento. ℞. lithargyri argenti ʒ. ʒ. ʒ. lauetur primum in aceto, deinde agitetur in mortario cum oleo violaceo, fiat vnguentum. Purgentur sæpè, & mittatur sanguis non semel.

*Tentiginis
causa.*

Refert Seneca, se vidisse quēdam, qui nūquam arrigebat, nisi flagris caderetur, sic pellex eum ad venerem incitabat, quod non est à ratione alienum. Nam flagris incallescunt venæ & arteriæ lumborum, multum gignunt flatum, qui ad colem transmissus, tentiginem facit. Cur supinus & durus decubitus excitat tentiginem? quia pressæ lumborum arteriæ incallescunt, hinc multus flatus quo penis tenditur. Quidam inquit Galenus, solito arctius præcincti, compressione lumbis incallescētibz, leuem priapismum incurrunt: Salaces & lasciuas mulieres, quæ lassantur viris, non satiantur, Satyras non malè dixeris, ἀπὸ τῆς σατυρίας. Cuiusmodi sūt, quibus vterus est natura siccus, humectari enim desiderat, & famelicus, proprio pabulo vult repleri: Vteri quædam βεβρυχία. Valescusex fissuris labiorum coniicit vteri immodicam sic-

*Labiorum
sympathia
cū vtero.*

citatem. Intemperies illa humectante fotu, litu, semicupio, pessario temperetur. ℞. altheæ cum radice, violariæ an. M. j. fœnugræci ℥. j. fiat decoct, cuius vaporem per infundibulum excipiat, ex magmate cataplasma paretur.

At Priapismus, est quidem rarus affectus, sed plenus periculi, ut est *sexto de locis affectis*, vix unquam aliis accidit quàm iuuenibus, iisque sanguineis. Itaque frequentes iniiciantur clysteres, qui consent carminantibus simul & refrigerantibus metu inflammationis, lumbi, perinæum & penis, liniantur cerato Galeni, vel unguento rosato Mesuæ, oleo nenupharino cum pauca caphura. Mittatur sanguis. Paretur semicupium ex carminantibus, adiectis foliis nenupharis. Decumbant in alterum latus, non in dorsum. Bibant aquam, in qua coriandrum bullierit. Abstinentum enim vino, ratione inflammationis præsentis aut imminantis; proderit cassia. Quanquam Galenus vomitoriis malit uti, quàm deiectoriis.

DE THYMIS.

CAP. VII.

EXoriuntur aliquādo in præputio, aliquando in glande & cole, quædam excreſcentiæ, quæ generali nomine Thymi nominantur: *Thymorū* uarum aliæ sunt benignæ, aliæ malignæ: *differentia* Benignæ sunt carnosæ, albæ, aut subrubræ, inuiales quidem & asperæ, attamen molles & in-

dolentes: malignæ verò sunt maiores, duræ, cū dolore punctorio & mali coloris. Benignæ notacula abscindantur, moxq; chalcitis conspergatur. Malignæ, aut non sunt attingendæ, aut cum primum abscissæ fuerint, actuali cauterio vrantur, ut cacoethia corrigatur. Tutius est, ut in cancro, totum membrum amputare.

MORBI SCROTI.

CAP. VIII.

*Cyrsocoele
quid.*

HUc referri possunt cyrsocoele, vulgò hernia varicosa, hydrocele, hernia aquea, & pneumatocoele, hernia flatulenta: Sunt enim tumores scroti. Paulus cyrsocelen vocat varices scroti aut inguinum, quanquam quandoque sunt testium, quando videlicet eorundem venæ crasso & atro tument sanguine.

Cyrtatio.

Huic malo blandiendum est, corpore quotānis repurgato, vere & autumnō misso sanguine, pars affecta oxyrhodino linienda ad robur, ne tam facile excipiat: Chirurgiam tamē si quis velit experiri, consulat sextū Pauli, ubi herniarum artificialis operatio explicatur.

Pneumatocelis.

Pneumatocoele carminantibus percuretur. Foveatur scrotum decocto anethi, ruræ, lauri, florum chamæmeli & meliloti, deinde oleis ruræ, lauri, lana imbuta superponatur, aut emplastrum de baccis lauri. Admonebis initio, fore longam & difficilem curationē, quia per venas & arterias noui flatus assiduè confluunt. Neque

tamen in hac specie herniæ chirurgia tentanda. *Hydroce-*

At in aqua si non possis emplastris ad ascitem *les, seu her-*
descriptis, emplastro ex minutis cochleis, aquas *nia aquosa.*

discutere, (quod propemodum impossibile)

tentanda chirurgia. Ea autem est varia & mul-

tiplex: nam aut serone scrotum traiciendum est,

atque ita paulatim aquæ exhaurientur: aut cau-

terio actuali vel potentiali contentis aquis fa-

cienda via: aut ferro scrotum incidendum est,

postea per cannulam sensim aquæ vacuandæ.

Non constat inter magistros artis, ubi incisio

fieri debeat. Quidam sursum versus duobus di-

gitis longè à teste scrotum incidunt. Albucasis

tamen & Auicenna iubent, ut potius aperiatur

scrotum ima parte. Postquam aqua abundè va-

cuata videbitur, ut vulnus obducatur, ad-

moueaturn emplastrum aliquod adstringens,

ut diapalma, quod subligaculo contineatur. Cæ-

terum pellucencia non distinguit hydrocelem à *Pneumato-*

pneumatocèle, quia utrique communis est, sed *celes ab hy-*

pneumatocèle habet adiunctam leuitatem, hy- *drocele dis-*

drocele manifestum pondus. Cur frequentius *crimen.*

parte sinistra oritur? quia sinistra spermatica

ortum habet ab emulgente.

S Y M P T O M A T A P R I M I

generis, ac primum de Veneris

impotentia.

C A P. IX.

Imprimis requiritur in viro virilitas, hoc est
non tantum genitalium robur, sed nobilium

*Virilitatis
causa.*

parrium, quæ omnes ad perfectionem seminis aliquid contribuunt, cerebrum spiritum animale, cor vitalem, vt formam; iecur sanguinem, vt materiam, cuius benignus & halituosus vapor habetur pro naturali spiritu. Itaque ineptus est ad prolem, cui aliqua ex partibus deuotis generationi imbecilla fuerit, aut si pars aliqua princeps grauitur labore, vt potè si frigidum habeat cor à natura, si insigne aliquod vulnus in capite acceperit, si hepaticum ex fœdo faciei colore iudices. Priuatione cognoscitur habitus, vnumque altero definitur: atqui concurrunt tres partes principes, ad fœcundi seminis generationem: Itaque si harum aliqua nihil contribuat, si vim suam cum spiritu singulæ non transmittant, cerebrum animale, cor vitalem, iecur naturalem, semen erit infœcundum.

*Infœcundi
qui.*

In testibus natura posuit vnum fontem caloris, hoc argumēto, quod castrati euiantur, ex natura virili in muliebre degenerant. In vasis spermaticis præparatum sanguinem coquere & in semen conuertere est opus caloris, prout ministrat facultati seminificæ seu prolificæ, quam natura testibus indidit: proinde qui testes habent natura, aut accidente frigidiores, qui in inguine qua parte descendunt vasa spermatica, vulnus acceperint, infœcundi iudicentur: semen quidem emittunt, sed liquidum, cradum, ferolum, quale non potest esse prolificum effluitque illis semen pudendo veluti lacryman- te, & laboriosè concumbunt.

Mitto testium numerum, magnitudinem, si-
tum,

si desit, sterilitas inde coniicitur.

Perge: nec tantum totius, maximè verò partium nobilium, aut testiculorum, sed etiam penis actiones consideremus.. Hæ autem sunt *Actionum penis conditiones.* arrectio & eiectio: Arrectio non debet esse fugax, sed tam longa, ut sufficere possit intro-
 missioni, hoc autem præstat non crassus, qualis facit priapismus; sed multus isque tenuis spiritus: Proinde quibus nervus cavernosus pauco flatu impletur, iis veretrum quidem tenditur, sed mox concidit, non arrigunt tam-
 diu, ut intromittant, hos propriè dixeris coitus impotentes: omnes quidem impotentes sunt *Coitus im- potentes qui.* steriles, non contra, quia multi arrigunt, & in-
 tromittunt, qui tamen non sunt infœcundi, vel quod non eiectentur semen, ut si *φυμώσας* laborent, vel eiectoria vasa habeant infir-
 ma, vel sphincter laxior sese satis comprimere nequeat ad excretionem: eliditur enim veluti nucleus digitis, quod *ἐκπυρρῖζεν* dicunt Græci, non excluditur inquam cum impetu, fortassis etiam quod paucus sit spiritus: eos enim ideo vocat Hipp. impellentia, quod omnis, præser-
 tim vehementis, impulsione sint ministri; quod tam longè, quin etiam sursum meiamus effi-
 ciunt spiritus. Mitto impotentiae causas exter-
 nas, ut metum & pudorem: his enim nulla de-
 bentur remedia.

Fingamus iam quempiam de sterilitate apud nos conqueri. (Consideratio quæ fit ex parte *Causarum sterilitatis virilis ex a-* mulieris postea explicabitur) Ex parte viri ob-
 servabis primum num sit valetudinarius: nam *men.* etiam pulmonarij, aut non generant, aut sobo-

lem edunt morbidam, minimèque vitalera. Ad testes secunda consideratio dirigatur. Postrema ad penis morbos & symptomata; ad morbos inquam, ut obstructionem communis meatus à caruncula, quæ impedit eiaculationem, & φύμασι. Ad magnitudinem penis: nam longior infœcundus creditur, quia longiore ductu genitor spiritus evanescit, semen refrigescit: breuior non potest usque ad sinum semen iaculari. Ad symptomata, ut arrectionem & eiaculationem, arrectionem inquam, tam diuturnam, ut intro mittat. Si quid horum desit, ut si arrectio sit fugax, infœcundus iudicetur.

Curatio.

*Victus
analepti-
cus, semen-
que gene-
rans.*

Si origo mali pendeat à principibus partibus, roborentur tam sumptis quàm admotis, cerebrum cephalicis, cor cardiacis, iecur hepaticis. Si non sit plenus succi, sed valdè gracilis, si parum sanguinis suppetat pro materia seminis: augeatur alimentis boni succi, vino generoso, nucleis pini, pistacijs: contendantur sensim affuso lacte, deinde addito saccharo fiat pineolatū, non aliter quàm amygdalatū. Ex iisdem pro bellariis cum amygdalis, marcipanes, pasta regia. Quotidie mane sumat lac coctū cum vitellis ouorum & saccharo, aut lac coctū cum melle. Phasiani, alaudæ, coturnices, columbæ, passer sint pro ordinario cibo; imprimis cerebella passerum. Parantur etiam farcimina ex cristis & testibus gallorum, cum testibus arietis, cerebellis passerum, multa medulla: Vitelli ouorum sunt succulenti, succulentiores si coquantur cum alibili succo coxæ arietis. Lingua anseris sicca, puluerata, sumpta sæpius cum vino: cre-

ditur proprietate augere copiam seminis. Faciamus hominem infœcundum, esse plenum succi & lautè viuere, tamen non arrigere inopia spirituum: suadebis, vt vescatur cibus flatulentis, vt pis, fabis, ciceribus, phaseolis, auellanis, castaneis; auellane & castane frigatur in sartagine, aut elixentur in lacte, terantur, addito saccharo fiat pulticula seu auellاناتum; si malis, auellane per aliquot dies macerentur in melle, mel edatur, forma opiata.

Flatū generantia.

Excitat ad Venerem tardos eruca maritos,
quod sit flatulenta, propterea siccetur & illius puluere opsonia condiantur. Quid si noster impotens fuerit succulentus atque etiā flatulentus, non arrigat tamen? Sane si omnino non arrigat, credibile est vitium esse in facultate, atque illum laborare paralyti pudendi, cui tum succurrendum est remediis, primū in genere cum *de paralyti*; postea in specie, cum *de paralyti vesicae* tractauimus, explicatis. Sumat per aliquot dies castorei 3. j. vel vtatur opiata ex conseruis nervalibus. Foueantur genitalia, nec non os sacrum, a quo nerui motorij originem ducunt, nervalibus incoctis vino, deinde liniantur oleo aliquo vel vnguento nervali: clysteres quoque dentur frequentes, quorum decoctum sit neruale.

Quod si motus non sit abolitus, sed imminutus, si penis tendatur, sed citò concidat, stimulanda erit facultas ignaua & veluti sepulta, radice eryngij vel satyrii condita, ex quibus di-

Præsidia venerem excitantia.

℞ a ij

tur cum vino, vel cum aliqua conferua beton:
 anthos, stœchados, cum melle, dosiſ ʒ. j. Ex his
 omnibus permistis in rem præsentem confe-
 ctio parabitur, quæ omnes scopos vna eadẽ-
 que opera complebit, augebit semen & flatus,
 languentẽmque vim suscitabit. ʒ. castanea-
 rum, nucleorum pini, cerebri passerum, an. ʒ. ʒ. ʒ.
 (hæc ad materiam seminis) auellandarum &
 pulueris erucæ (ad flatus) ana ʒ. j. pulueris te-
 stium vulpis, pudendi cerui & tauri, radicis
 eryngij & satyrij, zinziberis conditi, an. ʒ. ij. re-
 num vel cauda scincorum ʒ. j. (hæc omnia ad
 facultatem stimulantam) coquantur omnia
 cum lacte & melle, vel cum vino: adde moschi
 ʒ. j. fiat confectio, de qua capiat, præsertim ve-
 speri, per tres dies continuos ante congressum.
 Dosiſ erit minima ʒ. ʒ. maxima ʒ. j. Pauperibus
 satis erit dare sæpè renum vulpis siccatorum ʒ. j.
 cum vino, aut cum vitello vnus oui, cū melle:
 vel pudendi cerui aut tauri tãtundem. Tantũ
 vide ne valdè biliosos nimium calefacias, qui-
 bus propter acrimoniam semen effluit ante-
 quam intromittant, his pudenda fricentur
 oleo in quo formicæ bullierint. Caue etiam ne
 nimium purges, aut sanguinem mittas: nam
 vtroque venus impeditur. Paulus affirmat stel-
 liones cremari, puluerem in mixtum oleo, &
 magno dextri pedis digito illitum, ad venerem
 potentissimè excitare. Subiungit; cum cessare
 voles, abluatur digitus. Theophrastus affirmat
 esse satyrium in India, quod etiam detentum
 manu, efficit vt sexagies coitus iteretur. Quoad
 motus immoderatos, quemadmodum priapif-

*Cautio in
 biliosis.*

num & satyriasm, possis ad deprauatum reducere: Idem de aucto appetitu alias.

SYMPTOMATA SECUNDI

generis, excreta, retenta.

CAP. X.

EX semine præter naturam excreto oriuntur gonorrhœa simplex, gonorrhœa virulenta, & ἐξορρηγμός, pollutio nocturna: ex eodē rerento symptomata exoriuntur longè deteriora, quàm ex menstruo suppresso, quia quod *quid* *stantius* cum integram seruat naturam, eò sit deterius cum in contrariam degenerat: contrariorum enim contraria sunt consequentia. Semen naturale est optimum: Ergo non naturale, vt cum longiore mora putruit, pessimum.

Gonorrhœa simplex est inuoluntaria & in- *Gonorrhœa simplex quid.*
desinens profusio seminis, absque voluptate, cuius causa, est retētrici imbecillitas, vt relaxatis vasīs spermaticis, aut iisdem immodica venere debilitatis. Itaque fluor sistatur fotu astringente, qualis parabitur ex vino, in quo rosæ, salvia, nymphæa, & balauſtia bullierint, litu ex oleo myrrino, vnguento comitissæ, vel vnguento rosato Mesuæ: Terebinthina sumpta cum rheo benefacit. Ex vsu etiam erunt syrups & trochisci adstringentes iam sæpè commemorati. Vel quotidie ex ouo sorbili detur carabes 3. j. Nisi huic symptomati opportunè succurratur, corpus tandem ab exhausto contabescet, quia totus succus alibilis hâc effluet. *Circa.* Confio

derāda tamen causa: nam si manifesta esset plenitudo, non esset alienū vena secta eam minuire. Si verò propter calorem & acrimoniā semen assidue profluat, non tantum perināū & pudenda, sed etiam renes liniantur vnguento rosato Mesuæ, cerato Galeni, oleo nenupharino cum pauca caphura. Quòd si putre semen ex longiore mora iudicetur, inducātque viduis salacibus aut monialibus accidentia, quæ consequi solent suppressos menses, passionem hystericam, vterinum fluorem; exhibenda erunt partim quæ symptomati succurrant, partim quæ causæ subueniant, vt cardiaca & alexiteria, theriaca, mithridatium, syrupus de nenuphare.

℞. syrupi nenupharini pro dosi ℥. j. theriacæ ℥. β. cum aqua oxalidis, fiat potio.

DE GONORRHOEA
virulenta.

CAP. XI.

ESt veluti seminis corrupti & virulenti profluuium, natum ex fædo concubitu: Partes præparando & perficiendo semini dicatæ, contagione inficiuntur, quia ab utero malè affecto morbida quædam excretio sese intrudit & insinuat tempore congressus per poros & meatuum valde patentes, inde vasorum imbecillitas, a qua fluor, iisdem quoque labes inuritur, quæ, quodcumque huc appellit semen, corrumpit: si penis, initar chordæ, dolorosè distendatur, vel subest exulceratio, vel affectus inflammatorius, præsertim in prostaticis.

Remedia sunt, clysteres, purgatio ex sola castorea, quæ ardorem renum & urinam temperabit: emulsiones quoque ad eundem finem, atque ut ichori via faciliteretur, citò enim sisti nō debet. Pudenda liniantur vnguento rosato Mesuæ, vel cerato Galeni. Cum suspicio est vlceris, ex tensione, iniiciatur cremor hordei ad deterfionem, vel ad liniendum & placandum dolorem lac: in quo dissolui poterit aliquid trochiscorum alb. Rhasis cum opio, si dolor valde vrgeat. De missione sanguinis controuertitur, præstérne primum de brachio, postea de pede sanguinem mittere? Sanè nisi manifesta sit plenitudo, aut aliquid aliud, vt inflammatio, aut insignis dolor ita suadeant, non ausim basilicam incidere, ne retractum virus totam massam inficiat & luem accersat. Malim saphenæ aperiri, cum sit remedium tutum. Si non prosis, vide semper ne noceas. Cum tentigo & dolor desierint, dentur ℥. iij. terebinthinæ. Venetæ cum ʒ. ss. caphuræ. Initio terebinthina lauetur cum aqua plantaginis, detur ex cochleari cum syrupo violato, aut de althæa in fine, hoc est inclinante malo, aut iam diuturnitate molesto. Cum sistere voles, dabis terebinthinæ ℥. iij. & rhabarbari vstulati ʒ. j. aut ʒ. iij. repetatur singulis hebdomadibus; si nihilominus perseueret fluor, maligna admodum est gonorrhœa & luem minatur. Propterea ad præcautionem iube vt quotidie sumat theriacæ aut mithridatij ʒ. j. superbibat decoctionis guaiaci vel salsæparillæ ℔. ss. continuet per viginti dies, & viatur secundo decocto loco ptisanæ pro ordinario potu: seruando inte-

Curatio.

A qua parte sanguis mittendus.

Terebinthina quædo exhibenda.

Aa iij

rim dietam exquisitam. Sunt qui pubem & perinaeum inungunt unguento de Vigo cum Mercurio.

• POLLUTIO NOCTURNA.

CAP. XII.

Cur dormientibus semen maxime effluit.

NOcturnum & inuoluntarium seminis effluuium accidit copia & acrimonia seminis, salacibus, praesertim viduis, quibus consulendum pro remedio ut nubant: Monialibus vero, quibus per votum non licet nubere, dicata sunt sequentia remedia. Sed cur potius dormientibus, quam vigilantibus semen effluit? quia per somnum calor & spiritus recurrunt in suos fontes post primum somnum, perfecta coctione credibile est utrumque una cum sanguine ad testes concurrere, praesertim si consentiat imaginatio: manifestum enim eam habere imperium in humores & spiritus, vel ex hoc solo conicitur, quod solus conspectus aut colloquium formosae mulieris tentiginem exsuscitet. Itaque frequenti phlebotomia minuenda copia sanguinis, usu quoque refrigerantium quotidiano, ut lactucae, calor retundatur; liniantur lumbi oleo nenupharis, lamina plumbi iisdem admoueatur tenuis, & perforata ad difflationem; viri pietate insignes nudis pedibus incedunt, & carnis priuio perpetuo, carnem macerant, venerisque igniculos extinguunt. Itaque tenuiter viuunt, neque in molli pluma dormiant, sed potius lumbis puluinum supponant plenum herbis refrigerantibus, violarum, nenupharis qui tentantur exoniogmo.



SECTIONIS

QVARTÆ,

DE MORBIS VTERI.

TRACTATVS SECVNDVS.

 ENUMERATIO MORBORUM
uteri.

CAP. I.



TERVM affligit omne genus
 morbi intemperies omnis,
 morbus in situ, siue procidat,
 siue per ventrē susque deque,
 & ad latera moueatur: Est
 enim, Platonis opinione, par-
 uum quoddam & distinctum animal, quia ani-
 malitas duobus signis cognoscitur, αὐτοὶννεία,
 & odorum discretionē. Atqui secundum omnes
 dimensiones vterus à seipso mouetur, iucundis
 odoribus delectatur, auersatur graueolentes. Si
 quæ sint vitia in magnitudine, aut in figura (ut
 sunt aliquando, propter quæ abortit) tamen dif-
 ficillimè cognoscuntur, difficiliùs curantur.

*Duo ani-
 malitatis
 signa.*

in meatu frequentius vterum malè habet, si latiores sint venæ, menses supra modum erumpunt; si angustæ, obstructæ, compressæ; suppressuntur.

*Phymosis
differentia.*

Ad morbum in meatu pertinet *φίμωσις* vteri, quæ vel est naturalis, ut cùm membranula orificio interno aut externo prætenditur, cuius per chirurgiam curatio, à Beniuenio describitur *observat.* 28. Aut accidentaria, qualis contingit per difficilem partum, vlcera, deinde agglutinatis labris, vel excrescentia aliqua, ut condylomate, meatum obstruente: Aliquando leuigatus vterus non concipit, quia semen non retinet: asper enim esse debet ut retineat.

Morbi communes.

Illius morbi communes sunt quatuor tumores, phlegmone, erysipelas, œdema, & scirrhus: quibus accedit mola: nisi malis eam ut excrescentiam inutilem ad morbum numeri reuocare. Ad œdema pertinet hydrops & inflatio vteri. Tumorem succedit vlcus *ἐπιγεννηματιδὺν*: Ex difficili verò partu ab acrimonia humoris: quod primo per se nascitur vlcus, primum appellatur. De ijs omnibus morbis sigillatim, quo ordine propositi sunt, differemus, priusquam symptomatum curationem aggrediamur.

Calida & sicca intemperie vteri laborare solent viragines, quibus idcirco pauci aut nulli menses: Ideoque ut plurimum sunt steriles: At delicates, frigida, albæ, laborare solent intemperie frigida & humida, inde illis menses diluti, serosi, albi.

Intemperie calida curatio.

Intemperies calida & sicca curetur missione

sanguinis, purgatione ex cassia, catholico, fottu, balneo aut semicupio refrigerante & humectante ex quatuor remollientibus: liniatur rosaceo. Videndum ne nimium refrigeremus, quia uterus densatur, induratur: quinetiam scirrhuscit frigore.

Frigida intemperiei remedia.

Frigidiorem calfacies clysteribus ex artemisia, nepeta, matricaria, maiorana, salvia, hyssopo, thymo, pulegio, calamintha, melle anthosato, oleis nervialibus: ex iisdem herbis fiat fottus, infusus. Sit frequens vsus pilularum de hiera aut elephanginarum. Paretur opiata ex consensu nervialibus, praesertim acori conditi, pulvere aromatici rosati, mithridatio, theriaca. Liniantur pudenda oleo muscatellino, costino. Sumatur castoreum per aliquot dies cum vino. Aut ℞. ligni aloës, styracis calamitæ, cyperi, calami aromatici, añ. ʒ. ij. ambrae griseæ ʒ. ss. fiat pulvis crassus, cuius suffitum muliebribus excipiat per infundibulum.

Uterum calfacientia.

Humida intemperiei curatio.

Humidiorem desiccabis decocto sudorifico cynæ, salsa parillæ. Si uterus multo madeat humore, depleri poterit iniectione per metrenchyten decocto vterino. ℞. turbith vel agarici ʒ. ij. bulliant in aqua vel decocto artemisiæ, maioranæ, matricariæ. In colaturæ ad summum lb. ss. dissolue hieræ picrae aut tripheræ magnæ ʒ. iij. fiat iniectione.

Desiccantia.

DE PROLAPSV VTERI.

CAP. II.

Causa.

Vterus procidit relaxatis, ruptis, aut putrefactis ligamentis. Si corruptis, aut ruptis vinculis, quibus vicinis partibus, vt ossi sacro, coxis, & recto intestino alligatur, desperatum est. Cuius causę tum coniectura est, cum suo loco sæpè ex arte restitutus, nihilominus recidit.

Prognosis.

Sola præcipitatio matricis, quę accidit relaxatis ligamentis, curationem admittit, eaque non omnis: nam quę inueterauit, non tantum in vetulis, sed etiam in iuueniculis numquam sanescit. Recens in senibus vix: In iuuenibus tardè & cum difficultate. Paulus & Aëtius negant totum vterum posse procidere, visus est tamen ad genu vsque prolapsus: quod prominet, aliquando ouo struthiocameli simile est. Descensum Fernelius distinguit à prolapsu, intensiōe & remissione.

Curatio.

Vt ex arte cures, imprimis huc appellari debent, quę de procidētia ani præmisimus. Exempli gratia, si tumor aliquis, vt inflammatio reductionem impediat, vena secta & oxyrrhodi-
no tumori succurrendum. Si tumor sit frigidus, foueatur vino, in quo resoluētia, vt chamæmelum, maiorana, semen lini, & fœnugræci bullierint. Si multo sordeat muco, ænomelite detergendus, interimque aluus clystere proluenda. Quibus peractis, aut si hæc absint, mox vteru

vino adstringente, ut pote in quo rosæ & balau-
stia bullierint, foveatur, mulier iaceat supina,
coxis subleuatis, poplites inflectat diuaticatis
cruril us. Obstetrix verò, digito oleo mastichi-
no imbuto vterum reponat. Vel paretur pessus *Pessus.*
ex cotone, aut lana, linteo molli & detrito in-
uoluta, qui maduerit in vino, in quo acacia, vel
hypocistis sint dissoluta: indatur in sinum, & ab
gra ipsa paulatim impellatur: lana eodem vi-
no intincta vndique circumponatur. Cucurbi- *Cucurbi-*
tulæ illis, vmbilico, nec non lumbis applicandæ, *tula.*
ut retrahatur, atque etiam ut contineatur. Ad
eundem finem odorata naribus, putida vuluæ
admouenda.

Decenti restitutus loco, in eo permanebit, si os
sacrum, imus venter, & perinæum inungantur
unguento comitissæ, aut aliquo oleo adstringen-
te, ut mastichino, myrtino. Vel ℥. emplastri
pro matrice & mastiches, añ. ʒ. ij. cum oleo
myrtino fiat emplastrum, imo ventri & ossi sa-
cro applicandum. Si placet, fiat forus & infessus
ex vino nigro, in quo rosæ & balau-
stia bullierint. Cum vterus suo loco redditus fuerit, ne
rursus procidat, mulier debet mutare situm, at-
que ita adaptare crura, ut alterum alteri incum-
bat. Interim, quia humore relaxantur ligamen-
ta, utatur diæta exsiccante, ut decocto ligni san-
cti, contineatur in quiete animi & corporis:
sternutatio & ruffis hîc fugienda sunt, quia
deorsum impellunt: Ex subere veluti ouum so- *Pessus ex*
let præparari, quod cera oblinitur, & forma pes- *subere.*
si inditur, ut impediatur prolapsus: appendatur
filo, ut retrahi possit.

*Vterus ad
viam non
est necessa-
rius.*

Quid si longiore mora putruerit vterus? Abscin-
datur: multæ enim abscisso vtero superuixerunt,
vt Paulus & Aëtius annotarunt, idemque Mat-
thæus Gradi & Beniuenius obseruauerunt. Et qui-
dem pars necessaria ad conseruationem speciei,
vt testes, non ad indiuidui.

VTERI ASCENSVS, DE-
scensus, motus ad latera, contorsio
sen peruersio.

C A P. III.

*Causa as-
census vteri.*

Descensus

*Inclina-
tionis ad
dextram.
Ad laeuam.*

Galeno vterus non videtur mutare situm,
nisi cum procidit: venæ tantum tumere &
ligamenta tendi abbreviariq; putat, indeq; fieri
vt si tendantur ligamēta superiora quibus spinæ
alligatur, tumeantq; superiores venæ, ascendere
putetur: & oppressio diaphragmate suffocatio-
nis afferat opinionē, ex quo symptomate stran-
gulatus ab vtero nominatur. Quinetiā, cum sit
accidens admodū terrificum, nominiis quadam
prærogatiua, *hysterica passio* nuncupatur. Si
verò humoris copia tendantur ligamenta infe-
riora, vt pote quibus alligatur coxis & recto in-
testino, huius causæ ignaris videtur descen-
dere: quemadmodum si ligamenta sola dextræ
partis tendantur, videtur ad dextram inclina-
re & veluti conuelli: si sinistra, ad laeuam:
cum tamen opinione Galeni vndique fixus in
eodem situ permaneat. Obseruauit tamen Fer-
nelius, atque ego non semel, vterum, nunc in-

frā, nunc à dextris, nunc à sinistris totum conuelli coactum in globum, proinde, vt procidit, ita dimoueri potest, plus minus relaxatis ligamentis.

Causa vt plurimum à semine, aut menstruo retento, quia putri fumo offensus, huc illuc inordinate mouetur. Frequentius ascendit, quia fumi ascendunt. Affectus est periodicus, quia repleto vtero redire solet accessio.

Priusquam de remedio cogites, hystericam distingues ab apoplectica, stercore. Hystericam enim etiam videtur priuari beneficio respirationis: nam transpiratio est illi loco respirationis. *Discrimen suffocationis ab apoplexia.*

Apoplectica autem omnis summa cum difficultate spirat, atque etiam, nisi valde leuis sit apoplexia, stertit, spumat: Asynoptica verò, quod *A syncope.* pulsus hystericis permaneat, nisi tam fortis sit accessio, vt mors sit in propinquo: (aliquando enim eadem die interimit) per synopen autem pulsus aboletur, accedit sudor frigidus, qui synopticus appellatur.

Remedia quædam conueniunt morbo, alia paroxysmo: Ad paroxysmum, quoties suffocabitur ascensu, admouebis naribus graueolentia, vt rutam, digitis confricatam, aut asphaltum iniectum carbonibus. Appone naribus aut castoreum dilutum aceto, assam foetidam, fumum pennarum perdicis vistarum, aut putris soleæ: Muliebribus autem suppones odorata, vt pessulum ex lana, oleo de spica, vel muscatellino inebriata. Si placet, aliquot grana zibeti, ambræ griseæ, aut moschi dissoluantur oleo costi, vel nucis moschatae, quo digitum in-

Discrimen suffocationis ab apoplexia.

A syncope.

Curatio paroxysmi

unctum obstetrix immittat in vterum. Iniici potest clyster ex herbis vterinis odorantibus, vt maiorana, artemisia, matricaria. In colatura dissolue olei de spica, vel costi ℥.j. trochiscorum de gallia vel de alipta moschata ℥.j. triphæ ræ magnæ, vel hieræ picræ ℥. β. Si placet, ex ligno aloes, calamo aromatico, trochiscis de gallia vel de alipta moschata fiat suffumigium, quod excipiat per muliebria. Erotis dat cum vino puluerem ex cordis cerui & fol. lauri, añ ℥.j. myrrhæ ℥.j. certo experimento, inquit, matrix in suum locum remeabit.

Sternutatio in ascensu.

Vomitibus in descensu potior.

Quod si descendat, muliebribus supponenda erunt fœtida, vt castoreum & assa fœtida. Odoranda verò suaueolentia. In ascensu, sternutatio mouenda: potissimū insufflato castoreo: & elleboro nigro, nam etiam fœtore deturbabit. In descensu nocerent sternutatoria. Aperiendum potius os, & lingua digito premenda, vt vomitus excitetur, quia sursum trahit: noceret autem in ascensu. Item vtero ascendente deambulandum est, eodem descendente quiescendum. Si ascendat, cucurbitula imo ventri & internis coxis applicanda erit, vt retrahatur, quæ noceret vtero descendente: Brachia quoque ligari debent cum descendit. Tibiæ verò & fœmora cum ascendit. Præterea coitus releuat à paroxysmo ascensus, seu suffocationis, eoque magis, si penis liniatur oleo moscatellino, aut alio quouis, in quo granum moschi, zibeti, vel ambre griseæ sit dissolutum: Propterea medicus consulere debet parentibus, vt puellæ nubili quærant maritum quadratum & succi plenum. Notandum quod

quod iuuentulæ hystericæ primis congressibus solent concipere, ut caueant sibi; appetens quippe uterus inuento edulio sese explet: Hæc ad paroxysmum.

Hystericarum uterus est avidissimus.

Ad morbi verò curationem & præcautionem Galenus 8. κε τόνος præscribit agarici trochiscati 3. i. ex vino, alioquin terebinthinæ 3. iij. & pulueris hieræ colocynthidos 3. i. ziberi aliquot grana, excepta cotone in umbilicum induuntur, superposito emplastro ex galbano, ut illic contineatur. Vel ℥. assæ fœtidæ, castorei & galbani, añ. 3. j. cum oxymelite, fiat parua massa, de qua capiat pilula, duas instante accessione, vel detur 3. j. castorei, refugiet fœtida. neque ascendet. Conferet prouocare suppressos menses, incisa saphæna: Quod si assequi non possis, aperiatur basilica dextra.

Licetne etiam in paroxysmo venam secare? Licet sanè, quando cerrum est, hystericam esse propter suppressos menses, etiam si veluti mortua & exanimis iaceat. Oppressas enim vires à languidis distinguere, est solius artificis. Pro hystericæ ex semine retento, imperentur ea quæ ad exoniogmum præcesserunt. Succurret maritus, præsertim si glandem inungat oleo moscatellino.

Phlebotomia ubi conveniat.

Distortio dicitur, cum cervix in oblongum ducitur, Cui malo obstetrix indito digito subveniet; prius tamen instituto fotu emolliente.

DE MORBIS IN
meatu.

CAP. IIII.

MOrbi in meatu multæ sunt differentia: vteri compressio, eiusdem densitas, coalescentia, obstructio.

*Compressio-
nis cau-
(a.*

*Densatio-
nis.*

Comprimitur vicinæ alicuius partis tumore, aliquando ab omento, aut à pingui aqualiculo, qua causa valdè pingues non concipiunt: pinguedo enim comprimit internum os vteri.

Densatur vterus potissimum frigore, ut si in partu difficili vulva exposita fuerit aëri, aut post partum ocyùs domo exierit, dum ex lochi spaterent adhuc viæ: aut ad motis vel iniectionis nimium refrigerantibus, ut narcoticis ad placandum dolorem.

Ad coalescentiam pertinet phymosis vteri. Non ita pridem mulier Senonensis ex difficili partu collum vteri habebat ita agglutinatum, ut vix specillum admitteret, iam à 7. annis talis permanerat, frustra subagitata à marito. Chirurgus primum phlebotomo paulatim labra diduxit, ut viam faceret pessario plumbeo, quod sensim intromisit, & marito viam patefecit.

*Obstructio-
nis.*

Obstructio est frequentior. Obstruuntur autem venæ vteri pituita crassa, qua causa suppressi solent menses, eique soli causæ destinantur remedia, quæ ad suppressos menses

& mortuos partus præscribuntur. Obturatur etiam meatus callo, verruca.

Si comprimantur à vicinæ partis tumore, ille si fieri potest resoluatur. Si à pinguedine, deficientibus, ut inedia, hidrotico, gracilitas procuretur. Remedia ex generali methodo repetenda, ubi de morbis auctæ magnitudinis. Si densiorem vterum obstetrix contactu ipso deprehendat, admoneantur & iniciantur quæ calfaciant & humectent, ut decoctum maioranæ, matricariæ althææ, brançæ ursinæ; ex residentia cataplasma: Vel ex cera, terebinthina cedria, & oleo liliorum pessus paretur. Morbus est longus & difficilis, præsertim si densitatem consecuta sit durities: Quæ, si fuerit in collo, obstetrix digito percipiet. Distinguitur à callo, quod callus sit indolens, durities vel leuissimo contactu dolorem facit, proinde cum admittit congressum, summus dolor excitatur.

Curatio
compressio-
nis.

Dēstitatis.

Coalescētię chirurgiam paucis suprā præstrinxi, de qua plurib. Paulus li. 6. ubi etiā legere possis, quomodo nymphea immoderata, clitoris seu cauda, mulieribus abscindi debeat: qua de re lege etiā Aëtium lib. vii. Obstructionis remedia opportunius cum de mouendis mensibus.

Αἴτηνοι seu imperforatæ dicuntur, quibus natura vel accidente, externum, aut internum orificium clausum est, unde clausura vteri nominatur. Aliquando in medio obducitur os externum, alis seu pterygomatis velut in vnum coalescentibus: aliquando in medio matricis membrana adnascitur. Clauso orificio exteriori impeditur congressus, purgatio menstrua, &

Imperfo-
rata quæ.

conceptio: obducto ceruicis medio congressus
& conceptio: clauso ore matricis sola conceptio
impeditur. Nam menses fluunt per venas cerui-
cis. Speculum matricis latentem causam de-
monstrabit. Clausura sine dioptra primo obtutu
discernitur: scalpello diuidatur, quēadmodum
in medio membranula.

*Hiatus v-
teri quid.*

Ad morbum in meatu pertinet hiatus, quan-
do ostium vteri manifestē dehiscit: cui malo
subuenit fetus adstringens, ex decocto rosarum
rubrarum, balaustiorum, nucū cupressi, galla-
rum, quomodo quæ aliquando constupratae
sunt, solent mentiri virginitatem.

LAUITAS VTERI.

CAP. V.

*Causa la-
uitatis v-
teri.*

CVM vterus sit instrumentum procreatio-
nis, qui suo sinu non aliter quā terra
plantas, nouimestri spatio fœtum continere
debet: natura de industria fecit illum asperum,
si præternaturam læuigetur, ante tempus fœ-
tum excludet. Læuitas autem illi accidit, non
aliter quā lienteria intestinis, ex crassa & vi-
scida pituita qua illinitur: Itaque huic morbo
non aliter, quā intemperiei humidæ cum ma-
teria maturē succurrendum est. In vterino de-
cocto bulliant agaricus vel turbith, fiat me-
trenchytes, vtatur per aliquot dies sudorifico:
Hippoc. mulierem quæ abortit sine manifesta
causa, iudicat habere acetabula vteri mucosa. Si

fortè conceperit, ne abortiat foetusque iam grandior sua mole procidat, contineatur in lecto postremis mensibus gestationis, alioquin fasciis vterus sustineatur. Hactenus morbi similes & organici, sequuntur communes.

INFLAMMATIO.

CAP. VI.

Raro vterus inflammatur, estque inflammatio, ut & erysipelas, lethalis. Dignoscetur tumore, calore, dolore, cum febre continua, cum horrore inæquali & inordinato. Augentur hæc symptomata, si ad suppurationem tendat. Factus abscessus si parte externa rumpatur, pus effundetur in capacitatem ventris: si parte interna, vacuabitur per collum vteri: sed permanebit in vtero magnum, & immedicabile vlcus. Phlegmone frequentius fit in collo vteri, neque adeo hic lethalis est.

Inflamatio vteri.

Collivteri.

Remedia sunt clysteres frequentes qui refrigerent, purgatio ex cassia. Vena primum in brachio, ratione plenitudinis, deinde in pede semel iterumque secta, ad vacuationem & derivationem causæ morbificæ: Perinæum initio liniatur unguento rosato Mesuæ. Iniiciatur decoctum refrigerans & repellens, ex decocto portulacæ & rosarum rubrarum, in quo dissoluatur syrupus rosarum siccarum, deinde resoluens ex decocto fœnugræci in aqua & vino. Si neque possit impediri generatio phlegmones, ne-

Curatio.

que resolui, maturandus abscessus cataplasma-
te emolliente.

DE SCIRRHO, ET
cancro.

C A P. VII.

*Curatio
scirrhi non
confirma-
ti.*

Cancrofi.

SCirrhus confirmatus est insanabilis. Inci-
piensemollientibus tam iniectis, quam ad-
motis curetur, admistis vterinis. Quatuor re-
mollientia, artemisia & matricaria cum oma-
so bulliant, decoctum saepe iniiciatur, postea
liniatur oleo liliorum cum vnguento de althæa.
Quando scirrhus incipit dolorem facere, fit
cancrosus, neque tum attingi debet, nisi vt
malo blandiaris: leuibus enim non cedit,
fortibus remediis irritatur. Succus solani,
semperuini & plantaginis, aut eorum aquæ stil-
latitiæ, cum tuthia præparata. Vnguenta dia-
pompholygos, de plumbo & de cerusa con-
ueniunt cancro tam simplici, quam vlcerato.
Itaque iniiciantur cum succis, aut dissoluan-
tur prædictis aquis, necnon scabiosæ, agrimo-
niæ. Vel pessus ex plumbo istis succis vel vng-
uentis inebriatus indatur. Nisi malis confice-
re ex emplastro de cerusa, & emplastro diuino.
Vel solanum & plantago coquantur in lacte,
fiat infessus. Sumatur lac asinæ cum puluere
cancrorum, aut ex succo solani & plantagi-
nis coctis cum saccharo syrupus præparetur.
Oleum ouorum in mortario plumbeo diu subi-

gatur cum pistillo plumbeo, fiet linimentum valdè anodynum pro canceris omnibus vlceratis, quamcunque partem obsideant. Lana eo insuccata forma pessi indatur in vterum. Venæ sectio non erit omittenda, primum in brachio, deinde in pede.

*INFLATIO VTERI.**CAP. VIII.*

Discerneretur, quòd solum tumet hypogastrium sine febre. Curabitur remediis iam ad colicos dolores à flatu præscriptis, clystere carminante, fotu ex decocto cumini, rutæ, lauri, anethi: ex eisdem semicupio parato. Litu ex oleo anethi, lauri, admoto emplastro de baccis lauri. Magna cucurbitula hypogastrio admota, quæ miraculo flatus resoluit. Poterit etiam parari pessarium ex lana prædictis oleis inebriata, quæ si placet, inuoluatur linteo molli, & vsu iam attrito. Bibat vinum decoctionis marathri. Decoctum carminatiuum, in quo 3 ij. confectio-*Curatio.* nis de baccis lauri dissolutæ sint, iniiciatur per metrenchyten.

*DE MOLA.**CAP. IX.*

Est caro informis, præter naturam nata in *Mola quia*.
Vtero, formatricis impotentia, aut men-

Bb iij

strui vitio; sic dicta quod grauat instar lapidis molaris: Quando enim semen viri imbecillius fuerit, aut obruitur sanguinis materni copia, pro vero partu producit molam.

Signa diagnostica.

Dignoscetur pondere & immobilitate: fœtus enim leuis est, & si mas, tertio; si fœmina, quarto mense incipit moueri: Mola per se non mouetur, sed moto solum subiecto: quamcunque enim in partem mulier corpus inclinet, eo vergit mola: Addit Hippocrates, tumere quidem illis mammas, verum sine lacte.

Curatio.

Cum mater transegerit mensem quartum, neque motum vllum in vtero perceperit, praesertim si cetera consentiant, neque tumeant illi pedes vt hydropicorum, coniectura est molæ. Tum debent dari vehementiora, quæ post hæc ad mouendos menses, & ad deturbandum mortuum fœtum, & ad morantem secundinam præscribentur. Quando enim inueterauit, & iam vnum, aut duos annos excessit, consilio Hippocratis timide admodum suscipienda est curatio, nec nisi prænunciato periculo. Mittendus sanguis in brachio & in pede, vt alimentum molæ subtrahatur, atque etiam vt prohibeatur ne inflammatio suboriat, datis frequenter hæmagogis vehementioribus: prius emolliendæ viæ foru & infessu ex remollientibus coctis in hydrelæo. Gestet perpetuo diachylum cum gummis, mixtum cum emplastro de meliloto, prius remollit, posterius resoluit, vel liniatur imus venter etiã oleo liliorum, aut ugento de althæa, vt prius Paretur pessus ex galea flore & sabina, ellebori, aut colocynthidis

Q. i. exceptis multa cera aut terebinthina. Doneus obseruauit molam annos quindecim gestatam, foeliciter excretam. Tamen raro solet excedere quartum annum.

VLCUS VTERI

CAP. X.

Dignoscetur dolore pungente, & excreta sanie. Benignum vlcus ostendet pus album, laeue & aequale: ab his notis quo longius aberit, vt si serosum, nigrum, putidum fuerit, eo deterius; si sanies fuerit similis faeci vini, vlcus est cancrosum. Pars affecta per *diagnosis* speculum matricis, vel immisso longo pessario discernetur. Quo vlcus erit profundius, eo deterius. *Prognosis.* Vlcus matricis in sene nunquam, in iuuenula raro sanescit, quia pars est spermatica, & continue madet: hydrops immedicabilis ad extremum consequitur. Tamen saepe purgatur blando cathartico, aperiatur vena. Initio ad deterisionem, fiat iniectione ex decocto hordei, agrimoniae, marrubij, bulliant in sero lactis: *Curatio.* In colatura ꝑ. iij. dissolue syrupi rosarum siccarum, vel de absinthio ꝑ. j. si placet, bulliant in hydromelite, ex colatura fiat clyster vterinus. *Detergentia.* Ad vlcus malignum iniiciatur vnguentum Apostolorum cum œnomelite, addendo Aegyptiaci parum. Ad consolidandum. Ꝟ. decoctionis vtriusque consolidae ꝑ. iij. dissolue ruthiae, vel vnguenti diapompholygos ꝑ. ij. fiat iniectione in vterum. Aut Ꝟ. corticis thuris, mastiches, gummi hederæ & iuniperi, an. ꝑ. ij. excipiantur ladano, vel terebinthina, fiant trochisci, quo-

rum fumus per infundibulum excipiat. Si
 vlcus fuerit à lue venerea suffitus fiat ex cinna-
 brio: Si vlcus fuerit in collo, & pessario possit
 attingi, multò faciliùs sanescet. ℞. pessarium
 commune, mergatur in vnguentum diapom-
 pholygos, aut paretur pessus ex plumbo: pote-
 rit inuolui linteolo, oblito vnguento diapom-
 pholygos. Interim sumat per os portionem vul-
 nerariam, decoctũ sudorificum. Curatio enim
 vlceris omnis in exsiccatione consistit; propter-
 ea aquis Spadensibus, aut Niuernensibus nihil
 esse præstantius pro vlcerebus internis, dummo-
 dò non sint à lue venerea, alias monuimus.
 Huc reuocari possunt, quæ ad phlegmonem &
 vlcus vesicæ præcesserunt: affectus enim in iis
 partibus similes sunt, siue partes spectes, siue
 affectus ipsos. Clysteres iniiciantur frequentes
 ex sero lactis, aut aqua hordei. Vtatur lacte asi-
 næ, deinde capræ.

SYMPTOMATA PRIMI
 generis, ut impedita conceptio.

CAP. XI.

*vteri offi-
 cia.*

Vterus est instrumentum procreationis,
 qui veluti terra sementem, suo sinu semen
 viri excipit, exceptum retinet, retentum tepore
 suo atque temperie insitæque virtute promouet
 ad actum. Prolificam enim facultatem virili se-

mini à testibus inditam, fortassis non tantum temperie, sed etiam insita proprietate ad opus suscitatur: quæ tria, semen attrahere, continere, & promouere: vno conceptionis nomine includuntur. Concepto semine genitor spiritus, cui insidet vis conformatrix, nouem mensibus primum ex materia seminis tam virilis quam muliebri partes spermaticas, vt ossa, venas, arterias, nervos compingit: Sanguineas verò ex materno sanguine, qui ad eum finem toto gestationis tempore retinetur. Maturum & perfectum infantem, tandem excretrici suæ robore excludit & in lucem edit; itaque conceptione & partu, veluti principio & fine, nouimestris gestatio concluditur. De quibus sigillatim nobis differendū est, à conceptione ducto initio: cuius frustratio propriè sterilitas nominatur.

Intemperatus vterus non concipit, quia si fuerit humidior, non aliter quam terra palustris cerealia, semen obruit: Si frigidior, eius vim & calorem extinguit: Siccior materiam abunde non suggerit. Calidior eandem absumit. Hippoc, densitatem vteri recenset inter præcipuas causas impeditæ conceptionis. Meretrices, non natura, sed accidente densum & callosum habent vterum ex concubitu frequentiore. Accedit quòd vt prolificum sit semen, mora longa & calore opus est: frequens autem congressus antevertit tempus conueniens; sit etiam quod illæ clunes valde subagitant, vt exiliat semen, neque parietibus vteri adhærescat & agglutinetur. Desigendus quoq; animus in cæteros morbos organicos, vt coalescentiam

Causa sterilitatis.

Aphor. 62. sect. 5.

Meretrices cur non facile concipiunt.

& obstructionem à callo, verruca; necnon in communes, vt scirrhum, quibus non est dubium conceptionem impediri. Paralyfis quandoque vteri impedit conceptum, quod refrigerat viri congressum & ardorem, tum obstetricis digitos non sentit, menses effluunt laboriosè, vel subsistunt, vel mouètur inordinatè. Aliquando vterus non concipit, quia laborat per consensum, vt si mulieri, quemadmodum & viro, sit pars aliqua princeps malè affecta: Valerudinariae enim solent esse steriles. Aliquando frustratur conceptio, quia semina non concurrunt, fortè, quòd vir citius quàm fœmina eiacularetur, fortassis etiam quòd vterque calidior, frigidior, humidior: Ideò enim fieri videmus, vt mulier quæ ex primo marito nullos potuit suscipere liberos, si fortè ad secundas nuptias conuolet, numerosa prole domum impleat, quia seminum maior concordia: imò verò per ætatem temperamentum vteri immutatur.

*Visconcordia
seminū*

Propterea enim fieri existimo, vt quæ iuuenis ex eodem marito nullos suscepit liberos, ætate prouectior pariat, immutato per ætatem vteri temperamento: vt desinat vulgus impudicitie acceptum ferre, si quæ mulier post 20. annum matrimonii incipiat vtero gestare. Iuenculae non concipiunt ante annos pubertatis, quia nondum menses illis fluxerunt, eò quòd vasa sint angustiora, neque suppetit materia, quia tota in partium spermaticearum accretione absumitur. Prodigio enim simile est, quod Sauonarola & Capellanus obseruarunt, puellam nouem annorum peperisse. Quemad-

modum & quod de Massinissa ferunt historiae, illum post annum 80. prolem suscepisse. Quidam simile obseruauit Venetiis Alex. Benedictus. Quanquam Arist. 4. de partib. animal. neget senem fecundum semen emittere post annum septuagesimum.

Quæri solet, si concipere possit cui menses nunquam fluxerunt. Non videtur, quia menstruorum purgatio idcirco flores à vulgo nominatur, quod non aliter quam flores fructus in plantis, ita in hominum genere, menstruorum purgationes matri fœturæ sunt indices. Atqui contrariorum contraria sunt consequentia: Itaque ut arbor quæ flores non edidit, erit infructifera; ita mulier quæ non est repurgata. Rondelietius tamen vidit Montisbani mulierem, quæ numerosam prolem suscepit, cui tamen nunquam menses fluxerunt. Sed rara non sunt artis. Ut vna hirundo non facit ver: ita vnicum exemplum non potest destruere medicinæ præcepta, quia traduntur de his quæ si non semper, saltem ut plurimum fiunt; satis est si sint in pluribus vera.

Sed quomodo dignoscam si mulier sit infœcunda, nec ne, causa sterilitatis latente? Iubet Hipp. ut mulier benè tecta suffitum per vuluam excipiat: Galbanum, thus vel myrrha proiciatur in prunas, per infundibulum vapor excipiat, aut supponatur allium tempore somni, cuius odorem si non sentiat, haud dubiè obstructum aut insigniter intemperatum esse vterum necesse est: ideoque non est in maritum, sed in uxorem reiicienda causa sterilitatis. Certior con-

iectione, si semen viri petat fundum aquæ.

Curatio.

Faciamus ergo sterilitatis causam vxori tribuendam, tum vterus tam sumptis quam ad motis roboretur. Primum purgetur massa pilularum de hiera cum agarico, deinde præscribatur Gordonij hoc magisterium, quod mihi solet esse instar omnium.

℥. Ambra griseæ & styracis calamitæ, an. ʒ. j. mastiches, thuris, caryophyllorum, ligni aloes, cinnamomi, nucis moschatæ, nucum cupressi, an. ʒ. ʒ. cum oxymelite & aqua rosarum, fiat confectio, quæ diuidatur in quatuor partes, ex vna fiat pomum odoratum, quod assidue subolfaciat, si non sit hysterica: Ex secunda fiat parua massa pilularum, de qua capiat dormitura pilulas tres quantitate ciceris. Ex tertia pessarium, quod priusquam intromittatur, inungatur oleo muscatellino, vel de spica. Quarta, vel proiciatur in prunas pro suffitu, vel dissoluatur aqua calida, cuius vaporem per infundibulum excipiat: Si potest, his peractis superdormiat. Polypus apud Hippocratem iuuat plurimum conceptionem, aut recens esitatus, elixus, aut assatus: & assati puluis sumatur cum vino. Ad maius robur vteri, gestet etiam emplastrum pro matrice. Quidam succum & puluerem pæoniæ commendant ad conceptionem, alii rasuram eboris Itaque ℥. conseruæ acori & saluiæ, an. ʒ. j. pulueris bistortæ, ligni aloes, pulueris radicis & seminis pæoniæ, scobis eboris, an. ʒ. ij. excipiantur succo pæoniæ, fiat opiata, de qua capiat ʒ. j. manè & serò. Interim venter liniatur oleis odoratis de spica, costi, cinnamomi, nucis

Opiata.

moschatæ. Fiat fœtus vel infessus ex artemisia, matricaria, calamintha. Maritus vero ante congressum sumat coaguli leporis 3. j. cum vino; quotidie sumat lac vaccinum, in quo duo vitelli diluantur.

Fœtus.

Notandum diligenter, quod monet Valescus, in iis remediis etiam per duos annos perseuerandum esse, quia longa & difficilis est mutatio sterilitatis in fecunditatem.

Cæterum ut mas gignatur, suadet Hippocrates, ante congressum, sinistrum testiculum ligari, ut totum semen ad dextrum confluat: Partes enim dextræ sunt robustiores sinistris, & dextra spermatica directò e vena caua sugit materiam seminis, sinistra ab emulgente. Suadendum etiam cum mulier se habere in vtero existimat, ut in dextrum latus corpus reclinet, atque si potest ita dormiat (Nam & in dextra parte vteri fieri mares verisimile est:) adhærebit semen huius lateris acetabulis, & suget de vena caua materiam, ex qua fœtum efformabit. Non est prætereundum, ruta, nepet impediri conceptum, siue eorum decoctum, aut succi assu-
mantur.

*Conceptum
impediens-
tia.*

*NOVIMESTRIS GESTATIONIS**morbosa accidentia, imprimis
abortus.**C A P. XII.*

Primis mensibus grauidę picant, menstrui
portione aliqua ab vtero ad ventriculum

transmissa. (cui malo medetur rotula ex pistis amygdalis saccharo dulcoratis) stomacho etiam compatiēte, inappetentia, cardiognos. Eiusdem menstrui fumis laceffitum cor palpirat, deliquium frequens easprehendit. Quinetiam compatiēte cerebro, quædam epilepticè conuelluntur, quæ omnia solent disparere grandiore fœtu, quia menstrui maiorem portionem absumit. Interim non erit alienum cassia cum rheo ventriculum repurgare, nec non opiata ex conseruis cardiacis rosarum, violarum, buglossi, borraginis, confecta cum pulueribus cardiacis cor munire. Vomitus vtiliter accidit grauidis, quia reuellit, nisi fuerit immodicus. In eo casu humor peccans minoratiuo aliquo deturbetur. Est cum natura ipsa impuritatem per vterum expurgat, vt cum grauidæ fluunt menses albi, quod habere debent in bonis; si menses rubri exeant, fluit sanguis per venas ceruicis, nō vteri, quia illius os tam arctè clauditur a conceptione, vt vix graphii cuspidem admitrat. Nihil tam metuendum quàm abortus, nihil quod æquè medicos sollicitet. Abortiunt quibus vterus humidior & acetabula vteri plena muco. Quibus consulendum, vt inlecto se contineant: si nolint, aut propter angustiam rei familiaris non possint, saltem non exeant, nisi hypogastrium fasciis subleuent. Desiccandus vterus longo vsu hidrotici, vt salsæparillæ, vel potu aquarum Puguensium, aut Spadensium. Aëtites lapis appensus brachio sinistro creditur fœtum suspendere. De magnete docti quidā idem pollicentur.

*Caco-
chymia cura-
tio.*

*Abortus
causa.*

*Aëtitis
virtus.*

pollicentur. Decoctum radicis tormentillæ creditur proprietate abortum impedire.

℞. conseruæ veteris rosarum ℥. j. conseruæ symphyti ℥. j. β pulueris radicis tormentillæ ʒ. iij. ossis de corde cerui, coralli rubri, añ. ʒ. ij. fiat opiata cum syrupo cydoniorum, de qua capiat ʒ. j. mane & vespere hora somni. Utatur sæpe manu Christi perlata, vel ex ovo sorbili quotidie sumat carabes & mastiches añ. ʒ. j. Si semel propter mucum abortierit, priusquam denuò concipiat, eluatur vterus decocto detergente, in quo turbiti, aut agaricus bullierit. Vel ℞. radicis tormentillæ ʒ. β. ligni aloes, benjoin, styacis calamitæ, calami aromatici, añ. ʒ. j. fiat puluis pro suffitu, quo vterus desiccabitur.

*Vterum
tergentia.*

Si plethorica videatur, existimetque foetum obrui copia sanguinis, ideoque ante tempus illum appetere exitum, medio tempore gestationis (hoc enim tempus præfert Hipp. cum nihil vrget) incidatur vena in brachio. Noui quam plurimas, quarum aliæ abortiunt, aliæ foetus edunt parum firmos & vitales, nisi intermediis mensibus phlebotomiâ plenitudo minuatur.

*Phlebotomia
quibus
conueniat.*

Si abortû excitet vehemens & diuturna tussis, aut sternutatio, quia vterum deorsum impellunt, remediis suo loco explicatis, quàm citò fieri poterit, placari debent. Quemadmodum si alui fluor aliquis, vt diarrhœa, dysenteria, lienteria, atque imprimis tenesmus: Iniiciantur frequentes clysteres ex lacte, cum vitellis ouorum & saccharo rosato, etiâ addito pauco philonio, vt obtundatur sensus. Huc referre possis abortû ex vehementiori cathartico, quemadmodum

*Ieiunium
gravidarum
etiam.*

Ec

ad inanitionem, sanguinis immodicā detractionem, aut longiorem inedia: quibus causis non est dubium mulieres sepe numero abortire, id eoque à ieiunio quadragesimali grauidę debent excusari. Scribit Hipp. lib. 3. Aphor. 13. si ver fuerit siccū & aquilonium, hyems australis & pluuiosa, vt plurimum mulieres abortire. Cur ita? quia aere pluuio repletur madetque vterus: aquilonio flatu & hyemis frigore comprimitur, atque ita cum humore fetus excluditur. Grauidam acuto morbo, vt pleuritide, aut febre continua corripitur, lethale. Quid tum opus est facto? Seruanda mater, etiam cum fetus periculo: frequenti venę sectione & purgatione profligandus morbus, quinetiam abortus prouocandus est arte, vt mater seruetur. Caue autem ne temerē abortiuum impedias, puerperam enim in vitę discrimen coniiceres.

S C H O L I V M.

METALLICARVM aquarum vsum video placuisse clarissimo Riolano, vtpotē qui sexcentis ferē locis eas prescripserit superius: in cap. de paralyti, de tremore, de affectibus ventriculi: de vlcere renum, vesicę, & vteri; in cap. de tenesmo, de mensibus deprauatis: hic denique de abortu. Verum, quamuis negare non ausim, mirabilem esse in aquis Dominum, vt habent sacra litera; propter mirandas, ac propē diuinas dotes eis à supremo numine concessas, ad contumaciam quorundam morborum curationem: nec inuitus fatear cum Vitruuio: Nulli ibi maiora, quàm in aquis cerni naturę miracula; monendos esse puto iuniores ΦΙΛΙΞΤΟΣ, vt prudenter & cautē se gerant in prescribendo earum usu, ne temerē atq. inconsultō, vt ferē fit, ad eas mittantur agri intemperati, sacochymi, quibus astuent viscera nutritia, & squalleant multa illuubiliosa, fætida, acri, maligna; quorum du-

itibus frequens adfit percelebris illa multorum morborum
 parens obstructio, qua vix ac ne vix quidem summonetur:
 unde tandem nascuntur morbi adeo pernicaces, ut vix un-
 quam desinant, & agris ferè cōmorianantur. Eiusmodi enim
 aqua, qualescunque sint, calore & siccitate insignes sunt,
 (quamvis alia plus, alia minus caleant) quippe quæ quasi
 per calcem & cinerem exusta terra, à qua generantur me-
 tallà, manent & percolentur: adeo v. v. x fieri possi, quin à
 diuturno earum usu empyreuma quoddam remaneat, quod
 in corpore intemperato, atque disposito, novum tandem mor-
 bum exciet, & feruidam, si qua sit, viscerum dispositionem
 adaugeat. Id ipsum probant Hippocrates, lib. de acre, locis
 & aquis, textu 13. Aristotel lib. 2. Meteor, cap. 3. & Gale-
 nus cap. 6. lib. 1. de simpl. medicam. facultatibus; quæ inui-
 sat & attentè perlegat Lector, eiusmodi aquarum vires &
 usum discendi capidus. Lubens quidem fateor eas locum
 habere in pernicacibus quibusdam affectibus, & in ijs me-
 randa quadam patrare: nec tamen ista Medico in Hippocra-
 tis & Galeni doctrina instituto sufficiunt, ut earum usum
 promiscuè prescribat singulis propè affectibus, & quavis
 anni tempestate: quod tamen sine ullo diorismo, ἀτακ-
 τως, ἀμεθοδως & intempestivè faciunt diabolares
 quidam medicastrī, & Paracelsi de grege sufflones Empiri-
 ci. Sciant quoque Φιλίατροι superius, cap. de Paralyti,
 spadenses & Niuernenses aquas ab Auctore nostro ther-
 mas improprie denominari: ùm therma dumtaxat dicantur
 aqua illa calidior, in quas tanquam in balneum agri
 corpora sua demergunt: aqua verò, quas largiori calice hau-
 riunt. Neque etiam video qua ratione paralytici ab eiusmodi
 spadensium aut Niuernensium aquarum usu levari
 possint, quamcunque causam habeat illa paralytis: idem
 de tremore sentio, cui potissimum repugnant, cum de causa
 morbifica nihil detrahant, & humorem nervis impactum
 nec digerant, nec discutiant. Quod apprimè præstant aqua
 Borbonienses balneo adhibita, virtute scilicet, actūque fer-
 uida, ob prae dominationem eximiam sulphuris, & bituminis
 quibus scatent, delibutaque sunt. In ulcere ventriculi
 easdem prescripsit, quas tamen inutiles reputo, propter ea
 quod non leniter calefaciant, ratione nitri, sulphuris atque
 ethalcanti, quod pestremum contraria penitus homini na-

tura est, ut affirmat Galenus, lib. 8. de compos. medic. secundum locos, cap. 3. Nec aliter sentiendum puto de ulcere renum atque vesicae, quae ut plurimum nullam admittunt curationem, propter assiduum acrioris seris affluxum, à quo inhibetur ulceris virusque deterfio sine desiccatio. Eadem sit ratio in ulcere uteri percurando, atque abortu praecavendo, cum tanta exsiccandi facultate nullatenus polleant eiusmodi aqua metallica.

PARTVS DIFFICILIS.

CAP. XIII.

Difficultas pariendi vel contingit vitio foetus, utpotè imbecillioris, mortui, longioris, crassioris, malè exeuntis: Vel matris, cui vulva sit angustior, compressa, siccior, obstructa cicatrice, verruca, callo, scirrho: Praesentis medici partes erunt ad causam advertere, & puerperium facilitare, Proinde si mater parere soleat cum difficultate, cum instabit tempus, exerceatur pubes, perinaeum, & os sacrum oleo aliquo relaxante, ut amygdalarum dulcium vel liliorum liniantur, glande alius exoneretur, postea deligat situm conuenientiore: Quaedam enim in lecto iacentes, aliae genibus innixae facilius pariunt, aliae sedentes in sella perforata, aliae erectae & lecto insidentes: quae vno situ cum difficultate pepererit, alterum deinceps experiatur. Tempore puerperij contineat spiritum eumque deorsum impellat: sumat vini Hippocratici albi aliquot cochlearia per intervalla, aut syrupum capilli veneris, dilu-

Partum
facilitatio

tum decocto cinamomi, vel radicum aperientium.

℞. granorum iuniperi & baccarum lauri, añ. ḡ. v). cassiæ lignæ & cinamomi, an. ʒ. j. farciatur venter pulli, sumatque iusculum præsertim cum aquæ morantur, nec vulua satis lubrica est. Quæ si longè ante partum eruperint, quia siccus vterus retinet: vel si multus sanguis effluerit, quod fœtum simul & matrem valde debilitat, non potest partus non esse laboriosus. Ut via humectetur, injiciatur decoctum remolliens cum butyro recenti.

℞. Radicis liliorum ʒ. β. althææ cum radice, M. β. seminis lini & fœnugræci, an. ʒ. β. caricæ n. 4. fiat decoctio. In colaturæ ad summum lb. β. moschi gr. ij. dissolue olei amygdalarum dulcium, aut liliorum ʒ. ij. fiat iniectio: obstetrix resectis vnguibus, manus prædictis oleis, aut butyro recenti intingat. Authore Plinio. decoctum maluæ potum, faciliat partum; quin etiam folia illius substrata tantopere iuuant, ut nisi statim à partu subtrahantur, periculum sit ne fœtus sequatur. Huius partes erunt, infantem, non, ut debet, in caput procedentem, sed vel in pedes, qui Agrippæ dicuntur, vel in dorsum, qui strus est omnium pessimus; vel in brachia dirigere & blande reponere: oprandum est, ut exeat in caput: ceteri enim exitus sunt præter naturam, quorum omnium optabilior est qui fit in pedes, quam Plinius duobus exemplis demonstrat, hunc partum esse sinistri ominis; Priore, quòd

*Exitus qui
magis ex
natura.*

Cc iij

Agrippa fuerit toto vitę cursu valetudinarius: posteriore, quod Nero, hostis naturę, prodierit in pedes.

*Dolor ex
secundina
diuisa.*

Cum naturalis ordo pariendi seruatur, membranis à fœtu calcitrante disruptis, primū exeunt aque ad lubricandam viam mox procedit fœtus in caput, sequitur *Δευτέριον* quod acetabulis vteri alligatum, quoties diuellitur, toties parit dolores illos, de quibus puerperę conqueruntur.

*Periculum
ex resuante*


Si naturalis hic ordo pariendi peruertatur, ut si secundina exeat manente fœtu, lethale: Quomodo enim viueret destitutus alimento? Si moretur secundina, obstetrix nihil acceleret, eamque integram, si potest, extrahat, non frustatim: nam vel minima illius portio grauiſſima inducit symptomata, ex quibus sæpè mors consequitur: multoque facilius est integram extrahere, quàm per frustra. Aliquando putrescit portio quę remansit, & sub forma puris excluditur, quod & habendum est in bonis: tamen inter moras sæpè grauitate symptomatum moriuntur.

Quoties igitur ad puerperam vocaberis, curiosè obseruabis si secundina integra exierit: nam si illius vel minimum frustulum remanserit, grauiſſimorum accidentium quibus puerpera torquetur, non erit aliundè causa requirenda: tum præscribes quę morantem secundinam excludunt, proximo capite explicanda.

Faciamus vitalem fœtum feliciter exiisse,

cōsequutum δευτέριον integrum, de lochiis supererit interrogare (sunt menstrui superfluitates toto tempore gestationis in vtero aggregatæ ex reliquiis alimentarij sanguinis, de quibus credibile est intelligenda esse maleficia, quæ menstruo Plinius attribuit,) hæc enim nisi liberaliter fluant, infinitorum morborum sunt causæ, nisi quæ potenter mouent menses, ea abundè deturbant, saphæna incidatur, purgentur, & cardiacis tam sumptis quam admotis cor à malignis fumis defendatur. Hippocrates in difficili partu secatur saphænam, qua nullum præstantius existimo remedium.





SYMPTOMATA SECUNDI GENERIS.

DE RETENTIS LOCHIIS, ET
suppressis mensibus.

C A P. XIV.



Dametrium in retentis pertinent menses retenti, lochia suppressa, tardans secundinam, & fœtus mortuus: singula cum præter naturam retineantur, arte excernenda sunt, dandaque est opera, ut quam citò fieri poterit excludantur.

Vehementiora quæ ad mouendos menses imperantur, lochia, secundinam, & mortuum fœtum deturbant. Proinde primo loco quæ menses, secundo quæ secundinam & fœtū mortuum, exponemus: eaque in tres classes distinguemus, leuia, mediocria & vehemētia.

*Quibus
menses non*

Notandum verò non propriè dici menses suppressos, nisi retineantur cum naturæ legibus fluere debent: neque enim puellæ ante annum pubertatis, neque vetulæ post annum quinquagesimum propriè suppressos menses dixeris, neque de illi se ætate prouocandi cogitabis: frustra etiam in extenuatis inedia, aut

longo morbo, vt quartana, diarrhœa, hemor-
rhagia idem tentaretur. Faciamus mulieri ægro-
ranti multoties incisam esse venam, deinde per
tres aut quatuor menses, plus minùs, lunarem
purgationem restitisse, temerè ad prouocandos
menses remedia præscribentur: quia sanguis
vix sufficit analepsi, eiusque quod morbo longo
deperiit restorationi: Verum si nihil tale præ-
cesserit, suppressionis causæ perquirendę, cu-
ratio enim morbi consistit in remotione causæ.

*prouocan-
di.*

Si scirrhus, cancer, omentum aut pinguedo
comprimens, si densitas vteri accusetur, singu-
lis causis propria remedia opponentur: Esto
densus & durus vterus, foru, infessu, suffitu
emolliendus erit, priusquam aperientia & inci-
dentia imperentur. Si nihil tale appareat, causa
referenda erit in obstructionem venarum vte-
ri, aut iecoris: obstruuntur autem vt plurimum
a pituita crassa & viscida, cui soli causæ desti-
nari solent remedia, quæ ad mouendos menses
passim præscribuntur. Leuiores quæ sunt in vsu
frequentiore, hæc sunt: Imprimis purgatio ge-
neralis ex ꝑ. iij. pilularum de hiera cum agari-
co; deinde præscribenda massa ex puluere hie-
ræ simplicis & pilulis elephanginis, de qua ca-
piat alternis diebus ante pastum pilulas duas.

*Causa sup-
pressionis.*

*Remedia
leuiores.*

*Pilula de-
obstruens.*

℞. pulueris hieræ simplicis, pilularum ele-
phanginarum, añ. ʒ. ij. cum syrupo capilli vene-
ris, fiat parua massa, qua vtatur, vt dictum est.
Vtilis etiam erit vsus syrapi capilli veneris, de
artemisia, aut de hyssopo, cum decocto quin-
que radicum aperientium. ℞. singulorum ʒ. j.
dissolue in lb. j. decoctionis radicum aperien-

tium, fiat iulep in tres doses, capiat manè diebus, quibus non vtetur pilulis. Fricentur crura deorsum. Fieri poterunt fots & infessus ex remollientibus & vterinis incidentibus. ℞. radicū liliorum ℥. j. althææ cum radice, artemisiæ, matricariæ, hyssopi, pulegi, calaminthæ, añ. M. β. fiat decoctio in aquæ & vini albi æquis partibus, pro fots muliebrium; aut quantitate herbarum aucta, fiat infessus.

Cum humores ita apparati fuerint, & ad fluendum aptiores redditi, aperiatur saphana, deligatur tempus magis idoneum, vt habeamus naturam instituti nostri adiutricem. Verbi gratia, si solita fuerit repurgari luna noua, hoc tempore vena incidetur; si plena, plenilunium expectemus; alioquin

Luna vetus veteres, iuuenes noua luna repurgat.

*Saphana
an semper
prior aperienda.*

Quæritur si ante saphænam sit aperienda basilica? Vetat Galenus, ne fiat reuulsio instituto nostro contraria. Actius iubet, vt minuatur plenitudo, alioquin sanguis magno impetu fluet ad vterum, & inflammationem illic excitabit, aut obstructionem augebit: In manifestè plethoricis vera est sententia Actij, alioquin sequendum Galeni consilium. Suffrus aromatum muliebria ducit, proinde ex myrrha, cassia lignea, & gūmi iuniperi fiat puluis crassus, cuius fumum excipiat per infundibulum. Aut paratur pessus ex artemisia, aut mercuriali pista & inuoluta linteolo, aut intingatur eorum succis. Internis fœmoribus vtiliter applicantur cucurbitulae.

Hæc remedia si leuiora videantur, neque

causæ magnitudini respondeant, vtere mediocribus. quale hoc fuerit. ℞. syrupi de artemisia ℥. j. β. trochiscorum de prassio vel de calamintha ℥. i. cum ℥. vj. decoctionis seminis iuniperi, fiat dosis, quæ iteretur per dies aliquot. Bibat pro ordinario potu hydromel, in quo hyssopi coma bullierit. Myrrha aliquot diebus sumatur cum vino albo, quantitate nucis auellanae, aut cassia lignea (est crassius cinamomum.) Fernelius dat pulueris fistule cassiæ ℥. j. cum vino albo, diluto aqua hyssopi, aut cum vitello: Pulgium, nepeta, artemisia, matricaria, maiorana, hyssopus, calamintha bulliant in aquæ & vini albi æquis partibus, vaporem excipiat per infundibulum: foueatur imus venter cum spongia: ex residentia cataplasma paretur, addendo emollientia.

Mediocria.

Fortiora sunt quæ sequuntur, quibus, vt dixi, secundina & fœtus mortuus excluduntur: trochiscorum de myrrha ℥. ij. cum vino Hippocratico albo, aut hydromelite vinoso. Item ℞. pulueris sabinae, aristolochiæ, dictani albi, granorum iuniperi, & baccarum lauri, añ. ℥. β. crassioris cinamomi ℥. ij. trochiscorum de myrrha ℥. iiij. excipiantur syrupo de artemisia, fiat confectio, de qua capiat ℥. j. pro dosi ex cochleari, cum syrupo capilli veneris, aut dissolutam hydromelite. Poterit immisceri puluis chalybis præparati, quo solui contumaces obstructions rûm admonui, cum de fœdis virginum coloribus tractaui.

Fortiora.

Item ℞. pessarium commune, intingatur succo mercurialis vel artemisiæ, deinde con-

spargatur pulueris ellebori, euphorbij, & trochiscorum alandal, añ. ʒ. ʒ. contineatur in vulua per vnam horam, etiam secundinam & fœtum mortuum attrahet. Si placet, ex opopana-ce, sagapeno, styrace calamita, myrrha, dictanino albo, aristolochia, granis iuniperi fiat puluis profusitu muliebrum. Dum hæc præstabis, reuoca in memoriam, Hipp. lib. de morbis mulierum, talibus rationibus demonstrare, quotiescunque per sex menses desinit iste fluor, vix ac ne vix quidem arte reuocari posse. Primò, quia iam humoralio diuertit. Secundò, quia per moras valdè creuit obstructio. Tertiò, quia excretrix elanguit otio, estque veluti sui officij oblita. Tamen ille refert ancillæ Pythiuse cum toto septennio menses substitissent, sanguine aliò diuertente: tamen sponte rediisse, eodem ad locum proprium refluyente. Pronuntianda igitur difficultas, non impossibilitas, si per sex menses restiterint.

D E S E C U N D I N A

morante.

C A P. XV.

VT excludatur secundina, accipe secundinam ouis vel capræ, siccetur in furno, puluis detur cum vino albo, aut aqua decoctionis eetriac. Idem puluis excipiat melle, & indatur forma pessi; quinetiam, si credimus Aëtio, si adhuc calens applicetur ventri parturientis, partus erit facilior.

Haly suadet, vt maritus inungat penem gummi iuniperi, & vxorem subigat. Ille idem iubet, vt excludatur citius quàm fieri poterit: Auicenna tamen mauult expectare suppurationem; interim experitur leuiora, & iuxta Aphorismum Hippocrat. mouet sternutationem, internis fœmoribus applicat cucurbitulas, atque vt citius putrescat, basilicum dissolutum in decocto althææ, violariæ & ficuum iniicit per metrenchyten: Verùm, me iudice, hæc controuersia ita dirimenda est, quando subsistens *Secundum* *quædo ac-* *celeranda* *excretio.* inducit grauiam quædam symptomata, imminetque mortis discrimen, acceleranda est excretio, datis vehementioribus, quæ ad mouendos menses præcesserunt: verùm si nihil vrgeat, expectari potest suppuratio, atque etiã adiuuari. Chirurgiam docent Paulus libro 6. & Aëtius libro ultimo.

FOETVS MORTVVS

in utero.

CAP. XVI.

Dignoscetur, quod puerpera nihil sentit amplius moueri, tum quod imus venter refrigerat, cauantur oculi, tandẽ anhelitus fœtet. Dentur trochiscorũ de myrrha ʒ.ij. aut pilularum de sagapeno ʒ.j. Aut ℥. aristolochiæ lōgæ, castorei & myrrhæ, dictamni cretici, añ. ʒ. j. fiat paruus bolus, cum syrupo de artemisia: indatur pessus ex melle, acuto diagridij, colocynthidis

Pessus astrahens.

sectio ca-
sarea.

vbi cauen-
da.

& ellebori, añ. ʒ.ʒ. Quæ si non iuuerint, extrahatur ferramentis à perito chirurgo per vuluā, aut venter incidatur. Cæsares vel Cæsiones dicuntur, qui cæso matris vtero in lucem prodierunt. Operationem Paulus & Aetius ex Philumeno copiosè descripserunt, vbi iubent foru, litu, cataplasmate, infessu relaxante, vuluā lubricari, priusquam ferro extrahatur. Celsus monet, neque vi, neque ferro extractionem tentandam esse, si superuenerit inflammatio. Non est prætereundum quod notat Albucasis, se vidisse mulierem, quæ manente fœtu mortuo nihilominus nouissimè concepit, mortuus fœtus putruit, sanies ad vmbilicum ablegata est, atque illic abscessum fecit: quo quidem abscessu rupto, auxilio emplastri attrahentis, (quale à chirurgis parari solet ex bdellio, dictamno, & aristolochia) ossa ipsa exierunt integra. Sanè non debet amplius esse mirum, si fœtus mortuus, purulentus per vuluam exierit. Hæc historia facit, vt maiorem fidem adhibeam historiis doctissimi Rosseti *de partu Casareo*, quibus demonstrat fœtum extrahi posse per ventrem matre superstite. Nescio tamen an suo instituto accommodatè librum inscripserit, *de partu Casareo*; nam Probus Cæsiones dici vult, quòd necatis matribus exeant. Extractionem fœtus per sectionem ἐμβρυχλίαν veteres appellant. Guido iubet, mortua matre incidi ventrem parte sinistra, secundum longitudinem.

MENSES IMMODERATI.

CAP. XVII.

AD ametriam in excreto pertinent menses nimij, pauci, vt cum stillant guttatim; & deprauati, vt albi, & decolores. Ad immoderatè fluentes aperiatur basilica dextra, vt reuellas, ligentur brachia, admoueantur infra, non supra mamas, cucurbitulæ, scapulis, nec non iecori, vt sistatur in suo fonte. Vt laxiora vasa restringantur, ℞. aquarum plantaginis, centinodiæ, & rosarum, an. ℥. iiij. acetii ℥. j. hoc epithemate intingatur lintheum, quo veluti cingulo imus venter cingatur. Vel ℞. plantaginis, centinodiæ, rosarum rubrarum, an. M. β. malicorij & balaustiorum, an. ℥. β. fiat decoctio ad eundem vsum. Item cataplasma ex materia prædicta, velex bolo, sanguine draconis, agitatæ cum albuminibus ouorum. Si malis, paretur emplastrum ex carne cydoniorum & mastiche, liniatur imus *Litus.* venter vnguento comitissæ, vel oleo aliquo astringente, vt mastichino, cydoniorum. Item ex succis aut aquis plantaginis, centinodiæ, rosarum, cum pauca terra sigillata fiat iniectio: *Iniectio.* lana iisdem succis inebriata forma pessi indatur, aut ingrediatur semicupium, cuius decoctum sit adstringens. Vel ℞. pessarium commune, mergatur in vnguento comitissæ. Prouocetur arte somnus, abstineat vino, cuius

Iulepi ad-
stringētes. loco vtatur aqua chalybeata, in qua dissolui poterunt iulep rosarum, aut syrupus aliquis astringens cydoniorum, rosarum siccarum, granatorum; trochisci quoque adstringentes de bolo, de terra sigillata, de carabe, ex quibus cum conserua rosarum & symphyti, fiat opiata, cui addere poteris rasuram eboris, cornu cerui, corallum rubrum, hamatitem. Interim corpus purgetur ex decocto ℥. β. myrobalanorum citrinorum. Temerè autem suppressi non debet hamorrhagia, præsertim quando fit à repletionē.

℥. myrobalanorum citrinorum ℥. β. bulliant in aquis rosarum & plantaginis, in colatura dissolue syrupi de cichorio compositi cum rheo ℥. j. fiat potio. Nisi mauis expressionem ℥. ij. rhabarbari, infusi in iisdem aquis; in qua dissolue ℥. j. cuiusvis syrupi astringentis. Cæterum quia sanguis immodicè fluit, duabus præsertim de causis: Primò, propter vias laxiores, cui causæ conuenient adstringentia commemorata. Secundò, propter sanguinis ipsius tenuitatem, huic causæ conuenient incrassantia. Ad eum, finem præscribes iuscula, lactucâ & portulacâ alterata, aut ex eorum succis & succo plantaginis coctis cum saccharo fiat syrupus, quo vtatur omni hora. Inspissant sanguinem oryza cocta in aqua rosarum, pedes vituli; idem præstat pulicula ex farina fabarum cocta in lacte chalybeato. Ante pastus edat parum cydoniati: immoderati enim mentes in iuuenibus periculosi, in senibus funesti: hydropicæ tandem moriuntur refrigerato iecote.

MENSTRVVM

MENSTRVVM STILLI-
cidium.

CAP. XVIII.

Sanguis supra modū effluit per ἀνασώμωσιν, apertis venis, vteri rarò per ἀνάβρωσιν rupta aliqua illius vena, vt ictu, casu, difficili partu. Est etiam cum guttatim veluti stillat sanguis, & paucus cum dolore redditur, sanguis inquam impurus, saniosus, purulentus. Dolorosum hoc stillicidium erosionis certum est indicium, aliquādo etiam vlceris simplicis, vel maligni. Qualitas excreti qualitatem & magnitudinem morbi indicabit: Sanies enim & pus, vlcus certò indicant: Sanguis verò impurus, saniosus, erodens, exulcerationem, vbi dolor ibi morbus. Ex loco doloris, si vlcus sit in vtero ipso, an in collo vteri discernetur: nam si respondeat sentire dolorem in perinaeo, est in collo: si ad pubem, est in vtero ipso. Vlceri iam propria remedia descripta sunt, exulcerationi & erosioni leuiora accommodentur: lege Aetium lib. 16. cap. 65.

Affectus indicia.

Partis affecta.

HAMORRHOIS VTERI.

CAP. XIX.

Est vena in collo vteri, per circuitus, extra tempus lunaris purgationis, sanguinem

Dd

fundens. Poterit videri per dioptram: Tuberculum enim eminet subrubrum & cruentum, quod Pauli consilio abscindendum est, quo tempore morbus dat inducias. Lege Aetium lib. 16. cap. 99. vbi monet cancr osas & varicolas non esse attingendas.

MENSES DEPRAVATI, VT
albi & decolores.

CAP. XX.

*Alborum
mensium
causa.*

*Incommo-
da.*

*Periculum
à temera-
ria suppres-
sione.*

A Vctore Hippocrate, menses decolores de-
siderant purgationē, quia cacochymiam
indicant. Quis humor peccet, inspectione indu-
sij distinguetur: Albi verò menses, aut accidunt
ipsiusmet vteri intemperie frigida per conge-
stionem, vel generali rheumatismo, siue totum
corpus in vterum sese exoneret, siue pars aliqua
princeps: hinc longa & difficilis curatio, quia
aliunde fouetur. Periculum tamen est in mora,
quia aliquando vterus humoris acrimonia exul-
ceratur: tūc excretum incipit esse rubrum, &
fluit cum dolore. Hocque sequitur incommo-
dum, quod rarò concipiant: quippè cūm perpe-
tuo madeat illis vterus; quòd si fortè cōcipiant,
aut abortiunt, aut partus edunt morbosos & pa-
rum vitales. Neque tamen temerè suppressi de-
bet vterinus fluor: propterea quòd suppressione
intempestiua aliqua in hydropem, alia in para-
lysim, alia in cephalalgiam inciderunt, humore
aliò refluxente.

Priusquam de remediis cogites, vide ne similitudo tibi imponat. Sunt enim duo vteri affectus similes fluori albo, nempe gonorrhœa simplex & virulenta. Distinguentur, quod in gonorrhœa simplici effluat semen cum titillatione, cum in rheumatismo vteri fluat pituita sine pruritu. Sub gonorrhœa virulenta continuus est dolor, ut in ulcere, non sine ardore & acrimonia urinæ: ut mittam fœdum concubitum, qui semper istam gonorrhœam præcessit, non fluorem album. Hoc quoque certo signo distinguentur, quod quoties fluunt menses rubri, albi subsistunt, perseverat nihilominus gonorrhœa virulenta.

Curationis primus scopus, ut impuritatem corporis diuertas & per sentinam exhaustas: nisi colluuiem humorum quæ fluit undique ad vterum, per aluum expurges, coniecies ægrum in maius periculum importuna suppressione; quia, ut dixi, humor aliò refluet. Itaque præscribatur parua massa pilularum de quinque generibus myrobalanorum; purgetur pilulis assaieret, de bdellio, vel ex rheo cum agarico, ratione pituitæ exuperantis. Applicetur vtero & lumbis emplastrum pro matrice, sed remoueat cum instabit tempus rubræ purgationis. ℞. emplastri pro matrice ℥.iiij. extendatur super aluta, & applicetur dictis partibus. Sumat quotidie cum vitello vnius oui carabes ꝑ.ij. Aut paratur opiata ex conserva rosarum & symphyti, addendo trochiscos adstringentes, corallum, cornu cerui vstum. Consuetur parti principi si quæ laboret, hepatis hepatis.

Curatio.

Opiata adstringens.

Dd ij

*Vterum
desiccātin.*

cis, cerebro cephalicis. Alioquin intemperies frigida vteri iam dictis remediis corrigatur. Exsiccando vtero conueniunt hidroticum, staphæ siccæ, imprimis verò suffitus ex puluere radicis bistortæ, trochiscis de gallia & de alipta moschata, caryophyllis, nucem moschata: ℞. radicis bistortæ ℥. β. trochiscorū de gallia & dealipta moschata, an. ʒ. iij. caryophyllorū & nucis moschatae, an. ʒ. iij. fiat puluis crassus pro suffitu muliebriū. Thermæ Spadenses & Niuernēses desiccant vterū, propterea vt vlceri, ita illius rheumatismo benefaciunt, quotiescunq; humor videbitur descēdere à cerebro per somnū. Paulus Ægineta contendit diuretica, vt asari, apij, fœniculi decoctum, vi attenuante ducere per vri-
nas, vt etiam Galenus, qui vt humorem eò diuertat, eadem imperat. Eodem diuersionis scopo vtiliter admouebuntur cauteria brachiis.

Prognosis.

Norandum ex Aetio, iuuenes rubra, vetulas alba fluxione sæpius tentari; si respondeat ætati, facilius curari; si non sit ætati morbus congener, vt si vetula rubro, iuuenula albo fluore tenteretur, difficilius & cum maiore vlceris periculo, propter humoris fluentis acrimoniam. Sanè non caret dubitatione quod affirmat Montanus, iuenculas quæ patiuntur fluorem album, expertas esse venerē: quia puellis etiam octo annorum aliquando accidit, vt Fernelius obseruauit. Ego verò in trienni puella, cui fuit magna copia.

FVROR VTERINVS.

CAP. XXI.

Nobilis mulier non ita pridem furebat ab vtero, imperaui venæ sectionem, clysteres, frequens balneum; quibus cum morbus non cederet, maritum peregrè profectum iussi renocari: Reuersus prima nocte illi pristinam mentem restituit. Siccus vterus solebat humectari, non aqueo, sed pingui & aërio illo humore, qui est illi propabulo. Simile est ferè quod narrat Alexand. Benedictus: Iuencula Venetiis domo exiit, furens ab vtero ob suppressos menses: cum maritus eiusdem domum reuersus eam tota nocte subagitasset, fluxere menses, mentisque sanitatem consequuta est.

*Quale vteri
propabulū.*

SCHOLIUM.

Fvor uterinus symptoma est ex iis qua vterum affligit, rarum quidem & insolens, sed periculosum & difficilis curationis, nisi arte eius inijs prudenter occurrat sagax & diligens Medicus. Sic autem dicitur, quod sit ferinum rabiosumque delirium, ab vteri pruritu, phlegmone & priapismo propriis signis distinctum. Ortum habet ab vteri vitio, qui sanguinis seminisve copiosi æstu pruriens, in furias veneremque ruat, sui que desiderij simulacrum cerebro tam firmiter per epigenesin imprimat, ut nil nisi obscenas imagines primum agra mulier meditetur, mox in verba erumpat minus pudica, donec in lasciuos gestus & motus inuerecundos effusa, obuios masculos, & interdum feminas ad venerem sollicitet. Est igitur hic affectus, immoderatus veneris appetitus, feminas ad insaniam fere redigens, à seminis copia & acrimonia exurgens: seu delirium ex

D d iij

immodico veneris appetitu ortum: unde fit ut plurimi statu-
 tuant hoc affectu quondam laborasse Virgines illas Milesias,
 de quibus Plutarchus lib. de virtutibus mulierum, quas se-
 runt cateruatim sese suspendisse, nec potuisse monitis, pre-
 cibus aut ulla vi impediri. aut mulieres Lugdunenses, qua-
 turmatim sese in fluvios & puteos furore quodam erotica
 percite deiiciebant atque precipitabant: quod etiam non
 obscure expressit Hippocrates lib. de iis quæ virginibus ac-
 cidunt. Hic autem affectus male & improprie à nonnullis
 Nymphotomia dicitur (qua apud Paulum Æginetam lib.
 6. cap. 70. nullum significat morbum, sed operationem
 quandam chirurgicam, quoniam nympha seu clitoris excrescen-
 tes abscinduntur: quod Ægyptios olim nupturis virginibus
 facere solitos fuisse docet Galenus in Introductorio, cap. 10.)
 Verum eleganter denominatum reperio apud Zonaram,
 Monachum & scriptorem Græcum, tomo 3. Annalium, in
 quo sic de Constantio Imperatore Constantini Magni filio.
 Vxorem, inquit, habuit Eusebiam, formâ celebrem illam
 quidem, sed ob maritum calamitosam, cum naturâ, tum
 morbis mollem & ad Venerem segniorem: unde paulatim
 contabescens, ante Constantium decessit, nullo unquam for-
 tu edito, & ut quidam dicunt, vterino affectu alienata
 mente defecit, καὶ μντρομανίας νοσῆματι περιπε-
 σῆσα ἐξέλιπε. Nec est quod Criticus quisquam vocem
 hanc μντρομανίας barbaram reputet, quam usur-
 pavit scriptor Græcus in media Græcia; quam ab eo desum-
 ptam retinuerunt & alij politioris literatura viri, ex qui-
 bus est mihi instar omnium vir summa eruditionis Scipio
 Gentilis Iuriconsultus, pag. 336. suorum Commentario-
 rum in Apologiam Apuleii; & Gorrhaus noster in suis
 definitionibus Medicis, & Nicolaus Alexandrinus in An-
 tidotario, sect. 1. antidoto 218. pagina mihi 73.



SECTIONIS QVARTÆ

TRACTATVS TERTIVS.

DE MORBIS MAMMARVM
qui (vt Vterini) mulierum sunt
proprij.



QVANTQVAM ad affectus
externos referri possint, tamen
quia mulierum sunt proprij. &
quod medici potius quàm chi-
rurgi de illis consulantur: pla-
cuit per occasionem de illis
transigere: omnes autem aut
ad mammas ipsas pertinent, vt inflammatio,
vleus, scirrhus, cancer; aut ad lac, vt copia,
paucitas, coagulatio lactis. Exordiar ab inflam-
matione.

MAMMARVM PHLEGMONE.

C A P. I.

PHlegmone dignoscetur tumore calido, *Diagnos.*
cum rubore & dolore. Initio mittatur san-

Dd iiij

*Repellentia
ubi cauenda.*

*An abla-
bandus in-
fans.*

guis, & fiat litus cum oxyrhodino, superponendo oxycratum tepidū, vt impediatur ne fiat; quin etiam si menses restiterint, incisa saphæna prouocentur. Notandum tamen, quando inflammatio consequitur thrombosim seu coagulationem lactis, vt ferè fit, abstinendum esse à repellentibus, ne humor magis magisque impingatur atque incuneetur, sed mox resoluendum esse, aut maturandum. Resoluetur cataplasmate ex farinis fabarum & erui, cum apio & ebulo, succo aut decocto caulium. Si non possit resolui, iuuetur pepasmus cataplasmate ex farinis tritici, lini, fœnugræci coctis in hydrolæo. Basilicum est pepticū optimum. Interim vera ne nutritrix ablaçter infantem, ne succtu mammæ impleantur, quod est Sorani & Pauli consilium, quando insignis est dolor. Alioquin, inquit Aëtius, si neque dolor insignis adsit, neque inflammatio, fugatur leuiter: sic enim fiet vt sensim depleatur sine nouæ materiæ attractione: Cæterum inflammatio in papilla est longè grauior, quàm in mamma. Vtramque non tantum febris comitatur, sed etiam quandoque, etsi raro, delirium.

INFLAMMATIO MAM- marum.

C A P. II.

INflammationi suppuratæ succedit vlcus, imprimis detergendum, postea replendum.

Æginetæ remedium potest esse instar omnium, quod ad aliarum partium, ut uteri & oris vlcera per analogiam transferre possis. ℥. gallas & nuces cupressi an. numero 10. rhu coriariorum M. β. macerentur in vino rubro diebus 10. deinde coquantur, donec dimidium vini sit consumptum; residua proiciatur, colatura rursus coquatur ad crassitudinem mellis: in usu, si fuerit crassius, diluatur eodem vino. Priscianus portulacam terit cum oleo rosato, & cum lintheo imponit, aut foliis hederæ coctis mammas fouet.

SCIRRHVS, CANCER
mammarum.

CAP. III.

Scirrus ut cancer non sanescit, si confirmatus; incipiens emolliatur diachylo cum gummis. De Vigo non tantum mammas duras, sed etiam cancrasas primum fouet decocto clymeni, deinde admouet sequens emplastrum. ℥. olei communis lb. j. lithargyri puluerati & plumbi vsti, an. ℥. ij. succi clymeni depurati ℥. iiij. terebinthinæ ℥. ij. fiat emplastrum. Plumbi lamina etiam ulcerato cancro vtiliter applicatur.

Dolor mammarum.

Dolor demulceretur cataplasmate, ex quatuor remollientibus, & floribus chamæmeli, aut ex farina fenugræci cocta in lacte.

UT NUTRICI LAC
abundè suppetat.
CAP. IV.

Lac suppe-
ditantia.

Causa de-
fectus la-
ctis cur at-
tendenda.

FRicentur mammæ, infra mammas appli-
centur cucurbitulæ, vt materia lactis eo at-
trahatur. Bibant aquam decoctionis herbarum &
radicis feniculi recentis. Vulgus vtitur aqua de-
coctionis auenæ, aut furfuris: Paretur pulticu-
la ex lacte & farina fabarum: vtantur oryza.
Sunt qui commendant puluerem vermium ter-
restrium, datur 3. ij. cum vino, vel contundatur
cum passulis. Vel 4. tria aut quatuor oua, inte-
rim dum agitantur, misce puluerem duorum aut
trium vermium, atque etiam pulueris feniculi
dulcis, 3. ij. aut iij. coquantur in sartagine cum
buryro, fiat ferculum quo nutrix vtatur. Rhasis
magni facit cinerem pedis anterioris vaccæ cū
decocto feniculi. Consideranda tamen causa
imminuti lactis. Faciamus verbi causa, nutrici
paucum lac suppetere, propterea quod menses
copiosius illi fluunt, nisi sistatur fluor, irrita sunt
remedia: Si parcius viuat, nisi liberalius & ali-
mentis boni succi nutriatur, nunquam prædi-
ctis remediis lactis copia produceretur: Si pro-
pter totius aut mammarum calidam & siccam
intemperie lac deficit, corrigatur iusculis her-
bis refrigerantibus simul & humectantibus al-
teratis, vt lactuca, acetosa, immiscendo semper
ea quæ lactis copiam proprietate gignunt. Qui-
dam commendant potum lactis suilli.

VT LAC E MAMMIS
repellas.

C A P. V.

P Verperis mox à partu solet maiore copia lac ad mammas confluere. Vt repellas, liniantur mammæ oxyrhodino, deinde superponatur linteum imbutum oxycrato tepido, in quo cuminum bulliet, quod sæpè renouetur. Poterunt mammæ statim à litu conspergi puluere myrtillorum, aut liniri oleo myrtino, quod est potentius rosaceo. Vulgare est cataplasma ex furfure cocto in oxycrato. Quidam appendunt collo carenam auream, alij ferream, aut clauum: ferrum enim frigore suo repellit, propterea limus qui subsidet in aquis fabrorum, subactus cum rosaceo, forma cataplasmatidis vtiliter admouetur, impeditque incipientes inflammationes. Cucurbitulæ tandem hypochondriis affigendæ, ad reuulsionem sanguinis, nisi gestent vtero. Cataplasma ex farina fabarum, erui, lupinorum cocta in oxymelite, repellit simul, desiccatur & exhaurit lac. Itaque providebis, ne de repellendo dum cogitas, quando duntaxat impedire vis ne lac maiore copia ad mammas affluat, illicque, vel concre scat, vel inflammationem excitet; ne tuo remedio euanescat, & mater non possit postea esse nutrix, etiamsi velit.

*Cautio in
usu repel-
lentium.*

TROMBOSIS LACTIS.

CAP. VI.

AD trombosim seu coagulationem lactis, ℞. ebuli, apij, menthæ, calaminthæ, an. M. β. fiat decoctio pro fortu: ex residencia cataplasma. Vulgus stercus caprillum coquit cum oxymelite, & applicat forma cataplasmatis, fouet etiam mammas muria. Auicenna coquit farinam lini & fœnugræci in oleo violato & pauco aceto. Quidam affirmant ceræ grana duo instar milij sumpta impedire ne lac coaguletur.



SECTIONIS

QUARTÆ,

TRACTATUS QUARTVS.

DE MORBIS ARTICVLO-

rum, ac imprimis de

Arthritide.

CAP. I.



VRATIONEM morborum internorum arthritidis terminabit: æquum est enim, ut morbos genitalium, tam viri quam mulieris, consequatur, quia fingitur à Poëtis filia Bacchi & Ve-

Arthritidis

neris. Quædam est generalis, quæ vel omnes *differentia.* articulos simul, aut vicissim inuadit; quædam est specialis, quæ definit hunc quam illum articulum affligit: hinc arthritidis variæ differentiæ, propriis nominibus designatæ. Dum enim fluxio articulos pedum cruciat, podagra; dum manuum, chiragra; dum genuum, gonagra nuncupatur: quæ plures simul articulos diuexat, nomine generis Arthritidis appellatur. Quò referri possunt Ischias, & immanes tam humeri, quam omoplata cruciatus.

Causa.

Rarò fit congestione, ferè semper fluxione, Fluxionis autè omnis duo termini, à quo, & ad

quem. Terminus à quo, est pars mittens. Terminus ad quem, pars excipiens. A quâ parte procedat arthritica fluxio, inter doctos non est satis definitum. Placet Fernelio semper procedere à cerebro, quinetiam humorem extra cranium consistere, atque illinc sub cutem ad articulos descendere: Verum nephritidē sæpè consequitur, pituita à renibus ad articulos translata. Arthritis calida, qualis est hodie frequentior, ab hepate calidiore ortum ducit, acciditque ut plurimum suppressis mensibus, aut hæmorrhoidibus, ut mittam multos morbos arthritide terminari, materia à toto ad partes ablegata. Verum enimvero quidni ab interiore cerebro per spinam & nervos, per venas quoque & arterias, quemadmodum in subiectas alias partes, ita in articulos descendat? quidni partes robustiores in articulos imbecilliores sese exonerent? Disputatio ista est magni momenti, ut discamus imprimis parti mittenti consilium. Excipiunt verò articuli propter imbecillitatem, quæ est vel à natura & hæreditaria, utpote, si quis nascatur parentibus arthriticis: vel aduentitia, qualis est quæ proptio vitio, ut vitæ intemperantia, contrahitur: Naturæ vitia difficilius tolluntur, quàm accidentaria: hinc arthritis hæreditaria insanabilis, aduentitia, si iam vetustate fuerit nodosa, immedicabilis.

Prophylaxis.

Remedia quedam prophylactica, quibus præcauetur; alia therapeutica, quibus præsens depellitur. Fingamus quempiam, qui sentiat in articulis propensionem quandam, ad arthritidem, siue natus sit arthriticis parentibus, siue intem-

perantiæ vitio iam aliquoties fuerit afflictus, qui velit imminuentem præcauere: reuocare imprimis debet ex methodo generali, hoc præceptum: *Semper in morbis periodicis, si fieri potest, anticipandum esse paroxysmum.* Itaque instante tempore accessionis purgetur pilulis arthriticis, aut de hermodactylis maioribus in frigida, minoribus in calida causa. ℞. Massæ pilularum arthrit. & de hermodact. an. ʒ. ij. malaxentur cum aqua betonicæ, fiant pilulæ sex pro dosi. Deinde aperiatur vena, præsertim cum fluxio calida videbitur: Galenus enim gloriatur se multos ab arthritide præseruasse, ineunte vere secta vena. Imbecilli & laxiores articuli roborentur oleo cum sale, vt sicces cum adstrictione, vinaceis quoque firmentur: macerandum corpus in edia: Propterea enim *μίσον τὰ χυλὰ* perhibetur, odio habens pauperes: hidrotico quoque desiccandum, vt decocto chinæ, aut zarsæparillæ. Caute iis fluxio diuertenda, quæ brachiis, aut ipsimet capiti vtiliter applicatur, quando manifestè fluxio incipit à capite; alioquin parum, aut nihil omnino profunt, tibiis potius debent applicari, cum videtur fluxio ab hepate originem ducere. Confert etiã ad præcautionē lac asinæ, quia sanguinē depurat, præsertim iuuat eos arthriticos qui aliquando lue laborarunt.

Phlebotomia utilis.

Articulos roborantia

Therapeutica partim vrgenti dolori subueniunt, partim morbum funditus tollunt. Sanè *Curatio* optima sunt anodyna, quæ tollunt causam doloris. Aërius cum Gale. probat venæ sectionem: summis enim doloribus præsentissimū est remedium. Auicenna tamē eam improbare videtur.

Ita distinguendum: Ad præcautionem confert, ad curationem nocet, quia humores omnes commouet, augètque fluxionem: nescio quomodo morbus ille tempore maioris afflictionis magnis remediis, purgatione & venæ sectione, exacerbatur. Si tamen venienti morbo non sit prouisum, & corpus sit plethoricum, aut commota febris: non erit alienum venam pertundere, necnon cacochymiam vacuare. Galenus ex Andromacho hoc primi generis anodynum valdè commendat, quo soleo vti fælici admodum successu. Fênugræcum coquitur in aceto, donec dissolui possit, adde mellis quantū satis, recoquantur iterum & terantur, fiat cataplasma, quod fasciis obligetur: fac hoc triduo, & miraberis effectum: Huc referri potest vesicatorium, infra partem dolentem, ex medio cortice vlmi, aut fermento & cantharidibus: nec non hirudines admotæ articulo dolenti.

*Anodynū
expertum.*

Secundi modi anodyna sunt cataplasma vulgare ex lacte cum vitellis ouorum, pauco croco & farina hordei; adde si placet, oleū chamæmeli & violarum, ne tam citò arefcat. Fimus bubulus recens, est vulgare, optimum tamen anodynum: siccus coquatur cum mulsa, aut cum oleo chamæmeli: Aut folia althææ & verbasci coquantur in lacte, & trita applicentur. Si placet, radix althææ siccetur, puluis coquatur cum lacte, & applicetur. Sanguis quoque leporis & hirundinis, adeps ciconiæ, vel eiusdem fimus illitus articulo, proprietate quadam creditur conuenire: lagena plena decocto ner-
uali

uali, vt maiorana, chamemeli, primula veris volis pedum & manuum vtiliter applicatur: aut parti ipsi vesica semiplena lacte, in quo althea, maiorana, chamemelum, hypericum bullierint, cum cetera non iuuissent, sæpe expertus sum singulare anodynum. Emplastrum de Vigo cum Mercurio, iuuat, præsertim si arthriticus aliquando lue laborarit.

Anodyna tertij generis: lac in quo hyoscyamus bullierit, aut hyoscyami folia, trita & applicata: oleum ranarum isto modo est anodynum: capita ranarum coquantur in oleo ad putrilaginem, expressio seruetur pro litu. Oleo nenupharis aut papaueris, maior stupefaciendi vis inest, maxima opio, quo tamen non est vtendū, nisi extrema necessitate: illius grana duo aut tria lacte dissoluuntur, aut oleo violaceo, chamemelino pro litu partis dolentis: Viua torpedo subiecta plantis pedum, quia membrum stupefacit, tollit, non tantum ad præsens, sed in reliquam vitam sensum doloris: Quidam mergunt in frigidam partem dolentem, sedato dolore applicant calefacientia, vt oleum chamemeli, hyperici, liliorum; hæc ad symptomata.

Narcotica.

Morbo autē vt mederi possis, eiusque causam ita tollere, vt amplius non recurat, Tralliani diacorallium præscribito, cuius sequitur descriptio. ℞. coralli ℥. ij. myrræ ℥. iij. caryophyllorum ℥. ss. rhapontici ℥. i. folij ℥. ss. si desit, eius loco substituitur nardi Indicæ ℥. j. radicis prœnæ tantumdem, aristolochiæ rotundæ & longæ, an. ℥. ij. fiat puluis tenuissimus, cuius scrupulus vnus exhibeatur pro dosi summo mane, sex ho-

Diacorallium.

E e

risante cibum cum tepida ꝯ.iiij. Corallū astringit
 ſua vias per quas fit fluxio, reſtringit,
 nerualibuſhumidiora & laxiora ligamenta in-
 caleſcunt, ſiccantur, roborantur, cæteriſpituita
 morbiſica inciditur & tenuatur. Exhibetur au-
 tem cum tepida, vt illiuſardor obtundatur; cõ-
 uenit imprimis arthritidi frigida, cuiuſmodi
 omneſeſſe Ferneliuſ, quin Galenuiſiſe exiſti-
 mat, cū tamen hodie magna ex parte calidaſ
 eſſe experiamur: exhibet per centum dieſ conti-
 nuuſ poſtea intermiſſit dieſ triginta, vt ager re-
 ſumat vires. Ruſum exhibet per dieſ centum
 continuuſ, deinde diebuſ triginta intermiſſit.
 Terſiõ exhibet non quotidie, ſed alterniſ diebuſ
 per dieſ centum & ſexaginta. Difficile eſt ho-
 die agrum inuenire vſque adeo patientem: In-
 terim per interualla purgari debent piluliſ ar-
 thriticiſ, vel de hermodactyliſ, aut terebinthina
 cum rheo & agarico. Eſt enim neruiſ amica. In-
 fra articulum magiſ obnoxium fluxioni arthri-
 ticę, vtile erit applicare veſicatorium aut cau-
 terium, vt humori quo relaxantur & debilitan-
 tur ligamenta, detur liber exituſ: Galenuſ ab-
 ſumit reliquias emplastro ex cochleiſ: Integræ
 teruntur & forma cataplaſmatiſ applicantur,
 ſinantur donec per ſe cadant. Poſſiſ etiam ad ro-
 bur parare cerotum ex emplatriſ de meliloto,
 ceroneo vel oxycroceo. Vel ꝯ. gummi pini ꝯ.ij.
 incorporētur cum oleo irino, fiat emplastrum.
 Cæterum Valeſcuſ meminit cuiuſdam medici,
 qui ſola trium dierum inedia acceſſionibuſ ar-
 thriticiſ liberabatur: oſ colluebat frigida, nihil
 præterea aſſumebat. Gaſinariam iam ſexagena-
 rium arthritiſ prehendiſ, ſola vini abſtinentia

Terebin-
 thina ner-
 uiſ amica.

Inedia &
 vini abſti-
 nentia, viſ.

eam depulit, atque indolenter vsque ad annum octuagesimum secundum vitam exegit: interim stomacho conuenientem potum sibi parabat ex decocto mastiches, coriandri, passularum. Vinum plurimū nocet arthriticis, inquit Gordonius, tum quia facit penetrare humorē crudū ad articulos infirmos, estque humoris crudi vehiculum, tum quia acefcit: concedit tamen in declinatione, sed magna cautione. Arthritis nodosa comparatur scirrhus: incipiens est capax remedij, non confirmata. In vsu est apud plebeculam remedium Galeni; coquit pernam ad tabem, immiscet putrem & verminosum caseum, inde cataplasma effingit. Est aliud emplastrum, emolliens simul & resoluens, ex ammoniaci & cere æquis partibus, addendo pro 3. j. croci 3. ss. cuius loco vtimur diachylo magno & cum gummis, seu ireato, cui ireos Florentiæ aliquid sit admixtum, vt remolliat simul & resoluat. Guido vtitur hoc cataplasmate. ʒ. ebuli, sambuci & caulium rubrorum, an. M. j bulliant in lixiuio, quod paretur ex tartaro & sale coctis in aceto; si fortē nodus vlceretur, iubet mundari vnguento apostolorum. Quod si videatur necesse, non aliter quam strumæ aliquo caustico erodatur: vt oleo de vitriolo, de sulphure, aqua forti, puluere Mercurij: Imò verò si iam os subiectum corruptum fuerit, ferro candente vratur. Cæterum fluxionis quæ fit in partes neruolas terminus dies 40. quo tēpore solet durare arthritis: fluxionis verò factæ in partes carnosas dies 14. Propterea Guido iubet; vt cauteria, quæ applicantur coxariis, per

Emollientia & resoluentia.

Arthritidis duratio

E e ij

dies 40. maneant aperta: quanquam non videtur tempus aliter definiendum, quam perfecta sanitate.

DOLOR ISCHIADICVS.

C A P. II.

Causa.

Ischion est ligamentum, quo femur coxendici alligatur. In ista compage seu articulatione collectus humor, ischiadicos dolores excitat, quibus afflicti, coxarij seu ischiadici nominantur.

Curatio.

Ischiadi calidæ, qualis accidit suppressis mensibus, imprimis venæ sectio medetur, secta primum vena in brachio è directo, deinde in malleolo exteriori, quæ quòd singulariter proficit in eo affectu, ischiadica nominatur. Clysteres hic imprimis commendantur. Primus sit communis ad vacuandas fæces, reliqui acres, qui constant potissimum centaury minore. ℞. iuxta arthriticæ, betonicæ, primulæ veris & centaurij minoris, an. M.ß. possis addere hyssopi, thymi, pulegij tantund. fiat decoctio: in colaturæ lb. j. dissolue pilular. arthriticarum, vel de hermodactylis ʒ. ij. Si malis benedictæ laxatiuæ, aut hieræ colocynthidos ʒ.ß. mellis anthosari ʒ. ij. olei anethini, de castor. an. ʒ. j. fiat clyster. Purgatio quibusdam nocuit, præsertim vehemens, attracto humore ad partem afflictam, non vacuato. Vomitus est tutior, quia reuellit. Possunt

tamen dari pilulæ arthriticæ, aut potio ex tur-
bith & agarico, quæ bullierint in decocto ner-
uali, vel tabellæ diacarthami.

Pro topicis memineris abstinendum esse re-
pellentibus, ne intropellant humorem morbi-
ficum, quem omni arte foras allicere debe-
mus: hic enim debet esse præcipuus scopus cu-
rationis à centro ad circumferentiam humo-
rem morbificum attrahere: propterea dropax à
Gal. commendatur. ℞. picis ℥. ij. liquetur in
quarta parte olei chamæmelini, adde sulphuris
℥ ij fiat emplastrum. Idem Gal. mirificè extollit
ceratum de euphorbio, quod est $\mu\tau\ \sigma\upsilon\gamma\alpha\epsilon\iota\tau\iota\kappa\omicron\nu$
ex alto foras trahēs, cuius cerati eodem autore
aliās meminimus, cū de cephalæa tractau-
mus. Acrius laudat cataplasma ex fimo capril-
lo, cocto in aceto. Alij malūt coqui in vino qui-
dam addunt sulphur, staphysagriam, aristolo-
chiam. Eidem scopo inferuiunt sinapismus, ve-
ficatorium, & cucurbitulæ etiam cum scarifica-
tu, singulis incisionibus quidam applicant hiru-
dines. Democrates apud Galen. commendat ra-
dicem iberidis seu lepidij, cum axungia primū
remollitam, deinde contusam & emplastri mo-
do impositam: ille iubet, vt sinatur illic per tres
horas. Ægineta verò consulit, vt sinatur donec
cuticula nigrescat: sit paratum balneum aquæ
dulcis, in quod æger mox demittatur. Fernelius
hoc remedium tanti facit, vt miraculo iuuare
affirmet. Omnes ex Dioscoride hoc remedium
descripserunt, qui iubet cum axungia salsa reri;
& per quatuor horas forma cataplasmatidis coxæ
applicari: deinde vt ingrediatur balneum, post-


Repellentia
cur fugien-
da.

in a lo legi
tur.

*in alio cod.
ce legitur
3i. et me
ling.*

*Cauteria
ubi appli-
canda.*

ea iubet, ut locus oleo liniatur & lana superpo-
natur. Castoreum pondere $\frac{3}{4}$ j. utiliter per ali-
quot dies coxariis exhibetur. Cortex quoque
radicis capparitis tam sumptus quam ad motus, si
credimus Aeginetæ, benefacit: qui consulit, vr-
gente dolore, tandem ut Philoni $\frac{3}{4}$ j. in decocto
clysteris dissolvatur: Aphorismus est Hippocra-
tis lib. 6. si coxariis diuturno dolore vexatis crus
tandem extenuetur, nisi ad motus cauteriis hoc
impedias, claudicabunt: mucus, quo articulus
impletur, cauteriis vacuetur. Celsus supra iun-
cturam iubet applicari, Dioscorides loco dolen-
ti: quacumque in parte dolor erit, illa aperiatur
cauterio: nam ubi dolor ibi morbus, seu causa
coniuncta morbi. Vide tamen, ne cauterium
altius penetret, ne fortè quis sub sit tendo, aut
neruus. Ego soleo coxariis applicare cauterium
quatuor digitis infra genu, in exteriori tibia:
præfero enim hanc parti interiori, quia de parte
affecta magis directè vacuat: tamen consideran-
dum quò dolor inclinat, intus an foras.



PARTICVLARIS

METHODI ME-

DENDI

LIBER SECVNDVS.

IN QVO AGITVR DE

MORBIS EXTERNIS.

P R Æ F A T I O.

*Breuem continens exhortationem ad
Chirurgiæ studium.*



EDICVS affectus tam exter-
nos quàm internos tribus in-
strumentis depellit, Diæta,
Pharmaco, & Chirurgia; inde
tres artifices, quibus præest, vt
architectus operariis, singulis
enim agendi formulam præ-
scribit: Clinici, quæ victus ratio agris conueniat,
quo tẽpore, & quantũ nutriendi: Chirurgus, quæ
vena & quando secanda, cucurbitulas hîc esse
affigendas, illic admouendum cauterium: Phar-
macopœo, vt primũ apparandus, deinde pur-

Ee iiij

440 *Morbi asperitatis.*

gandus humor: hunc pilulis, illum potione repurgandum.

*Medicus
an operari
debeat.*

*Chirurgia
Medicina
pars anti-
quissima.*

*Chirurgia
encomia.*

Atqui nemo potest ex arte præscribere, quæ ipsemet ignorat: Itaque dedecet harum medicinarum partium ignarum, medicinam exercere: An operabitur ipse? Quidni; cum Hippocrates & Galenus operi manum admouerint: Huic quæstioni satisfacit Galenus *sexto methodi*: Cum Pergami, inquit, medicinam exercerem, quia ibi adhuc non erant distincti artifices, operationem non putabam alienam à medici dignitate. At cum primum Romam appuli, ibique distinctos artifices (ut sunt hodie Lutetia) inveni, contentus fui agendi modum operatoribus præscribere: At (inquam) nemo possit actionis formulam dictare, quam ipse ignorat. Nemo igitur ad medendum accedat Diætæ, Pharmaciæ, & Chirurgiæ ignarus: Potissimum verò discat Chirurgiam, omnium medicinarum partium antiquissimam: nam Podalyrius & Machaon, duo Æsculapii filij, qui interfuerunt bello Troiano, Chirurgiæ exercuerunt, non Pharmaciæ: Vulnerarij medici industria in castris magis necessaria est, quam Pharmacopœi: Credibile est eam partem medicinarum, cuius usus est frequentior, & humanæ vitæ magis necessarius, prius excultam fuisse: vulneribus autem quid frequentius? quid terrificum magis? quid auxiliares manus citius deprecatur? Ausim hoc addere ad commendationem Chirurgiæ, medicum suam dignitatem apud populum servare non posse sine ope Chirurgiæ, quia sola Chirurgia facit, ut plebecula medicis fidat.

Depulsionem morborum internorum nature, aut fortunæ potius attribuit, quam arti: At luxatum aut fractum membrum suo loco & integritati restituere, solius esse artis ingenuè confiteretur. Si quis error commissus sit in curatione interioris morbi, celari potest, & in magnitudinem morbi reiici: si quid humanitus contingat ægris, violentia morbi accusatur, imperitia medici excusatur: at minimus error commissus in morbis externis, etiam à mulierculis detegitur, quia remediorum profectus quotidie sensu percipitur: Itaque turpe est videre medicum Chirurgiæ imperitum: ridiculus sit, si de aliquo exteriori affectu interrogatus conticescat, chirurgus differente: Cuius manum non aliter, quam pictor penicillum, debet regere, agendique modum illi præscribere.

*Chirurgia
cognitio
cur medi-
ce necessa-
ria.*

INSTITUTI RATIO.

VNiuerſa Chirurgia quinque ſectionibus concludi ſolet, Tumoribus, vulneribus, vlceribus, fracturis, & luxationibus; quibus ego adiungam ſextam de morbis cutaneis, à qua Chirurgiam exordiar, vt hoc veluti medio cohæreat cum medicina, Cutanei enim morbi non minus ad medicum, quàm ad chirurgum pertinent, imò frequentius de illis conſulitur medicus, quàm chirurgus: Morbi verò, quos de medicina Guido tranſtulit in ſuam chirurgiam, quales ſunt, oculorum, aurium, narium, oris, linguæ, faucium, arthri-

*ſubiectum
Chirurgia.*

Heterogenea ab arte eliminanda.

tis, ischias: & huius generis infiniti, sunt omnes heterogenei: In arte, inquit Aristot. omnia syngenea sunt: si quid heterogenes occurrat, ut superfluum rescindatur, & artis sue restituatur. In chirurgia nihil audiatur, quod non sit chirurgiæ proprium: Si quid medicum occurrat, ut alienum rescindatur & medicinæ reddatur, alioquin summa erit artium omnium confusio: Guidoni hoc debet posteritas, quod fuerit doctor popularis: populariter enim chirurgiam docuit, seseque ad rudiorum captum accommodavit: sed professores chirurgiæ quantum possum exhortor, ut deleant heterogenea, eaque in suam artem referant: Occupati enim chirurgiæ candidati in heterogeneis, negligentius discunt syngenea: Audio lubenter chirurgum de his quæ sunt suæ artis sententiam dicentem, lubentius inspicio bene operantem; sed in medicorum fines digredientem, iacentem falcem in alienam messem, non fero patienter: si prædictarum partium affectus in medicina commodius explicentur, (eos enim ignorari à medico, proinde in medicina docenda præteriri, nefas) quo iure denuo in chirurgia explicantur? Omnia enim semel docenda sunt in artibus tradendis: non potest grauius peccari, quam si tautologia committatur. Atqui ista debent doceri in medicina, ne conticescat medicus de illis interrogatus. Itaque prælegatur deinceps chirurgiæ studiosis Tagautius, qui de Guidonis chirurgiæ superflua amputauit, solaque chirurgica retinuit, medica medicis restituit: Peccant autem grauius, qui descriptione rerum naturalium,

non naturalium, & contra naturam chirurgiam
concludunt. Analyticae planè sunt ignari: nam
quæ medicorum sunt propria, in chirurgiam
transferunt. Si chirurgiæ studiosus istarum re-
rum studio teneatur, eas discat à medico. Qua-
lis enim confusio, si omnia artifici ediscenda,
in eadem arte essent explicanda: eodem iure
grammatica in chirurgiam esset referenda.





DE MORBIS CVTANEIS SECTIO PRIMA.

MORBORVM CVTANEORVM

*summa genera, ad quæ omnes
reduci possint.*

C A P. I.



VIDAM ad hæc tria genera omnes reducunt: scædum colorem, asperitatem, læuitatem, & magnitudinem.

Ad scædum colorem reuocant inhonestas omnes maculas & vtramque vitiliginem. Ad cutis asperitatem: pruritus, scabiem, psozam, lepram, impetiginem: Ad vitia magnitudinis, verrucas, callos, condylomata: Verum defluuium pilorum & canities nullo horum generum comprehendi possunt. Itaque alij malunt tria hæc genera, Pustulam, Deformitatem, & Tuberculum: Ad pustulas reducunt pruritus, scabiem, psozam, lepram, impetiginem, psy-

*Pustularum
species.*

dracia, ambusta: Ad deformitatem, inhonestas omnes maculas, fœdos colores, & casum pilorum: ut comæ, ciliorum, superciliorum: Inde area, ophiaxis, alopecia, quò Phthiriasis reduci potest. Ad tubercula verò; verrucas, callos, condylomata, gibbum.

*Deformi-
tatis.*

*Tuberculo-
rum.*

Omnes autem isti affectus aut sunt generales, aut particulares: Appello generales, qui sine discrimine hanc aut illam partem cutis afficiunt, ut scabies: dicere enim non possis quam partem non afficiat, nunc unicam, ut manum aut pedem; nunc plures, nunc totum corpus. At tinea est scabies particularis, propria capitis: est quædam vitiligo totius, quædam partis. Sed cur cutis, tot adeoque differentes affectus patitur tam sæpè, ut vix vlla audiatur tam frequens querimonia? quia est emissarium commune, & sub ea colligitur tertiæ coctionis superfluitas omnis: nisi fuliginosa excrementa per cutis spiracula liberè expurgentur, si stegnosis, conniuentia, densitas, astrictio, vel obstructio pororum cutis, diffractionem impediat, quæ sub cute subsistent excrementa, occasionem dabunt morbis cutaneis: quæ patitur ut pars similis per congestionem si imbecillior, ut si intemperata proprium alimentum malè coquat, reliquias coctionis peius excernat. Ut instrumentum verò afficitur appulsu excrementorum totius corporis, quæ ut emunctorium commune excipit, non aliter quam alius fæces, vesica lotium: neque enim tantum tertiæ coctionis excrementa, sudorem, & sordes congerit, sed

*Cutis quot
affectibus
obnoxia.*

*Ut pars si-
milaris.*

*Ut instru-
mentaria.*

etiam humores in venis peccantes sapè eò natura deponit : criticè an symptomaticè , nunc nihil refert.

DE PUSTULIS, QUÆ MAGNA ex parte ad cutis asperitatem referri possunt.

C A P. II.

*Pruritus
quid.*

PRuritus est scabendi desiderium ob conclusum flatum, aut mordax serum : si malis, est lancinatio cutis ab acri sero, quod scabendi cupiditatem inducit, sibi ut paret exitum: verum nocet empti dolore voluptas, quam cepit æger voluptatem scalpendo, eam amittit vnguibus cutem excoriando; inde scabies: propterea Socrates cum solutus vinculis genua perfricuisset, atque inde cruor emanaret: Videtisne, inquit, quomodo se consequantur voluptas & dolor? ut voluptas corporis sit permixta suo contrario, voluptas autem animi pura, simplex, impermixta? Vniuscuiusque humoris cum suum sit serum, credibile est à sero alterutrius humoris calidi, sanguinis aut bilis, iuuenibus cutem prurire, & in pustulas per exiguas attolli, quas Galli, valdè significanti nomine appellant, *gratelles*: Senibus verò à putri sero humoris frigidi, pituitæ aut melancholiæ excitari.

*Pruritus.
causa.*

Curatio.

Proinde iuuenibus medendum dato Chologogo, & vena secta. Contemperandus feruor sanguinis balneo aquæ tepentis, in quo ad ma-

iozem deterfionem facculi pleni furfure bullierint, aut pleni bugloſſo, borragine, ſcabiola, agrimonia, oxylapatho, fumaria: ſudet à balneo, tertio ſudore pruritus diſparebit: Alioquin repetantur generalia, deinde particularia: humores enim commoti fuerunt, non abundè repurgati: natura portione humoris morbiſici leuata, reliquum in cutem depoſuit: Accipiat quotidie ſerum, in quo epithymus, aut fumaria bullierit: Abſtineat vino, acribus, ſaliſis, piperatis, his denique quæ iecur, & ſanguinem calfaciunt. Vratur elixis potiùs quam aſſis; iuſcula alterentur lactuca, cichorio, portulaca, bugloſſo, borragine: Pro acetario edat lactucam & portulacam. Proderunt epithemata iecori admoda, ſyrupus de cichorio ſimplex, cum eiùdem aqua, vt prohibeatur nouæ materiæ generatio: Topicum paretur ex ſuccis fumarie, oxylapathi cum radice bugloſſi, borraginis, ſcabiola: qui bullierint in axungia recenti ad conſumptionem uſque ſuccorum.

Quando à pituita ſaſſa cutis prurire videbitur, adde ad lb. .axungie, ſulphuris circiter vnciam vnam: ſi placet, cutis fricetur ſmegmate ex fatina fabarum, trita cum aceto, antequam ingrediatur balneum. Mutet ſepè induſium, alioquin colliguntur ſordes ſub cute: contineant vngues ne ſcalpant. Memineris pruritum & ſcabiem ferè commori ſenectuti. Si valde ſenem ſcabies inuadat ab interiore cauſa, vix vnquam perfectè conualeſcet. Facilius ſi à cauſa externa, vt contagione, puta ſi dormierit cum ſcabiolo.

*A pituita
ſaſſa.*

*Cironum &
morpionū
curatio.*

Vnguenta quæ sedant pruriginem, sunt vnguentum album de lithargyro, ceratum Galeni cum paucis opio. Quid si manus tantum pruriant? Abluantur sæpè aceto decoctionis hyoscyami, vel papaveris: si placet, eodem aceto perfumentur: proiciatur acetum in tegulam ardentem, vapor excipiat parte pruriente: hoc modo interficientur cirones, aut aloë cum aceto: ut morpiones argento viuo axungia permisto.

SCABIES.

CAP. III.

*Scabiei
causa.*

Materia tenuior & parciore (ut serum cuiuscunque humoris cuticula conclusum) pruritus facit: crassior & copiosior quilibet humor collectus sub cute scabiem: quæ quidem redditur pruriginosa, quoties serum humori permiscetur.

Differētia.

Quædam est humida seu saniosa, qua infectus propriè dici solet scabiosus: Quædam sicca, cum nil reddit: Est asperitas cutis, qualis anserum; ab humore putri, vsto, salso, incinerato, ut pituita salsa, bile vsta: cuiusmodi sunt psora & lepra: appello psoram, porriginem, quando cutis in furfures resolvitur, etiam si hoc nomine generalius scabies omnis designetur: lepram verò, quando cutis desquamatur, & veluti in squamas piscium resolvitur: differunt intensione, & remissione: psora est via ad lepram, ut lepra ad elephantiasim.

*Psora
quid.*

Lepra.

Curatio.

Remedia qualia ad pruritus: primum generalia;

ralia, purgatio, venæ sectio, balneum, cornicu-
la. Topicum, sulphur, butyro, axungia, oleo
veteri, vel terebinthina permixtum: si velis ef-
ficacius, diluatur aceto: Quidam adiiciunt
nitrum, alij elleborum. In contumaci Valescus *Valde con-*
vritur hoc vnguento Gordonij, quod erit in *butiro sals-*
star omnium: ℞. succorum fumarie, scabio- *doni.*
se, oxylapathi cum radice, buglossi, borragi-
nis, aceti añ. ʒ. ii. olei veteris lb. j. adde sul-
phuris viui, vtriusque ellebori, auripigmenti,
calcis viue, lithargyri, vitrioli, gallarum, fuli-
ginis ex ore furni, cinerum clauellatorum &
aluminis, añ ʒ. ʒ. argenti viui extincti, & viri-
disæris, añ ʒ. ij. bulliant ad consumptionem
succorum, addendo pulueres sub finem deco-
ctionis, cum picis liquidæ & ceræ q. s. fiat vn-
guentum. Hydrargyrosin medici melioris no-
tæ commendant ad psoram, & lepram, non ali-
ter quam ad elephantiasim: Talia sunt enula-
tum cum mercurio, & Sarracenum Gui-
donis.

In recenti scabie hoc satis erit. ℞. succi citri
& styracis liquidæ, añ. ʒ. j. terebinthina lotæ &
butyri loti, añ ʒ. j. ʒ. ellebori nigri pulueris añ
ʒ. vj. salis communis ʒ. j. fiat vnguentum in
mortario plumbeo.

LICHEN SEV IMPETIGO,
vulgò darta.

CAP. IIII.

*Lichenis
differentia.*

Affinis est scabiei, præsertim siccæ, vnde & dicta psorica, quando in furfures; aut leprosa, cum in squamas resoluitur: Ad hanc reduci potest Mentagra, id est menti fera, nempe psorica aut leprosa impetigo. Distinguitur in simplicem & ulceratam; benignam aut malignam.

Curatio.

Benigna.

Ad mitem, satis sunt olea de vitellis ouorum, de tritico, de tartaro. Incud ignitæ multum triticum apponitur, deinde teritur, premitur: qui manat liquor, est oleum de tritico. Oleum vero de tartaro paratur hoc modo. ℞. tartari calcinati lb j. infunde in libris sex aquæ plantaginis, resideant sex horis, deinde transcolentur: stillabit lixiuium limpidissimum, quod fistili nouo, oblito plumbo, feruere sinatur, donec liquore prorsus absorpto crassamentum album in fundo super sit durissimum, quod humido loco repositum in oleagineam materiam eliquescet: permisceri poterit succo citri. Hoc etiam oleo vtiliter perfricantur inhonestæ faciei maculæ. Diluatur sulphur aqua plantaginis, aut paucum alumen bulliat in aqua rosarum.

Mediocris.

Ad mediocres dartas, hoc est medias inter mites & feras, Ægineta hoc remedium commendat.

℞. vitellos tres ouorum, qui madeant in aceto, adde sulphuris viui ℥. ij. cerati refrigerantis Gal. ℥. vj. laugatis prius vitellis cum aceto & sulphure, adiiciatur Ceratum, fiat vnguentum. Vel

℞. spumæ argenti ℥. j. teratur cum oxyrhodino, etiam acriores impetigines & pforas persanabit.

Ad feram impetiginem Gordonius hoc remedium plurimi facit.

℞. sulphuris viui & auripigmenti rubri, añ. ℥. j. puluerentur, & cribellentur, puluis excipiatursucco fumarie, fiat trochisci: quorum vnus quoties vsus postulabit, misceatur vnguento citrino.

Si placet, puluis excipiatursucco ladano soluto in oleo mastichino, fiat vnguentum. Aut

℞. vitrioli albi lb. ss. aluminis ℥. iij. boli armeni ℥. ij. omnia tenuissimè puluerata bulliant lento igne in fictili nouo, donec exhausta aqua cætera concreuant in lapidem, qui rupto vase asseruetur.

Cuius lapidis ℥. j. dissoluatur libra vna aquæ, qua intinctum linteum applicetur feræ impetigini. Confert etiam malignis vlceribus.

Ad malignas & vlceratas, excoriatoreis remediis opus est, cuiusmodi sunt olea de sulphure, de vitriolo. de anacardis, aqua fortis, aluminosa: sublimatum aut cinnabrium temperentur mucagine gummi arabici aut tragacanthæ: quibus quidem dum vteris, memineris vicinas partes defensiuo præmunire, metu fluxionis.

Cum crusta exciderit, vlcus aliorum modo

Ff ij

percuretur, vt vnguentis de cerusa vel de lithargyro.

Rhasis suadet in malignis, vt humor primùm vacuetur scarificatu & hirudinibus admotis, deinde vt cutis linteo aspero vel foliis ficus leuiter perfricetur, donec mala carne consumpta bona appareat, tùm enim leuissimo remedio sanescet: Oleum de vitellis ouorum benefacit, etiam malignæ impetigini.

DE SCABIE CAPITIS.

CAP. V.

Fauus
quid.

Achor.

Tinea.

Humida
curatio.

Sicca.

Diuidatur in humidam, & siccam. Humida subdiuidatur in fauum seu meliceridem, & achorem, seu achores. Appello fauum, quando scabies reddit saniem crassam viscidam, mellis instar: achorē, quando sanies exit tenuis vt ichor. Sicca, vulgus appellat *tineam*, quia cutis, non aliter quam vestis à rinceis, erosa videatur: hanc quoque possis subdiuidere in psorescam & leprosam.

Humidam siccabis vnguento ex sulphure, mixto cum vnguento margiato: aut aceto, sale, & sulphure permixtis.

Sicca difficilius curatur: Imprimis linteo aspero cutem perfricato, si non rubet, conclamarum est; si rubet, præmissis generalibus, vt purgatione & venæ sectione, subalternis non neglectis, vt errhinis & masticatoriis, quorum formulas requirere ex tractatu de morbis capitis

interioribus. Cranium radatur, deinde abluatur decocto lupinorum, mox sequenti vnguento liniatur.

℞. vtriusque ellebori & radicis cucumeris agrestis, añ. ℥. j. macerentur in acerrimo aceto adhuc feruente, sinantur per totum diem. Facta expressione adde succorum ireos, scillæ decocta in fornace, sulphuris viui, calcis viuæ, añ. ℥. iij. olei lauri ℥. j. terebinthinæ ℥. iij. misce, fiat vnguentum, quod actu calidum applicetur. Licetbitne uti vnguento Gordoni, quidni, cum ad omnem scabiem contumacem prescribatur? Quia prima indicatio sumenda est à parte affecta, cerebrum est pars quæ venenatis facile offendiur. Itaque nisi tollantur venena, ut auri-pigmentum, vitriolum, viride æris, non erit ad-mouendum capiti: cuius rei nos admonuit Valescus, Gordoni discipulus: Duobus, inquit, admoui, quorum vnus postridie interiit, alter reliqua vita stupidus fuit. Ut inde obiter intelligatur, eos non sapere, qui tempore pestis admouent cordi arrhenicum; cor citius & grauius offenditur veneno, quam cerebrum.

In cranij superficie nonnunquam exoriuntur pustulæ, quæ psydracia nominantur, quæ ad scabiem humidam possunt reuocari: quibus succurrit vnguentum ex cerusa & oleo rosato, quale in ambustis mox.

Noctu etiam aliquando efflorescunt malignæ pustulæ, quæ eodem tempore exacerbantur, vnde epinyctides appellantur: suntque malignæ, accedentes ad naturam carbunculi; non sunt tamen contagiosæ, & pestilentes.

DE AMBUSTIS.

CAP. VI.

*Ambusta
pustularū
genus.*

*Ceratum
singulare.*

PLacet ambusta ad pustulas, veluti ad suum genus referre, etiamsi sepè succedat cutis exulceratio: quia siue igne, siue liquido feruente, vt oleo, aqua, vino, aceto, cutis vratur, attolli solet in pustulas. Etiam vlceratis vesicis imprimis benefacit linimentum ex eerusæ & olei rosati æquis partibus: terantur simul, cum penna liniatur pars ambusta: hoc linimentum potest esse instar omnium, quia non habet par: Aëtius addit succum calaminthæ. Vulgus vetus lardum vrit, liquamen excipit frigida, & reseruat pro litu: Aut albumina ouorum agitat cum oleo rosato, linit cum penna: superponatur linteam oxycrato madidum, & sepè renouetur. Quod si placet, paratur ex aquis refrigerantibus, vt rosarum, plantaginis, solani, semperuiui, nymphææ, cum pauco aceto: Benefacit etiam oleum ex vitellis ouorum: aut vitelli permixti cerato galeni. Si vrgear dolor, adde populeum recens, aut misce aliquot grana opij. Memineris vt plurimum dolorem ad nonum diem intendi, deinde remitti.

P O R R I G O.

C A P. VII.

AD hoc quoque genus pertinet, quia ab *Furfures.* adiuncto nomen habet, quasi prurigo, habetque adiunctam perpetuo cutis asperitatem, malum ex calida sicca intemperie. Est psorica quidem, quia fricata ab it in furfures, minor tamen affectus, quam propriè dicta psora. Sub psora totum corpus paulatim liquatur & in furfures resolvitur. Sub porrigine caput *Psora & pruriginis discrimen.* aut mentum absque partis extenuatione sine modo furfures emittunt. Itaque coma & barba primùm radantur, deinde abluantur decocto detergente, ut lixiuio ex cineribus brassicæ, betæ, fumaricæ, anagallidis flore rubro, capillarium: vel herbarum dictarum succis liniantur. *Curatio.* Præmissis generalibus, ut purgatione, aut venæ sectione, benefacit decoctum lupinorum & furfurum, deinde ex farina erui, cicerum, fabarum, lupinorum smegma: pulvis pro frictione. Vulgus permiscet fel tauri aceto: Dioscorides utitur radice maluæ, cocta in vrina hominis: Alii malunt in vino, alij in aceto. Contumaci malo paretur lixiuio ex cineribus colocynthidis, agarici, staphysagriæ, radicis cucumeris agrestis. Cæterum non desunt, qui malunt hunc cutis affectum ad deformitatem, quam ad pustulas referre, quia faciem reddit fœdam & deformem.

Ff iiij



SECTIONIS

PRIMÆ

TRACTATUS SECVNDVS.

IN QVO TRACTATUR,
DE DEFORMITATIBVS.

PILORVM DEFLVIVM,
Caluities.

CAP. I.



*Caluitiei
causa.*

DEFLVIVM pilorum est nomen generis : Cuius species sunt, Caluities, quæ & φαλά-
xρωσι seu glabrities dicitur, Alopecia : Huius, Area, & Ophiasis. Caluities ferè acci-
dit inopia alimenti, qua causa senes caluescunt, arbores defrondescent, herbar marcescunt. Eadem causa, etiam iuvenes, qui sunt valdè sicco cerebro, citò caluescunt : per-
functis etiam longo & difficili morbo pili de-
cidunt, quia plurimum alibilis succi per mor-
bum deperit : cùm incipiunt renutriti, pili

renascuntur. Caluescunt eadem causa, qui ve-
neri nimium indulgent: Eunuchi verò sunt glabri, *Eunuchi
cur glabri.*
quia castrati muliebrem naturam induunt: mu-
lier verò est glabra, quia humidior, & frigidior:
Viragines enim sunt villosæ, etiam barbam in
mento gerunt. Accidit etiam caluities raritate
aut densitate cutis, quæ causæ sunt conspicuæ, &
sensui manifestæ.

Vt ex arte medearis, consideranda causa: *Curatio.*
nam caluities à senio est incurabilis, quia natu-
ralis. Cerebrum siccus, fotu & litu humectetur,
vt oleo amygdalarum dulcium, quo humoris
acrimonia, quæ pilorum radices erodit, obtun-
datur: Alimentum admoto aliquo metasyncri-
tico attrahatur ad partem depilem, vt dropace,
emplastro ex pice phœnigmo seu vesicatorio,
sinapismo: Abradenda sæpè coma, & duriter,
vt aspero linteo, perfricanda, ad eundem vsum.
Cutis rarior densetur litu ex oleo rosaceo, vel
myrtino, admixto ladano: densior rarescet fri-
ctione blanda, molli foru & litu emolliente,
vt hydrelæo, oleo amygdalarum dulcium, li-
liorum.

Alopecia.

Alopecia non accidit atrophia, sed cacotro-
phia: nutriuntur quidem pili, sed malè: humo-
re scilicet acri, maligno, qui eorum radices ero-
dit Vt enim plantæ muria, lixiuio, aceto, vri-
na nutritæ moriuntur: ita capilli defluunt si
humore salso, acri nutriuntur. Cur caluis renas-
cuntur pili, si varices adueniant, vt est *sexto
Aphorismorum?* quia malignus humor qui pi-
los exedebat, ad tibias detrusus est: Atqui hu- *Causa.*

*Curatio.**Alopecia
quesana-
bilis.**Indicatio-
nes.*

mor qui varices facit, longè à natura recessit. Itaque purgatione frequenti opus est, quæ sit humori peccanti accommodata. Gal. sine topicis, purgatione frequenti, vidit alopecias incipientes sceleriter perfanatas. Est cum à putri & salsa pituita, est cum à mordaci bile radix eroditur. Dicit aliquis: Hipp. scribit *lib. de natura fætus*, caluos esse pituitosos: tales autem reddi, pituita pilorum radices adurere: Respondet Galenus, Hippoc. ibi phlegma vocare, id quod vltum est in succis: vltionem demonstrat crusta alba & veluti incinerata. Itaque venæ sectio non est prætermittenda: Cerebrum errhinis & masticatoriis deplendum: mox de topicis cogitandum. Sed prius memineris, abrafa aut deronsa coma, dura & longa frictione explorare si malum sit sanabile: nam si aspero linteo, aut foliis ficus perfricatum cranium non rubeat, conclamaturnum est. Faciamus ergo rubere, proindeq; spem sanitatis affulgere: deligenda erunt remedia, quæ mediocri sua astrictione difflatione prohibeant, moderato calore alimentum ad partem alliciant, & humorem morbificum absumant: Si malis, quæ humorem impactum resoluant, & noui appulsum inhibeat. Quas dotes Gal. tribuit ladano, mixto cum oleo rosarum, aut mastichino, Ægineta terit cum vino: Trallianus cum vino & oleo myrtino, donec acquirat consistentiam mellis: Detonsa coma diu fricetur. Si placet, decocto capillarium caput abluatur, ut polytrichi & adianti (quæ quod regenerandis pilis proprietate conferant, dicuntur capillares) deinde prædicto vnguento liniatur: vel apes

siccentur, pulvis mellis aut oleo misceatur: Aqua ex fauo mellis destillata est singularis: Pulvis capitis leporis vsti, mixtus cum adipe vsti, plurimum commendatur: muscerda quoque laudatur, mixta cum oleo aliquo tenuium partium, vt lauri, anethi, nucum. Trallianus muscerdæ immiscet olibanum, & terit cum aceto: Folia oleæ cum melle rosaceo subacta benefaciunt: In Alopecia contumaci, Ægineta & Actuarius hoc præscribunt, quod Serapio expertum affirmat & admirabile.

℞. euphorbij, thapsiæ, & baccarum lauri, añ. ʒ. j. β. sulphuris viui & ellebori vtriუსque, añ. ʒ. β. excipiantur oleo lauri & cera q. s.

Marcellus Empiricus licheni asinæ tantum tribuit, vt etiam fœminis in mento barbam enascituram promittat: Est caro dura quæ circa eius genna adnascitur.

Quid si à lue venerea pili deciderint? Præscribatur vnguentum morbo proprium & accom-

Curatio alopecia à lue venerea.

modatum, cuiusmodi hoc fuerit. ℞. pulueris corticis guaiaci & abrotani vsti, añ. ʒ. β. decocti primi guaiaci ʒ. iiij. olei amygdalarum amararum, & vini albi, añ. ʒ. ij. bulliant horis duodecim in duplici vase, seruetur pro litu: vtatur interim decocto ligni sancti: Quibus si nihil proficitur, hydrargyrosis repetatur.

Quid si a parte ambusta pili deciderint? Folia ficus vratur in fictili, & pulvis cerato excipiatur.

Galenus 6. *simplicium* promittit, cinerem abrotani mixtum cum oleo lauri vel nucum, acceleraturum barbam segniùs erumpentem, & perditam regeneraturum: idem præstant

baccæ iuniperi tritæ cum melle.

PSILOTHRA SEV DE-
pilatoria.

CAP. II.

Vera psilo-
thraqua.

generatio-
nem pilo-
rum prohi-
bentia.

Quia contraria sese definiunt, atque, ut dicitur, iuxta se posita magis lucent: his quæ restaurant defluentes pilos coniungemus quæ eosdem renasci prohibent: ea enim sola vera dixeris depilatoria, non quæ vrunt & vstione pilos adimunt, ut calx & auripigmentum: ad tempus tantum euelluntur, postea renascuntur.

℞. calcis viuæ aut auripigmenti ℥.j. si vis calcis ℥.j. auripigmenti ℥.ss. terantur simul, affundendo aquam aut poscam calidam. Si placet vtriusque ℥.ij. include nodulo, qui bulliat in aqua, eoque hirsutam partem fricato. Aqua putaminis ouorum est singularis; testæ cremantur, ex puluere destillatur aqua, quæ non sinet pilos regenerari: abradantur prius, aut vellantur. Valdè frigida & sicca abrasos pilos prohibent renasci, quia alimentum repellunt, cutem densant, & calorem parti eripiunt, cuius solius est generare: itaque ℞. hyoscyami M.j. teratur cum aceto, & forma cataplasmati applicetur. Idem præstabit cerusa, diu in aceto cocta: Galenus eandem vim attribuit ranarum & vespertilionis sanguini: quod Aëtius expertus est falsum. Fortassis non tollunt pilos, ut calx & auripigmentum, sed euulsos prohibent renasci, quæ,

vt diximus, vera sunt pilothra. Semen cicutz & hyoscyami, oua formicarum, terantur cum succo verbenæ, & cimum sanguine.

Succus radicis chelidonie est depilatorius, quemadmodum & lacryma vitis oleo permixta.

*CANITIES.**C A P. III.*

FIt à pituita putri, propterea canescunt ocyus, quibus cerebrum est humidius, quemadmodum citius caluescunt quibus siccus. *Canities causa.* Cur à temporibus incipit canities? quia ibi est musculus carnosus, & valde humidus: In externis causis recensentur, curæ, tristitia, metus: quibus crudus & pituitosus humor gignitur, qui occupat locum primigenij. Insignis est historia nobilis adolescentis, qui in curia Maximiliani Imperatoris, ob commissum adulterium adiudicatus est morti: Territus talis nuntio, vna nocte factus est ex coruo cygnus: quo spectaculo attonitus iudex, rem totam renunciat Imperatori, qui damnato pœnam remisit, suæ clementiæ causam subiungens, quod insolens iste metus fuisset illi loco supplicij.

Naturalis canities qualis accidit senio, celari quidem potest, & fucis aliquo regi, vt denigratis pilis: at percurari non potest. Præpropera canities tardabitur frequenti usu phlegmagon, vt pilularum de agarico, cocciarum, de hiera cum agarico: sublata enim causa, hoc est pituita de cerebro vacuata, tolletur effectus: Theriacæ & mithridatis sit usus frequens, quia

Canitiem tardantia.

natiuum calorem augent, & pituita prouentum impediunt. Gal. 1. *de locis affectis*. vbi de fucis multa, distinguit cosmetice à commetice, vt Philosophum à Sophista: Exornatoria corporis natiuam pulchritudinem conseruat & deformitates tollit, vt naeuos, & verrucas de facie: Fucatoria pulchritudinem mentitur fuco: sic mangones, pellices, quas prostituunt nituntur fucis pulchras reddere, quamquam reuera sint turpes. Exornator, non aliter quam Philosophus, sectatur quod verè bonum est, natiuam pulchritudinem conseruare & si quæ sint vitia, corrigere conatur: Præstigiator quod reuera est deforme conatur arte, seu fucis pulchrum reddere apparenter: satis habet si fallat, efficiatque vt videatur esse quod non est. Prophylactica quibus tardatur canities, ad cosmetice pertinent: Tinctura capillorum, puta si senex suos canos atramento typographico denigret, vt se iuuenem mentiatur, & hac arte locupletem viduam fallat, quàm hoc fuco, veluti præstigio, deceptam ducat in vxorē, ad cometice. Si coma & barba quotidie pectine plumbeo depectatur, intincto prius in succo nucum viridium, aut atramento typographico, nigri apparebunt. Destillatur oleum è fauo mellis, quo tincti capilli videbuntur ad tempus, non erunt tamen, flauī. Licetne Medico fucos præscribere? Galenus dum in aula versaretur imperatorum: vt satisfaceret principum vxoribus, quarum importunis precibus vincebatur, vt gratiores essent suis maritis, fucos descripsit: cæteris, præsertim meretricibus, denegauit: eas ad mangones remisit.

*Pilos. denigra-
grantia.*

Non est prætereundum quod ille annotavit; multo ex capitis lotionē in grauissimos morbos incidisse, quinetiam mortuos: culpam mox consequuta est pœna, occulta numinis vindicta.

DE LENTIGINIBUS.

CAP. IIII.

DE his ita scripsit Celsus: Penè ineptiæ sunt, lentigines curare velle, vt varos & ephelidas. Sed quid facias? mulieribus eripi cura cultus sui non potest. Ad lentigines (sunt exiguæ maculæ, vt plurimum rufæ, quibus facies conspurcatur, *bren Iudas* vulgò) vespertim abluatur facies aqua ex terebinthina destillata, aut liniatur oleo de ben, vel oleo myrobalanorum: manè decocto furfuris tepido eluantur. Agineta hoc vtitur remedio.

Lentiginum curatio.

℞. farinæ erui lb̄ j. seminis erucæ, amygdalarum amararum & radicis cucumeris agrestis, añ. lb̄. β. leuigata mulso liniantur, hora interposita, facies cum sponsa eluatur. Soleo imperare vt abluant faciem decocto lupinorum, aut succo fumarie. Vel ex farina erui, fabarum, cicerum, lupinorum, fiat pasta cum aqua rosarum, qua liniatur facies vespertim; mane abluatur decocto furfuris.

DE VARIIS SEP IONTHIS.

CAP. V.

Sunt exigua & dua tubercula, quæ faciem dehonestant: quæ cum mox suppurent & sponte dispareant, non egent propriis remediis. Sæpè accidunt iis, quibus hæmorrhagia suppressa est: fœminis verò tempore gestationis, aut suppressis mensibus.

DE FACIE FLAMMEA, FICIS
*conspurcata, quibus infecti vulgo ficosi, (à
 Gallis couperosez) nuncupantur.*

CAP. VI.

Curatio.

Facies insigniter rubra cum ficis, minatur elephantiasim, ad eam enim est primus gradus, quia indicat iecur retorridum assare, non elixare: Si à natiuitate talis fuerit, cuiretur: vt rotus habitus refrigescat, & in naturam muliebrem degeneret: Si accidente aliquo, vt meri generosi liberaliore vsu, vtatur refrigerantibus, præsertim hepaticis, vt aqua cichorij cum puluere santalorum, sero lactis, aut lacte asinæ: Ingrediatur sæpè balneum aquæ tepentis, admoucantur iecori epithemata, assumat sæpè inter pastus iulapia & apozemata refrigerantia

tia, nec prætermittatur venæ sectio, nihil enim tam refrigerat: purgetur cassia, catholicone, lenitiuo. Pro topico ad vnguentum de lithar- Topica.
gyro aut de cerusa adde argentum viuum, ex-
tinctum saliuâ aut succo citri, miscè illius drag-
mam vnâ pro vnguenti vna vncia. Aut vtere
vnguento Gattinariæ ad faciem leprosam. Aut
aqua sequenti ℞. tartari calcinati lb. j. masti-
ches ʒ. ij. agitentur cum albuminibus ouorum,
ponantur in alembico, & aqua stillatitia serue-
tur ad vsum.

Cæterum ad faciei ficos, non ani, videtur re-
spexisse Martialis, dum ita scripsit.

Cum dixi ficos, vides quasi barbara verba,

Et dici ficos Caciliane iube:

Dicemus ficos, quas scimus in arbore nasci:

Dicemus ficos, Caciliane, tuos.

AD EPHELIDAS.

CAP. VII.

Ephelis est asperitas, & durities cutis, potissi-
mum ab ardore solis, vbi facies insolatu suū
candorem & læuorem amisit, fitque aspera &
nigra propterea solati, & à sole decolores di-
cuntur à Plinio. Aqua ex albuminibus ouorum
destillata huic vitio succurrit, quemadmodum
& faciei rugis. Confert etiam aqua ex floribus
fabarum, nymphææ, & liliorum alborum de-
stillata, addendo semina melonum: item aqua

*Ephelis
quid.*

Curatio.

fragorum, vnguentum citrinum; acetum destillatum.

GUTTA ROSACEA SEU VITILIGO rubra.

C A P. VIII.

Est macula rubra, quæ faciem dedecorat, quam inter species vitiliginis quidam recensent. Si fuerit congenita, aut sinenda est, aut caustico cutis primùm vrenda, vt oleo, vel melle anacard. de vitriolo; deinde noua regeneranda, vnguento de cerula, aut de lithargyro: Si non fuerit inueterata, neque admodum altè radices egerit, sed superficialia, satis erunt detergentia, qualia ad lentigines: imprimis succus fumarie.

VITILIGO.

C A P. IX.

*Vitiliginis
differentia*

Quædam alba, alia nigra: vtraq; profunda, aut superficialia; recens, aut inueterata. Alba, leuce propriè dicitur: quæ si totum corpus occupet, lepra alba vulgò dicitur: morbus quidem hæreditarius, parentum vitio contrahitur: non contagiosus, vt elephantiasis, quia fit ab humore frigido, de quo nil exhalat. Vt autem pruritus & scabies ad cutis asperitatem pertinent, ita vitiligo ad læuitatem: læuiga

enim cutis sub hoc affectu. Quia tamen corpus vel totum, vel in parte dehonestat. malui ad deformitatem reuocare.

Accidit refrigeratis partibus nutritioni deuotis, vnde sanguis pituitosus, qui apponitur quidem & agglutinatur, non assimilatur: neque enim ex tali sanguine fit vera aut rubra caro, sed alba, qualis ostreorum, aut locustarum: Si pungatur corpus, & qui effluat sanguis, sit albus: talis affectus est insanabilis, frustra que suscipitur eius sanatio. Verum si rubeat cutis frictione, & sanguis effluat ruber, proderunt quæ sequuntur remedia.

Farina lupinorum excipiat oxymelite, vel cortex radicis capparis permisceatur aceto: Gordonius maculam, albam aut nigram non refert. foliis ficus aut linteo aspero duriter fricat, deinde inungit oleo de tartaro: Archigenes non est contentus detergentibus, vitur caustico: corpore phlegmagogis, vt pilulis de agarico, sæpius repurgato ℥. auripigmenti rubri tenuissimè puluerati ʒ. j. excipiatur succo fumarie fiant trochisci, qui in vsu diluantur eodem succo.

*Ad incipiē
tem partem
alicuius
vitiliginē,
& facie si-
ciariam.
Al inuete-
ratam.*

Si cutis noua regeneranda videatur, vt in profunda vitilagine, prima hoc modo remo-ueatur. ℥ fermenti acris ʒ. j. pulueris cantharidum ʒ. j. misce cum acerrimo aceto: ex ortis vesicis superpone folia brassicæ, deinde caro exedatur cum arthenico, vnguento de althæa permixto postea vlcus mundetur, & cum vnguento de lithargyro, aut emplastro diapalma

Gg ij

consolidetur: Si locus natura villosus vitiligine glaber redditus fuerit, vix vnquam sanescet: Pili albi arte denigrentur, vt in canitie.

GIBBUS, INHONESTVM

tuber in dorso.

C A P. X.

Causa.

FIt sensim aut confertim Sensim, lenta fluxione in spinam, aut à crudo tuberculo extrorsum luxatis, & protuberantibus vertebris: inde Asthma, magna spirandi difficultas, aut tussis; Asthma inquam, compressis partibus quæ thorace continentur nec potentibus se dilatare. Tussis, quando à tuberculo aliquid resudat in thoracem. Confertim, externa & violenta aliqua causa, vt ictu, casu, luxata aut subluxata vertebra: luxationem cita mors consequitur, subluxationem non ita: *Qui gibbi ab Asthmate, aut tussi ante pubertatem sunt, moriuntur: quia thorax propter gibbum non potest augeri, cùm interim conclusæ partes accrescant. Adulti vix attingunt annum sexagesimum, etiam si sint robusti, viuant temperanter, neque gibbus sit admodum magnus.*

Aphor. 46. sect. 6.

Ad prognosim considerare oportet, quam spinæ partem gibbus occupet: nam quò sublimior, eò periculosior: In dorso quam in lumbis: quando in lumbis suppuratur, materia, per renes aut intestina vacuatur, aut in crurum maiores venas deponitur, vbi varices facit. In tho-

Morbi asperitatis. 469

race minor spes salutis, quia pulmones inficiuntur suppurato, neque materia tam facile vacuatur. Luxatio vertebræ à causa externa nō admittit curationem. Subluxatio difficile, de qua suo loco & ordine.

Si causa fuerit interna, purgetur sæpè decocto cephalico & neruali, in quo senna, agaricus & hermodactyli bullierint. Mittatur sanguis, utatur decocto suitorifico, admoveantur cauteria utrique brachio ad diuersionem catarrhi. Ad initium spinæ admoneatur emplastrum ex mastiche & desiccatio rubro, quo fluxio intercipiatur. Cerebrum omni arte desiccetur, remedijs lib. *Superiore* commemoratis. Proderunt errhina, masticatoria, imprimis frugalis vita. Rhasis & Auicenna tentant resolutionem; Albucasis exedit cauterio; Serapio humorem flatulentum resoluit hoc emplastro. ℞. styracis utriusque ʒ. i. costi, calami aromatici, an. ʒ. vj. euphorbi ʒ. j. cum oleo nardino & cera fiat emplastrum.

Curatio.

MORBVS PEDICULARIS.
CAP. XI.

Quamuis quidam contendant pediculos, ut vermes esse morbos numeri, placuit tamen ad deformitatem reuocare quia nihil est turpius, nihil quod adeò homines ridiculos faciat, fœlicitatē Syllæ phthiriasis terminauit, eodem morbo Pherecides Pythagoræ præceptor & Alcman perierunt.

Gg iij

Efficiens est natiuus calor, qui etiã in excrementis sui vestigia relinquit: hoc argumento, quod ex illis oriantur insecta. Materia, humor lentus & viscidus, qualis per corporis totius colliquationem pluuimuserumpit: argumento est quod quæ generant succum pinguem, vt ficus, pediculis generandis materiam suppeditant: Quia igitur colliquatio impediri non potest, phthiriasis est insanabilis. Obseruaui non semel, instante morte syntecticum sudorem totum in pediculos conuersum fuisse, postremo natiui caloris effluuiò animabatur pinguis sudor: Si qui alij pediculorum numerosa prole sordent, vtantur amaris, vt pilulis ex aloë, salsis, acribus, vt allis theriaca pauperum. Theriacę verò ipsius frequens vsus magnam habet vim ad fugandos pediculos. Balneum paretur ex absinthio, tanacetò, staphysagria, quæ pedicularis dicitur, quia proprietatem habet interficiendi pediculos: illius puluis misceatur alicui oleo amaro, vt amygdalarum amararum, de absinthio, de nucleis persicorum, cum pauca cera, fiat linimentum. Possis ex aloë, colocynthide felle, aceto, sinapi parare litum. Verùm nihil certius, nihil præsentius argento viuo. Quidam promittunt si cingulum ex linteo aut lana eo illinatur, mox pediculos, cirones, vermes exituros. Confert sæpè indusia mutare.

*Staphysa-
gria spec-
fica contra
pediculos.*

*Et hydrar-
gyrus.*



SECTIONIS

PRIMÆ

TRACTATUS TERTIVS.

IN QVO AGITVR DETV-
BERCVLIS.

DE VERRVCIS.

CAP. I.



ERRVCA est excrescentia
melācholica: quę tribus mo-
distolli potest, incisione, cau-
terio actuali aut potēiali, &
dissolutione. Incidatur cultel-
lo, mox vratur cauterio cla-
uali aut potenciali, vt oleo de

vitrilo: Soleo intra quindecim dies remedio
Gal. ad polypos, ex cerato myrtino & Ægyptiaci
tertia aut quarta parte, omnes excrescentias
consumere.

Penilis verruca (*acrochordon* dicitur, quod à
cauda, veluti de chorda pendeat) filo aut equi
feta paulatim constringatur, sic enim tabescet
priuata alimento.

Myrmecia.

Myrmecia dicitur, quæ latam habet basim, eò
quòd mordentis formicæ sensum inferat. Mo-

Gg iiij

ralem vocant Arabes duabus causis : priore, quod sit nigra: posteriore, quod instar mori plurimis constet paruis excrecentiis: quæ incidenda mox vrenda est cauterio actuali aut potenciali vt oleo de sulphure. Succus sambuci, chelidoniae & tithymali efficiunt tandem vt verrucae sponte cadant Radix chelidoniae teratur cū axungia, & fortiter alligetur. Aegineta laudat elaterium cum sale affricatum (elaterium succus est cucumeris agrestis.) Accipe limaces rubros, pone in olla plumbea. Deinde consperge sale, exactis quatuor diebus, limacibus proiectis, reserua liquorem, quo frequenter verrucae liniantur: Intra octo dies disparebunt: expertum.

Thymi.

Thymi sunt verrucae oblongae, in summo asperae quæ florum thymi colorem referunt: finduntur sæpè & sanguinem reddunt; enascuntur sæpius in partibus obscenis Curantur respersæ puluere asphodelorum, aut serpentariae. Maligni tamen non sanescunt nisi amputata parte cui adnascuntur. Discernentur imprimis colore: maligni enim sunt nigri: benigni albi. Secundo dolore, quia maligni dolorem faciunt pungentem, qui incandescit quoties aut manu tractantur, aut medicamento commouentur. Benigni sunt indolentes, leuibusque cedunt remediis. Quo maiores, eò peiores.

Ficus in ano.

Ficus est excrecentia in ano, maior thymo;

sic dictus, quod materiā includit granis ficuum similem Purgerur mittatur sanguis cōque liberalius, si coniuncta fuerit inflammatio quę primum cerato Gal. vel vnguento rosato temperetur: deinde vtere hoc remedio Gal. & Apollonij. ℞. olei rosati & myrtini, ana ℥. ii). lithargyri argenti & cerusæ, an. ℥. β. contundantur in mortario plumbeo cum pistillo plumbeo Prius foueatur locus decocto plantaginis, symphyti, rosarum. Possis vti eodē vnguento ad ficos faciei, de quibus cum de faciei si deformitate.

*Curatio.**Condyloma.*

Condyloma est tuberculum callosum, quod aliquando succedit inflammationi, al quando rhagadibus (sunt fissuræ in ano, si malis vlcuscula longa.) Celsus etiam non callosum tuberculum ita nominat. At Paulus: Initio, inquit, ex crescentia tantum dicitur; cum occalluit, con-

*Condylomata quę non tangenda.**Marisca.*

Hemorrhoides tū mortuæ dicuntur, quādo nihil ampliū reddunt: viuæ, quādiu vel sanguinem solum, vel solam saniem, vel saniem

474 *Morbi asperitatis.*

*Hæmor-
rheidum
fluor quis
suscipiens*

cum sanguine effundunt. si solus sanguis modice & indolenter fluat, sinantur. At cum saniem vomunt, si ex actuum humorum concursu ad partem, metus sit erosionis, vlceris, fistulæ, aut ex immodico sanguinis effluuio iam cachexiæ, hydropisque incipientis signa appareant, sanari debent, vna saltem ad tempus relicta: Albucasis ad diuersionem humoris, multa admovebat cauteria, vt circa finem libri superioris annotauimus Aëtius verò & Paulus tribus modis sanant: ligatura paulatim filo constringunt, vt destitutæ alimento sponte cadant: vstione, vruntur autem vel actuali, vel potenciali cauterio. Cauterium includatur capsula, ne vicinas partes attingat; superponatur spongia, imbuta aqua tepida aut lacte, ad placandum dolorem.

Hippocrati magis probatur tertius modus, nempe exsiccatio, seu vt ita dicā mortificatio: Ne attingas, inquit, cauterio, sed continuo ardore paulatim desicca, donec flaccescant.



SECTIONIS

PRIMÆ

TRACTATUS QUARTVS.

IN QVO PARTIVM QV-
rundam externarum, vt Palpebrarum,
Vmbilici, Vnguuium morbi ex-
plicantur.

DE MORBIS PALPEBRARVM.

CAP. I.



AM per occasionem, prout lo-
cus & institutum requirebant,
quarundam partium externarum
proprijs morbos exposuimus,
vt Tineam & Alopeciam capitis:

Superfunt alij, qui non possunt commodiore,
quam hoc loco, explicari: Imprimis Palpe-
brarum, quas qui confusè cum morbis oculo-
rum explicarunt, videntur ignorasse longè dif-
ferentem vtriusque partis indicationem: Ocu-
lus enim (vt sit hoc vnum pro multis exem-
plum) quia sensus exquisitissimi, non tolerat
acria, quæ palpebræ faciliè admittunt.

Differen-
tia morbo-
rum.

Palpebrarum autem morbi vel sunt commu-
nes, qui vt communibus nominibus appellan-
tur, ita communibus remediis percutantur:
eiusmodi sunt, Scabies, Asperitas, Phthiriasis;
Rubor, Inflatio, Oedema, Hordeolum, Gran-
do, Verruca, Defluuium pilorum, eorumdem
accretio immodica, multiplicatio, duplex ordo,
inuersio, quando introrsum conuersi assidue
pungunt oculum: Alij particulares palpebra-
rum proprij, vt ectropion, inuersio inferioris
palpebræ: λαγώφθαλμον πάθος retractio supe-
rioris, propter quam, vt lepores coguntur dormi-
re apertis oculis, vnde morbo nomē: Clausura,
seu inuiscatio palpebrarum inter se, aut cum
oculo ipso: & relaxatio: de quibus instat, vt quo
propositi sunt ordine, differamus.

Palpebrarum pruritus.

Cum palpebræ prurient, abluantur aqua ro-
sarum tepida, vel vini albi & aquæ rosarum
æquispartibus.

Scabies palpebrarum.

Ad Scabiem incipientem lauentur aqua ro-
sarum, decoctionis sumach: liniantur vnguē-
to de ruthia, aut vnguento ad Scabiem iam de-
scripto. Ad inueteratam cum rubore & duritie,
hoc remedium (quod est Rhasis) Valefcus plu-
rimi facit.

℞. floris æris ʒ. i. chalcanthi ʒ. ij. arrhenici ru-
bri, nitri, spumæ maris, an. ʒ. j. salis ammoniaci
ʒ. ij. sal temperetur succo rutæ, quo cætera exci-
piantur.

Memineris, hoc remedio non esse vtendum,
nisi præmissis generalibus, purgatione, venæ se-
ctione, balneo, cucurbitulis, masticatorio.

Asperitas.

Asperitas, non aliter quam fissura labiorum, tollitur pinguedine gallinæ, aut butyro recenti.

Phthiriasis.

Pediculi interficientur foru ex decocto staphysagriæ, aut vnguento ex aloe & puluere staphydisagriæ exceptis melle: aut pauco hydrargyro pinguedini capræ permixto.

Rubor.

Rubor tollitur aqua plantaginis vel rosarum, in qua aut ferrum candens saepius sit extrinsum, aut olibanum: vel infunde ℥.ij. aluminis, vel duo aut tria grana vitrioli in vnciis duabus plantaginis: qua rubentes palpebræ cum penna illinantur.

Inflatio.

Inflatio tollitur foru carminante, vt decocto florum chamæmeli, maioranæ, euphrasie, seminis scænugræci, cumini: vel ex farinis & pulueribus resoluentibus in lacte coctis, fiat pulticula, vel ex puluere cumini excepto oleo lauri, cum cera fiat vnguentum. Iisdem remediis discutietur œdema.

Hordeolum & Grando.

Hordeolum & Grando sunt duo palpebrarum tubercula: Hordeolum est mollius, quod si non possit ammoniaco, aut diachylo magno ireato resolui, chirurgia curetur vt Grando: Incisa cute secundum rugas totum cum sua cysti euellatur: cuius si quid supersit, mūdetur primū vnguento apostolorum, addito pauco Ægyptiaco, deinde cavitās vnguento citrino repleatur.

Hydatis.

Videtur Hydatis Græcorum, cuius vesicula Celsus existimare aquā includi: alij substantiam adiposam, quibus videtur parua lupia, eodēque modo curanda.

Verruca.

Pensilis verruca aut filo stringatur, aut incidatur, moxque aliquo oleo caustico locus attingatur, ut gutta vna olei de sulphure, superponatur albumen: caue ne attingas oculum.

Pilorum defluuium.

Ciliorum & superciliorum effluuium *μαλαί-
gewois* Græcis, à Latinis salicium dicitur: cui medemur foru ex decocto adianti & polytrichi, deinde litu ex cinere apum, vel muscerda, exceptis melle: Torretur stercus muris, pulvis immiscetur melli: vel auellanae vrantur, pulvis pinguedini vrsi vel caprae misceatur.

Pilorum inuersio, incrementum, multiplicatio, duplex ordo.

Si pili inuersi assidue pungant oculum, vellsellis primum vellantur, mox depilatorio aliquo, ut sanguine ranarum aut vesperilionis ouis formicarum locus fricetur, ne renascantur. Nisi malis uti cauterio potenciali, ut oleo de vitriolo, vel aqua forti, temperata aqua plātaginis: vel actuali cauterio locum attingere: Celsus tangit locum acu ardente. Quidam contenti sunt inuersum & pungentem pilum aliis agglutinare: Gluten paratur ex mastiche, sarco-colla, & tragacantha, exceptis aquato oui.

Immodice crescentibus & multiplicatis conueniunt depilatoria.

Ectropion.

De palpebræ inferioris euerfione, & retractione superioris, legēdi sunt Paulus & Celsus: vix enim aliter quam chirurgia curantur; legendus etiam Guido *sua chirurgia tractatu sexto*. Celsus existimat ectropion aliquando accidere senio, Paulus negat.

Inuiscatio.

Quando palpebræ fuerint clausæ & veluti agglutinatæ (inuiscationem vocat Auicenna) emolliantur primum fotu, deinde supponatur radius ex ebore aut plumbo quo attollantur: altero autem radio separētur. Celsus neminem vidit perfecte sanatum. Meges multa quidem tentauit remedia, non potuit tamen impedire, quin palpebra oculo rursus adhæserit. Lege Guidonem *tractatu sexto*.

Palpebræ relaxatio.

Si palpebræ vsque adeo fuerint relaxatæ, vt releuari non possint, præmissis generalibus, & subalternis, vt cucurbitulis frequentibus, etiam cum scarificatu, cauterio in initio, ad diuersionē humoris: fiat fotus ex maiorana, floribus chamæmeli, meliloti & cumino, additis balaustiis, & malicorio. Si malum non cedat, chirurgia est opus quam explicat Albucasis *libro 20*. Guido quatuor modos declarat.

DE VMBILICI PROMINENTIA,
 quæ ἐξ ὀμφαλονπέδος dicitur, quando in-
 decorè prominet.

CAP. II.

Tot ferè sunt illius differentie, quot hernie; quemadmodum enim rupto aut relaxato peritonæo omentum aut aliquod ex intestinis descendit in scrotum, vnde epiplocele, & enteroccele: Sic si circa umbilicum rumpatur aut relaxetur, quod sæpè accidit ex difficili & laborioso partu, illic tumor apparebit, qui *Hernia ventralis*, vulgo nuncupatur: Est cum caro quædam illic adnascitur, vt in sarcoccele, quæ aliquando degenerat in cancerum: Est cum flatus eam partem distendit, & umbilicum foras trudit, vt in pneumatoccele: Est cum humorum colluvies illic aggregatur, vt in hydrocele: Aliquando arteria aliqua illic rupta sanguis effluit, qui aneurisma facit. Discernetur species tumoris quòd si omentum exciderit, mollis erit tumor, indolens, concolor cuti, inæqualis: Si intestinum, disparebit tumor cum strepitu si premat, qui cohibito spiritu & balneo manifestè augetur. Humorum copiam indicat tumor mollis quidem, sed qui pressus nõ cedit, neque minuitur, neque augetur. Si sanguis exciderit, ad superiora signa hoc accedit, quod tumor sit lividus: Si subnata caro, tumor erit durus & in eadem

Morbi deformitatis. 481

in eadem magnitudine permanens: Si flatus, tumor pressus disparet cum sonitu, moxque reuertitur.

Flatulentus tumor non est attingendus chirurgia, sed carminantibus, si fieri possit, minuendus, non aliter quam tympanites, aut dolor colicus. Neque etiam chirurgia tentandum est succrescentem carnem rollere, praesertim cum indurnit & dolorem facit: Tum enim ad carcinomatis naturam accedit. Alioquin carnea potest constringi filo, ut sponte cadat. Prolapsum intestinum aut omentum, chirurgia curare docent Paulus & Celsus, quam antequam experiaris, tentabis repellentibus & astringentibus, veluti fotu ex vino decoctionis balaustrorum, malicorij, gallarum, illius generationem impedire. Admoto deinde emplastro diapalma aut contra rupturam; diapompholygos repellit & resoluit.

VNGVIVM MORBI.

CAP. III.

VNgues saepe contunduntur, unde liuor, effusus sub vnguem sanguine, & illic corrupto: fiunt etiam scabri, inaequales, foedi (vulgò leprosi) nonnunquam recurvantur & carnem praesertim in angulis pungunt. Praeterea inflammantur, quod genus phlegmones paronychia dici solet, vulgò panaris: Inflammatio in radice vnguis, cui succedit aliquando

paronychia quid.

H h

pterygium, ex crescentia carnis bonam unguis partem operiens. De paronychia tractatu proximo ubi de phlegmone.

*Resoluen-
tia*

Cadunt etiam nonnunquam copia & acrimonia humoris congesti aut affluentis, raro inopia alimenti. Vtraque causa pilos defluere iam scripsimus. Ut noxium humorem resolvas, excipiat sulphur ladano, fiat integumentum digiti. Pterygium incidatur, mox cauterizetur: subest enim cacoethia, quæ non potest melius domari quàm igni. Si placet, exedatur caustico, ut pulvere mercurij, præcipitato: oleo de vitriolo, aqua forti, ægyptiaco: aut sensim cõsumatur, cum cerato myrtino & ægyptiaci quarta parte.

Vnguis portio quæ carnem pungit, subleuetur & incidatur, suppone plumbi laminâ quæ conringat carnem subiectam: si nihilominus caro supercrescat, ut pterygium exedatur.

*Ad contu-
sos Ungues*

Ad ungues ex contusione liuentes, aut humoris alieni appulsu male coloratos, tentanda primum humoris resolutio ex farina erui, lupinorum, aut ex sulphure mixto cum pinguedine capræ. Quo remedio si non dispareat fœdus color, ut humori pateat exitus, perforetur unguis in medio: cauendo diligenter ne terebello caro attingatur, quia excresceret & ea parte pterygium excitaret, (error longè peior prior.) Ut autem per foramen humor corruptus facilius secedat, superponatur emplastrum metasyncriticon, ex alto foras trahens: quale fuerit ex fermento, & aristolochia: aut pice & dictamno.

Vngues leprosos hac methodo percurabis:

De tumoribus contr. nat. 483

Primum emollies vnguento de althæa vel Agrippæ, aut cataplasmate ex radice liliorum & althææ, deinde cultello aut vitro sensim abrades: paucum quod supererit procurabis vt cadat emplastro ex fermento & cantharidibus aut ex chelidonio minore, & atriplice, aut ex facie aceti: Cùm abscesserit, pars foueatur vino decoctionis gallarum, malicorij, nucum cupressi. Vt roboretur, tandem vt nouus regeneretur, appone emplastrum diachalciteos.

LIBRI SECVNDI PARTICVLARIS METHODI.

SECTIO SECVNDA.
IN QVA TRACTATUR DE
tumoribus contra naturam.

DE PHLEGMONE CAP. I.



PHMORES vel sunt calidi, vt Phlegmone, & Erysipelas: vel frigidi, vt Oedema, & Scirrhus. Calidi vt plurimū sunt fluxione, frigidi congestione. Phlegmone fit a sanguine, quantitate potius peccante, quam qualitate, nisi habeat causam externam, vt ictum, casum: tum enim etiam sine plenitudine accidit.

*Tumorum
differencia*

*causa
phlegmones.*

Dignoscitur tumore, rubore, calore, duritie, dolore, non tantum tensuo ob plenitudinem, sed etiam pulsatorio, si a copia sanguinis arteria prematur. Dolor est acerbior, si pars inflammata fuerit nervosa & sensus exquisiti, sanguis vero tenuis & feruidus.

Curatio

Curationis tres sunt scopi: Repellere, resolvere, & suppurationem adiuuare: In principio fluxio repellenda, ut impediatur si fieri possit, ne fiat phlegmone: Tandiu autem est in principio, quandiu humor est in motu.

In augmento resoluendum, ut quod nihilominus influxit, vel per diaphoresim insensibiliter; vel sensibiliter, ut incisione, vacuetur. In malignis enim saepe cogimur incisione, aut cauterio quam citò humori viam facere.

Dicitur autem esse in augmento, quando cessat fluxio & manifestè pars intumescit.

In statu iuuandus pepasmus ut impediantur scirrhus, aut gangraena, qui sunt phlegmones duo miserabiles exitus.

Est autem in statu, quando incipit pus fieri: conicimus autem pus fieri, quando symptomata omnia ingrauescunt.

*Quando
abstinendū
repellentibus.*

Abstinendum verò quandoque repellentibus, quod quæ sequuntur circumstantiæ demonstrant; quæ sunt in facienda Medicina maximi momenti: tota enim in diorismis vertitur.

Si fluxio critica, (naturæ enim ministri sumus) quò illa vergit, eò ducere oportet; si modo per loca conuenientia. Nam si à parte ignobili ad nobilem humor transferretur, motus iste esset impediendus.

Si fiat fluxio ad emunctoria, ne repellas. Esto exempli gratiâ, suborta Parotis Inflammatio glandularum quæ sunt pone aures, vbi sunt emissaria cerebri: si ad moueris repellentia, retrocedet fluxio ad cerebrum. Itaque à diaphoreticis exordium & emollientibus: quæ relaxata cute, dolorem minuunt. Cuiusmodi sunt butyrum, lana succida oleo chamæmeli insucata, aut violarum, cum magnus subest calor. Aut cataplasma ex radice liliorum, althæa cum sua radice, violaria, floribus chamæmeli, meliloti, semine lini & fœnugræci; hoc cataplasma te si fortè discuti non possit, suppurabit. ℞. rad. liliorum ℥. althææ cum radice, violariæ, an. M. j. florum chamæmeli & meliloti, an. P. ij. seminum lini & fœnugræci, an. ℥. β. fiat decoctio, residua teratur cum butyro recenti, fiat cataplasma.

Resoluen-
tia.

Idem de bubone, etiamnum simplici sentiendum est: multò minùs repellendum, si pestilens fuerit, aut venericus.

De Phygethlo idem esto iudicium, est glandularum erysipelatosaphlegmone, aut erysipelasphlegmonodes, nunquam suppurans: Quæ nota distinguitur a phymate est bubo ad suppurationem festinans proinde phygethlo in principio diaphoretica, phymati peptica in principio conueniunt.

Phygethli
curatio.

Inflammatio in collo respuit repellentia, procurandum potius, non aliter quàm in angina vt qui delitescit humor, foras euocetur: Nam vt erysipelas intro ferri malum, ita foras ferri bonum. Repulsus fortassis ægrum suffoca-

H h iij

In angina
asar locus
repellentibus.

ret; siue ad fauces, siue ad cerebrum retrudatur, à parte ignobili ad nobiliorem repellatur. Dicit aliquis: in angina initio præscribi solent repellentia. Atqui illa sæpè à faucibus ad cerebrum retrudunt humorem morbosum. An necessitas est supra legem? Cogitur ad hoc Medicus, quia præsens imminet periculum suffocationis. An potius non est hoc Medici institutum, sed ad cutem & emissarium commune repellere? Contingit aliquando præter Medici consilium, retrocedere humorem, & ad cerebrum à quo primùm fluxit, refluere.

Item, quoties malignus humor committit phlegmonem, aut morsus animalis venenari, ut serpentis, aut canis rabidi, omni arte procurandum est, ut virus foras attrahatur: tantum abest ut repelli debeat.

Præterea si humor valdè crassus fuerit, qualis est qui clauos & furunculos committit, neque repelli potest, neque resolui. Proinde à peptici exordienda curatio, ut basilico, aut diachylo.

Quinetiam si humor fuerit tenuis quidem, sed tam multus, ut neque repelli, neque resolui posse videatur; aut abstinendum repellentibus, aut non prius imperanda erunt, quam purgatione & venæ sectione sit imminuta plenitudo, augetur enim fluxio.

Vbi in
phlegmone.

Hæc si absint omnia, si nulla prædictarum circumstantiarum impediatur; in principio phlegmones vtere repellentibus, cuius generis sunt ceratum Galeni, vnguentum rosatum Mesuæ; superponatur linteam oxycrato madidum,

quod sæpè renouetur: Aut agitetur albumen cū oleo rosato & aqua rosarum, quò imbutum linteolum applicetur parti. Si magis placeat cataplasma.

℞. plantaginis, rosarum rubrarum, & attri-
cis, an M. j. fiat decoctio in oxycrato: residua
teratur: adde colaturæ farinæ hordei ℥. iiij. cum
oleo rosaceo fiat cataplasma.

Ergo si phlegmone inuadat artus, ventrem vel
dorsum, nec fluxio sit critica, nec malignus hu-
mor, nec sanguis valdè crassus, delige ex his
quod voles.

Dignum est quæstione, in Paronychia (est
phlegmone in radice vnguis, vulgò *panaris*.)
siue repellendum. Ita videtur; Nam à parte
exquisiti sensus, cuiusmodi est radix vnguium, *in tra-*
& quæ longissimè abest à corde, quidni repel- *n nychia.*
lendum? Vulgatum est cataplasma ex vehemē-
ter repellentibus, vt malicorio, balaustis, galla,
nucibus cupressi tritis in oleo myrtino. Tantum
abest, vt maiores nostri existimarint non esse re-
pellendum.

Verùm, humor est malignus, vt indicant sym-
ptomata, quæ illum comitantur, vt palpitatio &
frequens animæ deliquium. Certè quoties
hæc aderunt, non dubitarem, vt in carbuncu-
lo, mox pulpam inflammati digiti cruciatim
incidere, vt malignus humor sensibilibus va-
cuetur, statimque in præcalidum acetum digi-
tum immittere, vt humoris morbifici malitia
corrigatur. Placando dolori & maturando con-
fert hoc eniplastrum Marcelli empirici. Passu-
læ coquantur, pulpæ puluis thuris permiscea-

Hh iiij

tur, hoc tegatur digitus.

*Repellētia
fortia cur
periculosa.*

*Vt narco-
tica.*

Non est prætereundum, quæ commemorauimus vehementer repellentia, sæpè humorem impingere, atque ut ita dicam incuneare, ideòque diffilatione prohibita, gangrenam aliquando succedere. Præstat peccare in defectu, quàm in excessu. Si mediocriter repellas, postea locus erit resolutioni, & suppurationi. Si vehementer, periculum est ne indurato, aut syderato membro, nulla restet spes nisi in ferro. Demonstratio est eiusmodi, nisi calor ventiletur, extinguatur; Atqui valdè adstringentia obstruunt, prohibentque ventilationem: ergo illis abstinendum. Quemadmodum & narcoticis, ne frigoris exuperantiam moderatum calorem extinguat. Virgente dolore cautè illis utendum est, ut subuenias symptomati, non morbo.

Ecce quid agendum in principio phlegmones. Instat ut quid moliendum sit in incremento, explicemus.

Sanguis cum sit vaporosus, lenibus diaphoreticis resolui potest: Si fortè vsurpes potenter resoluentia, qualia in œdemate, calorem atque inde fluxionem augebis, quinetiam tenuior tantum pars discutietur, crassior permanebit: quæ fortassis scirrhum generabit. Itaque si sanguis non admodum multus fuerit, isque tenuis & calidus, resoluatur: Si verò vel tam multus, vel tam calidus, ut phlebotomia, etiamnum repetita imminui non potuerit, diaphoreticis prætermiſſis præscribenda erunt peptica. Quærenti ergo cur in furunculis & clauis, (sunt parui furunculi) à pepticis exordienda sit curatio,

cum sint affectus inflammatorii. Respondendum, utrumque à sanguine crasso, qui neque potest repelli, neque resolui, utpote qui lapidesceret resoluventium longo usu.

Resoluet mediocriter lana succida oleo chamæmeli & vino inebriata, vel medulla panis furacei cocta in iusculo pingui, cum oleo chamæmeli & liliorum, & paucis croci. Si placeat cataplasma. *Resolutoria*

℞. rad. liliorum ℥. j. althææ cum radice M. ij. florum chamæmeli & meliloti, an. P. ij. seminis fœnugræci ℥. j. fiat decoct. Residentia teratur, coletur, adde colaturæ farinæ fabarū ℥. iij. cum oleo chamæmeli fiat cataplasma: addere possis duos vitellos ouorum.

Quod si humor non tantum crassus, sed malignus fuerit, ut qui committit carbunculum, quia periculum est in mora, cauendumque est ne per moras corrumpat membrum: non erit diaphoreticis tentanda resolutio, sed sensibilibiter, ut incisione, scarificatu, cauterio actuali, vel potenciali, virus erit dissipandum. Verum de carbunculo plura suo loco & ordine. Pergamus.

Si repellentium usu generatio phlegmones impediri non potuerit, neque diaphoreticis resolui, pepticis procuranda erit suppuratio (est sanguinis putris in pus conuersio.) Peptica autem non tantum mediocriter calida & humida esse debent, ut sint nativo calori analoga: *Suppuratio quid.* sed etiam emplastica, ut obstructis poris distillationem impedianeius caloris, cuius est maturare: *Peptica & maturatoria* ut alieni putrefacere. In hoc censu habent

tur radices liliorum, althææ, bryoniæ, ficus sic-
cæ, passulæ, semen lini & fœnugræci, farina tri-
tici. Itaque, ℞. farinæ tritici ℥b. β. coquatur in
oleo liliorum, chamæmeli, & aquæ æquis parti-
bus, fiat cataplasma. Vel ℞. rad. liliorum ℥j. al-
thææ cum radice, violariæ, bryoniæ, an. M. i. fi-
cus n. vj. seminis lini & fœnugræci, an. ʒ. vj. fiat
decoctio. Residentia teratur, coletur, adde fa-
rinæ tritici ℥b. β. cum oleo chamæmeli, fiat ca-
taplasma. In usu frequenti sunt basilicon & dia-
chylum: verum simplici vtendum in phlegmo-
ne magno & gummato non est vtendum, nisi in
abscessu frigido, & contumaci: quia peptico-
rum usu immodico sæpè membrum inflamma-
tum ad putrefactionem deducitur, quemad-
modum resoluentium usu immoderato ad scir-
thum.

*Bubonis
maligni
curandi
methodus.*

Notandum iterum, in malignis inflamma-
tionibus, vt bubonibus venereis, & pestilenti-
bus, immiscenda peptici attrahentia, nec-
non alexipharmaca: vt non tantum supputa-
tionem procuremus, sed etiam simul eadẽ-
que opera virus foras attrahamus, cuius mali-
tiæ resistamus. Itaque accipe cæpas, coquantur
sub cineribus, deinde terantur cum oleo li-
liorum, immiscendo Theriacam, Mithri-
datium, necnon fermentum, fiat cataplas-
ma. Limacibus & ostreis inest attrahendi ma-
gna vis: hîc non est expectanda suppuratio per-
fecta, sed via puri facienda scalpello, aut caute-
rio: Sinatur apertum per viginti dies plus mi-
nus. Antequam puri pateat exitus, neque pur-
gandum, neque vena in brachio secanda, ne

rettahatur virus, quod omni arte foras euocandum est.

DE CARBUNCULO, QUI PRUNA,
Ignis persicus nominatur.

CAP. II.

Carbunculus est affectus inflammatorius *Carbunculus quid.*
Cum ingenti pruritu, à sanguine vsto, quia
nondum in humoris alteram speciem degenerauit. vt sanguis qui facit cancrum in atram bilem: sed qui nomen & ideam sanguinis adhuc retinet. Sæpè pustula primùm erumpit, qualis in ambustis ardet in ambitu, vt pruna: subtus niger, vt carbo vstus, vnde morbo tot nomina; à calore enim ignis persicus dicitur, propter cacoëthiam ignis sacer dici potest, quamuis Tagautius erysipelas ita dictum existimet. Omnis quidem anthrax malignus, non omnis pestilens, & contagiosus: hunc praua accidentia comitantur, vomitus, cordis tremor, delirium, &c.

Auicennas vt resistat putredini, præmissa *Curatio.*
næ sectione præscribit cataplasma ex granatis acidis, integra incidit, coquit in aceto, deinde terit, & forma cataplasmatismis admouet. Hic non est locus repellentibus, quia tumor est malignus; neque resoluētibus, quia sanguis vstus est crassior, quam vt discuti possit. An ergo vt in furunculo, ita in carbunculo citò maturandum? Non videtur, quia peptica putrefactionem ac-

celerant ad quam carbō valdē inclināt, ēstque
 sēpē numero tam malignus humor, vt non reci-
 piat pepasimum. Itaque aut vsurpanda sūnt quæ
 creduntur conferre proprietate, vt scabiosa, &
 vtraque consolidā; coquuntur, teruntur cum
 malogranato, & forma cataplasmatīs appli-
 cantur morbo. Cordi verò conseruæ cardiacæ,
 imprimis scabiosæ, addendo confectiōis al-
 chermes, vel confectiōis de hyacintho ℥.ss.
 Vel ℥. aquæ scabiosæ ℥. viij. dissolue syrupi de
 limonibus ℥. ij. fiat iulep. in duas doses. Item ℥.
 conseruæ scabiosæ ℥. j. ss. mithridati veteris ℥. j.
 cum succo citri, fiat emplastrum molle, appli-
 candum cordi, vel exijsdem bolus. Profundis
 incisionibus malignus humor vacuetur, quæ
 aceto & sale perfundantur, vel cauterio actuali,
 aut potenciali vratur, postea curetur vt gangræ-
 na. Caterum optatior est rubeus quàm citri-
 nus, & hic quàm niger, à quo pauci euadunt.

Prognosis.

Carbunculum delitescere & exsiccari pessimū. Quo plures aut maiores, eo deteriores; quo viciniore cordi aut parti principi, eo deteriores. Qui stomachum, fauces aut pectus obsidet, lethalis. In bubonibus contra, præstat esse plures & maiores.

GANGRÆNA, SPHACELVS.

CAP. III.

Sive imperitus Chirurgus initio phlegmo-
 nes vehementius fluxionem repulerit, fri-

igidorūque immodico vſu partis natiuum calorem extinxerit: ſiue nimium astringentibus, vt bolo, galla, malicorio humorem impegerit, atque vt ita dicā incunearit: ſiue, vt fit aliquando in fracturis ſtrictura arctiore, caloris & ſpiritus vitalis affluxum impedierit: ſiue copia humorum ſuffocet calorem natiuum, vt accidit aliquando in magnis inflammationibus: ſuccedet gangræna, quemadmodum ſcirrhus oritur, quoties diaphoreticis vehementioribus materia tenuior tantum reſoluitur, reliſta craſſiore. Non terminantur tum via reſolutionis, aut ſuppurationis, quæ ſolæ ſunt optabiles; ſed putrefactionis, aut indurationis, qui duo ſunt funeſti & miſerabiles exitus inflammationum.

Dignoscetur gangræna incipiens ſtupore, & liuore partis. Quoties enim pars incipit obruſus ſolito ſentire, & iam liueſcit, ſuſpicio eſt non leuis incipientis, vt ita dicam, mortificationis, quæ vbi perfecta eſt, Sphacelus, Syderatio nominatur, mors partis, ſeu extinctio caloris natiui. Notandum tamen quando gangræna fit à cauſa externa, vt morſu, vel ictu animalis venenati; aut ab interna, vt à fluxu humoris virulenti, minimè eſſe indolentem. Priuſquam enim membrum moriatur in luſta naturæ cum morbo, ex tenſione dolor ingens percipitur. Tales gangræna incipere ſolent à pede, potiſſimum verò à magno pedis digito. Tales Beniuenius, & Dodonæus vt plurimum lethaleſeſſe obſeruarunt. Iuuenis quidam ſimili affectu repente prehenſus eſt; ſuaſi vt digitus amputaretur, procraftinauit, hoc neglecto

*Signa dia-
gnostica.*

non fuit postea tempus. Alter sexagenarius media nocte simili affectu corripitur. Vocatus, illo etiam inconsulto, quia nunquam permisisset, digitum iussi exseindi: Chirurgus opus tam dextrè absoluit, ut ante triduum nesciuerit sibi amputatum. Idē Chirurgus meo consilio, mulieri tibiam amputauit, cui inopinatio superuenerat gangræna sine manifesta causa. Illa bene habet, quia sæpe purgatur, & sanguis mittitur.

*Curatio
ubi succedat
inflammationem.*

Hic gangrænae quæ succedere solet inflammationi, propria remedia primū destinamus. Initio fiant profundæ scarificationes, quæ muria, vel aceto, & sale perfundantur, ne sanguis concreascit. Ut sanguis putris liberalius vacuetur, ad moueri poterunt incisionibus hiru-
dines, quinetiam si sit in parte affecta aliqua vena, incidenda erit, & cum abunde fluxerit sanguis, sistatur putredo. ℞. Ægyptiaci ʒ. j. dissolue in aqua vitæ, aut in lixiuio lupinorum. Item ℞. præcipitati ʒ. j. butyri ʒ. j. misce. Fiant incisiones in confinio viui & mortui, quæ linamentis hoc linimento inebriatis impleantur. Idem præstabit vinum decoctionis arrhenici, vel aqua plantaginis, in qua sublimatum bullierit, ea proportionē, ut in aquæ ℥b. ss. bulliant g. xij. sublimati, vel præcipitati. Cauterium actuale præstat potentiā. Quod si morticinæ tantus sit fœtor, tanta corruptela, ut neutro cauterio vinci possit: si ab igne ingens fœtor suscitetur, nouacula mortuum a viuo separetur. Quinetiam quia a priuatione ad habitum non

est regressus, mox syderatum membrum ense
rescindendum est, ne pars sincera trahatur, ex-
tremis morbis extrema remedia: quæ non sa-
nat medicamentum, sanat ignis: quæ non sanat
ignis, sanat ferrum. Expedit vnum membrum
abscindi, vt totum seruetur. Operandi mo-
dum docent Paulus, & Celsus. In eo tamen re-
centiores hoc reprehendunt, quod velint fieri
sectionem in parte sana, quia ingens dolor, &
hæmorrhagia magna, sæpè etiam conuulsio in-
de exoritur: Malunt fieri in parte syderata, vbi
sectio est indolens. Verum dices, si minimum
partis mortuæ relinquatur, serpet putredo.
Respondent se cauterio mox appposito putre-
dinem sistere, & hæmorrhagiam impedire: Ita-
que carnem mortuam incidunt prope sanam,
atque vt illi loquuntur, in confinio, candente
nouacula, vt sit loco cauterij, eadèmq; opera
incidant & vrant: manubrium habeat ferreum,
sed alio ligneo coopertum, quo manus opera-
toris à calore defendatur. Incisa carne os ferra
secandum, postea tetrapharmaco procuran-
dū, vt crusta cadat. Cum exciderit, locus ablu-
tur aceto, deinde hoc cataplasma applicetur.
℞. farinæ hordei & mellis, an. ℥b. j. vitellos o-
uorum crudos n. 4. fiat cataplasma. Vlcus post-
ea replendum, & cicatrice obducendum, reme-
diis sequenti sectione explicandis.

*Amputa-
tio vbi fa-
cienda.*

In gægræna estne mittendus sanguis? Distinguo. *An mittē-
dus sanguis*
Si procedat à causa calida, vt inflammatione
precedente, mittendus audenter: Verum si à fri-
gore, vt narcoticorum vsu immodico, aut hy-

berni frigoris violentia, ut accidit ijs qui per nives iter faciunt, aut à veneno, non est necesse, nisi aliud quiddam suadeat, ut plenitudo, aut febris coniuncta. Cum frigore membrum syderatur, conferunt calfacientia, ut ægyptiacum solutum in aqua vitæ, post scarificatus profundos. Cum à veneno, Alexipharmaca tam sumpta, quàm admota: Theriaca imprimis vel Mithridatium, mixtis attrahentibus, ut in bubone pestilenti.

ERYSIPELAS.

CAP. IV.

Erysipelatis à phlegmone dictum crimen.

Differt à phlegmone multis modis. Primo materia, quia fit à bile. Secundò ardore maiore, unde exarsio à quibusdam dicitur, aliis ignis sacer. Tertiò sede: nam erysipelas si fuerit exquisitum cutem tantum occupat, phlegmone subiectam carnem. Ridicula est & ineptissima barbarorum etymologia, quia ac si Latinum nomen esset, ita dictum existimarunt, quasi hærens pilis. Quartò doloris specie, est enim erysipelatis dolor pungens, cuius causa Spina dicitur ab Auicenna, quasi instar spinæ pungens. In phlegmone verò dolor est tenuius & grauans. Quintò differunt colore, est enim erysipelatis color flauescens. Sextò tumore, nam erysipelatis tumor est perexiguus, ob bilis tenuitatem, nisi, fuerit phlegmonodes. Septimò erysipelatosa m. partem si premas, digitis

gitis, disparebit tumor ad tēpus, quia humor est fugax, quin rubore abeunte pars alba apparebit. Phlegmone non cedit, manētque rubor, quantumvis premas.

Purgatio ex cassia cum rheo. Incidatur vena ad temperādum ardorem bilis: nihil enim eque refrigerat; eoque audentius cum faciem occupabit, ne retrocedat. *Curatio.*

Topica refrigerent & humectent, quia humor morbosus est calidus siccus. Non est repellendum, quia erysipelas intro ferri malum; eoque minus si faciem occupet, ne bilis retrudatur ad cerebrum, vbi delirium excitaret; aut ad fauces, vbi anginam lethalem committeret.

Cur non repellendū.

Atqui frigida sicca astrictione sua repellunt, vt aqua plantaginis, rosarum, rubi, foliorum vitis. Malim succos lactuæ, portulacæ, violariæ, lenticulæ palustris, semperuiui, vmbilici veneris, aut earum aquas stillatitias; his insuccatum linteum applicetur parti erysipelatosæ: Ardore tamen nihilominus perseuerante, inmiscabis succos aut aquas mandragoræ, hyoscyami, populeum: ea tamen cautione, ne quid nimis. Si liuor incipientis gangrænæ suspicionem iniiciat, applicetur diapalma in oleo vetere remollitum, fiant incisiones, quæ muria, vel sale & aceto perfundantur.

Obiiciet quispiam, si nocent astringentia, cur Galenus præscribit omphacium, i. *κτ' γένν*. Respondeo præscribi in phlegmonoso, non in simplici & exquisito, quale rarò videtur: ferè semper est phlegmonodes, proinde vtimur cerato Galeni, linimento ex cerusa & olei rosati

Aph. 20.
sect. 7.

aquis partibus, vnguento de lithargyro, superponimus linteam oxycrato madidum, aut succis vel aquis prædictis: quod sæpè renouandum ne exsiccet. Cum deferbuerit ardor, resoluatur tumor mucagine fœnugræci & seminis althææ, extracta in aqua violariæ: Erysipelas enim resolui debet, non suppurare, quia vt est in Aphorismo, *In erysipelate sanies & putredo malum*. Illa enim erodit, facitque ex simplici vlceratum, exedens, denique esthiomenon, de quo mox.

HERPES, SERPIGO.

CAP. V.

Causa.

FIta bile puriore & acriore quàm erysipelas, quæ si permisceatur pituitæ, excitat herpetem miliarem seu pustulosum, cutis in pustulas granis milij similes attollitur, vt in ambustis. Huic affinis est ignis volatilis. Vt enim herpes in ambitu serpit, ita ignis volatilis huc & illuc excurrit. Crassior & acrior bilis facit herpetem vlceratum: qui si solam cutem exedit, herpes vlceratus dicitur: si procedat ad subiectam carnem, ad phagedænam refertur; si serpat & erodat in ambitu, nomen nuncupatur. Sunt vlcera maligna, quæ verè dixeris Chironia, qui Chironis, id est periti alicuius Chirurghi manum & industriam requirunt. De vicerato herpete amplius tractatu de vlceribus.

Differentia.

Cholagogo semel atque iterum corpus re-
purgetur. Si plethoricum, mittatur sanguis.
Dieta sit refrigerans, abstineat vino. Topica
sint frigida sicca, ut astrictione sua sistant serpi-
ginem: quod non præstarent frigida humida,
imò augerent potius putredinem. Itaque con-
ueniet oxycratum, quod poterit parari ex aquis
rosarum & plantaginis cum paucis aceto, aut
succis rosarum, plantaginis, granatorum, cirri,
quibus inebriata sponsa applicetur. Auicennas
laudat aquam quæ stillat ex trunco vitis. Liniatur
primum nutrito, vel unguento ex ceruæ & olei
rosati æquis partibus parato, deinde linteum
succis aut aquis prædictis imbutum superpona-
tur. Singulare est & multorum experimentis com-
probatum remedium: Lana succida vitur in ol-
la, pulvis teritur cum aqua rosarum, donec ac-
quirat consistentiam atramenti, hoc liquore
sepe herpes cum penna liniatur. Ulceratus
abluatur primum posca, in qua galla, malico-
rium & alumen bullierint, deinde apponatur
hoc unguentum. ℞. olei myrtini ℥ i. minij vel
excrementi plumbi, lanæ succidæ vssæ, añ.
3. ij. cum cera fiat unguentum.

O E D E M A.

C A P. VI.

HAtenus tumores calidi, qui ut plurimum
sunt fluxione; sequuntur frigidi, qui ferè
sunt congestione. Congeritur verò paulatim
humor in parte, dum alimenti plus trahit quam
coquere possit, neq; coctionis reliquias abun-

Causa.

dè excernit, in quibus primum locum tenet Oedema, tumor à pituita, proinde laxus, mollis, & indolens, nisi copia partem distendat. Di-

Signa.

gnoscetur, eo quod partem si premas, premeritis digiti vestigium manet. Habet sua tempora, principium tamen ferè est imperceptibile, quia sensim humor congeritur: propterea repellentibus non est locus quando fit congestione. At cum fit fluxione, ut cum pedes post longum morbum fiunt œdematosi, Galenus vitur repellente, ut sponsia noua imbuta oxycrato, in quo sal bullierit. Loco spongiæ licet accipere stupas, ellychnium, filtrum: quibus cum fasciis pars tumida constringitur; procedendo ab infero ad superum, ligaturam expressiuam vocant

*Repellentia
an usur-
panda.*

Chirurgi. Quæret aliquis, cum humor sit frigidus crassus, proinde ad motum ineptus, debetne repelli? Respondeo, tenuem primum affluere, eumque in parte paulatim crassescere, ut patere potest in arthriticis & ischiadicis doloribus. Tenuis enim pituita primum influit, quæ paulatim in gypseam duritiem concrescit, unde nodi. Idem contingit in frigida destillatione: humor enim primum tenuis descendit, qui coquitur sensim, & coctione crassescit. Si repelli non possit, resoluatur. Resoluentia autem utrique œdemati, tam quod fit congestione, quam quod fluxione, conueniunt: cuiusmodi est lixiuium paratum ex cineribus ficus, vel quercus, addendo sulphur. Vel cataplasma quod sequitur. ℞ ebuli & sambuci, añ. M. j. hyssopi, thymi, pulegi, calaminthæ, añ. M. ss. fiat decoctio in aqua & vini rubri æquis partibus. Ex qua in-

*Resoluen-
tia.*

instituaturs fofus cum fpongia. Reſidentia teratur, coletur. Adde farina fabarum, erui, cicerum, vel lupinorum ꝯ.iiij. pulueris ireos, ſtercoris caprilli, bubuli, vel ouilli ꝯ.ij. cum oleo anethi, rutæ, lauri; fiat cataplaſma Emplaſtrum de baccis lauri, de meliloto, oxycroceum, cetoneum potenter reſoluunt. Proderit etiam lana prædictis oleis inebriata; Auicenna ſtanti facit ſequens emplaſtrum, vt ſi non iuuerit, à nullo alio ſit ſperanda reſolutio, ſed mox iuuanda ſup-^{Emplaſtrū} puratio, vel ſcalpello via materiæ facienda. ꝯ.^{potenter re-}
^{ſoluens.}
 ſinapi, ſeminis rutæ, vrticę, ſulphuris, ſpumæ maris, ariſtolochiæ rotundæ bdellij, & ammoniaci, an. partes æquales, cum oleo vetere & cera fiat emplaſtrum, quod etiam ſtrumas reſoluit, cuius loco vti poteris diachylo ireato: quemadmodum diachylo gummato, cum ſup-
 puratio erit adiuuanda. Mox ferro aut cauterio aperiaturs; In eo enim non eſt cunctandum, quia per moras pus erodendo cuniculos facit: ſucceditque ſinus, atque inde fiſtula, præſertim in partibus oſſeis, vt tibiis; aut in partibus cauis, vt thorace. Quemadmodum diutius inſiſtendo in reſoluentibus ſcirrhum, diſcutiuntur partes humoris tenuiores, relictis craſſioribus quę ſcirrhum efficiunt.

Cæterum Diæta inclinet ad calidum, quia humor peccans frigidus, niſi quid impediatur, vt febris aut calida iecoris intemperies. Alteranda iuſcula hyſſopo, thymo, & radicibus aperientibus; vtendum ſaliſis, piperatis, ſinapi, parcè & tenuiter viuendum. Sæpè enim ſola inedia morbos frigidos ſanauit, quia calor in

alimento minus occupatus, conuertit se ad co-
quendam pituitam, eamque, si fuerit dulcis, in
alibilem succum transmutat. Saltem cœna sit
breuis, vtaturque potius assis quam elixis. Hu-
mor verò peccans, quia crassus, apparetur pri-
mùm syrupis de hyssopo, de marrubio, capilli
veneris, oxymelite; Deinde purgetur diaphœni-
co, aut diacathamo, syrupo rosarum pallida-
rum, composito cum agarico. Proderunt hidro-
tica, & Laconicum, Thermae, praesertim sulphu-
reae, nitrosae.

ABSCESSES.

C A P. VII.

Observan-
da in aperi-
endo ab-
scessa.

Quidam est epigenematicus, qui super-
uenit inflammationi suppuratae, à Barba-
ris *Exitura* dicitur quia ubi primùm pus factum
est, appetit exitum, alioquin erodit. Dignoscitur
quod dum fit pus, rubor, calor, dolor, febris &
pulsatio ingrauescunt, quæ omnia mitescunt
facto pure. Deinde quod tum mollities quædã,
& inundatio percipiatur. In quo aperiendo
Chirurgus hæc obseruabit. Primùm vt aperia-
tur eo loco in quo pus maturius videbitur: Se-
cundò, vt loco magis decliui: Tertiò, vt fiat in-
cisio secundum rugas cutis. Quartò, cum ma-
gnus est abscessus, ne confertim, & simul
tota materia vacuetur, ne subita dissipatione
spirituum vires fatiscant. Quintò, vt magnus
abscessus magna incisione aut pluribus aperia-

tur, vt puri pateat liber exitus. Optima iudicatur, cum fit ad modum crescentis Lunæ, quia impedit ne fiat fistula. Superponatur cataplasma pepticum, vt reliquum citius suppuret. Quod si videatur exitura diuturnior, claudatur penicillo paulatim imminuto, superponendo linteam imbutum vno decoctionis rosarum.

Est cum abscessus neque resolutionis, neque suppurationis via terminatur, sed putrefactionis tum victoria caloris alieni, ex materia putri infinita heterogenea generantur, vt lapides, vngues, cornua, animalcula, &c.

Hic primarios abscessus meditamur, qui sunt à pituitæ collectione, quorum pro varietate materię contentæ, tres differentiæ constitui solent, *pituitosi abscessus primarij.*

Atheroma, Steatoma, & Meliceris. Atheroma, cum quiddam simile puliculæ continetur, puliculam enim Græci ἀθήρα nuncupant. Steatoma, cum veluti seuum, quod illi σέας vocant, includitur. Meliceris quando contentum simile est melli. Distinguuntur omnes magnitudine aut paruitate. Quædam enim excreſcentiæ pituitosæ sunt magnæ, vt Testudo Talpa, Natta, Bronchocele. Quædam paruæ, vt Lupia, Ganglion. Differunt etiam, quod quædam habent suam cystin; aliæ non. Discernentur potissimum hoc signo, quod quæ cystin habent, sunt mobiles; Aliæ immobiles, vtpote quæ carni adhærēt tenacissimè.

Horum omnium curandorum quatuor sunt *Curatio.* communes scopi: Resoluere, Exedere, Incidere & Ligare. Melicerides his quatuor modis curari possunt: nam si resolui non possint, aut cauterio exedi, aut facta incisione euelli, si fieri

possit, ligari debent. Atheromata resolui non possunt, quia materia est crassior, quam vt discuti possit; Caustico aliquo exedenda sunt, aut euellenda. Steatomata neque possunt resolui, neque exedi, sola incisione sanantur. Itaque in hoc diligenter laborandum est, vt singulæ differentia discernantur. Steatoma est durius, resistitque tangenti, & basim habet solidiorem. Meliceris contra sublidet in modum œdematis, cedit in se compressa, lentèque dissilit, sed citò reuertitur. Atheroma verò est veluti medium inter vtrumque extremum. Faciamus ergo abscessum esse mollem, non refert si magnus, aut paruus fuerit: Resoluentibus primum tentanda erit curatio, vt farina lupinorum cocta in oxymelite, vel stercore capræ, aut ouis, cocto in aceto. Calx oleo vetere, aut adipe suillo, aut melle excepta commendatur à Paulo, quia fundit simul & resoluit. Idem serpentem coniecit in ollam oblitam gypso, quam mittit in fornacem, puluerem miscet cum æquali portione scœnugræci, vtrumque excipit melle. Benefaciunt diachylum magnum cum gummis, addito puluere radicis ireos: Ad libram vnā addatur vncia vna pulueris. Non negligendum quod ex Auicenna ad resoluendos tumores frigidos descripsimus, nam ex Galeno transcripsit. Guido, vt facilius resoluat humorem inclusum cysti, primum excrescentiam manibus diu contrectat, deinde ferulæ aut scutellæ fundo percutit, vt vesica rupta materia effundatur: mox applicat plumbilaminam, eamque arctè ligat, quæ non tantum molles, & crescentes ex-

Resolutio.

crescētias resoluit, sed etiam duras, vt ganglion;
quod est veluti nodus in neruo, licet Tagautius
videatur confundere cum lupia, quando scribit *Ganglion*
potissimum oriri in capite; Verior tamen est *quid.*
Pauli & Aëtij opinio, qui frequentius talos &
manuum iuncturas occupare volunt, rarius cu-
bitum & caput. Ganglion hoc habet peculiare,
quod dum premitur, stupidiorem sensum exhi-
bet, moueturque tantum ad latera, pro situ
necui: neque in orbem, anteriora aut poste-
riora, vt melicerides, & atheromata. Ad disso- *Curatio.*
lutionem lamina cribri instar perforetur; quin-
etiam vt emolliat magis & fundat humorem
concretum, illinatur argento viuo, nec ante no-
uem dies remoueat.

Sequitur curationis secundus scopus, vt cau-
stico exedantur. Ad mouebis cauterium in me- *Erosio.*
dio, aut si magnus sit abscessus, multa cauteria.
Cum crusta deciderit, indantur penicilli Ægy-
ptiaco illiti, aut præcipitato & melle; aut tro-
chiscus de minio, vel asphodelorum, mixtus
cum vnguento Apostolorum. Ioannes de Vigo
linamentis omnes excrescentias indolenter ero-
dit intra vnum mensem. Accipit ex linteis vsu
detritis & benè carptis ℥.ij. medullæ panis albi
℥.ij. sublimati tenuissimè puluerisati ℥.j. aquæ
rosarum & plantaginis, ana ℥.j. omnia simul
coquit in vase æneo ad consumptionem dua-
rum aut trium partium. Deinde expressa lina-
menta siccant in furno mediocriter calido, quæ
iterum carpinata seruat in vase ligneo benè
operto ad vsum, qualem ipse ita describit. Pri-
mum defensiuo vicinæ partes muniuntur: Dein-

de vlcus quod fecit pyroticum, prædicto linamento impleatur: superponatur vnguentum de tuthia, vel de cerusa; persistendum donec appareat caro viua, tum vlcus melle rosato & terebinthina mundandum.

Sunt qui paruas excreſcentias totas per transuerſum incidunt, moxque implent alumine aut vitriolo vſto, quæ cystin erodunt simul & hæmorrhagiam ſiſtunt: magnas vero traiciunt duplici ſerone cruciatim, vno ſecundum longitudinem, altero per transuerſum. Quid ſi humor fluxilis non fuerit? ſilum aut ellychnium ex quo ſerones parantur, maceretur prius in aqua forti, vel liniatur Ægyptiaco, vel terebinthina, cui puluis Mercurij ſit permixtus.

Incifio.

Sequitur tertius modus; Quæ non ſanat ignis, ſanat ferrum. Incidatur primum cutis, deinde vnguibus laceretur, vt diuellatur à cysti, quæ prehensæ voſſellis funditus euellatur; quia ſi remanſerit fruſtulum, recidiuam faciet; quin etiam ſi rumpatur dum ſit operatio, inanis eſt labor. Si fortè quibuſdam vaſis adhæreat, voſſellis ſuſpendatur, atque interim ſcalpello ab illis ſeparetur.

Excreſcentia vbi non attingenda.

Notandum, quod ſi magna excreſcentia adhæreat magnis vaſis, venis, arteriis, nervis, tendonibus, vtpote ſi fuerit ſub mento, ſi in manibus aut in pedibus; ſinendam eſſe.

Faciâmus lupiam ſuper futuram enatam, non poteſt extrahi ſine periculo, poteſt tutò & facile extra commiſſuras. Sed memineris extracta lupia perioſtium exedere, & os ſubiectum diligenter abradere.

Memineris quoque, quoties cogitas de magna excreſcentia incifione tollenda, ſi forte magnam venam ſubefſe putes priùs habere parata quæ conueniunt ſiſtendæ hæmorrhagiæ.

Sequitur quartus modus. Si excreſcentia penſilis fuerit, non aliter quam acrochordon *Ligatio.* (verruca penſilis) filo ſericeo ligandam, non confertim, ne dolorem excites; ſed paulatim, quotidie arctius filum ligando. Sic enim ſponte cadet alimento deſtituta.

Age verò vno & altero exemplo, quam propoſuimus generalem doctrinam confirmemus. Fiunt gutturoſi, quia aqua nivali aut glaciali uti ſolent, ut qui Pyrenæos montes incolunt, quia coguntur uti aqua de rupe ſcaturiente, herniam *Bronchoce-* gutturis magna ex parte incurrunt. Nam quæ in *la qui ob-* colli inania ſpatia à cerebro deerrauit pituita, *noxij.* gelidæ potu concreſcens ſenſim bronchocele parit. Hinc ſæpè mutato ſolo, mutata viſturatione, ſine aliis remediis ſponte ſaneſcunt. Tentanda reſolutio, neque enim illic turò exedi aut incidi poteſt, præſertim cum iam inueterauit, & latè creuit malum: Diſſoluetur autem iam commemoratis auxiliis, vel hoc ꝯ ſulphuris & ſandaracæ, añ. ꝯ. ꝯ. euphorbi ꝯ j cum cera & oleo q. ſ. fiat vnguentum ſtatim ab inunctione colli, ſurperponatur hoc emplaſtrum ꝯ diachyli magni, & vnguenti Apoſtolorum, añ. ꝯ. i. miſce addendo puluerem ſequentem. ꝯ. rad. ireos & ſaliſgemmæ, añ. ꝯ. i. terebinthinæ q. ſ. ad conficiendum emplaſtrum. Interim teneat ſæpè in ore non nihil pulueris, aut electuarij ſequentis, ſaliuamque deglutiat. ꝯ. rad. cucume-

risagrestis, cyclamini, brusci, asparagi, aristolochiæ rotundæ, radicis serpentariæ minoris, radicis thapsi barbatæ, spongiæ marinæ, ana ℥. β. piperis, pyrethri, salisgemmæ, an. ℥. j. scrophulariæ ʒ. ii. turbith & hermodactylorum, ana ʒ. i. fiat pulvis, cuius medietas excipiatur melle ad parandum electuarium molle; teneat in ore nunc pulueris, nunc confectionis aliquid, ut tam interno, quam externo remedio crassa pituita, quæ committit herniam gutturis, eliquescat & dissipetur. Hoc remedio Valescus gloriatur se magnum honorem consecutum, & fecisse quæstum vberimum. Si resolui non possit, Rogerius suadet ut duplici setone traiciatur, quandoquidem neque caustico exedi, neque incidi tutò potest.

Ad bronchocelen pertinet Aneurisma gutturis, quale accidit puerperis, quibus à retento diutius spiritu collum intumescit. De quo lege Aëtium & Paulum lib. 6.

Talpa & testudo sunt veluti magnæ lupiæ in capite, quæ dummodo absint à futuris, tutò caustico exedi aut incidi possunt: ea quam dixi cautione, ut portio pericranij cui adhærēt, euellatur, & quod subest cranium diligenter abra-
datur, priusquam de vulneris agglutinatione cogitetur.

*Anchilops
curandi
scopi.*

Prope oculi magnum angulum fluxione tenuis pituitæ à cerebro, nascitur parvus abscessus, qui Anchilops nominatur; Cuius ut Oedematosi tumoris, tres sunt scopi, Repellere, Resoluere, Maturare. Repellitur fluxio, ut prohibeatur illius generatio: quia solet renella ossa

nasi corrumpere, tandemque nisi prouideatur in fistulam degenerare, quam vulgus lacrymale vocat: Repelletur quod influit, emplastro Diachalciteos; resoluetur quod influxit, vnguento diapompholygos, aut ex minutis cochleis tritis cum suis testis; misce, si placet, aliquid trochiscorum de myrrha, aut emplastri ex farina erui de melle confecti. Interim vt repellas simul & resoluas, instilla in oculū aquam rosarum, vel plantaginis infusionis tuthiæ. Quæ si non iuuerint, tendatque nihilominus abscessus ad pepasimum, iuuetur admoto peptico, vt basilicone; moxque cauterio aut scalpello aperiatur, quia periculum est in mora. Verendum ne pus subiectum os erodat, fiatque ex Anchilope, Aegylops fistula lacrymalis; de qua sequenti tractatu opportunius, vbi de vlceribus. Non est prætereundum, interim corpus non semel repurgandum, nec non venam incidendam, quia fluxio solet esse tenuis, calida, mordax.

*Fistula
lacrymalis.*

SCIRRHVS.

CAP. VIII.

Verus & exquisitus dignoscitur duritie, & indolentia: quibus notis à cæteris tumoribus distinguitur; à cancro apostematoso, quo cum maiorem habet affinitatem, indolentia. Est enim tumor durus cum dolore; Ab œdemate verò differt duritie. Cur scirrhus indolens? quia non sentit. Quidni? quia nervus

*Signa diagnoscit
scirrh.*

*Cur scir-
rhus est in-
dolens.*

*Cancrisi-
gna.*

*Scopicultura
torij.*

*Scirrhus an
insanabi-
lis.*

adeo induruit, humor scirrhusicus tam crassus est, ut impediat com meatum spiritus animalis, quo vectore influit facultas sentiendi. Incipiens vero & mixtus, qualis scirrhus phlegmonodes, est dolorosus, quemadmodum & purus seu exquisitus, cum incipit degenerare in cancrum, melancholia in atram bilem conuersa, tumque signa cancri vel omnia, vel quam plurima adferunt; Dolor, Lior, Calor, Pullatio, venæ in ambitu tumentes.

Curationis duo sunt scopi Emollire, & Resolvere: nam si dumtaxat resolvas, dissipata parte tenuiore, quæ relinquetur, lapidescet. Si tantum emollias, putrefaciet, & cancrum inducet. Diachylum magnum & gummatum utrumque præstant. Augebitur tamen vis resoluendi, addendo puluerem iridis florentiæ; quemadmodum vis emolliendi, immiscendo ceratum æsypatum, vnguentum de althæa, Agrippæ. Antequam admoueas emplastrum, scirrhus foueri poterit decocto omazorum, radicis althææ, liliorum, bryoniæ, sigilli beatae Mariæ; coquantur in aqua & oleo usque ad consumptionem aquæ. Nam scirrhus nunquam aqua perfundendus est. Ammoniacum solutum in aceto emollit simul & resoluit. In tendonibus & ligamentis induratis ubi emollieris, acetum in lapidem molarem proiicito, cuius vaporem parte scirrhusa eger excipiat: quo facto, malacticum rursus imposito, idque per intervalia continuato. Cæterum quāuis exquisitus scirrhus insanabilis vulgò creditur, tamen ego hoc de malacticis tantum & resoluentibus interpretor: quandoquidem vel

contra naturam.

505

caustico exedi, vel incidi potest, si modo partis natura ferat, nec subsint vasa quæ impediunt operationem, sitque scirrhus simplex, nondum cancrusus.

DE STRUMIS, QUÆ SUNT:
glandula scirrhideis,

CAP. IX.

Quamuis strumæ inter excrescentias pituitosas numerentur, tamen quando valdè induruit pituita, & iam in melancholiam conuersa est, ad naturam scirrhii propius accedunt, quam œdematis. Priusquam curationem suscipias, considerabis si sint benignæ, an malignæ: quia malignarum aut non est suscipienda curatio, aut cautè & prænunciata difficultate suscipienda. Malignæ autem iudicantur, si inflammata, valdè duræ, dolorosæ, si irritantur medicamentis.

*Strume
quæ attingenda.*

Tribus autem modis curari possunt: Resoluendo & Emolliendo, remediis ad scirrhum præmissis; Erodendo, vt de steatomatis dictum est; & extirpando. Extirpari autem vix possunt sine periculo, quia subsunt magna vasa, vt iugulares & carotides. Præmittenda sunt generalia, Purgatio, & Venæsectio. Apparetur prius humor oxymelite soluto in aqua stillatiua scrophulariæ vtriusque, deinde purgetur puluere diaturbith. Recipe turbith, euphorbij, zingiberis, succi ireos nostratis, añ 3. j.

*Scopicultura
tini.*

fiat massa cum oxymelite, de qua formentur pilulæ quadraginta, capiat quotidie vnam, eliquabitur sensim, simul & vacuabitur pituita strumifica. Vomitus etiam confert ad pituitæ ventriculo contentæ vacationem. Theriacæ sit vsus frequens, quinimo esus carnis viperinæ strumosis æquè prodesse videtur (Aerio & Celso) ac elephanticis. Si placet, sponsia siccetur in furno, detur quotidie ʒ. j. cum vino, duabus horis ante pastum, aut edat quotidie cochleas frixas, assas aut elixas. Oporteret prius & potius prospicere strumis internis, quàm externis. Multiplicatio enim externarum, inquit Villanovanus, ostendit multiplicationem internarum. Vidimus in dissecctis strumosis, mesenterij & pancreatis glandulas strumosas. Nisi consulueris antecedenti causæ quæ fouet morbum, operam perdis. In ad mouendis Dioscorides laudat sanguinem mustellæ illitum. Si placet, accipe illius cinerem, & misce cum melle, fiat emplastrum. Cinis limacum mixtus cum axungia vetere, & illitus, valdè commendatur à Francisco Pedemontio. Vel accipe limaces rubros, bulliant in vino rubro, terantur, fiatque cataplasma. Serapio laudat cataplasma ex farina lupinorum cocta in oxymelite. Si placet, allia terantur, atque interim nitro conspergantur: ex quibus pareretur emplastrum, quod per excellentiam Paulus vocat Chæradicum. Vel ℥. Ammoniæ & Galbanæ, ana ʒ. ij. soluantur in aceto, adde pulueris ireos, pulueris limacum & mustellæ, an. ʒ. β. cum oleo in quo allia contabuerint, fiat cataplasma. Cuius loco possu-

Struma externa arguunt internas.

Emplastrum chæradicum.

mus uti Diachylo cum gummis ireato. Si non possint emolliiri & resolui his remediis, videanturque tendere ad suppurationem, radix althææ & liliorum, necnon cæpa coquantur sub cineribus, terantur & cum pinguedine gallinæ fiat cataplasma. In cuius usu diu perseverandum est, quia non debent aperiri ante perfectam maturitatem. Aperiatur cum scalpello aut cauterio; deinde forma aliorum ulcerum curentur. Mudentur unguento Apostolorum, etiam admixto Ægyptiaco: deinde emplastro de minio, aut diapalma cicatrice obducantur.

Sequitur secundus curationis modus. Ero- *Erosio:*
dantur pyrotico primum admoto: Cum autem crusta deciderit, vlcus impleatur cotone imbuto vitello oui, cum quo pulvis Mercurij sit agitatus, aut iam commemoratis linamentis erodentibus, aut Ægyptiaco cuius vis poterit augeri addendo arrhenici, vel sublimati g. j. In circuitu tum memineris apponere defensivum. Exesa struma cum sua cysti, si quam habet, cum primum in fundo apparebit caro viva, curetur more aliorum ulcerum.

Sequitur tertius modus curationis. Inci- *Incisio:*
datur primum cutis, & digitis a struma separatur: incidatur autem sensim, non vno ictu: interim excipiendus sanguis cotone vltio, oculis vasorum appposito: sicque pergendum donec detecta glandula appareat, quæ apprehensa vossellis, tota euellatur. Si forte illius aliquid supersit, exedatur metu recidivæ. Cautè, ut monui, curatio suscipienda est, cum subiecta sunt magna vasa. Ioannes de Vigo vulne / s la-

brā reūnit futura, infra relinquit orificium vt repurgetur; in quod imponit primū digesti-uum commune, ex vitello & terebinthina: deinde mundificatiuum ex vnguento Apostolorum. Postremò vnguento de minio occludit. Lege etiam Paulum *lib. 6.* & Aëtium, qui ex Leonida de strumis quamplurima.

Glandula-
rū & stru-
marum
differen-
tia.

Glandula vt plurimum nascitur in collo, vt struma. Differunt tamen, quod glandula sit mollis, mobilis, æqualis, solitaria. Strumē verò sint multæ glandulæ racematim per cutem dispersæ, duræ, inæquales, immobiles, quia sunt impactæ carni: proinde glandula cum sit superficialis, nec altè radices agat vt struma, non mirum si possit resolui; resoluetur tamen multò facilius quàm struma, quia mollior: multò tutius erodi, aut incisione euelli poterit, etiam in ceruice, quàm struma. Apparet aliquando glandula in inguine, aut sub alis valde dura, scirrhusa, quæ *fugile* dicitur, & strumarum modo curatur.

CANCER APOSTEMOSVS.

C A P. X.

VT scirrhus ferè succedit aliis tumoribus malè curatis, humore vel frigidorum immoderato vsu congelato, vel tenuiore tantum resoluta, vel putrefacto, vel suppurato quidem, sed minus quàm conueniebat vacuato, puta facta incisione minore, quàm tanto abscessui

conueniebat: ita cancer sæpè succedit scirrho neglecto, aut malè curato. Cum primum & spontè emergit, refert formam ciceris nigri, non fabæ, tùmque vix nisi à peritis dignoscitur. *Origo & signa cancri.* Cancrum, si quem alium morbum, verè comparatis plantis: cum primum pullulant, & è terra erumpunt, vix nisi à peritioribus dignoscuntur: cum ad iustam magnitudinem peruenerunt, suis notis sese manifestant. Cum cancer in amplam molem excreuit, facilè dignoscitur, duritie, liuore, dolore, calore, venis in ambitu tumentibus & nigris, ob copiam humoris melancholici, quæ pedum cancri speciem aliquam referunt. Alij sunt aliis mitiores pro varietate humoris morbifici; nam qui fit à succo melancholico, qui similis est fæci, mitior est; qui verò ab atra bile seu melancholia vltà, quam Gale- *Differen-* nus comparat fæci vltæ, est deterior, maiorem- *ti.* que concitat dolorem. Pessimus qui fit à bile, per vstionis varios gradus in atram conuersa. Vlceratus sponte longè lateque serpit, non sine dolore.

Occulti cancri, id est simplices & aposte- *Curatio.* mosi, necdum vlcerati, non sunt attingendi. Palliatiuâ tantum, id est fucatâ cura tractari debent, quia leuioribus remediis, vt malaëticis, & resoluentibus, qualia præcesserunt ad scirrhum, non cedunt. Remedium enim oportet esse potentius morbo. Vehementioribus autem, vt causticis, efferantur, nisi fortè in principio vel vrantur, vel funditus euellantur, si modò hoc ferat natura partis, vt labij, mammae, papillæ. Quamquam, vt notauit Celsus *lib. 5.* ne ab his

510 *De tumoribus contra naturam.*

Aph 38.
sect. 6.
*Cura pal-
liatina.*

quidem partibus sine periculo excindi pos-
sunt. Aut enim inquit eadem in parte reuer-
tetur, aut si a mammis eximeris, alter in vtero
renascetur, peior priore: si a naso, labris aut alia
quavis parte euulseris, suborietur nouus in lie-
ne, a quo cita mors. Itaque standum consilio
Hippocratis, praest. i. *an ros occultos non attingere,*
sic enim in longius vita protrahitur; satis est si hu-
mor melancholicus per interualla purgetur, vt
sistatur incrementum, non neglecta venæ se-
ctione, quæ ardorem contemperet & dolorem
demulceat. Vtatur lacte asinae aut caprae. Absti-
neat alimentis crassi succi. Cancri fluuiatiles
coquantur in lacte asinae aut caprae, edantur &
lac bibatur; quinetiam ex iisdem paretur cata-
plasma, aut de limacibus. Prodest etiam vn-
guentum de ranis, aut iuthia, bolus armena, vel
terra sigillata: terantur in mortario plumbeo
& pistillo plumbeo, cum succo vel aqua stilla-
titia solani, & applicentur cancro. De vlcerato
opportuniùs sequenti sectione.



SECTIO

TERTIA.

IN QVA DE VLCERIBVS.

QVID VLCVS, ET QVOTVPLEX.

CAP. I.



QUIA nomen vlcis generalius est quam vulneris, nam & vulnus ipsum cum primùm incipit esse saniosum, vlcus est. Quin Hippocrates tam latè vlcis nomen diffundit, vt scripserit omnem morbum esse vlcus, hoc est solutionem continui. Idcirco priùs de vlcere, quam de vulnere differendum.

Est autem quoddam primarium, quod fit ab humore acri, qui si solam cutem exedat, exulceratio seu abrasio aut desquamatio magis propriè dicitur. Si subiectam carnem, vlcus tum propriè dicitur, solutio continui in parte carnosa cum sanie aut pure. Priore particula differt à tereidine, fractura & luxatione. Posteriore, à vulnere. Itaque hæc sit prima diuisio

Kk iij

ulceris. Quoddam est primarium. Alterum epigenematicum, alteri morbo, ut vulneri, succedens. Huius generis est vlcus, quod succedit tumoribus suppuratis, tam calidis quam frigidis, quemadmodum quod succedit pustulis ulceratis ut si ex herpete miliari fiat exedens, ex erysipellate simplici ulceratum. Carbunculum etiam subsequitur vlcus putre & sordidum, utrumque benignum vel malignum. Est autem malignum vel per se primo, ut phagedæna, vlcus putre, carnem in ambitu & superficie tenus erodens; & nome, vlcus serpens, carnem subiectam in profundo exedens: quod pertinet cancer ulceratus: Vel ratione causæ externæ, aut internæ non refert. Extetnæ inquæ, ut quod factum est morfu venenati alicuius animalis, aut insecti teli, vel concubitu fædo, ut caries pudendi; internæ, ut quod atra aut æruginosa bilis efficit, nam dysenteria quæ fit ab atra bile lethalis est, quia vlcus efficit cancrodes. Dici potest malignum ratione symptomatum, ut syncope, conuulsionis, delirii, febris continuæ; tale indicatur, quando non cedit ordinariis remediis. Nisi tardi & difficilis coalitus causa sit evidens, ut labra dura, callosa, perennis fluxio, propter quam rheumaticum vlcus dicitur, aut varicosum, in quod varices sese exonerant, unde saniosum. Intemperies quoque partis ulceratæ reddit vlcus dysepulotum. Nec potest obduci, nisi illa suæ naturæ restituatur: quia illius est regenerare, non artis, nisi tanquam adiutricis. Benignum vlcus indicatur, quando pus reddit album, læue, æquale, quo longius ab his

*Vlceris
maligni
signa.*

*Benigni
nota.*

moris recedit, maiorem cacoethiam ostendit, ut sanies fusca, nigra, putida, viscida. Vlcus malitiam maiorem vel minorem acquirit, pro variis gradibus vstionis, aut putrefactionis humoris peccantis.

VLCERVM PROGNOSTICA.

C A P. I I.

PRIUSquam vlceris, quinetiam morbi alicuius curationem suscipias, præsciendum non tantum si curationem admittat, verum etiam si longam, an breuem promittere debeas. Ita enim prædictio reddit ægrum obsequentior, & medicum honoratior: æger impatiens moræ accusat alioquin inertiam Medici, non malitiam morbi. Faciamus ergo vlcus, quod proponitur curandum, esse intemperatum, ostracosum, rheumaticum, corrosiuum, varicosum, sinuosum: prædicere possis curationis difficultatem, quia corrosiua & serpentina vlcera, ut nomæ & phagedænæ, tardè & cum difficultate sanescunt. Quæ succedunt aliis morbis, ut herpeti miliari, vlcerato erysipelati, esthiomena sunt. Aut si superueniat alter morbus, ut intemperies aut inflammatio, tardius & difficilius sanescit, quia non potest vlcus sanari, nisi intemperie aut inflammatione sublata. Item si vlcus fuerit in ambitu glabrum, quia pilorum erosio acris & maligni humoris est index, tardè coalescet, quemadmodum cum pilos

*Vlcera quæ
curantur dif-
ficilia.*

K K iiij

renasci videbis, coalituum breui affirmare possis, quia sublata est impuritas, quæ pilorum radices erodebat, & vlcus dysepulotum efficiebat. Item vlcera annua non sanescunt, nisi os abscedat. Quod recidiuat, est cacoëthes. Diuturna siccari sine ratione, videlicet sine purgatione aut venæ sectione, malum: instante enim morte solent siccari.

VLCERIS SIMPLICIS ET BENIGNI ordinaria curatio.

C A P. III.

*Digesti-
uum com-
mune.*

*Deterfi-
uum.*

Sarcotica.

VT humor morbificus syrupo præparatur ad purgationem, sic sanies digestiuo ad deterfionem, quale parari solet ex terebinthina & vitello oui: quo abstinebis, cum sanies videbitur esse laudabilis, esset alioquin causa putredinis. Deterfuum paretur ex melle aut syrupo rosato, aut ex mellis rosati & terebinthinæ æquis partibus, aut cum nullus subest manifestus calor in parte vlcerata, syrupo de absinthio; fortius est vnguentum Apostolorum, his omnibus potentius Ægyptiacum. Abstinebis detergentibus cum primum vlcus purum apparebit; quia detergentium multo usu absumi materia carni regenerandæ deuota. Vsurpabis sarcotica leuia, mediocria, aut vehementia pro qualitate vlcetis. Leuia vt thus, algen, myrrhā; mediocria, vt farinam erui, & lupinorum vehementia, vt iridem Florentiæ & aristolochiam,

De Vlceribus.

515

quibus si vtaris vlcere non satis deterfo, sub-
nascetur caro inutilis, vt fungus in cranio. Un-
guentum aureum est vulgare sarcoticum. Cum
primum vlcus plenum & æquale cuti videbitur,
obducendum est cicatrisante aliquo epulotico, *Epulotica.*
vt emplastro diapalma & desiccatio rubro.
Si non satis pleno vlcere, vtaris epulotico, re-
linquetur pars caua & deformis. Ceterum hæc
omnia, detergentia dico, incarnantia & cicatri-
fantia, siccare oportet plus minus: quia vlcere
curatio exsiccatio est, siccum propius est sano,
quam humidum.

Memineris in parte exquisiti sensus vtendum
esse leuioribus, quia vehementiora dolorem *Sensus par-*
excitarent, imò in parte nervosa cum dolore *tis quid in-*
convulsionem. In parte obrusi sensus quando *dicet.*
vlcus ista postulat, vt ere audenter valde siccan-
tibus & detergentibus, vt farinis lupinorum, ci-
cerum, fabarum etiam vstis, aut caprillo sterco-
re vsto, & pisto cum vino, quod desperata sanat.

VLCERIS DYSEPULOTI CURATIO.

CAP. IIII.

OMNE vlcus malignum, est tardi & diffi-
cilis coalitus, non contra; quia vlcera *Vlcera*
ostracosa, quorum labra sunt tam dura, quam *ostracosa*
testa ostreorum; rheumatica, quæ fouet pe- *qua.*
rennis fluxio; varicosa, sinuosa, rotunda; qui-
bus subest os putre, tardè & difficiliter cicatri-
ce obducuntur. Neque tamen sunt maligna,

*Vlceris
rheumati-
ci curatio.*

Varicosi.

quia tardi coalitus evidens est causa, evidens remedium cui facile cedunt. Ponamus igitur curandum vlcus, cuius labra sint prædura: nunquam illa coalescent, nisi aut emolliantur, aut abscindantur. Itaque si non fuerint admodum dura, videanturque emolliiri posse, tentabis hoc vnguento de althæa aut emplastro de mucilaginibus, diachylo magno; alioquin nouacula abscindantur, aut caustico aliquo exedantur: aut fiant multæ incisiones, quæ puluere Mercurij respergantur. Poteris interim vlcus sarcotico, aut epulotico illinere. Estor rheumaticum. Purgatione, venæ sectione, cauteri, s diuertenda fluxio, totum corpus hidrotico desiccandum; si nihil obster, vt febris, vel iecoris calida intemperies. Vlceri ipsi admouebas quæ siccant cum adstrictione. Abluatur vlcus aqua, aut si non sub sit in parte calor, vino decoctionis balaustrorum, nucum cupressi, aut acaciæ, quorum puluis immisceri poterit vnguento diapompholygos vel melli; interea dum coquitur, immisce parum aluminis, fiat vnguentum. Ponamus vlcus quod proponitur curandum, esse varicosum. Imprimis cogitandum erit de varicibus sanandis. Quæstio est si debeant sanari, & quomodo. An Chirurgia quam explicant Paulus *lib. 6.* & Celsus *lib. 7.* An phlebotomo potius aperiri, vt suadet Albucasis: nam varices vt hæmorrhoides, sæpe liberant à magnis morbis, præsertim melancholicis. Quare si impediatur ista purgatio, periculum est ne sursum feratur humor, maiusque afferat detrimentum. Si tamen importunis ægri

precibus victus cogaris vlcus simul & varicem exsiccare; prænuñciato periculo imperabis purgationem, & venæ sectionem frequentem, frugalem vitam, nec non in parte vicina cauterium, vt relinquatur naturæ emissarium. De varicibus, vt dixi, eadem ferè quæstio quæ de hæmorrhoidibus. An vna sit relinquenda, an omnes tuto occludi possint, imperatis ijs quæ præmissimus. Liberant enim varices, vt hæmorrhoides, à magnis morbis. Hippocr. vt Albucasis, vult aperiri scalpello: sed ille vult fieri paruū vulnus, Albucasis magnum, vt humoris exitus. Iubet constringi tibiā vinculo, descendendo ad genu. si vena aperienda non satis emineat. Ad exsicceandum vlcus cum varice, vt ere hoc emplastro. ℞. aspalathi lb. β. olei valde veteris ℥. viii. terebinthinæ liquidæ ℥. vi. sulphuris ℥. iij. fiat emplastrū hoc modo. Aspalathum ad modum ciceris frāgatur, deinde crassiusculè contundatur, coquatur cum oleo donec lique scat, tum additur terebinthina, & coquitur donec manus non inquinet; extractis ab igne, sulphur pulveratum superiniicitur; quibus peractis omnia in mortarium plumbeum plenum frigidā, projiciuntur & diligentissimè permiscuntur. Verūm si vlcus varicosum, sit dolorosum, habeatque adiunctam inflammationem, vt ere potius emplastro sequente. ℞. acaciæ, hypocistidos, tartari, aluminis, ℥. β. boli armeni, & pulveris myrtillorum, ana ℥. iij. farinæ lupinorum, & simi caprelli, ana ℥. ij. aceti rosacei ℥. iij. olei

*Emplastrū
desiccans.*

rosacei, ceræ albæ, & resinæ q. s. fiat emplastrum, hoc modo. Oleum cum aceto coquatur ad consumptionem aceti, deinde addantur cera & terebinthina. Quid si caro ultra modum excreuerit? incidatur, aut Ægyptiaco, alumine vsto, Mercurij puluere, aqua forti, oleo de vitriolo exedatur. Interim memineris partes vicinas aliquo defensiuo munire.

DE VLCERE SINUOSO.

C A P. V.

*Ulcus sinu-
osum cau-
se.*

VLcus sinuosum, est etiam dyssepulorum. Tale autem efficitur, vel quia abscessus non satis amplo vulnere apertus est, vel sequitur contusiones ingētes, quales ab ictibus sclopetorum, quia putrefacta carne, contusa manet sinus in parte; Vel quia pus longiore mora erodendo cuniculos facit, quos candela cerea, aut plumbeo cathetere, potius quàm argenteo explorabis, quia facilius inflectuntur & cum minori dolore quamlibet in partem ducuntur. Sinus postulat valdè siccantia & detergētia; quia solet esse humidus & sordidus. Itaque in cœnomelite, aut in aqua vitæ dissolue vnguentum Apostolorum; quinetiam si ex sanie putida, liquida, tenui, sit coniectura latentis cacoethias, dissolue Ægyptiacum, aut in oxycrato bulliant absinthium, marrubium & agrimonia: Cum abest calor, adde myrrhæ & aloës aliquid. Profunt iniecta vrina, & muria, aut paratur lixiuū

Curatio.

excineribus ficus, aut cum nucleis oliuarum. Auicenna laudat aquam aluminosam, detergit, siccatur, agglutinatur; bulliat alumen in aqua octupla, aut in vino, cum abest calor. Si sinum efficiat & foueat sanies acris, iniiciatur serum cum melle rosato, aut hydromel cum aqua hordei, & melle rosato. Ulcere mundato iniiciatur vinum adstringens. Implebitur decocto iridis aut aristolochiae, aut eorum puluere iniecto cum vino. Interim superponatur linteam vino inebriatum, aut cataplasma ex farinis siccantibus fabarum, erui, lupinorum, coctis in œnomelite, aut emplastrum diachalciteos; Quæ contineantur ligatura mediocri & indolenti, quæ incipiat à fundo, & in os desinat; Non remoueat, nisi tertio quoque die, sed cannula interim procurabis, ut sanies effluat. Orificium strictius dilatabis spongia, vel radice gentianæ, quæ intra duodecim horas renouetur. Si ad expurgandam puris copiam vnicum orificium non sufficiat, fiant noua parte decliui, vel setone sinus traiciatur. Si os habeat supra, & infra pus subsistat, quia graue cum violentia sursum impellitur, fiat antidiæresis, *contr' onuertere*. Galenus mitella suspendit brachium, aut puluino crus erigit, ut os vlcis deorsum vergat. Prodest potio vulneraria non tantum assumpta, sed iniecta. Hidrotica quoque sumpta & iniecta profunt.

*Portionis
vulnera-
ria uss.*

DE FISTULA.

CAP: VI.

*Fistula-
rum diffe-
rentia.*

Prognosis

Curatio.

Est sinus callosus: solo enim callo differt a sinu, proinde si callum obtineris, atque ut dicitur fistulam mortificaris, postea ut sinus, hoc est detergendo, incarnando, & cicatrice obducendo curari debet. Fit autem callus, quando interior caro ulceris sinuosi induratur, calore alieno naturalem humiditatem absumentem. Distingui solet pro varietate partium; Alia enim ventrem aut thoracem penetrat: Alia ad articulos, vertebrae, costas pertingit, quae omnes fere sunt insanabiles. Alia venam, arteriam, nervum, os attingit, quae difficillime curantur: Sola superficialia, & quae solam carnem occupant, facile sanescit. Item quaedam recta, alia obliqua: quaedam unius oris, alia plurium. Quae obliquior, profundior, diuturnior, plures habens sinus, saepius saniem eructans, curationem difficilior admittit: in parte molli ut carne, facilius quam in dura, ut nervea. Legendus Paulus lib. 6. & Celsus lib. 7. Dignoscatur autem non tantum callo, & indolentia, nisi forte nervum contingat, sed etiam sanie tenui & putida.

Tribus autem modis callus atteri potest. Primo eoque faciliore, immisso elleboro nigro, aut iniecto decocto ex agrimonia & folijs oliivarum. ℞. viridis æris & ammoniaci in aceto soluti, ana partes æquales, dissolue in prædicto

decocto. Secundo, si primum sinus discindatur, deinde callus vratur cauterio actuali, aut potenciali: qui modus valet tantum in fistula carnea & superficiali. Tertius modus à secundo non est admodum dissimilis. Callus exedendus aliquo caustico iniecto vel immisso. Exempli gratia dissolve Ægyptiacum in aceto, aut aqua vitæ, & inijciatur. Aut ℥. penicillum imbutum melle, conspergatur puluere mercurij. Guido cum Villanouano aquam fortem præfert causticis omnibus, dolor iniecto mox oleo de vitellis ouorum placandus erit. Deinde iniecto aliquo pingui, vt butyro recenti, procurandum vt crusta cadat: Postea ordinarijs remedijs pergendum. Rhasis ad deterfionem fistulæ hoc remedium plurimi facit. ℥. sarco-collæ, aloës, sanguinis draconis, aluminis, antimoniij, balauftiorum, ana ʒ. ij. floris eris ʒ. ss. cum aqua pluuia fiant trochisci, quorum vnus in vsu diluatur decocto gallarum, & inijciatur. Quidam affirmant incipientes hoc solo posse sanari.

*FISTULA LACRYMALIS.**C A P. VII.*

AG E vero vno & altero exemplo, quam proposuimus generalem doctrinam illustremus. Ægilops vix vnquam sanescit, inquit Paulus, tum causa tenuitatis partium, tum periculi, ne oculus compatiatur. Si tamen sanies ad

malam descendat, facta incisione tutò & sine periculo os corruptum vri potest, aut abradi; deinde siccantibus præsiidiis percurari. Verum si serpat ad angulum, videtur potius blandiendum, curatio enim plena est periculi. Rondeletius tamen non tantum vlcus malignum & serpens vrit, verum etiam venas & arterias, vt cicatrice impediatur fluxio, propter quam vlcus exsiccari non poterat. Guilielmus Placentinus hac arte fistulam lacrymalem curabat, quam approbat Ioannes de Vigo; Amplificabat orificium, intromissa radice gentianæ, aut sponsia, callum puluere Mercurij exedebat. Quod si subiectum os corruptum videretur, vrebatur primùm tenui & acuto cauterio, quod tenebat cannula, ne labra ignis attingeret; nec desistebat, donec os ad interiora nasi perforatum esset; Postea applicabat aliud cauterium oliuæ re priore crassius, donec ossis corruptela planè videretur sublata. Interim dum os vritur, oculus muniendus cochleari argenteo, ne cauterio attingatur; Deinde pergatur ordinarijs remedijs ad finem accommodatis. ℞ agrimonix, foliorum oliuæ & balaustrorum, ana ʒ. ij. floris aris ʒ. ss. cum aqua pluuiæ fiant trochisci, quorum vnus diuatur decocto gallarum viridum, & injiciantur aliquot guttæ; æger interim sese reclinet in partem oppositam, per duas aut tres horas. Non est prætereundum neque anchylopem, neque Ægilopē cancrorum esse attingendum. Anchylops cancrorum est tuberculum valde durum & dolorosum prope maiorem canthum. Ægilops cancrorum, est vlcus subliuidum cum tumidis

Oculus vt
muniens
aus

Ægilops
qui non
attingen-
dus.

tumidis labris & inuersis ipso aspectu horridū,
qui ad cancerum ulceratum refertur, quemad-
modum Anchylops ad apostematofum.

DE ANI FISTULA.

CAP. VIII.

ALtero exemplo generalē ulcerum doctri-
nam illustremus; Ad abscessus, magna vl-
cera putrida & sinuosa, malē curata hæmor-
rhoïdas, sequi solet fistula in ano; quæ si ad re-
ctum vsque penetret, aut ad vesicam, est insana-
bilis. Quod dignoscēs si vel sanies exeat cū ster-
core, vel stercore per fistulam, aut si intromisso
digito in anum sentiatur radius per fistulam im-
missus. Sic penetrare vesicam coniicimus, si vri-
na per fistulam reddatur, vel sanies cum vrina,
tum satis est detergentibus & siccantibus blan-
diri malo, vt quotidie ter aut quater injecto
decocto agrimonie, foliorum oliuæ & ellebo-
ri, vel trochisci ex Rasi descripti soluantur & in-
ijciantur. Istius injectionis vſu longo & frequēti
perfectam sanitatem pollicetur. Faciamus non
penetrare, sed solam carnem occupare, postu-
latnē curationem: Non videtur, quia est veluti
emissarium, per quod natura velut per hæmor-
rhoïdas sese repurgat. Verum tamen si æger mo-
lestiam fastidians velit occudi, radice gentiane,
aut spongia orificium dilatetur, callus exterior
incidatur nouacula, aut caustico exedatur, vt
Ægyptiaco soluto in aqua vitæ, aut penicillo
imbuto melle, & puluere Mercurij consperso.

*Fistula
aniquæ in-
curabilis.*

DI



SECTIO

QVARTA

DE VVLNERIBVS.

VVLNERVM DIFFERENTIÆ,
causa, euentus.

CAP. I.

Definitio.



Causa.

VLNVS est solutio continui recens & cruenta in parte molli, ab externo aliquo effecta. Priore & vltima particula differt ab vlcere. Secunda verò distinguitur à fractura. Causa autem externa, vel est animata, vt morsus, calcitratio animalis, aliquando venenati; Vel inanimata, vt ensis, lapis. Quarum aliæ incidunt, vt ensis; aliæ contundunt, vt lapis, & globuli sclopetorum; Aliæ pungunt, vt acus graphius; Aliæ vrunt, vt ferrum candens: Aliæ tendendo rumpunt. Partes molles appello, non tantum carnem, sed etiam venas, arterias, neruos. Vulnerantur inquam partes aut similes, vt caro, ner-

uis, arteria; Vel organicæ, vt attus. Quarum
 aliæ sunt principes, vt cor, iecur & cerebrum.
 Aliæ etsi non principes, non minus tamen ne-
 cessariæ ad vitam, vt ventriculus, vesica, renes.
 Aliæ viles quidem, sed sine quibus viuere pos-
 sumus, cuiusmodi sunt nasus, aures, oculi. Pro
 isto vsu prædici potest euentus & periculum:
 nam à corde etiam num in superficie vulnerato
 mors (certa quidē, sed non perpetuò ita prom-
 pta,) à iecore aut cerebro non ita, nisi profun-
 dum fuerit vulnus. Collū vesicæ quia carneum,
 tutò inciditur; At vesicæ ipsius vulnus lethale
 est, quia neruea; qua ratione vulnus in tenui
 intestino funestum; in crasso periculosum qui-
 dem, non lethale. Vulnera prope articulos ac-
 cepta semper sunt plena periculi, quia ibi ten-
 dones, nerui; & carne vacua sunt loca, inde
 dolores, vigiliæ, conuulsio, delirium. Potest
 etiam vulnus distingui ex varietate causæ, & in-
 de futurus euentus prævideri. nam quod à re
 contundente soluitur, tardius sanescit, quam
 quod ab incidente; quia hic ordinarijs proce-
 ditur remedijs; At contusum putrescere oportet,
 deinde ad ordinaria remedia accedendum.
 Facillimè coalescunt vulnera longa, difficilli-
 me rotunda. Diuidi etiam potest in simplex, &
 compositum: siue morbo, causæ, aut sympto-
 mati implicetur, & pro ista adiunctorum va-
 rietate euentus prævideri. nam vt est in apho-
 rismo, conuulsio vulnere superueniens, lethalis;
 delirium etiā lethale, vt & febris perseuerans,
 alienus color partis, ariditas cutis, qualiscar-
 nis salæ, inflammatio, gangræna, ingens tumor

*Differentia
 à conditio-
 ne partis.*

*Varietate
 causæ.*

apparens, subitoque disparens, quæ omnia sunt funesta.

VULNERIS SIMPLICIS ORDINARIA curatio.

CAP. II.

Remedia
vulgaria.

Chirurgi-

PRImus & generalis scopus, quod solum est reünire: quod non est difficile, quando vulnus est paruum & superficialium. Vulgus oleum permiscet vino, quod *balsamum Christi* appellat. Alij oleum abietis & rosarum permiscet, vel terebinthinam cum vitello oui. Alij telam aranearū, præsertim quæ in pistinis flore farinæ conspersa est. Alij folia hederæ cocta in vino applicant, nec desunt qui folia quercus commendant, de quibus extat apud Latinos nobilis historia; ali herbam quæ ab horculanis *Petum* nominatur, denique solo agglutinante coalescit. Chirurghi cum oui albumine subagitant puluerem rubrum. Fit autem pulvis ruber ex thuris partibus duabus, sanguinis draconis vna, boli armeni tertia parte. Hanc superinijciunt & ligatura incarnante continent. Vulnus interim liniunt in ambum oleo rosato, ad prohibendam inflammationem. Guido, consulit, ut primum iste apparatus per quatuor dies sinatur, nisi quid superueniat, ut dolor; exa- & odie quarto, nisi sit agglutinatum, abluatur primum vino styptico, aut aqua vitæ: Deinde pulvis ruber terebinthina excipiat, qui

sufficiat agglutinationi. Hoc solo perfectam consolidationem nonnulli pollicentur primo die. ℞. olei veteris ℥. iij. terebinthinæ veræ ℥. viij. cardui benedicti, radicis valerianæ, an. ℥. j. thuris pulueris ℥. ij. radices & herbæ crasso modo contundantur, in ollam ponantur, tantumque vini infundatur, vt omnia immergantur, biduo infusis oleum superiniçitur, & coquantur omnia ad vini consumptionem; facta leui expressione, addantur thus & terebinthina, iterumque sinatur bullire, & seruetur in vase vitreo. Abluatur primùm vulnus vino albo frigido, postea inungatur prædicto oleo calente. quod si commodè fieri non possit, per siphonem intra vulnus iniiciatur; Confestim labra vulneris in vnum adducantur ligatura conuenienti, prius tamen superposito linteo eiusmodi oleo imbuto. Fasciæ maduerint in vino austero, in quo rosæ vel balaustria, aut aliquid simile, bullierint. Vide tamen ne nimium astringendo, dolorem moueas. Quod si magnum sit vulnus, cum multæ carnis ablatione; prius replendum est, quam tegatur cicatrice. Replebitur autem vsu sarcoticorum, in quibus primas tenet vnguentum, quod ab effectu Chirurgi aureum appellant; Procurando interim alimentis boni succi, vt laudabilis sanguis generetur. De quo priusquàm cogitet, adducenda sunt labra in vnum. Cui instituto si non satisfaciat ligatura agglutinatiua, vulneris labra futura muniantur. Inter singulas futuras relinquatur digiti vnus interstitium, mox puluere rubro vulnus conspergatur. Quod si heterogenes

*vnguentū
aureū
sarcoticum
eximium.*

quippiam in parte hæserit, vt globulus, si fieri potest dum adhuc sanguis calet, remoueatur digitis, forcipe, vossellis, aut alijs huic instituto accommodatis instrumentis, qualia pro extrahendis telis plurima Paulus recenset *lib. 6.* Recentiores multa excogitarunt pro extrahendis globulis, quorum mentionem faciemus, cum eò ventum erit. Omnia ergò hoc ordine peragantur; aliena si quæ sint remoueantur, extrema vniantur, ligatura, sutura, sibi ulis, aut medicamentis glutinantibus, nisi quid prohibeat, vt inflammatio, & dolor: quæ purgatione, victu tenui, atque etiam venæ sectione, nisi iam valdè multus sanguis effluxerit, defensiuo communi & topico repellente, quale iam meminimus, impediuntur. Postea digestiuo, mundificatiuo, sarcotico, epulorico ad finem opus perducatur. quemadmodum iam de vlcere proditum est habet enim vulnus tum nomen & rationem vlceris, cum primum sanguis in sanietem, aut pus conuertitur.

VULNERIS COMPOSITI CURATIO, inflammatis, contusis, intemperatis, dolorosis, aut quod adiunctam habet conuulsionem, febrem, syncopen.

CAP. III.

Inflammationis curatio.

SI vulnere superueniat inflammatio, illi primum medendum erit, quia illa permanente vulnus obduci non potest. Itaque venæ sectione illius generatio si fieri potest impedia-

tur, admoto etiam topico repellente, quod refrigeret & siccet ratione vulneris, non humectet, quale fuerit cataplasma ex farina hordei, & puluere rosarum, aut cerato refrigerante. Si repelli fluxio, & impediti non possit phlegmones generatio; tentetur resolutio ex farinis fabarum, puluere chamæmeli coctis in vino. Si vulnus fuerit à re contundente, quod valide contusum, quinetiam corruptum est abscindatur, alioquin peptico maturetur, & in taniem conuertatur basilico, vnguento de althæa, vel *Contusio-*
cataplasmate ex radice liliorum, althææ, ficu-
nis.
bus, seminibus lini & fœnugræci, herbis remollientibus, coquantur simul, ex residentia cum oleo chamæmeli aut liliorum fiat cataplasma. addere possis farinas tritici, fœnugræci, crocum, & vitellos ouorum sub finem. Si quis obijciat, Hippocratem in vlceribus præsertim capitis prohibere cataplasmata, quia humectant, curatio autem vlceris exsiccatio est; Respondetur non imperari ratione vlceris, sed symptomatis. Quod si exigua sit contusio, vulgare repellens erit ex vsu, albumen cum rosaceo agitaturn, quod in magnis contusionibus plurimum noceret: quia sanguinem corruptum reprecuteret & impingeret; vnde gangræna. Faciamus digitum adeo esse attritum, vt ossa ipsa sint contusa, quàm cito abscindatur. Si verò ossa integra fuerint, & sola caro contusa, Celsi consilio coquatur malum granatum, cuius pars interior vnguento rosaceo misceatur: quo victo cutis scarificetur, cæteraque vt in gangræna incipiente peragantur. Verum si mediocris

fuerit contusio, tentetur resolutio. Quid multa? magnis contusionibus debetur pepticum, quoties conferre videbitur; mediocribus resoluens, non prætermisso scarificatu. Quid si generalis fuerit contusio? puta si quis ex arbore deciderit, ille pelle arietis recens mactati inuoluatur, cuius inopia corpus oleo liliorum & rosaceo liniatur; Primum remedium mirifice commendat Galenus. Dentur interim ℥.ij. mumiæ ex vino, ut concretus si quis est sanguis dissolvatur. In aqua cardui dilues oxymelitis Galeni, vel syrupi acerati ℥.j. coaguli leporis ℥.j. Vulnus quemadmodum & vlcus cum intemperie, contritorum vi ut percuretur. Esto pars calidior, quod tactu & rubore dignoscet, temperabitur cerato refrigerante, vnguento rosato Mesuei, vnguento de cerula, de tuthia. Si iusto frigidior, fotu ex vino, aut aqua vitæ frequenti calefiet. Si dolor virgeat, quia fluxionem excitat, mox demulceatur. Equidem optima sunt anodyna, quæ tollunt causam doloris, ut purgatio & venæsectio, cataplasma relaxans simul & resoluens, sed tardius operantur. Propterea anodynus quæ sint analogæ nostro calori leniatur, alijs tamen non neglectis, ut cataplasmate ex pomo cocto in lacte, addendo vitellos ouorum, & parum croci: quod quidem anodynum in vulneribus sclopetorum magnificat Rondeletius. Perseuerante dolore vitendum narcoticis, ut vnguento populeo mixto cum vitello oui Initio cum molestus est dolor, agitatam ouum cum oleo rosaceo, & admotum vlceri dolorem sedabit.

Calidioris.

Frigidioris.

Dolorosi.

*Narcoticis
quando
locus.*

Conuulsio, febris & syncope superueniunt etiam vulneribus: conuelluntur enim vulnerati ab inanitione, vt post hæmorrhagiam immoderatam, tùm certò mors prædicenda est; aut à repletione, vt cum tumor qui apparuit repente disparet. Quod si adueniant dorso vulnerato, vbi est principium neruorum: certa quoque mors, quia humores eò concurrunt. Puncto etiam neruo, aut morsui venenati alicuius animalis succedit conuulsio: quibus succurrendum erit remedijs quæ ad conuulsionem præcesserunt. De puncto neruo mox. De morsu venenati animalis iam egimus, cum de vlceribus tractauimus. Febri quoq; non debentur alia remedia, quàm quæ ad febres suo loco descripta sunt: quemadmodum nec animæ deliquis alia præscribi debent, quàm quæ ad synopen aliàs dictata sunt. Sed de hæmorrhagia hoc loco nobis pluribus differendum est: est enim vulnerum symptoma ordinarium.

DE VENA, ET ARTERIA
vulnerata.

C A P. IIII.

Sanguis fluit aperta, rupta, aut erosa vena. Erosæ conueniunt escharotica; Apertæ astringentia; Ruptæ glutinantia. Nomine venæ arteriam quoque comprehendo, quamuis plurimum referat, si sanguis fluat à vena, an ab arteria; Quod duobus signis discernes; priore

quod rupta arteria sanguis fluat saliendo, & maiore impetu: Posteriore quod ab arteria qui fluit sanguis sit flavus & tenuis à vena crassus & ruber. Fingamus vlcus putre, in quo terminetur vena carie exesa, quæ continenter stillans vlcus humectet, & agglutinari prohibeat: Non est dubium escharotico simul cum hæmorrhagia sistendam esse putredinem. Quod fiet, si butyro, vel vnguento de althæa præcipitatum ea proportionem permisceas, ut pulueris sit 3. j. butyri duæ. Addere possis ut crusta sit firmior, aliquid vitrioli aut aluminis vsti. Pro potentiali actuale cauterium usurpatur. Nam putredinem & hæmorrhagiam sistit. Apertæ verò sæpè satis est oleum oxycrato frigido imbutum, aut succis plantaginis, centinodiæ madidum admoveere. Hic de rupta tantum vena tractare mihi consilium est, cui applicanda sunt emplastica, cuiusmodi sunt farina volatilis, gypsum, resina frisa, manna thuris, aloë, bolus armena: quævis horum excipiantur albumine, vel mucagine lini aut tragacanthæ, quinetiam madida linamenta, aut pili leporis indantur in vulnus: Contineantur fascia, cuius quatuor aut quinque primi amplexus fiant super vulnus ipsum: hinc ad radicem venæ distribuantur. Exactis diebus plus minus tribus, cum eam solves, considerabis si adhuc linamentum adhæreat: tum madefaciendum erit & alterum superiniiciendum. Si facile aut sponte recedat, vasis radicem digito leniter comprimito, interim dum alterum impones. Hocque continuabis, donec renouata carne, ac bene stipato

Emplastica.

vas restuta videatur. Quod si vas digitis con-
tingere non possis, applicetur linamentum im-
butum medicamento conueniente. Profuit
aliquando venam incidisse, quia retrahitur & a
carne ipsa clauditur, non neglecto interim em-
plastico. Item nisi dolor, inflammatio, vel ab-
scessus impediunt, quando vulnus est sine car-
nis deperditione, vtiliter sui solet. Vulnus pri-
mum mundatur, & grumus si quis sit tollitur,
deinde caro cum vena acu traicitur, mox pul-
uere rubro conspergitur, & ellychnia insucca-
ta praedicto emplastico admoventur, mem-
bramque, vt decet, ligatum conueniente situ
continetur. Vermiculi etiam vitrioli imbuti
foeliciter induntur in venam, vulnus puluere
respergi potest, & emplastico impleri.

Interim verò dum hæc præparabuntur, vena
digito occludatur, nam concreescens sanguis sæ-
pe abunde venam, non arteriam obstruxit. Con-
fert etiam ligare venam, sed potissimum arte-
riam. Si locus patitur, nudata vena vossellis at-
trahitur, deinde ligatur filo sericeo, quo acus
traiecta supponitur, paulatimque constringi-
tur. Si quid arteria à ligatura relinquatur, ab-
scindatur, vulnus autem quam citò fieri po-
terit, carne tegatur: quia si locus aliquis inanis
remaneat, filumque putrescat, ante perfectam
repletionem sequetur aneurisma, de quo per
occasionem paucis transigendum est.

*Ligatura
quando
locus.*

Fit enim arteria vulnerata, quamuis ad tu-
mores referri possit, quia sanguis spirituosus
in spatium inane confluens partem attollit in
tumorem insignem, qui duobus signis discer-

*Aneuris-
ma quid.*

nitur: priore, quod subtus arteria præter modum pulset: posteriore, quod pressus tumor retrocedat, sed mox reuertatur.

Impeditur illius incrementum aliquo repellente, vt fortè ex vino decoctionis malicorij, balauistorum; vnguento Comitissæ, emplastro contra rupturam, quod ligatura arctè contineatur. Curatur verò Chirurgia admodum operosa, & periculosa, quam copiosè Paulus, Aetius, Albucasis declarant, vbi verant aneurisma in collo, & capite Chirurgia tractari.

VULNERA NERVI PUNCTI,
incisi, contusi.

CAP. V.

Signa vulnerati nervi.

Vulneratur nervus à causa externa, incidente, pungente aut contundente: inde cæsim aut punctim vulneratus dicitur, aut contusus. Vulneratum nervum indicat acerbitas doloris, qui nullis anodynis placatur, & condolente cerebro spasmus, delirium, paralysis, apoplexia, quæ à vulnere solent esse funesta. Saniem quoque crassa & glutinosa vulneratum esse nervum indicat: quemadmodum tenuior os. Punctio autem vel est cæca, sine spiraculo; aut aperta seu perusa. Cum patet foramē, per quod sanies possit libetè difflari, quæ alioquin malitiā acquirit incredibilē, quam prædicta symptomata vt plurimum comitantur.

Itaque punctiōis cæcæ primarius scopus *Curatio.*
esto, saniei viâ facere: si aliter non possis, cutis
cruciatim, vel per decussim incidatur. Aperta
verò custodiatur: nil enim metuendum est,
quàm vt cito vulnus occludatur. Galenus pis-
catoribus, qui assidue à spinis piscium pungebā-
tur, singulare remedium excogitauit, nempe
terebinthinam, quam calidam in puncturam
instillabat. Nostri diluunt aquâ vitæ; Alij præ-
ferunt eiusdem oleum stillatitium, quia te- *Terebin-*
nuiorum est partium, & altius peruadit. Su- *thina ner-*
perponitur cataplasma ex farinis fabarum, erui, *uis amica.*
lupinorum, coctis in oxymelite, aut lixiuio ad
resolucendam saniem & impediendam putredi-
nem. Abstinentum repellentibus, præstat vri
attrahentibus, quale est emplastrum quod se-
quitur. ℞. ceræ ʒ. j. picis & terebinthinæ, ana
ʒ. ss. euphorbij ʒ. j. circiter, prout erunt ro-
busta corpora, fiat emplastrum. Nervus nu-
dus non tolerat acria, vt euphorbium, quod
Galenus aliquot historijs declarat. Potest etiam
ex bdellio, sagapeno, opopanace; mixtis cum
terebinthina ad eundem finem imperari, ad-
mixto etiam fermento. Quod si putesterebin-
thinam non posse cæcum & clausum vulnus
permeare, non prætermittis generalibus, vt ve-
næ sectione & purgatione: inciditur nervus
secundum longitudinem, aut per transversum.
Prior incisio minus periculosa est, sola deliga-
tio sufficit, nec opus est sutura. Rursus vel to-
tus præcisus est, vel ex parte. Præstat totum esse
diuisum, quia dolor parris incisæ communica-
tur integræ, atque inde per continuitatem ce-

Curatio
nerui inci-
si.

rebro, vnde grauissima quæ diximus sympto-
mata. Propterea Galenus ad præcautionem,
quoties putat imminere eorum aliquod peri-
culum, siue sit punctus, siue incisus neruus, iu-
bet totum incidi. Nec refert si ex eo membrum
futurum sit resolutum, quia expedit Decium
mori, vt Roma seruetur. Incidatur ferro cali-
do, & mox oleo sambucino calido extrema in-
cisa attingantur. Postea procuretur digestiuo
communi vt crusta cadat. Quid si neruus to-
tus sit incisus? tum quid agendum sit contro-
uertitur. Guido neruum ipsum sinit vt facilius
reuniat. In pueris, inquit, prima intentione
vniatur, in adultis secunda: sed caue, inquit Æ-
gineta ne pungas neruum, metu horrendorum
accidentium. Conuenient deinde olea & vn-
guenta nerualia, superponitur lana succida
oleo aliquo neruali & vino inebriata, vt sede-
tur dolor. In parte ima relinquendum est ori-
ficiū, per quod sanies vacuetur. In quod pe-
nicilli indendi erunt cum digestiuo communi,
ex terebinthina, vitello & croco. Non est præ-
tereundum, quando nudus est, & detectus ner-
uus, eum acria non tolerare, vt castoreum, eu-
phorbium, sulphur, quæ tamen intermedia car-
ne admota profunt, quia exsiccant: vt calx, &
pompholyx sæpius lota, soluantur in multo rosa-
ceo, & applicantur. Puluis etiam lumbricorum,
atque ex iisdem oleum, benefaciunt neruis affli-
ctis. Sed supra cetera commendatur puluis oculo-
rum canceri: omnia enim vulnera neruorum
intra tres dies persanare dicitur. Sunt tamen qui
audent igne vrere neruum.

Haftenus de puncto & inciso neruo. Ad contusum Dioscorides commendat cataplasma ex cinere sarmentorum, & oleo aliquo neruali, quod sit tenuium parrium & resoluat, cuiusmodi sunt chamæmeli, anethi, rutæ, lauri; initio applicatur oleum rosatum cum albumine. Dolor si fortè vrget, vino styptico demulcetur. Postea pro illo cataplasmate Dioscoridis, vtere vulgari ex farinis resoluentibus fabarum, erui, lupinorum coctis in oxymelite, vel in vino & lixiuio. Addere possis puluerem ireos Florentiæ, quo potentius resoluat. In officinis pro-
vnguenta
 stant quatuor vnguenta nerualia, de Alrhæa, & olea
nerualia.
 Agrippæ, Aragonium, Martiatum: olea quoque plurima, vt costi, terebinthinæ, ceræ, de vitellis ouorum, myrrhæ; quo in demulcendo dolore nerui nullum præstantius; Oleum vulpis infarcti nerualibus, benefacit attritis & intortis neruis. Hæc satis erunt cùm neruus est contusus cute integra; At quando contusus est vlcerata cute, vtere cataplasmate ex farina fabarum cocta in oxymelite. Frigidum autem esse neruis & neruosis partibus inimicum constat ex Hipp. Propterea plusquam tepida omnia topica applicanda erunt, & ab externis iniurijs, integumentis multis defendantur. Lana succida inebriata oleis cum vino optimè facit; resoluit quoque oxycroceum, & emplastrum de meliloto dissolutum oleo neruali.

VULNUS CVM INCISIONE OSSIS.

CAP. VI.

Si squama abscesserit, primum educenda, quemadmodum vulnus tuendum, infra relicto emissario, quâ penicillus indatur, digestio primum, deinde mundificatio delibutus. Estne occludendum ante generationem calli? Sic placet Guidoni, quia ita sperat fore ut callus firmior & ocyus nascatur, alijs reclamantibus: Ut scilicet excrementis ossis pateat exitus, interim dum intermedio callo vnietur.

DE VULNERIBVS CAPITIS:
differentiæ, euentus, curatio.

CAP. VII.

QUæ in genere & indefinite de vulneribus scripta sunt, primum ad partes simplices accommodauimus, ut venas, arterias, nervos, ossa. Instat ut ad compositas pergamus a capite ducto initio. Vulneratur ut cetera membra a re pungente, ut lancea Incidente, ut enle, Vel contundente, ut globulo lapide, malleo. Estque solitariū aut alteri morbo scilicet causæ vel symptomati coniunctum causæ ut cōfusione: symptomati ut dolori: morbo, ut fracturæ ex qua variæ differentiæ consurgunt. Vulnus quod fit ab obuso

*Differentia vulnerum capit-
tis.*

tuso & graui corpore contusio θλάσις nominatur, quod verò sit ab acuto & leui incisio. Porro Contusio duplex: prima est fissura siue rima ῥωγμή, quæ si capilli tenuitatē referat, τρισημῶς dicitur. Fissura autē in parte percussa consistit, vel ea quæ percussa opponitur, in eodē osse, vel diuersis ossibus & a Paulo vocatur ἀπικημα. Altera cōtusionis species ἐσπλάσις depressio, effiatura dicitur, quæ duplex est, cū nimirū superficies integra & cōtinua remanet, vt in vasis cuneis, vernaculè *bisselure* dicitur; Vel externæ superficiei continuïtas dissoluitur, ynde triplex differētia emanat, ἡμαρῶσις, ἐν γεισῶματι ὑγγρανδatio, ἐκ πίεσιν. Alterum genus vulneris in capite ἐκχοπή vocatur incisio, quæ triplex est ἐσθῆς, διαχοπή præcisio, ἀποσχετισμὸς deaiciatio. Contusio inter fracturas numeratur ab Hipp. de qua inter Medicos non leuis exorta est controuersia. Gal. in definitionibus medicis definit Contusionem, Caluariæ recessum versus interiora citra fracturam. Quinetiam Ægineta negat contusionem esse fracturæ speciem. Respondemus duplicem esse contusionem, physicam, & medicam, prout scilicet diuersimodè consideratur. Aristoteles lib. 4. meteor. n, contusionem definit externæ partis depressionem ad interiora. Medicus verò contusionem appellat superficiei diuise in minimas partes ad interna depressionem. Sic Gal. lib. de causis morborum, contusionem interpretatur, cum externa loci percussi facies integra & continua fuerit, interiori tenuiter comminuta. Itaque si medicè consideretur contusio, fracturæ

Contusio
an fractu-
ra species.

nomen meretur. Cum autem rima sit contusio-
 nis species, semper adiunctam habet contusio-
 nem, maiorem vel minorem, ut notauit Hipp.
 Arida quidem corpora citra contusionem fin-
 di possunt, non autem caluaria, quæ inter duas
 laminas humidissimam substantiam, nimirum
 diploen cõplectitur. Α' πύχνηα dicitur, quando
 caluaria non quæ percutitur telo, sed alia sui
 parte finditur. Quod tribus modis accidit. Pri-
 mus est, cum locus fractus & percussus sunt
 eiusdem ossis, ut si percussa ossis frontalis parte
 sinistra, rumpatur dextra: quod fit propter
 partis percussæ robur, quæ ictus violentiam in
 vicinas partes imbecilliores transmittit. Alter
 modus ε' πύχνηα apparet, cum eiusdem ossis
 percussa parte externa, eaque integra manente
 inferior & interior dehiscit, *contrescente* verna-
 culè dicitur. Eius causa est inter vtramque la-
 minam conclusus aer, qui violenter ex ictu agi-
 tatus interiorem tabulam frangit. Tertius mo-
 dus ε' πύχνηα fit, quando percussum os à fissio-
 ne non distinguitur: ut si icta fronte, os occipitale
 findatur. Inter recentiores Medicos magna
 contentione disceptatur de tertio a pechematis
 modo: nam duos alios nemo inficiari potest,
 quos Hippocratem & Celsum intellexisse puto.
 Remanet igitur controuersa tertia ε' πύχνηα
 species, quam Soranus demonstrauit exemplo
 vasis vitrei, quod in parte percussa non findi-
 tur, sed in apposta: quam similitudinem elu-
 dit Paulus, quia caluaria plena & referta est ce-
 rebro, atque ex pluribus ossibus coagmentata:
 quæ eo potissimum fine futuris determinantur,

ne alicuius ossis læsio ad alterum transeat. Vas
verò vitreum continuum est, & vacuum. Hac
ratione motus Fallopius tertium *ἀνέχουσιν*
modum improbauit, aliorum Chirurgorum
authoritate fretus. Guido enim, & Vidus,
ἀνέχουσιν non admittunt, nisi in eo capite quod
solidum est, sine suturis, vel in eo saltem, cuius
sutura adeo sunt consertæ, vt caluaria vnicum
& continuum os appareat. Verum suture non
semper impediunt fracturę propagationem; vi-
dit enim Galenus *lib. 6. Meth.*incipitis fra-
cturam per os temporale productam nihil pro-
hibente sutura squamosa. Dicam igitur cum
peritis Chirurgis rarissimā, esse tertiam *ἀνέχουσιν*
speciem, duas alias frequentius occurrere. Falli-
tur interdum Medicus, vt docte animaduertit
Ægineta, cum diuersis partibus icta fuerit cal-
uaria a percussore, vel cum ager ex alto cecide-
rit in partem oppositam, percussę.

Altera cōtusionis species, depressio siue *ἐσθλα-
σις* nominatur; cuius differentię sunt, impri-
mis camatosis, fornicata caluariae eleuatio in
modū camerae, vt à Paulo definitur: qui monet
à Galeno definiti caluariae depressionem ad in-
teriora; quę definitio si vera esset nō distaret ca-
matosis ab engisomate. Vidus & Fallopius ca-
matosin similem putāt esse caseo, qui depressus
digito resurgit. Alij sibi imaginātur in camatosis
os fractum deprimi, & sano subiici. ita vt inter
vtrumque, spatium relinquatur in modum for-
nicis. Sed eiusmodi explicationes viris doctis
non probantur, quia cranium caseo durius exi-
stic, & fractum os in modum fornicis attolli de-

D. depressio-
nis differe-
rentia.

bet, non sanum. Quapropter Fallopius cama-
rofin nullam esse scripsit, vel rarissimam, quæ
ex obliquo ictu ita accidit, ut frustulum ossis
dissectum, & sano adhuc adhærescens, in mo-
dum fornicis attollatur. Secunda depressionis
species *ἐν γεισμά* nominatur, depressio scilicet
cranii versus meningē; *ἐκ πίεσιν* verò est ossis
tenuiter comminuti ad interiora compulsio.

Incisio alterum percussioneis genus sub se cō-
prehēdit tres differentias. Prima est *ἐν ὄσσει*, quan-
do teli vestigium in osse expressum manet; Se-
cunda *διὰ χυμὸν* definitur à Paulo, cum ictum os
elevatum manet: *ἀπὸ χυμὸν* cum os à
reliquo osse omnino decussum est & separatū.

*Fractura-
rum cau-
sa.*

Omnes huiusmodi fracturæ fiunt à causis exter-
nis vel internis. Externæ tres constituuntur,
ictus, casus, & occurus. Internæ sunt, quæ in-
tus excitantur. Ab his frangi calvariam demon-
stravit Hippocrates lib. 2. de morbis contra
mentem omnium Chirurgorum. Fracturæ cra-
nij cognoscuntur sensu, scilicet auditus, visus
& tactus; vel causis antecedentibus, aut conse-
quentibus symptomatis. Dicam cum Hippo-
crate, ratione & opere omnes fracturas explora-
ri. Ratio dependet ex discursu, qui duobus in-
strumentis perficitur, analogismo, & epilogismo.
Analogismus dicitur, cum ex causis evidentibus
fracturam occultam colligimus. Epilogismus
verò ex consequētibz symptomatis fracturam
declarat, quæ sunt quatuor apud Hippocratem,
carus, *διῶος*, scorodinos, & repentinus ægri lap-
sus. Celsus plura memorat, omnia tamen ex
Hippocrate desumpta. Protinus requirendum

*Signa dia-
gnostica.*

est, num bilem æger vomuerit, num oculi eius obexcati sint, num obmutuerit, num per nares aut seve sanguis effluxerit, nū conciderit, nū sine sensu quasi dormiens iacuerit. At si nullum horum symptomatum appareat, potest dubitari num alicubi fractum fuerit cranium, quare nihil melius est, quam certiore nota id explorare, nimirum specillo & atramento. Ergo qua plaga erit, demitti specillum oportet, ut ossis naturam explores. Nam si quid asperi offendas, extra suturas fractæ calvariæ magna erit coniectura. Si verò nihil respondeat specillo, atramentum scriptorium infunde, ut pars affecta eam humorem ebibat; qui si penetrarit, ut ex ratione cognoscetur, fracturam suspicari licet. Reliqua signa ab authoribus Chirurgiæ proposita incerta sunt, & fallacia. Nimirum calvariæ percussæ raucus resonitus, radicis asphodeli, vel nucis masticatio. Præterea causæ antecedentes diligenter considerari debent. Imprimis pars affecta, quæ vulnus accepit, an sit robusta vel debilis; Nam debilis facilius paritur difficilius robusta. Teli quoque magnitudo, figura & pondus, considerata sunt. Quia quò mitior ictus fuerit, eò facilius os restitisse credibile est. Hippocrates capillorum præcisionem obseruat, qui si a telo dissecti, & in vulnus compulsi fuerint, fracturam adesse testantur. Interim notabis ἀπὸ χειρὸς, quod in medicabile iudicauit Hippocrates, propter loci fracti ignorationem, duobus signis inuestigari; partis oppositæ mollitie, & tumore, authore Celso. Concussio cerebri dignoscetur partis op-

*Concusio-
nis cerebri
signa.*

positæ dolore, & si eo loco cute incisa palli-
dum os reperiatur. Ceterum diuidi potest vul-
nus capitis ex varietate partium continentium,
& contentarum. Est cum ad partes vsque con-
tintas, duram vel piam matrem, nec non ad ce-
rebrum vsque vulnus peruadit. Rursum vel cra-
nium contusione depresso meningas & cere-
brum premit, vel eadem pungit aliquo frag-
mento.

Prognosis.

Ex quibus omnibus differentiis non tan-
tum curatio, sed etiam euentus prædictio de-
pendet. Quò vulnus profundius, eo pericu-
losius. Proinde cum ad contenta vsque pertin-
git, vita in discrimine posita est. Enimvero si
vulnus supra futuram sit lethale; quia hac à me-
ningibus pericranium oritur, a membranis ip-
sis cerebri vulneratis, quid spei esse potest? Vul-
nera futurarum, temporum, frontis, occipitis,
omnia sunt plena periculi. Ab excreto etiam
sumitur faulti, vel sinistri euentus præuisio. Vt
enim pus laudabile erigit Chirurgum in bonam
spem: ita quò longius a notis laudabilis puris
recedit, ut pote si liquidum, nigrum, putidum
fuerit eo deterius. Vulnus, aut eius labra exsic-
cari exitiale. Si conuulsio, delirium, paralytis,
continua febris, apoplexia superueniant, in
omni quidem, sed potissimum in capitis vul-
nere, sunt funesta. Si meningum liuor melle ro-
sato elui non possit, inde mors prædicenda,
quia earum arguitur putrefactio. At rubrani
carnem apparere in consolidatione cranij sem-
per bonum est. Non est omittendum vulnera
quæ accepta sunt luna plena, semper esse peri-

culosiora; quia tum cerebrum est plenius; & proinde cranio vicinius.

Curationis primum caput, ut inflammatio- *Curatio*
nem & pessima quæ diximus accidentia prohi-
beas, quod multis modis efficies. Primò victus
ratione, initio tenui, cum abstinencia vini, nisi
valde projectæ vires aliter suadeant; quia caput
replet multis vaporibus. At exacto die 14. cum
videtur æger extra periculum, ad regeneratio-
nem carnis, illud cum plenior victu concedi
potest. A pastu utatur cydoniato, ut prohi-
beatur ascensus vaporum. Phlebotomia quo-
que, necnon ad motus ad scapulas cucurbitulis,
etiam cum scarificatu, phlegmone prohibetur.
Nec tantum clysteribus renellendi sunt suomi,
sed etiam vehementi cathartico: (ita enim in *Cathartici*
vulneribus capitis sua sit Hipp.) ut pilulis coc- *cumque*
cijs, aureis, vel senna & agarico, quæ in deco- *conueniunt*
cto cephalico bullerint. In morbis capitis ab-
stinendum est cassia, quia vaporosa. Caput au-
tem defendendum ab injuria externi frigoris,
præsertim hyeme, ut pileolo expelle vulpis suf-
fulto. Interim dum vulnus percuratur, sanguis
candens supra teneatur. Topica verò quæ ad
eundem finem initio applicantur, leuiter repel-
lant, ut albumen cum rosaceo agitarum, addito
pauculo bolo. Reliqua curatio in duobus capi-
tibus consistit, Chirurgia præsertim, ut trepa-
no; & exsiccatione. Quando vulnus curem
tantum & carnem offendit, aliorum modo de- *vulneris*
bet percurari, heterogenes primum si quod *in re cur-*
subest, tolli. Si vulnus magnum, sui; digestiuo *ratio.*
communi sanies præparari, deinde purgari, in-

carnari, cicatrice obduci. Pericranio contuso, procurandum mox ut putrescat, metu grauiorū symptomatū. Atque si os læsum suspiceris, facta incisione detegendum est. Quod si malum fuerit superficialium, abradatur. Si os inæquale & asperum, læuigetur. Quo perfectō aliorum modo curetur: nisi quod os requirit cephalica, & magis desiccantia, ut puluerem ireos, centaurij minoris, panacis, aristolochiæ, quæ quidem omnium ossiū squamas creditur educere, sed potissimum caluatiæ.

*Trepanum
cur admi-
nistrandū.*

Trepani autem multæ sunt causæ, quas hoc loco placet breuiter commemorare. Primum enim imperatur à Medico, ut sanguis liquidus, vel in grumum concretus, vel iam in saniem conuersus, sub caluatiā effusus educatur. Effunditur autem vel ruptis vasis, quæ per diploen disperguntur, aut ijs quibus crassa membrana alligatur cranio.

Secunda ratio quæ impellit nos ad trepanum, ea est ut fragmentum ossis, vel aliud quoduis si fortè membranam offendat, quam cito fieri poterit euellatur, metu grauissimorum symptomatum, quæ inde manifestè impendent.

Tertiò ut remediis pateat introitus. Faciamus depressum craniū, atque ima sui parte meninges premere; aut fissura capillari diuulsam, nullumque medicamentis patere aditum ad partes interiores, facienda est via trepano. Accedat quod phlegmonem prohibet, quando non possis eam ligatura expressiua arcere. His alia accedit utilitas, dum spiculum aut globulus ossi tam firmiter adhærent, ut sine dolore &

metu inflammationis euelli nequeant; In circuitu trepano diuiditur, simulque cum osse res dura attrahitur. Memineris autem os ruptum, aut *vbi non* depressum quod cedit, neque potest resistere, *admouendum.* non admittere trepanum. Memineris etiam nunquam esse super futuram applicandum, neque supra fissuram: sed interiecto digiti vnus spatio. Verum si fortè futura fuerit vulnerata, vtrique esse admouendum: quia interiecta membrana impedit, ne vnus lateris sanies per aliud expurgetur. Cauebis ne vnquam illud admou eas superciliis, quia illic est cauitas plena spiritu animali. Quando fissura est longa, satis est os in ima parte fissuræ trepano aperire, loco decliui, vt sanies liberius fluat, si modo ferre possit trepanum. Quoties subest inflammatio, aut abscessus, abstinebis trepano. Operatio sit *Operatio- breuis & indolens, cuius hic modus esto. Ra- nis modus.* datur coma, cutis cum pericranio cruciatim vel per decussim incidatur, (pericranium enim non est attingendum trepano.) Incisionibus linamenta supponantur, vino madida: in ambitu stupæ aquato oui & rosaceo madidæ, etiam addendo puluerem rubrum, bolum vel sanguinem draconis. Si fortè inter operandum ferrum incaluerit motu & attritu ossis, mergatur in frigidam: Perfecto opere si squama subsit quæ pungat membranam, deriuetur; grumus aut sanies suauiter eluatur, deinde sindo aut linteolum molle melle rosato imbutum, inter cranium & meningem suauiter imponatur, ne illa ab osse, dum moueretur cerebrum, offenda- tur. Os detectum impleatur digestiuo, vt vitel-

*Basilicum
capitale.*

lo oui cum rosaceo & paucis croco, quod stupis eodem insuccatis coronatur. Exactis tribus diebus, vteris mundificatio ex melle, vel syrupo rosato: Mel anthosatum, & syrupus de absinthio hic magis conuenient. De Vigo describit basilicum capitale, quo solo capitis vulnera percurat, cuius descriptio est huiusmodi. ℞. olei rosati ℥. vj. olei mastichini ℥. ii. pinguedinis vituli & porci, ana ℥. iiij. foliorum plantaginis, matrilylæ, betonicæ, pimpinellæ, pilosellæ, florum anthos, ana M. s. omnia contrita bulliant, addendo cyathum vnum vini, vsque ad consumptionem vini; deinde colaturæ addes quæ sequuntur. Mastiches, gummi elemi, resina pini, ana ℥. j. lithargyri auri & argenti, ana ℥. ij. mini ℥. x. Iterum bulliant, tum addes terebinthinæ ℥. iiij. & ceræ quantum satis, vt fiat ceratum molle. Auicennas exactis primis diebus vtitur puluere cephalico; Recentiores tamen Chirurghi non prius vllò vtuntur, quam æger sit tutus & liber à periculo inflammationis, hoc est cum vulnus inceperit suppurare. Gordonius describit ad fracturas cranij, etiam nudata meninge, emplastrum, quo solo promittit perfectam curationem, illudque haberi iubet pro singulari secreto. ℞. picis liquida, ceræ & terebinthinæ, ana lb. s. liquentur simul & macerentur in aceto, diuque malaxentur, secundo liquefiant, & proiciantur in lac vaccæ, denuoque malaxentur: tertio liquefiant, & proiciantur in succum betonicæ, & cum eo misceantur: quarto liquefiant, & proiciantur in succum centaurij maioris, fortiter.

Emplastrum.

que malaxentur. Accipiatur illius portio congrua, & supra meningem, atque etiam supra fractum cranium applicetur. Malim vti communibus & ordinariis, quæ curatione omnia vsurpantur. *Fractura cranij signa.* Cæterum fractæ calvariæ coniecturam inde sumimus, si ex vulnere æger ceciderit, si commotionem cerebri & vertiginem sentiat, si vomat, si scintillent oculi. Quod si præterea facies fuerit flammea, & sanguis vndique per nares erumpat: membranas esse fractas, & ad cerebrum vsque vulnus peruenisse certum est. Neque tamen tum deferendum esse ægrum de Vigo demonstrat, historia cuiusdam cum his symptomatis à se percurati.

VULNUS FACIÆ, OCULORUM, COLLI.

C A P. VIII.

Facies primùm abluatur vino decoctionis rosarum, mox si vulnus fuerit magnum suatur, nullo relicto orificio. Ut venustior sit cicatrix, superponatur albumen agitatum cum rosaceo. Tertio die de Vigo desui vult, & labra continet hoc emplastico. ℞. mastiches, sanguinis draconis, añ. ʒ. j. β. thuris ʒ. j. tragacanthæ pistæ ʒ. iij. boli armeni ʒ. iij. β. farinæ volatilis, & farinæ fabarum, ana ʒ. j. β. album. oui, aquæ rosarum ʒ. β. fiat pasta, qua tegatur linteū ad usum dictum. Reliqua curatio digestiuo, mundificatorio, sareotico, epulotico communi peragatur.

Ad vulnus oculi instilletur sanguis columbæ, turturis aut hirundinis, qui Celso magis probatur; superponatur mox collyrium ex albumine & aqua rosarum, addendo aliquid trochiscorum albi Rhasis sine opio. Vtere deinde ad incarnandum collyrio de thure, nisi malis superiori collyrio addere thus vel aloen: postea ad sigillandum vulnus vsurpabis collyrium de plumbo. Dolorem interim, si quis vrgeat, demulcebis instillato lacte muliebri. Sunt qui magni faciunt vnguentum ex germinibus ouorum, quæ teruntur in mortario donec acquirant consistentiam vnguenti.

Vulnus colli est plenum periculi, propter magnitudinem vasorum; suatur, sed relicto orificio, in quod penicilli indantur, cum digestiuo communi. Si medulla spinæ condoleat, liniatur oleo vel vnguento neruali metu conuulsionis: eiusdem enim est naturæ cum cerebro, proinde ex illa læsa non minus impendet periculum, egerque cephalicis & nerualibus, qualia dicta sunt cum de vulneribus neruorum ageretur.

*Humeri
vulnus
quod peri-
culosus.*

Vulnus humeri est lethale, propter nervos subiectos, quemadmodum & quod in articulis acceptum est: verumtamen quod secundum longitudinem membri inflatum est, non est adeo formidandum. Ligatura incarnante labra vniuntur, deinde consueto & ordinario modo proceditur, immiscendo nerualia.

Vulnus cubiti est plenum periculi, periculosius autem intra quam extra, propter venarum & neruorum magnitudinem. Potissimum la-

borabis ut dolor sedetur, quod fiet cataplasma-
te ex medulla panis, macerata in iusculo pulli,
addendo oleum rosarum & chamomillæ: co-
quantur simul, & vitellus oui cum paucis cro-
co ad extremum adijcitur. Reliqua, curatio
communis esto.

VULNUS THORACIS.

CAP. IX.

EXordire curationem à prognostico. Vul-
nus pectoris quamvis non penetrat, tamen
postica parte est lethale: propter venarum, ar-
teriarum & nervorum multitudinem, qui à spi-
næ medulla exorti quoquoersum feruntur ad
motum. Quid si penetrat? (hoc autem intelli-
getur vel candela apposita vulnere, vel flocco:
nam si æger os & nares occludens exsufflet, ex-
tinguet candelam, aut floccum veluti vento *Cordis vul-*
agitabit.) Consideranda tum erit diligenter *nerati si-*
pars affecta, siquidem corde vulnerato mors *gna lethali-*
est inpropinquo, quod situs partis & crassi ni-
grique sanguinis effusio demonstrabit.

A pulmone vulnerato phthisis, mors lenta ex-
pectanda est: hoc autem sanguis tenuis, spu-
mans, floridus indicabit, nisi fortè per capaci-
tatē thoracis effusus retineatur. Tum verò ma-
gna difficultas spirandi, tussis vrget, assidue
sentitur dolor in latere iuxta spurias costas, quo
loco est diaphragma: quia grauatur copia san-
guinis descendentis. Quando putret (putret

Pulmonis.

autem citissime) putidus est anhelitus, penicillitabo maculantur. Veteres septum transversum *φρένας*, mentem appellabant, quia eo vulnerato præsertim media, utpote nervosa, parte succedit delirium, quod nullis remedijs mitescit.

Hali monet, quamvis vulnus thoracis magna cura & diligentia percuteretur, imminere nihilominus periculum fistulæ, quam scribite eo loco esse insanabilem, hocque imprimis monet prædicendum. De Vigo tamen affirmat se aliquas persanasse remedijs, quæ eo loco diffusè commemorat.

*Vulnus an
mox clau-
dendum*

Pro remedijs hic imprimis discutiendum, quod in contrarias partes Medicos primæ notæ distraxit; An vulnus thoracis sit mox occludendum, necne. Nam plurimi hoc conantur persuadere, ne subitus ær frigiditate sua & humiditate partibus internis noceat Verum, ut alij obi ciunt, a retento sanguine longè maius periculum impendit: itaque ne postea cogamur vulnus clausum aperire, nunquam (inquiunt) magnum vulnus debet claudi, nisi ex prædictorum symptomatum absentia, ut tussi & dyspnœa, nihil, aut minimum sanguinis in capacitatem excidisse conciamus, quod aut calor possit coquere & resolvere, aut per os vulneris paulatim possit vacuari. Age ergo, faciamus magnam copiam sanguinis effluxisse, eumque incauo permansisse; primum dabimus operam ut vacuetur. Hoc ut fiat, iubebis ægrum decumbere in latus vulneratum, prono corpore & capite inclinato: hoc cum feceris, mox si ma-

gnum sit vulnus, suatur, relicto in parte inferiore paruo orificio. Qui primo die indentur penicilli, latam habeant basim, & appendantur filo vt facile retrahi possint, si forte in cavitatem exciderint. Intingantur verò albumine aut vino. Thorax vndique liniatur oleo rosaceo; nam vehementiora repellentia hîc non conueniunt, ne fluxionem retrudant intro. Imperetur abstinentia vini, nisi vires langueant ob hæmorrhagiam immodicam, auranimæ deliquia. Bibat aquam hordei, vel hydrosacchar ex aqua & saccharo rosato vel candi confectum. Vtatur hordeatis, syrupis, apozematis, tabellis bechicis, præsertim diatragacathi frigidi. Vel paretur prisana magistralis. Inijciatur hydromel ad dersionem, potius quam ænomel metu inflammationis; adde quod dum fit pus calor & febris ingrauescunt. Memineris vt aëri intercludatur aditus, multis linteis vulnus contegere, & semper vulnere, quoties curatur, patellam candentem opponere. Foris verò applicetur cataplasma sequens. ℞. mellis rosati colati ℥. j. myrrha, thuris, sarcocollæ, ana ℥. β. terebinthinæ ℥. iij. adde farinæ hordei & fœnugræci quantum sit satis ad inspissandum, fiat cataplasma. Quando tres dies sine prauis symptomatis pertransierint, tum benè sperandum est. Auicennas iubet, quando multa est sanies, vt exugatur vel per syringam attrahatur. Quando autem vlcus iam satis mundum & detersum videbitur, quod intelliges si absint praua accidentia, vt febris & dolor; si iniectum purum exeat, veluti aqua clara: tum ex rosis, balauistijs, plantagine, malico-

*Cautio in
tractando
vulnere.*

*Signa ul-
ceris mun-
dificari.*

rio fiat decoctio: In cuius colatura dissolue vinum granatorum, aut mel rosatum, vt adstrictione obducatur vlcus, consolideturque. Ad eundem finem vratur opiata ex conseruis rosarum & symphyti, addendo aliquid boli vel terræ sigillatæ: quæ quidem astringentia & sumpta & iniecta fortassis initio nocerent, quia saniem retinerent, cuius vacuatio omni arte procurari debet. Potio vulneraria non tantum sumenda, sed iniicienda quibusdam videtur ad consolidationem. Daminatur tamen a quibusdam, quia nimium calefacit; hoc si metuas, paretur absque vno. Decoctum ligni sancti ad desiccationem sunt qui magni faciunt in declinatione, incoctis thoracicis, vt scabiosa, pimpinella, cussilagine, hordeo, caryophyllata, tormentilla.

*Decoctum
guaiaci.*

VULNERA ABDOMINIS.

C A P. X.

Quæ pars contenta abdomine sit vulnerata, conijcimus primum ex situ partis, deinde ex actione læsa, postremo ab excreto. Esto vulnus circa pubem, per quod lorium exeat, aut vrina cruenta: credibile est vulneratam esse vesicam. Supra vmbilicum ad latera sunt iecur & lien, in medio ventriculus. A liene exit sanguis niger, ab hepate ruber, à ventriculo non tantum chylus, sed etiam potus & potulenta. Renes è regione ventriculi, quibus vulneratis,


*Partium
supra vmbilicum
læsarum signa.*

vulneratis, qui exit sanguis est serosus, quasi
vrina cruenta. Infra vmbilicum sedem habent *Infra vmbilicum.*
intestina crassa, quemadmodum supra tenuia.
A crassis emanat stercus; vulneratis tenuibus
chylus effluit, maiorque dolor est. Ecce diagno-
sis. Prænunciabis autem periculum, conside-
rando partis naturam. Nam cum iecur sit pars
princeps, lethaliter vulneratur: lien non ita, nec
renes; nec vulnera crassiorum intestinorum
sunt adeo periculosa ac tenuium. Imprimis ve- *Prognosis.*
rò ieiuni vulnus lethale. Vesica quoque vulne-
rata moriendum est. In medio prope vmbili-
cum vulnus, etiam si non penetret, est lethale,
quia ibi sit concursus musculorum; ad latera
non adeo funestum; quod si penetret in medio,
eo funestius est, quod intestina facilius exeunt.
Parte postica, vt iam dixi, vulnus est lethale,
propter neruorum multitudinem.

Hic contenti sumus clysteribus, purgatio- *Curatio.*
nes enim nocent. Clysteris sit hæc formula. ℞.
juscum gallinæ multo hordeo infarctæ, rosæ
quoque & floribus chamæmeli; in quo dissolue
vitellos duos ouorum, mellis vel sacchari rosa-
ti ʒ. j. potest etiam iniici portio vulneraria, at-
que etiam per os assumi. Non est prætermittenda
missio sanguinis ad reuulsionem. Quando vul-
nus non penetrat, si magnum fuerit, suatur, reli-
cto tamen orificio, in quod indatur digestium
commune, aut balanus infundatur. Cætera,
vt in alijs futuris, peragenda. Stomacho poterit
applicari ceratum stomachicum; quemadmo-
dum & hepati santalinum. Saltem emplastra,
vnguenta, cataplasmata consentijs quæ pro-

*Abscessus
in inguine
ab hepate
vulnerato.*

prierate ventriculum & iecur roborant. Faciamus ab hepate vulnerato frustulum aliquod foras prodire. Abluetur primùm decocto astringente, quo roboretur, & hæmorrhagia simul sistatur: mox reponetur, suetur vulnus & naturæ tota cura committenda erit, assumendo & ad-mouendo hepatica ad robur. Quamuis enim funestum sit tale vulnus, tamen aliquando natura excrementa ad inguen transmittit, ibique facit abscessum veluti criticum. Quid si intestinum quoque promineat? Si vulneratum sit aliquod ex crassis, vulnus imprimis suatur filo sericeo, sutura, vt vocant, pelletariorum. Tenuè verò sui non debet, quamquam hoc de Vigo suadeat re quasi deplorata. Postquàm fueris, abluatur vino, in quo rosæ, absinthium, & flores chamæmeli bullierint, moxque reddantur suo loco. Si verò flatibus adeo tumeat, vt reponi nō possint, abluantur potius vino, in quo carminantia bullierint. Quod si nihilominus suo loco restitui non possit, dilatandum erit vulnus. Aliquando excidit portio omenti, aut totum. Quod prominet, filo ligandum, & ferro exscindendum infra ligaturam; deinde suo loco restituendum: ita tamen vt filum extrà pendeat, vt postea cadat cum portiuncula deligata. Postquam epiploon & intestinum intrò fuerint reducta, vulneris labra vnienda sunt & consuenda, postea vulnus more aliorum percurabitur.



DE FRACTVRIS.

SECTIO SEXTA.

QVID FRACTVRA, EIVS-
que differentia.

CAP. I.



FRACTVRA definitur à Ga- *Fractura*
leno continui solutio in osse *definitio.*
fracto. Addit Guido, non à re
qualibet inducta, sed ab ea
tantum quæ incidit, vel con-
tundit; Vt prima sit fractura-
rum ossium differentia, quan-
dam esse incisam, alteram contusam. nam
omnis fractura vel ab incidente, vel à con-
tundente corpore infligitur. Itaque licet sum-
ma duo fracturarum genera constituere; Inci-
sionem & Contusionem. Incisionis species
triplex est, Sedes, Præcisio, *παραπνευσμός.*
Contusionis species sunt duæ, Rima, & De-
pressio. In capite plures reperiuntur, quæ se-
ctione de vulneribus capitis fuerunt expositæ.

N n ij

Ad incisionem & contusionem reuoco, quinque illas Fracturarum species à posterioribus Græcis introductas, quarum prima nominatur ῥαφανηδόν, siue καυληδόν, quando instar raphani, siue caulis per transuersum os frangitur. Secunda σχεδακηδόν dicitur, cū os per longitudinem assulatim finditur. Tertia χαλαμηδόν, siue εἰς ὄνυχον, cum os in suo extremo iuxta aliud, unguis specie finditur, ἀπαγμα nominatur à Gal. quod ab Hipp. ἀπόμλασμα, cum os frangitur qua parte cū altero iungitur Quarta ἀλεπιτηδόν, nominatur, cum os instar farinæ in partes minutissimas frangitur. Quinta fracturæ species est, ἀπόθραυσις, cum ense acuto ossis superficies rescatur, & instar squamæ resoluitur. Eas omnes differentias Galenus exemplo Hippocratis inutiles iudicauit, & à recentioribus Medicis nimis ambitiosè conquisitas fuisse. Idcirco duas tantum fracturarum differentias constituit, longam scilicet, & transuersam: tertiam adiunxit Celsus obliquam. Omnes autem fracturæ sunt simplices, vel compositæ. Simplex fractura dicitur, cum sola ossis continuitas soluitur. Composita vocatur, quando in duobus ossibus inuicem connexis accidit, vel cum os præter solutionem continui substantiæ iacturam patitur.

Fractura-
rum diffe-
rentia ex
Galeno.

DE CAUSIS, SIGNIS DIA-
gnosticis, & prognosticis fracturarum.

CAP. II.

FRacturarum causæ variæ sunt & multipli-
ces, quas Galenus ad quatuor capita redu-
xit. Vel enim corpus durum & graue contun-
dens fracturam inducit, aut corpus acutum in-
cidens, aut casus ex alto, aut luctatio contor-
quens. Rarò Fracturam excitat corpus erodens,
vt ignis actualis; vel pungens, vt gladij vel ensis *Corporis frangentis*
cuspis. Ad dignoscendas fracturas iubet Hip- *conditio-*
pocrates partem sanam cum ægra conferre, vt *nes.*
discrimen si quod sit, facilius intelligatur. nam
si partis affectæ figura fuerit inæqualis, vtpote
in loco percusso caua, & in opposito tumida,
fracturam suspicari licet: quam certius cognos-
ces si vnâ cum vulnere accesserit; Nam si am-
plum fuerit vulnus, visu fractura deprehende-
tur. Si angustum, in tromisso specillo explorabi-
tur. Quod si asperum & inæquale os offendatur,
magna erit fracturæ coniectura. At si simplex
sine vulnere fractura fuerit; alia signa tibi fra-
cturam indicabunt, impotentia partis, & stre-
pitus ossium, quem obaudies ex mutua ossium
collisione dum manibus contrectantur. Præ-
terea te multum iuuabit ad dignoscendam fra-
cturam causæ antecedentis perquisitio. Nam
si fortis & valida fuerit ad frangendum, certior
eris de fractura, modo alia signa iam comme-

Nn iij

morata vnâ concurrant.

*Fractura-
rum diffe-
rentia v
dignoscen-
da.*

Fracturarum differentias sic internosces. In transuersa fractura membrum breuius est, vnum os alteri supereminet ob musculorum contractionem; In ea quæ fit assulatim, secundum longitudinem membrum iusto crassius euadit, dolor atque membri inæqualitas percipitur quocunque pertingit fractura.

Prognosis

Praesagium autem in fracturis petitur vel ex parte ægri, aut ex parte fracturæ. In ægro ætatem & temperamentum considerabis. Facilius fractura in puero, quam iuvene; & in hoc, quam sene curatur: quia quo longius a pueritia receditur, eo magis humidum primigenium exhauritur: ideoque pueris ossa fracta prima naturæ intentione consolidantur, alijs secunda intentione, id est internentiu alienæ materiæ, quæ non est eiusdem naturæ cum ossæ fracto.

Ab ætate.

*A tempe-
ramento.*

Difficilior est agglutinatio in biliosis, quam in sanguineis, quia sanguis crassitie sua citius bile coagulatur. At in fractura spectabis eius subiectum, situm, magnitudinem, & figuram. Ossa non periculosè media franguntur in humeris, brachijs, femoribus, cruribus & digitis: quò verò propior fractura capiti, vel superiori, vel inferiori ipsius ossis est, nempe in artuum vicinia, eò peior iudicatur, quia maiores dolores excitat, & difficilius curatur. Incerta quoque salus existit, cum ossa fracta in interiorem partem vergunt, quia locus est profundissimus, ad quem manus Chirurghi peruenire nequit. Quin etiam magna fractura periculosior est parua. Magnam estimabis ex magnitudine solutæ con-

*A parti-
bus.*

*A pene-
tratione.*

*A magni-
tudine.*

tinuitatis, & multitudine symptomatum epigenomenan, vt febris, neruorum conuulsionis, & partium vicinarum inflammationis. Simplex autem fractura securior est, quam multiplex; absque vulnere, quam cum vulnere: nam si fracturæ vulnus carnis accesserit, periculum grauius impendet, præsertim si muscoli humeri ac femoris vulnerati fuerint. Adde quod in eiusmodi fracturis neque ferulis, neque canali- bus vti commodè licet nec primis etiam fascijs, quas ἰνδασµίδας Hippocrates appellauit. Quod attinet ad speciem & figuram fracturæ, maxime tolerabilis est transuersa, peior vbi fragmenta multa sunt, atque vbi obliqua: pessima vbi eadem acuta sunt.

GENERALIS CURATIO
fracturarum.

C A P. III.

Primus & communis omnium curanda- rum fracturatum scopus est vnio, quam ex ope Chirurgiæ potius, quam naturæ beneficio sperare oportet. Frustrà enim admovebis me- dicamenta, nisi prius fracturam reduxeris. Chi- rurgia autem quæ fractis ossibus manus auxilia- res adfert, Synthetismos vocatur; quæ tribus constat operationibus Antitafi, Diorthrosi, & Epidesi.

Antitafis locum habet tantum in fractu- ris transuersis, cum vnum os super aliud er-

*Synthetis-
mi differe-
rentia.*

Nn iiij

*Antitasis
ubi admi-
nistranda.*

fertur, conuulsis nimirum & ad sua principia contractis musculis, qui prohibent ossa in suum locum venire, nisi per vim intendantur. Intendere autem digitum, vel aliud quodque membrum si adhuc tenerum est, etiam vnus homo potest, cum alteram partem dextra, alteram sinistra apprehendit. Valentius membrum duobuseget, qui in diuersa contendunt; si firmiores nerui sunt, vt in viris robustis, maximèque eorum femoribus & cruribus eueni, habenis quoque, vel lineis fasciis vtrimque capita articulorum deliganda sunt. Antitasis illa fieri debet primis diebus, antequam inflammatio superueniat. Vetat Hippocrates eam aggredi tertio & quarto die, itaque orta inflammatione in septimum vel nonum diem differenda extensio donec sedata fuerit inflammatio. Vbi paulò longius quam naturaliter esse debet membrum visfeci, tum ossa manibus in suam sedem compellenda sunt & conformanda, quæ operatio Diorthrosis, directio siue coaptatio nominatur. Repositi ossis indicium est dolor sublatus, & membrum alteri æquatum. Commissa & coniuncta ossa conuenienti deligatione in sua sede conseruari debent, vt conseruari siue callo glutinari queant. Hippocrates tribus fasciis vtitur, quarum duas primas circumducit, eo modo quem Celsus descripsit. Secundæ fasciæ Hippocrates splenia linea cerato liquido madefacta imponit, quibus tertiam fasciam vtrimque glomeratam mediam inijcit, cuius extrema sursum & deorsum

*Diorthro-
sis quid.*

feruntur. Deligatio vero à Celso proposita longe differt ab Hippocratis fasciatione; Nam Hippocrates tribus utitur fasciis, Celsus sex usurpat. Hippocrates secundæ fasciæ splenium cerato refrigerante imbutum admovent, ut imminuentem inflammationem prohibeat. Celsus duabus fasciis injicit latius linteum cerato inunctum, quod fascias contineat. Nec partem fouet & irrigat cerato refrigerante, nisi septimo vel nono die. Vterque fascias siccas usurpat; Nostri verò Chirurghi si subsit inflammatio, ex oxycrato madefaciunt, vel in vino si nulla compareat. Tagautius Celsi deligationem improbat, tribus fasciis contentus, more Hippocratis, quem sequutus est Galenus *libr. 6. meth.* Plures fascias superfluas esse & inutiles asserit, atque in membro fracto præter solitum coo- *Incommo-*
 pto pruritus & dolorem excitare: quæ duo *da à pluri-*
 symptomata à fractis membris diligenter ar- *bis fasciis.*
 cenda sunt. Adde quod influxit in fracturam, perspiratione discuti & dissipari non posse. Verum recentiores quidam Chirurghi deligationem Celsi admittunt in magnis fracturis, ubi dolor immanis excruciat. Sic enim melius & celerius os fractum ferruminari: nec enim Celsus eum fasciarum numerum ad extremum usque tempus curationis adhibet, sed singulas fascias subtrahit, quoties deligaturam resoluit. Exacto septimo vel nono die Celsus, exemplo Hippocratis, ferulas apponit, quas nostri Chirurghi primis diebus admovent, nulla premente inflammatione: laqueis siue vinculis in suo situ continentur. Iubet Hippocrates tertio die li-

*Ligatura
quando sol-
uenda.*

gaturam soluere. At si nulla prurigo, nullus dolor adsit, sic manere potest usque ad septimum diem, vel ut Celsus voluit, donec duæ partes eius temporis, quo quodque os conseruet, compleantur. Quoties autem soluitur membrum, toties aqua calida fouendum erit, donec tumere & rubere incipiat. Vbi callus incrementum incipit, quod accidit vigesimo vel trigesimo die, pro ossium magnitudine vel paruitate: tunc immediatè fracto membro imponetur emplastrum ad fracturas ossium.

DE FRACTURA NARIVM.

CAP. IIII.

Nasus ex ossibus & cartilaginibus conflatur; Cuius ossa propriè franguntur, cartilagine contunduntur, deprimuntur, & distorquentur. Signa proponit Celsus, quibus eiusmodi vitia dignoscantur: quæ cum oculis pateant inutilia sunt. Commodissimè ait Hipp. restituitur nasus fractus eodem die, vel certè paulò post: nec differenda curatio, quia in naribus callus cito generatur intra decem dies, nisi corrumpatur.

Curatio.

Itaque quam primùm ossa nasi dirigenda sunt, & restituenda, digitis vel specillo introducto. Vbi probè conformatus fuerit nasus, ut naturalem suam figuram conseruet, longa linamenta contorta intus adigenda sunt, quæ narium cavitatem impleant, aut grandis penna,

vel cannula perforata gummi, vel glutine quodam illita inducatur. In singulas nares linamentum vnum injicere oportet, etiam si altera nasi pars tantum fracta vel distorta fuerit: tamdiu remanebit, donec os solidatum apparuerit.

Hippocrates non linamenta, sed digitos ægri vel alterius assidentis in nares immittit, quos ibi contineat ad perfectam consolidationem. *Diligatio*
Sed deligationem improbauit, quam Celsus *an conueniat.*
proponit, quia magis nocet quam confert. cum similitatem, & ampliorem distortionem adferat. Conuenit tantum, vbi nasus circa medium protuberat, tum conuenienti & forti ligatura deprimitur & coercetur.

De necessitate ligaturæ disputat Guido in sua Chirurgia. Nos vtimur fascia laxa, non stricta: quæ ne deprimat nasum, adiectis ex aduerso *Fasciæ modus.*
narium spleniis, summitatem nasi æquamus. Si verò ossa nasi adeo sint comminuta, vt reduci omnia in suum locum nequeant, quæ protuberant, incisione facta, volsella extrahuntur, vt post Celsum declarauit Ægineta.

DE FRACTURA AURIS.

CAP. V.

FRacturam auris exemplo Hippocratis, Celsus proposuit, quam omnes Chirurghi, excepto Vesalio, dari non posse contendunt. *Aures an frangantur.*
Scribit enim Ægineta aures tantum contundi, non

Curatio:

frangi. Auris autem frangitur cute diuisa, vel integra. Si cutis resecta fuerit, maturè consue-
da est, intacta cartilagine, quæ puncta statim
inflammatur, gangrænam concipit, ac vitiatur.
Si verò cutis integra sit, antequam pus oria-
tur, imponendum medicamentum glutinans,
emplasticum adstringens, qualis erit farina
volatilis, vel cataplasma ex farre in aceto ma-
defacto, quod tempore Galeni palæstritis erat
familiare.

Quamuis autem suppuratum emanarit, in
eodem tamen remedio perseuerabis, quod in-
terdum pus absorbet & exsiccet. Si medicamen-
tis discuti nequeat, ad sectionem veniendum
erit: quæ vel candente ferro perficietur, consilio
Hipp. quia vlcus citius sanescit: alioqui noua-
cula aperietur, quæ profundè adigi debet, quia
pus altius delitescit, quam extrinsecus appa-
reat, authore Hippocrate. Cartilago vero lunata
plaga non est excidenda, ne tandem obesa & tu-
me facta reddatur, monente Galeno.

*Cur deli-
gatura
non conue-
nit.*

Post apertionē abscessus cruenta vnguenta ve-
teres adhibebant, quæ fluxum sanguinis siste-
rent. Nos solemus vti vel vng. aureo, vel apo-
stolor. deinde cum empl. diapalma vlcus conso-
lidamus. Celsus aurem subtus & supra gossipio
siue lana inuoluit, & fascia leni & laxa aurem
comprehendit. Hipp. vero deligaturam vetat
in auris fractura: Quodlibet (ait) vinculum
inimicum est, quia laxum, inutile, adstrictum
nocet. Interea in aurem affectam non decum-
bet æger, & quandiu inflammatio perseuera-
bit, tenui victu vtetur. Vtile quoque erit (ait

Hipp.) aluum mollire & purgare per vomitum.

DE MAXILLA INFERIORE.

CAP. VI.

Maxilla transversim frangitur, vel in plurima fragmenta, ossibus semper inter se aliqua ex parte coherentibus, numquam penitus disiunctis & dissolutis, ut in alijs ossibus. Si igitur fractura fuerit *καρυιδόν*, siue *αλφιδόν*, cavitas extrinsecus apparebit. Restituetur autem digitis in os inditis, & altera manu ossa contrectando. Nam interius tuberculum foras propelles, & altera manu ossa inæqualia complanabis. Si verò fractura fuerit transversa, quæ rara est, authore Hipp. ex eo dignoscetur, quod dens supra proximum dentem excedat: tunc antitarsi disiuncta ossa restitues, deinde dentes qui sunt ad fracturam, nō tantum binos, verum etiam plures inter se colligabis, donec ossa feruminata fuerint. Hippocrat. filo aureo utitur; cuius defectu vel filum sericeum, setaue equina usurpari poterit. Si verò fragmenta quædam maxillæ reponi nequeant, vossellis extrahuntur, facto prius vulnere; Cuius postea labia consuuntur. Si verò maxilla in mento fracta fuerit, qua scilicet parte ambo colligantur ossa, ambabus manibus inter se coaptari & dirigi debent. Vbi fracta ossa fuerint reposita, quod ex æqualitate dentium cognoscitur, convenienti

Filum aureum Hippocrat.

*Fasciatio-
nis modus.*

deligatur, in suo statu conseruari debet. Cel-
sus simplicem fasciationem proponit, Hippo-
crat, compositam, quæ duabus habenis coria-
ceis perficitur; quarum prima longitudinis est
trium digitorum, secunda paulò latior.

Prima habena à fractura incipit, inuncta prius
gummi ammoniaco, vt firmitus hæreat, & ab in-
feriori parte per mentum ad occiput conuolui-
tur. Secunda huic opposita à superiore parte
incipit, & per occiput deducta ad mentum
contorquetur, & in occipite terminatur iuxta
alterius extremum. Vtrasque deinde habenas
fascia per frontem, & occiput reuoluta conti-
net. At Paulus Ægin. aliam fasciationem pro-
ponit, & eam quidem simplicem, sed quæ mul-
tis reuolutionibus perficiatur. Ab aure nempe
ad mentum procedit, deinde versus occiput
progreditur, hinc per genas ad sinaput, & rur-
sus sub mento contorquetur, vt in occipite ter-
minetur.

DE CLAVICULA.

CAP. VII.

Clavicula acromio & sterno articulata
mouetur, qua parte iungitur sterno mani-
festius agitur, obscurius & ferè insensibiliter
cum acromio, quia scapulæ motionem sequi-
tur. Idcirco fractæ clauiculæ pars illa acromio
iuncta semper situm mutat in anteriorem vel
posteriore, superiorem vel inferiorem locum

conuersa, altera parte clauicula sēper immota.

Frangitur autem clauicula transuersim, vel in longitudinem. Transuersa facilè reducitur, altera difficilius propter ossium extantes eminentias. In omnibus fracturis restituendis antitassus opus est, si os super alterum excesserit: & si os deorsum descenderit, in extensione attolli debet; maxillæ supposito ligneo globulo, vel rotundo puluinari. Si in posteriorem partem clauicula delabatur, plana manu in anteriorem partem compellit Celsus. Hippocrat. hominem resupinat super scamnum, & dorso inter scapulas puluina subiicit, ut pectus quam maximè recuruetur antrorsum: Ministro etiam utitur, qui scapulam & brachium extendat, iubetque ut medicus plana manu comprimatur & propellat os. At si in anteriorem partem iugulum inclinatur, quod rarò accidit, numquam à chirurgis obseruatum, ne quidem ab Hippoc. In hoc casu iugulum retrò dandum est. Cum reposita & restituta fuerit clauicula, conuenienti deligatione utendum, qualem Celsus proponit, & sequutus est Ægineta. Alias profert Hippocrat. inutiles & valde incommodas ægro. Æqualem fasciationem reddet glomus axillæ subiectus. Atque ut fractura firmiter contineatur, triplices, vel quadruplices pannos supra imponere oportet, consilio Galeni, ut ipse declarat *com. ad partic. 1. libr. 3. de offic. med.* Si ossa quæ ferè sunt immobilia, franguntur, vel forantur, vel colliduntur, ut malæ, sternum, scapula, spina, coxarum os, talus, calx, manus, planta, carpus & metacarpium, plan-

*Panni multiplices cur
imponendi.*

ra pedis: Horum omnium eadem erit curatio (authore Celso.) Si effracta fuerint ossa & penitus separata, extrahenda sunt fragmenta ossis; si adhuc hæreant, relinquenda. Celsus nullo modo eximi voluit, quia callo glutinari posse credidit. Paulus in scapula separata fragmenta spinæ vossellis extrahit: at in coxis fragmenta ossis detrahare vetat, quia manu reduci & conformari possunt.

DE FRACTURA COSTARVM.

CAP. VIII.

Costæ veræ ubique & in omni parte franguntur; Spuriæ iuxta spinam, cum reliquo corpore sint cartilaginossæ. Costa autem vel tota rumpitur, vel interior tantum, aut exterior superficies effringitur, quæ vitia incidunt integrâ & inoffensa cute, vel contusâ. Si costæ sola externa superficies frangitur, manu facillè restituitur: tunc cibis vberioribus vtendum, vt quam plenissimus ventriculus costas fulciat, quas inedia suspendit, ait Hipp. Proinde vbi costæ rumpuntur, qui magis ventricosi sunt, minus dolent; quibus gracilis venter est. & contractus, maiore dolore torquentur, authore Galeno. Si interna costæ superficies fracta fuerit, dolor pungens acutissimus agrum diuexat, & difficillimè eiusmodi fractura reducitur. Quidam adhibent cucurbitulam exemplo Arabum, quam meritò damnavit Paulus, metu maioris inflammationis

*Cucurbitula an ad-
moenda.*

inflammationis. Alii emplastrum astringens, vel ipsummet viscum fractæ costæ imponunt, quod ubi tenacius adhæsit, violenter extrahunt. Quibus remediis si nihil proficitur, secto costæ intervallo spatula, vel meningophylace fractura reducetur, illæsam semper conseruando pleuram, quæ prius a costa separabitur. In hac fractura tenuis conuenit diæta, propter metum inflammationis. Vbi tota costa transuersim abrumpitur, si fractura simplex fuerit sine cutis contusione, celerrimè curatur, & sine periculo. At ubi coniuncta est cutis contusio, non vacat periculo. & sæpissimè sola contusio sine fractura periculosior est. Costa transuersim effracta antitaxi reponitur. Si febris absit deterior est inedia, quam cibus. In contusione tenuem & exquisitum victum consulit Hipp. venæ sectionem, quam Celsus è directo partis affectæ facit, contra morem Arabum quinetiam leuem purgationem imperat, quæ non moueat, sed molliat tantum alium. Pus vero in affecta parte iam factum maturè euacuandum, ne in thoracis capacitatem effluat. Et si vitiata appareat costa ferramento candente inurenda est. Fasciatio communis esse debet dumtaxat ad conseruanda & continenda medicamenta. Duabus vtitur Celsus, quas vulnere seu parti affectæ medias inijcit, ne cutis in alterutram partem inclinet. Hipp. primam fasciam a parte affecta circumducit; Secundam vulnere mediam inijcit.

*Fasciatio-
nis modus.*

DE SPINAE FRACTURA.

CAP. IX.

Vertebrae raro franguntur, frequentius colliduntur. Periculosa est fractura, quam paralytis membrorum sequitur; si non succedat, sperabilis curatio. Quare si spina recta & postica vertebrae penitus effracta fuerit, locus quidem concavus apparet, punctiones in eo sentiuntur, quia necesse est ea fragmenta spinosa esse, quod fit cum homo in anteriorem partem subinde nititur. Quia dum incuruatur spina, cutis distenditur, quae spinosa fragmenta comprimit; & ab ijs vicissim compuncta acutissimum dolorem percipit. Tum incisa cute fragmentum eximere oportet, quod Celsus non ausus est extrahere, quia eiusmodi fragmenta posse consolidari & reuniri putavit. Topica remedia eadem conveniunt, quae in alijs fracturis exposita sunt. Deligatio communis, quae medicamenta & pannos complectatur, sufficit.

*Fragmentum
an exi-
mendum.*

DE FRACTI HUMERI CV-
ratione.

CAP. X.

FRACTVS humerus vel in suo loco consistit, vel vnum extremum super alterum

effertur; tunc extensione opus est, quæ eo habitu fieri debet, quo humerum postea conseruare volueris. Naturalis autem situs humeri est, si cubitus cum humero rectum angulum constituat, in quo manu quoque ad pedus apposita, humeri antitalis deorsum facienda. Ad eam Hipp. machinamentis operosis vtitur, vt videre est *lib. de articul.* Soranus duorum ministrorum in diuersa trahentium auxilio antitalim perficiebat; vel si valentius esset membrum, ex vtraque fracturæ parte iniectis loris violenter extendebat. Galenus eo modo fractum humerum restituebat. Celsus elegãtem operationem proponit, à nullo adhuc obseruatam. Aegrum alto sedili collocat, medicum humiliori aduersum. Hip. verò medicum stare iubet, & nescio qua ratione recentiores quidam Chirurghi aegrum voluerint humiliori sedili inniti. Tribus autem vtitur fasciis Celsus, quarum prima cubitum amplexa, ex ceruice instar mitellæ cubitum sustinet, altera fascia supra caput humeri religatur, à ministro retro stante sursum trahitur, sub ea fascia porrecto cubito. Altera verò manu baculum tenet, inter femora ægri demissum, cui minister firmatur. Tertia fascia longissima per medium imo humero reuincta deorsum demittitur, extremis siue capitibus inter seiunctis: Super eam instar stapedis plantam pedis inijcit medicus, simulque minister suam fasciam sursum eleuat. Medicus eodem tempore suam pede deprimat, quò fit vt leuiter extensus humerus facile manu reducatur. Vbi

Modus operandi Celsi.

conformatus est humerus, Hip. communi vti-
tur deligatione. Celsus aliam proponit, quam
Paulus retinuit, ea tamen propriè conuenit in
fractura summi humeri.

DE CVBITI, SIVE BRACHII
fracti curatione.

CAP. XI.

*Radius fra-
ctura cura-
tu facilior.*

Cubitus duobus constat ossibus, quorum
alterutrum frāgitur, vel vtrumque simul.
Amborum ossium pessima fractura est, alteru-
trius tolerabilis, & melior si radius fractus fue-
rit, quia facilius curatur, cum subiectum habeat
cubitus vice fundamenti, in quo plus opis est,
quam in fascijs ferulisque. (inquit Celsus.) Si
vnicum os frangatur, hoc solum extenditur: si
vtrumque, violenta extensione opus est; quæ
manu, corijsuè iniectis perficietur. Os exten-
sum manu dirigetur, & conformabitur, postea
communi deligatura vincietur. Commodissimè
autem mitella exceptus cubitus ex ceruice sus-
penditur, in ea figura, quæ rectum angulum re-
ferat in cubiti curuatura. Præterea diligenter
notandum, vt cubiti pars inferior altera sit al-
tior, ne humores in manum, locum incapa-
cem multis humoribus continendis, decum-
bant.

DE MANVS FRACTVRA.

CAP. XII.

MAnus extrema tribus constat partibus, Carpo, Metacarpio, & Phalange digitorum. Cuiusque partis ossa frangi possunt, potissimum ea quæ metacarpium & digitos componunt: quia caua & medullosa. Carpi verò ossa solida sunt, propterea magis cōtusionem quàm fracturam patiuntur.

Fractorum ossium in manu communis est *Curatio.* curatio; æger manum pronam super tabulam collocabit, quā Medicus ambabus manibus comprimet, ut extans os in suum locum reducatur. Prius tamen extendet digitum si opus fuerit; deinde admovebit catagmatica medicamenta, quæ apta & arcta deligatura comprehēdet, quia celerrime callus nascitur, qui partem tumidiorē reddit. At in digitis fractis, excepto pollice, ligatura duos simul comprehendet, ut unus alteri opem ferat: ea tamen cautione ut aliquantulum flexi digiti contineantur, interposito rotundo splenio, ne sua priuentur actione, quæ apprehensio est. Albucasis fracti metacarpi curationem particularem proponit, quam apud eum Authorem videre licet, satis sit locum indicasse. Hippocrates *lib. 7. epid.* Historiam cuiusdam nautæ recitat, cui ob fracturam medij digiti exortæ inflammationi gangræna successit, tandemque ipsa opisthotono correptus interiit.

De fractura femoris.

CAP. XIII.

An fra-
ctū femur
breuius se-
per fiat.

Claudica-
tio quomo-
do impe-
dienda.

QUātum fracti Femoris cognitio facilis est, tantumdem curatio difficilis existit: quæ tamen perfecta sperari potest, si nulla fortunæ negligentia accesserit, ideòque falsa mihi videtur opinio Celsi, affirmantis cōtra mentem Hippocratis, femur fractum fieri breuius, quia nunquam in antiquum statum reuertitur, summiſque digitis postea cruris eius insisti. Quod etiam imprudenter dictum fuit ab Auicenna, ratò hominem ab hac fractura euadere sine perpetua claudicatione. Ad curandam Femoris fracturam forti & valida opus est extensione, quia ferè semper ossis portio alteri supereminet, quæ in eo situ coercetur à musculis conuulsis, qui in ea parte maximi sunt. Extensio peragetur vel loris iniectis circa extrema, vel glossocomio mechanico Hippocratis, vel eo instrumento quod Paræus excogitauit. Meminerit Chirurgus priusquam operi se accingat, femur anteriore & exteriore parte gibbum esse, interiore & posteriore curuum, vt ad eam figurā femur reducat, ne vlla superueniat claudicatio. Reductū femur apta & conuenienti ligatura vinciendum erit, qualem accuratè descripsit Hippocrates, sed à nostris Chirurgis hodie non obseruatur. Potior mihi videtur ea quam proponit Albucasis. Alij reductum femur in Solenam immittunt. Alij præferunt Glossocomium. Galenus tamen cum

Hippocrate laudat Solenam, canalem eum qui à pede ad coxam protenditur, quem etiam Lanfrancus & Vesalius approbarunt.

De patella fractura.

CAP. XIII.

Patella rarò frangitur, frequentius contunditur ac conteritur. Sed si eam frangi contingat, quod cognosces ex anterioris genu cavitae, aequae distantia extremorum, disiunctas partes inuicè coaptabis & conuenienti ligatura continebis, quæ consimilis & prorsus eadem eadem erit ut in tibia. Cavitatem verò poplitis spleniis rotundis implebis, quæ genu curuaturam impediant.

De cruris seu tibia fractura.

CAP. XV.

Cruis structura respondet cubito, Ut hic duobus construitur ossibus, sic crus totidem componitur. Vniustamen ossis, nempe tibiæ fractura periculosior & curatu difficilior existit, ex Hippocrate, quia crassior & vice fundamenti totum corpus sustentat. Cum sola tibia frangitur, interiora versus inclinatur: si perone dumtaxat effringitur, extrorsum vergit, quia repellitur à tibia. At si os vtrumque sectum fuerit,

Tibia fractura cur periculosa.

Oo iiij

in curatione eo modo procedendum vt in cubito. Extensio fiet loris adhibitis vel manibus, maior erit si vtrumque ruptum fuerit, minor si alterutrum. Reducta ossa canali includit Hippocrates, quem sequutus est Celsus. Albucasis differentem canalem profert, cuius structuram ex authore requires, satis est digitum ad fontem intendisse.

De fractura astragali.

C A P. XVI.

Astragalus non omnino frangitur, quia vndique ab ossibus eminentibus munitus est, reliqua verò ossa pedis fracturis sunt obnoxia: calcaneum tamen propter duritiem non facile fracturam patitur. Curatio astragali difficilis est, authore Auicenna, ratione inflammationis, quæ sæpissimè eam fracturam comitari solet. Quam primum ergo illius generationē præuertes, frequenti venæ sectione, atque iis remediis quæ phlegmonem arcere dicuntur. Hac sublata æger pedem suum terræ defigat, cui suum pedem supraponet Chirurgus. forritèrque comprimendo fracturam reducet. Non probat Vesalius reliquam curationem ab Albucasi traditam, & mitigantia remedia præfert deficcantibus, metu inflammationis.

FINIS.



INDEX RERVM
IN ARTIS
BENEMEDENDI,
METHODVM
PARTICVLAREM.

A



BDOMINIS vulnorum signa	
604. curatio.	605
Abortus causa, curatio.	400
Alsinthium ad hepar frigidum.	264
Acetum dentibus an conueniat	155. an
gingiuis	157. cur odorandum in syncope offertur.
217	
Acrochordon quid.	471
Actio omnis tribus modis laeditur.	24
Aegilops qui non attingendus.	522
Aeris vis in morbis pulmonum.	184
Agaricus etiam ad motus pituitam trahit.	30
Alopecia curatio 458. à lue venerea.	459
Alui officium 335. alui fluxuum differentia 335. cau-	
sa.	336
Amaurosis quid 118. curatio.	126
Amblyopia quid.	122

INDEX RERVM.

<i>Ambra grisea in epilepsia.</i>	86
<i>Ambustorum curatio.</i>	454
<i>Ammoniacum ad obstructionem lienis.</i>	286
<i>Amygdalarum inflamarum curatio.</i>	162
<i>Amygdalata phthisicis conuenientissima.</i>	186
<i>Anacardina confectio ad lesam memoriam.</i>	58
<i>Anagallidis succus ad suffusionem incipientem.</i>	113
<i>Anchylopi curandi scopi.</i>	502
<i>Aneurisma quid 534. aneurismatis curatio.</i>	ibid.
<i>Ani fistula quæ incurabilis.</i>	523
<i>Anodyna trium generum 34. 66. anodynorum usus in oculorum doloribus 128. aurium 140. thoracis 207. in vulnere.</i>	530
<i>Aphtharum curatio.</i>	161
<i>Apoplexia discrimen à caro 61. definitio, signa 74.</i>	
<i>Apoplexia qui obnoxij 75. an cõueniat phobotomia. 76</i>	
<i>Apozema in morbo contumaci 27. hepaticum purgans. 265.</i>	
<i>Appetitus naturalis quid 228. animalis ibid. appeti- tum excitantia.</i>	226
<i>Aqua ex sanguine humano.</i>	185
<i>Aqua cassia.</i>	351
<i>Aqua theriacalis in paralyfi.</i>	71
<i>Aqua frigida affusio an in conuulsione usurpanda 181. potio in siti ubi concedenda.</i>	234
<i>Aquarum mineralium usus ut prescribendus.</i>	403
<i>Aristolochia vis in ossium squamis educendis.</i>	596
<i>Aromata an cerebro noxia.</i>	37
<i>Arteria vulnerata curatio.</i>	532
<i>Arteria trachia exasperata curatio 206. ulcerata. 187</i>	
<i>Arthritidis differentia, causa 429. prophylaxis 430. curatio.</i>	431
<i>Asthmatis causa, curatio 181. 201. & seqq. Asthma</i>	

INDEX RERVM.

- est morbus periodicus* 201. *an omne asthma sit frigidus affectus.* 204.
- Atonia hepatis causa, effectus.* 261. 262
- Aura venenata aliquando causa conuulsionis* 82. *ut & insultus epileptici.* 87
- Aureum unguentum sarcoticum eximium.* 527
- Auriginis causa* 279. *curatio* 280. *aurigo qua critica.* 281.
- Aurium affectus* 131. *inflammationis signa* 133. *an repellentibus locus* 133. *doloris remedia.* 139
- Aurium humiditas in pueris bona.* 140
- Auster cur auditum ledit.* 136

B

- B** *Albutiei causa, curatio.* 173. 174
- B** *Balnei aqua tepentis vsus* 40. 45. 50. *in stranguria,* 318
- Barbotina quid.* 325
- Bilis in cerebro signa,* 43
- Bronchocela qui obnoxij.* 501
- Bubonis maligni curatio.* 490

C

- C** *Achexia an conueniat phlebotomia.* 273
- C** *Casarea sectio quid.* 414
- Calculi renum causa* 292. *prophylactica* 293. *presentis signa* 295. *curatio.* 299. *& seqq.*
- Calculi vesica signa.* 309
- Calendula oculis specifica.* 126
- Cancris signa* 504. *causa, differentia, curatio.* 509
- Canitiei signa* 504. *causa, differentia, curatio.* 509
- Cantharides cur sumi debent integra.* 316
- Capitis morborum diuisio.* 20
- Caput non scirr bescit.* 22
- Capitis morbi curabiles ibid, capitis affectibus chyste-*

INDEX RERVM.

res quantum utiles 29. quando phlebotomia	ibid.
sectio venarum temporalium.	34
Capitis dolorum curatio 67. & seqq. prognosis.	69
Capitis vulnere differentia.	538
Carbunculi curatio.	491
Cardiaca remedia 212. quanto ex usu.	213
Cardiogni causa.	236. & seq.
Carus quid 59. causa 60. 61. cari cum apoplexia affi-	60 61
nitas.	
Cassia etiam in gargarismo in angina adhibita.	167
Cassia aqua pro aluo adstricta.	351
Castorei vires in convulsione 80. 257. in epilepsia.	87
Catalepticorum historia.	78
Cataplasma anodynum in oculorum dolore.	128
Cataracta differentia, signa, curatio. 112. 113. cataracta	
matura qua.	114
Catarrhorum causa 94. 95. quanam intemperies 96.	
catarrhi calidi signa, curatio 97. frigidi	ibid.
Cathartica in polypo.	145
Cathartica ad varios humores & variarum forma-	
rum 26. 27. in cathartico considerata 26. cathar-	
ticorum fortium noxa 50. 220. 269. in eorum usu	
Veteres erant audaciores.	204
Catoche quid.	77
Cautery utilitas in capitis affectibus 33. 42. in catar-	
rho 99. in morbis oculorum 105. 118. in surditate	
137. in ischiadico dolore.	438
Cephalaea alue Venerea curatio.	69
Ceratum de euphorbio.	41
Cerebri actiones quot modis laedantur 24. cerebri tu-	
morum causa 43. cerebri via varia ad fluxionem	
94. 95. cerebrum siccantia & roborantia.	147
Chalybis limatura in obstructionibus.	290

INDEX RERVM.

Chemosis quid.	119
Chirurgia Medicina pars antiquissima 440. Chirurgia subiectum 441. Chirurgia operatio in polypo. 148. in empyemate.	199
Cholera morbi differentia 252. in cholera phlebotomia cur celebranda.	254
Chylaseos optima conditiones.	239
Clysterum utilitas in morbis capitis.	29
Coctionis lesa differentia 240. causa	ibid.
Cœliaci fluxus signa, curatio.	322. 348
Cotus impotentes qui.	368
Colici doloris causa, curatio.	349
Colliquatini fluoris causa, curatio.	231
Color quis oculos inuet.	127
Collyria ad affectus oculorum 107. 108. de plumbo ad ulcera oculorum.	120
Coma quid.	59
Conceptum impediencia.	399
Concipere an possit mulier ante fluxum menstruorum.	397
Concupiscentia sedes.	222
Concussionis cerebri signa.	594
Contusio an fractura species 589. contusionis curatio. 529.	
Convulsionis definitio 79. differentia 79. curatio 80. an frigida affusio usurpanda 81. convulsionis per sympathiam curatio.	82
Cor sol animantis 210. cordis affectus 211. abscessum quidem patitur, sed insanabilem 211. cordis vulnerati signa.	601
Corneæ vlcus an sanabile.	121
Coryza curatio.	147
Cranij fracti differentia 591. signa.	599
Crocus anima pulmonis.	179

INDEX RERVM

Cucupha vsus in capitis morbis frigidis.	37
Cucurbitula scapulis non admoenda in metu paraly- seos 33. sicca in paralyfi 73. in vomitu.	249
Cutis affectus.	442. & seqq.
Cystis fellis obstructio.	263

D

D Ecoctum sudorificum in lingua relaxatione 159.	
Decubitus modus in destillatione.	100
Dentium morbi 152. doloris dentium causa 154. cura- tio.	154. & seqq.
Depressionis caluaria differentia.	591
Diabetes quid.	306
Diacodij vsus ad sistendum catarrhum	572. 280.
Diagrediata sunt infensa cordi 220 diagrediatorum noxa.	169. 300.
Diamorum singulare in oris ulceribus.	161
Diaphragmatis inflammatio.	196
Diarrhoea an semper periculosa in pleuritide 192. diarrhoeae differentia 335. definitio 338. & seqq. curatio.	340
Diasulphur ad asthma.	182
Diuretica in hydropse 271. diureticorum differentia 292. cur noxia inflammatis renibus 300. quando ex vsu.	301
Doloris species quid indicet 23. dolorem sedantia 34. 35. doloris causa 65. dolorum capitis differentia 66. 206. curatio.	ibid.
Dropax ad frigidos affectus cerebri 38. in paralyfi. 81.	
Dysenteria cruenta differentia, curatio 342. dysen- teria exquisita causa ibid. curatio.	344
Dysenteria an conueniat phlebotomia.	337. 348

INDEX RERVM.

E

- E** Laterium quid. 277
Electuaria purgantia bilem, pituitam, melancholiam. 26
 Embrocatio quid. 35
 Emplastri de Vigo. vis in cephalaa 69. in surditate 137. ex pice contra vomitum. 250
 Empyema quid 197. signa 198. in empyemate quando aperiendus thorax. 199
 Encanthis quid. 108
 Ephelidis curatio 465. prognos. 85
 Epilepsia causa 84. signa diagnostica 85. curatio ibid. vena, & qualis, sectio conueniat. 86
 Epiphora quid 125. epiphore curatio. 129
 Epulidis curatio. 158
 Epulotica. 515
 Errhinum ad pituitam in cerebro 30. ad melancholiam ibid. vertigini & epilepsia non commodum 31. nec affectibus cerebri calidis ibid. an conueniat in oculorum morbis. 105
 Erysipelatis à phlegmone discrimen 496. curatio 491. an in erysipellate mittendus sanguis. 45
 Euphrasia vinum oculis confert 106. aqua 108.
 Excrementorum proventus necessitas. 334
 Excreta & retenta quantum conferant morbis generandis. 106

F

- F**asciatio in fracturis. 612. & seqq.
Famelici ad singultum qui 218. 231. famelici conualescentes ut curandi. 231
 Fames quid 228. famis morbose cause, curatio 230. canina. 231
 Fasciationis modus in costarum fractura. 733

INDEX RERVM.

Fatuitatis curatio.	46
Fancium Ulcera ut curanda.	169
Femur fractum an breuius semper fiat.	738
Fernelij opinio de arthritide conuellitur.	410
Ficorum in facie curatio 464. in ano.	473
Ficus infuse in aqua vita ad asthma.	203
Fistula lacrymalis.	503. 521
Fistularum differentia, curatio.	510
Flatus causa.	247
Fluor albus an corruptam arguat.	420
Fluxionum à cerebro Vig 94. in fluxionibus attendenda.	106
Fluxuum aluinarum differentie 335. longorum cause 338. colliquatui.	231
Fenugreci utilitas in chemosi.	119
Fœtoris oris curatio.	175
Fœtus mortui remedia.	413
Fotui capitis ubi locus 36. thoracis.	207
Fractura cranij cause 592. signa diagnostica ibid. & seqq.	
Fracture definitio 607 fracturarum differentia 608. signa diagnostica 609. generalis curatio.	611
Friktionibus capitis quomodo utendum.	36
Frontalia in capitis affectibus 35. 45. adstringens in fluxione à pericranio.	105. 106
Fucos an liceat medico prescribere.	462
Furoris uterini causa, curatio.	411

G

Alli decrepitius laxatiuum.	180. 189. 192.
Ganglij curatio.	1499
Gangrene causa, signa 493. curatio.	494
Gargareonis inflammati curatio.	163. 164
Glancoma quid.	126
Gonorrhœe	

INDEX RERUM.

Gonorrhœa simplicis curatio 373. virulenta.	375.
Graminis aqua ad renes obstructos.	294
Grauidarum symptomata.	400
Guaiaeci decoctum in sterilitate 137. in ulcere thora-	
cicis.	604
Gula obstructio 224. paralysis.	226
Gustus depravatio unde 171. curatio.	174
Gutta rosacea curatio.	466

H.

H æmoptois interdum critica 208. symptomati-	
ca curatio.	208
Hæmorrhoidum differentia 355. curatio.	356. 474
Hæmorrhoides an sisti debeant.	357. 474.
Hæmorrhoids vteri.	417
Hæctica febris cur ulceri pulmonum conjuncta.	183
Hepaticorum signa 262. curatio.	271
Hepatis ferendi effectus 260. curatio 263. frigidi 261.	
curatio 264. atonia causa 261. obstructi 262. cura-	
tio 265. inflammati 267. curatio.	256
Hæma differentia.	226. 366.
Hæpetis causa 492. curatio.	493
Hæstoria catalepticorum 78. 79. ulcerati ventriculi	
morini ex abscessu hepatis.	265
Hæmori vulnus quod periculosius.	600
Hæmagoga.	277
Hæmargyrosi tremoris succedentis curatio	90
Hædropici cur singulosi.	233
Hædropis differentia 273. prognos 274. curatio. 273	
Hæpochondriaca melancholia signa, curatio.	50
Hæssopi coma ad oculum sugillatum.	111
Hæsterica suffocationis curatio.	383

Pp

INDEX RERVM.

I.

I cteri flauī causa 279. curatio 280. nigri.	289
Ilectigationis causa 92. curatio.	93
Ieiunium grauidis nocuum.	401
Ignis omnia venena domat.	82
Ilei signa.	333
Imaginationis lāsio.	54
Impetiginis curatio.	450
Inappetentia causa 228. curatio.	229
Incubi cause, curatio.	57
Infantes aures humidās & caput scabiosum habere bonum.	140
Infecundi qui.	368
Inguinis abscessus ab hepate vulnerato.	606
Intemperies quāuis imbecillitatem parit.	241. 261
Intercostalium musculorum inflammatorum signa.	195
Intestinorum morbi.	320
Ischiadici doloris curatio.	436
Iuuantia & ladentia morbi speciem indicant.	23

L.

L ac nutritici suppeditantia 426. à mammis repellentia 428. lactis defectus causa.	426
Lac an dysenterię conueniat.	344
Lactis asinini vis in pulmone calido 179. in ulcerato 185. in renibus calidioribus 292. obstructios 295. in arthritidis præcautione.	431
Lactis caprilli vsus in tremore.	92
Lentiginum curatio.	463
Lepra quid.	448
Lethargi curatio 59. prognos.	61
Lichenis curatio.	450
Lien cur causa risus 282. lienis cum fisco comparatio 282. obstructi curatio 285. inflammati 286. inflati	

INDEX RERVM.

287. scirrhusi.	ibid.
Lienosi qui.	282
Ligatura quando locus in vena vel arteria vulne- rata.	534
Lingua morbi 158. resolutionis lingua causa 158. cu- ratio 159. asperitatis lingua curatio.	162
Lipothymia causa.	211
Lithonrypticorum abusus.	299
Looch in ulcere aspera arteria.	187
M.	
M agnetis usus in hernia.	328
Mammarum phlegmone 423. scirrhus.	425
Mania causa, curatio.	53
Mariscarum curatio.	474
Masticatoria.	32
Mediastini inflammati signa.	194
Medicus an operari debeat.	440
Medico an liceat fucos praescribere.	46
Melancholia morbi causa 48. species.	49
Melancholici humoris symptomata.	288. 289
Melancholicorum absurda imaginationes.	24. 25
Melancholici cur timidi.	52
Memoria laeso unde 25. 57. curatio.	ibid.
Mensium suppressorum causa 409. curatio 409. an saphana semper aperienda	410
Mensium immoderatorum curatio 415. depravato- rum.	419
Menstrui stillicidij causa.	417
Meretrices cur non facile concipiunt.	395
Mesenterium cur facile obstruitur 258. abscessus in mesenterio signa.	259
Messala Corvinus proprium nomen oblitus est.	25
Metallica ustione & lotionem mordacitatem depo-	

Pp q

INDEX RERVM.

*de Meientib
in lecto.
319.*

nunt.	110
Metallicarum aquarum in usu diorismi.	402
Mictus sanguinis causa 305. mictus urina involun- tarij 314. curatio.	318
Millepedes specifici ad asthma.	182
Mola quid 391. signa, curatio.	392
Morbi ferè omnes ab excretorum retentorumque vi- tio.	100
Mulieres imperforatę quę.	387
Mutis restituta loquela.	173
Myopes qui 123. myopia curatio.	127
Myrmeciarum curatio.	472

N.

N Arcoticorum usus & cautio 62. effectus 65. 68. quando usurpanda in aurium dolori- bus 140. in hamorrhagia 150. in dolore den- tium 156. in cholera morbo 253. in singultu 257. in arthritide 433. in phlegmone.	488
Narium morbi & symptomata 142. narium fracturę curatio.	614
Nares humida quid indicent.	143
Nauigantes cur vomere soliti.	241
Nervalia remedia.	92. 535. & seq.
Nictatio oculi.	125
Nyctalopes qui	123

O.

O Bstructiones tollentia 17. in auribus 132. 137. in iecore 262. in liene 285. in renibus.	292
Oculi nictatio quid.	125
Oculos ludentia 101. oculorum morbi 102. & seqq. curatio 104. errhina an conueniant 105. oculorum eriuorem exugentia 111. 112. Ulceris oculi curatio.	120.

INDEX RERVM.

Oculos recreantia. 127. oculorum dolorem mitigantia.	128
Odoratus symptomata.	147
Odores qui male discernunt.	143
Oedematis curatio.	494
Olea chymica calida in apoplexia. 76. in dolore dentium.	156
Olei de sulphure usus in tremore à lue venerea. 90	
scorpionum in calculo vesicae.	310
Ophthalmia signa.	118
Opij dosis.	150
Oris in ulceribus di amorum singulare.	161
Oris foetentis curatio.	175
Orthopnea.	204
Ostracosa ulcera qua.	515
Oxyeratum cur sitim pra aqua magis sedat.	233
Oxyrhodini compositio & usus in morbis capitis. 34. 35	

P.

P Alpebrarum morbi.	475
Palpitatio quid. 219. palpitationis differentia	
ibid. curatio. 320. prognos.	121
Paracentesi in hydropo ubi locus.	276
Paralyseos differentia 70. causa ibid. an fiat à bile 71.	
prognosis 70. curatio 72. an mittendus sanguis	72
Paralysis colico dolori succedens.	73
Paronichia an conueniant repellentia.	487
Paroxysmus in morbis periodicis praueeniendus.	69
Paroxysmi epileptici curatio. 87. quando à vermib. &	
aura venenata. ibid. asthmatici.	202
Partus difficultas. 404. partum facilitantia. ibid.	
Parulidis curatio.	157
Pedicularis morbi curatio.	470

Pp iij

INDEX RERVM.

Penis ulceris curatio. 361. obstructi.	362
Peripneumonia signa, causa. 188. curatio.	189
Phlebotomia an conueniat in apoplexia.	79
Phlegmones causa. 483. curatio.	484. & seqq.
Phtisis causa, signa, curatio.	183. & seqq.
Phtisi qui obnoxij 186. phtisis prophylactica.	ibid.
Phygethli curatio.	485
Pica seu malacia causa. 27. curatio.	231
Pilorum generationem prohibentia.	460
Pilos denigrantia.	462
Pilula ad bilem, pituitam, melancholiam.	26
Pituita in cerebro signa.	43
Pleuritidis signa, causa. 188. prognosibid. in pleur-	
tide qua vena secanda 190. purgatio an conueniat	
191. topica 192. pleuritica.	193
Pollutionis nocturna curatio.	376
Porriginis curatio.	455
Pruritus causa, curatio.	446
Psora quid.	448
Pueri cur epilepsia obnoxij.	84
Pueros aures humidas habere, bonum.	140
Pulmonum affectus 177. pulmonis calidioris curatio	
178. frigidioris 179. pulmonis obstructi signa, cu-	
ratio 181. ulcerati 183. & seqq. vulnerati signa	
601. pulmonis hydrops.	100
Pupilla dilatatio.	116
Pus & πυώδες quid differant.	198
Pus exurgentia ab oculo.	112
Pus mouentia.	489
Pustularum species.	444
R atio sine discursus qui & quibus leditur.	24
Adij fractura curatio.	624

INDEX RERVM.

Raucedinis causa	170. curatio.	171
Renum affectus	291. calidiorum. ibid. curatio 291. inflammatorum 300. ulceratorum signa.	303
Repellentibus an locus in phlegmone	484. 486. in aurium phlegmone 433. in paronichia 487. in œdemate.	494
Resoluentia in phlegmone	486. in œdemate 494. in abscessu pituitoso.	498
Respirationis organa.		201
Rhabarbarum calidum siccum ad tertium gradum.		263
Rhyados curatio.		109
Ructuum differentia, curatio.		258
S.		
Sabine oleum ad cephalæam.		69
Sacculus pro frictione capitis.		36
Salinationis immodica causa.		174
Sanguinis sereatus curatio	175. dignotio à qua parte fluat 208. sanguinis mictus curatio 303. sanguinem inspissantia.	416
Saracocle quid.		359
Saxra mulieres qua	364. Scabiei curatio.	448
Serrhi signa	503. curatio.	504
Scorpio inuentus in cerebro.		89
Scroti morbi.		366
Secundinam excludentia.		412
Seçtio casarea ubi cauenda.		414
Semen generantia.		370
Seminum concordia ad conceptionem.		396
Sensus partis quid indicet.		515
Seri à renibus non attracti symptomata.		304
Sinapismus in paralyfi.		52
Singultus à vomitu discrimen	247. singultus causa, differentia 255. curatio.	256
Scabies		448.

INDEX RERVM.

Sitis naturalis causa. 232. morbosa. ibid. curatio. ibid.	
Sitim cur somnus sedat.	233
Somnifera remedia.	61. 62
Somnus quid 58. an conferat catarrho.	99. 100
Somnus an surditati conueniat.	136
Spasmi cynici à paralyfi discrimen. 83. curatio. ibid.	
Species morbi à genere distinguenda.	19
Spumosis sanguinis causa.	208
Sputi celeritas pleuritidem breuiterminat.	189
Staphys agria specifica contra pediculos.	470
Sterilitatis virilis causa. 369. muliebri 395. curatio. 398	
Sterilitatem non inducit chalybis limatura.	290
Sternutatio bonum signum in mala causa. 88. incommoda in morbis pulmonum. 89. commoda in trinitu aurium.	139
Sternutationis curatio.	88
Stomachi affectus.	226
Stomachus cur sensus exquisiti.	236
Strabismus quid.	117
Stranguria causa, curatio.	317
Strumarum curatio 505. struma externa arguunt internas 506. strumarum & glandularum discrimen. 508	
Stuporis curatio.	63
Suffitus probatus Aetio ad obstructos pulmones.	203
Sufflones Chymici ab exsiccatione pulmonum ut plurimum pereunt.	178
Suffusionis differentia & nota.	112
Sugillatio quid.	111
Sulphuris flores ad asthma.	182
Suppuratio quid.	489

INDEX RERVM.

<i>Surditatis causa</i> 135. <i>curatio.</i>	136
<i>Syncope quid</i> 215. <i>differentia à lipothymia</i> 215. <i>curatio.</i>	216
<i>Syrupus magistralis in morbo contumaci</i> 28. <i>bechicus</i>	180. <i>syrupi incidentes bechici.</i>
	181
T.	
T <i>Abes quid.</i>	183
<i>Tactus diu aboleri non potest.</i>	63
<i>Talpa quid.</i>	502
<i>Temperamentum agri quid indicet.</i>	24
<i>Temporalium venarum sectioni quando locus.</i>	34
<i>Tentiginis causa.</i>	364
<i>Terebinthina singularis ad omnes obstructions</i> 182.	
<i>venum.</i> 294. <i>in arthritide.</i>	434
<i>Terebinthina nervis amica.</i>	535
<i>Terebinthina varia præparatio in gonorrhœa.</i>	375
<i>Testium morbi</i> 358. <i>phlegmones curatio.</i>	360
<i>Theriaca usus in epileptico paroxysmo</i> 87. <i>contra ver-</i>	
<i>mes.</i>	324
<i>Thoracis abscessus primarij minus periculosi</i> 198. <i>tho-</i>	
<i>rax quando aperiendus in empyemate</i> 199. <i>thoracis</i>	
<i>dolores vari</i> 206. <i>eorum causa</i> 207. <i>quomodo di-</i>	
<i>gnoscente ibid. thoracis vulnorum prognosis</i> 601.	
<i>curatio.</i>	602
<i>Thymorum differentia</i> 365. <i>curatio.</i>	472
<i>Tinnitus aurium causa</i> 137. <i>curatio.</i>	138
<i>Tonsillarum morbi</i> 162. <i>curatio.</i>	ibid.
<i>Topica in capitis affectibus</i> 34. <i>ubi adhibenda in con-</i>	
<i>uulsione</i> 82. <i>in spasmo cynico.</i>	ibid.
<i>Toti prius, quàm parti prospiciendum.</i>	105
<i>Trauli qui.</i>	170. 174
<i>Tremoris causa, curatio</i> 90. <i>ubi à lue venerea.</i>	ibid.
<i>Trepano an & quando locus in capitis affectibus</i> 33. <i>tre-</i>	

INDEX RERVM.

pani celebrandi causa 596. locus 597. operationis
modus. ibid.

Tumorum differentia. 483

Turce syncopticis vinum alias interdictum exhibent.
216.

Tussis quid 205. differentia, causa ibid. curatio. 206

Tussis vulpina quid. 861

Tutbia oculos exsiccat. 081

V.

Vena qua secunda in pleuritide 190. vena vul-
nerata curatio. 532

Veneno obfistentia. 81. 218

Veneris impotentia causa 368. & seq. curatio 370. ve-
nerem irritantia. ibid. & seq.

Ventriculi affectus 239. intemperiei calida curatio
241. frigida ibid. topica ubi applicanda 241. &

242. humida signa, curatio 244. sicce ibid. Ulce-
ris 245. emphysematis. 247

Vermes aliquando causa insultus epileptici 87. car-
diogni 237. finis generationis vermium 323. diffe-
rentia, signa 323. curatio. 324

Verrucarum curatio. 471

Verriginis causa 54. curatio ibid. differentia. 55

Vesicatorij usus in morbis cerebri frigidis 38. an con-
ueniat in destillatione calida 98. in epiphora. 129

Vesica munia 323. morbi 309. calculi signa ibid. cura-
tio 310. inflammatio 312. Ulcus. ibid.

Veterum differentia. 59

Vigilia causa 59. curatio. 61

Vini euphrasia usus in oculorum affectibus 100. al Ke-
Kengi in obstructione renum. 292. 295

Vinum quando concedendum in paralyfi 73. cur no-
xium in catarrho 99. cur tam cardiacum 217. ar-

INDEX RERV M.

<i>thriticis quantum noxium.</i>	435
<i>Vires oppressa quomodo distinguantur à languidis.</i>	118
<i>Visus quot modis leditur 122. & seqq. visum la-</i>	
<i>dentia.</i>	127
<i>Visorij spiritus conditiones.</i>	123
<i>Vitiliginis curatio.</i>	467
<i>Ulcera definitio 511. ulcerum differentia ibid. pro-</i>	
<i>gnostica 513. simplicis curatio 514. dyssepulori.</i>	515
<i>Ulcera mundificati signa.</i>	503
<i>Umbilici prominentia.</i>	488
<i>Unguium morbi.</i>	481
<i>Voluuli curatio.</i>	330
<i>Vomitus à singultu discrimen 247. vomitus utilitas</i>	
<i>248. in prophylaxi calculi.</i>	294
<i>Vomitus critici signa.</i>	ibid.
<i>Vomitui an conueniat phlebotomia.</i>	250
<i>Vomitus sanguinis unde 251. curatio.</i>	252
<i>Vteri sicci signum à labris.</i>	364
<i>Vteri morbi 377. 386. uterum refrigerantia 378. cale-</i>	
<i>facientia 379. exsiccantia.</i>	420
<i>Vteri prolapsus causa, curatio 380. suffocationis 383.</i>	
<i>& seqq. clausura 388. inflammationis 385. scirrhi</i>	
<i>& canceri 390. ulceris.</i>	393
<i>Vterus hystericarum seminis auidissimus.</i>	385
<i>Vuule relaxatio 169. curatio.</i>	163
<i>Vulneris definitio 524. differentia ibid. simplicis cu-</i>	
<i>ratio 526. compositi 528. & seqq. nerui vulnerati.</i>	
535	
<i>Vulnerum capitis differentia.</i>	538

FINIS.

Privilège du Roy.

L O V I S par la grace de Dieu Roy de France & de Nauarre;
LA nos amez & teaux Conseillers, les gens tenans nos Cours
de Parlemens, Maistres des Requestes ordinaires de nostre
Hostel, Preuosté de Paris, Baillifs, Seneschaux, leurs Lieute-
nans & tous autres nos Officiers & Iusticiers qu'il appar-
tiendra, salut. Nostre bien amé L O V Y S B O V L A N G E R,
Marchand Libraire en nostre Vniuersité de Paris, Nous a fait
remonstrer qu'il a recouuert vn liure intitulé, *Ioannis Riola-
ni Patris Opera Medica; emendata, notis marginalibus
scholijsque aliquot locupletata*. Lequel il desireroit faire im-
primer. Mais il craint, qu'apres auoir fait de grands frais
pour l'impression d'iceluy, quelques autres ne le voulussent
entreprendre à son preiudice, s'il ne luy estoit par nous pour-
ueu. Nous requerant à cette fin humblement nos lettres sur ce
nécessaires: A ces causes, desirant fauorablement traicter le-
dit exoptant, luy auons permis & octroyé, permettons &
octroyons par ces presentes, d'imprimer ou faire imprimer,
vendre & distribuer ledit liure, en tel volume & caractère
que bon luy semblera, & ce durant le temps & espace de sept
ans, à compter du iour que ledit liure aura esté acheué d'im-
primer. Faisant defenses à toutes personnes, de quelques qua-
litez qu'ils soient, d'imprimer ou faire imprimer iceluy, en
quelque façon & maniere que ce soit, à peine de quatre mil li-
ures d'amende, applicable moitié à nous, & l'autre moitié au
suppliant, avec confiscation de tous les exemplaires qui se
pourront trouuer, despens, dommages & intersts. Voulons
& nous plaist, que tous les Libraires qui s'en trouueront saisis,
soient condamnés en pareille amende, que s'ils l'auoient imprime,
ou fait imprimer. A la charge d'en mettre trois exemplai-
res, sçauoir deux en nostre Bibliothèque, & le troisieme en
celle de nostre très-cher & feal Cheualier le sieur seigneur, Chan-
celier de France, suivant nostre reglement. Si vous mandons,
que du contenu en ces presentes vous fassiez & souffriez iouyr
ledit exoptant, ou ceux qui auront droit de luy: & au premier
nostre Huissier ou Sergent sur ce requis, faire pour l'exécution
des presentes tous exploits & saisies nécessaires, sans demander
autre congé ne pareatis, nonobstant oppositions ou appellations
quelconques, & sans preiudice d'icelles, clameur de haro,
chartres Normandes & lettres à ce contraires. Voulons qu'en
mettant en chacun exemplaire dudit liure, copie du present pri-
uilege, ou extrait d'iceluy, il soit tenu pour signifié. Car tel est
nostre plaisir. Donné à Paris le dix-septiesme iour d'Octobre,
l'an de grace mil six cens trente-sept, & de nostre regne le ving-
t-huit.

Signé, Par le Roy en son conseil, D E N I S O T.

Et scellé du grand sceau en cire jaune.

Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5491/A

